



ბ ე თ ლ ე მ ი

მ ა თ ე ს ს ა ხ ა რ ე ბ ა

თ ა ვ ი 1

იესოს წარმოშობა

1 წიგნი წარმოშობისა იესო ქრისტესი: დავითის ძისა, აბრაამის ძისა. ლუკ.3,24.

2 აბრაამმა შვა ისაკი; ისაკმა შვა იაკობი; იაკობმა შვა იუდა და მის ძმანი; დაბ.21,2;25,26;29,35.

3 იუდამ შვა ფერეცი და ზერახი თამარისგან; ფერეცმა შვა ხეცრონი; ხეცრონმა შვა რამი; დაბ.38,30;46,12. 15შტ.2,5. რუთ.4,18.

4 რამმა შვა ამინადაბი; ამინადაბმა შვა ნახშონი; ნახშონმა შვა სალმონი;

5 სალმონმა შვა ბოაზი რახაბისგან; ბოაზმა შვა ობედი რუთისგან; ობედმა შვა იესე. რუთ.4,21. 15შტ.2,11.

6 იესემ შვა დავით მეფე; დავით მეფემ შვა სოლომონი ურიას ცოლისგან. 1მფ.17,12. 2მფ.12,24.

7 სოლომონმა შვა რეხოვამი; რეხოვამმა შვა აბია; აბიამ შვა ასა. 3მფ.11,43;14,31. 1მფ.3,10.

8 ასამ შვა იოშათატი; იოშათატმა შვა იორამი; იორამმა შვა ყუზია;

9 ყუზიამ შვა იოთამი; იოთამმა შვა ახაზი; ახაზმა შვა ეზეკია;

10 ეზეკიამ შვა მენაშე; მენაშემ შვა ამონი; ამონმა შვა იოშია; 4მფ.20,21. 15შტ.3,13.

11 იოშიამ შვა იეხონია და მისი ძმანი ბაბილონში გასახლების წინ; 4მფ.23,34;24,6. 15შტ.3,16;36,4.

12 ბაბილონში გადასახლების შემდგომ იეხონიამ შვა შეალ-

თიელი; შეალთიელმა შვა ზერუბაბელი:

4მფ.24.15. 1მფ.3.17. 25შტ.36,8. ეზრა.3.2:5.2.

13 ზერუბაბელმა შვა აბიჰუდი; აბიჰუდმა შვა ელიაკიმი; ელიაკიმმა შვა აზორი;

14 აზორმა შვა ცადოკი; ცადოკმა შვა იახინი; იახინმა შვა ელიჰუდი;

15 ელიჰუდმა შვა ელეაზარი; ელეაზარმა შვა მათანი; მათანმა შვა იაკობი;

16 იაკობმა შვა იოსები, ქმარი მირიამისა, რომლისაგანაც იშვა იესო, რომელსაც ჰქვია ქრისტე.

17 ამრიგად მთელი მოდგმა აბრაამიდან დავითამდე – თოთხმეტი მოდგმა; დავითიდან ბაბილონში გადასახლებამდე – თოთხმეტი მოდგმა; ბაბილონში გადასახლებიდან ქრისტემდე – თოთხმეტი მოდგმა.

იესოს შობა

18 ხოლო იესო ქრისტეს შობა ასე მოხდა: მისი დედის, მარიამის იოსებზე დანიშვნის შემდეგ, ვიდრე ისინი შეუღლდებოდნენ, იგი აღმოჩნდა სულიწმიდისაგან დაორსულებული. ლუკ.1,27.

19 ხოლო იოსები, მისი ქმარი, მართალი იყო, და არ ისურვა მისი მხილება, უნდოდა ფარულად გაეშვა იგი.

20 როცა ამას ფიქრობდა, აჰა, ერვენა მას სიზმარში უფლის ანგელოზი და უთხრა: „იოსებ, ძეო დავითისა, ნუ გაშინებს შენი ცოლის, მარიამის მილება, ვინაიდან ის, ვინც მასშია ჩასახული, სულიწმიდისგან არის.

21 ძეს შობს და დაარქმევ მას სახელად იესოს, ვინაიდან იგი იხსნის თავის ხალხს მათი ცოდვებისაგან.“

ლუკ.1.31. საქ.4,12. 1იოან.2.2. რომ.3,24.

22 ყოველივე ეს მოხდა, რათა აღსრულდეს უფლის ნათქვამი წინასწარმეტყველის მიერ, რომელიც ამბობს:

23 „აჰა, მუცლადიღებს ქალწული, შობს ძეს და უწოდებს სახელად ემანუელს, რაც თარგმანით ნიშნავს: ჩვენთან არს ღმერთი.“

ეს.7,14.

24 სიზმრისაგან გამოფხიზლებული იოსები ისე მოიქცა, როგორც უფლის ანგელოზმა უბრძანა, და მიიღო თავისი ცოლი.

25 არ გაჰკარებია მას, ვიდრე არა შვა თავისი ძე და დაარქვა მას იესო.

ლუკ.2.21.

თ ა ვ ი 2

მოგვები აღმოსავლეთიდან

1 როცა იესო იშვა იუდეის ბეთლემში, მეფე ჰეროდეს დღეებში, იერუსალიმში მოვიდნენ მოგვები აღმოსავლეთიდან და თქვეს:

ლუკ.2.16.

2 „სად არის იუდეველთა მეფე, რომ იშვა? ვინაიდან ვიხილეთ მისი ვარსკვლავი აღმოსავლეთში და მოვედით, რათა თაყვანი ვცეთ მას.“
რიც.24,17. ეს.60,3.

3 ეს რომ გაიგონა, შეძრწუნდა მეფე ჰეროდე და მასთან ერთად მთელი იერუსალიმი.

4 შეკრიბა ყველა მღვდელმთავარი და ხალხის მწიგნობარნი და ჰკითხა მათ, სად უნდა შობილიყო ქრისტე.

5 მათ კი უთხრეს მას: „იუდეის ბეთლემში. ვინაიდან ასეა დაწერილი წინასწარმეტყველის მიერ:

6 'და შენ ბეთლემო, იუდას მიწავ, არაფრითა ხარ უმცირესი იუდას მთავრებს შორის; ვინაიდან შენგან გამოვა წინამძღოლი, რომელიც დამწყემსავს ჩემს ხალხს, ისრაელს.'“
მიქ.5,2 1იოან.7,42.

7 მაშინ ჰეროდემ მალულად დაიბარა მოგვები და გამოიკითხა ვარსკვლავის გამოჩენის ჟამი.

8 წარგზავნა ისინი ბეთლემს, და უთხრა: „წადით, გულმოდგინედ გამოიკითხეთ იმ ყრმის ამბავი და როცა იპოვით, შემატყობინეთ, რომ მეც მივიდე და თაყვანი ვცე მას.“

9 მათაც მოუსმინეს მეფეს და წავიდნენ, და აჰა, ვარსკვლავი, რომელიც მათ აღმოსავლეთში იხილეს, წინ უძღოდა მათ, ვიდრე მივიდოდა და დადგებოდა იმ ადგილზე, სადაც ყრმა იყო.

10 ვარსკვლავი რომ დაინახეს, მათ მეტისმეტი სიხარულით გაიხარეს.

11 როცა სახლში შევიდნენ, დაინახეს ყრმა მარიამთან, თავის დედასთან, დაემხნენ და თაყვანი სცეს მას; გახსნეს თავიანთი საუნჯენი და მიართვეს მას ძღვენი: ოქრო, გუნდრუკი და მური.
ფსალ.60,6.

12 და რაკი სიზმარში იყვნენ გაფრთხილებულნი, რომ არ დაბრუნებულყვნენ ჰეროდესთან, სხვა გზით წავიდნენ თავიანთ ქვეყანაში.

13 როცა ისინი წავიდნენ, უფლის ანგელოზი გამოეცხადა სიზმარში იოსებს და უთხრა: „ადექი, წაიყვანე ყრმა და მისი დედა, და გაიქეცი ეგვიპტეს და იყავი იქ, ვიდრე მე გეტყოდე. ვინაიდან ჰეროდეს სურს მაგ ყრმის მოძებნა, რათა დაღუპოს იგი.“

ეგვიპტეში გაქცევა

14 ადგა, ღამით წაიყვანა ყრმა და დედამისი, და მივიდა ეგვიპტეს.

15 იქ იყო ჰეროდეს სიკვდილამდე, რათა აღსრულებულიყო უფლის ნათქვამი წინასწარმეტყველის მიერ, რომელიც ამბობს: „ეგვიპტიდან მოვუხმე ჩემს ძეს.“
ოსე.11,1.

ყრმათა ჟლეტა

16 ძალიან განრისხდა ჰეროდე, როცა ნახა, რომ გააწბილეს მოგვებმა. მიაგლინა და მოაკვლევინა ყოველი ყრმა ორი წლისა

და იმაზე უმცროსები ბეთლემში და მთელ მის სანახებში, იმ დროის მიხედვით, როგორც მოგვთაგან გამოიძია.

17 მაშინ აღსრულდა წინასწარმეტყველ იერემიას მიერ ნათქვამი, რომელიც ამბობს:

18 „ხმა გაისმა რამაში, ტირილი და დიდი გოდება, რახელი დასტირის თავის შვილებს და არ სურს თავი ინუგეშოს, ვინაიდან აღარ არიან ისინი.“
იერ.31,15.

ეგვიპტიდან დაბრუნება

19 ჰეროდეს სიკვდილის შემდეგ კი, აჰა, ეგვიპტეში იოსებს სიზმრად გამოეცხადა უფლის ანგელოზი

20 და უთხრა: „ადექი, წაიყვანე ყრმა და დედამისი, და წადი ისრაელის ქვეყანაში, ვინაიდან დაიხოცნენ, ვინც მაგ ყრმის სულს ეძებდნენ.“

21 იგი ადგა, წაიყვანა ყრმა და დედამისი და ავიდა ისრაელის ქვეყანაში.

22 ხოლო როცა გაიგო, რომ მამამისის, ჰეროდეს ნაცვლად არქელაოსი მეფობს იუდაში, შეეშინდა იქ წასვლისა, მაგრამ სიზმრად მიიღო გაფრთხილება და წავიდა გალილეის მხარეში,

23 მივიდა და დასახლდა ნაზარეთად წოდებულ ქალაქში, რათა აღსრულებულიყო წინასწარმეტყველის მიერ ნათქვამი, რომ მას ნაზარეველი დაერქმეოდა.
მსჯ.13,5. ეს.11,1-2.

თ ა ვ ი 3

იოანე ნათლისმცემლის ქადაგება

1 იმ დღეებში მოვიდა იოანე ნათლისმცემელი და ქადაგებდა იუდეას უდაბნოში.
მარ.1,4. ლუკ.3,33. იოან.1,28. საქ.13,24.

2 ამბობდა: „მოინანიეთ, ვინაიდან მოახლოებულია ცათა სასუფეველი.

3 ვინაიდან ეს არის ის, რომლის შესახებაც თქვა ესაია წინასწარმეტყველმა: ‘ხმა მლაღაღებლისა უდაბნოში: განუმზადეთ გზა უფალს, მოასწორეთ მისი ბილიკები.’“
ეს.40,3. მარ.1,3. ლუკ.3,4. იოან.1,23.

4 თვითონ იოანეს ემოსა აქლემის ბეწვის სამოსი და წელზე ერტყა ტყავის სარტყელი; ხოლო საზრდოდ ჰქონდა კალია და ველური თაფლი.
მარ.1,6.

5 მაშინ მასთან გამოდიოდა იერუსალიმი, მთელი იუდეა და მთელი იორდანეს სანახები.

6 ინათლებოდნენ მისგან იორდანეში და აღიარებდნენ თავიანთ ცოდვებს.

7 როცა იოანემ დაინახა მისკენ მოსანათლაგად მომავალი

მრავალი ფარისეველი და სადუკეველი, უთხრა მათ: „იქედნეთა ნაშობნო, ვინ შთაგაგონათ მომავალ რისხვას გაქცეოდით?“

მათ.23,33. ლუკ.3,7.

8 მაშ, შექმენით მონანიების ღირსი ნაყოფი;

9 და ნუ იფიქრებთ, თქვათ თქვენთვის: ჩვენ მამად აბრაამი გვყავსო, ვინაიდან, გეუბნებით თქვენ, ღმერთს შეუძლია ამ ქვებიდან აღუდგინოს აბრაამს შვილები.

იოან.8,39. საქ.13,26.

10 ცულიც უკვე დევს ხეთა ფესვთან. ყოველ ხეს, რომელიც კეთილ ნაყოფს არ გამოიღებს, მოჭრიან და ცეცხლში ჩააგდებენ.

მათ.7,19.

11 მე წყლით გნათლავთ მოსანანიებლად; მაგრამ ჩემს შემდეგ მომავალი ჩემზე ძლიერია,ვისი სანდლის ტარების ღირსიც არა ვარ. ის მოგნათლავთ თქვენ სულიწმიდით და ცეცხლით.“

მარ.1,8. ლუკ.3,16. იოან.1,26. საქ.1,5;2,2.

12 მისი ნიჩაბი მის ხელთაა. ის გაწმედს თავის კალოს, ბელელში მოაგროვებს თავის ხორბალს, ხოლო ბზეს დაწვავს ჩაუქრობელი ცეცხლით.

მარ.1,9. ლუკ.3,21.

ნათლისღება

13 მაშინ გალილეიდან იორდანეს მოვიდა იესო იოანესთან, რათა მის მიერ მონათლულიყო.

მარ.1,9. ლუკ.3,21. ლუკ.3,7.

14 ხოლო იოანე წინაღუდგა და უთხრა: „მე უნდა მოვინათლო შენგან, შენ კი ჩემთან მოდიხარ?“

15 მაგრამ იესომ მიუგო პასუხად: „ასე იყოს, ვინაიდან ასე გვმართებს ჩვენ მთელი სიმართლის აღსრულება.“ მაშინ იოანემ მიუშვა იგი.

16 ნათელღებული იესო მაშინვე ამოვიდა წყლიდან და აჰა, გაიხსნენ ცანი, და მან იხილა ღვთის სული, მტრედისვით გარდმომაგალი, მასზე რომ ეშვებოდა.

ლუკ.3,21. იოან.1,32.

17 აჰა, ხმა ციდან მეტყველი: „ეს არის ჩემი საყვარელი ძე, რომელიც მოვიწონე მე.“

მარ.1,11. ლუკ.3,22. იოან.5,37. 2პეტ.1,17. კოლ.1,13.

თ ა ვ ი 4

იესოს გამოცდა მაცდურის მიერ

1 მაშინ სულმა წაიყვანა იესო უდაბნოში ეშმაკისაგან გამოსაცდელად.

2 ორმოც დღეს და ორმოც ღამეს იმარხულა. ბოლოს მოშივდა.

3 მიუახლოვდა მას მაცდური და უთხრა: „თუ შენ ღვთის ძე ხარ, თქვი, რომ ეს ქვები პურებად იქცნენ.“

4 ხოლო მან მიუგო პასუხად: „დაწერილია, რომ არა პურითა ერთითა ცოცხლობს კაცი, არამედ ღვთის პირიდან მომდინარე ყოველი სიტყვით.“

2შჯ.8,3. ლუკ.4,4.

5 მაშინ წაიყვანა იგი ეშმაკმა წმიდა ქალაქში და დააყენა ტაძრის ქიმზე.

6 უთხრა მას: „თუ ღვთის ძე ხარ, გადაიგდე თავი ძირს, ვინაიდან დაწერილია: 'თავის ანგელოზებს უბრძანებს შენზე და ისინი ხელში აყვანილს გატარებენ, რათა ქვას ფეხი არ წამოკრა.'“
ფსალ.90,11-12. ლუკ.4,10.

7 იესომ უთხრა მას: „ასევე დაწერილია: 'არ გამოსცადო უფალი, ღმერთი შენი.'“
2შჯ.6,16. ლუკ.4,12.

8 ისევ წაიყვანა იგი ეშმაკმა ძალიან მაღალ მთაზე, უჩვენა წუთისოფლის ყველა სამეფო და მათი დიდება.

9 უთხრა მას: „ყოველივე ამას შენ მოგცემ, თუ დამხობილი თაყვანს მცემ.“

10 მაშინ იესომ უთხრა: „განვედ, სატანავ, ვინაიდან დაწერილია: 'უფალს, შენს ღმერთს ეცი თაყვანი და მხოლოდ მას ემსახურე.'“
2შჯ.6,13;10,20. ლუკ.4,8.

11 მაშინ მიატოვა იგი ეშმაკმა და, აჰა, ანგელოზები მიეახლნენ და ემსახურნენ მას.

12 გაიგო იესომ, რომ იოანე დაპატიმრებულია, და წავიდა გალილეას.
მარ.1,14. ლუკ.4,14. იოან.4,43.

13 მიატოვა ნაზარეთი, მივიდა და დასახლდა ზღვის პირას მდებარე კაპერნაუმში, ზებულუნისა და ნეფთალის საზღვრებში.

14 რათა აღსრულდეს ესაია წინასწარმეტყველის მიერ ნათქვამი, რომელიც ამბობს:

15 „ზებულუნის მიწა და ნეფთალის მიწა, ზღვისპირა გზა იორდანეს გაღმით, წარმართთა გალილეა.“

16 ხალხმა, რომელიც ბნელში იჯდა, იხილა დიდი ნათელი, ჩრდილის ქვეყანაში მსხდომთ ნათელი ამოუბრწყინდათ.

17 იმ დროიდან მოყოლებული დაიწყო იესომ ქადაგება და ამბობდა: „მოინანიეთ, ვინაიდან მოახლოებულია ცათა სასუფეველი.“
მარ.1,15.

სიმონის, ანდრიას, იაკობისა და იოანეს მოწოდება

18 როცა გალილეის ზღვის ნაპირას მიდიოდა, მან დაინახა ორი ძმა: სიმონი, პეტრედ წოდებული, და ანდრია, მისი ძმა. ბადეებს ისროდნენ ზღვაში, ვინაიდან მეზადურები იყვნენ.

მარ.1,16.

19 უთხრა მათ: „მომყევით მე და აღამიანთა მეზადურებად გაქცევთ.“

20 მათ მყისვე მიატოვეს ბადეები და გაჰყვნენ მას.

21 იქიდან წამოვიდა და დაინახა სხვა ორი ძმა: იაკობი, ზებედეს ძე და იოანე, მისი ძმა, რომელნიც თავიანთ მამასთან, ზებედესთან ერთად ნავში ბადეებს აკერებდნენ, და მოუხმო მათ.

22 მათ მყისვე მიატოვეს ნავი და მამაც და გაჰყვნენ მას.

ქადაგება და განკურნება გალილეაში

23 მიმოდრიოდა იესო მთელ გალილეაში, ასწავლიდა მათ სინაგოგებში, ქადაგებდა სასუფეველის სახარებას და კურნავდა ყოველგვარ სენს, ყოველნაირ უძლურებას ადამიანებში.

24 მოედო მისი ამბავი მთელ სირიას. მოჰყავდათ მასთან ყველა უძლური, სხვადასხვა სნეულებით და სატანჯველით შეპყრობილნი, ეშმაკეულნი, მთვარეულნი, დავრდომილნი და ის კურნავდა მათ. მარ.6.55.

25 დიდძალი ხალხი მისდევდა მას გალილეიდან და ათქალაქიდან, იერუსალიმიდან და იუდეიდან და იორდანეს გაღმიდან. ლუკ.6.17.

თ ა ვ ი 5

ქადაგება მთაზე

1 **დაინახა** ხალხი და ავიდა მთაზე. როცა დაჯდა, მივიდნენ მასთან მისი მოწაფეები.

2 მან გახსნა ბაგე, ასწავლიდა მათ და ეუბნებოდა:

3 „ნეტარ არიან სულით ღარიბნი, ვინაიდან მათია ცათა სასუფეველი. მათ.5.3. ლუკ.6.21.

4 ნეტარ არიან მგლოვიარენი, ვინაიდან ისინი ნუგეშდებიან. ლუკ.6.20.

5 ნეტარ არიან თვინიერნი, ვინაიდან ისინი დაიმკვიდრებენ ქვეყანას. მათ.5.3. ლუკ.6.21.

6 ნეტარ არიან სიმაღლისათვის მშიერ-მწყურვალნი, ვინაიდან ისინი გაძლებიან. მათ.5.3. ლუკ.6.21.

7 ნეტარ არიან მოწყალენი, ვინაიდან ისინი შეწყალებულნი იქნებიან. მათ.5.3. ლუკ.6.21.

8 ნეტარ არიან გულით სუფთანი, ვინაიდან ისინი ღმერთს იხილავენ. მათ.5.3. ლუკ.6.21.

9 ნეტარ არიან მშვიდობის მყოფენი, ვინაიდან ღმერთის ძეებად იწოდებიან. მათ.5.3. ლუკ.6.21.

10 ნეტარ არიან სიმაღლისათვის დევნილნი, ვინაიდან მათია სასუფეველი ცათა. მათ.5.3. ლუკ.6.21.

11 ნეტარ ხართ თქვენ, როცა გაგლანძლავენ, გაგდევნიან და ყოველნაირად ბოროტს იტყვიან თქვენზე ჩემს გამო. მათ.5.3. ლუკ.6.21.

12 იხარეთ და იმხიარულეთ, ვინაიდან დიდია თქვენი საზღაური ცაში. ასევე დევნიდნენ წინასწარმეტყველთ, რომლებიც თქვენზე უწინ იყვნენ. მათ.5.3. ლუკ.6.21.

თქვენ ხართ მარილი. თქვენ ხართ ნათელი

13 „თქვენ ხართ მარილი მიწისა. თუ მარილი განქარდა რილათი დამარილდეს? ის უკვე აღარაფრად გამოდგება, მხოლოდ გარეთ უნდა გადაყარო კაცთაგან გასათელად. მათ.5.3. ლუკ.6.21.

14 თქვენ ხართ წუთისოფლის ნათელი. მთის წვერზე მდებარე ქალაქი ვერ დაიმალება. ფილ.2,15.

15 სანთელს რომ ანთებენ, ჭურჭელქვეშ კი არ დგამენ, არამედ სასანთლეზე, ყველას გაუჩნათოს სახლში.

მარ.4,21. ლუკ.8,16;11,33.

16 ასევე ანთებდეს თქვენი ნათელი ადამიანთა წინაშე, რათა ხედავდნენ ისინი თქვენს კეთილ საქმეებს და აღიღებდნენ თქვენს მამას, რომელიც ზეცაშია. 1პეტ.2,12. ფილ.2,15.

არა დასარღვევად, არამედ აღსასრულებლად

17 „არ იფიქროთ, თითქოს რჯულის ან წინასწარმეტყველთა გასაუქმებლად მოვედი. გასაუქმებლად კი არა, აღსასრულებლად მოვედი.

18 ჭეშმარიტად გეუბნებით თქვენ: ვიდრე ცა და დედამიწა არ გადაივლის, არც ერთი იოტა ანდა არც ერთი წერტილი არ გადაივლის რჯულისა, ვიდრე ყოველივე არ აღსრულდება.

ლუკ.16,17.

19 ამრიგად, ვინც დაარღვევს ერთს ამ უმცირეს მცნებათაგანს და ისე ასწავლის ადამიანებს, უმცირესი დაერქმევა მას ცათა სასუფეველში; ხოლო ვინც ასრულებს და ასწავლის, მას დიდი დაერქმევა ცათა სასუფეველში.

20 ვინაიდან, გეუბნებით თქვენ, თუ თქვენი სიმართლე არ აღემატება მწიგნობართა და ფარისეველთა სიმართლეს, ვერ შეხვალთ ცათა სასუფეველში.

მრისხანებაზე და მკვლელობაზე

21 „თქვენ გსმენიათ, უთქვამთ ძველებისთვის: ‘არა კლა! ვინც მოკლავს სასჯელის თანამდები იქნება.

გამოს.20,13. 2შჯ.5,17. მათ.19,18. მარ.10,19.

22 მე კი გეუბნებით თქვენ: ვინც უმიზეზოდ განურისხდება თავის ძმას, სასჯელის თანამდები იქნება; ვინც თავის ძმას ეტყვის რაკა, სინედრიონის თანამდები იქნება; ხოლო რომელიც ეტყვის სულელო, ცეცხლის გეენის თანამდები იქნება.

23 ამიტომ, თუ მიიტან შენს ძღვენს სამსხვერპლოზე და იქ გაგახსენდება, რომ შენს ძმას რაიმე აქვს შენს წინააღმდეგ,

24 მიატოვე იქ შენი ძღვენი სამსხვერპლოსთან და წადი, შენს ძმას შეურიგდი; შემდეგ მოდი და შესწირე შენი ძღვენი.

25 შეურიგდი შენს მეტოქეს სასწრაფოდ, ვიდრე მასთან ერთად გზას ადგახარ, რომ მეტოქემ არ გადაგცეს მსაჯულს, ხოლო მსაჯულმა არ გადაგცეს მსახურს და არ ჩაგადგონ საპყრობილეში. ლუკ.12,58.

26 ჭეშმარიტად გეუბნები შენ: იქიდან ვერ გამოხვალ, ვიდრე უკანასკნელ კოდრანტს არ გადაიხდი.

გულისთქმით შეხედვა

27 „გსმენიათ, რომ თქმულა: ‘არ იმრუშო.’ გამოს.20,14. 2შჯ.5,18.

28 მე კი გეუბნებით, რომ ყველა, ვინც ქალს გულისთქმით უყურებს, მან უკვე იმრუშა მასთან თავის გულში.

29 თუ გაცდუნებს შენი მარჯვენა თვალი, ამოითხარე და გადააგდე, ვინაიდან უმჯობესია შენთვის, რომ ერთი ასოთაგანი დაგელუბოს, ვიდრე მთელი შენი სხეული გეენაში ჩავარდეს.

2შჯ.13,6-8. მათ.18,8-9. მარ.9,43.47.

30 თუ შენი მარჯვენა ხელი გაცდუნებს, მოიკვეთე იგი და გადააგდე, ვინაიდან უმჯობესია შენთვის, რომ ერთი ასოთაგანი დაგელუბოს, ვიდრე მთელი შენი სხეული გეენაში ჩავარდეს.

გაყრისათვის

31 „ასევე ნათქვამია: ‘ვინც თავის ცოლს გაუშვებს, მისცეს მას გაყრის მოწმობა.’ 2შჯ.24,1. მათ.19,7. მარ.10,4.11. ლუკ.16,18.

32 მე კი გეუბნებით თქვენ: ყოველი, ვინც თავის ცოლს გაუშვებს სიძვის მიზეზის გარეშე, იგი მას მრუშად აქცევს; ვინც გაშვებულს შეირთავს, მრუშობს.

33 კიდევ გსმენიათ, რომ უთქვამთ ძველებისთვის: ‘არ დაიფიცო ტყუილად, არამედ შეასრულე შენი ფიცი უფლის წინაშე.’

გამოს.20,7. ლევ.19,12. 2შჯ.23,21.

34 მე კი გეუბნებით თქვენ: სულ არ დაიფიცოთ არც ცა, რადგან ღვთის ტახტია იგი;

35 არც ქვეყანა, რადგან მის ფერხთა კვარცხლბეკია იგი; არც იერუსალიმი, რადგან დიდი მეფის ქალაქია იგი.

36 არც საკუთარი თავი დაიფიცო, რადგან ერთი ღერი თმის გათეთრება ან გაშავება არ შეგიძლია.

37 არამედ იყოს თქვენი სიტყვა: ჰო – ჰო, არა – არა. რაც ამაზე მეტია, ის ბოროტისგანაა.

იაკ.5,12.

თვალი თვალისა წილ. მეორე ლოყაც

38 „თქვენ გსმენიათ, რომ თქმულა: ‘თვალი თვალისა წილ და კბილი კბილისა წილ.’

გამოს.21,24. ლევ.24,20. 2შჯ.19,21.

39 მე კი გეუბნებით თქვენ: წინ ნუ აღუდგებით ბოროტს; არამედ, თუ ვინმემ მარჯვენა ლოყაში გაგაწნას, მეორე ლოყაც მიუშვირე.

ლუკ.6,29. იაკ.3,13. რომ.12,17. 1კორ.6,7. 1თეს.5,15.

40 ვინც მოისურვებს შენს განკითხვას და შენი მოსასხამის წაღებას, სამოსელიც თან გაატანე მას.

41 ვინც ერთ მილზე წაყოლა გაიძულოს, ორზე გაჰყევი.

42 ვინც გთხოვოს, მიეცი; ზურგს ნუ შეაქცევ მას, ვისაც შენგან სესხება სურს.

2შჯ.15,7. ლუკ.6,34.

შეიყვარეთ თქვენი მტრები

43 „თქვენ გსმენიათ, რომ თქმულა: ‘შეიყვარე მოყვასი შენი

და შეიძულე მტერი შენი.'

ლევ.19,17;12,17-18. მათ.22,39. მარ.12,31. იაკ.2,8. რომ.13,9.

44 მე კი გეუბნებით: გიყვარდეთ თქვენი მტრები, დალოცეთ თქვენი მაწყევრები, სიკეთე უყავით თქვენს მოძულეებს და ილოცეთ მათთვის, ვინც თქვენ გავიწროებთ და გღეგნით.

ლუკ.6,27. საქ.7,60. 1კორ.4,12.

45 რათა იყოთ თქვენი ზეციერი მამის ძენი, ვისაც თავისი მზე ამოჰყავს ბოროტთა და კეთილთა თავზე და წვიმას უგზავნის მართლებსა და უსამართლოებს.

ლუკ.6,35.

46 ვინაიდან, თუ თქვენ თქვენი მოყვარულები გეყვარებათ, რა იქნება თქვენი საზღაური? განა მებაჟეებიც ასევე არ იქცევიან?

47 თუ მხოლოდ თქვენს ძმებს მოიკითხავთ, განსაკუთრებულს რას გააკეთებთ? განა წარმართებიც ასევე არ იქცევიან?

48 მაშ, იყავით სრულყოფილნი, ისევე როგორც თქვენი ზეციერი მამაა სრულყოფილი.

თ ა ვ ი 6

სწავლება მოწყალებისათვის

1 „ერიდეთ სიმართლის კეთებას ადამიანთა თვალწინ, მათ დასანახად; თორემ ვერ მიიღებთ საზღაურს თქვენი ზეციერი მამისაგან.

2 ჰოდა, როცა მოწყალებას გასცემ, ნუ გაახმაურებ შენს წინაშე, როგორც თვალთმაქცი აკეთებენ სინაგოგებსა და ქუჩებში, რათა ხალხმა აქოს ისინი. ჭეშმარიტად გეუბნებით თქვენ: მათ უკვე მიიღეს თავიანთი საზღაური.

3 შენ კი, როცა მოწყალებას გასცემ, შენს მარცხენას ნუ ეცოდინება, რას აკეთებს შენი მარჯვენა.

4 რათა შენი მოწყალება დაფარულში იყოს; და მამაშენი, რომელიც ხედავს დაფარულში, მოგიზღავს შენ ცხადად.

ლოცვისათვის

5 „როცა ლოცულობთ, ნუ იქნებით, როგორც თვალთმაქცი, რომელთაც უყვართ სინაგოგებსა და ქუჩის კუთხეებში დგომა და ლოცვა, რათა ხალხს თავი მოაჩვენონ. ჭეშმარიტად გეუბნებით თქვენ: მათ უკვე მიიღეს თავიანთი საზღაური.

6 შენ კი, როცა ლოცულობ, შედი შენს ოთახში, ჩაიკეტე კარი და ილოცე დაფარულში მყოფი შენი მამისადმი; და შენი მამა, რომელიც დაფარულში ხედავს, მოგიზღავს შენ.

7 ხოლო ლოცვის დროს ნუ ილაპარაკებთ ზედმეტს, როგორც წარმართები, ვინაიდან მათ ჰგონიათ, რომ თავიანთი მრავალსიტყვაობის გამო შესძენილ იქნებიან.

8 ნუ მიბაძავთ მათ, ვინაიდან თქვენმა მამამ იცის, რა გიჭირთ თქვენ, ვიდრე სთხოვდეთ.

მამაო ჩვენო

9 თქვენ კი ასე ილოცეთ: მამაო ჩვენო, რომელი ხარ ცათა შინა, წმიდა იყოს სახელი შენი; ლუკ.11,2.

10 მოვიდეს სუფევა შენი, და იყოს ნება შენი, ვითარცა ცათა შინა, ეგრეცა ქვეყანასა ზედა;

11 პური ჩვენი არსობისა მოგვეცე ჩვენ დღეს;

12 და მოგვიტევე ჩვენ თანანადებნი ჩვენი, ვითარცა ჩვენ მივუტევეთ თანამდებთა ჩვენთა;

13 და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან. რადგან შენია სუფევა და ძალი და დიდება საუკუნეთა მიმართ. ამინ.

14 ვინაიდან თუ თქვენ მიუტევეთ ადამიანებს მათ შეცოდებებს, თქვენც მოგიტევეთ თქვენი ზეციერი მამა. მარ.11,25.

15 ხოლო თუ თქვენ არ მიუტევეთ ადამიანებს მათ შეცოდებებს, არც თქვენი მამა მოგიტევეთ თქვენს შეცოდებებს.

მარხვისათვის

16 „ასევე როცა მარხულობთ, ნუ იქნებით მწუხარენი, როგორც თვალთმაქცი; ვინაიდან ისინი იმწუხრებენ სახეებს, რათა ადამიანებს მარხულებად აჩვენონ თავი. ჭეშმარიტად გეუბნებით თქვენ: მათ უკვე მიიღეს თავიანთი საზღაური.

17 ხოლო შენ, როდესაც მარხულობ, ზეთი იცხე თავზე და დაიბანე პირი,

18 რათა ადამიანებს კი არ ეჩვენო მარხულად, არამედ დაფარულში მყოფ შენს მამას; და შენი მამა, რომელიც ხედავს დაფარულში, ცხადად მოგიზღავს.

19 ნუ დაიუნჯებთ დედამიწაზე, სადაც ჩრჩილი და ჟანგი სპობს და სადაც ქურდები თხრიან და იპარავენ.

20 დაიუნჯეთ ცაში, სადაც არც ჩრჩილი და ჟანგი სპობს და სადაც არც ქურდები თხრიან და იპარავენ. ლუკ.12,21. ტიმ.6,19.

21 ვინაიდან, სადაც შენი საუნჯეა, შენი გულიც იქვე იქნება.

თვალი სანთელია

22 „სხეულის სანთელი თვალია; ჰოდა, თუ შენი თვალი სუფთაა, მთელი შენი სხეულიც ნათელი იქნება. ლუკ.11,34.

23 ხოლო თუ შენი თვალი ბოროტია, მთელი შენი სხეულიც ბნელი იქნება. ამრიგად, თუკი ნათელი, რომელიც შენშია, სიბნელეა, სიბნელე რამდენად დიდი იქნება?

ორი ბატონის სამსახური

24 „არავის არ შეუძლია ორ ბატონს ემსახუროს: ან ერთი უნდა სძულდეს და მეორე უყვარდეს; ანდა იმ ერთს შეეთვისოს

და მეორე დაამციროს. ვერ შეძლებთ ღმერთსაც ემსახუროთ და მამონასაც. ლუკ.16,13.

25 ამიტომ გეუბნებით თქვენ: ნუ ზრუნავთ თქვენი სულისათვის, რა ჭამოთ ან რა სვათ, ნურც თქვენი სხეულისათვის, თუ რითი შეიმოსოთ. განა სული საზრდოზე მეტი არ არის და სხეული – სამოსელზე? ფსალ.54,23. ლუკ.12,22. 1პეტ.5,7.

26 შეხედეთ ცის ფრინველებს: ისინი არც თესავენ, არც მკიან, არც ბელლებში აგროვებენ, და თქვენი ზეციერი მამა ასაზრდოებს მათ. განა თქვენ მათზე ბევრად უკეთესნი არა ხართ?

27 რომელ თქვენგანს შეუძლია ზრუნვით თავის სიმაღლეს ერთი წყრთა შემატოს?

28 სამოსელზე რაღას ზრუნავთ? შეხედეთ ველის შროშანებს, როგორ იზრდებიან: არც შრომობენ, არც ართავენ.

29 მაგრამ გეუბნებით თქვენ, რომ სოლომონიც კი, მთელ თავის დიდებაში, არ შემოსილა ისე, როგორც ერთი ამათგანი.

30 თუკი მინდვრის ბალახს, რომელიც დღეს არის, ხვალ კი თონეში ჩაიყრება, ღმერთი ასე მოსაგს, თქვენ უფრო მეტად არ შეგმოსავთ, მცირედ მორწმუნენო?

31 ამრიგად, ნუ ზრუნავთ და ნუ ამბობთ: რა გჭამოთ? ან: რა ვსვათ? ან: რით შევიმოსოთო?

32 ვინაიდან ყოველივე ამას წარმართნი ეძებენ; ვინაიდან თქვენმა ზეციერმა მამამ იცის, რომ თქვენ გჭირდებათ ყოველივე ეს.

33 თქვენ კი უწინარეს ეძიეთ ღვთის სასუფეველი და მისი სიძართლე, და ეს ყოველივე შეგემატებათ.

ლუკ.12,31. მარ.10,30. 1ტიმ.4,8.

34 ამრიგად, ნუ იზრუნებთ ხვალინდელ დღეზე, ვინაიდან ხვალინდელი დღე თვითონ იზრუნებს თავის თავზე. ყოველ დღეს საკმარისად აქვს თავისი საზრუნავი.

თ ა ვ ი 7

ბეწვი და ღირე

1 „ნუ განიკითხავთ, რათა არ განიკითხოთ. ლუკ.6,37. რომ.2,1. 1კორ.4,5.

2 ვინაიდან რომელი განკითხვითაც განიკითხავთ და რომელი საწყაოთიც მიუწყავთ, იმავეთი მოგეწყვებათ თქვენ.

მარ.4,24. ლუკ.6,38.

3 რად უყურებ ბეწვს შენი ძმის თვალში, ხოლო საკუთარ თვალში ღირესაც კი არ ამჩნევ? ლუკ.6,41.

4 ანდა როგორ ეტყვი შენს ძმას: მიმიშვი, ამოგიღო თვალიდან ბეწვიო, და აჰა, შენ თვალში კი ღირეა!

5 თვალთმაქცო, ჯერ შენი თვალიდან ღირე ამოიღე და მერე დაინახავ, როგორ ამოიღო ბეწვი შენი ძმის თვალიდან.

6 ნუ მისცემთ წმიდას ძაღლებს და ნურც თქვენს მარგალიტებს დაუყრით წინ ღორებს, რათა ფეხებით არ გათელონ ისინი და შემობრუნებისას თქვენც არ დაგგლიჯონ.

ექებეთ და იპოვით

7 „ითხოვეთ და მოგეცემათ; ეძებეთ და იპოვით; დააკაკუნეთ და გაგელებათ. მათ.21,22. მარ.11,24. ლუკ.11,9. იოან.14,13.

8 ვინაიდან ყოველი, ვინც ითხოვს, ლეულობს, ვინც ეძებს პოულობს და ვინც აკაკუნებს, გაელება.

9 არის კი თქვენს შორის ისეთი კაცი, საკუთარი შვილი პურს სთხოვდეს და ის კი ქვას აძლევდეს? ლუკ.11,11.

10 ანდა თევზი რომ სთხოვოს, გველი მიაწოდოს?

11 ჰოდა, თუ თქვენ, ბოროტებმა, იცით კეთილ მისაცემელთა მიცემა თქვენი შვილებისთვის, მეტადრე თქვენი ზეციერი მამა მისცემს სიკეთეს იმას, ვინც სთხოვს.

12 ამიტომ, ყველაფერში, როგორც გინდათ, რომ მოგექცნენ ადამიანები, თქვენც ისევე მოექცით მათ. ვინაიდან ეს არის რჯული და წინასწარმეტყველნი. ლუკ.6,31.

როგორც ვიწრო გზა სიცოცხლისაკენ

13 „შედით ვიწრო კარიბჭით, ვინაიდან ფართოა კარიბჭე და განიერია გზა, რომელსაც დაღუპვისაკენ მიჰყავს, და მრავალნი დადიან მასზე.

14 ვინაიდან ვიწროა კარიბჭე და ვიწროა გზა, რომელსაც სიცოცხლისაკენ მიჰყავს, და მცირედნი ჰპოვებენ მას.

ცრუწინასწარმეტყველი ნაყოფით იცნობა

15 „ერიდეთ ცრუ წინასწარმეტყველებს, რომლებიც ცხვრის სამოსით მოდიან თქვენთან, შინაგანად კი მტაცებელი მგლები არიან. იერ.23,16. მათ.24,4. 1იოან.4,1.

16 მათი ნაყოფით იცნობთ მათ. განა ეკლიდან ყურძენს კრეფენ ან ბირკავადან ლელვს?

17 ასე, ყოველი კარგი ხე ნაყოფსაც კარგს იძლევა, ხოლო ცუდი ხე ნაყოფსაც ცუდს იძლევა.

18 არ შეუძლია კარგ ხეს ცუდი ნაყოფის გამოღება; და არც ცუდ ხეს კარგი ნაყოფის გამოღება. ლუკ.6,43.

19 ყოველ ხეს, რომელსაც კარგი ნაყოფი არ მოაქვს, ჭრიან და ცეცხლში აგდებენ. მათ.3,10. იოან.15,6.

20 ასე რომ, მათი ნაყოფით იცნობთ მათ.

არა ყველა, რომელიც მეუბნება: უფალო! უფალო!

21 „ვინც მეუბნება: ‘უფალო, უფალო!’ ყველა როდი შევა ცათა

სასუფეველში, არამედ ის. ვინც შეასრულებს ჩემი ზეციერი მამის ნება-სურვილს. ლუკ.6,46. იოან.6,40. იაკ.1,22. რომ.2,13.

22 ბევრი მეტყვის იმ დღეს: 'უფალო. უფალო! განა შენი სახელით არ ვწინასწარმეტყველებდით? განა შენი სახელით არ ვღვენიდით ეშმაკებს და განა შენი სახელით არ ვახდენდითო მრავალ სასწაულს?'

23 მაშინ მე განვუცხადებ მათ: 'მე არასოდეს არ გიცნობდით თქვენ. გამშორდით, მოქმედნო ურჯულოებისა.

ფსალ.6.9. ლუკ.13.25.27.

გონიერი და უგუნური მშენებლები

24 ..ამიტომ ყველას. ვინც ისმენს ამ ჩემს სიტყვებს და ასრულებს მათ. გამსგავსებ კეთილგონიერ კაცს, რომელმაც სახლი კლდეზე აიშენა. ლუკ.6.47-48.

25 მოვიდა წვიმა, გადმოსკდნენ მდინარეები, ამოვარდნენ ქარები და ეკვეთნენ იმ სახლს: ის კი არ დაეცა, ვინაიდან კლდეზე იყო დაფუძნებული.

26 ხოლო ყოველი, ვინც ისმენს ამ ჩემს სიტყვებს და არ ასრულებს, ემსგავსება უგუნურ კაცს, რომელმაც ქვიშაზე აიშენა სახლი.

27 მოვიდა წვიმა, გადმოსკდნენ მდინარეები. ამოვარდნენ ქარები და ეკვეთნენ იმ სახლს, ის კი დაეცა და ფრიად დიდი იყო მისი დაცემა."

იესო ასწავლის როგორც ხელმწიფების მქონე

28 როცა იესომ დაასრულა ეს სიტყვები, ხალხი გაოცებული დარჩა მისი მოძღვრებით. მათ.22,33. მარ.1,22. ლუკ.4,32.

29 ვინაიდან იგი ასწავლიდა მათ როგორც ხელმწიფების მქონე და არა როგორც მათი მწიგნობარნი.

თ ა ვ ი 8

კეთროვნის განკურნება

1 მთიდან ჩამომაგალს დიდძალი ხალხი მისდევდა უკან.

2 აჰა, მივიდა მასთან კეთროვანი. თაყვანი სცა და უთხრა: „უფალო, თუ გინდა. შეგიძლია ჩემი განწმედა.“ მარ.1,40. ლუკ.5,12.

3 გაიწოდა ხელი, შეახო მას და თქვა: „მინდა. განიწმიდე!“ და მყისვე განიწმიდა იგი თავისი კეთრისაგან.

4 უთხრა მას იესომ: „იცოდე, არავის უთხრა, არამედ წადი და ეჩვენე ძღვედელს და შესწირე ძღვენი. რაც ბრძანა მოსემ მათდა დასამოწმებლად.“ ლევ.14,3-4. მარ.1,44. ლუკ.5,14.

ასისტავის მსახურის განკურნება

5 როცა კაპერნაუმში შევიდა, ასისტავი მივიდა მასთან, შეევედრა ლუკ.7,2.

6 და უთხრა: „უფალო, ჩემი მსახური სახლში მიწევს დავროდმილი და სასტიკად იტანჯება.“

7 უთხრა მას: „მე მოვალ და განვკურნავ მას.“

8 იმ ასისტავმა კი უთხრა პასუხად: „უფალო, არა ვარ ღირსი, რომ ჩემს ჰერქვეშ შემოხვიდე, მხოლოდ სიტყვა თქვი და განიკურნება ჩემი მსახური.“

9 ვინაიდან მეც ხელმწიფების ქვეშ მყოფი კაცი ვარ და ჩემს ხელქვეით მყვანან ჯარისკაცები. ერთს ვეუბნები: წადი-მეთქი და მიდის. სხვას: მოდი-მეთქი და მოდის. ჩემს მონას: გააკეთე-მეთქი ეს! და აკეთებს.“

10 ეს რომ გაიგონა, იესოს გაუკვირდა და თავის მიმდევრებს უთხრა: „ჰეშმარიტად გეუბნებით თქვენ: ისრაელშიც ვერ ვპოვე მე ასეთი რწმენა.“

11 ხოლო თქვენ გეუბნებით, რომ მრავალნი მოვლენ აღმოსავლეთიდან და დასავლეთიდან, და დასხდებიან აბრაამთან, ისაკთან და იაკობთან ცათა სასუფეველში.

12 ხოლო სასუფეველის ძენი გადაიყრებიან გარესკნელის სიბნელეში. იქ იქნება ტირილი და კბილთა ღრჭენა.“ მათ.22,13.

13 და უთხრა იესომ ასისტავს: „წადი და როგორც ირწმუნე, ისე მოგეგოს.“ და იმ საათში განიკურნა მისი მსახური.

გამოჯანმრთელება პეტრეს სიდედრისა

14 იესო მივიდა პეტრეს სახლში და ნახა მისი სიდედრი მწოლიარე, ცხელებით შეპყრობილი. მარ.1,29-30. ლუკ.4,38.

15 შეეხო მის ხელს და ცხელებამ გაუარა ქალს, იგი წამოდგა და ემსახურა მათ.

16 როცა მოსალამოვდა, მრავალი ეშმაკეული მოიყვანეს მასთან და მან სიტყვით განდევნა სულები და ყველა სნეული განკურნა. მარ.1,32. ლუკ.4,40.

17 რათა აღსრულდეს ესაია წინასწარმეტყველის მიერ ნათქვამი, რომელიც ამბობს: „მან აიღო ჩვენი უძლურებანი და იტვირთა ჩვენი სნეულებანი.“ ეს.53,4. 1პეტ.2,24.

18 თავის გარშემო დიდძალი ხალხი რომ დაინახა, იესომ უბრძანა გაღმა გასულიყვნენ.

19 მიუახლოვდა ერთი მწიგნობარი და უთხრა: „მოძღვარო, გამოგყვები, სადაც არ უნდა წახვიდე.“ ლუკ.9,57.

20 იესომ უთხრა მას: „მელიებს სოროები აქვთ და ცის ფრინველთ - ბუდეები. კაცის ძეს კი არ გააჩნია, სად მიიდრიკოს თავი.“

21 ხოლო სხვა მოწაფეთაგანმა უთხრა მას: „უფალო, ნება მომეცი, ჯერ წავიდე და მამაჩემი დავმარხო.“

22 მაგრამ იესომ უთხრა მას: „შენ მე გამომყევი, მკვდრებმა კი თავიანთი მკვდრები დამარხონ.“
ლუკ.9,60.

ზღვის დაწყნარება

23 ჩაჯდა იგი ნავში და მისი მოწაფეებიც მიჰყვნენ.

მარ.4,35. ლუკ.8,22.

24 და აჰა, ატყდა დიდი ღელვა ზღვაზე, ისე რომ, ნავი ტალღებით იფარებოდა. მას კი ეძინა.

25 მივიდნენ მასთან, გააღვიძეს იგი და უთხრეს: „უფალო, გვიხსენი, ვილუპებით.“

26 უთხრა მათ: „რამ შეგაშინათ, მცირედ მორწმუნენო?“ შემდეგ წამოდგა, შერისხა ქარები და ზღვა, და ჩამოგარდა დიდი მყუდროება.

27 ადამიანებს კი უკვირდათ და ამბობდნენ: „ვინ არის ეს, ქარებიც და ზღვაც რომ მას ემორჩილებიან?“

ორი ეშმაკეულის განკურნება

28 როცა გაღმა, ლაღარინელთა ქვეყანაში მივიდა, შემოხვდა ორი ეშმაკეული, რომლებიც სამარხებიდან გამოვიდნენ მეტისმეტად მრისხანენი, ისე რომ ვერავინ ბედავდა იმ გზაზე გავლას.

მარ.5,1-2. ლუკ.8,27.

29 და აჰა, მორთეს ყვირილი: „რა გინდა ჩვენგან, ღვთის ძეო? ვადაზე ადრე მოსულხარ აქ ჩვენს სატანჯველად?“ მარ.1,24.

30 მათგან მოშორებით ძოვდა ღორების დიდი კოლტი.

31 ეშმაკები შეევედრნენ მას: „თუ გაგვდეგნი, ღორების კოლტში მაინც შეგვიშვი.“

32 უთხრა მათ: „წადით!“ ისინიც გამოვიდნენ და შევიდნენ ღორებში. და აჰა, მთელი კოლტი გადაეშვა კბოდედან ზღვაში და წყალში დაიღუპა.

33 მწყემსები კი გაიქცნენ, მივიდნენ ქალაქში და უამბეს ყველაფერი, რაც ეშმაკეულებს დაემართათ.

34 და აჰა, მთელი ქალაქი გამოვიდა იესოს შესახვედრად და, რომ დაინახეს იგი, შეევედრნენ, მათ საზღვრებს გასცლოდა.

თ ა ვ ი 9

დავრდომილის განკურნება

1 მაშინ ჩაჯდა ნავში, გაღმა გავიდა და მივიდა თავის ქალაქში.
მარ.2,1.

2 აჰა, მიუყვანეს მას ლოგინად ჩავარდნილი დავრდომილი. იესომ იხილა რა მათი რწმენა, უთხრა დავრდომილს: „გამაგრდი შვილო, მოგეტევა შენი ცოდვები.“
მარ.2,3. ლუკ.5,18.

3 აჰა, ზოგიერთმა მწიგნობარმა თავისთვის თქვა: ეს კაცი გმობსო.

4 იესომ კი იცოდა მათი ზრახვები და უთხრა: „რატომ ფიქრობთ თქვენ გულში ბოროტს?“

5 რა უფრო ადვილია – თქმა: შენი ცოდვები მოგეტევა, თუ თქმა: ადექი და გაიარე? მარ.2,9. ლუკ.5,23.

6 ხოლო რათა იცოდეთ, რომ კაცის ძეს დედამიწაზე აქვს ცოდვების მიტევების ხელმწიფება, – ასე უთხრა დაგრდომილს; ადექი, აილე შენი საწოლი და წადი შენს სახლში.“

7 ისიც წამოდგა და წავიდა თავის სახლში.

8 ამის შემყურე ხალხს უკვირდა და აღიღებდა ღმერთს, რომელმაც ასეთი ხელმწიფება მისცა ადამიანებს.

მკურნალი სნეულებს სჭირდებათ

9 იქაურობას რომ გაჰორდა, იესომ დაინახა კაცი, რომელიც საბაჟოსთან იჯდა, სახელად მათე, და უთხრა მას: „გამომყევი.“ ისიც წამოდგა და გაჰყვა მას. მარ.2,14. ლუკ.5,27.

10 მოხდა ისე, რომ როცა ის სუფრასთან იჯდა სახლში, მრავალი მებაჟე და ცოდვილი მოვიდა და ჩამოჯდა იესოს და მისი მოწაფეების გვერდით.

11 ეს რომ ფარისევლებმა დაინახეს, უთხრეს მის მოწაფეებს: „რატომ ჰამს და სვამს თქვენი მოძღვარი მებაჟეებთან და ცოდვილებთან ერთად?“

12 ხოლო მან გაიგონა ეს და უთხრა მათ: „მკურნალი ჯანმრთელებს კი არა, სნეულებს სჭირდებათ.“

13 წადით და ისწავლეთ, რას ნიშნავს: ‘წყალობა მსურს და არა მსხვერპლი;’ მართალთა კი არა, ცოდვილთა მოსახმობად მოვედი.“ მათ.12,7. მარ.2,17. ლუკ.5,32.

მარხვისათვის

14 მაშინ მივიდნენ მასთან იოანეს მოწაფეები და უთხრეს: „რატომ არის, რომ ჩვენ და ფარისევლები გმარხულობთ, შენი მოწაფეები კი არ მარხულობენ?“ მარ.2,18. ლუკ.5,33.

15 უთხრა მათ იესომ: „განა შეუძლიათ იგლოვონ მექორწილებმა, ვიდრე ნეფე მათთან არის? მაგრამ დადგება ღლენი, როცა ნეფე წაერთმევათ და მაშინ იმარხულებენ.“

16 ძველ ტანისამოსს არავინ დაადებს ახალი ქსოვილის საკერებელს, ვინაიდან ახლად დაკერებული მოიხევა სამოსელისაგან და ნახვრეტი უარესი გახდება. მარ.2,21. ლუკ.5,36.

17 არც ახალ ღვინოს ჩაასხამენ ძველ ტიკებში, თორემ ტიკები დასკდება, ღვინოც დაიღვრება და ტიკებიც დაილუპება; არამედ ახალ ღვინოს ახალ ტიკებში ასხამენ და ორივე ინახება.“

სისხლდენით გატანჯული ქალი

18 როცა მათ ამას ელაპარაკებოდა, მივიდა მასთან ერთი მთავარი, თაყვანი სცა და უთხრა: „ჩემი ქალიშვილი წელან მოკვდა, მაგრამ მოდი, შენი ხელი დაადე მას და გაცოცხლდება.“

მარ.5,22. ლუკ.8,41.

19 წამოდგა იესო, გაჰყვა მას და მისი მოწაფეებიც მასთან.

20 აჰა, ერთი ქალი, რომელიც თორმეტ წელიწადს იტანჯებოდა სისხლისდენით, უკნიდან მიუახლოვდა და შეეხო მისი სამოსლის კალთას.

21 ვინაიდან თავისთვის ამბობდა: მის სამოსელსაც რომ შევეხო, განვიკურნებიო.

22 ხოლო იესო მიბრუნდა, დაინახა იგი და უთხრა: „გამხნევდი, ასულო, შენმა რწმენამ განგკურნა.“ და ქალი იმავე საათში განიკურნა.

23 მივიდა იესო მთავრის სახლში, დაინახა იქ მესტვირეები და შეჩოჩქოლებული ხალხი.

24 უთხრა მათ: „წადით აქედან, რადგან გოგონა არ მომკვდარა, არამედ სძინავს.“ და სასაცილოდ აიგდეს იგი.

25 ხოლო როცა ხალხი გაიყვანეს, ის შევიდა, ხელი მოჰკიდა ხელზე და წამოდგა გოგონა.

26 ეს ამბავი მთელ იმ მხარეს მოედო.

ორი ბრმის განკურნება

27 როცა იესო იქიდან მოდიოდა, ორი ბრმა აედევნა. ყვიროდნენ და ამბობდნენ: „შეგვიწყალე, დავითის ძეო!“ მათ.20,30.

28 ხოლო როცა იესო სახლში შევიდა. მიადგნენ მას ბრმები. უთხრა მათ იესომ: „გწამთ, რომ მე ძალმიძს ამის გაკეთება?“ ისინი ეუბნებიან მას: „კი, უფალო!“

29 მაშინ შეეხო მათს თვალებს და უთხრა: „თქვენი რწმენისამებრ მოგეგოთ!“

30 და აეხილათ მათ თვალები. იესომ მკაცრად გააფრთხილა ისინი და უთხრა: „იციოდეთ, არავინ გაიგოს.“

31 ისინი კი გავიდნენ და მთელ იმ ქვეყანას მოსდეს მისი ამბავი.

მუნჯის აღაპარაკება

32 ისინი რომ გავიდნენ, მასთან მოიყვანეს ეშმაკეული მუნჯი კაცი.

ლუკ.11,14.

33 როცა ეშმაკი განიდევნა, მუნჯმა ენა ამოიღგა. გაკვირვებული ხალხი ამბობდა: ასეთი რამ არასოდეს არ მომხდარაო ისრაელში.

34 ფარისევლები კი ამბობდნენ: ეშმაკთა მთავრით დევნის ეშმაკებსო.

მარ.3,22. ლუკ.11,15.

ხალხი შეეცოდა იესოს

35 დადიოდა იესო ყველა ქალაქსა და სოფელში, ასწავლიდა მათ სინაგოგებში. ქადაგებდა სასუფევლის სახარებას, კურნავდა ყოველგვარ სენს და ყოველგვარ უძლურებას. მარ.6.6. ლუკ.13.22.

36 ხალხის ბრბო რომ დაინახა, შეებრაღა ისინი, გინაიდან ისინი დაუძლურებულნი და დაფანტულნი იყვნენ, როგორც უმწყემსო ცხვარი. ეს.53.6. მარ.6.34.

37 მაშინ თავის მოწაფეებს უთხრა: „სამკალი ბევრია, მუშაკნი კი – ცოტა. ლუკ.10.2. იოან.4.35.

38 ამიტომ ევედრეთ სამკლის უფალს, რომ წარმოგზავნოს მუშაკნი თავის სამკალში.“ 2თეს.3.1.

თ ა ვ ი 10

თორმეტის არჩევა მოციქულებად

1 მოუწოდა თავის თორმეტ მოწაფეს და მისცა მათ ხელმწიფება არაწმიდა სულებზე, რომ განედევნათ ისინი და განეკურნათ ყოველგვარი სენი და ყოველგვარი უძლურება. მარ.3.14. ლუკ.9.1.

2 ეს არის იმ თორმეტი მოციქულის სახელები: პირველი სიმონი, პეტრედ წოდებული, და ანდრია, მისი ძმა, იაკობ ზებედეს ძე და მისი ძმა იოანე,

3 ფილიპე და ბართლომე, თომა და მათე მებაჟე, იაკობ ალფეს ძე და ლებეოსი, რომელსაც ეწოდა თადეოზი,

4 სიმონ კანანელი და იუდა ისკარიოტელი, რომელმაც გასცა იგი.

თორმეტის მივლინება

5 ეს თორმეტი მიავლინა იესომ, ამცნო და უთხრა: „წარმართთა გზაზე არ იაროთ და სამარიელთა ქალაქში არ შეხვიდეთ;

6 არამედ წადით ისრაელის სახლის დაკარგულ ცხვრებთან.

მათ.15.24.

7 როდესაც მიხვალთ, იქადაგეთ, რომ მოახლოებულია ცათა სასუფეველი. ლუკ.9.2.

8 სნეულნი განკურნეთ, მკვდრები აღადგინეთ, კეთროვანნი განწმიდეთ, ეშმაკები განდევნეთ. უსასყიდლოდ მიგილიათ და უსასყიდლოდვე გაეცით.

9 ნუ წაიღებთ თან ნურც ოქროს, ნურც ვერცხლს, ნურც სპილენძს თქვენი სარტყლებით; მარ.6.8. ლუკ.9.3.

10 ნურც ფუთას გზაში, ნურც ორ სამოსელს, ნურც ფეხსაცმელს, ნურც ხელჯოხს, გინაიდან მშრომელი თავისი საზრდოს ღირსია. ლუკ.10.7.1ტიმ.5.18.

11 რომელ ქალაქში ან სოფელშიც არ უნდა შეხვიდეთ, გამოიკითხეთ, ვინ არის იქ ღირსეული, და იქ დარჩით, ვიდრე გამოხვიდოდეთ,

12 სახლში შესვლისას მიესალმეთ მას და უთხარით: მშვიდობა ამ სახლს. ლუკ.10,5.

13 თუ სახლი ღირსი იქნება, თქვენი მშვიდობა მიუვა მას; ხოლო თუ არ იქნება ღირსი, თქვენი მშვიდობა თქვენვე დაგიბრუნდებათ.

14 ხოლო ვინც არ მიგიღებთ თქვენ და არც მოისმენენ თქვენს სიტყვებს, მაშინ, სახლიდან ან ქალაქიდან გამოსვლისას, დაიბერტყეთ მტვერი თქვენს ფერხთაგან. მარ.6,11. ლუკ.9,5. საქ.13,51.

15 ჭეშმარიტად გეუბნებით თქვენ: სოდომისა და გომორის მიწას უფრო გაუადვილდება განკითხვის დღეს, ვიდრე იმ ქალაქს.

ცხვრები მგლებს შორის

16 „აჰა, მე მიგავლენთ თქვენ, როგორც ცხვრებს მგელთა შორის. აბა, იყავით გონიერნი, როგორც გველნი, და უმანკონი, როგორც მტრედნი. ლუკ.10,3. რომ.16,19. 2კორ.1,12.

17 მოერიდეთ ადამიანებს, ვინაიდან ისინი გადაგცემენ სამსჯავროებში და თავიანთ სინაგოგებში გაგშოლტავენ თქვენ.

18 წაგიყვანენ განმგებლებთან და მეფეებთან ჩემს გამო, მათთვის და წარმართთათვის დასამოწმებლად.

19 ხოლო როცა გადაგცემენ თქვენ, ნუ იზრუნებთ, რა ვთქვათ ან როგორ ვთქვათო, ვინაიდან მაშინ მოგეცემათ, რაც უნდა თქვათ. მარ.13,11. ლუკ.12,11.

20 ვინაიდან თქვენ კი არ ილაპარაკებთ, არამედ თქვენი მამის სული ილაპარაკებს თქვენში.

21 ძმა ძმას გადასცემს სასიკვდილოდ და მამა – შვილს; აღდგებიან შვილები მშობლების წინააღმდეგ და დახოცავენ მათ.

22 ყველასგან მოძულებულნი იქნებით ჩემი სახელის გამო; ბოლომდე მომთმენი კი გადარჩება.

23 როცა ერთ ქალაქში დევნას დაგიწყებენ, მეორისაკენ გაიქეცით. ჭეშმარიტად გეუბნებით თქვენ: ვერ მოასწრებთ ისრაელის ქალაქების შემოვლას, რომ კაცის ძეც მოვა.

24 მოწათვე მოძღვარზე მეტი არაა, არც მონაა თავის ბატონზე მეტი. ლუკ.6,40. იოან.13,16;15,20. მათ.9,34.

25 საკმარისია მოწათვისათვის ისეთი იყოს, როგორიც მისი მოძღვარია და მონისათვის – როგორც მისი ბატონია. თუ სახლის პატრონს ბელზებულის უწოდეს, მით უმეტეს მისი ოჯახის წევრებს.

26 ამიტომ ნუ გეშინიათ მათი, ვინაიდან არაფერია დაფარული, რომელიც არ გაცხადდება, და საიდუმლო, რომელიც არ შეიტყობა. მარ.4,22. ლუკ.8,17;12,2.

27 რასაც თქვენ სიბნელეში გეუბნებით, სინათლეზე ილაპარაკეთ, და რასაც ყურით მოისმენთ, ერდოებზე იქადაგეთ.

ნუ გეშინიათ მათი

28 „ნუ გეშინიათ მათი, ვინც სხეულს კლავს, სულის მოკვლა კი არ ძალუძთ. უფრო მეტად მისი გეშინოდეთ, ვისაც სულის დაღუპვაც შეუძლია გეენაში და სხეულისაც. ლუკ.12,4.

29 განა ორი ბელურა ერთ ასარად არ იყიდება? მაგრამ არც ერთი მათგანი არ დაეცემა მიწაზე თქვენი მამის ნების გარეშე. ლუკ.12,6.

30 ხოლო თქვენ თავზე თმებიც კი დათვლილია.

31 ნუ გეშინიათ: ბევრ ბელურაზე უკეთესნი ხართ.

ქრისტეს აღიარება და უარყოფა

32 „ყველას, ვინც მე მაღიარებს ადამიანთა წინაშე, იმას მეც ვაღიარებ ჩემი ზეციერი მამის წინაშე. მარ.8,38. ლუკ.9,26;12,8.

33 ვინც უარყოფს მე ადამიანთა წინაშე, მას მეც უარყოფ ჩემი ზეციერი მამის წინაშე. 2ტიმ.2,12.

34 ნუ გგონიათ თითქოს დედამიწაზე მშვიდობის მოსატანად მოვედი. მშვიდობის კი არა, მახვილის მოსატანად მოვედი. ლუკ.12,51.

35 რადგან მოვედი, რათა გავეყო კაცი თავის მამისაგან, ასული – თავის დედისაგან და რძალი – თავის დედამთილისაგან.

36 კაცის მტრები მისი შინაურები იქნებიან. მიქ.7,6.

37 ვისაც მამა ან დედა ჩემზე მეტად უყვარს, იგი არ არის ჩემი ღირსი, და ვისაც ძე ან ასული ჩემზე მეტად უყვარს, იგი არ არის ჩემი ღირსი; ლუკ.14,26.

38 ვინც არ აიღებს თავის ჯვარს და არ გამოყვება, არ არის ჩემი ღირსი; მათ.16,24. მარ.8,34.

39 ვინც თავის სულს პოულობს, დაკარგავს მას, ხოლო ვინც თავის სულს ჩემთვის კარგავს, ჰპოვებს მას.

მარ.8,35. ლუკ.9,24. იოან.12,25.

ვინც მე მღებულობს

40 „ვინც თქვენ გღებულობთ, მე მღებულობს, ხოლო ვინც მე მღებულობს, ჩემს მომავლინებელს ღებულობს. ლუკ.10,16. იოან.13,20.

41 ვინც წინასწარმეტყველს ღებულობს წინასწარმეტყველის სახელით, მიიღებს წინასწარმეტყველის საზღაურს, და ვინც მართალს ღებულობს მართლის სახელით, მართლის საზღაურს მიიღებს.

42 ვინც დააღევიანებს ერთს ამ მცირეთაგანს თუნდაც ერთ სასმის ცივ წყალს მოწაფის სახელით, ჰეშმარიტად გეუბნებით თქვენ, მას არ დაეკარგება თავისი საზღაური.“

თ ა ვ ი 11

იოანე ნათლისმცემლის შეკითხვა

1 როცა დაამთავრა იესომ თავისი თორმეტი მოწაფის დარიგება, წავიდა იქიდან მათ ქალაქებში დასამოძღვრად და საქალაქებლად.

2 ხოლო იოანემ საპყრობილეში გაიგო ქრისტეს საქმენი და თავისი მოწაფეები გაუგზავნა, ლუკ.7,18-19.

3 რომ ეთქვათ მისთვის, შენა ხარ ის, ვინც უნდა მოვიდეს, თუ სხვას უნდა ველოდოთ? 2შჯ.18,15.

4 იესომ უთხრა მათ პასუხად: „წადით მოახსენეთ იოანეს, რასაც ისმენთ და ხედავთ:

5 ბრძელები ხედავენ და ხეიბრები დადიან, კეთროვნები იწმიდებიან და ყრუებს ესმით, მკვდრები ღვებიან და ლატაკებს ეხარებათ. ეს.29,18;35,5.

6 ნეტარია ვინც არ შეცდება ჩემში.“

იოანეს შეფასება იესოს მიერ

7 როცა ისინი მიდიოდნენ იესომ დაუწყო ლაპარაკი ხალხს იოანეზე: „რის სანახავად გახვედით უდაბნოში? ქარისაგან შერხეული ლერწმისა?

8 აბა, რისთვის გახვედით, რბილი ტანსაცმლით შემოსილი კაცის სანახავად? რბილი ტანსაცმლით შემოსილები მეფეთა სასახლეებში იმყოფებიან.

9 აბა, რისთვის გახვედით? წინასწარმეტყველის სანახავად? აბა, გეტყვით თქვენ: წინასწარმეტყველზე მეტისაც.

10 ვინაიდან ეს ის არის, ვისზედაც დაწერილია: აჰა, მე ვგზავნი შენს წინაშე ჩემს ანგელოზს, რომელიც განამზადებს შენს გზას შენს წინაშე. მალ.3,1. მარ.1,2. ლუკ.7,27.

11 ჰეშმარიტად გეუბნებით თქვენ: დედაკაცთაგან ნაშობთა შორის არ აღმდგარა იოანე ნათლისმცემელზე დიდი; მაგრამ ცათა სასუფეველში უმცირესი მასზე დიდია.

12 იოანე ნათლისმცემლის დღიდან აქამდე ცათა სასუფეველი ძალისხმევით აიღება, ხოლო ძალისმხმეველნი წარიტაცებენ მას.

ლუკ.16,16.

13 ვინაიდან ყველა წინასწარმეტყველი და რჯული იოანემდე წინასწარმეტყველებდნენ.

14 თუ მიღება გსურთ, იგია ელია, რომელიც უნდა მოვიდეს.

მალ.4,5.

15 ვისაც ყურები აქვს, ისმინოს!

16 მაგრამ ვის გამსგავსო ეს მოდგმა? იგი წააგავს ბავშვებს, რომლებიც მოედნებზე სხედან და მოუხმობენ თავიანთ ამხანაგებს.

17 და ეუბნებიან: 'სალამურს გიკრავდით და არ ცეკვავდით, ვკოდებდით და არ იგლოვეთ.'

18 ვინაიდან მოვიდა იოანე, არც ჭამს, არც სვამს, და ამბობენ: ეშმაკი ჰყავსო.

19 მოვიდა ძე კაცისა, ჭამს და სვამს, და ამბობენ: აჰა, კაცი, რომელსაც უყვარს ჭამა და ღვინის სმა, მეზაჟეთა და ცოდვილთა მეგობარი, და მისი სიბრძნე საქმეებითაა გამართლებული.“

ლუკ.7,34-35.

ვაი, შენ, ქორაზინო, ბეთსაიდავ და კაპერნაუმო

20 მაშინ მან იწყო იმ ქალაქების ყვედრება, სადაც ყველაზე მეტად გამოვლინდა მისი ძალთაქმედებანი, იმის გამო, რომ არ მოინანიეს.

21 „ვაი, შენ, ქორაზინო, და ვაი შენ, ბეთსაიდავ! ვინაიდან ტვიროსსა და სიდონში რომ მომხდარიყო ძალთაქმედებანი, რომლებიც თქვენთან მოხდა, ისინი დიდი ხნის წინათ ძაძვებში და ნაცარში მოინანიებდნენ.“

ლუკ.10,13.

22 მაგრამ გეუბნებით თქვენ: ტვიროსსა და სიდონს უფრო გაუადვილდებათ განკითხვის დღეს, ვიდრე თქვენ.

23 შენ კი, კაპერნაუმო, განა ცამდე ამაღლდები? ჯოჯობეთამდე დაეშვები. ვინაიდან სოდომში რომ მომხდარიყო ის ძალთაქმედებანი, შენში რომ მოხდა, იგი ამ დღემდე მოაღწევდა.

24 ხოლო გეუბნებით თქვენ, რომ სოდომის მიწას უფრო გაუადვილდება განკითხვის დღეს, ვიდრე შენ.“

ბრძენთა და გონიერთათვის დაფარული, ჩვილებისათვის გაცხადებული

25 მაშინ თქვა იესომ: „გადიდებ, შენ მამაო, უფალო ცისა და ქვეყნისაო, რადგან დაუფარე ეს ბრძენთა და გონიერთა და განუცხადე ჩვილებს.“

ფსალ.8,3. ლუკ.10,21. 1კორ.1,27. 2კორ.11,3.

26 ჰეი, მამაო! ვინაიდან ასეთი იყო შენი ნება-სურვილი.

27 ყოველივე ჩემი მამის მიერ გადმომეცა მე და არავინ იცნობს ძეს, გარდა მამისა. არც მამას იცნობს ვინმე, გარდა ძისა, და იმისა, ვისაც ძეს სურს, განუცხადოს.

იოან.3,35:6,46. მათ.16,17.

28 მოდით ჩემთან, ყოველნო მაშვრალნო და ტვირთმძიმენო, და მე მოგასვენებთ თქვენ.

29 იტვირთეთ ჩემი უღელი და ისწავლეთ ჩემგან, ვინაიდან მე მშვიდი და თავმდაბალი ვარ, და ჰპოვებთ სულის სიმშვიდეს.

იერ.6,16.

30 ვინაიდან ჩემი უღელი საამურიია და ჩემი ტვირთი – მსუბუქი.“

1იოან.5,3.

თ ა ვ ი 12

თავთაგების ფშვნეტა შაბათ დღეს

1 ერთხელ იესომ გაიარა ნათესებში შაბათ დღეს, ხოლო მის

მოწათფებს მოშვიდათ და იწყეს თავთაგების ფშვნეტა და ჭამა.

2შჯ.23.25. მარ.2,23. ლუკ.6,1.

2 ფარისევლებმა დაინახეს ეს და უთხრეს მას: „აჰა, შენი მოწათფები იმას აკეთებენ, რის გაკეთებაც შაბათ ღღეს არ შეიძლება.“

3 მან კი უთხრა მათ: „ნუთუ არ წავიკითხავთ, რა ქნა დავითმა, როცა მოშვიდა მას და მის მხლებლებს?

4 როგორ შევიდა ღვთის სახლში და ჭამა საწინაშეო პური, რაც არც მას ეჭმებოდა და არც მის მხლებლებს; მხოლოდ და მხოლოდ მღვდლებს ეჭმებოდათ?

1მფ.21,6. მარ.2,26. ლუკ.6,4.

5 ანდა არ ამოგიკითხავთ რჯულის წიგნში, რომ შაბათობით ტაძარში მღვდლები არღვევენ შაბათს, მაგრამ უბრალონი არიან?

ლევ.8.31:24,9.

6 ხოლო თქვენ გეუბნებით, რომ აქ არის ის, ვინც ტაძარზე მეტია.

7 თქვენ რომ გცოდნოდით, რას ნიშნავს: ‘წყალობა მნებავს და არა მსხვეპლი,’ მაშინ აღარ დაადებდით მსჯავრს უბრალოებს.

ოსე.6,6. მათ.9,13.

8 ვინაიდან შაბათის უფალი კაცის ძეა.“

9 იქიდან წასული მივიდა მათ სინაგოგაში. მარ.3,1. ლუკ.6,6.

10 აჰა, იქ იყო ხელგამხმარი კაცი, და ჰკითხეს მას, რათა ბრალი დაედოთ მისთვის: შეიძლება თუ არა განკურნება შაბათობით?

11 ხოლო მან უთხრა მათ: „რომელიმე თქვენთაგანს, ერთი ცხვარი რომ ჰყავდეს და შაბათს ორმოში ჩაუვარდეს, არ ჩააგლებს ხელს და არ ამოიყვანს?

12 ადამიანი კი რამდენად უკეთესია ცხვარზე! ამიტომ შეიძლება შაბათს სიკეთის კეთება.“

13 მაშინ უთხრა იმ კაცს: „გაიწოდე შენი ხელი!“ მანაც გაიწოდა და ისევე საღი გახდა, როგორც მეორე.

14 ფარისევლები კი გამოვიდნენ და მოითათბირეს მის წინააღმდეგ, თუ როგორ დაეღუპათ იგი. იესომ შეიტყო და იქაურობას გაეცალა.

ესაიას წინასწარმეტყველების აღსრულება

15 დიდძალი ხალხი მისდევდა მას და ყველა განკურნა,

16 და აუკრძალა მათ ამის გახმაურება.

17 რათა აღსრულებულიყო ესაია წინასწარმეტყველის ნათქვამი, რომელიც ამბობს:

18 „აჰა, მსახური ჩემი, რომელიც მე ამოვირჩიე, საყვარელი ჩემი, რომელიც მოიწონა ჩემმა სულმა; ჩემს სულს დავდე მასზე და ის აუწყებს სასჯელს წარმართებს.

19 არ იღავებს და არც იყვირებს, და ქუჩებშიც ვერავინ გაიგონებს მის ხმას.

20 გადატეხილ ლერწამს არ დალეწავს და მბჟუტავ პატრუქს არ ჩააქრობს, ვიდრე განკითხვას გამარჯვებამდე არ მიიყვანს

21 და მის სახელს მიენდობიან ხალხები.“
ეს.42,1-4.

ფარისევლების მიერ იესოს შეურაცხყოფა

22 მაშინ მოიყვანეს მასთან ეშმაკეული ბრმა და მუნჯი და მან განკურნა იგი, ისე რომ ბრმა და მუნჯი ხელავდა და ლაპარაკობდა.
ლუკ.11,14.

23 მთელი ხალხი გაკვირვებული იყო და ამბობდა: „ეს ხომ არაა დავითის ძე?“

24 მაგრამ ფარისევლებმა რომ მოისმინეს ეს, თქვეს: ნამდვილად ეშმაკთა მთავრის, ბელზებელის ძალით დევნისო ეშმაკებს.

მათ.9,34. ლუკ.11,15.

იესო ამხილებს ფარისევლებს

25 მაგრამ იესომ, ხვდებოდა რა მათ ფიქრებს, უთხრა: „ყოველი სამეფო, თავის თავის წინააღმდეგ გაყოფილი, გაუღებურდება, და ყოველი ქალაქი ან სახლი, რომელიც გაიყოფა თავის თავის წინააღმდეგ, ვერ გაძლებს.“
მარ.3,24. ლუკ.11,17.

26 თუ სატანა სატანას სდევნის, თავისავე წინააღმდეგ გაიყოფა; როგორღა გაძლებს მისი სამეფო?

27 თუ მე ბელზებელით ვდევნი ეშმაკებს, თქვენი ძენი ვილათი დევნიან? ამიტომ ისინი იქნებიან თქვენი მსაჯულები.

28 თუ მე ღვთის სულით ვდევნი ეშმაკებს, აბა, მოსულა თქვენთან ღვთის სასუფეველი.

29 ანდა, როგორ შეძლებს ვინმე, შევიდეს ძლიერის სახლში და გაიტაცოს მისი ნივთები, თუ ჯერ ძლიერს არ გათოკავს? და შემდეგ გაძარცვავს მის სახლს.

30 ვინც ჩემთან არ არის, ის ჩემი წინააღმდეგია; და ვინც ჩემთან არ აგროვებს, ის აბნევს.

31 ამიტომ გეუბნებით თქვენ: ყოველი ცოდვა და გმობა მიეტევებათ ადამიანებს, მაგრამ სულიწმიდის გმობა არ მიეტევებათ.
მარ.3,28. ლუკ.12,10. 1იოან.5,16.

32 ვინც სიტყვას იტყვის კაცის ძის წინააღმდეგ, მას მიეტევება; მაგრამ თუ ვინმე იტყვის სულიწმიდის წინააღმდეგ, მას არ მიეტევება არც ამ წუთისოფლად, არც მომავალში.

ხის შეცნობა ნაყოფით. საზღაური

33 „ან ხეც კარგად სცანით და მისი ნაყოფიც; ან ხეც ცუდად სცანით და მისი ნაყოფიც; ვინაიდან ხე ნაყოფით შეიცნობა.

34 იქედნეთა ნაშობნო, როგორ შეგიძლიათ ილაპარაკოთ კეთილი, როცა ბოროტები ხართ? რადგან გულის საესებისაგან მეტყველებს პირი.
ლუკ.6,45.

35 კეთილ კაცს კეთილი საგანძურიდან სიკეთე გამოაქვს. ბოროტ კაცს ბოროტი საგანძურიდან ბოროტება გამოაქვს.

36 თქვენ კი გეუბნებით, რომ ყოველი ფუჭი სიტყვისათვის, რომელსაც იტყვიან ადამიანები, პასუხს აგებენ განკითხვის დღეს:

37 ვინაიდან შენი სიტყვებით გამართლდები და შენივე სიტყვებით გამტყუნდები.”
ლუკ.19.22.

იონას სასწაული

38 მაშინ ზოგიერთმა მწიგნობარმა და ფარისეველმა მიუგო: „მოძღვარო, გვინდა ნიშანი ვიხილოთ შენგან.“ მათ.16.1. 1კორ.1.22.

39 ხოლო მან მიუგო პასუხად: „ბოროტი და მრუში მოდგმა ეძებს ნიშანს, მაგრამ ნიშანი არ მიეცემა მას, გარდა იონა წინასწარმეტყველის ნიშნისა.“
ლუკ.11.29.

40 ვინაიდან, როგორც იონა იყო დიდი თევზის მუცელში სამ დღესა და სამ ღამეს, ასევე კაცის ძე იქნება სამ დღესა და სამ ღამეს დედამიწის გულში.
იონ.2.1.

41 ნინეველები აღდგებიან სამსჯავროზე ამ მოდგმასთან ერთად და მსჯავრს დაადებენ მას. ვინაიდან მათ მოინანიეს იონას ქადაგებით და. აჰა, აქ არის იონაზე დიდი.

იონ.3.5. ლუკ.11,32.

42 სამხრეთის დედოფალი აღდგება სამსჯავროზე ამ მოდგმასთან ერთად და მსჯავრს დაადებს მას, ვინაიდან იგი დედამიწის კიდიდან მოვიდა სოლომონის სიბრძნის მოსასმენად და. აჰა, აქ არის სოლომონზე დიდი.
3მფ.10.1. 2ფშტ.9.1. ლუკ.11.31.

არაწმიდა სული და დასუფთავებული სახლი

43 „როცა არაწმიდა სული გამოდის ადამიანიდან, დადის უწყლო ადგილებში სიმშვიდის საძებნელად და ვერ პოულობს.

ლუკ.11.24.

44 მერე ამბობს: დავბრუნდები ჩემს სახლში, საიდანაც გამოვედი. როცა მივა, იპოვის მას ცარიელს, დაგვილსა და მოვლილს,

45 მაშინ წავა და თან მოიყვანს შვიდ სხვა სულს, თავისზე უბოროტესს, შევლენ და დაბინავდებიან იქ. და იმ კაცისათვის უკანასკნელი დღე პირველზე უარესი იქნება. ასე დაემართება ამ ბოროტ მოდგმასაც.“
2პეტ.2.20. ებრ.6.4.

იესოს დედა და ძმები

46 როცა ის ხალხს ელაპარაკებოდა, გარეთ იდგნენ მისი დედა და ძმები, რომელნიც სალაპარაკოდ ეძებდნენ მას.

მარ.3,31. ლუკ.8.19.

47 ვილაცამ უთხრა მას: „აჰა, დედაშენი და შენი ძმები დგანან გარეთ, შენთან ლაპარაკი სურთ.“

48 მან კი ამის მთქმელს პასუხად უთხრა: „ვინ არის დედაჩემი და ვინ არიან ჩემი ძმები?“

49 ხელით უჩვენა თავის მოწაფეებზე და თქვა: „აჰა, დედაჩემი და ჩემი ძმები.“

50 ვინაიდან, ვინც ჩემი ზეციერი მამის ნება-სურვილს შეასრულებს, ის არის ჩემი ძმაც, დაც და დედაც.“ იოან.15.14.

თ ა ვ ი 13

იგავი მთესველზე

1 იმ დღეს გამოვიდა იესო სახლიდან და დაჯდა ზღვის პირას. მარ.4.1. ლუკ.8.4.

2 დიდძალი ხალხი მოგროვდა მასთან, ისე რომ იგი შევიდა და ჩაჯდა ნავში, ხოლო მთელი ხალხი ნაპირზე იდგა.

3 ბევრს ასწავლიდა მათ იგავებით და ეუბნებოდა: „აჰა, გამოვიდა მთესველი დასათესად.“

4 თესვისას ზოგი მარცვალი გზისპირას დავარდა, მოვიდნენ ფრინველები და აკენკეს იგი.

5 ზოგი კლდოვანზე დავარდა, სადაც მიწა ბევრი არ იყო; და მალე აღმოცენდა, ვინაიდან ნიადაგს სიღრმე არ ჰქონდა.

6 ხოლო მზე რომ ამოვიდა, დაჰკნა და, რაკი ფესვი არ ჰქონდა, გახმა.

7 ზოგი ეკლებში ჩავარდა; გაიზარდა ეკლები და მოაშთო ისინი.

8 ზოგი კი პოხიერ მიწაზე დავარდა და ნაყოფი გამოიღო: ზოგმა ასი, ზოგმა სამოცი და ზოგმა ოცდაათი.

9 ვისაც ყურნი აქვს, ისმინოს!“

10 მივიდნენ მასთან მოწაფეები და უთხრეს მას: „რატომ ელაპარაკები მათ იგავებით?“

11 მან პასუხად უთხრა მათ: „იმიტომ, რომ თქვენ მოცემული გაქვთ იცოდეთ ცათა სასუფეველის საიდუმლოებანი, მათ კი არა აქვთ ეს მიცემული.“

12 ვინაიდან, ვისაც აქვს, მას მიეცემა და ექნება უხვად, და ვისაც არა აქვს, ისიც წაერთმევა, რაც აქვს.

მათ.25.29. მარ.4.25. ლუკ.8.18;19.26.

13 იგავებით იმიტომ ველაპარაკები მათ, რომ ისინი უყურებენ და ვერ ხედავენ, უსმენენ და არ ესმით და ვერ ხვდებიან.

14 სრულდება მათზე ესაიას წინასწარმეტყველება, რომელიც ამბობს: 'სმენით მოისმენთ, მაგრამ ვერ გაიგებთ, ხილვით იხილავთ, მაგრამ ვერ მიხვდებით.

მარ.4.12. ლუკ.8.10. იოან.12.40. საქ.28.26. რომ.11.8.

15 ვინაიდან გაუქვავდა ამ ხალხს გული, ყურით მძიმედ ესმით და დახუჭეს თვალები, რომ თვალთ არ დაინახონ და ყურით არ

მოისმინონ, გულით არ გაიგონ და არ მოიქცნენ, რათა განგკურნო ისინი.’
ეს.6,9-10.

16 ხოლო ნეტარ არიან თქვენი თვალები, რომ ხედავენ და თქვენი ყურები, რომ ისმენენ.
ლუკ.10,23.

17 ჰეშმარიტად გეუბნებით თქვენ, რომ მრავალ წინასწარმეტყველსა და წმიდას სურდა ეხილა ის, რასაც თქვენ ხედავთ, მაგრამ ვერ იხილეს და ესმინათ, რასაც თქვენ ისმენთ, მაგრამ ვერ მოისმინეს.
13ეტ.1,10.

იგავის განმარტება მთესველზე

18 „ხოლო თქვენ მოისმინეთ მთესველის იგავი.

მარ.4,15. ლუკ.8,11.

19 ყველას, ვისაც ესმის სიტყვა სასუფეველზე და გონებით არ ჩასწვდება, მიუხდება ბოროტი და მოსტაცებს მის გულში ჩათესილს: აი, რას ნიშნავს გზისპირას დათესილი.

20 ხოლო კლდოვანებზე დათესილი ის არის: ვინც სიტყვას მოისმენს და მაშინვე სიხარულით მიიღებს მას;

21 მაგრამ ფესვები არ გააჩნია თავისში და ხანმოკლეა. რაჟამს დადგება ჭირი ანდა დევნა სიტყვის გამო, მაშინვე ცდუნდება.

22 ხოლო ეკლებში დათესილი ის არის: ვინც სიტყვას ისმენს, მაგრამ წუთისოფლის საზრუნავი და სიმდიდრის საცდური აშთობენ სიტყვას და იგი უნაყოფო შეიქნება.

23 ხოლო, პოხიერ მიწაზე დათესილი ის არის, ვინც მოისმენს სიტყვას და გონებით ჩასწვდება, და სწორედ ის არის ნაყოფიერი. ისე რომ, ზოგი ასს გამოიღებს, ზოგი სამოცს და ზოგიც ოცდაათს.“

იგავი ხორბლისა და ღვარძლისა

24 სხვა იგავი მიაწოდა მან და უთხრა: „ცათა სასუფეველი ჰგავს ადამიანს, რომელმაც კარგი თესლი დათესა თავის ყანაში.

25 როცა ხალხს ეძინა, მოვიდა მისი მტერი, ხორბალში ღვარძლი ჩათესა და წავიდა.

26 ხოლო როცა ჯეჯილი ამოვიდა და ნაყოფი გამოიღო, ღვარძლმაც მაშინ იჩინა თავი.

27 მივიდნენ მონები და უთხრეს სახლის პატრონს: ‘ბატონო! განა შენ კარგი თესლი არ დათესე შენს ყანაში? საიდანღა აქვს მას ღვარძლი?’

28 მან კი უთხრა მათ: ‘მტერმა კაცმა გააკეთა ეს.’ ხოლო მონებმა უთხრეს მას: ‘გინდა, წავალთ და გავმარგლავთ?’

29 მაგრამ მან უთხრა: ‘არა, რათა გამარგვლისას ღვარძლთან ერთად ხორბალიც არ ამოგლიჯოთ.

30 დააცადეთ, ერთად იზარდოს ორივემ მკის დრომდე. მკის დროს კი ვეტყვი მომკალებს: ჯერ ღვარძლი მოაგროვეთ და

ძნებად შეჰკარით, რომ დაწვათ ისინი; ხორბალი კი ჩემს ბელელში შეაგროვეთ.“

მღოგვის მარცვალზე

31 სხვა იგავი მიაწოდა მან და უთხრა მათ: „ცათა სასუფეველი წააგავს მღოგვის მარცვალს, რომელიც აიღო კაცმა და დათესა თავის ყანაში.“
მარ.4,30. ლუკ.13,18.

32 იგი ყოველგვარ თესლზე მცირეა, მაგრამ როდესაც იზრდება, ყოველ მწვანილეულზე დიდია და ხედ იქცევა, ისე რომ, მოფრინდებიან ცის ფრინველები და მის ტოტებს შეაფარებენ თავს.“

საფუარზე

33 მერე სხვა იგავი უთხრა მათ: „ცათა სასუფეველი წააგავს საფუარს, რომელიც დედაკაცმა აიღო და ჩამალა სამ საწყაო ფქვილში, ვიდრე მთლიანად არ გაფუვდა.“
ლუკ.13,20.

34 ყოველივე ამას იგავებით ეუბნებოდა იესო ხალხს და იგავის გარეშე არაფერს ეუბნებოდა.
მარ.4,33.

35 რათა აღსრულებულიყო წინასწარმეტყველის მიერ ნათქვამი, რომელიც ამბობს: „იგავებით გავხსნი ჩემს პირს. ვიტყვი, რაც დასაბამიდან დაფარულია.“
ფსალ.48,4;77,2.

36 მაშინ გაუშვა იესომ ის ხალხი და შინ შევიდა. მივიდნენ მასთან მოწაფეები და უთხრეს: „გავვიმარტე ყანის ღვარძლის იგავი.“

ხორბლის და ღვარძლის იგავის განმარტება

37 მან კი პასუხად მიუგო: „კეთილი თესლის მთესველი კაცის ძეა.“

38 ყანა კი არის წუთისოფელი; კეთილი თესლი სასუფეველის ძენი არიან, ხოლო ღვარძლი – ბოროტის ძენი.

39 ხოლო მტერი, რომელმაც ის დათესა, არის ეშმაკი; მკა კი არის წუთისოფლის აღსასრული, ხოლო მომკალნი ანგელოზები არიან.
იოელ.3,13.

40 ამიტომ, როგორც ღვარძლს აგროვებენ და ცეცხლში წვავენ, ასევე იქნება წუთისოფლის დასასრულს.

41 ვინაიდან მოავლენს კაცის ძე თავის ანგელოზებს და მოაგროვებენ მისი სამეფოდან ყოველი საცდურისა და ურჯულოების მოქმედს,

42 და ჩაყრიან მათ ცეცხლის ქურაში. იქნება იქ ტირილი და კბილთა ღრჭენა.

43 მაშინ მართალნი გაბრწყინდებიან, როგორც მზე, თავიანთი მამის სასუფეველში. ვისაც ყურები აქვს, ისმინოს!
დან.12,3.

მინდორში დაფარული განძი

44 „ცათა სასუფეველი წააგავს განძს, მინდორში დაფარულს, რომელსაც იპოვის კაცი და დამალავს, სიხარულით მიდის და ყიდის ყოველივეს, რაც აბადია და ყიდულობს იმ მინდორს.

45 კიდევ: ცათა სასუფეველი წააგავს ვაჭარს, რომელიც ღამაზ მარგალიტებს ეძებს;

46 როდესაც იპოვის ერთ ძვირფას მარგალიტს, წავა, გაყიდის ყოველივეს, რაც აბადია, და იყიდის მას.

ზღვაში გადაგდებული ბადე

47 „კიდევ: ცათა სასუფეველი წააგავს ბადეს, რომელსაც ზღვაში მოისვრიან და ყოველნაირი ჯიშის თევზს იჭერენ.

48 როცა ივსება, გამოაქვთ ნაპირზე, მერე დასხდებიან, კარგებს ჭურჭელში მოათავსებენ, ხოლო ცუდებს გარეთ გადაყრიან.

49 ასევე იქნება წუთისოფლის აღსასრულის დროს: გამოვლენ ანგელოზები და გამოაცალკეებენ ბოროტებს მართლებისაგან.

50 ჩაყრიან მათ ცეცხლის ქურაში: იქნება იქ ტირილი და კბილთა ღრჭენა.

51 თუ გაიგეთ ყოველივე ეს?“ – დიახო, მიუგეს მას.

52 მან კი უთხრა მათ: „ამიტომ ყოველი მწიგნობარი, რომელიც ცათა სასუფეველის მოწაფე გახდა, წააგავს ადამიანს, სახლის პატრონს, რომელსაც თავისი საუნჯიდან გამოაქვს ძველი და ახალი.“

წინასწარმეტყველის უპატივცემულობა

53 იგავები რომ დაასრულა იესომ, იქაურობას გასცილდა.

54 მივიდა თავის სამშობლოში და ასწავლიდა მათ თავიანთ სინაგოგაში, ისე რომ, უკვირდათ და ამბობდნენ: „საიდანა აქვს მას ეს სიბრძნე და სასწაული?“ მარ.6,1. ლუკ.4,16.

55 განა ეს ხუროს ძე არ არის? დედამისს განა მარიამი არა ჰქვია, მის ძმებს კი – იაკობი და იოსე, სიმონი და იუდა?

იოან.6,42.

56 განა მისი დები, ყველანი ჩვენს შორის არ არიან? საიდან აქვს ამას ყოველივე ეს?“

57 და შებრკოლდნენ მის გამო. იესომ კი უთხრა მათ: „წინასწარმეტყველი არსად არ არის უპატივოდ, გარდა თავისი სამშობლოსი და საკუთარი სახლისა.“ მარ.6,4. ლუკ.4,24. იოან.4,44.

58 არ მოუხდენია იქ ბევრი სასწაული მათი ურწმუნოების გამო.

თ ა ვ ი 14

იოანე ნათლისმცემლის თავის მოკვეთა

1 იმ დროს ესმა ტეტრარქს – ჰეროდეს იესოს ამბავი.

2 უთხრა თავის მსახურებს: „ეს იოანე ნათლისმცემელია, მკვდრეთით აღდგა და ამიტომ ძალნი მოქმედებენ მასში.“

3 ვინაიდან ჰეროდემ შეიპყრო იოანე, შებორკა და საპყრობილეში ჩასვა თავისი ძმის, ფილიპეს ცოლის, ჰეროდიას გამო.

4 ვინაიდან იოანე ეუბნებოდა მას: შენთვის ნებადართული არ არისო მისი ყოლა.

5 უნდოდა მისი მოკვლა, მაგრამ ხალხისა ეშინოდა, რადგან წინასწარმეტყველად მიაჩნდათ იგი.

6 ხოლო ჰეროდეს დაბადების დღეს ჰეროდიას ასულმა იცეკვა შეკრებილთა წინაშე და აამა ჰეროდეს.

7 ამიტომ ფიცით შეპირდა მას მიეცა, რაც არ უნდა ეთხოვა.

8 ხოლო მან, თავისი დედისგან დარიგებულმა, უთხრა: „მომეცი აქ ლანგრით იოანე ნათლისმცემლის თავი.“

9 შეწუხდა მეფე, მაგრამ ფიცისა და თანამეინახეთა რიდით ბრძანა მიცემა.

10 წარგზავნა და იოანესათვის თავი მოაკვეთინა საპყრობილეში.

11 მოართვეს თავი ლანგრით და გადასცეს ქალიშვილს, მან კი თავის დედას მიართვა.

12 მოვიდნენ მისი მოწაფეები. წაიღეს მისი ნეშტი და დაძაბეს. მივიდნენ და შეატყობინეს იესოს.

ხუთიათასი კაცისთვის ხუთი პურის და ორი თევზის დარიგება

13 ეს რომ იესომ მოისმინა, წავიდა იქიდან ნავით და ერთ უდაბურ ადგილას განმარტოვდა; ხოლო ხალხმა რომ ეს გაიგო, ფეხით გაედევნა მას ქალაქებიდან. მარ.6,23. ლუკ.9,10.

14 გამოვიდა და უამრავი ხალხი რომ დაინახა, შეებრაღა ისინი და განკურნა მათი სნეულები.

15 როცა მოსალამოვდა, მივიდნენ მასთან მოწაფეები და უთხრეს: „აქ უდაბნო ადგილია, ჟამიც გვიანია; გაუშვი ეს ხალხი, რომ წავიდნენ სოფლებში და საჭმელი იყიდონ თავისთვის.“

16 იესომ კი უთხრა მათ: „მაგათ არ სჭირდებათ წასვლა; თქვენ მიეცით საჭმელი.“

17 ხოლო მათ უთხრეს: „ჩვენ აქ მხოლოდ ხუთი პური და ორი თევზი გვაქვს.“ მარ.6,38. ლუკ.9,13. იოან.6,9.

18 მან უთხრა: „აქ მომიტანეთ.“

19 უბრძანა ხალხს ბალახზე დამსხდარიყვნენ. აიღო ხუთი პური და ორი თევზი, ზეცას ახედა, აკურთხა, დაამტვრია და მისცა პურები მოწაფეებს, მოწაფეებმა კი ხალხს დაურიგეს.

20 ყველამ ჭამა და გაძღა, ხოლო დარჩენილი ნატეხებისგან აკრიფეს თორმეტი სავსე გოდორი.

21 ხოლო მჭამელი ხუთი ათასამდე კაცი იყო, გარდა ქალებისა და ბავშვებისა.

სიარული წყალზე

22 და მაშინვე აიძულა იესომ თავისი მოწაფეები, ნავში ჩამსხდარიყვნენ და მასზე ადრე გასულიყვნენ მეორე მხარეს, ვიდრე ის ხალხს გაუშვებდა.

23 როცა გაუშვა ხალხი, მთაზე ავიდა, რათა განმარტოებით ელოცა. მოსალამოვდა და იგი მარტო იყო იქ. მარ.6,46. იოან.6,15.

24 ხოლო ნავი უკვე მრავალ სტადიონზე წასულიყო ხმელეთიდან და გასაჭირი ედგა ტალღებისგან, რადგან პირქარი იყო.

25 ღამის მეოთხე გუშაგობისას მივიდა მათთან იესო პირდაპირ ზღვაზე სვლით.

26 მოწაფეებმა ზღვაზე მაგალი რომ დაინახეს, შეძრწუნდნენ და თქვეს: ეს მოჩვენებააო, და შიშისაგან შეჰყვირეს.

27 მაგრამ იესო მყისვე გამოელაპარაკა მათ და უთხრა: „გამხნევდით, მე ვარ, ნუ გეშინიათ!“

28 პეტრემ უთხრა მას პასუხად: „უფალო, თუ ეს შენა ხარ, მიბრძანე, მოვიდე შენთან წყალდაწყალ.“

29 მან კი უთხრა: „მოდო!“ პეტრე გადმოვიდა ნავიდან და წყალდაწყალ მიაბიჯებდა, რათა იესოსთან მისულიყო.

30 მაგრამ, ქარი რომ დაინახა, შეეშინდა, ჩაძირვა იწყო და იყვირა: „უფალო, მიხსენი მე!“

31 იესომ იმ წამსვე გაუწოდა ხელი, ამოიყვანა და უთხრა: „რატომ დაეჭვდი, მცირედმორწმუნევ.“

32 როცა ისინი ნავში ავიდნენ, ქარი ჩადგა.

33 ხოლო ნავში მყოფებმა თაყვანი სცეს მას და უთხრეს: „ჰეშმარიტად ღვთის ძე ხარ შენ.“

გენესარეთის ქვეყანაში სნეულებათა განკურნება

34 გაღმა გავიდნენ და მივიდნენ გენესარეთის ქვეყანაში.

მარ.6,53.

35 იმ ადგილის ხალხმა იცნო იგი, დაგზავნეს მთელ მხარეში და მოუყვანეს მას ყველა ავადმყოფი.

36 ევედრებოდნენ მას, რომ მისი სამოსის კალთას მაინც შეხებოდნენ. და ვინც შეეხო, განიკურნა.

თ ა ვ ი 15

უხუცესთა ჩვეულება და ღვთის სიტყვა

1 მაშინ მივიდნენ იესოსთან იერუსალიმელი ფარისეველნი და მწიგნობარნი და უთხრეს: მარ.7,1.

2 „რატომ არღვევენ შენი მოწაფეები უხუცესთა ჩვეულებას? რადგან ხელს არ იბანენ პურის ჭამის წინ.“

3 მან კი მიუგო მათ პასუხად: „თქვენ რაღატომ არღვევთ ღვთის მცნებას თქვენი ჩვეულების გამო?“

4 ვინაიდან ღმერთმა თქვა: 'პატივი ეცი მამას და დედას, და მამის ან დედის აუგის მთქმელი სიკვდილით მოკვდეს.'

გამოს.20,12;21,17. ლევ.20,9. 2შჯ.5,16. იგ.სოლ.20,20. მარკ.7,10. ეფეს.6,2.

5 თქვენ კი ამბობთ: თუ ვინმე ეტყვის თავის მამას ან დედას: ეს შესაწირავია, რითაც ჩემგან უნდა გესარგებლაო.

6 ამით პატივს არ სცემს თავის მამას და თავის დედას. ამრიგად, თქვენ გააუქმეთ ღვთის მცნება თქვენი ჩვეულებით.

7 თვალთმაქცო, კარგად წინასწარმეტყველებდა ესაია თქვენზე, როცა ამბობდა:

8 'ეს ხალხი პატივს მცემს ბაგეებით, მათი გული კი შორს არის ჩემგან.'

ეს.29,13. მარ.7,6.

9 ამაოდ მცემენ თაყვანს, რაკი ადამიანთა განკარგულებებს მოძღვრების მსგავსად ასწავლიან."

10 მოუწოდა იმ ხალხს და უთხრა მათ: „ისმინეთ და გაიგეთ:

მარ.7,14.

11 ადამიანს ბილწავს არა ის რაც პირში შედის, არამედ ის რაც პირიდან გამოდის. ეს ბილწავს ადამიანს."

12 მაშინ მივიდნენ მოწაფეები და უთხრეს მას: „იცი, რომ ფარისევლები ამ სიტყვის მოსმენით ცდუნდნენ?"

13 მან კი მიუგო პასუხად: „ყოველი ნერგი, რომელიც ჩემმა ზეციერმა მამამ არ დარგო, ძირფესვიანად აღმოიფხვრება.

იოან.15,2.

14 მოეშვით მათ: ბრძეები არიან და ბრძათა წინამძღოლნი. ხოლო თუ ბრძას ბრძა მიყავს, ორივენი ორმოში ჩაცვივიან."

ეს.42,19. იერ.5,31. ლუკ.6,39.

15 პეტრემ უთხრა მას პასუხად: „გაგვიმარტე ეს იგავი."

გულიდან გამოდის

16 ხოლო მან უთხრა: „ნუთუ კიდევ არაფერი გაგეგებათ?

17 ნუთუ კიდევ არ გესმით, რომ ყველაფერი რაც პირში შედის, მუცელს გაივლის და გარეთ გამოდის?

18 ხოლო პირიდან გამოსული კი გულიდან გამოდის და სწორედ ეს ბილწავს ადამიანს.

იაკ.3,6.

19 ვინაიდან გულიდან გამოდის: ბოროტი ზრახვანი, მკვლელობანი, მრუშობანი, მეძაობანი, ქურდობანი, ცრუმოწმობანი, გმობანი.

დაბ.6,5;8,21. მარ.7,21.

20 სწორედ ეს ბილწავს ადამიანს, დაუბანელი ხელით ჭამა კი არ ბილწავს ადამიანს."

ქანაანელი ასულის განკურნება

21 გამოვიდა იქიდან იესო და მივიდა ტვიროსისა და სიდონის მხარეებში.

მარ.7,24.

22 და აჰა, ქანაანელი დედაკაცი გამოვიდა იმ ადგილებიდან

და შეჰღალადა მას: „შემიწყალე მე, უფალო, ძეო დავითისა, ჩემი ქალიშვილი ეშმაკეულია.“

23 მან კი ხმა არ გასცა მას. მოწაფეები მივიდნენ მასთან და სთხოვეს: „გაუშვი იგი, ჩვენ რომ მოგვყვირის.“

24 მან კი პასუხად უთხრა: „მე მოვლინებული ვარ მხოლოდ ისრაელის სახლის დაღუპულ ცხვრებთან.“

ეს.53.6. იერ.50,6. ეზეკ.34,5-6. მათ.10.6.

25 დედაკაცი კი მიუახლოვდა, თაყვანი სცა მას და უთხრა: „მიშველე, უფალო!“

26 ხოლო მან მიუგო პასუხად: „არ არის კარგი, რომ შვილებს წაართვა პური და ძაღლებს გადაუგდო.“

27 დედაკაცმა უთხრა: „დიახ, უფალო, მაგრამ ძაღლებიც ხომ ჭანენ ნამცეცებს, მათი ბატონების სუფრიდან რომ ცვივა.“

28 მაშინ მიუგო იესომ პასუხად: „ჰოი, დედაკაციო! დიდია შენი რწმენა, მოგეცეს, როგორც შენ გსურს.“ და იმავე საათში განიკურნა მისი ქალიშვილი.

ბევრის განკურნება და ოთხიათასი კაცის დაპურება

29 წავიდა იქიდან იესო, მივიდა გალილეის ზღვასთან, ავიდა მთაზე და დაჯდა იქ.

30 მივიდა მასთან დიდძალი ხალხი; თან ჰყავდათ კოჭლები, დასახიჩრებულები, ბრმები, მუნჯები და მრავალი სხვა. დასხეს მის ფერხთით და მან განკურნა ისინი.

ეს.35,5-6.

31 ასე რომ, უკვირდა ხალხს, ხედავდნენ რა, რომ მუნჯები ალაპარაკდნენ, დასახიჩრებულნი გამოჯანსაღდნენ, კოჭლებმა გაიარეს და ბრმებმა დაინახეს. და აღიღებდნენ ისრაელის ღმერთს.

32 იესომ კი მოუხმო თავის მოწაფეებს და უთხრა: „მებრალემა ეს ხალხი, სამი დღე რომ ჩემთან არის და საჭმელი კი არაფერი აქვს. არ მინდა მათი უჭმელად გაშვება, რათა გზაში არ დაუძლურდნენ.“

მარ.8.1.

33 უთხრეს მას მოწაფეებმა: „უდაბნოში სადა გვაქვს იმდენი პური, რომ ამდენი ხალხი გავაძლოთ?“

34 იესომ უთხრა მათ: „რამდენი პური გაქვთ?“ მათ უთხრეს: „შვიდი და მცირეოდენი თევზი.“

35 მაშინ უბრძანა ხალხს, რომ მიწაზე დამსხდარიყვნენ.

36 აიღო ის შვიდი პური და თევზები, მადლი შესწირა, დაამტვრია და მისცა თავის მოწაფეებს, მოწაფეებმა კი – ხალხს.

37 ყველამ ჭამა და გაძლა; ნარჩენი ნატეხებისაგან კი შვიდი სავესე კალათა აკრიფეს.

38 მჭამელნი კი ოთხი ათასამდე კაცი იყო, გარდა დედაკაცებისა და ბავშვებისა.

39 გაუშვა ხალხი, ჩაჯდა ნავში და მივიდა მაგდალის ადგილებში.

თ ა ვ ი 16

ღროის და ნიშნის გამოცნობა

1 მივიდნენ მასთან ფარისეველნი და სადუკეველნი და გამო-
საცდელად სთხოვეს, ეჩვენებინა მათთვის ციდან ნიშანი.

მათ.12,38. მარ.8,11. 1კორ.1,22.

2 ხოლო მან პასუხად უთხრა: „სალამოხანს თქვენ ამბობთ:
ხვალ მოწმენდილი იქნება, ვინაიდან ცა წითელიაო; ლუკ.12,54.

3 დილით კი: დღეს გაიავდრებს, ვინაიდან ცა მოქუფრუ-
ლიაო. ცის პირის გამოცნობა შეგიძლიათ, ღროის ნიშანთა კი –
არა.

4 ბოროტი და მრუში მოდგმა ეძებს ნიშანს, მაგრამ ნიშანი
არ მიეცემა მას, გარდა იონას ნიშნისა.“ მიატოვა ისინი და
წავიდა. მათ.12,39.

ფარისეველთა საფუარი

5 გაღმა გადასვლისას მის მოწაფეებს პურის წაღება დაა-
ვიწყდათ. მარ.8,14.

6 ხოლო იესომ უთხრა მათ: „იფრთხილეთ, მოერიდეთ ფარი-
სეველთა და სადუკეველთა საფუარს.“ მარ.8,15. ლუკ.12,1.

7 ისინი კი გულში ფიქრობდნენ და ამბობდნენ: პური არ
წამოგვიღიაო.

8 იცოდა ეს იესომ და უთხრა მათ: „რას ფიქრობთ გულში,
მცირედ მორწმუნენო, პური რომ არ წამოგვიღიათ?

9 ნუთუ კიდეც ვერ გაგიგიათ და აღარ გახსოვთ იმ ხუთი
ათასის ხუთი პური? რამდენი გოდორი აიღეთ?

10 აღარც ოთხი ათასის შვიდი პური და რამდენი კალათი
აიღეთ?

11 რატომ ვერ გაგიგიათ, რომ პურის გამო არ მითქვამს,
ერიდეთ-მეთქი ფარისეველთა და სადუკეველთა საფუარს?“

12 მაშინლა მიხვდნენ, რომ იგი ეუბნებოდა, მორიდებოდნენ
არა პურის საფუარს, არამედ ფარისეველთა და სადუკეველთა
მოძღვრებას.

პეტრე შეიცნობს ქრისტეს ღვთის ძედ

13 ფილიპეს კესარიის მხარეს რომ მიდიოდნენ, იესომ ჰკითხა
თავის მოწაფეებს: „რას ამბობს ხალხი, ვინ არისო კაცის ძე?“

დან.7,13-14. მარ.8,27. ლუკ.9,18.

14 მათ უთხრეს: „ზოგი ამბობს იოანე ნათლისმცემელიაო,
ზოგი – ელიაო და ზოგი – იერემია ან ერთი
წინასწარმეტყველთაგანიაო.“

15 უთხრა მათ: „თქვენ კი რას იტყვით: ვინა ვარ მე?“

16 სიმონ-პეტრემ უთხრა მას პასუხად: „შენა ხარ ქრისტე, ძე
ცოცხალი ღვთისა.“ მათ.14,33. მარ.8,29. ლუკ.9,20. იოან.6,69.

17 მიუგო მას პასუხად იესომ: „ნეტარ ხარ შენ, სიმონ იონას ძე, ვინაიდან შენ ეს გამოგიცხადა არა ხორცმა და სისხლმა, არამედ მამაჩემმა, რომელიც ზეცაშია.“ მათ.11,25,27.

18 მეც გეუბნები შენ: შენა ხარ პეტრე და ამ კლდეზედ ავაშენებ ჩემს ეკლესიას და მას ვერ დაძლევს ჯოჯოხეთის ბჴენი. ლუკ.22,31-32. 1პეტ.2,4. 1კორ.3,11.

19 მოგცემ შენ ცათა სასუფეველის გასაღებებს და, რასაც შეჴკრავ დედამიწაზე, ზეცაშიც შეკრული იქნება, ხოლო რასაც გახსნი დედამიწაზე, გახსნილი იქნება ზეცაშიც.“ მათ.18,18. იოან.20,23.

20 მაშინ გააფრთხილა მოწაფეები, არავისთვის გაემხილათ, რომ ის ქრისტეა. მარ.8,30.

21 მას შემდეგ დაიწყო იესომ გამხელა თავისი მოწაფეებისათვის, რომ უნდა წასულიყო იერუსალიმს და ტანჯულიყო მღვდელმთავრებისა და მწიგნობრებისაგან, მოკლული ყოფილიყო და მესამე დღეს აღმდგარიყო.

22 პეტრემ გაიხმო იგი, არწმუნებდა: „შეიწყალე თავი, უფალო!“

23 ის კი მიუბრუნდა პეტრეს და უთხრა: „მომცილდი სატანავ! ჩემი საცდური ხარ, ვინაიდან ფიქრობ არა იმაზე, რაც ღვთიურია, არამედ იმაზე, რაც ადამიანურია.“ რომ.8,7.

იესო მოუწოდებს თავის მიმდევრებს

24 მაშინ თავის მოწაფეებს უთხრა იესომ: „ვისაც უნდა, რომ მომყვეს, უარყოს თავისი თავი, აილოს თავისი ჯვარი და გამომყვეს.“ მათ.10,38. მარ.8,34. ლუკ.14,27.

25 ვინაიდან ვისაც სურს თავის სულს გაუფრთხილდეს, ის დაკარგავს მას; ხოლო ვინც ჩემი გულისთვის დაკარგავს სულს, ის მოიპოვებს მას.

26 რა სარგებლობა აქვს ადამიანს, თუნდაც მთელი ქვეყანა შეიძინოს, თავისი სული კი დაკარგოს? ან რას გაიღებს ადამიანი თავისი სულის სანაცვლოდ?

27 ვინაიდან მოვა კაცის ძე თავისი მამის დიდებით, თავის ანგელოზებთან ერთად, და მაშინ მიუზღვავს თითოეულ კაცს მისი ნამოქმედარის მიხედვით.

ფსალ.61,13. ზაქ.14,5. მათ.25,31. რომ.2,6. გამოცხ.19,14.

28 ჴეშმარიტად გეუბნებით თქვენ: არიან ზოგიერთები აქ მდგომთაგან, რომლებიც არ იგემებენ სიკვდილს, სანამ არ იხილავენ კაცის ძეს, თავის სასუფეველში მომავალს.“ მარ.9,1. ლუკ.9,27.

თ ა ვ ი 17

ფერისცვალება

1 ექვსი დღის შემდეგ წაიყვანა იესომ პეტრე, იაკობი და მისი ძმა იოანე, და აიყვანა ისინი მაღალ მთაზე განმარტოებით.

მარ.9,2. ლუკ.9,28.

2 და ფერი იცვალა მათ წინაშე: გაბრწყინდა მისი სახე მზესავით, ხოლო მისი სამოსელი ნათელივით გასპეტაკდა.

3 და აჰა, გამოეცხადნენ მათ მოსე და ელია, მასთან მოსაუბრენი.

4 უთხრა პეტრემ იესოს: „უფალო, რა კარგია ჩვენთვის აქ ყოფნა. თუ გნებავს, გავაკეთებ აქ სამ კარავს: ერთი შენ, ერთი მოსეს და ერთიც ელიას.“

5 ის ჯერ კიდევ ლაპარაკობდა, რომ, აჰა, ნათელმა ღრუბელმა დაჩრდილა ისინი, და აჰა, ამბობს ხმა ღრუბლიდან: „ეს არის ჩემი საყვარელი ძე, რომელიც მოვიწონე მე. მას უსმინეთ!“
2შჯ.18,15. მათ.3,17. ლუკ.3,22.

6 ეს რომ ესმათ მოწაფეებს, პირქვე დაემხნენ და ძალიან შეეშინდათ.

7 იესო მიუახლოვდა, და შეეხო მათ და უთხრა: „წამოდექით და ნუ გეშინიათ.“

8 თვალი რომ აახილეს, ველარავინ დაინახეს, გარდა იესოსი.

9 როცა ისინი მთიდან ჩამოდრიოდნენ, იესომ უბრძანა მათ და უთხრა: „არავის არათფერი მოუყვეთ ამ ხილვაზე, ვიდრე ძე კაცისა მკვდრეთით არ აღდგება.“

10 ჰკითხეს მას მოწაფეებმა: „რატომ ამბობენ მწიგნობრები, პირველად ელია უნდა მოვიდესო?“
მათ.11,14. მარ.9,11.

11 ხოლო მან მიუგო პასუხად: „ელია ნამდვილად მოვა და აღადგენს ყოველივეს.“

12 მაგრამ თქვენ გეუბნებით, რომ ელია უკვე მოვიდა, მაგრამ ვერ იცნეს იგი და ისე მოექცნენ, როგორც უნდოდათ; კაცის ძესაც ასევე მოელის მათგან ტანჯვა.“

13 მაშინ მიხვდნენ მოწაფეები, რომ ის იოანე ნათლისმცემელზე ელაპარაკებოდა.

მთვარეულის განკურნება

14 როცა ისინი ხალხთან მივიდნენ, ერთი კაცი მიუახლოვდა და მუხლი მოიდრიკა მის წინაშე
მარ.9,17. ლუკ.9,38.

15 და უთხრა: „უფალო! შეიწყალე ჩემი ძე. მთვარეულია და ძლიერ იტანჯება, ვინაიდან წარამარა ცეცხლში და წარამარა კიდევ წყალში ვარდება.“

16 მივუყვანე იგი შენს მოწაფეებს, მაგრამ მათ ვერ შეძლეს მისი განკურნება.

17 იესომ მიუგო მას პასუხად: „ჰოი, ურწმუნო და უკულმართო მოდგმავ! როდემდე ვიქნები თქვენთან? როდემდე მოგიტმენთ თქვენ? აქ მომგვარეთ იგი!“

18 შერისხა იგი იესომ მოყვანისთანავე და ეშმაკი გამოვიდა მისგან. იმ საათშივე განიკურნა ყმაწვილი.

19 მაშინ განმარტოებით მიუახლოვდნენ მოწაფეები იესოს და უთხრეს: „ჩვენ რატომ ვერ შევძელით მისი განდევნა?“

20 ხოლო მან უთხრა მათ: „თქვენი მცირე რწმენის გამო. ჭეშმარიტად გეუბნებით თქვენ: მღოგვის მარცვლისოდენა რწმენა რომ გქონდეთ და უთხრათ ამ მთას: აქედან იქით გადადიო, იგი გადავა, და არაფერი იქნება თქვენთვის შეუძლებელი.“

მათ.21.21. მარ.9.23:11.23. ლუკ.17.6.

21 ეს მოდგმა კი მხოლოდ ლოცვითა და მარხვით განიდევნება.“

მარ.9.29.

22 გალილეაში ყოფნისას უთხრა მათ იესომ: „კაცის ძე გადაცემული იქნება კაცთა ხელში.“

ლუკ.9.22:24.7.

23 მოკლავენ მას და მესამე დღეს აღდგება.“ ისინი მეტი-სმეტად შეწუხდნენ.

ტაძრის ხარკის გადახდის შესახებ

24 კაპერნაუმში მისვლისას მივიდნენ პეტრესთან დიდრაქმის ამკრებნი და უთხრეს: „თქვენი მოძღვარი ხომ არ გადაიხდის დიდრაქმას?“

25 მან უთხრა: კიო. როცა ის სახლში შევიდა, იესომ დაასწრო და უთხრა: „რას ფიქრობ, სიმონ, მიწიერი მეფენი ვისგან იღებენ ხარკს ან ბაჟს – თავიანთ ძეთაგან თუ უცხოთაგან?“

26 როცა თქვა: უცხოთაგანო, იესომ უთხრა მას: „აბა, ძენი თავისუფლები ყოფილან.“

27 მაგრამ, ისინი რომ არ ვაცდუნოთ, წადი ზღვაზე, ისროლე ანკესი და პირველი თევზი, რომელიც მოხვდეს, ამოიყვანე, გაუღე პირი და შიგ იპოვი სტატირს. წამოიღე იგი, მიეცი ჩემთვის და შენთვის.“

თ ა ვ ი 18

როგორც ბავშვები

1 იმ დროს მივიდნენ მოწაფეები იესოსთან და უთხრეს: „ვინ უფრო დიდია ცათა სასუფეველში?“

2 იესომ დაუდახა ბავშვს და ჩააყენა მათ შუა. მარ.9.36.

3 უთხრა: „ჭეშმარიტად გეუბნებით თქვენ: თუ არ მოიქცევით და არ იქნებით, როგორც ბავშვები, ვერ შეხვალთ ცათა სასუფეველში.“

4 ამრიგად, ვინც თავს დაიმდაბლებს, როგორც ეს ბავშვი. ის იქნება უდიდესი ცათა სასუფეველში. მარ.10.14. 1კორ.14.20.

5 ვინც მიიღებს ერთ ასეთ ბავშვს ჩემი სახელით, მე მიმიღებს.

6 ხოლო ვინც ერთს ამ მცირეთაგანს, რომელსაც ჩემი სწამს, აცდუნებს, მისთვის აჯობებდა წისქვილის ქვა დაეკიდათ კისერზე და ზღვის უფსკრულში ჩაეძირათ. მარ.9.42. ლუკ.17.1.

7 ვაი წუთისოფელს ცდუნებებისაგან, ვინაიდან ცდუნებები

უნდა მოვიდეს, მაგრამ ვაი იმ კაცს, ვისგანაც მოდის ცდუნება.

1 კორ.11,19.

8 თუ გაცდუნებს შენი ხელი ან შენი ფეხი, მოიკვეთე და გადააგდე შენგან. გიჯობს დასახიჩრებული ან კოჭლი შეხვიდე სიცოცხლეში, ვიდრე ორი ხელით ან ორი ფეხით იქნე ჩაგდებული საუკუნო ცეცხლში.

მარ.9,43.

9 თუ გაცდუნებს შენი თვალი, ამოითხარე და გადააგდე შენგან. გიჯობს ცალი თვალით შეხვიდე ცხოვრებაში, ვიდრე ორი თვალი გქონდეს და ჩაგდებულ იქნე ცეცხლოვან გეენაში.

2 შჯ.13,6. მათ.5,29.

10 შეხედეთ, აბუჩად არ აიგდოთ არც ერთი ამ მცირეთაგანი. გეუბნებით თქვენ, რომ მათი ანგელოზები ზეცაში ყოველთვის ხედავენ ჩემი ზეციერი მამის სახეს.

ფსალ.33,8. ებრ.1,14.

11 ვინაიდან კაცის ძე დაღუპულის სახსნელად მოვიდა.

მარ.10,6. ლუკ.9,56.

გზააბნეული ცხვარი

12 „რა გგონიათ თქვენ, კაცს რომ ასი ცხვარი ჰყავდეს და ერთ მათგანს გზა რომ აებნას, განა მთებში არ მიატოვებს ოთხმოცდაცხრამეტს და არ წავა გზააბნეულის მოსაძებნად?

ლუკ.15,4.

13 თუ მოხდება და იპოვის მას, ჰეშმარიტად გეუბნებით თქვენ, უფრო მეტად გაიხარებს მასზე, ვიდრე ოთხმოცდაცხრამეტზე, რომლებსაც გზა არ აბნევიათ.

14 ასევე არა აქვს სურვილი თქვენს ზეციერ მამას, რომ დაიღუპოს ერთი ამ მცირეთაგანი.

შემცოდე ძმა

15 „ხოლო თუ შენი ძმა შესცოდავს, მიდი და ამხილე იგი, როცა მარტონი იქნებით. თუ გაგიგონებს, შეგიძენია შენი ძმა.

ლევ.19,17. ლუკ.17,3. იაკ.5,19-20.

16 ხოლო თუ არ გაგიგონებს, წაიყოლე კიდევ ერთი ან ორი სხვა, რათა ორი ან სამი მოწმის პირით დამტკიცდეს ყოველი სიტყვა.

2 შჯ.17,6;19,15. იოან.8,17. 2 კორ.13,1. ებრ.10,28.

17 თუ არც მათ გაუგონებს, ეკლესიას უთხარი. თუ არც ეკლესიას გაუგონებს, მაშინ იყოს იგი შენთვის, როგორც წარმართი და მებაჟე.

18 ჰეშმარიტად გეუბნებით თქვენ: რასაც დედამიწაზე შეკრავთ, ზეცაშიც შეკრული იქნება. ხოლო რასაც გახსნით დედამიწაზე, გახსნილი იქნება ზეცაშიც.

მათ.16,19. იოან.20,23.

სადაც ორი ან სამი შეიკრიბება ჩემი სახელით

19 „ასევე ჰეშმარიტად გეუბნებით თქვენ: თუ ორნი თქვე-

ნგან შეთანხმდებიან დედამიწაზე, ითხოვონ ნებისმიერი რამ, მიეცემათ მათ ჩემი მამისაგან, რომელიც ზეცაშია.

20 ვინაიდან, სადაც ორი ან სამია შეკრებილი ჩემი სახელით, მეც იქა ვარ მათ შორის.“

მოწყალე მეფე და უმოწყალო მონა

21 მაშინ მივიდა მასთან პეტრე და უთხრა: „უფალო! რამდენჯერ უნდა მივუტევო ჩემს ძმას, ჩემს წინააღმდეგ რომ შესცოდოს? შვიდჯერ?“ ლუკ.17,4.

22 უთხრა მას იესომ: „მე არ გეუბნები, შვიდჯერ-მეთქი, არამედ სამოცდაათჯერის შვიდჯერ.“

23 ამიტომ ჰგავს ცათა სასუფეველი მეფეკაცს, რომელმაც მოისურვა თავისი მონებისათვის ანგარიშის გასწორება.

24 როცა დაიწყო ანგარიში, წარუდგინეს მას ერთი, რომელსაც ათი ათასი ტალანტი ემართა მისი.

25 და რაკი არაფერი გააჩნდა, რომ გადაეხადა, ბატონმა ბრძანა გაეყიდათ იგი, მისი ცოლი, შვილები და ყოველივე, რაც რამ ებადა, და გადაეხადა.

26 მაშინ მონა დაემხო პირქვე, თაყვანი სცა და უთხრა: სულგრძელი იყავ ჩემს მიმართ და ყველაფერს გადაგიხდიო.

27 ბატონს შეებრაღა ის მონა, გაუშვა და ვალიც აპატია.

28 ამ მონამ გამოსვლისთანავე იპოვა ერთი თავისი ამხანაგი მონა, რომელსაც მისი ასი დინარი ემართა, დაიჭირა, ყელში სწვდა და უთხრა: გადამიხადე, რაც გმართებსო.

29 პირქვე დაემხო ამხანაგი მონა, შეევედრა და უთხრა: სულგრძელი იყავ ჩემს მიმართ და ყველაფერს გადაგიხდიო.

30 მაგრამ მან არ ინდომა, არამედ წავიდა და ჩააგდო იგი საპყრობილეში, ვიდრე ვალს გადაუხდიდა.

31 მისმა ამხანაგმა მონებმა რომ ნახეს რაც მოხდა, შეწუხდნენ, მივიდნენ თავიანთ ბატონთან, და აუწყეს ყოველივე მომხდარი.

32 მაშინ დაიბარა იგი მისმა ბატონმა და უთხრა: 'ბოროტო მონავ! რაკი მთხოვე, მე მთელი ვალი გაპატიე.

33 განა შენ არ გეკადრებოდა, შეგეწყალებინა შენი ამხანაგი მონა, როგორც მე შენ შეგიწყალე?'

34 განრისხდა ბატონი და გადასცა იგი მტანჯველებს, ვიდრე მთელ თავის ვალს გადაიხდიდა.

35 ასევე მოგექცევათ თქვენ ჩემი ზეციერი მამა, თუ ყოველი თქვენგანი გულით არ მიუტევებს თავის ძმას მის შეცოდებებს.“

თ ა ვ ი 19

საბაბი გაყრისათვის

1 ეს სიტყვები რომ დაასრულა იესომ, წავიდა გალილეიდან და მივიდა იუდეის საზღვრებში, იორდანეს გაღმა. მარ.10,1.

2 დიდძალი ხალხი მისდევდა და კურნავდა მათ იქ.

3 მაშინ მივიდნენ მასთან ფარისეველი და გამოსაცდელად ჰკითხეს: „თუ არის ნებადართული კაცისათვის გაუშვას ცოლი ყოველგვარი მიზეზით?“

4 ხოლო მან უთხრა პასუხად: „ნუთუ არ წაგიკითხავთ, რომ შემოქმედმა დასაბამიდან მამაკაცად და დედაკაცად შექმნა ისინი?
დაბ.1,27. მარ.10,6.

5 და თქვა: ‘ამიტომ მიატოვებს კაცი მამას და დედას, მიეწებება თავის ცოლს და ორნი იქნებიან ერთ ხორცად.’

დაბ.2,24. მარ.10,7-8. 1კორ.6,16. ეფს.5,31.

6 ამრიგად, ისინი უკვე ორნი კი აღარ არიან, არამედ ერთი ხორცი. ამიტომ ვინც ღმერთმა შეაუღლა, კაცი ნუ დააშორებს მათ.

7 უთხრეს მას: „აბა, მოსემ რაღატომ დადო მცნებად გაყრილობის მოწმობის მიცემა და გაშვება?“
2შჯ.24,1. მათ.5,31.

8 უთხრა მათ: „მოსემ თქვენი გულქვაობის გამო მოგცათ თქვენი ცოლების გაშვების ნება, დასაბამიდან კი ასე არ ყოფილა.

9 მაგრამ მე გეუბნებით თქვენ: ვინც თავის ცოლს გაუშვებს, სიძვის მიზეზის გარეშე და სხვას შეირთავს, მრუშობს.“

მათ.5,32. მარ.10,11. ლუკ.16,18.

10 უთხრეს მას მოწაფეებმა: „თუკი ასეთი მიზეზი აქვს კაცს ქალის მიმართ, უმჯობესია არ შეირთოს ცოლი.“

11 უთხრა მათ: „ყველა ვერ შეითვისებს ამ სიტყვას, არამედ ვისაც მიცემული აქვს.

12 ვინაიდან არიან საჭურისნი, რომელნიც თავიანთი დედის მუცლიდან იშვნენ ასეთებად, და არიან საჭურისნი, რომელნიც აღამიანებმა დაასაჭურისეს; არიან საჭურისნი, რომელთაც თვითონ დაისაჭურისეს თავი ცათა სასუფეველისათვის. ვისაც შეუძლია შეთვისება, შეითვისოს.“
ეს.56,3. 1კორ.7,7.

იესო ლოცავს ბავშვებს

13 მაშინ მოიყვანეს მასთან ბავშვები, რომ ხელი დაედო და ელოცა მათთვის, მოწაფეები კი კიცხავდნენ მათ.

მარ.10,13. ლუკ.18,15.

14 ხოლო იესომ უთხრა: „გამოუშვით ბავშვები და ნუ აბრკოლებთ მათ ჩემთან მოსასვლელად, ვინაიდან მაგათნაირებისაა ცათა სასუფეველი.“
მათ.18,3.

15 დაადო მათ ხელი და წავიდა იქიდან.

საუკუნო სიცოცხლე. მდიდარი ჰაბუკი

16 აჰა, მივიდა მასთან ვიღაც და უთხრა: „მოძღვარო, რა სიკეთე ვქნა, რომ საუკუნო სიცოცხლე მქონდეს?“

მარ.10,17. ლუკ.18,18.

17 ხოლო მან უთხრა მას: „სიკეთეზე რად მეკითხები? კეთილი მხოლოდ ერთია. ხოლო თუ სიცოცხლეში შესვლა გინდა, დაიცავი მცნებანი.“
იაკ.1,17.

18 ჰკითხა მას: „რომელნი?“ ხოლო იესომ უთხრა მას: „არა კლა, არ იმრუშო, არ იპარო, არ გამოხვიდე ცრუ მოწმედ.“
გამოს.30,13. ლევ.19,18. 2შჯ.5,17.

19 პატივი ეცი მამას და დედას და შეიყვარე მოყვასი შენი, ვითარცა თავი შენი.“

20 ჰბუკმა უთხრა მას: „ყოველივე ამას ვიცავდი. რაღა მიკლია კიდევ?“

21 უთხრა მას იესომ: „თუ გინდა, რომ სრულყოფილი იყო, წადი, შენი ქონება გაყიდე და მიეცი ღარიბებს და გექნება საუნჯე ზეცაში. მე რე მოდი და გამომყევი.“

22 ეს სიტყვა რომ მოისმინა ჰბუკმა, დაღონებული განშორდა, ვინაიდან ბევრი ქონება ჰქონდა.

23 იესომ კი უთხრა თავის მოწაფეებს: „ჰეშმარიტად გეუბნებით თქვენ: ძნელია მდიდრისათვის ცათა სასუფეველში შესვლა.“

24 კიდევ გეუბნებით თქვენ: უმალ აქლემი გაძვრება ნემსის ყუნწში, ვიდრე მდიდარი შევა ღვთის სასუფეველში.“

25 ეს რომ მოისმინეს, ძალიან გაუკვირდათ მის მოწაფეებს, და თქვეს: „აბა, ვილას შეუძლია გადარჩენა?“

26 გადახედა მათ იესომ და უთხრა: „კაცთაგან ეს შეუძლებელია, ხოლო ღვთისაგან ყოველივე შესაძლებელია.“

27 მაშინ პეტრემ უთხრა მას პასუხად: „აჰა, ჩვენ ყოველივე მივატოვეთ და გამოგყევით. რა გვექნება?“
მარ.10,28. ლუკ.18,28.

28 ხოლო იესომ უთხრა მათ: „ჰეშმარიტად გეუბნებით, რომ ვინც მე გამომყევით, მეორედ შობისას, როცა კაცის ძე თავისი დიდების ტახტზე დაჯდება, თქვენც დასხდებით თორმეტ ტახტზე ისრაელის თორმეტი ტომის განსაკითხავად.“
ლუკ.22,30.

29 ყველა, ვინც მიატოვა სახლები, ან ძმები, ან დები, ან მამა, ან დედა, ან შვილები, ან ყანები, ჩემი სახელის გულისათვის, ასმაგად მიიღებს და საუკუნო სიცოცხლეს დაიმკვიდრებს.

30 მაგრამ ბევრნი პირველნი უკანასკნელნი იქნებიან, ხოლო უკანასკნელნი – პირველნი.
მარ.10,31. ლუკ.13,30.

თ ა ვ ი 20

იგავი ვენახის მუშაკებზე და მათ საზღაურზე

1 „ვინაიდან სასუფეველი ცათა წააგავს ადამიანს – სახლის პატრონს, რომელიც დილაადრიან გავიდა თავის ვენახში მუშაკთა დასაქირავებლად.“
მათ.21,33.

2 მუშაკებს დღეში თითო დინარად მოურიგდა და გაისტუმრა თავის ვენახში.

3 მესამე საათი იქნებოდა, რომ გავიდა და დაინახა სხვები, ბაზარში უქმად მდგარნი.

4 უთხრა მათ: წადით თქვენც ჩემს ვენახში და რაც გერგებათ, მოგცემთ, და ისინიც წავიდნენ.

5 კიდევ გავიდა მეექვსე და მეცხრე საათზე, და ასევე მოიქცა.

6 გავიდა მეთერთმეტე საათზე, ნახა სხვა უქმად მდგომნი და უთხრა მათ: 'რატომ დგახართ აქ მთელ დღეს უქმად?'

7 უთხრეს მას: 'იმიტომ, რომ არავინ დაგვიქირავა.' უთხრა მათ: 'წადით ვენახში და რაც გერგებათ, მოგცემთ.'

8 რომ მოსალამოვდა, ვენახის პატრონმა უთხრა თავის განმგებელს: 'დაუძახე მუშაკებს და გადაუხადე ქირა, უკანასკნელიდან პირველამდე.'

9 მივიდნენ მეთერთმეტე საათზე დაქირავებულნი და მიიღეს თითო დინარი.

10 პირველად მოსულებმა კი იფიქრეს, მეტს მივიღებთო, მაგრამ იმათაც თითო დინარი მიიღეს.

11 როცა მიიღეს, ბუზლუნი დაუწყეს სახლის პატრონს.

12 ამბობდნენ: 'ამ უკანასკნელებმა მხოლოდ ერთი საათი წაიმუშავეს და შენ ისინი ჩვენ გაგვიტოლე, ვინც დღის სიმძიმე და სიცხე დავითმინეთ.'

13 მან კი ერთ მათგანს მიუგო პასუხად: 'მეგობარო, არ გაწყენინებ. განა დინარად არ მომირიგდი?'

14 აიღე შენი გასამრჯელო და წადი; მე კი მინდა, ამ უკანასკნელსაც იგივე მივცე, რაც შენ.

15 ნუთუ არა მაქვს უფლება, რაც მე მეკუთვნის, ჩემი ნებისამებრ მოვიხმარო? იქნებ შენს თვალს შურს, კეთილი რომ ვარ?'

16 ასე იქნებიან უკანასკნელნი პირველნი და პირველნი – უკანასკნელნი, ვინაიდან წვეული ბევრია, რჩეული კი – ცოტა."

მათ.19,30;22,14.

წინასწარმეტყველება იესოს სიკვდილზე

17 იერუსალიმს რომ აღიოდა, იესომ თან გაიყოლა თორმეტნი განცალკევებით და უთხრა მათ გზაში:

18 „აჰა, ჩვენ ავდივართ იერუსალიმს და კაცის ძე გადაეცემა მღვდელმთავრებსა და მწიგნობართ, და სასიკვდილო მსჯავრს დასდებენ მას. მარ.10,33. ლუკ.18,31.

19 გადასცემენ მას წარმართებს, რომ შეაგინონ, გაშოლტონ და ჯვარს აცვან, და მესამე დღეს აღდგება." იოან.18,31.

20 მაშინ მივიდა მასთან ზებედეს ძეთა დედა, თავის ვაჟებთან ერთად, თაყვანისცემით და რაღაცას ეხვეწებოდა მას. მარ.10,35.

21 ჰკითხა მას: „რა გინდა?“ უთხრა: „რომ ეს ჩემი ორი ძე დაჯდეს ერთი შენს მარჯვნივ და მეორე შენს მარცხნივ შენს სასუფეველში.“

22 მიუგო იესომ პასუხად: „არ იცით, რას ითხოვთ. განა შეგიძლიათ იმ სასმისის შესმა, რომელსაც მე შევსვამ?“ ხოლო მათ უთხრეს: „შეგვიძლია.“ მათ.26,39,42.

23 უთხრა მათ: „ჩემს სასმისს შესვამთ, მაგრამ ჩემს მარჯვნივ და მარცხნივ დაჯდომის ნებათვა ჩემგან არ არის, არამედ ვისთვისაც გამზადებულია მამაჩემის მიერ.“

24 ეს რომ იმ ათმა გაიგონა, გული მოუვიდათ ორ ძმაზე.

მარ.10,41. ლუკ.22,24.

25 იესომ კი მოიხმო ისინი და უთხრა: „თქვენ იცით, რომ წარმართთა მთავარნი ბატონობენ მათზე და დიდებულნი ხელმწიფეებას იყენებენ მათზე,

26 მაგრამ თქვენს შორის ასე ნუ იქნება, არამედ, ვისაც თქვენ შორის სურს დიდი იყოს, ის თქვენი მსახური იყოს.

27 ვისაც თქვენს შორის სურს პირველი იყოს, ის თქვენი მონა იყოს.

28 ისევე, როგორც კაცის ძე არ მოსულა იმისათვის, რომ ემსახურონ, არამედ იმისათვის, რომ თავად მოემსახუროს და თავი შესწიროს მრავალთა გამოსასყიდად.“

მათ.26,28. იოან.11,51. ფილ.2,7-8.

ორი ბრმის განკურნება

29 როცა ისინი იერიხონიდან გამოდიოდნენ, დიდძალი ხალხი მისდევდა მას.

მარ.10,46. ლუკ.18,35.

30 და აჰა, ორი ბრმა იჯდა გზის პირას და როდესაც გაიგონეს, იესო აქეთ მოდისო, აყვირდნენ და ამბობდნენ: „შეგვიწყალე ჩვენ, უფალო, დავითის ძეო!“

მათ.9,27.

31 ხალხი კი უწყრებოდა მათ და აჩუმებდა. ხოლო ისინი უფრო მეტად აყვირდნენ და ამბობდნენ: „შეგვიწყალე, უფალო, დავითის ძეო!“

32 იესო შეჩერდა, დაუძახა მათ და უთხრა: „რა გინდათ, რომ გაგიკეთოთ?“

33 უთხრეს მას: „თვალები რომ აგვიხილო, უფალო.“

34 შეებრაღა იესოს ისინი და შეეხო მათ თვალებს. მყისვე აეხილათ და გაჰყვნენ მას.

თ ა ვ ი 21

იესოს შესვლა იერუსალიმში

1 როცა იერუსალიმს მიუახლოვდნენ და ბეთბაგეში მივიდნენ, ზეთისხილის მთასთან, მაშინ იესომ გაგზავნა ორი მოწაფე.

მარ.11,1. ლუკ.19,29.

2 უთხრა მათ: „წადით სოფელში, რომელიც თქვენს წინაა და მაშინვე იპოვით დაბმულ ვირს ჩოჩორთან ერთად. აუშვით და მომიყვანეთ.

3 თუ ვინმე რამეს გეტყვით, უთხარით: უფალს სჭირდება-თქო და მაშინვე გამოგატანთ მათ.“

4 ყოველივე ეს მოხდა, რათა აღსრულებულიყო წინასწარ-მეტყველის მიერ ნათქვამი, რომელიც ამბობს:

5 უთხარით სიონის ასულს: „აჰა, შენი მეფე შენთან მოდის, მშვიდი, მჯდომი ვირსა და ჩოჩორზე, სახედრის ნაშიერზე.“

ეს.62,11. ზაქ.9,9. იოან.12,15.

6 მოწაფეები წავიდნენ და ისე მოიქცნენ, როგორც იესომ უბრძანა.

7 მოჰგვარეს მას ვირი და ჩოჩორი, დაუფინეს ზედ თავიანთი სამოსლები და დაჯდა მათზე. მარ.11,7.

8 დიდძალი ხალხი თავის სამოსელს უფენდა გზაზე. სხვები კი ხეებიდან რტოებს ჭრიდნენ და გზაზე უფენდნენ. იოან.12,13.

9 ხოლო ხალხი, წინ რომ უძღვოდა და უკან მისდევდა, შესძახოდა: „ოსანა დავითის ძეს! კურთხეულია უფლის სახელით მომავალი! ოსანა, მაღალთა შინა!“ ფსალ.117,26. მარ.11,10. ლუკ.19,38.

10 როცა ის შევიდა იერუსალიმში, მთელი ქალაქი შეიძრა და ამბობდნენ: ეს ვინ არისო?

11 ხალხი კი ამბობდა: „ეს იესოა, წინასწარმეტყველი გალი-ლის ნაზარეთიდან.“

ტაძრის გაწმედა. ბრმებისა და კოჭლების განკურნება

12 შევიდა იესო ტაძრად და გამორეკა ყველა გამყიდველი და მყიდველი, ვინც ტაძარში იყო, გადააყირავა მეკერძეთა ტაბლები და მტრედების გამყიდველთა სკამები. მარ.11,15. ლუკ.19,45. იოან.2,14.

13 უთხრა მათ: „დაწერილია: ‘ჩემი სახლი სამლოცველო სახ-ლად იწოდება,’ თქვენ კი ავაზაკთა ბუნაგად გიქცევიათ იგი!“

ეს.56,7. იერ.7,11. მარ.11,17. ლუკ.19,46.

14 მივიდნენ მასთან ტაძარში ბრმები და კოჭლები და მან განკურნა ისინი.

15 როცა მღვდელმთავრებმა და მწიგნობრებმა დაინახეს სასწაული, რომელიც მან მოახდინა, და ბავშვები, რომელნიც ტაძარში იძახდნენ და ამბობდნენ: ოსანა დავითის ძესო! გული მოუვიდათ.

16 უთხრეს მას: „თუ გესმის, რას ამბობენ ისინი?“ იესომ კი უთხრა მათ: „ჰო! ნუთუ არასოდეს წავიკითხავთ: ‘ჩვილთა და ძუძუმწოვართა პირით დაიმკვიდრე დიდება.’“ ფსალ.8,3.

17 დატოვა ისინი, გავიდა ქალაქიდან ბეთანიაში და ღამე იქ გაათია.

ლელვის ხის გახმოზა

18 განთიადისას, ქალაქში რომ ბრუნდებოდა, მოშვიდა.

19 გზაზე ერთი ლელვი დაინახა, მივიდა ახლოს და ვერაფერი იპოვა ზედ, გარდა ფოთლებისა, და უთხრა მას: „ნულარასდროს გამოგელოს ნაყოფი უკუნისამდე.“ და მყისვე გახმა ლელვი.

მარ.11,13.

20 დაინახეს ეს მოწათვეებმა, გაუკვირდით და თქვეს: „რა უცბად გახმა ეს ლელვი!“

21 მიუგო მათ იესომ პასუხად: „ჭეშმარიტად გეუბნებით თქვენ: თუ რწმენა გექნებათ და არ დაეჭვდებით, მარტო იმას კი არ გააკეთებთ, რაც ამ ლელვს დაემართა, არამედ ამ მთასაც რომ უთხრათ, აიწიე და ზღვაში ჩავარდიო, ასე მოხდება.

მათ.17,20. ლუკ.17,6. იაკ.1,6.

22 ყველაფერს, რასაც ლოცვაში რწმენით ითხოვთ, მიიღებთ.“

მათ.7,7. მარ.11,24. იოან.14,13.

რომელი ხელმწიფებით

23 როცა ტაძარში შევიდა და ასწავლიდა, მივიდნენ მასთან მღვდელმთავრები და ხალხის უხუცესნი და უთხრეს მას: „რომელი ხელმწიფებით აკეთებ ამას, ან ვინ მოგცა შენ ეს ხელმწიფება?“

მათ.7,29. მარ.11,28. ლუკ.20,1-2.

24 მიუგო იესომ მათ პასუხად: „მეც გკითხავთ თქვენ ერთ სიტყვას და თუ მიპასუხებთ, მაშინ მეც გეტყვით თქვენ, რომელი ხელმწიფებით ვაკეთებ ამას.

25 საიდან იყო იოანეს ნათლისცემა: ზეციდან თუ კაცთაგან?“ ხოლო ისინი ერთმანეთში მსჯელობდნენ: „თუ ვიტყვით: ზეციდანო, გვეტყვის, აბა, რატომ არ ერწმუნეთო მას?

26 თუ ვიტყვით: კაცთაგანო, ხალხისა გვეშინია, ვინაიდან ყველას წინასწარმეტყველად მიაჩნია იოანე.“

მათ.14,5. მარ.6,20.

27 მიუგეს იესოს პასუხად: არ ვიცითო. მანაც უთხრა მათ: „არც მე გეტყვით, რომელი ხელმწიფებით ვაკეთებ ამას.

იგავი ორ შვილზე

28 „აბა, რა გგონიათ თქვენ? ერთ კაცს ორი შვილი ჰყავდა. მივიდა პირველთან და უთხრა: ‘შვილო, წადი დღეს და იმუშავე ვენახში.’

29 მან კი უპასუხა: ‘არ მინდა.’ ბოლოს კი ინანა და წავიდა.

30 მივიდა მეორესთან და იგივე უთხრა, მან კი პასუხად უთხრა: ‘წავალ, ბატონო.’ მაგრამ არ წავიდა.

31 ამ ორთაგან რომელმა შეასრულა თავისი მამის ნება?“ მიუგეს მას: „პირველმა.“ უთხრა მათ იესომ: „ჭეშმარიტად გეუბნებით თქვენ, რომ მეზაყუები და მეძავეები თქვენზე წინ შევლენ ღვთის სასუფეველში.

ლუკ.7,29.

32 ვინაიდან მოვიდა თქვენთან იოანე სიმართლის გზით და არ ერწმუნეთ მას, ხოლო მეზაჟეები და მეძაგები ერწმუნენ. თქვენ კი იხილეთ ეს და მაინც არ მოინანიეთ, რათა გერწმუნათ იგი.

ლუკ.3,12.

იგავი ბოროტ მიწისმუშაკებზე

33 „მოისმინეთ სხვა იგავი: იყო ერთი სახლის პატრონი, რომელმაც გააშენა ვენახი, გარს ღობე შემოავლო, შიგნით საწნახელი ამოკვეთა და კოშკი ააგო, მიწისმუშაკთ ჩააბარა და წავიდა.

ფსალ.79,9. ქება.8,11-12. ეს.5,1. იერ.2,21.

34 რთველი რომ მოახლოვდა, თავისი მონები გაუგზავნა მიწისმუშაკთ მისი ნაყოფის მისაღებად.

35 მიწისმუშაკებმა შეიპყრეს მისი მონები, ერთნი სცემეს, მეორენი დახოცეს და სხვა ჩაქოლეს.

მათ.5,12:23,34,37.

36 კიდევ გაუგზავნა სხვა მონები, უწინდელზე მეტი; ამათაც ასევე მოექცნენ.

37 ბოლოს თავისი ძე გაგზავნა მათთან და თქვა: ჩემი ძისა მოერიდებათო.

38 მაგრამ მიწისმუშაკებმა ძე რომ დაინახეს, ერთმანეთს უთხრეს: 'ეს მემკვიდრეა; მოდით, მოვკლათ იგი და დავისაკუთროთ მისი სამკვიდრებელი!'

მათ.26,4:27,1.

39 შეიპყრეს იგი, გააგდეს ვენახის მიღმა და მოკლეს.

ებრ.13,12.

40 აბა, როცა ვენახის პატრონი მოვა, რას უზამს ამ მიწისმუშაკთ?"

41 მიუგეს მას: „ამ ბოროტულთ ბოროტად დახოცავს და ვენახს გადასცემს სხვა მიწისმუშაკთ, რომლებიც ნაყოფს თავის ღროზე მისცემენ.“

42 უთხრა მათ იესომ: „ნუთუ არასოდეს არ წავიკითხავთ წერილებში: 'ლოდი, რომელიც მშენებლებმა დაიწუნეს, ქვაკუთხედად იქცა. უფლისაგან მოხდა ეს და საოცარია ჩვენს თვალში?'

ფსალ.117,22-23. ეს.28,16. მარ.12,10. ლუკ.20,17. საქ.4,11.

43 ამიტომ გეუბნებით თქვენ, რომ წაგერთმევით ღვთის სასუფეველი და მიეცემა ერს, რომელიც გამოიღებს მის ნაყოფს.

44 ის, ვინც ამ ლოდზე დაეცემა, დაილეწება; ხოლო ვისაც დაეცემა, გასრესს.“

ეს.8,14. დან.2,44. 1პეტ.2,7. რომ.9,32.

45 მღვდელმთავრებმა და ფარისევლებმა იგავი რომ მოისმინეს, მიხვდნენ, რომ მათზე ამბობდა.

46 ცდილობდნენ მის შეპყრობას, მაგრამ ხალხისა ეშინოდათ, ვინაიდან წინასწარმეტყველად მიაჩნდათ იგი.

თ ა ვ ი 22

საქორწილო ნადიმი

1 იესო პასუხად კი ისევ იგავით ლაპარაკობდა და ეუბნებოდა მათ:

2 „ცათა სასუფეველი ჰგავს მეფე კაცს, რომელმაც თავის ძეს ქორწილი გადაუხადა. იგ.9,1-6. ლუკ.14,16. გამოც.19.7.

3 გაგზავნა თავისი მონები ქორწილში მოწვეულთა დასაძახებლად, მაგრამ არ ისურვეს მოსვლა.

4 კვლავ გაგზავნა სხვა მონები და უთხრა: 'უთხარით მოწვეულებს: აჰა, მოვამზადე ჩემი ვახშამი, ჩემი ხბორები და ნასუჭი საქონელი დაკლულია, ყველაფერი მზად არის, გვეწვიეთ ქორწილში!'

5 მაგრამ მათ ყური არ უგდეს და ზოგი თავის ყანაში წავიდა, ზოგი თავის სავაჭრო საქმეზე.

6 სხვებმა კი შეიპყრეს მისი მონები, შეურაცხვეს და დახოცეს.

7 ეს რომ მეფემ გაიგო, განრისხდა, გაგზავნა თავისი ლაშქარი და ამოჰლიტა ის კაცისმკვლელნი, მათი ქალაქი კი ცეცხლს მისცა. ლუკ.19.27.43.

8 მაშინ უთხრა მან თავის მონებს: 'ეს ქორწილი მზად არის, მაგრამ მოწვეულები არ იყვნენ ღირსნი.'

9 ამიტომ გადით გზაჯვარედინებზე და ყველა, ვინც შემოგხვდეთ, მოიწვიეთ ქორწილში.

10 გავიდნენ მონები გზებზე და შეკრიბეს ყველა, ვინც კი შემოხვდათ, ბოროტი თუ კეთილი, და საქორწილო დარბაზი აივსო სტუმრებით.

11 მეფე შევიდა სტუმრების სანახავად და იქ დაინახა კაცი, რომელსაც საქორწილო სამოსელი არ ეცვა.

12 უთხრა მას: 'მეგობარო, აქ როგორ შემოხვედი, საქორწილო სამოსელი რომ არ გაცვია?' ის კი დუმდა.

13 მაშინ უთხრა მეფემ თავის მსახურებს: 'გაუკარით მაგას ხელ-ფეხი და გადაადგეთ გარესკნელის ბნელში. იქ იქნება მოთქმა და კბილთა ღრჭენა.'

14 ვინაიდან მოწვეული ბევრია, რჩეული კი ცოტა." მათ.20.16.

კეისარს კეისრისა და ღმერთს ღვთისა

15 მაშინ ფარისევლები წავიდნენ და მოითათბირეს, როგორ დაეჭირათ იგი სიტყვაში. მარ.12.13. ლუკ.20.20.

16 მიუგზავნეს მას თავისი მოწაფეები ჰეროდიანებთან ერთად და უთხრეს: „მოძღვარო, ვიცით რომ ჭეშმარიტი ხარ, ჭეშმარიტებით ასწავლი ღვთის გზას და არავის ერიდები, რადგან არ უყურებ კაცთა გარეგნობას.

17 ჰოდა, გვითხარი ჩვენ: როგორ ფიქრობ, უნდა ვაძლიოთ ხარკი კეისარს თუ არა?"

18 იესომ იცოდა რა მათი მზაკვრობა, უთხრა მათ: „რატომ მცდით, თვალთმაქცნო?"

19 მიჩვენეთ ხარკის მონეტა." და მიუტანეს მას ღინარი.

20 უთხრა მათ: „ვისია ეს სახე და წარწერა?"

21 მათ თქვეს: „კეისრისა!“ მაშინ უთხრა მათ: „მიეცით კეისრისა კეისარსა და ღვთისა – ღმერთსა!“ მარ.12,17. რომ.13,7.

22 ეს რომ გაიგონეს, გაუკვირდათ, მიატოვეს იგი და წავიდნენ.

მკვდრეთით აღდგომაზე

23 იმ დღეს მივიდნენ მასთან სადუკეველნი, რომელნიც ამბობდნენ, აღდგომა არ არისო, და ჰკითხეს მას:

მარ.12,18. ლუკ.20,27. საქ.23,8.

24 „მოძღვარო! მოსემ თქვა: თუ ვინმე უშვილოდ მოკვდეს, მისმა ძმამ უნდა შეირთოს მისი ცოლი და აღუდგინოსო თესლი თავის ძმას.

2შჯ.25,5. მარ.12,19. ლუკ.20,28.

25 ჩვენთან შვიდი ძმა იყო. პირველმა შეირთო ცოლი და მოკვდა, შთამომავალი არ ჰყავდა და თავისი ცოლი ძმას დაუტოვა.

26 ასევე მეორემაც, მესამემაც, მეშვიდემდე.

27 ყველას შემდეგ კი ქალიც მოკვდა.

28 ჰოდა, აღდგომას იმ შვიდიდან ვისი ცოლი იქნება იგი? ის ხომ ყველას ჰყავდა.“

29 მიუგო იესომ მათ პასუხად: „ცდებით, ვინაიდან არც წერილები იცით და არც ღვთის ძალა.

30 ვინაიდან აღდგომისას არც ცოლს ირთავენ, არც თხოვდებიან, არამედ არიან, როგორც ანგელოზები ცაში. 1კორ.15,44.

31 ხოლო მკვდართა აღდგომაზე ნუთუ არ წავიკითხავთ ღვთისაგან თქვენთვის თქმული:

32 ‘მე ვარ ღმერთი აბრაამისა, ღმერთი ისაკისა და ღმერთი იაკობისა?’ ღმერთი მკვდრებისა კი არაა, არამედ ცოცხლებისა.“

გამოს.3,6. მარ.12,26. ლუკ.20,37.

33 ესმოდა ეს ხალხს და უკვირდა მისი მოძღვრება.

უდიდეს მცნებაზე

34 ხოლო ფარისეულებმა გაიგეს, სადუკეველები გააჩუმაო, და ერთად შეიკრიბნენ.

35 ერთმა მათგანმა, რჯულის მცოდნემ, გამოსაცდელად ჰკითხა მას:

მარ.12,28. ლუკ.10,25.

36 „მოძღვარო, რომელი მცნებაა დიდი რჯულში?“

37 ხოლო მან უთხრა მას: „‘შეიყვარე უფალი ღმერთი შენი ყოვლითა გულითა შენითა და ყოვლითა სულითა შენითა და ყოვლითა გონებითა შენითა.’

2შჯ.6,5. მიქ.6,8. მარ.12,29. ლუკ.10,27.

38 ეს არის პირველი და დიდი მცნება.

39 და მეორე ამის მსგავსი: ‘შეიყვარე მოყვასი შენი, ვითარცა თავი შენი.

ლევ.19,18. მათ.5,43. მარ.12,31.

40 ამ ორ მცნებაზე ჰკიდია მთელი რჯული და წინასწარმეტყველნი.“

იესო ეკითხება ფარისევლებს

41 როცა ფარისევლები შეიკრიბნენ, იესომ ჰკითხა მათ:

42 „რას ფიქრობთ თქვენ ქრისტეზე? ვისი ძეა იგი?“ მათ უთხრეს: „დავითისა.“
მარ.12,35. ლუკ.20,41.

43 უთხრა მათ: „აბა როგორღა უწოდებს დავითი სულში მას უფალს, როცა ამბობს:

44 'უთხრა უფალმა ჩემს უფალს: დაჯექი ჩემს მარჯვნივ, ვიდრე დავამხობდე შენს მტრებს შენს ფერხთა სადგამად?'
ფსალ.109,1. ლუკ.20,42.

45 თუ დავითი უფალს უწოდებს მას, მისი ძე როგორღაა?“

46 ვერავინ შეძლო მისთვის სიტყვის მიგება. იმ დღიდან მოკიდებული კითხვას ველარავინ უბედავდა.

თ ა გ ი 23

იესო ამხილებს ფარისევლებს

1 მაშინ ელაპარაკა იესო ხალხს და თავის მოწაფეებს.

2 უთხრა: „მოსეს ტახტზე დასხდნენ მწიგნობარნი და ფარისევლებნი.

3 ამიტომ, ყველაფერი რის დაცვასაც ისინი გეტყვიან, შეასრულეთ და დაიცავით, ოღონდ მათ საქმეებს ნუ მიბაძავთ, ვინაიდან ისინი ამბობენ, არკი ასრულებენ.

4 კრავენ მძიმე ტვირთს და ზურგზე ჰკიდებენ ადამიანებს; თავად კი თითითაც არ სურთ დაძვრა.
ლუკ.16,46. საქ.15,10.

5 ყველანი თავიანთ საქმეებს ადამიანთათვის საჩვენებლად აკეთებენ; იფართოვებენ თავიანთ ფილაკტერიონებს და იგრძელებენ სამოსის ფოჩებს.
რიცხ.15,38. 2შჯ.22,12.

6 უყვართ სათავეში ჯდომა ნადიმებზე და წინა ადგილებზე ჯდომა სინაგოგებში.
მარ.12,39. ლუკ.11,43;20,46.

7 და მისალმებანი მოედნებზე. რომ ადამიანებმა უძახონ მათ: 'რაბი!'

8 თქვენ კი ნუ გიწოდებენ რაბის, ვინაიდან ერთია თქვენი მოძღვარი – ქრისტე და თქვენ ყველანი ძმები ხართ. იაკ.3,1. 1კორ.3,4.

9 ნურც მამას უწოდებთ ნურავის ქვეყანაზედ, ვინაიდან ერთი მამა გყავთ – ზეციერი.
მალ.1,6.

10 ნურც წინამძღვარს გიწოდებენ, ვინაიდან წინამძღვარი ერთი გყავთ თქვენ – ქრისტე.

11 უდიდესი თქვენს შორის თქვენი მსახური იყოს.

12 ვინც თავს აიმაღლებს, დამდაბლდება, ხოლო ვინც თავს დაიმდაბლებს – ამაღლდება.
ლუკ.14,11.

შვიდგზის ვაი თქვენ

13 „ვაი თქვენ, მწიგნობარო და ფარისევლებო, თვალთმა-

ქცნო, რომ ცათა სასუფეველს კეტავთ ადამიანთა წინაშე, რადგან არც თქვენ შედიხართ და არც შემავალთ უშვებთ.

ეზეკ.22,26. ლუკ.11,52.

14 ვაი თქვენ, მწიგნობარნო და ფარისეველნო, თვალთმაქცნო, ვინაიდან გადასჭამთ ქვრივთა სახლებს და მოსაჩვენებლად დიდხანს ლოცულობთ; ამისათვის უფრო დიდ სასჯელს მიიღებთ.

მარ.12,40. ლუკ.20,47.

15 ვაი თქვენ, მწიგნობარნო და ფარისეველნო, თვალთმაქცნო, რომ შემოივლით ზღვასა და ხმელეთს, რომ ერთი ვინმე მაინც მოაქციოთ რჯულზე, და როცა მოაქცევთ, მას გადააქცევთ გეენას ძედ, საკუთარ თავზე ორჯერ მეტად.

16 ვაი თქვენ, ბრმა წინამძღოლნო, რომლებიც ამბობთ: ვინც ტაძარს დაიფიცებს ეს არაფერია; ხოლო ვინც ტაძრის ოქროს დაიფიცებს, ის ვალდებულიაო.

17 უგუნურებო და ბრმებო! რა უფრო დიდია ოქრო თუ ტაძარი, ოქროს რომ წმედს?

18 ვინც სამსხვერპლოს დაიფიცებს, ეს არაფერია; ხოლო ვინც დაიფიცებს ძღვენს, რომელიც მასზეა, ის ვალდებულიაო.

19 ბრმებო, რომელი უფრო დიდია: ძღვენი თუ სამსხვერპლო, ძღვენს რომ წმედს?

გამოს.29,37.

20 ვინაიდან ვინც სამსხვერპლოს იფიცებს, ის იფიცებს მას და ყველაფერს, რაც მასზეა.

21 და ვინც ტაძარს იფიცებს, ის იფიცებს მასაც და მასში მყოფსაც.

25შტ.6,2. ფსალ.25,8.

22 და ვინც ცას იფიცებს, ის ფიცულობს ღვთის ტახტსაც და მასზე მჯდომსაც.

23 ვაი თქვენ, მწიგნობარნო და ფარისეველნო, თვალთმაქცნო, რომლებიც იხდით პიტნის, კამისა და კვლიავის მეათედს და მიტოვებული გაქვთ რაც უფრო მთავარია რჯულში – განკითხვა, წყალობა და სარწმუნეობა. ესეც უნდა გაგეკეთებინათ და არც ის უნდა მიგეტოვებინათ.

ოსე.6,6. მიქ.6,8. მათ.12,7. ლუკ.11,42.

24 ბრმა წინამძღოლებო, კოლოს მწურავებო და აქლემების მშთანთქავებო!

25 ვაი თქვენ, მწიგნობარნო და ფარისეველნო, თვალთმაქცნო, რომლებიც გარედან კი ასუფთავებთ სასმისსა თუ ჯამს, შიგნით კი სავსენია მტაცებლობით და უსამართლობით.

26 ბრმა ფარისეველნო, ჯერ შიგნიდან გაასუფთავეთ სასმისი და ჯამი, რომ გარედანაც სუფთა იყოს.

27 ვაი თქვენ, მწიგნობარნო და ფარისეველნო, თვალთმაქცნო, შეთეთრებულ სამარხებს რომ ჰგავხართ, რომლებიც გარედან ლამაზები ჩანან, შიგნით კი სავსენია მკვდართა ძვლებითა და ყოველგვარი უწმიდურებით.

ლუკ.11,44. საქ.23,3.

28 ასევე თქვენც გარეგნულად მართლები ჩანხართ ადამიანთა წინაშე, შიგნით კი თვალთმაქცობით და ურჯულოებით ხართ აღვსილნი.

29 ვაი თქვენ, მწიგნობარნო და ფარისეველნო, თვალთმაქცნო, რომ აშენებთ წინასწარმეტყველთა სამარხებს და ამკობთ მართალთა ძეგლებს.

30 ამბობთ: ჩვენი მამების დღეებში რომ გვეცხოვრა, არ ვიქნებოდითო მათი თანამოზიარენი წინასწარმეტყველთა სისხლში.

31 ამრიგად, საკუთარ თავს უმოწმებთ, რომ წინასწარმეტყველთა მკვლელების ძენი ხართ.

32 თქვენც ბოლომდე აავსეთ თქვენი მამების საწყაო.

33 იქედნეთა ნაშობო გველებო! როგორ გაექცევით გეენის სასჯელს? მათ.3,77.

წინასწარმეტყველთა ღევნა

34 „ამიტომ, აჰა, მე მოგივლენთ წინასწარმეტყველთ, ბრძენკაცებსა და მწიგნობრებს; და თქვენ ზოგიერთ მათგანს მოკლავთ და ჯვარს აცვამთ, ზოგს კი გაშოლტავთ თქვენს სინაგოგებში და განდევნით ქალაქიდან ქალაქში.

25შტ.36,15-16. ლუკ.11,49.

35 გეწევათ მთელი ეს მართალი სისხლი, მიწაზე დათხეული, აბელის სისხლიდან მოყოლებული ზაქარია ბერაზიას ძის სისხლამდე, რომელიც ტაძარსა და სამსხვერპლოს შორის მოკალით.

დაბ.4,8. 25შტ.24,21-22. ლუკ.11,51. იოან.3,12.

36 ჰეშმარიტად გეუბნებით თქვენ, რომ ყოველივე ეს ეწევა ამ მოდგმას.

საყვედური იერუსალიმს

37 „იერუსალიმო, იერუსალიმო, დამხოცველო წინასწარმეტყველთა და ჩამქოლავო შენთან მოვლინებულთა! რამდენჯერ ძინდოდა შენი შვილების შეკრება, როგორც ფრინველი იკრებს ფრთებქვეშ თავის ბარტყებს, მაგრამ არ ინდომეთ.

2შჯ.32,11-12. ლუკ.13,34.

38 აჰა, გრჩებათ ოხრად თქვენი სახლი.

ლუკ.13,35.

39 ვინაიდან გეუბნებით თქვენ: ველარ მიხილავთ ამიერიდან, ვიდრე არ იტყვი: ‘კურთხეულია უფლის სახელით მომაგალი!’ “

ფსალ.117,26. მათ.21,9.

თ ა ვ ი 24

იესოს წინასწარმეტყველება ტაძრის დანგრევაზე

1 გამოვიდა იესო ტაძრიდან და წავიდა. მივიდნენ მასთან მისი მოწაფეები, რათა ეჩვენებინათ ტაძრის შენობები.

მარ.13,1-2. ლუკ.21,5-6.

2 ხოლო მან პასუხად უთხრა მათ: „ხედავთ ყოველივე ამას? ჰეშმარიტად გეუბნებით თქვენ: ჭკა ჭკაზე არ დარჩება აქ, რომ არ გადაიქცეს.“
მარ.13,2. ლუკ.19,44.

3 ხოლო როცა ზეთისხილის მთაზე იჯდა, მიუახლოვდნენ მას მოწაფეები განმარტოებით და უთხრეს: „გვითხარი, როდის მოხდება ეს და რა იქნება შენი მოსვლისა და წუთისოფლის აღსასრულის ნიშანი?“

4 მიუგო იესომ მათ პასუხად: „გაფრთხილდით, რომ არავინ შეგაცდინოთ.“
მარ.13,5. ლუკ.21,8. ეფეს.5,6. 2თეს.2,3.

5 ვინაიდან ბევრნი მოვლენ ჩემი სახელით და იტყვიან: მე ქრისტე ვარო! და მრავალს შეაცდენენ.

6 ასევე მოისმენთ ომებზე და ომების ამბებს; იცოდეთ, ნუ შეძრწუნდებით, ვინაიდან ეს უნდა მოხდეს, მაგრამ ჯერ კიდევ არ არის აღსასრული.

7 ვინაიდან აღდგება ერი ერის წინააღმდეგ და სამეფო სამეფოს წინააღმდეგ, და იქნება შიმშილი, და მიწისძვრანი აღგილადგილ.

8 ხოლო ყოველივე ეს მშობიარობის ტკივილთა დასაწყისია.

9 მაშინ გადაგცემენ თქვენ სატანჯველად და დაგხოცავენ, და მოგიძულებთ ყველა ერი ჩემი სახელის გამო.

მათ.10,17. მარ.13,9. ლუკ.21,12. იოან.15,20.

10 მაშინ ცდუნდებიან ბევრნი; ერთმანეთს გასცემენ და შეიძულებენ ერთი-მეორეს.

11 მრავალი ცრუ წინასწარმეტყველი აღდგება და ბევრს შეაცდენს.

12 და რაკი გამრავლდება ურჯულოება, მრავალს გაუნელდება სიყვარული.

13 ბოლომდის დამთმენი გადარჩება.

14 ექადაგება ეს სახარება სასუფეველზე მთელს მსოფლიოს ყველა ხალხისთვის დასამოწმებლად. აი, მაშინ დადგება აღსასრული.

15 ამრიგად, როცა იხილავთ 'გატიალების სიბილწეს', წმიდა ადგილზე მდგომს, წინასწარმეტყველმა დანიელმა რომ თქვა – წამკითხველმა გაიგოს, –
დაბ.9,27. მარ.13,14. ლუკ.21,20.

16 მაშინ, ვინც იუდეაშია, მთებს მიაშურონ;

17 ვინც ერდოზე იქნება, ნუ ჩამოვა შინიდან რაიმეს გამო-სატანად;

18 ვინც ყანაში იქნება, ნუ დაბრუნდება უკან თავისი ტანი-სამოსის წამოსაღებად.

19 ხოლო ვაი ორსულებს და მეძუძურებს იმ დღეებში!

20 ილოცეთ, რომ არ მოგიხდეთ გაქცევა ზამთარში ან შაბათ დღეს.

21 ვინაიდან იქნება დიდი გასაჭირი, როგორც არ ყოფილა წუთისოფლის დასაბამიდან დღემდე და აღარც არასოდეს იქნება.

22 ის დღეები რომ არ შემოკლებულიყო, ძე ხორციელი ვერ

გადარჩებოდა. მაგრამ რჩეულთა გულისათვის შემოკლდება ის დღეები.

კაცის ძის მოსვლა

23 „მაშინ ვინმემ რომ გითხრათ: აჰა, აქ არის ქრისტე, ან: იქო, არ ერწმუნოთ, მარ.13.21. ლუკ.17.23.

24 ვინაიდან აღდგებიან ცრუქრისტენი და ცრუწინასწარმეტყველნი და მოახდენენ დიდ სასწაულებს და ნიშნებს. რათა რჩეულნიც შეაცდინონ. თუკი შეძლებენ.

25 აჰა. წინასწარ გითხარით თქვენ.

26 თუ გითხრან: აჰა, ის უდაბნოშიაო. ნუ გამოხვალთ: აჰა, ის შიდა ოთახებშიაო. ნუ ერწმუნებით.

27 ვინაიდან. როგორც ელვა გამოდის აღმოსავლეთიდან და თვით დასავლეთამდე ანათებს, ასევე იქნება კაცის ძის მოსვლაც.

28 სადაც ლეშია. იქ ორბებიც გროვდებიან. ლუკ.17.37.

29 და მყისვე. გასაჭირის იმ დღეების შემდგომ მზე დაბნელდება და მთვარე აღარ გამოსცემს თავის შუქს. ვარსკვლავები ჩამოცვივდებიან ციდან და ციური ძალები შეირყევიან.

ეს.13.10. ეზეკ.32.7. იოელ.2.31. მარ.13.24. ლუკ.21.25.

30 მაშინ გამოჩნდება კაცის ძის ნიშანი ზეცაში და მაშინ მოჰყვება მოთქმას დედამიწის ყველა ტომი. და იხილავენ კაცის ძეს. ცის ღრუბლებზე მომავალს. დიადი ძალითა და დიდებით.

ზაქ.12.10. მარ.14.62. გამოც.1.7.

31 მოავლინებს თავის ანგელოზებს დიდხმიანი საყვირით და შეკრებენ მის რჩეულებს ოთხივე ქართაგან. ცათა კიდეთაგან მათ კიდებამდე.

1კორ.15.52. 1თეს.4.16.

32 ლელვისაგან ისწავლეთ მაგალითი: როცა მისი რტოები დარბილდება და ფოთლებს მოისხამს. იცით. რომ ახლოა ზაფხული.

33 ასევე. როდესაც თქვენ იხილავთ ყოველივე ამას. იცოდეთ. რომ კარზეა მომდგარი.

34 ჭეშმარიტად გეუბნებით თქვენ: არ გადავა ეს მოდგმა. ვიდრე ყოველივე ეს არ მოხდება. მარ.13.30-31.

35 ცა და დედამიწა გადავლენ. ჩემი სიტყვები კი არ გადავლენ. ეს.51.6. 2პეტ.3.10.

36 მაგრამ იმ დღეზე და ჟამზე არავინ იცის. არც ზეციურმა ანგელოზებმა. არც ძემ. არამედ მხოლოდ მამამ.

37 ვინაიდან. როგორც იყო ნოეს დღეები. ისევე იქნება კაცის ძის მოსვლაც. დაბ.7.7. ლუკ.17.26. 1პეტ.3.20.

38 ვინაიდან, როგორც წარღვნამდელ დღეებში ჭამდნენ. სვამდნენ, ცოლს ირთავდნენ და თხოვდებოდნენ იმ დღემდე. ვიდრე ნოე კიდობანში შევიდოდა.

39 და არ იცოდნენ. ვიდრე არ მოვიდა წარღვნა და ყველა არ წალეკა - ასევე იქნება კაცის ძის მოსვლაც.

40 მაშინ ორნი იქნებიან ყანაში: ერთი წარიტაცება და ერთი დარჩება.

41 ორნი დაფქვავენ დოლაბით: ერთი წარიტაცება და ერთი დარჩება.

42 ამიტომ ფხიზლად იყავით, რადგან არ იცით, რომელ დღეს მოვა თქვენი უფალი. მათ.25,13. მარ.13,33.

43 ეს კი იცოდეთ: სახლის პატრონმა რომ იცოდეს, რომელ გუშაგობაზე მოვა ქურდი, იფხიზლებდა და თავის სახლს ძირს არავის გამოათხრევინებდა. ლუკ.12,39. 1თეს.5,2. გამოც.16,15

44 ამიტომ თქვენც მზად იყავით, ვინაიდან, რომელ საათსაც არ ფიქრობთ, მაშინ მოვა ძე კაცისა.

45 ვინ არის ერთგული და გონიერი მონა, რომელიც დააყენა ბატონმა თავის სახლეულზე, რომ დროულად აძლევდეს მათ საზრდოს? ლუკ.12,42. 1კორ.4,2.

46 ნეტარია მონა, რომლის ბატონიც მოვა და ამგვარად მოქმედს პოვნებს მას. გამოც.16,15.

47 ჭეშმარიტად გეუბნებით თქვენ, რომ მთელ თავის საბადებელზე დააყენებს მას.

48 ხოლო თუ ეს მონა ბოროტია და თავის გულში იტყვის: იგვიანებსო ჩემი ბატონი,

49 და ცემას დაუწყებს თავის თანამონებს და ჭამს და სვამს ლოთებთან,

50 მოვა იმ მონის ბატონი იმ დღეს, როცა არ ელის, და იმ ჟამს, როცა არ იცის,

51 შუაზე გაკვეთს მას და თვალთმაქცებთან დაუდებს წილს. იქ იქნება ტირილი და კბილთა ღრჭენა.

თ ა ვ ი 25

იგავი ათ ქალწულზე

1 „**მაშინ** ცათა სასუფეველი დაემსგავსება ათ ქალწულს, რომელთაც აიღეს თავიანთი ლამპრები და გამოვიდნენ ნეტის შესახვედრად.

2 ხუთი მათგანი უგუნური იყო და ხუთი – გონიერი.

3 უგუნურებმა თავიანთი ლამპრები რომ აიღეს, ზეთი არ გაიყოლეს თან.

4 ხოლო გონიერებმა თავიანთ ლამპრებთან ერთად ზეთიც გაიყოლეს ჭურჭლებით.

5 ნეტემ რომ შეიგვიანა, ყველას ჩათვლიმა და დაეძინა.

6 მაგრამ შუალამისას გაისმა ყვირილი: 'აჰა, ნეტე მოდის, გამოდით შესაგებებლად!'

7 მაშინ წამოდგა ყველა ქალწული და გამართეს თავ-თავისი ლამპრები.

8 უგუნურებმა უთხრეს გონივრებს: 'გვიწილადეთ თქვენი ზეთისაგან, ვინაიდან ლამპრები გვიქრება.'

9 გონივრებმა კი მიუგეს პასუხად: 'არც ჩვენ რომ არ დაგვაკლდეს და არც თქვენ, უმჯობესია წახვიდეთ ვაჭრებთან და იყიდოთ თქვენთვის.'

10 როცა ისინი წავიდნენ საყიდლად, მოვიდა ნეფე; გამზადებული მასთან ერთად შევიდნენ ქორწილში და კარიც დაიხშა.

ლუკ.13,25-27.

11 შემდეგ მოვიდნენ დანარჩენი ქალწულებიც და თქვეს: 'უფალო, უფალო, გაგვიღე ჩვენ.'

მათ.7,21.

12 ხოლო მან მიუგო პასუხად: 'ვეშმარიტად გეუბნებით თქვენ: არ გიცნობთ!'

ფსალ.5,5.

13 ჰოდა, იფხიზლეთ, ვინაიდან არ იცით არც დღე, არც საათი, როდის მოვა კაცის ძე.

მარ.13,33. 1კორ.16,13.14.

ტალანტებზე

14 „ვინაიდან ეს იმ კაცივით იქნება, რომელმაც გამგზავრებისას მოუხმო თავის მონებს და ჩააბარა თავისი ქონება. ლუკ.19,12.

15 ერთს ხუთი ტალანტი მისცა, მეორეს – ორი და სხვას – ერთი, თითოეულს მისი უნარისდა მიხედვით, და წავიდა.

რომ.12,6. 1კორ.12,7.11.

16 ხუთი ტალანტის მიმღები მაშინვე წავიდა, ივაჭრა და სხვა ხუთი მოიგო.

17 ასევე ორის მიმღებმაც ორი კიდევ სხვა მოიგო.

18 ხოლო რომელმაც ერთი მიიღო, წავიდა, ამოთხარა მიწა და დაფლა თავისი ბატონის ვერცხლი.

19 კარგა ხნის შემდეგ მოვიდა იმ მონების ბატონი და მათ ანგარიში მოჰკითხა.

20 მივიდა ხუთი ტალანტის მიმღები, სხვა ხუთი ტალანტიც მიუტანა და უთხრა: 'ბატონო, ხუთი ტალანტი რომ ჩამაბარე, აჰა, სხვა ხუთი ტალანტი მოვიგე.'

21 უთხრა მას მისმა ბატონმა: 'კარგი, კეთილო და ერთგულო მონავ! მცირედზე ერთგული იყავი, მრავალზე დაგაყენებ. შედი შენი ბატონის სიხარულში.'

ეს.61,7.

22 მივიდა ორი ტალანტის მიმღები და უთხრა: 'ბატონო, ორი ტალანტი რომ ჩამაბარე, აჰა სხვა ორი ტალანტი მოვიგე.'

23 უთხრა მას მისმა ბატონმა: 'კარგი, კეთილო და ერთგულო მონავ! მცირედზე ერთგული იყავი, ბევრზე დაგაყენებ; შედი შენი ბატონის სიხარულში.'

24 მივიდა ისიც, რომელმაც ერთი ტალანტი მიიღო და უთხრა: 'ბატონო, ვიცოდი, რომ სასტიკი კაცი ხარ: იმკი, სადაც არ დაგიტესტავს, და კრეფ, სადაც არ დაგიბნევია.'

25 შემეშინდა, წავედი და მიწაში დავფალი შენი ტალანტი. აჰა, შენი შენვე გქონდეს.'

26 მიუგო მისმა ბატონმა მას პასუხად: 'ბოროტო და ზარმაცო მონაგ! შენ იცოდი, რომ ვიმკი, სადაც არ დამითესავს, და ვკრეფ, სადაც არ დამიბნევია;

27 ამიტომ ჩემი ვერცხლი მოვაჭრეთათვის უნდა მიგეცა და დაბრუნებისას ჩემსას სარგებლითურთ მივიღებდი.

28 ამიტომ წაართვით მაგას ტალანტი და მიეცით ათი ტალანტის მქონეს.

29 ვინაიდან მქონებელს ყველას მიეცემა და დაუხვავდება, ხოლო უქონელს ისიც წაერთმევა, რაც აქვს.

მათ.13,12. მარ.4,25. ლუკ.8,18;19,26.

30 ხოლო ეს უვარგისი მონა გადააგდეთ გარესკნელის ბნელში. იქ იქნება მოთქმა და კბილთა ღრჭენა.'

მათ.24,51.

ხალხთა განკითხვაზე

31 „ხოლო, როცა მოვა კაცის ძე თავისი ღიღებით და ყველა ანგელოზი მასთან ერთად, მაშინ დაჯდება თავისი ღიღების ტახტზე.

მათ.13,49;16,27. საქ.1,11.

32 შეიყრება მის წინაშე ყოველი ერი და გამოარჩევს ერთი-მეორისაგან, როგორც მწყემსი გამოარჩევს ხოლმე თხებს ცხვრებისაგან.

33 და დააყენებს ცხვრებს თავის მარჯვნივ და თხებს - მარცხნივ.

34 მაშინ ეტყვის მეფე, თავის მარჯვნივ მდგომთ: 'მოდი, მამაჩემის კურთხეულნო, დაიმკვიდრეთ წუთისოფლის დასაბამიდან თქვენთვის გამზადებული სასუფეველი.

მათ.20,23.

35 ვინაიდან მშოიდა და საჭმელი მომეცით; მწყუროდა და მასვით; უცხო ვიყავი და მიმიღეთ;

ეს.58,7. ეზეკ.18,7. 2ტიმ.1,18.

36 შიშველი ვიყავი და შემომოსეთ; სნეული ვიყავი და მომხედეთ; საპყრობილეში ვიყავი და მომაკითხეთ.'

37 მაშინ მართლები ეტყვიან მას პასუხად: 'უფალო, როდის გიხილეთ შენ მშოერი და დაგაპურეთ? ან მწყურვალნი და გასვით?

38 როდის გიხილეთ უცხო და მიგიღეთ? ან შიშველი და შეგმოსეთ?

39 როდის გიხილეთ შენ სნეული, ან საპყრობილეში მყოფი და მოგაკითხეთ?'

40 მეფე მიუგებს მათ პასუხად: 'ჭეშმარიტად გეუბნებით თქვენ: რაც-კი გაუკეთეთ ერთს ამ ჩემს მცირე ძმათაგანს, მე გამიკეთეთ.

იგ.14,31;19,17. მათ.10,42.

41 მაშინ იმათაც ეტყვის, ვინც მარცხნივაა: 'წადით ჩემგან, წყეულნო, საუკუნო ცეცხლში, რომელიც გამზადებულია ეშმაკისა და მისი ანგელოზებისათვის.

ფსალ.6,9. ლუკ.13,27.

42 ვინაიდან მშოიდა და საჭმელი არ მომეცით; მწყუროდა და არ მასვით;

43 უცხო ვიყავი და არ მიმიღეთ; შიშველი ვიყავი და არ შემმოსეთ; სნეული ვიყავი და საპყრობილეში, და არ მომინახულეთ.

44 მაშინ ისინიც მიუგებენ პასუხად: 'უფალო, როდის გიხილეთ შენ მშვიერი, ან მწყურვალე, ან უცხო, ან შიშველი, ან სნეული, ან საპყრობილეში და არ გემსახურეთ?'

45 მაშინ მიუგებს იგი პასუხად: 'ჰეშმარიტად გეუბნებით თქვენ: როგორც არაფერი გაუკეთეთ არც ერთს ამ უმცირესთაგან, არც მე გამიკეთეთ.'

46 და წავლენ ესენი საუკუნო სატანჯველში, ხოლო მართალნი – საუკუნო სიციცხლეში.“
დან.12,2. იოან.5,29.

თ ა ვ ი 26

იესოს წინასწარუწყება თავის სიკვდილზე

1 ყველა ეს სიტყვა რომ დაასრულა, იესომ თავის მოწაფეებს უთხრა:

2 „თქვენ იცით, რომ ორი დღის შემდეგ პასექი დადგება და კაცის ძე მიეცემა ჯვარზე საცმელად.“ მარ.14,1. ლუკ.22,1. იოან.13,1.

3 მაშინ შეიკრიბნენ მღვდელმთავარი და ხალხის უხუცესნი კაიაფად წოდებული მღვდელმთავრის ეზოში. ფსალ.2,2. იოან.11,47.

4 მოითათბირეს, მზაკვრულად შეეპყროთ იესო და მოეკლათ.

ფსალ.40,8.

5 მაგრამ ამბობდნენ: დღესასწაულზე არა, ხალხში შფოთი არ ატყდესო.

იესოს ცხება ნელსაცხებლით ბეთანიაში

6 როცა იესო ბეთანიაში იყო, სიმონ კეთროვნის სახლში,

მარ.14,3. იოან.11,2;12,3.

7 მივიდა მასთან დედაკაცი, მოიტანა ძვირფასი ნელსაცხებელი ალუბასტრონით და სუფრასთან მჯდომს თავზე მოასხა.

8 მოწაფეებმა რომ დაინახეს, ბრაზი მოუვიდათ და თქვეს: ასე ფუჭად რატომ დახარჯაო?

9 ვინაიდან შეიძლებოდა ამ ნელსაცხებლის გაყიდვა კარგ ფასად და ღარიბებისათვის დარიგება.

10 ხოლო იესო მიუხვდა და უთხრა მათ: „რატომ აწბილებთ ამ დედაკაცს? მან ხომ კეთილი საქმე გამიკეთა.

11 ვინაიდან ღარიბნი მუდამ თქვენთან გყავთ, მე კი მუდამ არ გეყოლებით.“
2შჯ.15,11.

12 ეს ნელსაცხებელი რომ დაასხა ჩემს სხეულს, მე მომამზადა.

13 ჰეშმარიტად გეუბნებით თქვენ: სადაც კი იქადაგებენ ამ სახარებას მთელ წუთისოფელში, იტყვიან რაც მან გააკეთა, მისსავე მოსაგონებლად.“

გაცემა

14 მაშინ ერთი იმ თორმეტთაგანი, იუდა ისკარიოტელად წოდებული, წავიდა მღვდელმთავრებთან. მარ.14,10. ლუკ.22,4.

15 ჰკითხა: „რას მომცემთ, რომ გადმოგცეთ იგი?“ მიუწონეს მას ოცდაათი ვერცხლი. ზაქ.11,12-13.

16 მას აქეთ ეძებდა მარჯვე შემთხვევას, რომ გაეცა იგი.

პასექის მომზადება

17 უფუარობის პირველ ღღესვე მივიდნენ მოწაფეები იესოსთან და უთხრეს მას: „სად გინდა, რომ მოგიმზადოთ საჭმელად პასექი?“ გამოს.12,6.15. მარ.14,12. ლუკ.22,7.

18 მან უთხრა: „წადით ქალაქში ამა და ამ კაცთან და უთხარით, ასე ამბობს-თქო მოძღვარი: ჩემი ჟამი მოახლოებულია, შენთან დავიყენებ პასექს ჩემს მოწაფეებთან ერთად.“

19 მოწაფეებიც ისე მოიქცნენ, როგორც იესომ უბრძანა, და მოამზადეს პასექი.

უფლის სერობა, პური და სასმისი

20 რომ მოსალამოვდა, დაჯდა თორმეტ მოწაფესთან ერთად.

ფსალ.40,10. მარ.14,18. ლუკ.22,14. იოან.13,21.

21 როცა ისინი ჭამდნენ, თქვა: „ჭეშმარიტად გეუბნებით თქვენ: ერთი თქვენგანი გამცემს.“

22 ისინი ძალიან შეწუხდნენ და ყველამ სათითაოდ დაუწყო კითხვა: „მე ხომ არა, უფალო?“

23 ხოლო მან უთხრა მათ პასუხად: „ვინც ჩემთან ხელს ამოაწებს ჯამში, ის გამცემს.“

24 კაცის ძე კი მიდის, როგორც დაწერილია მასზე. მაგრამ ვაი იმ კაცს, ვის მიერაც გაიცემა ძე კაცისა. უჯობდა იმ კაცს არ დაბადებულიყო.“ ფსალ.21,3. ეს.53,3. საქ.9,26.

25 იუდამ, რომელმაც იგი გასცა, პასუხად მიუგო: „მე ხომ არა, რაბი?“ – „შენ თქვი!“ – უთხრა მას.

26 როცა ისინი ჭამდნენ, აიღო იესომ პური, აკურთხა, გატეხა, მისცა მოწაფეებს და თქვა: „აიღეთ, ჭამეთ. ეს ჩემი სხეულია.“ მარ.14,22. ლუკ.22,19. 1კორ.11,24.

27 აიღო სასმისი, მაღლი შესწირა, მისცა მათ და უთხრა: „ყველამ შესვით აქედან,

28 ვინაიდან ეს არის ჩემი სისხლი ახალი აღთქმისა, მრავალთათვის დაღვრილი ცოდვათა მისატევებლად. მათ.20,28.

29 მე გეუბნებით: ამიერიდან აღარ შევსვამ ამ ვაზის ნაყოფისაგან იმ ღღემდე, როცა თქვენთან ერთად შევსვამ ახალს მამაჩემის სასუფეველში.“

30 იგალობეს და გასწიეს ზეთისხილის მთისკენ.

პეტრეს მიერ უარყოფაზე

31 მაშინ უთხრა მათ იესომ: „თქვენ ყველანი ცდუნდებით ამაღამ ჩემს გამო, ვინაიდან დაწერილია: დავცემ მწყემსს და გაიფანტებიან სამწყსოს ცხვრები.“ ზაქ.13,7. მარ.14,27. იოან.16,32.

32 ხოლო ჩემი აღდგომის შემდეგ თქვენ გაგიძღვებით წინ გალილეაში.“ მათ.28,16. მარ.14,28.

33 მიუგო პეტრემ მას პასუხად: „ყველანი რომ ცდუნდნენ შენს გამო, მე არასოდეს არ ვცდუნდები.“

34 უთხრა მას იესომ: ჭეშმარიტად გეუბნები შენ: „ამაღამ, სანამ მამალი იყივლებდეს, სამჯერ უარმყოფ მე.“

მარ.14,30. ლუკ.22,34. იოან.13,38.

35 უთხრა მას პეტრემ: „მოვკვდები შენთან ერთად და არ უარგყობ.“ ასევე ამბობდა ყველა მოწაფე.

გეთსიმანია

36 მერე იესო მივიდა მათთან იმ ადგილზე, რომელსაც გეთსიმანია ჰქვია, და უთხრა მოწაფეებს: „აქ დასხედით, ვიდრე იქ წავიდოდე და ვილოცებდე.“ მარ.14,32. ლუკ.22,39.

37 თან წაიყვანა პეტრე და ზებედეს ორივე ძე, იწყო წუხილი და ურვა. ფსალ.114,3. იოან.12,27.

38 მაშინ უთხრა მათ: „სასიკვდილოდ არის დამწუხრებული ჩემი სული. იყავით აქ და იფხიზლეთ ჩემთან ერთად.“

39 ცოტა რომ გაიარა, პირქვე დაემხო, ლოცულობდა და ამბობდა: „მამაო ჩემო, თუ შესაძლოა, ამარიდე ეს სასმისი; მაგრამ არა როგორც მე მსურს, არამედ როგორც შენ.“

მათ.20,22. იოან.5,30. ფილ.2,8. ებრ.5,7-8.

40 მივიდა მოწაფეებთან და ჰპოვა ისინი მძინარენი და უთხრა პეტრეს: „ნუთუ ვერ შესძელით, ერთ საათს გეფხიზლათ ჩემთან ერთად?“

41 იფხიზლეთ და ილოცეთ, რომ არ ჩავარდეთ განსაცდელში. სული მხნეა, ხორცი კი – უძლური.“

42 მეორედაც წავიდა, ლოცულობდა და ამბობდა: „მამაო ჩემო, თუ შეუძლებელია ამარიდო ეს სასმისი, რომ არ შევსვა ივი, იყოს შენი ნება.“

43 კვლავ მივიდა და ისევ მძინარენი ჰპოვა ისინი, ვინაიდან თვალები დამძიმებოდათ.

44 მიატოვა ისინი, კვლავ წავიდა და მესამედ ილოცა, კვლავ იგივე სიტყვები წარმოთქვა.

45 მაშინ მივიდა მოწაფეებთან და უთხრა მათ: „თქვენ ისევ გძინავთ და ისვენებთ? აჰა, მოახლოვდა ჟამი და კაცის ძე მიეცემა ცოდვილებს ხელში.“

46 აღექით, წავიდეთ, აჰა, მოახლოვდა ჩემი გამცემი.“

იესოს გაცემა და შეპყრობა

47 ჯერ სიტყვა არ დაესრულებინა, რომ, აჰა, მოვიდა იუდა, ერთი თორმეტთაგანი, და მასთან ერთად დიდძალი ხალხი მახვილებით და კეტებით – მღვდელმთავართაგან და ხალხის უხუცესთაგან.

მარ.14,43. ლუკ.22,47. იოან.18,3.

48 ხოლო მისმა გამცემმა მისცა მათ ნიშანი და უთხრა: „ვისაც მე ვეამბორები, ის არის იგი და შეიპყარი!“

49 მყისვე მივიდა იესოსთან და უთხრა: „გიხაროდეს, რაბი!“ და ეამბორა.

50 ხოლო იესომ უთხრა მას: „რისთვის მოსულხარ, მეგობარო?“ მაშინ მივიდნენ, ხელი სტაცეს იესოს და შეიპყრეს.

51 და აჰა, ერთ-ერთმა იესოსთან მყოფმა ხელი მიჰყო, იშიშვლა მახვილი, დასცხო მღვდელმთავრის მონას და ყური ჩაათალა.

52 მაშინ იესომ უთხრა მას: „თავის აღგილას ჩააბრუნე ეგ მახვილი, ვინაიდან ყველა მახვილის ამღები მახვილითვე დაილუპება.

დაბ.9,6. გამოც.13,10.

53 იქნებ გგონია, არ შემეძლოს შევევედრო მამაჩემს, რომ ახლავე მომგვაროს ანგელოზთა თორმეტი ლეგიონი და უფრო მეტიც?

დან.7,10.

54 აბა, როგორ აღსრულდება წერილი, ეს რომ არ მოხდეს?“

ფსალ.21,2. ეს.53,2. დან.9,26.

55 მაშინ უთხრა იესომ იმ ხალხს: „თითქოს ავაზაკის წინააღმდეგ, მახვილებით და კეტებით გამოხვედით ჩემს შესაპყრობად. ყოველდღე ტაძარში ვიჯექი და ვასწავლიდი, და არ შეგიპყრივართ მე.

56 ყოველივე ეს მოხდა იმიტომ, რომ აღსრულდეს წინასწარმეტყველთა წერილები.“ მაშინ ყველა მოწაფემ მიატოვა იგი და გაიქცა.

სინედრიონის სამსჯავროზე

57 იესოს შემპყრობლებმა კი წაიყვანეს იგი მღვდელმთავარ კაიაფასთან, სადაც თავი მოეყარათ მწიგნობრებსა და უხუცესებს.

მარ.14,53. ლუკ.22,54.

58 ხოლო პეტრე შორიახლო მიჰყვებოდა მას მღვდელმთავრის ეზომდე; შევიდა შიგნით და მსახურებთან დაჯდა, რათა ენახა რით დამთავრდებოდა ეს ამბავი.

59 მღვდელმთავარი და მთელი სინედრიონი ეძებდნენ ცრუმოწმობას იესოს წინააღმდეგ, რათა სიკვდილით დაესაჯათ იგი,

ფსალ.26,12;34,11. მარ.14,15.

60 და ვერ პოულობდნენ, თუმცა ბევრი ცრუმოწმე მოდიოდა. ბოლოს მოვიდნენ ორნი

61 და თქვეს: „ეს ამბობდა: შემიძლია ღვთის ტაძარი დაგანგრიო და სამ დღეში ავაშენო.“

მათ.27,40. მარ.14,58. იოან.2,19.

62 მაშინ წამოდგა მღვდელმთავარი და უთხრა მას: „არაფერს უპასუხებ, რასაც ესენი შენს წინააღმდეგ მოწმობენ?“

63 იესო ღუმდა. მაშინ მღვდელმთავარმა უთხრა მას: „ცოცხალ ღმერთს გაფიცებ, გვითხარი შენა ხარ ქრისტი, ძე ღვთისა?“

ეს.53,7. საქ.8,33.

64 უთხრა იესომ: „შენ თქვი. მაგრამ მე გეუბნებით თქვენ: ამიერიდან იხილავთ კაცის ძეს ძალის მარჯვნივ მჯდომარეს და ცის ღრუბლებზე მომავალს.“

ფსალ.109,1. დან.7,13. იოან.6,22. საქ.14,11. 1თეს.4,16. გამოც.1,7.

65 მაშინ მღვდელმთავარმა შემოიხია სამოსელი და თქვა: „მან ჰვმო. რაღად გვინდა მოწმენი? აჰა, ახლა გაიგონეთ გმობა.

66 რას ფიქრობთ?“ ხოლო მათ მიუგეს პასუხად: „სიკვდილის ღირსია.“

67 მაშინ დაუწყეს ფურთხება სახეში და ცემა, ზოგიერთნი სილას აწნავდნენ,

ეს.50,6;53,3.

68 ეუბნებოდნენ: გვიწინასწარმეტყველე, ქრისტი, ვინ დაგარტყაო?

უარყოფა პეტრეს მიერ

69 პეტრე კი იჯდა გარეთ. მივიდა მასთან ერთი მხევალი და უთხრა: „შენც იესო გალილეელთან იყავი.“

70 მან კი უარყო ყველას წინაშე და თქვა: „არ ვიცი, რას ლაპარაკობ.“

მარ.14,68.

71 როცა კარიბჭიდან გამოდიოდა, სხვამ დაინახა და უთხრა იქ მყოფთ: „ესეც იესო ნაზარეველთან იყო.“

72 მან კვლავ უარყო ფიცით: არ ვიცნობო ამ კაცს.

73 ცოტა ხნის შემდეგ მიუახლოვდნენ იქ მდგომნი და უთხრეს პეტრეს: „ნამდვილად შენც მათგანი ხარ, ვინაიდან შენივე კილო გამხილებს შენ.“

74 მაშინ იწყო წყევლა და ფიცილი: არ ვიცნობო ამ კაცს. და მყისვე იყივლა მამალმა.

მარ.14,72.

75 გაახსენდა პეტრეს იესოს ნათქვამი სიტყვა: სანამ მამალი იყივლებდეს, სამჯერ უარყოფო. გამოვიდა გარეთ და მწარედ ატირდა.

თ ა ვ ი 27

იუდას აღსასრული. პილატეს სამსჯავრო

1 გათენებისას მღვდელმთავრებმა და ხალხის უხუცესებმა ბჭობა გამართეს იესოს წინააღმდეგ, რათა მოეკლათ იგი.

ფსალ.2,2.

2 შეკრეს იგი, წაიყვანეს და გადასცეს პილატეს – განმგებელს.

მარ.15,1. ლუკ.23,1.

3 როცა იუდამ, რომელმაც იესო გასცა, დაინახა, რომ მას მსჯავრი დასდეს, ინანა და უკან მიუბრუნა ოცდაათი ვერცხლი მღვდელმთავრებს და უხუცესებს.

4 უთხრა: „შევცოდე, მართალი სისხლი რომ გავეცი.“ მათ კი უთხრეს: „ჩვენ რა? შენ იცი.“

5 დაყარა ვერცხლი ტაძარში, გამოვიდა, წავიდა და თავი ჩამოიხრჩო. საქ.1,18.

6 ხოლო მღვდელმთავრებმა აიღეს ის ვერცხლი და თქვეს: „დაუშვებელია ამის საგანძურში დადება, ვინაიდან სისხლის საფასურია.“

7 მოითათბირეს და იყიდეს იმით მეთუნის მინდორი უცხოთა სასაფლაოდ.

8 ამის გამო იმ მინდორს დღემდე ეწოდება სისხლის მინდორი. საქ.1,19.

9 მაშინ აღსრულდა წინასწარმეტყველ იერემიას მიერ ნათქვამი, რომელმაც თქვა: „და აიღეს ოცდაათი ვერცხლი, საფასი შეფასებულისა, ვინც შეფასდა ისრაელიანთა მიერ, ზაქ.11,12.

10 და მისცეს იგი მეთუნის მინდორში, როგორც მიბრძანა მე უფალმა.“

11 ხოლო იესო წარსდგა განმგებლის წინაშე და ჰკითხა მას განმგებელმა: „შენ ხარ იუდეველთა მეფე?“ იესომ კი უთხრა: „შენ ამბობ.“ მარ.15,2. ლუკ.23,3. იოან.18,37 1ტიმ.6,13.

12 როცა ბრალს სდებდნენ მას მღვდელმთავრნი და უხუცესები, არაფერი უპასუხნია. მათ.26,63.

13 მაშინ უთხრა მას პილატემ: „არ გესმის, რამდენს მოწმობენ შენს წინააღმდეგ?“

14 არც ერთ მის სიტყვაზე არ გაუცია პასუხი, ისე რომ ძალიან უკვირდა განმგებელს.

15 დღესასწაულზე ჩვეულებად ჰქონდა განმგებელს – ხალხს უთავისუფლებდა ხოლმე პატიმარს, რომელსაც მოისურვებდნენ.

16 ხოლო მაშინ ჰყავდათ ცნობილი პატიმარი, ბარაბად წოდებული.

17 როცა მათ თავი მოიყარეს, უთხრა მათ პილატემ: „ვინ გსურთ, რომ გაგითავისუფლოთ: ბარაბა თუ იესო, ქრისტედ წოდებული?“ მათ.21,11.

18 ვინაიდან იცოდა, რომ შურით გასცეს იგი.

19 როცა ის სამსჯავროს ტახტზე იჯდა, მისმა ცოლმა შეუთვალა და უთხრა: „არაფერი უყო მაგ მართალს, ვინაიდან მე დღეს სიზმრად ბევრი ვიტანჯე მაგის გამო.“

20 ხოლო მღვდელმთავრებმა და უხუცესებმა დაარწმუნეს ხალხი, რომ ბარაბა გამოეთხოვათ, ხოლო იესო დაეღუპათ.

მარ.15,11. ლუკ.23,18. იოან.18,40. საქ.3,14.

21 ასე უპასუხა და უთხრა მას განმგებელმა: „ამ ორიდან რომელი გსურთ, რომ გაგითავისუფლოთ?“ მათ უთხრეს: „ბარაბა.“

22 უთხრა მათ პილატემ: „იესოს რაღა ვუყო, ქრისტედ წოდებულს?“ ყველამ თქვა: „ჯვარცმულ იქნეს!“

23 ხოლო მან თქვა: „რა ბოროტება ჩაუდენია?“ მაგრამ ისინი კიდევ უფრო მეტად ყვიროდნენ: „ჯვარცმულ იქნეს!“

24 პილატემ, რაკი დაინახა, რომ ვერაფერს შველის, არამედ შფოთიც კი იწყება, აიღო წყალი, ხელები დაიბანა ხალხის წინაშე და თქვა: „უბრალო ვარ ამ მართლის სისხლისაგან. თქვენ იცით.“

25 მთელმა ხალხმა მიუგო პასუხად: „ჩვენზე და ჩვენს შვილებზე იყოს მაგის სისხლი.“

26 მაშინ გაუთავისუფლა მათ ბარაბა, ხოლო იესო გააშოლტვინა და გადასცა, რომ ჯვარს ეცვათ იგი. მარ.15,15. იოან.19,1.

ჯვარცმა

27 მაშინ განმგებლის ჯარისკაცებმა წაიყვანეს იესო სამსჯავროში და თავს მთელი რაზმი დაახვეს.

28 გახადეს მას და მოასხეს ძოწეულის მოსასხამი.

29 დაწნეს ეკლის გვირგვინი, დაადგეს თავზე, მარჯვენა ხელში ლერწამი მისცეს. მის წინაშე მუხლს იყრიდნენ, დასცილობდნენ და ეუბნებოდნენ: „გიხაროდეს, იუდეველთა მეფეო!“

30 და აფურთხებდნენ მას, აიღეს ლერწამი და ურტყამდნენ თავში.

31 დაცინვით რომ გული იჯერეს, გახადეს მოსასხამი, ჩააცვეს თავისივე სამოსელი და წაიყვანეს, რომ ჯვარს ეცვათ.

32 როცა გამოდიოდნენ, პოვეს კაცი კვირინელი, სახელად სიმონი, და აიძულეს იგი, მისი ჯვარი ეტარებინა.

33 მივიდნენ ადგილას, რომელსაც ჰქვია გოლგოთა, რაც ნიშნავს: თხემის ადგილს. მარ.15,22. ლუკ.23,33. იოან.19,17. ებრ.13,12.

34 მისცეს მას ნაღველნარევი ღვინო სასმელად და რომ იგემა, დალევა არ ინდომა. ფსალ.68,22.

35 ჯვარს რომ აცვეს, წილის ყრით გაიყვეს მისი სამოსელი.

ფსალ.21,19.

36 ისხდნენ და იქ დარაჯობდნენ მას.

37 მის თავს ზემოთ დაუდგეს დაწერილი ბრალდება: „ეს არის იესო, იუდეველთა მეფე.“

იესოს დაცინვა

38 მაშინ მასთან ერთად ჯვარს აცვეს ორი ავაზაკი: ერთი მარჯვნივ და ერთი – მარცხნივ. ეს.53,12.

39 გამვლელები კი თავს აქნევდნენ და გმობდნენ მას.

ფსალ.21,8;108,25.

40 ამბობდნენ: „ტაძრის დამანგრეველო და სამ დღეში ამშენებელო, იხსენი შენი თავი. თუ ღვთის ძე ხარ, გადმოდი ჯვრიდან.“ მათ.26,61. მარ.14,58.

41 ასევე მღვდელმთავარნი, მწიგნობრებთან და უხუცესებთან ერთად, დასცინოდნენ და ამბობდნენ:

42 „სხვებს იხსნიდა, საკუთარი თავის ხსნა კი არ შეუძლია, თუ ისრაელის მეფეა, გადმოვიდეს ჯვრიდან და ვიწამებთ მას.“

43 ღმერთს იყო მინდობილი და, ახლა იხსნას იგი, თუ ნებავს, ვინაიდან თქვა, ძე ღვთისა ვარო.“
ფსალ.21,9,18.

44 ასევე მასთან ჯვარცმული ავაზაკებიც ლანძლავდნენ მას.

იესოს შეძახილი ჯვრიდან. მისი სიკვდილი

45 ხოლო მეექვსე საათიდან ცხრა საათამდე ბნელმა მოიცვა მთელი დედამიწა.
ამოს.8,9.

46 მეცხრე საათი იქნებოდა, რომ შესძახა იესომ დიდი ხმით: „ელი, ელი! ლამა საბაქთანნი?“ რაც ნიშნავს: „ღმერთო ჩემო, ღმერთო ჩემო, რად მიმატოვე?“
ფსალ.21,2. მარ.15,34.

47 იქ მდგომთაგან ზოგიერთებმა მოისმინეს და თქვეს ელიას უხმობსო.

48 უცბად გაიქცა ერთი მათგანი, აიღო ღრუბელი, ძმრით გაჟლინთა, წამოაგო ლერწამზე და მიაწოდა სასმელად. იოან.19,29.

49 სხვები კი ამბობდნენ: „მოიცათ, ვნახოთ, თუ მოვა ელია მის გამოსახსნელად.“

50 ხოლო იესომ კვლავ შესძახა დიდი ხმით და სული განუტევა.

51 და აჰა, ტაძრის კრეტსაბმელი გაიხა ორად ზემოდან ძირამდე, და შეიძრა დედამიწა, და კლდეები დასკდა.
გამოს.26,31. 2წმტ.3,14. ებრ.10,20.

52 სამარხები გაიხსნა და ბევრი განსვენებული წმიდის სხეული აღდგა.

53 გამოვიდნენ სამარხებიდან მისი აღდგომის შემდეგ და შევიდნენ წმიდა ქალაქში და ბევრს ეჩვენენ.

54 ხოლო ასისტავსა და მათ, ვინც მასთან ერთად დარაჯობდა იესოს, მიწისძვრა და ყოველივე მომხდარი რომ ნახეს, მეტისმეტად შეეშინდათ და თქვეს: „ეს ჭეშმარიტად ღვთის ძე იყო.“

55 იქ იყო აგრეთვე შორით მზირალი მრავალი დედაკაცი, რომლებიც გალილეიდან გამოჰყვნენ იესოს და ემსახურებოდნენ მას.

56 მათ შორის იყვნენ მარიამ მაგდალელი, იაკობისა და იოსების დედა მარიამი და ზებედეს ძეთა დედა.

დაფვლვა

57 როცა მოსალამოვდა, მოვიდა მდიდარი კაცი არიმათიიდან, სახელად იოსები, რომელიც თვითონაც იესოს მოწაფე იყო.

მარ.15,42. ლუკ.23,50. იოან.19,38.

58 მივიდა პილატესთან და გამოითხოვა იესოს გვამი. მაშინ პილატემ ბრძანა, მიეცათ.

59 აიღო იოსებმა გვამი და შეახვია იგი სუფთა ტილოში.

60 და დაასვენა იგი თავის ახალ სამარხში, რომელიც კლდეში იყო გამოკვეთილი. სამარხის კარს დიდი ლოდი მიაგორა და წავიდა.

61 იქვე იყვნენ მარიამ მაგდალელი და სხვა მარიამი, რომლებიც სამარხის წინ ისხდნენ.

სამარხის დაცვა

62 მეორე დღეს, რომელიც მოსდევს პარასკევს, მღვდელმთავარნი და ფარისეველნი შეიკრიბნენ პილატესთან.

63 თქვეს: „ბატონო, გაგვახსენდა, რომ იმ მატყუარამ, სანამ ცოცხალი იყო თქვა: სამი დღის შემდეგ აღვდგებიო.“

64 ამიტომ უბრძანე, მესამე დღემდე უყარაულონ სამარხს, რომ არ მოვიდნენ მოწაფეები, არ მოიპარონ იგი და ხალხს არ უთხრან: მკვდრებით აღდგაო. უკანასკნელი ტყუილი პირველზე უარესი იქნება.“

65 უთხრა მათ პილატემ: „თქვენ გყავთ დაცვა. წადით და უდარაჯეთ, როგორც იცით.“

66 ისინი წავიდნენ, სამარხი უსაფრთხო ჰყვეს: დაბეჭდეს და დაცვა დაუყენეს.

თ ა ვ ი 28

ანგელოზი უმჟღავნებს მარიამს იესოს აღდგომას

1 **შაბათი** რომ გავიდა, შვიდეულის პირველი დღის განთიადზე მოვიდნენ სამარხის სანახავად მარიამ მაგდალელი და სხვა მარიამი.

მარ.16,1. ლუკ.24,1. იოან.20,1.

2 და აჰა, მოხდა დიდი მიწისძვრა, ვინაიდან უფლის ანგელოზი ჩამოვიდა ციდან, მოვიდა, ლოდი გადააგორა და ზედ დაჯდა.

3 მისი შესახედაობა ელვასავით იყო და მისი ტანისამოსი – თოვლივით სპეტაკი.

4 მისი შიშით შედრკნენ მცველები და მკვდრებით გახდნენ.

5 ანგელოზმა კი მიმართა დედაკაცებს და უთხრა: „ნუ გეშინიათ, ვიცი, რომ ჯვარცმულ იესოს ეძებთ.“

მარ.16,6.

6 აქ არ არის, ვინაიდან აღდგა, როგორც თქვა. მოდით, ნახეთ ადგილი, სადაც იწვა.

მათ.12,40;17,23.

7 დაუყოვნებლივ წადით და უთხარით მის მოწაფეებს, რომ იგი აღდგა მკვდრებით და, აჰა, წინ მიგიძღვით გალილეისკენ. იქ ნახავთ მას. აჰა, გითხარით თქვენ.“

მათ.26,32. მარ.14,28. იოან.21,1. საქ.1,3;10,41. 1კორ.15,5.

იესოს შეხვედრა დედაკაცებთან

8 ისინი სწრაფად გამოეშურნენ სამარხიდან შიშით და დიდი სიხარულით, და გაიქცნენ, რომ ეცნობებინათ მისი მოწაფეებისათვის.

9 და აჰა, იესო შეხვდა მათ და უთხრა: „გიხაროდეთ! ისინი მივიდნენ, თეხებზე მოეხვივნენ და თაყვანი სცეს მას!“

მარ.16,9. იოან.20,14.

10 მაშინ უთხრა მათ იესომ: „ნუ გეშინიათ, წადით და აუწყეთ ჩემს ძმებს, რომ წავიდნენ გალილეას და იქ მნახვენ.“

იოან.20,17. ებრ.2,11.

მცველების მოსყიდვა მღვდლების მიერ

11 როცა ისინი მიდიოდნენ, აჰა, მცველთაგან ზოგიერთები მივიდნენ ქალაქში და აუწყეს მღვდელმთავრებს ყოველივე, რაც მოხდა.

12 ისინი შეიკრიბნენ უხუცესებთან ერთად, მოითათბირეს და დიდძალი ვერცხლი მისცეს ჯარისკაცებს

13 და უთხრეს: „თქვით, მისი მოწაფეები მოვიდნენ ღამით და მოიპარეს იგი, როცა ჩვენ გვეძინა.

14 და თუ ამას გაიგებს განმგებელი, ჩვენ დავარწმუნებთ მას და აგარიდებთ უსიამოვნებას.“

15 მათაც აიღეს ვერცხლი და ისე მოიქცნენ, როგორც დაარჩიეს. გავრცელდა ეს ნათქვამი იუდეველებს შორის დღევანდელ დღემდე.

იესო ევლინება თერთმეტს. წადით და ასწავლეთ ყველა ხალხს

16 ხოლო თერთმეტი მოწაფე წავიდა გალილეას, იმ მთაზე, რომელიც იესომ დაუთქვა მათ.

17 ნახეს იგი და თაყვანი სცეს, ზოგს კი ეჭვი ეპარებოდა.

18 მოვიდა იესო მათთან და უთხრა: „მოცემული მაქვს მე მთელი ხელმწიფება ცაში და დედამიწაზე.

მათ.11,27. ლუკ.1,32. იოან.3,35;13,3;17,2. 1პეტ.3,22. რომ.14,9. ეფეს.1,10. ფილ.2,9.

19 ამიტომ წადით და მოიმოწაფეთ ყველა ხალხი, მონათლეთ ისინი მამისა და ძისა და სულიწმიდის სახელით.

20 ასწავლეთ მათ ყოველივეს დაცვა, რაც მე გამცნეთ. აჰა, მე თქვენთანა ვარ ყოველდღე საუკუნის დასასრულამდე.“ ამინ.



კ ა პ ე რ ნ ა უ მ ი

მ ა რ კ ო ზ ი ს ს ა ხ ა რ ე ბ ა

თ ა ვ ი 1

იოანე ნათლისმცემელი ამზადებს გზას

1 დასაწყისი სახარებისა იესო ქრისტესი, ღვთის ძისა.

2 როგორც ესაია წინასწარმეტყველში სწერია: „აჰა, მე მოვაველენ შენი სახის წინაშე ჩემს ანგელოზს, რომელიც მოამზადებს შენს გზას.

მალ.3,1. მათ.11,10. ლუკ.7,27.

3 ხმა მლაღადებლისა უდაბნოში. განუმზადეთ გზა უფალს, მოასწორეთ მისი ბილიკები.“

ეს.40,3. მათ.3,3. ლუკ.3,4. იოან.1,23.

4 იოანე ნათლისმცემელი უდაბნოში მივიდა და ქადაგებდა სინანულის ნათლისცემას ცოდვათა მისატევებლად.

ზაქ.13,24. მათ.3,1. ლუკ.3,3. იოან.1,31.

5 გამოდიოდა მასთან იუდეველთა მთელი ქვეყანა და ყველა იერუსალიმელი და მდინარე იორდანეში მის მიერ ინათლებოდნენ და თავიანთ ცოდვებს აღიარებდნენ.

6 იოანეს ემოსა აქლემის ბეწვი და წელზე ტყავის სარტყელი ერტყა. და ჭამდა კალიასა და ველურ თაფლს.

ლევ.11,22. მათ.3,4.

7 ქადაგებდა და ამბობდა: „ჩემს შემდეგ ჩემზე უძლიერესი მოდის, ვის წინაშეც არა ვარ ღირსი დავიხარო და სანდლის თასმა გავუხსნა.

ლუკ.3,16. იოან.1,27.

8 მე წყლით გნათლავდით, ის კი სულიწმიდით მოგნათლავთ.“

საქ.1,5;2,4. 1კორ.12,13.

ნათლისღება

9 მოხდა იმ დღეებში, რომ მოვიდა იესო გალილეის ნაზარეთიდან და მოინათლა იოანეს მიერ იორდანეში.

მათ.3,13. ლუკ.3,21.

10 და უცხად, როდესაც წყლიდან ამოდიოდა, იხილა გახსნილი ცანი და სული, მტრედით გარდმომავალი მასზე.

მათ.3,16. ლუკ.3,21. იოან.1,32.

11 ცათაგან მოისმა ხმა: „შენ ხარ ჩემი საყვარელი ძე, რომელიც მოვიწონე მე.“

უდაბნოში. ქადაგება გალილეაში

12 და დაუყონებლივ წაიყვანა იგი სულმა უდაბნოში.

მათ.4,1. ლუკ.4,1.

13 უდაბნოში ორმოცი დღე იყო და სატანისგან იცდებოდა იგი. მხეცებთან იყო და ანგელოზები ემსახურებოდნენ.

14 მას შემდეგ, რაც იოანე გადაცემულ იქნა, იესო მოვიდა გალილეას და ღვთის სახარებას ქადაგებდა.

მათ.4,12. იოან.4,43.

15 ამბობდა: „აღსრულდა ჟამი და მოახლოვდა ღვთის სასუფეველი. მოინანიეთ და იწამეთ სახარება.“

მათ.4,17

ოთხი მოციქულის მოწოდება

16 როდესაც გალილეის ზღვის პირას დადიოდა, დაინახა სიმონი და სიმონის ძმა ანდრია, რომლებიც ზღვაში ბადეს ისროდნენ, რადგან მეზადურები იყვნენ.

მათ.4,18.

17 იესომ უთხრა მათ: „მომყევით მე და ადამიანთა მეზადურებად გაქცევთ.“

18 მათ მაშინვე მიატოვეს ბადეები და გაჰყვნენ მას.

19 ცოტა გაიარა და დაინახა იაკობ ზებედეს ძე და მისი ძმა იოანე. ისინი ნავში ბადეებს აკერებდნენ.

20 მაშინვე დაუძახა. მათ მიატოვეს თავიანთი მამა ზებედე ნავში მყოფ მუშებთან ერთად და გაჰყვნენ მას.

ქადაგება და განკურნებანი კაპერნაუმსა და გალილეაში

21 კაპერნაუმს მივიდნენ და მაშინვე, შაბათ დღეს, შევიდნენ სინაგოგაში, და ასწავლიდა მათ.

მათ.4,13. ლუკ.4,31.

22 გაოცებულნი იყვნენ მისი მოძღვრებით, რადგან ასწავლიდა მათ, როგორც ხელმწიფების მქონე და არა როგორც მწიგნობარნი.

მათ.7,28. ლუკ.4,32.

23 მათ სინაგოგაში იყო კაცი, არაწმიდა სულით შეპყრობილი, მან იყვირა:

ლუკ.4,33.

24 „რა გინდა ჩვენგან იესო ნაზარეტელი? ჩვენს დასალუპავად მოხვედრი? გიცნობ, ვინც ხარ, ღვთის წმიდავ.“

ლან.9,24. მათ.8,29. იაკ.2,19.

25 იესომ შერისხა იგი და უთხრა: „გაჩუმდი და გადი მაგისტრან.“

26 არაწმიდა სულმა შეანჯღღრია იგი, დიდი ხმით დაიკივლა და გამოვიდა მისგან.

27 ყველანი განცვიფრდნენ, ისე რომ, ერთმანეთს ეკითხებოდნენ: ეს რა არისო? ეს რა ახალი მოძღვრებაა, რომ ხელმწიფებით არაწმიდა სულთაც კი უბრძანებს და ისინიც ემორჩილებიანო მას?

28 მისი ამბავი მაშინვე გალილეის მთელ მხარეს მოედო.

29 სინაგოგიდან გამოსვლისთანავე სიმონისა და ანდრიას სახლში მივიდნენ იოანესთან და იაკობთან ერთად. მათ.8,14. ლუკ.4,38.

30 სიმონის სილდერი კი იწვა ციებ-ცხელებით შეპყრობილი. მას მაშინვე უთხრეს მასზე.

31 მივიდა, ხელი მოკიდა და წამოაყენა იგი. სიცხემ გაუარა და მოემსახურა მათ.

32 საღამო ჟამს, მზის ჩასვლისას, მიუყვანეს მას ყველა, ვინც სნეული და ეშმაკეული იყო. მათ.8,16. ლუკ.4,40.

33 მთელი ქალაქი შეკრებილიყო კართან.

34 ბევრი სნეული განკურნა სხვა და სხვა სენისაგან, ბევრი ეშმაკი განდევნა და ნებას არ რთავდა ეშმაკებს ელაპარაკათ, რადგან ისინი იცნობდნენ მას. მარ.3,12. ლუკ.4,41. საქ.16,17;19,15.

35 განთიადამდე, ჯერ კიდევ ღამიანად ადგა, გავიდა და წავიდა უდაბნო ადგილას. და იქ ლოცულობდა.

36 სიმონი და მასთან მყოფნი საჩქაროდ გაედევნენ მას.

37 იპოვეს იგი და უთხრეს: „ყველა შენ გეძებს.“

38 უთხრა მათ: „წავიდეთ სხვა ახლო-მახლო ქალაქებში, რათა იქაც ვიქადაგო, რადგან ამისათვის ვარ მოსული.“ ლუკ.4,43.

39 დადიოდა მთელ გალილეაში, ქადაგებდა მათ სინაგოგებში და ეშმაკებს დევნიდა.

40 მოვიდა მასთან ერთი კეთროვანი, მუხლი მოიყარა, შეევედრა და უთხრა: „თუ გსურს, შეგიძლია ჩემი განწმედა.“

41 შეეცოდა იგი, გაიწოდა ხელი, შეახო მას და უთხრა: „მსურს, განიწმიდე!“

42 და მყისვე მოშორდა კეთრი და განწმედილ იქნა.

43 მკაცრად გააფრთხილა და უმაღვე გაუშვა.

44 უთხრა მას: „უყურე, არავის უთხრა, არამედ წადი და ეჩვენე მღვდელს და შესწირე შენი განწმედისათვის, რაც ბრძანა მოსემ, მათდა დასამოწმებლად.“ ლევ.13,2-3. მათ.8,4. ლუკ.5,14.

45 ის კი გავიდა და დაიწყო ბევრი ლაპარაკი და ამ ამბის გახმაურება, ისე რომ, იესო ცხადად ვეღარ შედიოდა ქალაქში, არამედ გარეთ, უდაბნო ადგილებში იმყოფებოდა და ყოველი მხრიდან მიედინებოდნენ მასთან.

თ ა ვ ი 2

დავრდომილის განკურნება. ხელმწიფება ცოდვების მიტევებისა

1 რამდენიმე დღის შემდეგ კვლავ მოვიდა კაპერნაუმს და ხმა დაირხა, სახლშიაო. მათ.9,1.

2 უცებ ბევრმა მოიყარა თავი, ისე რომ, კარში ტევა არ იყო. და ასწავლიდა მათ სიტყვას.

3 მოვიდნენ და მოიყვანეს მასთან დავრდომილი, რომელიც ოთხს მოჰყავდა. მათ.9,2. ლუკ.5,18.

4 და რადგან მასთან მიყვანა შეუძლებელი იყო ხალხის გამო, იმ სახლს გადახადეს სახურავი, სადაც იგი იმყოფებოდა, და გახსნეს და ჩაუშვეს საწოლი, რომელზედაც იწვა დავრდომილი.

5 იხილა იესომ მათი რწმენა და უთხრა დავრდომილს: „შვილო, მოგეტევა შენი ცოდვები!“ ეს.43,25.

6 იქ ზოგიერთი მწიგნობარი იჯდა და თავის გულში ფიქრობდა:

7 „რატომ ლაპარაკობს ასე? ღმერთსა გმობს. ვის ძალუძს ცოდვების მიტევება ერთი ღვთის გარდა.“

8 იესო თავისი სულით მაშინვე მიხვდა, რასაც გულში ფიქრობდნენ ისინი და უთხრა: „ასეთი რამ გულში რად გაივლეთ? იოან.2,24;6,64.

9 რა უფრო ადვილია – თქმა დავრდომილის მიმართ: შენი ცოდვები მოგეტევა, თუ თქმა: ადექი, აიღე შენი საწოლი და გაიარეო? მათ.9,5. ლუკ.5,23.

10 ხოლო რათა იცოდეთ, რომ კაცის ძეს დედამიწაზე აქვს ცოდვების მიტევების ხელმწიფება, – უთხრა დავრდომილს, –

11 შენ გეუბნები: ადექი, აიღე შენი საწოლი და წადი შენს სახლში!“

12 ადგა, მაშინვე აიღო თავისი საწოლი და გამოვიდა ყველას თვალწინ. ყველა განცვიფრდა და აღიღებდა ღმერთს. ამბობდნენ: „არასოდეს გვინახავს მსგავსი რამ.“

ლევის მოწოდება

13 კვლავ გავიდა ზღვაზე. მთელი ხალხი მიდიოდა მასთან და იქ ასწავლიდა მათ.

14 გაიარა და დაინახა საბაჟოსთან მჯდომარე ლევი ალფესი და უთხრა: „გამომყევი მე.“ ისიც ადგა და გაჰყვა მას.

მათ.9,9. ლუკ.5,27.

15 როდესაც მის სახლში დაჯდა, იესოსთან და მის მოწაფეებთან ერთად იჯდა ბევრი მებაჟე და ცოდვილი, რადგან მრავალნი იყვნენ იქ, ვინც გაჰყვა მას.

16 რაკი ფარისეველთა მწიგნობრებმა დაინახეს, რომ ის მებაჟეებთან და ცოდვილებთან ჭამდა, მის მოწაფეებს უთხრეს: „რატომ ჭამს მებაჟეებთან და ცოდვილებთან?“

17 ეს რომ იესომ გაიგონა, უთხრა მათ: „მკურნალი ჯანმრთელებს კი არა სნეულებს ჭირდებათ. მართალთა კი არა, ცოდვილთა მოსახმობად მოვედი.“ მათ.9,13. ლუკ.5,32. 1ტიმ.1,15.

მარხულობა. ახალი ღვინო ახალ ტიკში

18 იოანეს მოწაფეები და ფარისეველნი მარხულობდნენ. მოვიდნენ მასთან და უთხრეს: „რატომაა, რომ იოანეს მოწაფეები და

ფარისეველთა მოწათეები მარხულობენ, შენი მოწათეები კი არ მარხულობენ?“
მათ.9,14. ლუკ.5,33.

19 იესომ უთხრა მათ: „განა შეუძლიათ მარხულობა მექორწილებს, ვიდრე ნეტე მათთან არის? ვიდრე ნეტე თანა ჰყავთ, არ შეუძლიათ მარხულობა.“

20 მაგრამ მოვა დღეები, როცა ნეტე წაერთმევათ და იმარხულებენ იმ დღეს.

21 ძველ ტანსაცმელს არავინ დაადებს საკერებელს ახალი ქსოვილისაგან; თორემ ახალი დაკერებული მოხვს ძველს და უარესად გაიგლიჯება.
მათ.9,16. ლუკ.5,36.

22 არავინ ჩაასხამს ახალ ღვინოს ძველ ტიკებში, თორემ ღვინო ტიკებს დახეთქავს და ღვინოც დაიკარგება და ტიკებიც. არამედ ახალ ღვინოს ახალ ტიკებში ასხამენ.“

კაცის ძე არის უფალი შაბათისაც

23 მოუხდა მას შაბათ დღეს ყანებზე გავლა და მისმა მოწათეებმა თავთავების კრეფა დაიწყეს.
2შჯ.23,24-25. მათ.12,1. ლუკ.6,1.

24 ფარისეველებმა უთხრეს მას: „აჰა, რატომ აკეთებენ, რაც შაბათ დღეს არაა ნებადართული?“

25 უპასუხა მათ: „არასოდეს არ წაგიკითხავთ რა ქნა დავითმა, როცა გაუჭირდა და მოშივდა მას და მასთან მყოფთ?“

26 როგორ შევიდა ღვთის სახლში აბიათარ მღვდელმთავრის დროს, ჰამა საწინაშეო პური, – რისი ჰამის ნებაც არავის ჰქონდა, გარდა მღვდლებისა, – და თავისთან მყოფებსაც დაურიგა?“
გამოს.29,33. ლევ.24,9. 1მფ.21,6-7. მათ.12,4. ლუკ.6,4.

27 უთხრა მათ: „შაბათი ადამიანისთვის არის შექმნილი და არა ადამიანი შაბათისთვის.“

28 ამრიგად, შაბათის უფალიც არის კაცის ძე.“

თ ა ვ ი 3

გამხმარი ხელის განკურნება შაბათ დღეს

1 და კვლავ შევიდა სინაგოგაში. იქ იყო კაცი, რომელსაც ხელი ჰქონდა გამხმარი.
მათ.12,9. ლუკ.6,6.

2 უთვალთვალეზდნენ, ხომ არ განკურნავდა შაბათ დღეს, რომ ბრალი დაედოთ მისთვის.

3 უთხრა ხელგამხმარ კაცს: „შუაში დადექი.“

4 მათ კი უთხრა: „შაბათ დღეს კეთილის კეთებაა ნებადართული თუ ბოროტისა? სულის ხსნა თუ დალუპვა?“ ისინი დუმდნენ.

5 იესომ რისხვით გადახედა მათ, მათი გულქვაობით დამწუხრებულმა, და იმ კაცს უთხრა: „გაიწოდე ხელი!“ მანაც გაიწოდა და მოუჩია ხელი.

6 ფარისეულებმა გამოსვლისთანავე მოითათბირეს ჰეროდთან-
ბთან ერთად მის წინააღმდეგ, თუ როგორ დაეღუპათ იგი.

იოან.10,39.

7 იესო კი თავის მოწაფეებიანად ზღვისკენ გაემართა. მას
უამრავი ხალხი მიჰყვებოდა გალილეიდან და იუდეიდან, მათ.4,25.

8 იერუსალიმიდან, იდუმეაიდან, იორდანეს გაღმადან, მრავალი
ხალხი მოვიდა მასთან ტვიროსისა და სიდონის სანახები-
დან, როცა შეიტყვეს რა მოიმოქმედა მან.

9 თავის მოწაფეებს უთხრა, რომ ნავი გაემზადებინათ
მისთვის, რათა ხალხს არ შეევიწროვებინა იგი,

10 რადგან ბევრი განკურნა მან, ზედ აწყდებოდა ყველა,
ვისაც რამ სნეულება სჭირდა, და ცდილობდა, რომ შეხებოდა
მას.

11 არაწმიდა სულებიც, როგორც კი მას დაინახავდნენ,
ეცემოდნენ მის წინაშე და ყვირილით ამბობდნენ: „შენა ხარ ძე
ლვთისა.“ მათ.16,16.

12 იესო მკაცრად უშლიდა მათ, რათა არ გაეცხადებინათ იგი.

თორმეტის ამორჩევა მოციქულებად

13 შემდეგ მთაზე ავიდა და მოუხმო, ვინც მას სურდა. და
წავიდნენ მასთან.

14 თორმეტი ამოირჩია, რომ მასთან ერთად ყოფილიყვნენ,
რათა გაეგზავნა საქადაგებლად, მათ.10,1. ლუკ.9,1.

15 და რათა ჰქონოდათ მათ განკურნებისა და ეშმაკების გამო-
დევნის ხელმწიფება.

16 ამოარჩია თორმეტი: ზედმეტ სახელად მისცა სიმონს
პეტრე;

17 იაკობ ზებედესას და იოანეს, იაკობის ძმას, უწოდა
ბანერგეს, რაც ნიშნავს ქუხილის ძეებს;

18 ანდრია და ფილიპე, ბართლომე და მათე, თომა და იაკობ
ალფესი, თადეოზ და სიმონ კანანელი.

19 და იუდა ისკარიოტელი, რომელმაც გასცა იგი.

როგორ შეუძლია სატანას სატანის განდევნა

20 მივიდა სახლში და კვლავ იმდენმა ხალხმა მოიყარა თავი,
რომ პურიც ველარა ჭამეს.

21 მისიანებს მოესმათ და მის შესაპყრობად წავიდნენ,
რადგან ამბობდნენ: შეშლილიაო. იოან.10,20.

22 იერუსალიმიდან ჩამოსულმა მწიგნობრებმა თქვეს: ბელზე-
ბელი ჰყავს და ეშმაკებს ეშმაკთა მთავრით სდევნისო.

მათ.9,34. ლუკ.11,15.

23 დაუძახა მათ და იგავებით ეუბნებოდა: „როგორ შეუძლია
სატანას სატანის განდევნა?

24 თუ სამეფო თავისივე თავის წინააღმდეგ გაიყოფა, ის სამეფო ველარ გაძლებს. მათ.12,25. ლუკ.11,17.

25 თუ სახლი თავისივე თავის წინააღმდეგ გაიყოფა, ის სახლი ველარ გაძლებს;

26 და თუ სატანა თავის თავს წინ აღუდგა და გაიყო, ველარ გაძლებს, აღსასრული დაუდგა.

27 ვერავინ შეძლებს შევიდეს ძლიერის სახლში და გაიტაცოს მისი ნივთები, თუ ჯერ ძლიერს არ გათოკავს. მაშინლა გაძარცვავს მის სახლს.

28 ჭეშმარიტად გეუბნებით თქვენ: ყველა ცოდვა მიეტევება კაცთა შვილებს, და გმობა, რამდენსაც უნდა გმობდნენ.

მათ.12,31. ლუკ.12,10. იოან.5,16.

29 ხოლო ვინც სულიწმიდას დაგმობს, მას აღარასოდეს მიეტევება, არამედ სამუდამო ცოდვის თანამდებია.

30 რადგან ამბობდნენ: არაწმიდა სული ჰყავსო.

დედა და ძმები

31 მივიდნენ მისი ძმები და დედა, გარეთ დადგნენ და გაგზავნეს მის დასაძახებლად. მათ.12,46. ლუკ.8,19.

32 მის გარშემო ხალხი ისხდა, როცა უთხრეს, გარეთ შენი დედა და შენი დანი და შენი ძმანი არიან და შენ გეძებენო.

33 პასუხად უთხრა: „ვინ არიან ჩემი დედა და ჩემი ძმები?“

34 მის გარშემო მსხდომთ გადახედა და თქვა: „აჰა, ჩემი დედა და ჩემი ძმები.“

35 რადგან ის, ვინც ღვთის ნებას შეასრულებს, ისაა ჩემი ძმაც, დაც და დედაც.“

თ ა ვ ი 4

იგავი მთესველსა და თესლზე

1 **კვლავ** დაიწყო სწავლება ზღვის პირას. მასთან ბევრმა ხალხმა მოიყარა თავი, იმდენმა, რომ იგი ნავში ჩაჯდა და გავიდა ზღვაზე. მთელი ხალხი კი ზღვის პირას იყო, ხმელეთზე.

მათ.13,1. ლუკ.8,4.

2 ბევრ რასმე ასწავლიდა იგი იგავებით და თავის მოძღვრებაში ამბობდა:

3 „ისმინეთ! აჰა, გამოვიდა მთესველი დასათესად.

4 თესვისას ზოგი გზისპირას დაუარდა; მოვიდნენ ფრინველები და აკენკეს.

5 ზოგი კლდოვან ადგილას დაუარდა, სადაც ბევრი მიწა არ იყო, და მალე აღმოცენდა, ვინაიდან მიწას სიღრმე არ ჰქონდა.

6 ხოლო მზე რომ ამოვიდა, დაჰკნა და, რაკი ფესვი არ ჰქონდა, გახმა.

7 ზოგი ეკლებში ჩავარდა, გაიზარდა ეკლები და მოაშთეს იგი და მან ნაყოფი ველარ გამოიღო.

8 ზოგი კარგ ნიადაგზე დაეცა და გამოიღო ნაყოფი. აღმოცენდა, გაიზარდა და იმატა ერთი-ოცდაათად, ერთი-სამოცად და ერთი-ასად.“

9 თქვა: „ვისაც ყური აქვს სასმენად, ისმინოს!“

10 როცა იგი მარტო დარჩა, მათ, ვინც გარს ეხვია თორმეტთან ერთად, ჰკითხეს იგავზე.

11 მან უთხრა: „თქვენ მოცემული გაქვთ ცოდნა ღვთის სასუფევლის საიდუმლოსი, ხოლო გარეშეთათვის ყველაფერი იგავებით ხდება.“

მათ.11,25;16,17. 1კორ.2,10.

12 რადგან ხედვით ხედავენ და ვერ შეიცნობენ, სმენით ისმენენ და ვერ იგებენ, რათა არ მოიქცნენ და არ მიეტევოთ.“

ეს.6.9-10. იოან.12,40.

13 უთხრა მათ: „არ იცით ეს იგავი? როგორღა გაიგებთ ყველა იგავს?“

14 მთესველი სიტყვას თესავს.

მათ.13,18. ლუკ.8,11.

15 ისინი კი იმ გზის პირას არიან, სადაც ითესება სიტყვა. როგორც კი მოისმენენ, მაშინვე მოდის სატანა და იტაცებს მათში დათესილ სიტყვას.

16 ასევე კლდოვანზე დათესილნი: ისინი არიან, რომლებიც როგორც კი სიტყვას მოისმენენ, მაშინვე სიხარულით მიიღებენ მას.

ეს.42,20. ეზეკ.33,31. იოან.5,35.

17 მაგრამ ფესვი არ გააჩნიათ თავის თავში და ხანმოკლენი არიან და, როგორც კი დგება გასაჭირი ანდა დევნა სიტყვის გამო, მაშინვე ცდუნდებიან.

18 სხვანი, ეკალთა შორის დათესილნი ისინი არიან, რომლებიც სიტყვას მოისმენენ,

19 მაგრამ წუთისოფლის საზრუნავი, სიმდიდრის საცდური და სხვა გულისთქმანი, მათში შესვლისას, აშთობენ სიტყვას და იგი უნაყოფო ხდება.

ლუკ.12,15. 1ტიმ.6,9.

20 კეთილ ნიადაგზე დათესილნი ისინი არიან, რომლებიც სიტყვას მოისმენენ და მიიღებენ, და გამოაქვთ ნაყოფი: ერთი-ოცდაათად, სამოცად და ასად.“

დაუკვირდით, რასაც ისმენთ

21 უთხრა მათ: „განა იმისთვის მოაქვთ სანთელი, რომ ჭურჭლის ან საწოლის ქვეშ დადგან? განა იმისათვის არა, რომ სასანთლეზე დადგან?“

მათ.5,15. ლუკ.8,16.

22 არ არსებობს დაფარული, რომ არ გაცხადდეს, და არც რამ დამალული, რომ არ გამოძეულავდეს.

მათ.10,26. ლუკ.8,17:12,2.

23 თუ ვინმეს ყური აქვს სასმენად, ისმინოს!“

24 უთხრა მათ: „დაუკვირდით, რასაც ისმენთ: რომელი

საწყაოთიც მიუწყავთ, იმავეთი მოგეწყვებათ და მოგემატებათ.

მათ.7,2. ლუკ.6,38.

25 რადგან, ვისაც აქვს, მას მიეცემა, და ვისაც არა აქვს, ისიც წაერთმევა, რაცა აქვს.“

მათ.13,12;25,29. ლუკ.8,18;19,26.

მღოგვის მარცვალზე

26 თქვა: „ასეთია ღვთის სასუფეველი, კაცმა რომ თესლი ჩააგდოს მიწაში,

27 ეძინოს და დგებოდეს ღამით თუ დღისით. თესლი კი აღმოცენდება და იზრდება, მან კი არ იცის, როგორ.

28 რადგან მიწა თვითონ გამოიღებს ნაყოფს: პირველად ჯეჯილს, მერე თავთავს, შემდეგ კი სავსე მარცვალს თავთავში.

29 რაჟამს მომწიფდება ნაყოფი, მაშინვე გამოგზავნის ნამგალს, რადგან მოაღწია მკამ.“

30 თქვა: „რას შევუდაროთ ღვთის სასუფეველი? ან რომელი იგავით გამოგზავნოთ იგი?“

მათ.13,31. ლუკ.13,18

31 იგი მღოგვის მარცვალსა ჰგავს, რომელიც მიწაზე დათესვისას ყველაზე მცირეა მიწაზე არსებულ თესლთა შორის,

32 დათესვის შემდეგ კი ამოდის და ყველაზე დიდ მწვანოლეულად გადაიქცევა. დიდ ტოტებს გამოისხამს, ისე რომ მის ჩრდილში ცის ფრინველნი იბუდებენ.“

33 მრავალი ასეთი იგავით ეუბნებოდა იგი სიტყვას, რამდენის მოსმენაც შეეძლოთ.

მათ.13,34.

34 იგავის გარეშე არ ესაუბრებოდა მათ, თავის მოწაფეებს კი ცალკე განუმარტავდა ყველაფერს.

ქარი და ზღვა ემორჩილებიან მას

35 იმავე დღეს, რომ მოსალამოვდა, უთხრა მათ: „გადავცუროთ გაღმა.“

მათ.8,23. ლუკ.8,22.

36 გაუშვეს ხალხი და წაიყვანეს იგი ნავით, რომელშიც იჯდა. მასთან სხვა ნაგებიც იყო.

37 ამოვარდა დიდი ქარიშხალი, ტალღები ნავს ეხეთქებოდა, ისე რომ ნავი უკვე ივსებოდა.

38 ის კი კიჩოზე იყო და სასთუმალზე ეძინა. გააღვიძეს და უთხრეს: „მოძღვარო, რომ ვიღუპებით, ნუთუ არ გენადვლება?“

39 წამოდგა და შერისხა ქარი და უთხრა ზღვას: „დადუმდი, ჩადექ! ქარი დაცხრა და დიდი მყუდროება ჩამოდგა.“

იოზ.26,12. ფსალ.88,10.

40 უთხრა მათ: „რატომ ხართ ასე მხდალნი? რატომ არა გაქვთ რწმენა?“

41 მათ დიდი შიშით შეეშინდათ და ერთმანეთს გადაულაპარაკეს: „ვინ არის ეს, ქარიცა და ზღვაც რომ მას ემორჩილება?“

თ ა გ ი 5

უწმიდური სულები ღორის კოლტში

1 გავიდნენ ზღვის გადაღმა, ღერასენელთა მხარეში.

მათ.8,28. ლუკ.8,26.

2 ნავიდან გადმოსულს მიეჭრა კაცი სამარხებიდან, არაწმიდა სულით შეპყრობილი.

3 მას სამყოფელი სამარხებში ჰქონდა და ჯაჭვებითაც კი არავის შეეძლო მისი შეკვრა.

4 ვინაიდან უკვე მრავალჯერ იყო შეკრული ბორკილებითა და ჯაჭვებით, მაგრამ წყვეტდა ჯაჭვებს, ამსხვრევდა ბორკილებს და არავის შეეძლო მისი დამორჩილება.

5 მუდამ, დღე და ღამ, სამარხებსა და მთებში ღრიალებდა და ეხეთქებოდა ლოდებს.

6 როგორც კი დაინახა შორიდან იესო, მიირბინა მასთან და თაყვანი სცა.

7 ხმამაღლა იყვირა და უთხრა: „რა გინდა ჩემგან, ძეო უზენაესი ღვთისა? ღმერთს გაფიცებ, ნუ მტანჯავ!“

8 რადგან უთხრა მას: „გადი ამ კაცისაგან, არაწმიდა სულო!“

9 ჰკითხა მას: „რა არის შენი სახელი?“ მან უპასუხა: „ლეგიონია ჩემი სახელი, ვინაიდან ბევრნი ვართ.“

10 ძალიან ევედრებოდა, რომ ამ არე-მარედან არ გაეძევებინა ისინი.

11 იქ კი, მთასთან ღორების დიდი კოლტი ძოვდა.

12 შეევედრნენ მას და უთხრეს: „მიგვრეკე ღორებთან, რომ შევიდეთ მათში.“

13 დართო მათ ნება და გამოსული არაწმიდა სულები შევიდნენ ღორებში. ეს კოლტი, დაახლოებით ორიათასამდე, კბოდედან ზღვას მიაწყდა და ჩაიხრჩო ზღვაში.

14 ხოლო მათი მამოვებელნი გაიქცნენ და შეატყობინეს ქალაქსა და სოფლებს და გამოვიდნენ, რომ ენახათ, რა მოხდა.

15 მოვიდნენ იესოსთან და ხედავენ ეშმაკეული, რომელსაც ლეგიონი ჰყავდა, ზის შემოსილი და გონთმოსული, და შეშინდნენ.

16 მხილველებმა უამბეს მათ, რა დაემართა ეშმაკეულს და ღორებს.

17 დაუწყეს ხვეწნა, გასცლოდა მათს საზღვრებს.

18 როდესაც აღიოდა იგი ნავში, ყოფილი ეშმაკეული შეევედრა, რომ თავისთან დაეტოვებინა.

19 ნება არ დართო მას, არამედ უთხრა: „წადი შენს სახლში, შენიანებთან, და უთხარი მათ, რა გიყო ღმერთმა და რაოდენ შეგიწყალა.“

20 წავიდა იგი და დაიწყო ქადაგება ათქალაქში, თუ როგორ მოექცა მას იესო, და უკვირდა ყველას.

იაიროსის ქალიშვილის გაცოცხლება

21 როცა იესომ კვლავ გამოდგა გამოსცურა ნავით, დიდძალი ხალხი მოგროვდა მასთან. ზღვის პირას იყო იგი.

22 და აჰა, მოვიდა სინაგოგის ერთი უფროსთაგანი, სახელად იაიროსი. დაინახა თუ არა იგი, მის ფერხთით დაეცა.

23 ბევრს ევედრებოდა მას და ეუბნებოდა: „ჩემი გოგონა სიკვდილის პირასაა. მოდი და დაასხი ხელები, რომ გამოჯანმრთელდეს და იცოცხლოს.“

24 წაჰყვა მას. დიდძალი ხალხი აედევნა და ზედ აწყდებოდა.

25 ერთმა ქალმა, რომელსაც თორმეტი წელიწადი იყო, რაც სისხლის დენა სჭირდა, მათ. 9, 20.

26 მრავალი ტანჯვა ჰქონდა გადატანილი მრავალი მკურნალისაგან და რაც რამ გააჩნდა, ყველაფერი დახარჯა, მაგრამ ვერაფერმა უშველა, უარეს დღეში ჩავარდა,

27 მოისმინა იესოზე, ხალხში ზურგს უკნიდან მოუარა და შეეხო მის სამოსელს.

28 რადგან ამბობდა: მის სამოსელსაც რომ შევეხო, განვიკურნებიო.

29 და იმწამსვე დაიშრიტა მისი სისხლის წყარო და სხეულში იგრძნო, რომ განიკურნა სატკივარისაგან.

30 ამ დროს კი იესომ იგრძნო, რომ ძალა გავიდა მისგან. მიუბრუნდა ხალხს და უთხრა: „ვინ შეეხო ჩემს სამოსელს?“ ლუკ. 8, 45.

31 მისმა მოწაფეებმა უთხრეს: „ხედავ, ხალხი ზედ გაწყდება, შენ კი ამბობ: ვინ შემეხოო?“

32 მან მიმოიხედა, რომ დაენახა ამის ჩამდენი.

33 ქალი, რომელმაც იცოდა, რაც თვითონ დაემართა, შიშით და თრთოლვით მივიდა, მის წინაშე დაემხო და მთელი სიმართლე უთხრა.

34 მან კი უთხრა: „ასულო, შენმა რწმენამ გიხსნა, წადი მშვიდობით და მორჩენილი ხარ შენი სენისაგან.“

35 ჯერ სიტყვა არ გაეთავებინა, რომ მოვიდნენ სინაგოგის უფროსისაგან და უთხრეს: „შენი ასული მოკვდა, რაღად აწუხებ მოძღვარს?“ ლუკ. 8, 49.

36 იესომ კი ამ სიტყვების მოსმენისთანავე უთხრა სინაგოგის უფროსს: „ნუ გეშინია, მხოლოდ გწამდეს.“

37 არავის დართო ნება წაჰყოლოდა, პეტრეს, იაკობის და იოანეს – იაკობის ძმის გარდა.

38 მივიდნენ სინაგოგის უფროსის სახლში და ხედავს, არეულობაა, ტირიან და ბევრს მოთქვამენ.

39 შევიდა და უთხრა: „რაზე სწუხხართ და სტირით? არ მომკვდარა ბავშვი, სძინავს მხოლოდ.“

40 ისინი დასცინოდნენ მას. მან კი ყველანი გამორეკა, წაიყვანა ბავშვის დედ-მამა და მასთან მყოფნი და შევიდა, სადაც ბავშვი იწვა.

41 აიღო ბავშვის ხელი და უთხრა: „ტალითა კუმი!“ რაც ნიშნავს: „შენ გეუბნები, გოგონა, ადექ!“

42 და მყისვე წამოდგა გოგონა და გაიარა, ვინაიდან თორმეტი წლისა იყო. მათ დიდად გაუკვირდათ.

43 მან მკაცრად გააფრთხილა ისინი, რომ არავის გაეგო ეს ამბავი. უთხრა, საჭმელი მიეცათ მისთვის.

თ ა ვ ი 6

წინასწარმეტყველის უპატივცემლობა

1 გავიდა იქიდან და მივიდა თავის სამშობლოში. თავისი მოწაფეებიც გაჰყვნენ. მათ.13,54. ლუკ.4,16.

2 შაბათი რომ დადგა და სინაგოგაში დაიწყო სწავლება. მრავალი მსმენელი გაოცებული ამბობდა, საიდანა აქვს ამას ეს ყველაფერი. და რა სიბრძნე აქვს მონიჭებული, რა სასწაულები ხდება მისი ხელით? მათ.7,28.

3 ეს ხურო არ არის, მარიამის ძე, იაკობის, იოსეს, იუდას და სიმონის ძმა? აქვე ჩვენთან არ იმყოფებიან მისი დები? ისინი ცდუნდებოდნენ მასში. იოან.6,42.

4 უთხრა მათ იესომ: „წინასწარმეტყველი არსად არ არის უპატივოდ, გარდა თავისი სამშობლოსი, სანათესავოსი და საკუთარი სახლისა.“ იერ.12,6. მათ.13,57. ლუკ.4,24. იოან.4,44.

5 ვერ მოახდინა იქ ვერავითარი სასწაული, გარდა იმისა, რომ მცირერიცხოვან სნეულთ ხელები დაასხა და განკურნა.

6 უკვირდა ურწმუნოება მათი, დადიოდა გარშემო სოფლებში და ასწავლიდა მათ. მათ.9,35.

თორმეტი გაიგზავნა სამსახურისთვის

7 მოუხმო თორმეტს და დაიწყო მათი წყვილ-წყვილად დაგზავნა და აძლევდა მათ ხელმწიფებას არაწმიდა სულებზე. მათ.10,1. ლუკ.9,1.

8 გამოუცხადა მათ, არაფერი წაეღოთ გზაში, გარდა ხელჯობისა, არც პური, არც ფუთა, არც სპილენძი სარტყლით.

9 ჩაეცვათ სანდლები და არ მოესხათ ორ-ორი მოსასხამი.

10 უთხრა მათ: „რომელ სახლშიც შეხვალთ, იქ დარჩით, სანამ იმ ადგილიდან არ გამოხვალთ.

11 თუ ვინმე არ მიგიღებთ და არ მოგისმენთ, იქიდან წამოსვლისას თქვენ ფერხთაგან მტვერი დაიბერტყეთ მათდა დასამოწმებლად. ჭეშმარიტად გეუბნებით თქვენ: სოლომისა და გომორისთვის უფრო ადვილი იქნება სამსჯავროს დღეს, ვიდრე იმ ქალაქისათვის.“ მათ.10,14. საჭ.13,51;18,6.

12 ისინი გავიდნენ და ქადაგებდნენ მონანიებას.

13 სდევნიდნენ მრავალ ეშმაკს და სნეულებს სცხებდნენ ზეთს და კურნავდნენ. იაკ.5,14.

ნათლისმცემლის თავის მოკვეთა

14 ესმა მეფე ჰეროდეს, ვინაიდან ცნობილი გახდა მისი სახელი, და თქვა: იოანე ნათლისმცემელი აღმდგარა მკვდრეთით და ამიტომ მოქმედებენო ძალები მასში. მათ.14,1. ლუკ.9,7.

15 ერთნი ამბობდნენ: ელია არისო; სხვები კი ამბობდნენ: წინასწარმეტყველია, როგორც ერთი წინასწარმეტყველთაგანო.

16 ეს რომ ესმა ჰეროდეს, თქვა: „ეს იოანეა, მე რომ თავი მოგკვეთე, ის აღმდგარა მკვდრეთით.“

17 რადგან ჰეროდემ გაგზავნა იოანეს შესაპყრობად, საპყრობილეში შესაბოროკად, თავისი ძმის, ფილიპეს ცოლის, ჰეროდისას გამო, რადგან ცოლად ჰყავდა იგი. ლუკ.3,19.

18 რადგან იოანე ეუბნებოდა ჰეროდეს: არ გეკუთვნისო შენი ძმის ცოლის ცოლად ყოლა. ლევ.18,16;20,21.

19 ჰეროდისას კი გული მოსდიოდა მასზე და სურდა მისი მოკვლა, მაგრამ არ შეეძლო.

20 ვინაიდან ჰეროდეს ეშინოდა იოანესი; იცოდა, რომ მართალი და წმიდა კაცი იყო და იფარავდა მას; როცა მას უსმენდა, დიდ საგონებელში იყო და სიამოვნებით უგდებდა ყურს.

21 დადგა მარჯვე დღე, როცა ჰეროდემ თავის დაბადების დღეს სერობა გაუმართა თავის მთავრებს, ათასისთავებს და გალილეველ აზნაურებს;

22 შევიდა ჰეროდისას ასული, ცეკვავდა და აამებდა ჰეროდესა და მის თანამეინახეებს. მეფემ უთხრა ქალწულს: „რაც გნებავს, მთხოვე და მოგცემ.“

23 და დაუფიცა მას: „რაც გინდა მთხოვო, მოგცემ ჩემს ნახევარ სამეფოსაც კი.“

24 გამოვიდა და ჰკითხა დედამისს: „რა ვთხოვო?“ იოანე ნათლისმცემლის თავიო, უპასუხა მან.

25 და მყისვე სასწრაფოდ შევიდა მეფესთან, სთხოვა და უთხრა: „მსურს ახლავე ლანგრით მომართვა იოანე ნათლისმცემლის თავი.“

26 შეწუხდა მეფე, მაგრამ ფიცისა და თანამეინახეთა რიდის გამო, აღარ ისურვა მისთვის უარი ეთქვა.

27 მყისვე გაგზავნა მეფემ ჯალათი და უბრძანა მისი თავის მოტანა.

28 წავიდა იგი, მოჰკვეთა მას თავი საპყრობილეში, ლანგრით მოიტანა მისი თავი და გადასცა ქალწულს, ხოლო ქალწულმა დედამისს მისცა.

29 ეს რომ მისმა მოწაფეებმა გაიგეს, მივიდნენ, აიღეს მისი გვამი და სამარხში ჩაასვენეს.

ხუთი ათასი კაცის დაპყრობა

30 შეიკრიბნენ იესოსთან მოციქულები და უამბეს მას ყველაფერი, რაც გააკეთეს და რაც ასწავლეს. ლუკ.9,10.

31 უთხრა მათ: „წამოდით მარტო თქვენ უდაბურ ადგილას და მცირედ მოისვენეთ.“ ვინაიდან მრავალი იყო მიმსვლელ-მიმსვლელი და საჭმელადაც ვერ იცლიდნენ.

32 წავიდნენ უდაბურ ადგილას მარტონი ნავით.

მათ.14,13. ლუკ.9,10.

33 დაინახეს ისინი, რომ მიდიოდნენ, და ბევრმა იცნო. ფეხით გაედევნენ ყოველი ქალაქიდან და მათზე ადრე მივიდნენ.

34 გამოსულმა უამრავი ხალხი რომ დაინახა, შეებრაღა ისინი, ვინაიდან უმწყემსო ცხვრებივით იყვნენ, და დაუწყო მათ მრავალი რამის სწავლება.

35 გამოხდა კარგა ხანი და მივიდნენ მასთან მისი მოწაფეები და უთხრეს: „უდაბურია ეს ადგილი, დრო კი უკვე გვიანია.

36 გაუშვი ისინი, რომ წავიდნენ ახლომახლო დაბა-სოფლებში და იყიდონ თავისთვის საზრდო.“

37 მაგრამ მან პასუხად უთხრა მათ: „თქვენ მიეცით მათ საჭმელი.“ მათ კი უთხრეს: „წავიდეთ, ორასი დინარის პური ვიყიდოთ და ამათ მივცეთ საჭმელად?“

38 უთხრა მათ: „რამდენი პური გაქვთ? წადით, ნახეთ!“ გაიგეს და უთხრეს: „ხუთი და ორიც თევზი.“

მათ.14,17. ლუკ.9,13. იოან.6,9.

39 მაშინ უბრძანა მათ, ყველანი ჯგუფ-ჯგუფად დამსხდარიყვნენ მოლზე.

40 დასხდნენ მწყობრად ას-ასად და ორმოცდაათ-ორმოცდაათად.

41 აიღო ხუთი პური და ორი თევზი, ზეცას ახელა, აკურთხა, დატეხა პურები და მისცა თავის მოწაფეებს, რომ ამათთვის ჩამოერიგებინათ. ორი თევზიც ყველას დაუნაწილა.

42 ყველამ ჭამა და გაძღა.

43 დარჩენილი ნატეხებიდან და თევზიდან თორმეტი სავსე გოდორი აკრიფეს.

44 პურისმჭამელი სულ ხუთი ათასამდე მამაკაცი იყო.

წყალზე სიარული

45 მყისვე აიძულა თავისი მოწაფეები ასულიყვნენ ნავში და წინდაწინ გასულიყვნენ გაღმა, ბეთსაიდისკენ, ვიდრე ხალხს გაუშვებდა.

46 ისინი რომ გაისტუმრა, მათზე ავიდა სალოცავად. მათ.14,23.

47 და როცა შესაღამოვდა, ნავი შუა ზღვაში იყო, ის კი მარტო დარჩა ხმელეთზე.

იოან.6,16.

48 დაინახა, რომ მათ უჭირდათ ნაოსნობა, ვინაიდან პირქარი იყო. ღამის მეოთხე გუშაგობაზე წავიდა იგი მათკენ ზღვაზე მოსიარულე. უნდოდა მათთვის გვერდი აეგლო.

49 ხოლო მათ, ზღვაზე მავალი რომ დაინახეს იგი, იფიქრეს, მოჩვენება არისო, და შეჰყვირეს.

50 ვინაიდან ყველამ დაინახა იგი და შეძრწუნდნენ; ის კი მყისვე გამოელაპარაკა მათ და უთხრა. „გამხნევდით, ეს მე ვარ, ნუ გეშინიათ!“

51 ავიდა ნავში მათთან და ჩადგა ქარი. და ძალიან უკვირდით თავიანთ გულში.

52 ვინაიდან გაოგნებულნი იყვნენ პურების გამო, მაგრამ გული გაქვავებული ჰქონდათ. მათ.8,18.

მრავალთა გაჯანსაღება

53 გავიდნენ გაღმა და მიაღწენ გენესარეთის მიწას, და ჩაუშვეს ლუზა. მათ.14,34.

54 როგორც კი ნავიდან გადმოვიდნენ, უმაღვე იცნეს იგი იქაურებმა.

55 შემოირბინეს მთელი ის ქვეყანა და დაიწყეს საწოლებით სნეულთა გამოყვანა ყველგან, სადაც კი გაიგებდნენ, აქ არისო.

მათ.4,24.

56 სადაც არ უნდა შესულიყო, დაბებში, ქალაქებში თუ სოფლებში, სხამდნენ თავიანთ სნეულებს მოედნებზე და ევედრებოდნენ, რომ მისი სამოსლის კალთაზე შეხების ნება მაინც მიეცა. ვინც კი ეხებოდა, იკურნებოდა კიდევც.

თ ა ვ ი 7

ადამიანისგან გამომდინარე მასვე ბილწავს

1 შეიკრიბნენ მასთან ფარისევლები და იერუსალიმიდან მოსული ზოგიერთი მწიგნობარი. მათ.15,1.

2 დაინახეს, რომ ზოგიერთი მისი მოწაფეთაგანი ბინძური, ესე იგი, დაუბანელი ხელებით ჭამდა პურს.

3 რადგან ფარისეველნი და იუდეველნი, ყველანი იცავენ წინაპართა ჩვეულებას და ისე არ ჭამენ, თუ საგულდაგულოდ არ დაიბანეს ხელი,

4 ბაზრიდან დაბრუნებულები განბანის გარეშე არ ჭამენ. სხვაც ბევრი რამ არის, რაც მიიღეს შესასრულებლად: სასმისების, თასების, სპილენძის ქვაბების გავლება წყალში.

5 მაშინ ჰკითხეს ფარისევლებმა და მწიგნობრებმა: „რატომ არ იქცევიათ შენი მოწაფეები წინაპართა გადმოცემის მიხედვით და დაუბანელი ხელებით ჭამენ პურს?“

6 ხოლო მან უთხრა მათ: „კარგად წინასწარმეტყველებდა თქვენისთანა თვალთმაქცეებზე ესაია წინასწარმეტყველი. როგორც წერია: ეს ხალხი პატივს მცემს ბაგეებით, მათი გული კი შორსაა ჩემგან. მათ.15,8.

7 ამოდ მექცევიათ მოწიწებით, ასწავლიან რა მოძღვრებებს – ადამიანურ მცნებებს. ეს.29,13. ტიტ.1,14.

8 ვინაიდან თქვენ მიგიტოვებიათ ღვთის მცნებანი და იცავთ კაცთა გადმოცემას, სასმისების, თასებისა და მრავალი სხვა ამგვარის გავლებას.”

9 უთხრა მათ: „კარგია განა, რომ ღვთის მცნებას აუქმებთ, რათა თქვენი გადმოცემა დაიცვათ?”

10 მოსემ თქვა: ‘პატივი ეცი მამასა შენსა და დედასა შენსა; მამისა, გინდ დედის აუგის მთქმელი სიკვდილით მოკვდეს.’

გამოს.20,12;21,17. მათ.15,4.

11 თქვენ კი ამბობთ: თუ კაცი ეტყვის მამას ან დედას: კორბან, ესე იგი, ძღვენიო (ღმერთს), რითაც ჩემგან უნდა გესარგებლა, –

12 მას თქვენ ნებასა რთავთ, აღარაფერი გააკეთოს მამისთვის ან დედისათვის.

13 თქვენი გადმოცემით, რომელსაც გადასცემთ, აუქმებთ ღვთის სიტყვას და სხვასაც ბევრს აკეთებთ ამის მსგავსს.”

14 მოუწოდა კვლავ ხალხს და უთხრა: „მომისმინეთ ყველამ და შეიგნეთ:

15 არაფერია ადამიანის გარეთ ისეთი, რასაც მასში შესვლით შეეძლოს მისი წაბილწვა. არამედ რაც ადამიანისაგან გამოდის, ის ბილწავს ადამიანს.

მათ.15,11. რომ.14,17. ტიტ.1,15.

16 თუ ვინმეს ყურები აქვს სასმენად, ისმინოს!”

დაბ.8,21. იგ.სოლ.6,14. იერ.17,9. მათ.15,19.

17 როდესაც ხალხს გაერიდა და სახლში შევიდა, მისმა მოწაფეებმა ჰკითხეს მას იგავზე:

18 მან უთხრა მათ: „ნუთუ თქვენც არ გაგეგებათ და ვერ მიმხვდარხართ, რომ არაფერს, რაც ადამიანში გარედან შედის, არ ძალუძს მისი წაბილწვა?”

19 ვინაიდან, მის გულში კი არ შედის, არამედ მუცელში და გამოდის ფეხისალაგში.” ამით წმიდად გამოაცხადა ყოველგვარი საზრდო.

20 შემდეგ უთხრა: „კაცისაგან გამომავალი შებილწავს კაცს.

21 ვინაიდან ადამიანის გულიდან გამოდის ბოროტი ზრახვანი, სიძვანი, ქურდობანი, მკვლელობანი,

22 მრუშობანი, ანგარებანი, მზაკვრობანი, ვერაგობანი, გარყენილებანი, თვალბოროტებანი, გმობანი, ამპარტავნობა და უგუნურება.

23 ყველა ეს ბოროტება შიგნიდან გამოდის და ბილწავს ადამიანს.”

ძაღლებიც ჰამენ შვილების საქმლის ნამცეცებს

24 ადგა იქიდან და ტვიროსის საზღვრისკენ გასწია. სახლში რომ შევიდა, არ უნდოდა ვინმეს ეცნო, მაგრამ ვერ შეძლო დაფარვა.

მათ.15,21.

25 ვინაიდან მის შესახებ მაშინვე გაიგო ერთმა ღელაკაცმა, რომლის ასულსაც არაწყმიდა სული ჰყავდა, მოვიდა და დაემხო მის ფერხთით.

26 ეს ღელაკაცი კი ბერძენი იყო, წარმოშობით სიროფინიკელი, ზღვის გაღმელი; ემუდარებოდა, რომ განედევნა ეშმაკი მისი ასულისაგან.

27 ხოლო იესომ უთხრა მას: „მოითმინე, ჯერ შვილები გაჰლენ, თორემ არ არის კარგი, შვილებს წაართვა პური და ძაღლებს გადაუგდო.“

28 მან მიუგო და უთხრა: „მართალია, უფალო, მაგრამ ძაღლებიც ხომ მაგიდის ქვეშ ჰამენ შვილების ნამცეცებს.“

29 მან უთხრა: „მაგ სიტყვისათვის, წადი, ეშმაკი გასულია შენი ასულისაგან.“

30 წავიდა თავის სახლში და ნახა, რომ ბავშვი საწოლზე იწვა, ეშმაკი კი გასული იყო.

ყრუ და ენაბლუს განკურნება

31 კვლავ გამობრუნდა ტვიროსის საზღვრებიდან და მივიდა სიდონის გზით გალილეის ზღვისკენ, ათქალაქის საზღვრების გაელით. მათ.15,29.

32 მოიყვანეს მასთან ყრუ და ენაბლუ და შეევედრნენ ხელი დაედო მისთვის.

33 წაიყვანა იგი ცალკე, ხალხისაგან მოშორებით, თითებით ყური დაუცო, დაანერწყვა და შეეხო მის ენას;

34 ცას ახედა, ამოიოხრა და უთხრა მას: „ეფფათა“, რაც არის: „განიხსენ.“

35 მყისვე გაეხსნა მას სასმენელი, ენის ბორკილიც აეხსნა და გამართულად ალაპარაკდა.

36 უბრძანა მათ, არავისთვის ეთქვათ, მაგრამ, რაც უფრო მეტად უკრძალავდა, მით უფრო აცხადებდნენ.

37 მეტისმეტად უკვირდით და ამბობდნენ: „ყოველივეს სასიკეთოდ აკეთებს: ყრუებს სმენას აძლევს და მუნჯებს ალაპარაკებს.“ ეს.35,6.

თ ა ვ ი 8

ოთხი ათასი კაცის დაპურება

1 იმ დღეებში დიდძალმა ხალხმა მოიყარა თავი. საჭმელი კი არაფერი გააჩნდათ. მან უხმო თავის მოწაფეებს და უთხრა:

მათ.15,32.

2 „მეცოდება ეს ხალხი, რადგან უკვე სამი დღეა, რაც ჩემთან არიან და საჭმელი არაფერი აქვთ.

3 მშივრები რომ გავუშვა შინ, დაუძლურდებიან, ვინაიდან ზოგიერთი მათგანი ძალიან შორიდან არის მოსული.“

4 მისმა მოწაფეებმა მიუგეს მას: „საიდან შეიძლება ამდენი ხალხის უდაბნოში დაპურება?“

5 ჰკითხა მათ: „რამდენი პური გაქვთ?“ მათ უთხრეს: „შვიდი.“

6 მაშინ უბრძანა ხალხს მიწაზე დამსხდარიყვნენ. აილო შვიდი პური, მადლი შესწირა, დატეხა და მისცა თავის მოწაფეებს, რომ ჩამოერიგებინათ. მათაც ჩამოურიგეს ხალხს.

7 რამდენიმე თევზიც ჰქონდათ. აკურთხა და უბრძანა ისინიც ჩამოერიგებინათ.

8 ჰამეს და გაძლნენ. დარჩენილი ნატეხებისგან შვიდი კალათი აიღეს.

9 ისინი კი ოთხი ათასამდე იყვნენ. და გაუშვა ყველანი.

10 უმაღვე ავიდა ნავზე თავის მოწაფეებთან ერთად და მივიდნენ დალმანუთის მხარეში.

მათ.15,39. 1კორ.1,22.

ფარისეველნი მოითხოვენ სასწაულს

11 გამოვიდნენ ფარისეველნი და დაუწყეს დავა და მოსთხოვეს ციდან ნიშანი, რომ გამოეცადათ.

მათ.16,1.

12 სულთ ამოიოხრა და თქვა: „რისთვის თხოულობს ეს მოდგმა ნიშანს? ჰეშმარიტად გეუბნებით თქვენ, რომ ამ მოდგმას ნიშანი არ მიეცემა.“

13 და მიატოვა ისინი, კვლავ ავიდა ნავზე და გაღმა გავიდა.

ერიდეთ ფარისეველთა საფუარს

14 დაავიწყდათ პურის წაღება. ნავში კი ერთი პურის მეტი არა ჰქონდათ.

15 დაარიგა ისინი და უთხრა: „გაფრთხილდით, ერიდეთ ფარისეველთა საფუარს და ჰეროდოიანთა საფუარს.“

მათ.16,6. ლუკ.12,1.

16 ისინი კი ერთმანეთში მსჯელობდნენ: ალბათ იმიტომ, რომ პური არა გვაქვსო.

17 იესომ შეამჩნია და უთხრა მათ: „რას მსჯელობთ, პური რომ არა გაქვთ? ნუთუ კიდევ ვერ გაგიგიათ და ვერ შეგიგნიათ? გული გაგიქვავდათ?“

18 თვალები გაქვთ და ვერ ხედავთ, ყური გაქვთ და არ გესმით? და არც გახსოვთ?

მათ.6,38. იოან.6,9.

19 როცა ხუთი პური დავტეხე ხუთი ათასი კაცისათვის, რამდენი გოდორი აიღეთ ნატეხებით სავსე?“ უთხრეს: „თორმეტი.“

20 „როცა ოთხი ათასისათვის შვიდი პური დავტეხე, რამდენი კალათი აიღეთ ნატეხებით სავსე.“ უთხრეს: „შვიდი.“

21 უთხრა მათ: „როგორ ვერ მიხვდით?“

ბრმის განკურნება ბეთსაიდაში

22 მოვიდნენ ბეთსაიდას და მოუყვანეს ბრმა და ევედრებოდნენ, რომ შეხებოდა მას.

23 ჩაჰკიდა ბრმას ხელი, გაიყვანა იგი სოფლიდან, თვალებზე დაანერწყვა, დაადო ხელები და ჰკითხა: „ხედავ რამეს?“

24 მან აიხელა და თქვა: „ვხედავ ადამიანებს, როგორც ირგვლივ მოარულ ხეებს.“

25 შემდეგ კვლავ დაადო ხელები თვალებზე, დააცქერდა, განკურნა და ყველაფერს ნათლად ხედავდა.

26 გაისტუმრა შინ და უთხრა: „სოფელში ნუ შეხვალ.“

იესოს ქრისტედ შეცნობა პეტრესგან

27 წავიდნენ იესო და მისი მოწაფეები ფილიპეს კესარიის სოფლებში. გზა და გზა ელაპარაკებოდა იგი თავის მოწაფეებს და ეკითხებოდა: „რას ამბობს ხალხი, ვინა ვარ მე?“

მათ.16,13. ლუკ.9,18.

28 მათ უთხრეს: იოანე ნათლისმცემელიო. სხვები ამბობდნენ: ელიაო, სხვები: ერთ-ერთი წინასწარმეტყველიო.

29 მან ჰკითხა მათ: „თქვენ რაღას იტყვით: ვინ ვარ მე?“ პეტრემ უთხრა: „შენ ქრისტე ხარ.“

იოან.6,69.

30 გააფრთხილა ისინი, რომ არავისთვის ეთქვათ მასზე.

ვინც თავის სულს გაუფრთხილდება, დაკარგავს მას.

31 დაუწყო სწავლება, რომ კაცის ძეს მართებს მრავალი ტანჯვა აიტანოს, უარყოფილი იქნეს უხუცესების, მღვდელმთავრებისა და მწიგნობრების მიერ, მოიკლას და მესამე დღეს აღდგეს.

მათ.9,31;10,33. ლუკ.9,22.

32 ცხადად ამბობდა სიტყვას. გვერდზე გაიხმო პეტრემ და დაუწყო კიცხვა.

33 ის კი მობრუნდა და გადახელდა თავის მოწაფეებს. პეტრეს გაუწყრა და უთხრა: „მომცილდი, სატანავ! ვინაიდან ღვთისას კი არ ფიქრობ, არამედ ადამიანისას.“

34 დაუძახა ხალხს თავის მოწაფეებთან ერთად და უთხრა: „თუ ვინმეს სურს მე მომყვეს, უარყოს თავი, აილოს თავისი ჯვარი და გამომყვეს.“

მათ.10,38;16,24. ლუკ.9,23;14,26-27.

35 ვინაიდან, ვისაც სურს სული შეინარჩუნოს, იგი დაკარგავს მას; ხოლო ვინც ჩემი ანდა სახარების გულისთვის დაკარგავს სულს, იგი შეინარჩუნებს მას.

36 რა ხეირია ადამიანისათვის, თუ მთელ ქვეყნიერებას შეიძენს, თავის სულს კი ავნებს?

37 ან რისი მიცემა შეუძლია ადამიანს თავისი სულის სანაცვლოდ?

ფსალ.48,9.

38 რადგან, ვისაც შერცხვება შენი და ჩემი სიტყვებისა ამ მრუშ და ცოდვილ მოდგმაში, კაცის ძესაც შერცხვება მისი, როდესაც მოვა თავისი მამის დიდებაში, წმიდა ანგელოზებით.“

მათ.10,33. ლუკ.9,26. 1იოან.2,23. რომ.1,16. 2ტიმ.2,12.

თ ა ვ ი 9

ფერისცვალება

1 უთხრა მათ იესომ: „ჭეშმარიტად გეუბნებით თქვენ: არიან ზოგიერთნი აქ მდგომთაგან, რომელნიც არ იგემებენ სიკვდილს, სანამ არ იხილავენ ღვთის სასუფეველს, ძლიერებით მოსულს.“

მათ.16,28. ლუკ.9,27.

2 ექვსი დღის შემდეგ წაიყვანა იესომ პეტრე, იაკობი და იოანე, აიყვანა მაღალ მთაზე მარტო ისინი და ფერი იცვალა მათ წინაშე.

მათ.17,1.

3 გაბრწყინდა მისი ტანისამოსი და ძალზე თეთრი გახდა, ისეთი, რომ გამთეთრებელს ამ ქვეყანაზე არ ძალუძს ისე გათეთრება.

4 ეჩვენა მათ ელია მოსესთან ერთად და ესაუბრებოდნენ იესოს.

5 პეტრემ უთხრა იესოს: „რაბი, რა კარგია ჩვენთვის აქ ყოფნა. გავაკეთოთ სამი კარავი. ერთი შენ, ერთი მოსეს და ერთიც ელიას.“

6 ვინაიდან არ იცოდა რა ეთქვა, რადგან ყველა შეშინებული იყო.

7 გამოჩნდა ღრუბელი, რომელმაც დაჩრდილა ისინი, ხოლო ღრუბლიდან გამოვიდა ხმა: „ეს არის ჩემი საყვარელი ძე, უსმინეთ მას!“

8 უეცრად მიმოიხედეს, მაგრამ ირგვლივ ვერავინ დაინახეს, გარდა იესოსი.

9 როდესაც მთიდან ძირს ჩამოდიოდნენ, გააფრთხილა არაგისტვის ეთქვათ, რაც იხილეს, ვიდრე კაცის ძე მკვდრებით აღდგებოდა.

10 ეს სიტყვა გულში ჩაიდეს და ერთმანეთს ეკითხებოდნენ, რას ნიშნავსო მკვდრებით აღდგომა.

11 ჰკითხეს მას: რატომ ამბობენ მწიგნობრები, რომ პირველად ელია უნდა მოვიდესო?

მათ.17,10.

12 მან უპასუხა მათ: „მართალია, პირველად ელია უნდა მოვიდეს და აღადგინოს ყოველივე. კაცის ძეზე კი როგორღაა დაწერილი, რომ მას მართებს ბევრი ტანჯვა და დამცირებულა?“

ფსალ.21,7. ეს.53,3. დან.7,13;9,26.

13 მაგრამ თქვენ გეუბნებით, რომ ელია მოვიდა და მას ისე მოექცნენ, როგორც უნდოდათ და როგორც დაწერილია მასზე.“

მალ.4,5. მათ.17,12.

განკურნება უტყვი სულით შეპყრობილისა

14 როცა მოწაფეებთან მივიდა, იხილა მათ ირგვლივ დიდძალი ხალხი და მათთან მოკამათე მწიგნობრები.

15 მაშინვე შენიშნა მთელმა ხალხმა და გაუკვირდათ. მობოდნენ მასთან და ესალმებოდნენ.

16 ჰკითხა მათ: „რაზე ედავებით ამათ?“

17 ხალხიდან ერთ-ერთმა მიუგო: „მოძღვარო, შენთან მოვიყვანე ჩემი ვაჟი, რომელიც უტყვი სულით არის შეპყრობილი.“

მათ.17,14. ლუკ.9,38.

18 სადაც კი შეიპყრობს, ძირს ანარცხებს, და გადმოსდის დუჟი, კბილებს აღრჴენს და შეშლება. ვთხოვე შენს მოწათფებს, რომ განედევნათ, მაგრამ ვერ შეძლეს.“

19 მიუგო მათ და უთხრა: „ჰოი, ურწმუნო მოდგმავ! როდემდე ვიქნები თქვენთან? როდემდე უნდა გითმინოთ თქვენ? მომიყვანეთ იგი.“

20 და მოუყვანეს მას. როგორც კი სულმა დაინახა იგი, დაანარცხა. დაეცა მიწაზე, გორავდა და დუჟი სდიოდა.

21 ჰკითხა მის მამას: „რამდენი ხანია, რაც ეს დაემართა?“ უთხრა: „პატარაობიდან.“

22 ბევრჯერ ჩაუგდია ცეცხლსა და წყალში, რათა დაეღუპა. თუკი რამე შეგიძლია, შეგვიბრალე და გვიშველე“.

23 ხოლო იესომ უთხრა: „თუ კი რამე შეგიძლია? მორწმუნისათვის ყველაფერი შესაძლებელია.“

მათ.17,20.21.22.

24 ბავშვის მამამ იმწამსვე შესძახა ცრემლმორეულმა: „მწამს! უშველე ჩემს ურწმუნოებას.“

25 როგორც კი დაინახა იესომ, რომ ხალხი მორბის, შერისხა არაწმიდა სული და უთხრა: „უტყვო და ყრუ სულო! გიბრძანებ, გადი მაგისგან და აღარ შეხვიდე მასში!“

26 დაიყვირა, შეანჯღრია იგი ძალუმად და გავიდა. ის კი მკვდარივით გახდა, ისე რომ, ბევრი ამბობდა კიდეც: მოკვდაო.

27 იესომ მოკიდა ხელი, წამოაყენა და ისიც ფეხზე დადგა.

28 შინ რომ შევიდა, მისმა მოწათფებმა განმარტოებით ჰკითხეს მას: „ჩვენ რატომ ვერ გავდევნეთ იგი?“

29 უთხრა მათ: „ეს მოდგმა სხვანაირად ვერ გამოვა, თუ არა ღოცვითა და მარხვით.“

იესო კვლავ ლაპარაკობს თავის სიკვდილსა და აღდგომაზე

30 იქიდან წასულები გალილეაზე გადიოდნენ; არ უნდოდა, რომ ვინმეს ეცნო,

31 ვინაიდან ასწავლიდა თავის მოწათფებს და ეუბნებოდა: „კაცის ძე გადაცემულ იქნება კაცთა ხელში, მოკლავენ მას და მესამე დღეს აღდგება.“

მათ.17,22. ლუკ.24,7.

32 მათ ვერ გაიგეს ეს სიტყვები, მაგრამ კითხვასაც ვერ უბედავდნენ.

33 მივიდნენ კაპერნაუმში. სახლში ყოფნისას ჰკითხა მათ: „რაზე მსჯელობდით გზაში?“

34 ისინი დუმდნენ, ვინაიდან გზაში ერთმანეთში მსჯელობდნენ: ვინ უფრო დიდიაო?

35 დაჯდა თუ არა, უხმო იმ თორმეტს და უთხრა: „თუ ვინმეს უნდა პირველი იყოს, ის იქნება ყველაზე უკანასკნელი და ყველას მსახური.“

36 მოიყვანა ბავშვი, ჩააყენა მათ შუა, მოეხვია და უთხრა მათ: მათ.18,5. ლუკ.9,48.

37 „ვინც მიიღებს ერთ ასეთ ბავშვს ჩემი სახელით, ის მე მღებულობს. ხოლო ვინც მე მღებულობს, ის მე კი არ მღებულობს, არამედ ჩემს მომავლინებელს.“

38 იოანემ უთხრა: „მოძღვარო, ჩვენ ვნახეთ კაცი, რომელიც შენი სახელით ეშმაკებს დევნის, ჩვენ კი არ მოგვყვება. და ჩვენ ავუკრძალეთ მას, რადგან ჩვენ არ მოგვყვება.“ ლუკ.9,49.

39 იესომ უთხრა: „ნუ უკრძალავთ, ვინაიდან არავის, ვინც ჩემი სახელით სასწაულს ახდენს, არ ძალუძს ჩემი ასე იოლად გმობა.“ 1კორ.12,3.

40 ვინაიდან, ვინც ჩვენი წინააღმდეგი არ არის, ის ჩვენთან არის.

41 ვინც თქვენ წყალს შეგასმევთ სასმისით ჩემი სახელით, რაკი ქრისტესნი ხართ, ჭეშმარიტად გეუბნებით თქვენ, მას არ დაეკარგება თავისი საზღაური. მათ.10,42.

42 ხოლო ვინც ერთს ამ მცირეთაგან, რომელთაც მე ვწამვარ, აცდუნებს, მისთვის აჯობებდა წისქვილის ქვა დაეკიდათ კისერზე და ზღვაში გადაეგდოთ. მათ.18,6. ლუკ.17,1.

მიზეზი ცდუნებისა და ცეცხლის გენა

43 „თუ გაცდუნებს შენი ხელი, მოიკვეთე იგი; გიჯობს დასახიჩრებული შეხვიდე სიცოცხლეში, ვიდრე ორი ხელით შეხვიდე ჯოჯოხეთში, დაუშრეტელ ცეცხლში,“ 2შჯ.13,8. მათ.5,29;18,8.

44 სადაც მატლი მათი არ კვდება და ცეცხლი არ ნელდება.

ეს.66,24.

45 თუ გაცდუნებს შენი ფეხი, მოიკვეთე იგი: გიჯობს კოჭლი შეხვიდე სიცოცხლეში, ვიდრე ორი ფეხი გქონდეს და ჯოჯოხეთში ჩაგაგდონ,

46 სადაც მატლი მათი არ კვდება და ცეცხლი არ ნელდება.

47 თუ გაცდუნებს შენი თვალი, ამოითხარე იგი: გიჯობს ცალი თვალით შეხვიდე ღვთის სასუფეველში, ვიდრე ორი თვალი გქონდეს და ჩაგაგდონ ჯოჯოხეთში,

48 სადაც მატლი მათი არ კვდება და ცეცხლი არ ნელდება.

49 ვინაიდან ყოველნი ცეცხლით დამარილდებიან და ყოველი მსხვერპლი მარილით დამარილდება. ლევ.2,13.

50 მარილი კარგია, მაგრამ თუ მარილი უმარილო გახდება, რილათი შეანელებთ მას? იქონიეთ თქვენში მარილი და მშვიდობიანად იყავით ერთმანეთში.“ მათ.5,13.

თ ა გ ი 10

დარიგება გაყრაზე

1 ადგა იქიდან და მივიდა იუდეის მხარეში და იორდანეს გაღმა. კვლავ მოგროვდა მასთან ხალხი და, თავის ჩვეულებისამებრ, კვლავ ასწავლიდა მათ.

2 მოვიდნენ ფარისეველი და დაუწყეს გამოსაცდელად გამოკითხვა: „ნებადართული თუ არის, კაცმა თავისი ცოლი გაუშვას?“
მათ.19,3.

3 მან მიუგო მათ: „რა დაგიწესათ მოსემ?“

4 მათ უთხრეს: „გაყრილობის წიგნის დაწერა და გაშვება.“

2შჯ.24.1. მათ.5.31. ლუკ.16.18.

5 უთხრა მათ იესომ: „თქვენი გულქვაობის გამო დაგიწერათ მან ეს მცნება.

6 მაგრამ შექმნის დასაბამიდან ღმერთმა მამაკაცად და დედაკაცად შექმნა ისინი.
დაბ.1,27. მათ.19.4.

7 ამიტომ მიატოვებს კაცი მამას და დედას და მიეწებება თავის ცოლს.
დაბ.2,24.

8 და ორნი იქნებიან ერთ ხორცად. ამრიგად, ისინი ორნი კი არ არიან, ერთი ხორცი არიან.

9 ამრიგად, რაც ღმერთმა შეაუღლა, კაცი ნუ გაყრის მას.“

1კორ.7,10.

10 სახლში მოწაფეებმა კვლავ ჰკითხეს ამაზე.

11 უთხრა მათ: „ვინც თავის ცოლს გაუშვებს და სხვას შეირთავს, იგი მრუშობს მის მიმართ.

12 თუ ცოლი გაეყრება ქმარს და სხვას მისთხოვდება, მრუშობს.“

იესო ბავშვებს აკურთხებს

13 მოჰყავდათ მასთან ბავშვები, რათა შეხებოდა მათ, მოწაფეები კი კიცხავდნენ მომყვანებს.
მათ.19,13. ლუკ.18,15.

14 ეს რომ შეამჩნია იესომ, გაწყრა და უთხრა მათ: „გამოუშვით ბავშვები და ნუ დაუშლით ჩემთან მოსვლას, ვინაიდან მაგათნაირებისაა ღვთის სასუფეველი.
მათ.18,4. 1პეტ.2,2. 1კორ.14,20.

15 ჭეშმარიტად გეუბნებით თქვენ: ვინც ბავშვივით არ მიიღებს ღვთის სასუფეველს, ვერ შევა შიგ.“
მათ.11,25.

16 მოეხვია მათ, ხელები დაასხა და აკურთხა ისინი.
მათ.19,15.

შეკითხვა საუკუნო სიცოცხლეზე

17 გზაზე რომ გამოდიოდა, ვილაც კაცმა მიირბინა მასთან, მუხლი მოიყარა მის წინაშე და შეევედრა: „კეთილო მოძღვარო, რა ვქნა, რომ საუკუნო სიცოცხლე დავიმკვიდრო?“

მათ.19,16. ლუკ.18,18.

18 ხოლო იესომ უთხრა: „რატომ მიწოდებ მე კეთილს? არავინ არის კეთილი, გარდა ერთისა – ღვთისა.

19 იცი მცნებანი: არ იმრუშო, არ კლა, არ იპარო, არ იყო ცრუმოწმე, არ მოატყუო, პატივი ეცი შენს მამას და დედას.“

2შჯ.5,17. მათ.5,21. ლუკ.18,20.

20 მან მიუგო: „მოძღვარო, ყოველივე ამას ჩემი სიჭაბუკიდან ვიცავდი!“

21 იესომ შეხედა მას, შეუყვარდა და უთხრა: „ერთი რამ გაკლია: წადი, რაც გაქვს, გაყიდე და ღარიბებს დაურიგე და ზეცაში გექნება საუნჯე. მერე მოდი და გამომყევ.“ მათ.6,1.

22 ხოლო ის შეწუხდა ამ სიტყვებზე და დანალვლიანებული წავიდა, ვინაიდან დიდძალი ქონება ჰქონდა.

23 იესომ მიმოიხედა ირგვლივ და უთხრა თავის მოწაფეებს: „რა ძნელი იქნება სიმდიდრის მქონეთა შესვლა ღვთის სასუფეველში.“

იოზ.31,24. იაკ.2,5. 1ტიმ.6,17.

24 მოწაფეები შეაკრთო მისმა ნათქვამმა. იესომ კი კვლავ მიუგო მათ: „შვილებო, რა ძნელია ღვთის სასუფეველში შესვლა მათთვის, ვინც სიმდიდრეზეა მინდობილი!

25 უმაღლესი აქლემი გაძვრება ნემსის ყუნწში, ვიდრე მდიდარი შევა ღვთის სასუფეველში.“

26 იმათ კი უფრო მეტად გაიოცეს და ერთმანეთში ამბობდნენ: ვისლა შეუძლია გადარჩესო?

27 შეხედა მათ იესომ და თქვა: „ეს კაცთათვის არის შეუძლებელი და არა ღვთისათვის, რადგან ღვთისათვის ყოველივე შესაძლებელია.“

იოზ.42,2.

28 დაუწყო პეტრემ ლაპარაკი მას: „აჰა, ჩვენ ყველაფერი მივატოვეთ და შენ გამოგყევით.“

მათ.19,27. ლუკ.18,28.

29 უთხრა იესომ: „ჰეშმარიტად გეუბნებით თქვენ: არავინ არის, რომ ჩემი გულისთვის და სახარების გულისთვის მიეტოვებინოს სახლი, ან ძმები, ან დები, ან მამა, ან დედა, ან ცოლი, ან შვილები, ან ყანა,

30 და ასწილად არ მიეღოს ახლა, ამჟამად, სახლები, ძმები და დები, დედები და შვილები, და ყანები ამ დევნასთან ერთად, ხოლო მომავალ საუკუნეში – საუკუნო სიცოცხლე.

31 მაგრამ ბევრნი პირველნი უკანასკნელნი იქნებიან, ხოლო უკანასკნელნი – პირველნი.“

მათ.19,30. ლუკ.13,30.

იესო მესამედ იუწყება წინასწარ თავის სიკვდილზე

32 იერუსალიმს მიმავალ გზას რომ ადგნენ, მათ წინ მიუძღოდათ იესო და კრთოდნენ ისინი. თანმხლებთაც ეშინოდათ. კვლავ მოიხმო ის თორმეტი და დაუწყო ლაპარაკი იმაზე, თუ რა შეემთხვეოდა მას:

33 „აჰა, ჩვენ ავდივართ იერუსალიმს და კაცის ძე გადაეცემა მღვდელმთავრებსა და მწიგნობრებს; სასიკვდილო მსჯავრს დასდებენ და გადასცემენ წარმართებს;

მათ.20,18. ლუკ.18,31.

34 შებლაღვენ მას, გაშოლტავენ, შეაფურობებენ და მოკლავენ, მესამე დღეს კი აღდგება.“

ზებედეს ძენი

35 მაშინ მივიდნენ მასთან ზებედეს ძენი იაკობი და იოანე და უთხრეს: „მოძღვარო, გვინდა შეგვისრულო, რასაც გთხოვთ.“

მათ.20,20.

36 უთხრა მათ: „რა გინდათ, რომ შეგისრულოთ?“

37 მათ უთხრეს: „ნება მოგვეცი ერთი ჩვენგანი შენს მარჯვნივ დაჯდეს, ხოლო მეორე მარცხნივ, შენს დიდებაში.“

38 იესომ უთხრა მათ: „არ იცით, რას ითხოვთ. განა შეგიძლიათ ეს სასმისი შესვათ, რომელსაც მე ვსვამ და ის ნათლობა მიიღოთ, რომლითაც მე ვინათლები?“

39 მათ უთხრეს: „შეგვიძლია.“ ხოლო იესომ უთხრა მათ: „სასმისს, რომელსაც მე ვსვამ შესვამთ და ნათლობით, რომლითაც მე ვინათლები, მოინათლებით.“

40 ჩემს მარჯვნივ ან მარცხნივ დაჯდომა ჩემზე არ არის, არამედ მათზე, ვისთვისაც გამზადებულია.“

41 ეს რომ გაიგო იმ ათმა, დაიწყეს ღრტვინვა იაკობსა და იოანეზე.

მათ.20,24. ლუკ.22,24.

42 იესომ კი მოიხმო ისინი და უთხრა: „თქვენ იცით, რომ ისინი, ვინც ხალხების მთავრებად არიან მიჩნეულნი, ბატონობენ მათზე და მათი დიდებულნი ხელმწიფებენ მათზე?“

43 მაგრამ თქვენს შორის ასე ნუ იქნება, არამედ, ვისაც თქვენს შორის დიდობა სურს, ის თქვენი მსახური იყოს.

44 ვისაც თქვენს შორის პირველობა სურს, ის იყოს ყველას მონა.

მათ.9,35.

45 რადგან კაცის ძე არ მოსულა იმისათვის, რომ მას ემსახურონ, არამედ იმისათვის, რომ თავად ემსახუროს და მისცეს თავისი სული მრავალთა გამოსასყიდად.“

1პეტ.5,3. ფილ.2,7.

ბრმა ბარტიმეოსის განკურნება.

46 მოვიდნენ იერიხონს. იერიხონიდან რომ გადიოდა, თავის მოწაფეებთან და დიდძალ ხალხთან ერთად, გზის პირას იჯდა ბრმა მათხოვარი, ტიმეს ძე, ბარტიმეოსი.

მათ.20,29.

47 როგორც კი ყური მოჰკრა, რომ ეს იესო ნაზარეტელიაო, მორთო ყვირილი და ამბობდა: „იესო, დავითის ძეო, შემიწყალე!“

48 ბევრი უწყრებოდა მას, რომ გაეჩუმებინათ, მაგრამ უფრო მეტად ყვიროდა: „დავითის ძეო, შემიწყალე!“

49 შედგა იესო და თქვა: „დაუძახეთ მას.“ დაუძახეს ბრმას და უთხრეს: „ნუ გეშინია, ადექი, გეძახის.“

50 მან გადაიგდო მოსასხამი, ადგა და მივიდა იესოსთან.

51 იესომ მიუგო მას: „რა გინდა, რომ გაგიკეთო?“ ბრძამ უთხრა: „რაბუნი, რომ თვალი ამეხილოს.“

52 იესომ უთხრა მას: „წადი, შენმა რწმენამ გიხსნა.“ და მას მყისვე აეხილა თვალი და გაედევნა იესოს გზაზე.

თ ა ვ ი 11

იერუსალიმში ზეიმით შესვლა. ოსანა უზენაესს

1 როცა მიუახლოვდნენ იერუსალიმს, ბეთზაგეს და ბეთანიას, ზეთისხილის მთასთან, წარგზავნა ორი თავისი მოწაფეთაგანი.

მათ.21,1. ლუკ.19,29.

2 უთხრა მათ: „წადით სოფელში, რომელიც თქვენს წინ არის. როგორც კი შიგ შეხვალთ, მაშინვე იპოვით დაბმულ ჩოჩორს, რომელზეც ჯერ კაცი არ შემჯდარა. ახსენით და მოიყვანეთ.

3 თუ ვინმემ გითხრათ: ამას რას შვრებითო? უთხარით, რომ უფალს სჭირდება და უმაღ დაგიბრუნებს-თქო.“

4 წავიდნენ, იპოვეს ქუჩაში კართან დაბმული ჩოჩორი და აუშვეს იგი.

5 იქ მდგომთაგან ზოგიერთმა უთხრა მათ: „რას შვრებით, რატომ უშვებთ ჩოჩორს?“

6 მათ უთხრეს, როგორც იესომ დაარიგა, და ისინიც მოეშვნენ.

7 მიჰგვარეს ჩოჩორი იესოს. ზედ თავიანთი ტანისამოსი დაუფინეს და შეჯდა მასზე.

მათ.21,7. ლუკ.19,35.

8 ბევრმა დაუფინა გზაზე მას თავისი ტანისამოსი, ზოგმა კი – მინდორში მოჭრილი ტოტები.

იოან.12,13.

9 წინ მიმავალნი და უკან მიმყოლნიც ღალაღებდნენ: „ოსანა! კურთხეულ არს უფლის სახელით მომავალი!“

ფსალ.117,26.

10 კურთხეულ არს ჩვენი მამის, დავითის მომავალი სამეფო! ოსანა, მაღალთა შინა!“

11 შევიდა იესო იერუსალიმში, მის ტაძარში, და დაათვალიერა ყველაფერი. უკვე გვიანი იყო და იმ თორმეტთან ერთად გაემართა ბეთანიისაკენ.

უნაყოფო ლელვის ხის დაწყევლა

12 მეორე დღეს, ბეთანიიდან რომ გამოვიდნენ, მოშივდა.

13 შორიდან დაინახა გაფოთლილი ლელვის ხე. წავიდა, ვინძლო ზედ რამე ვიპოვოო. რომ მივიდა, ვერაფერი იპოვა ფოთლების მეტი, ვინაიდან არ იყო ლელვობის დრო.

14 უთხრა მას: „ნულარავინ ჭამოს უკუნისამდე ნაყოფი შენი!“ და გაიგონეს ეს მისმა მოწაფეებმა.

ტაძრის გაწმედა

15 მივიდნენ იერუსალიმში. შევიდა ტაძარში იესო და

დაიწყო ტაძარში გამყიდველთა და მყიდველთა გამორეკვა; მეკერძეთა მაგიდები და მტრედების გამყიდველთა სკამები ააყირავა.

მათ.21,12. ლუკ.19,45. იოან.2,14.

16 არ ანებებდა რაიმე საგნის გატან-გამოტანას ტაძარში.

17 ასწავლიდა მათ და ეუბნებოდა: „არ წერია: ჩემი სახლი სამლოცველო სახლად იწოდება ყველა ხალხისთვისო? თქვენ კი ავაზაკთა ბუნაგად აქციეთ.“

ეს.56,7. იერ.7,11.

18 გაიგონეს მღვდელმთავრებმა და ცდილობდნენ, როგორმე დაეღუპათ იგი, რადგან ეშინოდათ მისი, ვინაიდან მთელი ხალხი გაოცებული იყო მისი მოძღვრებით.

19 და მოსალამოვდა, როცა გავიდნენ ქალაქიდან.

20 დილით რომ ჩაიარეს, დაინახეს, რომ ლელვი ფესვებამდე გამხმარიყო.

21 გაახსენდა პეტრეს და უთხრა მას: „რაბი, აჰა, ის ლელვი, შენ რომ დასწყევლე, გამხმარა.“

22 პასუხად უთხრა მათ იესომ:

23 „იქონიეთ ღვთის რწმენა. ჰეშმარიტად გეტყვით, რომ ვინც ეტყვის ამ მთას: აიწიე და ზღვაში ჩავარდო, და გულში არ შეეჭვდება, არამედ ირწმუნებს, რომ მისი სიტყვისამებრ მოხდება, აუსრულდება მას.“

24 ამიტომ გეუბნებით: ყველაფერს, რასაც ლოცვაში ითხოვთ, გწამდეთ, რომ მიიღებთ და მოგეცემათ.

მათ.7,7. ლუკ.11,9. იოან.14,13.

25 როცა დგახართ და ლოცულობთ, მიუტევეთ, თუ რაიმე გაქვთ ვინმეს წინააღმდეგ, რათა თქვენმა მამამაც ზეცაში მოგიტევოთ თქვენი შეცოდებანი.

მათ.6,14. ეფ.4,32. კოლ.3,13.

26 ხოლო თუ თქვენ არ მიუტევეთ, არც თქვენი მამა, რომელიც ზეცაშია. არ მოგიტევეთ თქვენს შეცოდებებს.“

შეკითხვა მღვდელმთავრების მიერ იესოს ხელმწიფებაზე

27 კვლავ მივიდნენ იერუსალიმში და, როცა იგი ტაძარში მიმოდრიდა, მღვდელმთავარნი, მწიგნობარნი და უხუცესნი მივიდნენ მასთან.

მათ.21,23. ლუკ.20,1.

28 უთხრეს მას: „რომელი ხელმწიფებით აკეთებ ამას? ან ვინ მოგცა შენ ეს ხელმწიფება?“

29 ხოლო იესომ უთხრა მათ: „მეც გკითხავთ ერთ სიტყვას; მიპასუხეთ და მეც გეტყვით, რომელი ხელმწიფებით ვაკეთებ ამას.“

30 იოანეს ნათლობა ზეციდან იყო თუ კაცთაგან? აბა, მიპასუხეთ.“

31 ისინი ერთმანეთში ბჭობდნენ: თუ ვიტყვით, რომ ზეციდანო, გვეტყვის: მაშ რატომ არ იწამეთო მისი?

32 ხოლო თუ იტყვოდნენ: კაცთაგანო, ხალხისა ეშინოდათ, ვინაიდან ყველას მიაჩნდა, რომ იოანე ნამდვილად წინასწარმეტყველი იყო.

33 და უთხრეს იესოს პასუხად: „არ ვიცით.“ იესომაც უთხრა მათ: „არც მე გეტყვით, რომელი ხელმწიფებით ვაკეთებ ამას.“

თ ა ვ ი 12

იგავი ბოროტ მიწისმუშაკებზე

1 დაიწყო მათთან იგავებით ლაპარაკი: „კაცმა გააშენა ვენახი, ღობე შემოავლო, საწნახელი ამოკვეთა და კოშკი ააშენა. გადასცა იგი მიწისმუშაკთ და გაშორდა.

ფსალ.79,9. ქება 8,12. ეს.5,1-4. მათ.21,33.

2 ჟამმა რომ მოაწია, მონა გაუგზავნა მიწისმუშაკთ, მიწისმუშაკთაგან ვენახის ნაყოფის მისაღებად.

3 მათ კი შეიპყრეს იგი, სცემეს და ხელცარიელი გაუშვეს.

4 კვლავ სხვა მონა გაუგზავნა. იგი თავში დაჭრეს და შეურაცხვეს.

5 სხვა გაგზავნა და ისიც მოკლეს. კიდევ ბევრი სხვა. ზოგი სცემეს და ზოგიც მოკლეს.

6 კიდევ ჰყავდა ერთი, საყვარელი ძე. ბოლოს ისიც გაუგზავნა მათ, თქვა: ჩემი ძის მოერიდებათო.

7 მაგრამ მიწისმუშაკებმა უთხრეს ერთმანეთს: ეს მისი მემკვიდრეა. მოდიოთ, მოვკლათ და მემკვიდრეობა ჩვენ დაგვრჩებაო.

მათ.26,3-4.

8 შეიპყრეს იგი, მოკლეს და გადაადდეს ვენახიდან. ებრ.13,12.

9 რაღას იზამს ვენახის პატრონი? მოვა, ამოწყვეტს მიწისმუშაკთ და ვენახს სხვებს გადასცემს.

10 ნუთუ არ წაგიკითხავთ ეს წერილი: ‘ლოდი, რომელიც მშენებლებმა დაიწუნეს, ქვაკუთხედად იქცა.

მათ.21,42.

11 უფლის მიერ იყო ეს და საოცრებაა ჩვენს თვალში?’“

12 შეეცადნენ მის შეპყრობას, მაგრამ ხალხისა შეეშინდათ, ვინაიდან მიხვდნენ, რომ მათზე თქვა ეს იგავი. მიატოვეს იგი და წავიდნენ.

კეისრის გადასახადზე

13 მიუგზავნეს მას ზოგიერთი ფარისეველთაგან და ჰეროდინთაგან, რომ დაეჭირათ სიტყვაში.

მათ.22,15. ლუკ.20,20.

14 ისინი კი მივიდნენ და უთხრეს: „მოდღვარო, ვიცით, რომ ჭეშმარიტი ხარ და არავის ერიდები, რადგან კაცთა გარეგნობას არ უყურებ, არამედ ჭეშმარიტებით ასწავლი ღვთის გზას. უნდა ვაძლიოთ ხარკი კეისარს თუ არა? მივცეთ თუ არ მივცეთ?“

15 ხოლო მან, იცოდა რა მათი თვალთმაქცობა, უთხრა მათ: „რატომ მცდით? მომიტანეთ დინარი, რომ დაგხედო.“

16 მიუტანეს და მაშინვე ჰკითხა მათ: „ვისია ეს სახე და წარწერა?“ კეისრისაო, – უთხრეს მას.

17 იესომ უთხრა მათ: „მიეცით კეისრისა კეისარს და ღვთისა – ღმერთს.“ და გაუკვირდათ მისი. მათ.22,21.

სადუკეველთა შეკითხვა ზეცაში ქორწინებაზე

18 შემდეგ მოვიდნენ მასთან სადუკეველნი, რომელნიც ამბობდნენ, აღდგომა არ არისო, და ჰკითხეს მას: ლუკ.20,27.

19 „მოძღვარო, მოსემ დაგვიწერა: თუ ვინმეს მოუკვდება ძმა და დარჩება მას ცოლი, ხოლო შვილი არ დარჩება, მისმა ძმამ უნდა შეირთოს ის ცოლი და აღუდგინოსო თესლი თავის ძმას.

2შჯ.25,5. მათ.22,24. ლუკ.20,28.

20 იყო შვიდი ძმა. პირველმა შეირთო ცოლი და ისე მოკვდა, შთამომავლობა არ დარჩენია.

21 მეორემ შეირთო იგი და მოკვდა, არც მას არ დარჩენია შთამომავლობა. ასევე მესამემ.

22 შვიდთაგან არც ერთს არ დარჩენია შთამომავლობა. ყველას შემდეგ კი დედაკაციც მოკვდა.

23 აღდგომისას, როცა აღდგებიან, იმათაგან ვისი ცოლი იქნება, ვინაიდან შვიდივეს ჰყავდა ცოლად.“

24 იესომ უთხრა მათ: „იმითომ ხომ არ ცდებით, რომ არ იცით არც წერილები და არც ღვთის ძალა?

25 ვინაიდან მკვდრეთით აღდგომისას, არც ცოლს ირთავენ, არც თხოვდებიან, არამედ არიან, როგორც ანგელოზები ცაში.

26 ხოლო იმის თაობაზე, რომ მკვდრები აღდგებიან, ნუთუ არ ამოგიკითხავთ მოსეს წიგნში, მაყვლოვანზე, როგორ უთხრა ღმერთმა მას: ‘მე ვარ ღმერთი აბრაამისა, ღმერთი ისაკისა და ღმერთი იაკობისა’? გამოს.3,6. მათ.22,32. ლუკ.20,37.

27 მკვდრების ღმერთი კი არაა, არამედ ცოცხლებისაა. თქვენ კი ძალიან სცდებით.“

უდიდესი მცნება

28 ერთი მწიგნობართაგანი, რომელიც ყურს უგდებდა მათ კამათს და იცოდა, რომ მან კარგი პასუხი გასცა მათ, მიუახლოვდა და ჰკითხა: „რომელია უპრიველესი მცნება?“

მათ.22,35. ლუკ.10,25.

29 იესომ მიუგო მას: „პირველი არის ‘ისმინე ისრაელი: უფალი, ღმერთი ჩვენი, უფალი ერთია. ლუკ.10,27.

30 შეიყვარე უფალი, ღმერთი შენი, ყოვლითა გულითა შენით, და ყოვლითა სულითა შენითა და ყოვლითა გონებითა შენითა და ყოვლითა ძალითა შენითა.’ ეს არის პირველი მცნება.

2შჯ.6,4-5. მათ.22,37.

31 მეორე არის: ‘შეიყვარე მოყვასი შენი, ვითარცა თავი შენი.’ ამათზე დიდი მცნება არ არსებობს.“

ლევ.19,18. მათ.5,43;22,39. იაკ.2,8. რომ.13,9. გალ.5,14.

32 უთხრა მას იმ მწიგნობარმა: „კეთილი, მოძღვარო, ჭეშმარიტება თქვი შენ, ვინაიდან ერთია და სხვა არავინ არის მის გარდა,

33 გიყვარდეს იგი ყოვლითა გულითა და ყოვლითა გონებითა და ყოვლითა სულითა და ყოვლითა ძალითა, და გიყვარდეს მოყვასი, ვითარცა თავი შენი, ყველა ყოვლადდასაწველსა და შესაწირავზე მეტია.“

34 იესომ დაინახა, რომ მან გონივრულად უპასუხა, და უთხრა მას: „შორს არ დგახარ შენ ღვთის სასუფეველისაგან.“ ამის შემდეგ ველარავინ შებედა, რამე ეკითხა.

35 იესო კვლავ ასწავლიდა ტაძარში და ამბობდა: „როგორ ამბობენ მწიგნობარნი, ქრისტე დავითის ძეა? მათ.22,41. ლუკ.20,41.

36 ვინაიდან თვითონ დავითმა თქვა სულიწმიდით: უთხრა უფალმა ჩემს უფალს: დაჯექი ჩემს მარჯვნივ, ვიდრე შენს მტრებს დავამხობდე შენს ფერხთა სადგამად.

37 თვითონ დავითი უფალს უწოდებს მას და როგორღა არის მისი ძე?“ მრავალი ხალხი უსმენდა მას სიამოვნებით.

38 და თქვა თავის მოძღვრებაში: „ერიდეთ მწიგნობრებს, რომელთაც გრძელი სამოსლით სიარული და მოედნებზე მოკითხვანი უყვართ;

39 ხოლო სინაგოგებში – წინა რიგები და ნაღიმებზე – წინა ადგილები. მათ.23,6. ლუკ.1,43.

40 რომელნიც გადასჭამენ ქვრივთა სახლებს და მოსაჩვენებლად დიდხანს ლოცულობენ, ისინი უფრო დიდ სასჯელს მიიღებენ.“ ეზეკ.22,25. ლუკ.20,47.

ქვრივის ორი ლეპტა

41 საგანძურის წინ მჯდარი იესო ხედავდა, როგორ ყრიდა ხალხი ფულს საგანძურში. ბევრმა მდიდარმა ბლომად ჩაყარა. ლუკ.21,1.

42 მოვიდა ერთი ღარიბი ქვრივი და ჩადო ორი ლეპტა, რომელიც კოდრანტს შეადგენს.

43 დაუძახა მან თავის მოწაფეებს და უთხრა: „ჭეშმარიტად გეუბნებით თქვენ: ამ ღარიბმა ქვრივმა საგანძურში ყველა ჩამდებზე მეტი ჩადო.

44 ვინაიდან ყველამ თავისი სიუხვისაგან ჩადო, ამან კი თავისი სიმწირისაგან ჩადო, ყველაფერი რაც კი რამ გააჩნდა, მთელი თავისი სარჩო-საბადებელი.“

თ ა ვ ი 13

წინასწარუწყება იერუსალიმის დანგრევაზე

1 როცა ტაძრიდან გამოდიოდა, ერთმა მოწაფეთაგანმა უთხრა: „შეხედე, მოძღვარო, რა ქვებია და რა შენობები!“ მათ.24,1. ლუკ.21,5.

2 მიუგო იესომ: „ხედავ ამ დიდ შენობებს? ქვა ქვაზე არ დარჩება აქ, რომ არ ჩამოიქცეს.“
ლუკ.19,44;21,6.

3 როცა ზეთისხილის მთაზე იჯდა ტაძრის წინ, განმარტოებით, ჰკითხეს მას პეტრემ, იაკობმა, იოანემ და ანდრიამ:

4 „გვითხარი, როდის მოხდება ეს, ანდა რა იქნება იმის ნიშანი, როცა ყოველივე ეს უნდა მოხდეს?“

5 დაუწყო მათ იესომ ლაპარაკი: „გათვთხილდით, რომ არა-ვინ შეგაცდინოთ,
მათ.24,4. ლუკ.21,8. 2თეს.2,3.

6 ვინაიდან ბევრი მოვა ჩემი სახელით და იტყვის: მე ვარო, და მრავალს შეაცდენენ.

7 როდესაც მოისმენთ ომებზე და ომების ამბებს, ნუ შეძრწუნდებით: ეს უნდა მოხდეს, მაგრამ ჯერ კიდევ არ არის აღსასრული.
მათ.24,6.

8 ვინაიდან აღდგება ერი ერის წინააღმდეგ და სამეფო სამეფოს წინააღმდეგ. იქნება მიწისძვრანი ადგილ-ადგილ და შიმშილობანი. ეს მშობიარობის ტკივილთა დასაწყისია. მათ.24,7.

წინასწარუწყება ტანჯვაზე. ცრუწინასწარმეტყველნი

9 „თქვენ კი მიხედეთ თქვენს თავს, ვინაიდან გადაგცემენ სამსჯავროზე, გცემენ სინაგოგებში, განმგებელთა და მეფეთა წინაშე წარსდგებით ჩემს გამო, მათ წინაშე დასამოწმებლად.

იოან.15,20.

10 ჯერ სახარება უნდა ექადაგოს ყველა ერს.

11 როცა წაგიყვანენ გადასაცემად, ნუ იზრუნებთ წინასწარ, რა ილაპარაკოთ; არამედ, რაც იმ ჟამს მოგეცემათ, ის ილაპარაკეთ, ვინაიდან თქვენ კი არ ილაპარაკებთ, არამედ სულიწმიდა.

მათ.10,19. ლუკ.12,11.

12 ძმა ძმას გადასცემს სასიკვდილოდ და მამა – შვილს; აღდგებიან შვილები მშობლების წინააღმდეგ და დახოცავენ მათ.

13 მოძულებულნი იქნებით ყველას მიერ ჩემი სახელის გამო; ხოლო ვინც ბოლომდის მოითმენს, ის გადარჩება.

14 ხოლო როცა იხილავთ გატიალების სიბილწეს, იქ მდგომარეს, სადაც არ უნდა იყოს, მაშინ, ვინც იუდეაშია, მთებს მიაშუროს.
დან.9,27. მათ.24,15. ლუკ.21,20.

15 ვინც ერდოზე იქნება, ნუ ჩამოვა მაშინ და ნურც შევა შიგნით შინიდან რაიმეს გამოსატანად.

16 ვინც მინდორში იქნება, ნუ დაბრუნდება უკან თავისი სამოსლის გამოსატანად,

17 ხოლო ვაი ორსულებს და მეძუძურებს იმ დღეებში!

18 ილოცეთ, რომ ეს ზამთარში არ მოხდეს.

19 ვინაიდან იმ დღეებში ისეთი გასაჭირი იქნება, რომლის მსგავსი არ ყოფილა ქვეყნის დასაბამიდან, რომელიც შექმნა ღმერთმა, დღევანდელ დღემდე, და აღარც არასოდეს იქნება.

20 უფალს რომ არ შეემოკლებინა ის ღლეები, ვერა ხორციელი ვერ გადარჩებოდა. მაგრამ ის ღლეები შეამოკლა იმ რჩეულთათვის, რომლებიც მან ამოირჩია.

21 მაშინ თუ ვინმე გეტყვით: აჰა, აქ არისო ქრისტე, ან: აჰა, იქო, არ ერწმუნოთ. მათ.24,23. ლუკ.17,23.

22 ვინაიდან აღდგებიან ცრუ ქრისტეები და ცრუწინასწარმეტყველნი და მოიმოქმედებენ სასწაულებსა და ნიშნებს, რათა რჩეულნი შეაცდინონ, თუ კი შეძლებენ.

23 თქვენ კი გაფრთხილდით; წინასწარ გითხარით ყველაფერი.

24 მაგრამ იმ ღლეებში, იმ გასაჭირის შემდგომ, მზე დაბნელდება და მთვარე აღარ გამოსცემს ნათელს.

ეს.13,10. ეზეკ.32,7. იოვ.2,31. მათ.24,29. ლუკ.21,25.

25 იქნება ვარსკვლავთა ცვენა და შეირყევინა ციური ძალები.

26 მაშინ იხილავენ კაცის ძეს, ღრუბლებზე მომავალს დიადი ძალით და დიდებით. მათ.24,30. გამოც.1,7.

27 მაშინ იგი წარგზავნის თავის ანგელოზებს და შეკრებენ მის რჩეულებს ოთხთავ ქართაგან, დედამიწის კიდიდან ცის კიდემდე.

იფხიზლეთ და ილოცეთ

28 „ლეღვისაგან ისწავლეთ მაგალითი: როცა მისი რტოები დარბილდება და შეიფოთლება, იცით, რომ ახლოა ზაფხული.

29 ასევე, როცა იხილავთ, რომ ეს ყოველივე ხდება, იცოდეთ, რომ კარსაა მომდგარი.

30 ჭეშმარიტად გეუბნებით თქვენ: არ გადაივლის ეს მოდგმა, ვიდრე ყოველივე ეს არ მოხდება. მათ.24,34.

31 ცა და დედამიწა გადავლენ, ჩემი სიტყვები კი არ გადავლენ.

32 მაგრამ იმ ღლეზე და ჟამზე არავინ იცის, არც ციურმა ანგელოზებმა, არც ძემ, არამედ მხოლოდ მამამ.

33 გაფრთხილდით, იფხიზლეთ, ილოცეთ, ვინაიდან არ იცით, როდის დადგება ის ჟამი. მათ.24,42;25,13.

34 ისევე, როგორც შორ გზაზე მიმავალმა კაცმა მიატოვოს თავისი სახლი, თავის მონებს მისცეს ხელმწიფება და ყველას თავისი საქმე მიუჩინოს და მეკარეს უბრძანოს ფხიზლად ყოფნა.

35 ამიტომ ფხიზლად იყავით, რადგან არ იცით, როდის მოვა სახლის პატრონი – საღამოთი თუ შუალამისას, მამლის ყივილზე თუ განთიადისას.

36 რათა მოულოდნელად რომ მოვიდეს, მძინარენი არ გპოვოთ.

37 რასაც თქვენ გეუბნებით, ყველას ვეუბნები: იფხიზლეთ.“

თ ა ვ ი 14

იესოს ცხება ძვირფასი ნელსაცხებლით

1. ორი ღლის შემდეგ იყო პასექისა და უფუარობის ღლესა-

სწაული. მღვდელმთავარი და მწიგნობარი ღონეს ეძიებდნენ, როგორ შეეპყროთ იგი მზაკვრულად და მოეკლათ. მათ.26,2. ლუკ.22,1.

2 რადგან ამბობდნენ: ოღონდ ღღესასწაულზე არა, რათა ხალხი არ აღშფოთდესო.

3 როცა იესო ბეთანიაში იყო, სიმონ კეთროვნის სახლში, და სუფრას უჯდა, მოვიდა დედაკაცი, რომელსაც ალებასტრონით ჰქონდა სუფთა ნელსაცხებელი, ძვირად ღირებული ნარდისა, გატეხა მან ალებასტრონი და თავზე მოასხა მას.

მათ.26,7. იოან.11,2;12,3.

4 ზოგიერთნი აღშფოთდნენ და ლაპარაკობდნენ ერთმანეთში: ასე რად გაიფლანგა ნელსაცხებელიო?

5 ხომ შეიძლებოდა ამ ნელსაცხებლის გაყიდვა სამას ღინარზე მეტად და ღარიბებისათვის დარიგებაო? ასე კიცხავდნენ მას.

6 ხოლო იესომ უთხრა მათ: „მოეშვით მაგას, რატომ არცხვენთ? მაგან ხომ სიკეთე მიყო.

7 ვინაიდან ღარიბნი მუდამ თქვენთანა გყავთ და, თუკი მოისურვებთ, შეგიძლიათ სიკეთე უყოთ მათ. მე კი მუდამ არ გეყოლებით.

8 მან ის გააკეთა, რაც შეეძლო: წინასწარ სცხო ჩემს სხეულს დასამარხავად.

9 ჭეშმარიტად გეუბნებით თქვენ: სადაც კი იქადაგებენ სახარებას მთელ წუთისოფელში, იტყვიან, რაც მან გააკეთა, მისივე მოსაგონებლად.“

სერობა უფლისა. პური და ღვინო

10 იუდა ისკარიოტელი, ერთი იმ თორმეტთაგანი, წავიდა მღვდელმთავრებთან, რათა გაეცა იგი. მათ.26,14. ლუკ.22,4.

11 მათ კი, რომ მოისმინეს, გაიხარეს და აღუთქვეს მას გერცხლის მიცემა. ის კი მარჯვე შემთხვევას ეძებდა, რათა გაეცა იგი.

12 უფუარობის პირველ ღღეს, როცა საპასეჟო კრავს სწირავდნენ, მისმა მოწაფეებმა უთხრეს მას: „სად გინდა, რომ წავიდეთ და მოგიმზადოთ საჭმელად პასეჟი?“ მათ.26,17. ლუკ.22,7.

13 გაგზავნა ორი თავისი მოწაფეთაგანი და უთხრა მათ: „წადით ქალაქში და შემოგეყრებათ კაცი, რომელსაც კოკით წყალი მოაქვს. გაჰყევით მას.

14 სადაც შევა, უთხარით სახლის პატრონს: ‘მოძღვარმა თქვა: სად არის ჩემი სასტუმრო ოთახი, სადაც ჩემს მოწაფეებთან ერთად ვჭამ პასეჟს?’

15 ის გიჩვენებთ ზემოთვალს, მოფარდაგებულსა და გამზადებულს. იქ მოგვიმზადეთ.“

16 გამოვიდნენ მისი მოწაფეები, შევიდნენ ქალაქში და იპოვეს, როგორც მან უთხრა, და მოამზადეს პასეჟი.

17 რომ მოსალამოვდა, თორმეტთან ერთად მოვიდა იგი.

18 როცა დასხდნენ და ჭამდნენ, იესომ თქვა: „ჭეშმარიტად გეუბნებით თქვენ: ერთი თქვენგანი, რომელიც ჩემთან ერთად ჭამს, გამცემს მე.“
ფსალ.40,10. მათ.26,20. ლუკ.22,14. იოან.13,21.

19 ისინი დანაღვლიანდნენ და ჰკითხეს სათითაოდ: „მე ხომ არა ვარ?“

20 ხოლო მან მიუგო პასუხად: „ერთი თორმეტაგანი, რომელიც ჩემთან ერთად ჯამში ხელს ამოაწებს.“

21 თუმცა კაცის ძე მიდის, როგორც დაწერილია მასზე, მაგრამ, ვაი იმ კაცს, ვის მიერაც გაიცემა ძე კაცისა: იმ კაცისათვის უმჯობესი იქნებოდა არ დაბადებულიყო.“

22 როცა ისინი ჭამდნენ, აიღო იესომ პური, აკურთხა, დატეხა, მისცა მათ და თქვა: „აიღეთ და ჭამეთ – ეს ჩემი სხეულია!“
მათ.26,26. ლუკ.22,19. 1კორ.11,24.

23 აიღო სასმისი, მადლი შესწირა და მისცა მათ. და იქიდან შესვა ყველამ.

24 უთხრა მათ: „ეს არის ჩემი სისხლი ახალი აღთქმისა, მრავალთათვის დაღვრილი.“

25 ჭეშმარიტად გეუბნებით თქვენ: მეტს აღარ შევსვამ ვაზის ნაყოფისაგან იმ დღემდე, როცა შევსვამ ახალს ღვთის სასუფეველში.“

წინასწარუწყება პეტრეს მიერ უარყოფაზე

26 იგალობეს და გავიდნენ ზეთისხილის მთაზე.

27 უთხრა მათ იესომ: „თქვენ ყველანი ცდუნდებით, ვინაიდან დაწერილია: 'დავცემ მწყემსს და გაიფანტებიან ცხვრები.'“

ზაქ.13,7. მათ.26,31. იოან.16,32.

28 ხოლო ჩემი აღდგომის შემდეგ წინ წაგიძღვებით გალილეაში.“
მათ.16,7.

29 პეტრემ უთხრა მას: „თუნდაც ყველანი ცდუნდნენ, მაგრამ მე – არა.“

30 უთხრა მას იესომ: „ჭეშმარიტად გეუბნები შენ, ამალამ, სანამ მამალი ორჯერ იყივლებდეს, სამჯერ უარმყოფ.“

მათ.26,34. ლუკ.22,34. იოან.13,38.

31 ის კი მეტი თავგამოდებით ეუბნებოდა: თუნდაც რომ მოვკვდე შენთან ერთად, არ უარგყოფო. ასევე ეუბნებოდნენ სხვებიც.

გეთსიმანიაში ლოცვა

32 მივიდნენ ადგილზე, რომლის სახელი იყო გეთსიმანია, და უთხრა თავის მოწაფეებს: „ისხედით აქ, სანამ გლოცულობ.“

მათ.26,36. ლუკ.22,39.

33 წაიყვანა თავისთან პეტრე, იაკობი და იოანე. იწყო წუხილი და ურვა.

34 უთხრა მათ: „სასიკვდილოდ არის დამწუხრებული ჩემი სული. იყავით აქ და იფხიზლეთ.“

35 ცოტა გაიარა, დაემხო მიწაზე და ლოცულობდა, რათა, თუ შესაძლებელი იყო, ასცდენოდა ეს ჟამი.

36 თქვა: „აბბა, მამაო, შენთვის ყოველივე შესაძლებელია. ამაცილე ეს სასმისი. მაგრამ არა რაც მე მსურს, არამედ, რაც – შენ.“
მათ.26,39. ფილ.2,8. ებრ.5,7-8.

37 მოვიდა და ნახა ისინი მძინარენი და უთხრა პეტრეს: „სიმონ, გძინავს? ვერ შესძელი, ერთ საათს გეფხიზლა?“

38 იფხიზლეთ და ილოცეთ, რომ არ ჩავარდეთ განსაცდელში. სული მხნეა, ხოლო ხორცი უძლური.“
ლუკ.22,40.

39 კვლავ წავიდა, ლოცულობდა და იმავე სიტყვებს ამბობდა.

40 მობრუნდა და მძინარენი ჰპოვა ისინი, ვინაიდან თვალები დამძიმებოდათ და არ იცოდნენ, რა ეპასუხათ მისთვის.

41 და მოვიდა მესამედ და უთხრა მათ: „თქვენ ისევ გძინავთ და ისვენებთ? კმარა. მოვიდა ჟამი. აჰა, კაცის ძე გადაეცემა ცოდვილთა ხელთ.“

42 აღექით, წავიდეთ. აჰა, მოახლოვდა ჩემი გამცემი.“
მათ.26,46.

გაცემა იუდას მიერ. მოწაფეების გაფანტვა

43 ჯერ სიტყვა არ დაესრულებინა, რომ, აჰა, მოვიდა იუდა, ერთი თორმეტთაგანი, და მასთან ერთად ხალხი მახვილებით და კეტეებით – მღვდელმთავართაგან, მწიგნობართაგან და უხუცესთაგან.
მათ.26,47. ლუკ.22,47. იოან.18,3.

44 ხოლო მის გამცემს მიეცა მათთვის ნიშანი და ეთქვა: „ვისაც მე ვეამბორები, ის არის იგი, შეიპყარით და დაცვით წაიყვანეთ.“

45 მიეჭრა მას და უთხრა: „რაბი!“ და ეამბორა მას.

46 მათ კი ხელი დაადეს მას და შეიპყრეს იგი.

47 ერთმა იქ მდგომთაგანმა იძრო მახვილი, დასცხო მღვდელმთავრის მონას და ყური ჩაათალა.

48 მაშინ იესომ უთხრა მათ: „თითქოს ავაზაკის წინააღმდეგ მახვილებითა და კეტეებით მოხვედით ჩემს შესაპყრობად.“

49 ყოველდღე თქვენთან ვიყავი ტაძარში და გასწავლიდით, და არ შეგიპყრივართ. მაგრამ რათა აღსრულდეს წერილები.“
მათ.26,54. იოხ.19,13. ფსალ.21,7;68,9;87,9. ეს.53,12.

50 მაშინ მიატოვეს იგი და ყველანი გაიქცნენ.

51 ერთი ვილაც ჭაბუკი, რომელსაც შიშველ სხეულზე ტილო მოესხა, მიჰყვებოდა მას და შეიპყრეს იგი.

52 შეატოვა ტილო და შიშველი გაიქცა.

იესო სინედრიონის წინაშე. პეტრეს მიერ უარყოფა

53 პიიყვანეს იესო მღვდელმთავართან. თავი მოიყარა ყველა მღვდელმთავარმა, უხუცესმა და მწიგნობარმა.
მათ.26,57.

54 პეტრემ შორიდან მისდია მას, თვით მღვდელმთავრის ეზომდე, დაჯდა მსახურებთან და ცეცხლთან თბებოდა.

55 ხოლო მღვდელმთავარი და მთელი სინედრიონი ეძებდნენ მოწმობას იესოს წინააღმდეგ, რათა მოეკლათ იგი, მაგრამ ვერ პოულობდნენ.

ფსალ.26,12;34,11. მათ.26,59.

56 ვინაიდან მრავალი სწამებდა ცილს, მაგრამ ეს მოწმობანი ერთმანეთს არ ემთხვეოდა.

57 ზოგნი წამოდგნენ და ცილს წამებდნენ მას, ამბობდნენ:

58 ჩვენ მოვუსმინეთ, რომ ლაპარაკობდა: მე დავანგრევ ამ ხელთქმნილ ტაძარს და სამ დღეში ავაშენებ სხვას, ხელთუქმნელსო.

მარკ.15,29.

59 მაგრამ არც მათი მოწმობანი ემთხვეოდა ერთმანეთს.

60 მღვდელმთავარი ჩადგა შუაში და ჰკითხა იესოს: „ნუთუ არაფერს უპასუხებ? რა არის, რასაც ესენი შენს წინააღმდეგ მოწმობენ?“

61 ის კი დუმდა და არაფერს პასუხობდა. შემდეგ ისევ ჰკითხა მას მღვდელმთავარმა: „შენა ხარ ქრისტი, ძე კურთხეულისა?“

ეს.53,7. საქ.8,32. ებრ.1,5.

62 იესომ მიუგო: „მე ვარ. თქვენ იხილავთ კაცის ძეს ძალის მარჯვნივ მჯდომარეს და ცის ღრუბლებთან ერთად მომავალს.“

მათ.26,64. 2თეს.1,10.

63 მაშინ მღვდელმთავარმა შემოიხია სამოსელი და თქვა: „რალად გვინდა მოწმენი?“

64 თქვენ გესმათ გმობა. რას იტყვით?“ მაშინ ყველამ დაადო მსჯავრი მას, რომ სიკვდილს იმსახურებდა.

65 ზოგიერთებმა დაუწყეს მას ფურთხება, სახე დაუფარეს და სცემდნენ, და ეუბნებოდნენ: იწინასწარმეტყველო, და მსახურნი სილას აწნავდნენ.

66 როცა ქვემოთ, ეზოში იყო, მივიდა მასთან მღვდელმთავრის ერთი მოახლეთაგანი.

მათ.26,69. ლუკ.22,56. იოან.18,25.

67 როცა დაინახა პეტრე, რომელიც თბებოდა, დააკვირდა და უთხრა: „შენც იესო ნაზარეტელთან ერთად იყავი.“

68 მან უარყო და თქვა: არ ვიცი და არც მესმის, რას ამბობო. და პეტრე გავიდა ეზოს გარეთ. და იყივლა მამალმა.

69 მხევალმა რომ დაინახა იგი, კვლავ უთხრა იქ მდგომებს: ესეც იმათთაგანიაო.

70 მან კვლავ უარყო. მცირეხნის შემდეგ იქ მდგომებმა კვლავ უთხრეს პეტრეს: ნამდვილად იმათგანი ხარ, რადგან შენც ხომ გალილეელი ხარ, ლაპარაკის კილოზე გეტყობაო.

71 პეტრემ კი იწყო თავის წყევლა და ფიცილი: არ ვიცნობ იმ კაცს, ვისზედაც მელაპარაკებითო.

72 მყისვე მეორედ იყივლა მამალმა და პეტრეს გაახსენდა სიტყვა, რომელიც იესომ უთხრა: სანამ მამალი ორჯერ იყივლებდეს, სამჯერ უარმყოფო; გაახსენდა და ატირდა.

მათ.26,75.

თ ა ვ ი 15

იესო პილატეს წინაშე

1 როგორც კი ინათა, მღვდელმთავრებმა უხუცესებთან, მწიგნობრებთან და მთელ სინედრიონთან ერთად მოითათბირეს და შეკრეს იესო, წაიყვანეს და პილატეს გადასცეს.

მათ.27,2. ლუკ.22,66.

2 პილატემ ჰკითხა მას: „შენ ხარ იუდეველთა მეფე?“ ხოლო მან პასუხად უთხრა: „შენ ამბობ.“

მათ.27,11. ლუკ.23,3. იოან.18,33. 1ტიმ.6,13.

3 მღვდელმთავარი ბევრ რამეს აბრალებდნენ მას.

4 პილატე კი კვლავ ეკითხებოდა: „არაფერს უპასუხებ? ხედავ, რამდენს გაბრალებენ?“

5 მაგრამ იესო აღარაფერზე პასუხობდა და ეს აოცებდა პილატეს.

6 დღესასწაულზე იგი უთავისუფლებდა ხოლმე მათ ერთ პატიმარს, რომელსაც სთხოვდნენ.

7 ხოლო იყო ვიღაც ბარაბად წოდებული, მეამბოხეებთან ერთად შებოროკილი, რომელთაც ამბოხისას მკვლელობა ჩაედინათ.

8 ავიდა ხალხი და დაუწყო თხოვნა იმისა, რასაც იგი ჩვეულებისამებრ უსრულებდა მათ.

9 პილატემ კი მიუგო პასუხად: „გინდათ გაგითავისუფლოთ იუდეველთა მეფე?“

10 ვინაიდან იცოდა, რომ მღვდელმთავრებმა შურიტ გადასცეს იგი.

11 მაგრამ მღვდელმთავრებმა აღძრეს ხალხი, რომ ბარაბა გაეთავისუფლებინა მათთვის. მათ.27,20. ლუკ.23,18. იოან.18,40. საქ.3,14.

12 ხოლო პილატემ კვლავ უთხრა პასუხად: „რაღა გუყო მას, ვისაც თქვენ იუდეველთა მეფეს უწოდებთ?“

13 მათ კვლავ იყვირეს: „ჯვარს აცვი იგი!“

14 ხოლო პილატემ უთხრა მათ: „რა ბოროტება ჩაიდინა?“ მაგრამ ისინი უფრო მეტად აყვირდნენ: „ჯვარს აცვი იგი!“

15 მაშინ პილატემ, რომელსაც სურდა ხალხის დაკმაყოფილება, გაუთავისუფლა მათ ბარაბა, ხოლო იესო გაშოლტვის შემდეგ გადასცა, რათა ჯვარცმულიყო. მათ.27,26. იოან.19,1.

გოლგოთა

16 ჯარისკაცებმა შეიყვანეს იგი იმ ეზოს შიგნით, ანუ პრეტორიაში, და შეკრიბეს მთელი რაზმი.

17 შემოსეს იგი ძოწეულთ და დაადგეს ეკლისგან დაწნული გვირგვინი.

18 დაუწყეს მას მისალმება: „გიხაროდეს, იუდეველთა მეფევ!“

19 ლერწამს ურტყამდნენ თავში, აფურთხებდნენ და მუხლმოყრილნი სცემდნენ თაყვანს.

20 როცა დასცინეს, გახადეს ძოწეული და მისივე ტანსაცმელი ჩააცვეს, და გამოიყვანეს, რომ ჯვარზე ეცვათ.

21 აიძულეს ვილაც გამვლელს, სიმონ კვრინელს, ალექსანდრესი და რუფუსის მამას, რომელიც ყანიდან მოდიოდა, ეზიდა მისი ჯვარი.

მათ.27.32. ლუკ.23.26.

ჯვარზე სიკვდილი და მისი მოწმეები

22 მიიყვანეს იმ ადგილას, რომელსაც ჰქვია გოლგოთა, რაც ნიშნავს თხემის ადგილს.

მათ.27.33. ლუკ.23.33. იოან.19.17. ებრ.13.12.

23 მიაწოდეს მურნარევი ღვინო დასალევად, მაგრამ არ მიიღო.

ფსალ.68.22.

24 ჯვარს აცვეს და გაიყვეს მისი სამოსელი წილის ყრით – ვის რა ერგებოდა.

ფსალ.21.19. იოან.19.24.

25 მესამე საათი იყო, როცა ჯვარს აცვეს იგი.

26 იყო წარწერილი წარწერა მისი ბრალდებისა: „მეფე იუდეველთა.“

მათ.27.37.

27 მასთან ერთად ჯვარს აცვეს ორი ავაზაკი, ერთი მარჯვნივ და ერთი მის მარცხნივ.

28 აღსრულდა წერილი, რომელშიც ნათქვამია: „ავაზაკთა შორის შეირაცხა“.

ფსალ.68.21. ეს.53.12.

29 გამვლელები კი თავს აქნევდნენ და გმობდნენ მას და ამბობდნენ: ეჰე, ტაძრის დამანგრეველო და სამ დღეში ამშენებელო!

მათ.26.61;27.40. მარკ.14.58. ლუკ.22.37. იოან.2.19.

30 იხსენ საკუთარი თავი და გადმოდი ჯვრიდანო.

31 ასევე მღვდელმთავარნი მწიგნობრებთან ერთად დასცინოდნენ და ერთმანეთს ეუბნებოდნენ: სხვებს იხსნიდა, საკუთარი თავის ხსნა კი არ შეუძლიაო.

32 ქრისტე, მეფე ისრაელისა, ჩამოვიდეს ახლა ჯვრიდან, რომ ვიხილოთ და ვირწმუნოთო. მასთან ჯვარცმულებიც ლანძღავდნენ მას.

33 მეექვსე საათზე ბნელმა მოიცვა მთელი დედამიწა მეცხრე საათამდე.

34 მეცხრე საათზე შესძახა იესომ დიდი ხმით: „ელოი, ელოი, ლამა საბაქთანო?“ რაც ნიშნავს: „ღმერთო ჩემო, ღმერთო ჩემო, რად მიმატოვე?“

ფსალ.21.2. მათ.27.46.

35 იქ მდგომთაგან ზოგიერთებმა მოისმინეს და თქვეს: აჰა, ელიას უხმობსო იგი.

36 ერთი ვილაც გაიქცა, ღრუბელი ძმრით გაავსო, წამოაგო ლერწამზე და მიაწოდა დასალევად, თან ამბობდა: აბა, ვნახოთ, თუ მოვა ელია მის გარდმოსახსნელადო.

ფსალ.68.22. მათ.27.48.

37 ხოლო იესომ ხმამაღლა შესძახა და სული განუტევა.

38 მაშინ ტაძრის კრეტსაბმელი ორად გაიხა ზემოდან ძირამდე.

39 როცა მის წინაშე მდგომმა ასისტავმა დაინახა, რომ ასე

შესძახა და განუტევა სული, თქვა: „ჰეშმარიტად ღვთის ძე იყო ეს კაცი.“

40 აქ იყვნენ ქალებიც, რომლებიც შორიდან უმზერდნენ. მათ შორის მარიამ მაგდალელიც, იაკობ მცირისა და იოსეს დედა მარიამი, და სალომე,

41 რომელნიც მაშინ, როცა ის გალილეაში იყო, თან დაჰყვე-
ბოდნენ და ემსახურებოდნენ მას. ასევე მრავალი სხვაც, რომ-
ლებიც მასთან ერთად ამოვიდნენ იერუსალიმს.

იესოს დაკრძალვა

42 როგორც კი მოსალამოვდა, ვინაიდან იყო პარასკევი, ანუ
შაბათის დამდეგი, მათ.27,57.

43 მოვიდა იოსებ არიმათიელი, მრჩეველთა გამოჩენილი
წევრი, რომელიც თავადაც მოელოდა ღვთის სასუფეველს, თამა-
მად შევიდა პილატესთან და გამოითხოვა იესოს გვამი.

ლუკ.23,50. იოან.19,38.

44 პილატეს გაუკვირდა, რომ იგი უკვე მკვდარი იყო. დაუ-
ძახა ასისტავს და ჰკითხა: „დიდი ხანია მოკვდა?“

45 რომ შეიტყო ასისტავისაგან, აჩუქა იოსებს გვამი.

46 მან იყიდა ტილო, გარდამოხსნა იგი, შემოახვია ტილო და
დაასვენა სამარხში, რომელიც კლდეში იყო ნაკვეთი, და ლოდი
მიაგორა სამარხის კარზე.

47 მარიამ მაგდალელმა და მარიამმა, იოსეს დედამაც დაი-
ნახეს, სადაც დაასვენეს იგი. მათ.27,61.

თ ა ვ ი 16

ქალები ცარიელ სამარხთან

1 **შაბათი** გავიდა თუ არა, მარიამ მაგდალელმა, მარიამ იაკო-
ბისამ და სალომემ იყიდეს სურნელებანი, რომ მისულიყვნენ და
ეცხოთ მისთვის. მათ.28,1. ლუკ.24,1. იოან.20,1.

2 შეიძეულის პირველ დღეს, დილაადრიაანად მივიდნენ სამა-
რხთან, მზის ამოსვლისას.

3 ერთმანეთში ამბობდნენ: ვინ გადაგვიგორებს ლოდს სამა-
რხის კარიდანო?

4 გაიხედეს და დაინახეს, რომ ლოდი გადაგორებულია,
ძალიან დიდი კი იყო.

5 შევიდნენ სამარხში და დაინახეს მარჯვნივ მჯდომარე
ჭაბუკი, სპეტაკი სამოსლით შემოსილი, და შეკრთნენ. იოან.20,12.

6 მან კი უთხრა: „ნუ კრთებით! თქვენ ეძებთ ჯვარცმულ
იესო ნაზარეველს. იგი აღდგა, აქ არ არის. აჰა, ადგილი, სადაც
ის დაასვენეს.“

7 მაგრამ წადით, უთხარით მის მოწაფეებს და პეტრეს: აჰა,

წინ მიგიძღვით იგი გალილეისაკენ. იქ ნახავთ მას, როგორც ნათქვამი აქვს თქვენთვის.“ მათ.26.32. მარკ.14,28.

8 გამოვიდნენ და გაიქცნენ სამარხიდან, ვინაიდან ცახცახმა და ძრწოლამ აიტანა ისინი. არავის არაფერი უთხრეს, რადგან ეშინოდათ.

იესო ევლინება მოწაფეებს

9 შვიდეულის პირველ დღეს ადრე აღმდგარი პირველად ერგენა მარიამ მაგდალელს, რომლისგანაც შვიდი ეშმაკი განდევნა.

10 ისიც წავიდა და შეატყობინა მათ, ვინც მასთან იყვნენ ხოლმე – მგლოვიარეთ და მოტირალთ.

11 ხოლო მათ, როცა მოისმინეს, რომ ცოცხალია და მან იხილა იგი. არ ირწმუნეს.

12 ამის შემდეგ სხვა სახით ერგენა ორ მათგანს, როცა სოფლისკენ მიდიოდნენ. ლუკ.24.13.

13 ისინი მივიდნენ და სხვებს შეატყობინეს, მაგრამ არც იმათი ირწმუნეს.

14 მოგვიანებით ერგენა იმ თერთმეტს, ინახად მსხდართ, და უსაყვედურა ურწმუნოება და გულქვაობა, ვინაიდან არ ირწმუნეს მათგან, ვინც აღმდგარი იხილა იგი.

ლუკ.24.36. იოან.20.19. 1კორ.15,5-7.

15 უთხრა მათ: „გადით მთელ წუთისოფელში და ყოველ ქმნილებას უქადაგეთ სახარება. ეს.2,3;52,10. მათ.28,19. იოან.15.16.

16 ვინც ირწმუნებს და მოინათლება, გადარჩება; ხოლო, ვინც არ ირწმუნებს, მსჯავრდადებული იქნება. იოან.12.48.

17 მორწმუნეებს კი თან ახლდებათ ასეთი ნიშნები: ჩემი სახელით ეშმაკებს განდევნიან, ახალი ენებით ილაპარაკებენ,


საქ.2.4. 1კორ.12.10.

18 გველებს აიყვანენ და, თუნდაც რაიმე სასიკვდილო შესვან, არ ავნებთ; ავადმყოფებს ხელებს დაასხამენ და განიკურნებიან ისინი.“ ლუკ.10.19. საქ.28,8. იაკ.5.14.

ამაღლება

19 ასე, მათთან საუბრის შემდეგ უფალი იესო ამაღლდა ზეცად და დაჯდა ღვთის მარჯვნივ. ფსალ.109,1. ლუკ.24.51. საქ.1,9.

20 ისინიც წავიდნენ და ქადაგებდნენ ყველგან. უფალი შეეწეოდა მათ და განამტკიცებდა სიტყვას თანამდევნიშნებით. ამინ. საქ.14,3. 1კორ.3,6;15,10. ებრ.2,4.



ნ ა ზ ა რ ე თ ი

ლ უ კ ა ს ს ა ხ ა რ ე ბ ა

თ ა ვ ი 1

წიგნის მიზანი

1 რაკი უკვე ბევრმა მიჰყო ხელი ჩვენს შორის აღსრულებულ ამბავთა თანმიმდევრულ აღწერას,

2 როგორც გადმოგვცეს თავიდანვე თვითმხილველებმა და სიტყვის მსახურებმა,

1 იოან.1,1. ებრ.2,3.

3 მეც მივიჩნიე, რომ მას შემდეგ, რაც გულდასმით გამოვიკვლიე ყოველივე თავიდან, თანმიმდევრულად აგიწერო, ღირსეულო თეოფილე,

4 რომ შეიცნო იმ მოძღვრების ჭეშმარიტება, რომელიც გისწავლია.

წინასწარუწყება იოანე ნათლისმცემელზე

5 იუდეის მეფის ჰეროდეს დღეებში იყო ვინმე მღვდელი, სახელად ზაქარია, აბიას რიგიდან, ხოლო მისი ცოლი იყო აარონის ასულთაგანი, სახელად ელისაბედი.

15 მტ.24,10.

6 ისინი ორივენი მართლები იყვნენ ღვთის წინაშე, უბიწოდ იქცეოდნენ უფლის ყოველი მცნებითა და წესდებით.

7 მათ არ ჰყავდათ შვილი, ვინაიდან ელისაბედი უნაყოფო იყო და ორივენი უკვე ხანგადასულნი იყვნენ.

8 ერთხელ, როცა თავისი წყების წესისამებრ, მსახურებდა ღვთის წინაშე,

9 მღვდელთა სამსახურის წესის მიხედვით მას წილად ხვდა კმევა და შევიდა უფლის ტაძარში.

გამოს.30,7. ლევ.16,17. ებრ.9,6.

10 უამრავი ხალხი ლოცულობდა გარეთ, კმევის დროს

11 ეჩვენა მას უფლის ანგელოზი, საკმევლის სამსხვერპლოს მარჯვნივ მდგარი.

12 შეკრთა მისი ხილვით ზაქარია და შიში დაეცა მას.

13 ხოლო ანგელოზმა უთხრა: „ნუ გეშინია, ზაქარია, ვინაიდან შესმენილია შენი ლოცვა, და შენი ცოლი ელისაბედი გიშობს ძეს და დაარქმევ მას სახელად იოანეს.

14 გექნება შენ სიხარული და შვება და მრავალი გაიხარებს მისი შობით.

ლუკ.1,58. იოან.5,35.

15 ვინაიდან დიდი იქნება ის უფლის წინაშე, ღვინოსა და სათრობელს არ დალევს, სულიწმიდით აღივსება დედის მუცლიდანვე.

16 მრავალ ისრაელიანს მოაქცევს უფლისაგენ – მათი ღვთისაგენ.

17 ის ივლის მის წინაშე ელიას სულით და ძალით, რომ მოაქციოს მამათა გულნი შვილების მიმართ, ხოლო ურჩნი მართალთა გონებაზე და წარუდგინოს უფალს მომზადებული ხალხი.“

ეს.40,3. მალ.4,6. მარ.1,3;9,12. იოან.1,23.

18 უთხრა ზაქარიამ ანგელოზს: „რითი გავიგებ ამას? მე ხომ მოხუცებული ვარ და ჩემი ცოლიც უკვე ხანგადასულია.“

19 ანგელოზმა უთხრა პასუხად: „მე ვარ გაბრიელი, ღვთის წინაშე მდგომელი. წარმოგზავნილი ვარ, რათა გელაპარაკო და გახარო ეს.

20 და აჰა, დადუმდები და ვერ შეძლებ ლაპარაკს იმ დღემდე, ვიდრე ეს ახდებოდეს, რაკი არ ერწმუნე ჩემს სიტყვებს, რომლებიც აღსრულდება დროზე.“

21 ხალხი კი იდგა და ელოდა ზაქარიას და უკვირდათ მისი დაყოვნება ტაძარში.

22 როცა გამოვიდა, მათთვის ხმის გაცემა ვერ შეძლო. მიხვდნენ, რომ ჩვენება იხილა ტაძარში. ანიშნა მათ და დარჩა უტყვად.

23 ხოლო, როცა დასრულდა მისი მსახურების დღენი, შინ წავიდა.

24 იმ დღეების შემდეგ დაორსულდა ელისაბედი, მისი ცოლი. ხუთ თვეს იმალებოდა და ამბობდა:

25 „ასე მიყო უფალმა ამ დღეებში, როცა მომხედა, რომ მოეშორებინა ჩემთვის სირცხვილი ხალხში.“

ხარება

26 მეექვსე თვეს კი წარმოიგზავნა ღვთისაგან გაბრიელ ანგელოზი გალილეის ქალაქს, რომლის სახელია ნაზარეთი,

27 ქალწულთან, რომელიც დანიშნული იყო კაცზე, სახელად იოსებზე, დავითის სახლისაგან, ხოლო ქალწულის სახელი იყო მარიამი.

მათ.1,18.

28 შევიდა მასთან და უთხრა: „გიხაროდეს, მომადლებულო, შენთანაა უფალი. კურთხეული ხარ დედათა შორის.“

29 ის კი შეაძრწუნა ამ ნათქვამმა და ჩაფიქრდა: „რას უნდა ნიშნავდეს ეს მისალმება.“

30 უთხრა მას ანგელოზმა: „ნუ გეშინია, მარიამ, ვინაიდან მაღლი ჰპოვე ღმერთთან.“

31 აჰა, დაორსულდები და შობ ძეს და სახელად იესოს დაარქმევ. ეს.7,14. მათ.1,21.

32 დიდი იქნება ის და უზენაესის ძედ იწოდება. მისცემს მას უფალი ღმერთი მისი მამის, დავითის ტახტს.

2მფ.7.12. ფსალ.131,11. ეს.9,7.

33 და უკუნისამდე იმეფებს იაკობის სახლზე და მის მეფობას არ ექნება დასასრული.“

15შტ.22,10. ფსალ.44,7;88,37. ეს.9,7. იერ.23,5. დან.2.44;7,14. მიქ.4.7.

34 უთხრა მარიამმა ანგელოზს: „როგორ იქნება ეს, როცა მე მამაკაცი არ ვიცი?“

35 ანგელოზმა მიუგო პასუხად: „სულიწმიდა გადმოვა შენზე და უზენაესის ძალა მოგიჩრდილავს. ამიტომ წმიდა შობილიც იწოდება ღვთის ძედ. დან.9,247

36 აჰა, შენს ნათესავ ელისაბედსაც სიბერეში ჩაესახა ძე და მეექვსე თვეშია უკვე.

37 ვინაიდან ღმერთთან არავითარი სიტყვა არ დარჩება შეუძლებელი.“

38 მაშინ მარიამმა თქვა: „აჰა. მხევალი ვარ უფლისა. მეყოს შენი სიტყვისამებრ.“ და განეშორა მას ანგელოზი.

ადიდებს სული ჩემი უფალსა

39 ადგა მარიამი იმ დღეებში და საჩქაროდ წავიდა მთიან მხარეში, იუდეის ქალაქში.

40 შევიდა ზაქარიას სახლში და მიესალმა ელისაბედს.

41 როგორც კი ელისაბედმა მარიამის მისალმება მოისმინა, ყრმა შეუტოკდა მუცელში. და აღივსო ელისაბედი სულიწმიდით.

42 დაიძახა ხმამაღლა და თქვა: „კურთხეული ხარ დედათა შორის და კურთხეულია შენი მუცლის ნაყოფი.“

43 როგორ მოხდა, რომ ჩემი უფლის დედა მოვიდა ჩემთან?

44 ვინაიდან, როცა შენი მოსალმების ხმა მოსწვდა ჩემს ყურს, სიხარულით შეტოკდა ყრმა ჩემს მუცელში.

45 ნეტარია, ვინც ირწმუნა. ვინაიდან აღსრულდება უფლის მიერ თქმული მის მიმართ.“

46 თქვა მარიამმა: „ადიდებს სული ჩემი უფალსა,

ეს.61,10. ამბ.3,18.

47 და იზეიმა სულმა ჩემმა ღმერთში, ჩემს მაცხოვარში.

48 ვინაიდან მოხედა თავისი მხევლის სიმდაბლეს და ამიერიდან ნეტარად ჩამთვლის მე ყოველი თაობა.

49 ვინაიდან დიდი საქმე მიყო ყოვლადძლიერმა, წმიდაა სახელი მისი.

50 მისი წყალობა მის მოშიშებს თაობიდან თაობამდე.

ფსალ.102,17.

51 მოიმოქმედა ძლიერება თავისი მკლავით; გაფანტა ამპარტა-
ვანნი მათი გულის ზრახვებთან ერთად; ფსალ.32.10:76.15. ეს.52.10.

52 ტახტიდან გადმოყარა ძლიერნი და აამალლა თავმდა-
ბალნი; იობ.5,11. ეს.66,2.

53 მშიერნი სიკეთით აღავსო და მდიდარნი ხელცარიელი
გაუშვა; 1მფ.2,5. ფსალ.33,11. მათ.5.6.

54 შეეწია თავის მსახურს, ისრაელს, გაიხსენა წყალობა,

ფსალ.97,3. ეს.41.8.

55 როგორც ეუბნებოდა ჩვენს მამებს, აბრაამს და მის
შთამომავლობას საუკუნოდ.“ დაბ.17,19;22,18. ფსალ.131,11.

56 სამიოდე თვეს დარჩა მარიამი მასთან და დაბრუნდა თავის
სახლში.

შობა იოანესი

57 ელისაბედს კი დაუდგა მშობიარობის ჟამი და შვა ვაჟი.

58 და ესმათ მის მეზობლებსა და ნათესავებს, რომ განადიდა
უფალმა თავისი წყალობა მის მიმართ და მასთან ერთად ხარობდნენ.

59 მერვე დღეს მოვიდნენ ბავშვის წინადასაცვეთად და
უნდოდათ დაერქმიათ მამამისის სახელი ზაქარია.

60 ამაზე დედამისმა თქვა: „არა, იოანე ერქმევა მას.“

61 უთხრეს მას: „შენს ნათესაობაში არავინ არის, რომ ეგ
სახელი ერქვას.“

62 მაშინ ნიშნებით ჰკითხეს მამამისს, რისი დარქმევა სურდა.

63 მან ფიცარი მოითხოვა და დაწერა: „მისი სახელია იოანე.“
და ყველას გაუკვირდა ეს.

64 უცებ გაეხსნა მას პირი და ენა, აღაპარაკდა და აღიდა
ღმერთი.

65 შიშმა მოიცვა ყველა, ვინც მათ ირგვლივ ცხოვრობდა.
ყოველივე ამაზე დიდი მითქმა-მოთქმა იყო მთელი იუდეის მთია-
ნეთში.

66 ყველა, ვინც ისმენდა, გულში ინახავდა ამას და ამბობდა:
„რა იქნება ეს ყრმა?“ და უფლის ხელი იყო მასთან.

67 მამამისი ზაქარია აღივსო სულიწმიდით და წინასწარ-
მეტყველებდა და ამბობდა:

68 „კურთხეულ არს უფალი, ღმერთი ისრაელისა, ვინაიდან
მოხედა თავის ხალხს და მოუძადა მას გამოსყიდვა.“ მათ.1,21.

69 აგვიმართა რქა ხსნისა თავისი მსახურის, დავითის სახლში;
ფსალ.131,17. ეზეკ.29,21.

70 როგორც უცხადებდა დასაბამიდან თავის წმიდა წინასწარ-
მეტყველთა პირით, ფსალ.71,4. იერ.23,6:30.8-10.

71 რომ გვიხსნიდა ჩვენი მტრებისა და ყველა ჩვენი მოძულის
ხელიდან;

72 წყალობას უყოფდა ჩვენს მამებს და გაიხსენებდა თავის წმიდა აღთქმას; დაბ.22,16;26,3. ლევ.26,42. იერ.31,33.

73 ფიცს, რომლითაც შეჰფიცა ჩვენს მამას, აბრაამს, რომ შეგვაძლებინებდა ჩვენ ებრ.6,13.

74 უშიშრად, ჩვენი მტრების ხელიდან თავდახსნილთა რომ.8,15. ებრ.2,15.

75 გვემსახურა მისთვის სიწმიდით და სიმართლით მის წინაშე, მთელი ჩვენი სიცოცხლე. 1პეტ.1,15. ეფეს.4,24.

76 და შენ, ყრმაო, დაგერქმევა უზენაესის წინასწარმეტყველი, ვინაიდან იწინამძღვრებ უფლის წინაშე მისი გზების გასამზადებლად, ლუკ.1,17.

77 რომ მისცე მის ხალხს ხსნის ცოდნა, მათი ცოდვების მიტევებით,

78 ჩვენი ღვთის გულმოწყალებით, რომლითაც გადმოგვხედა აღმოსავლეთმა მალლიდან, იერ.23,5. ზაქ.3,8.

79 ბნელში და სიკვდილის ჩრდილში მსხდომარეთა გასანათებლად, ჩვენს ფერხთა წასამართავად სამშვიდობო გზაზე.“

80 ყრმა კი იზრდებოდა და სულით მტკიცდებოდა, და უდაბნოში იყო იმ დღეებამდე, ვიდრე ისრაელს გამოეცხადებოდა.

თ ა ვ ი 2

იესოს შობა

1 იმ დღეებში გამოვიდა კეისარ ავგუსტუსის ბრძანება: აღეწერათ მთელი მოსახლეობა.

2 ეს აღწერა პირველი იყო, კვირინოსის მმართველობისას სირიაზე.

3 ყველანი მიდიოდნენ ჩასაწერად, თითოეული თავის ქალაქში.

4 იოსებიც წავიდა გალილეიდან, ქალაქ ნაზარეთიდან იუდეას, დავითის ქალაქში, რომელსაც ეწოდება ბეთლემი, ვინაიდან იგი დავითის სახლისა და ტომისა იყო. იოან.7,42.

5 რათა ჩაწერილიყო მარიამთან ერთად, რომელიც მასზე იყო დანიშნული და იყო ორსულად.

6 მათი იქ ყოფნისას შეუსრულდა მარიამს მშობიარობის დღეები

7 და შვა ძე, თავისი პირმშო, შეახვია და მიაწვინა იგი ბაგაში, ვინაიდან სასტუმროში არ იყო ადგილი მათთვის. მათ.2,1.

8 იმ მხარეში იყვნენ მწყემსები მინდვრად და ღამით დარაჯობდნენ თავიანთ სამწყსოს.

9 და აჰა, უფლის ანგელოზი დაადგა მათ, უფლის დიდება გამოუბრწყინდათ და შეშინდნენ დიდი შიშით.

10 უთხრა მათ ანგელოზმა: „ნუ გეშინიათ, აჰა, გახარებთ დიდ სიხარულს, რომელიც მთელი ხალხისა იქნება:

11 ვინაიდან დღეს დავითის ქალაქში თქვენთვის იშვა მაცხოვარი, რომელიც არის ქრისტე უფალი.

12 და ნიშნად ეს გექნებათ: იმ ყრმას ჰპოვებთ შეხვეულს და ბაგაზე მწოლარეს.“

13 და უეცრად გაჩნდა ანგელოზთა დიდძალი ლაშქარი ციდან, აქებდნენ ღმერთს და ამბობდნენ:

14 „დიდება მაღალთა შინა ღმერთს, მშვიდობა ქვეყანაზე და კაცთა შორის სათნოება!“

ეს.2,4;44,23;49,13;57,19. მიქ.4,3. ლუკ.19,38. რომ.5,1.

15 როდესაც ანგელოზები ზეცად ამაღლდნენ, მწყემსებმა უთხრეს ერთმანეთს: „წავიდეთ ბეთლემს და ვნახოთ რა მოხდა იქ, უფალმა რომ გვაუწყა.“

16 სწრაფად მივიდნენ და ნახეს მარიამი და იოსები, და ბაგაზე მწოლარე ყრმა.

17 დანახვისთანავე უამბეს იმის შესახებ, რაც ეთქვათ მათ ამ ყრმაზე.

18 ვინც კი ისმენდა, ყველას უკვირდა, რასაც მწყემსები უამბობდნენ მათ.

19 მარიამმა კი ჩაიმარხა ყოველი სიტყვა და ჩაიდო ისინი გულში.

20 დაბრუნდნენ მწყემსები, თან აღიდებდნენ და აქებდნენ ღმერთს ყოველივე იმის გამო, რაც ესმათ და იხილეს, როგორც ეთქვათ მათ.

ყრმის მირქმა

21 როგორც კი რვა დღე შესრულდა მის წინადასაცვეთად, დაარქვეს მას სახელი იესო, ანგელოზის მიერ დარქმეული მუცელში ჩასახვამდე.

დაბ.17,12. ლევ.12,13. მათ.1,21.

22 ხოლო როცა გასრულდა მათი განწმედის დღეები მოსეს რჯულის მიხედვით, აიყვანეს იგი იერუსალიმს უფლის წინაშე წარსადგენად.

23 როგორც უფლის რჯულში სწერია: „ყოველ მამროვანს, რომელმაც განაპოს საშო, უფლის წმიდა ეწოდოს,

გამოს.13,2;12,22;29;34,19. რიცხ.8,16.

24 და შესწირონ მსხვერპლად ორი გვრიტი ან ორი მართვე მტრედისა!“ – როგორც უფლის რჯულშია ნათქვამი. ლევ.12,6.8.

25 და აჰა, იყო იერუსალიმში კაცი, სახელად სიმონი, კაცი მართალი და ღვთისმოშიში, რომელიც მოელოდა ისრაელის ნუგეშისცემას, და იყო მასზედ სულიწმიდა. ლუკ.24,21.

26 სულიწმიდის მიერ ჰქონდა ნაუწყები, რომ არ იხილავდა სიკვდილს უფლის ცხებულის ხილვამდე.

27 სულის შთაგონებით მივიდა ტაძარში და, როდესაც

მშობლებმა მიიყვანეს ყრმა იესო, რათა მოქცეოდნენ მას რჯულის წესისამებრ,

28 მან მიირჩვა აიყვანა ყრმა, აღიდა ღმერთი და წარმოთქვა:

29 „აწ განუტევებ, მეუფეო, შენს მონას, შენი სიტყვისამებრ, მშვიდობით.“
დაბ.49,18. 1მფ.2,1. ფსალ.97,3. ეს.52,10.

30 ვინაიდან იხილა ჩემმა თვალმა შენი ხსნა,

31 რომელიც შენ განამზადე ყოველი ხალხის წინაშე.

32 ნათელი წარმართთა გასაბრწყინებლად და შენი ხალხის, ისრაელის სადიდებლად.“
ეს.9,2;42,6;60,3. საქ.13,27.

33 იოსებს და დედამისს კი უკვირდათ მასზე ნათქვამი.

34 აკურთხა სიმონმა ისინი და უთხრა მარიამს, მის დედას: „აჰა, დაყენებულია ეს მრავალთა დასამხოვად და აღსადგენად ისრაელში და დავის ნიშნად.“
ეს.8,14. მათ.21,44. 1პეტ.2,7. რომ.9,32.

35 და თვით შენს სულშიც გაივლის მახვილი, რათა გაცხადდეს მრავალთა გულის ზრახვანი.“
იოან.19,25.

36 იქვე იყო ანა წინასწარმეტყველი, ფენუელის ასული, აშერის ტომიდან, ღრმად მოხუცებული, თავისი ქალწულობის შემდეგ შვიდ წელიწადს ნაცხოვრები ქმართან.

37 იყო დაახლოებით ოთხმოცდაოთხი წლის ქვრივი, რომელიც არ შორდებოდა ტაძარს, მარხვით და ვედრებით ემსახურებოდა ღლე და ღამ.
1ტიმ.5,5.

38 ისიც იმავე ჟამს იყო მისული და აღიდებდა ღმერთს და ელაპარაკებოდა მასზე ყველას, ვინც კი გამოსყიდვას მოელოდა იერუსალიმში.

39 როცა მათ აღასრულეს ყოველივე უფლის რჯულის თანახმად, დაბრუნდნენ გალილეას თავიანთ ქალაქ ნაზარეთში.

თორმეტი წლის იესო ნაზარეთში

40 ხოლო ყრმა იზრდებოდა, მტკიცდებოდა სულით და ივსებოდა სიბრძნით და ღვთის მადლი იყო მასზე.
ლუკ.2,52.

41 მისი მშობლები ყოველ წელს აღიოდნენ იერუსალიმში პასექის დღესასწაულზე.
გამოს.23,17;34,23.

42 თორმეტი წლისა რომ გახდა, მაშინაც ავიდნენ იერუსალიმში დღესასწაულის ჩვეულებისამებრ.

43 ხოლო დღესასწაულის დამთავრების შემდეგ, უკან რომ დაბრუნდნენ, ყრმა იესო დარჩა იერუსალიმში. იოსებმა და დედამისმა კი არ იცოდნენ.

44 ეგონათ მგზავრთა შორის არისო. ერთი დღის გზა რომ გაიარეს, მაშინ დაუწყეს ძებნა ნათესავებსა და ნაცნობებს შორის.

45 რომ ვერ იპოვეს იგი, დაბრუნდნენ იერუსალიმში და ეძებდნენ მას.

46 სამი დღის შემდეგ იპოვეს ტაძარში მჯდომი მოძღვართა შორის, უსმენდა და ეკითხებოდა მათ.

47 ყველა მის მსმენელს აოცებდა მისი გონება და პასუხი.

მათ.7,28. მარ.1,22. ლუკ.4,32. იოან.7,15.

48 რომ დაინახეს იგი, გაუკვირდნენ, და დედამისმა უთხრა მას: „ეს რა გვითხრობ, შვილო? აჰა, მამაშენი და მე შეწუხებული დაგეძებდით.“

49 მან უთხრა მათ: „რატომ მეძებდით? ნუთუ არ იცით, რომ მამის სახლში უნდა ვიყო?“

მალ.3,1.

50 ხოლო მათ ვერ გაიგეს მისი ნათქვამი.

ლუკ.2,40.

51 იგი გაჰყვა მათ და მივიდა ნაზარეთს, და ყველაფერში ემორჩილებოდა. დედამისმა კი გულში ჩაიმარხა ყოველივე ეს.

52 ხოლო იესოს ემატებოდა სიბრძნე და ასაკი, და მადლი ღმერთთან და კაცთან.

თ ა ვ ი 3

იოანე ქადაგებს და ნათლავს

1 ტიბერიოს კეისრის მეფობის მეთხუთმეტე წელს, როცა პონტოელი პილატე განაგებდა იუდეაში, ჰეროდე იყო მეოთხედმთავარი გალილეაში, მისი ძმა ფილიპე, მეოთხედმთავარი იტვირეას და ტრაქონელთა ოლქში, ხოლო ლისანიის – მეოთხედმთავარი აბილინესში.

2 ანნას და კაიაფას მღვდელმთავრობისას იყო სიტყვა ღვთისა იოანესადმი, ზაქარიას ძისადმი უდაბნოში.

3 დადიოდა იგი იორდანეს მთელს მიდამოში და ქადაგებდა სინანულის ნათლისღებას ცოდვათა მისატევებლად. მათ.3,1. მათ.1,4.

4 როგორც ესაია წინასწარმეტყველის სიტყვათა წიგნშია დაწერილი: „ხმა მლაღაღებლისა უდაბნოში: განუმზადეთ გზა უფალს, მოასწორეთ მისი ბილიკები.“

ეს.40,3-5. მათ.3,3. მარ.1,3. იოან.1,23.

5 ყოველი ხევი ამოივსება, ყოველი მთა და ბორცვი დადაბლდება, მრუდე გასწორდება და ოღროჩოღრო გზა გაგაკდება.

6 ყოველმა ხორციელმა იხილოს ხსნა ღვთისაგან.“

7 მოსანათლავად მისულ ხალხს იოანე ეუბნებოდა: „იქედნეთა შობილნო, ვინ გაგაფრთხილათ, რომ გაექცეთ მომავალ რისხვას?“

მათ.3,7.

8 მაშ, გამოიღეთ მონანიების ღირსი ნაყოფნი და ნუ მოჰყვებით ერთმანეთში ლაპარაკს: მამად აბრაამი გვყავსო; ვინაიდან, გეუბნებით თქვენ, რომ ღმერთს შეუძლია ამ ქვებიდან აღუდგინოს აბრაამს შვილები.

მათ.3,9;8,11. იოან.8,39.

9 ცულიც უკვე დევს ხეთა ფესვთან. ყოველ ხეს, რომელიც კეთილ ნაყოფს არ გამოიღებს, ჭრიან და ცეცხლში აგდებენ.“

მათ.3,10;7,19. იოან.15,6.

10 ეკითხებოდა მას ხალხი: აბა, რაღა ვქნათო?

11 პასუხად ეტყოდა მათ: „ვისაც ორი მოსასხამი აქვს, მისცეს უქონელს. ვისაც საზრდო აქვს, ისიც ასე მოიქცეს.“

იაკ.2,15. იოან.3,17. 2კორ.8,14.

იესოს ნათლისღება

12 მოვიდნენ მეზაჟენიც მოსანათლაგად და უთხრეს მას: „მოძღვარო, რა გქნათ?“ მათ.21,32.

13 ხოლო მან უპასუხა: „თქვენთვის დაწესებულის მეტს ნურაფერს მოითხოვთ.“

14 ჯარისკაცებიც ეკითხებოდნენ: „ჩვენ რაღა გქნათ?“ უთხრა მათ: „ნურავის შეავიწროებთ, ცილს ნუ დასწამებთ და თქვენ ჯამაგირს დასჯერდით.“

15 ხოლო, როცა ხალხი მოლოდინში იყო და ყველა თავის გულში ფიქრობდა იოანეზე, ქრისტე ხომ არ არისო,

16 იოანე ყველას პასუხობდა: „მე წყლით გნათლავთ, მაგრამ მოდის ჩემზე ძლიერი, რომლის სანდლის თასმის გახსნის ღირსიც არა ვარ. ის მოგნათლავთ თქვენ სულიწმიდით და ცეცხლით;“ მათ.3,11. მარ.1,7. იოან.1,15. საქ.1,5.

17 თავისი ნიჩაბი ხელში უჭირავს მას, ის გაწმედს თავის კალოს და თავის ბელელში მოაგროვებს ხორბალს, ხოლო ბზეს დაწვავს ჩაუქრობელი ცეცხლით.“ მათ.3,12.

18 კიდევ ბევრ სხვა რამესაც ახარებდა და შეაგონებდა ხალხს.

19 ხოლო ჰეროდემ, ტეტრარქმა, რომელსაც იგი ამხილებდა მისი ძმის ცოლის ჰეროდიას გამო და ყოველივე იმის გამო, რა ბოროტებაც ჩაედინა, მათ.14,3. მარ.6,17.

20 ყოველივე ამას ისიც მიუმატა, რომ იოანე საპყრობილეში ჩასვა.

21 როცა მთელი ხალხი ინათლებოდა და იესოც მოინათლა და ლოცულობდა, გაიხსნა ცა მათ.3,16. მარ.1,10. იოან.1,32.

22 და გარდმოხდა მასზედ სულიწმიდა ხორციელი სახით, როგორც მტრედი, და გაისმა ზეცით ხმა: „შენ ხარ ჩემი საყვარელი ძე, რომელიც მოვიწონე მე.“

იესოს წარმოშობა

23 თვით იესო, როცა იწყებდა, იქნებოდა ოცდაათი წლისა და, როგორც ფიქრობდნენ, იყო ძე იოსებისა, ელისა,

მათ.13,55. მარ.6,3. ლუკ.4,22. იოან.6,42.

24 მატათისა, ლევისა, მელხისა, იანაისა, იოსებისა,

25 მატათიასისა, ამოსისა, ნახუმისა, ხესლისა, ნაგაისა,

26 მახათისა, მატათიასისა, შემეისა, იოსებისა, იოდასი,

27 იოხანანისა, რესასი, ზერუბაბელისა, შეალთიელისა, ნერისა,

28 მელხისა, ადდისა, კოსამისა, ელდამისა, ერისა,

29 იოსისა, ელიეზერისა, იორიმისა, მატათისა, ლევისა,

- 30 სიმონისა, იუდაისა, იოსებისა, იორამისა, ელიაკიმისა,
 31 მელეასი, მენასი, მატათანისა, ნათანისა, დავითისა,
 32 იესესი, ობედისა, ბოაზისა, სალმონისა, ნახშორისა,
 33 ამინადაბისა, ადმინისა, არონისა, ხერცონისა, ფერეცისა,
 იუდაისა,
 34 იაკობისა, ისაკისა, აბრაამისა, თერახისა, ნახორისა,
 დაბ.11,24-26.
 35 სერუგისა, რაგავისა, ფელეგისა, ებერისა, შელახისა,
 დაბ.11,20-22.
 36 კეინანისა, არფაქშადისა, სემისა, ნოესი, ლამეხისა,
 დაბ.5,28-29;6,10;11,10.
 37 მეთუშელახისა, ხანოხისა, იერედისა, მაჰალაელისა, კეინა-
 ნისა, დაბ.5,12.
 38 ენოშისა, შეთისა, ადამისა, ღვთისა. დაბ.5,3.

თ ა ვ ი 4

იესოს გამოცდა

- 1 **სულიწმიდით** აღვსილი იესო დაბრუნდა იორდანედან და
 სულმა გაიყვანა უდაბნოში. მათ.4,1. მარ.1,12.
 2 ორმოც დღეს სცდიდა მას ეშმაკი და არაფერი უჭამია იმ
 დღეებში; და მათი გასვლის შემდეგ მოშივდა.
 3 უთხრა მას ეშმაკმა: „თუ ღვთის ძე ხარ, უთხარი ამ ქვას,
 რომ პურად იქცეს.“
 4 უთხრა მას იესომ პასუხად: „დაწერილია, რომ არა მხო-
 ლოდ პურიტ უნდა ცოცხლობდეს კაცი, არამედ ღვთის ყოველი
 სიტყვით.“ 2შჯ.8,3. მათ.4,4.
 5 აიყვანა იგი მაღალ მთაზე, უჩვენა ერთ წამში ქვეყნიერე-
 ბის ყველა სამეფო.
 6 უთხრა მას ეშმაკმა: „მოგცემ მთელს ამ ხელმწიფებას და
 მათ დიდებას, ვინაიდან მე მაქვს მოცემული და, ვისაც მინდა,
 იმას გაძლევ.“
 7 ჰოდა, თუ თაყვანსა მცემ, შენი იქნება ყოველივე!“
 8 მიუგო იესომ პასუხად: „დაწერილია: ‘უფალს, შენს
 ღმერთს ეცი თაყვანი და მხოლოდ მას ემსახურე.’“ 2შჯ.6,13;10,20. მათ.4,10.
 9 წაიყვანა იგი იერუსალიმს, დააყენა ტაძრის ფრთაზე და
 უთხრა: „თუ ღვთის ძე ხარ, ძირს გადაიგდე თავი აქედან,
 10 ვინაიდან დაწერილია: ‘თავის ანგელოზებს უბრძანებს
 შენზე, რომ დაგიცვან’“ ფსალ.90.11-12. მათ.4,6.
 11 და ხელში აყვანილი გატარონ, რათა ქვაზე ფეხი არ
 წამოკრა.“
 12 იესომ ასე უპასუხა მას: „ნათქვამია: ‘არ გამოსცადო
 უფალი ღმერთი შენი.’“ 2შჯ.6,16. მათ.4,7.

13 როცა დაამთავრა ყველა გამოცდა, ეშმაკი დრომდე გაშორდა მას.

ქადაგება გალილეაში. მისი უარყოფა ნაზარეთში

14 იესო სულის ძალით დაბრუნდა გალილეას და მისი ამბავი მოედო მთელ არემარეს. მათ.4,12. მარ.1,14. იოან.4,43.

15 ასწავლიდა მათ სინაგოგებში და განდიდებულ იყო ყველას მიერ.

16 მივიდა ნაზარეთს, სადაც აღზრდილი იყო. შაბათ დღეს, თავისი ჩვეულებისამებრ, შევიდა სინაგოგაში და დადგა წასაკითხავად. მათ.13,54. მარ.6,1.

17 მიაწოდეს მას ესაია წინასწარმეტყველის წიგნი. გაშალა წიგნი და იპოვა ადგილი, სადაც დაწერილი იყო:

18 „უფლის სულია ჩემზე, ვინაიდან მან მცხო გლახაკთა სახარებლად, მომავლინა გულშემუსვრილთა განსაკურნებლად, ტყვეთათვის თავისუფლების და ბრმათათვის თვალის ახელის გამოსაცხადებლად, ჩაგრულთა გასათავისუფლებლად, ეს.61,1-2.

19 უფლის შეწყალების წლის გამოსაცხადებლად.“

20 დახურა წიგნი, გადასცა მსახურს და დაჯდა. სინაგოგაში ყველას თვალი მისკენ იყო მიპყრობილი.

21 და დაუწყო ლაპარაკი მათ: „დღეს აღსრულდა ეს წერილი, თქვენ რომ მოისმინეთ.“

22 ყველამ დაუმოწმა მას და გაოცებულნი იყვნენ მისი პირიდან გამოსული მადლის სიტყვებით და ამბობდნენ: „ეს იოსების ვაჟი არ არის?“

23 უთხრა მათ: „თქვენ, უეჭველია, მეტყვით ასეთ ანდაზას: ‘მკურნალო, განიკურნე შენი თავი. აქაც, შენს მშობლიურ ქალაქშიც, მოახდინე ის, რაც კაპერნაუმში მოგიხდენია, როგორც გავიგეთ.’“

24 უთხრა: „ჭეშმარიტად გეუბნებით თქვენ, რომ არც ერთი წინასწარმეტყველი არაა მიღებული თავის სამშობლოში.

მათ.13,57. მარ.6,4. იოან.4,44.

25 ჭეშმარიტებით გეუბნებით თქვენ, მრავალი ქვრივი იყო ისრაელში ელიას დროს, როდესაც დაიხშო ცა სამ წელიწადსა და ექვს თვეს ისე, რომ დიდი შიმშილობა იყო მთელ ქვეყნიერებაზე. 3მფ.17,10. იაკ.5,17.

26 და არც ერთ მათგანთან არ იქნა მივლენილი ელია, გარდა ქვრივი დედაკაცისა სიდონის სარეფთაში.

27 კეთროვანიც მრავალი იყო ისრაელში ელისე წინასწარმეტყველის დროს; არც ერთი მათგანი არ გაწმედილა, გარდა ნეემან სირიელისა.“ 4მფ.5,14.

28 ეს რომ მოისმინეს სინაგოგაში მყოფთა, ყველანი მძვინვარებით აღივსნენ.

29 წამოდგნენ და გააძევეს იგი ქალაქიდან, მიიყვანეს იმ

მთის სერამდე, რომელზეც მათი ქალაქი იყო დაშენებული, რათა გადაეგდოთ იგი.

30 მაგრამ მან გაიარა მათ შორის და წავიდა.

გაჯანსაღება კაპერნაუმში. ხარება გალილეაში

31 ჩავიდა გალილეის ქალაქ კაპერნაუმში და იქ ასწავლიდა მათ შაბათობით. მათ.4,13. მარ.1,21.

32 გაოცებულნი იყვნენ მისი მოძღვრებით, ვინაიდან ძალმო-
სილი იყო მისი სიტყვა. მათ.7,28. მარ.1,22. ლუკ.2,47.

33 სინაგოგაში იყო კაცი, არაწმიდა სულით შეპყრობილი, და იყვირა ხმამაღლა: მარ.1,23.

34 „რა გინდა ჩვენგან, იესო ნაზარეტელი? ჩვენს დასალუპა-
ვად მოხვედრი? გიცნობ, ვინცა ხარ, ღვთის წმიდაო.“

35 იესომ შერისხა იგი და უთხრა: „გაჩუმდი და გადი მაგი-
სგან!“ ეშმაკმა მათ შუაში დასცა იგი და გამოვიდა მისგან და
არაფერი უვნია მისთვის.

36 ყველანი განცვიფრდნენ და ამბობდნენ ერთმანეთში: „ეს
რა სიტყვაა, რომ ხელმწიფებითა და ძალით არაწმიდა სულებს
უბრძანებს და ისინიც გამოდიან?“

37 ხმა მის შესახებ მოედო იმ არემარის ყოველ ადგილს.

38 გამოვიდა სინაგოგიდან და შევიდა სიმონის სახლში; ხოლო
სიმონის სიდედრი შეპყრობილი იყო დიდი სიცხით და სთხოვეს
მისთვის. მათ.8,14. მარ.1,29.

39 მივიდა მასთან და შერისხა სიცხე; მანაც მიატოვა იგი.
მყისვე წამოდგა და მოემსახურა მათ.

40 მზის ჩასვლისას ყველამ, ვისაც ჰყავდა სხვადასხვა
სნეულებებით დაავადებულნი, მასთან მიიყვანა; და მან ყოველ
მათგანს ხელები დაასხა და განკურნა. მათ.8,16. მარ.1,32.

41 ბევრისგან ეშმაკებიც გამოდიოდნენ, ყვიროდნენ და ამბო-
ბდნენ: „შენ ხარ ქრისტე, ძე ღვთისა!“ ის კი რისხავდა და
უკრძალავდა ლაპარაკს, რადგან იცოდნენ მათ, რომ ქრისტეა
იგი. მარ.1,34;3,12.

42 როცა დღე დადგა, გამოვიდა იქიდან და წავიდა უდაბურ
ადგილას. ხალხმა მოძებნა და მივიდნენ მასთან და აკავებდნენ,
რომ არ წასულიყო.

43 მან კი უთხრა მათ: „სხვა ქალაქებსაც უნდა ვახარო ღვთის
სასუფეველი, ვინაიდან ამისთვის ვარ მოვლენილი.“ მარ.1,38.

44 და ქადაგებდა გალილეის სინაგოგებში.

თ ა ვ ი 5

სიმონის, პეტრეს, იაკობის და იოანეს მოწოდება

1 ერთხელ, როცა ხალხის ბრბო აწყდებოდა მას, რომ ღვთის
სიტყვა მოესმინათ, ის იდგა გენესარეთის ტბასთან,

2 დაინახა ტბასთან მდგომი ორი ნავი. ხოლო ნავებიდან გადმოსული მეზადურები ბადეებს რეცხავდნენ.

3 ავიდა ერთ ნავზე, რომელიც სიმონისა იყო. სთხოვა ნაპირს ცოტა გაშორებოდა, ჩაჯდა და ნავიდან ასწავლიდა ხალხს.

4 როცა ლაპარაკი დაამთავრა, სიმონს უთხრა: „შეცურდი ღრმად და მოისროლეთ ბადეები თევზის დასაჭერად.“

5 სიმონმა პასუხად მიუგო: „მოძღვარო, მთელი ღამე ვიშრომეთ და ვერაფერი დავიჭირეთ. მაგრამ შენი სიტყვისამებრ ვისვრი ბადეს.“

6 ასეც მოიქცნენ. იმდენი თევზი მოიმწყვდის, რომ ბადეები ეხეოდათ.

7 ნიშანი მისცეს ამხანაგებს მეორე ნავში, რომ მოსულიყვნენ მოსაშველელად. მოვიდნენ და ისე აავსეს ორივე ნავი, რომ კინალამ ჩაიძირნენ.

8 ეს რომ დაინახა სიმონ-პეტრემ, დაეცა იესოს მუხლებთან და უთხრა: „გამშორდი, უფალო, ვინაიდან ცოდვილი კაცი ვარ.“

9 რადგან შიშმა შეიპყრო იგი და ყველა მასთან მყოფი იმ თევზის ჭერის გამო, მათ რომ დაიჭირეს;

10 ასევე იაკობი და იოანე, ზებედეს ძენი, სიმონის მოზიარენი. და იესომ უთხრა სიმონს: „ნუ გეშინია, ამიერიდან ადამიანებს დაიჭერ.“

11 მიაყენეს ნავები ნაპირს, ყველაფერი მიატოვეს და გაჰყვნენ მას.

კეთროვნის და დაუძლურებულის გაჯანსაღება

12 მოხდა ისე, რომ ერთ-ერთ ქალაქში მისი ყოფნისას, აჰა, მოვიდა კეთრით დაფარული კაცი. იესოს დანახვისთანავე დაემხო, ევედრებოდა და ეუბნებოდა: „უფალო, თუ ინებებ, შეგიძლია ჩემი განწყმედა.“

13 გაიწოდა ხელი, შეახო მას და თქვა: „მნებავს, განიწყმიდე!“ და მყისვე მოშორდა კეთრი.

14 უბრძანა მას: „არავის უთხრა, არამედ წადი და ეჩვენე მღვდელს და შესწირე შენი განწყმედის გამო, როგორც დაადგინა მოსემ მოწმობად მათთვის.“
ლევ.14,3-4. მათ.8,4. მარ.1,44.

15 სიტყვა უფრო და უფრო ვრცელდებოდა მის შესახებ და დიდძალი ხალხი დაჰყვებოდა მას, რათა მოესმინათ და განკურნებულიყვნენ თავიანთ სნეულებათაგან.

16 ის კი უდაბურ ადგილებში მიდიოდა და ლოცულობდა.

17 ერთ დღეს, როცა ის ასწავლიდა, ისხდნენ იქ ფარისევლები და რჯულის მოძღვარნი, რომელნიც მოსულიყვნენ გალილეისა და იუდეის ყოველი კუთხიდან და იერუსალიმიდან, და უფლის ძალა იყო მასთან განსაკურნავად,

18 აჰა, კაცებმა საწოლით მოიყვანეს ადამიანი, რომელიც

დავრდომილი იყო, და ცდილობდნენ შიგნით შეეყვანათ და იესოს წინაშე დაეწვინათ. მათ.9,2. მარ.2,3.

19 და რომ ვერ მოახერხეს მისი შეყვანა ხალხმრავლობის გამო, ერდოზე ავიდნენ და კრამიტებს შორის იგი საწოლიანად ჩაუშვეს შუაგულ ოთახში იესოს წინაშე.

20 რომ დაინახა მათი რწმენა, უთხრა: „ადამიანო, მოგეტევა შენი ცოდვები.“

21 მწიგნობრებმა და ფარისევლებმა იწყეს მსჯელობა ურთიერთშორის და ამბობდნენ: „ვინ არის ეს, ღმერთს რომ გმობს? ვის ძალუძს ცოდვების მიტევება ერთი ღვთის გარდა?“

22 იესომ, იცოდა რა მათი ზრახვები, უთხრა პასუხად: „რას კითხულობთ თქვენს გულში?“

23 რა უფრო ადვილია, თქმა: შენი ცოდვები მოგეტევა, თუ თქმა: ადექ და გაიარე?

24 ხოლო რათა იცოდეთ, რომ კაცის ძეს დედამიწაზე აქვს ცოდვების მიტევების ხელმწიფება, – ეუბნება დავრდომილს, – შენ გეუბნები: ადექ, აიღე შენი საწოლი და შინ წადი.“

25 მყისვე წამოდგა მათ წინაშე, აიღო, რაზეც იწვა, და წავიდა თავის სახლში და აღიდებდა ღმერთს.

26 განცვიფრებამ შეიპყრო ყველა და აღიდებდნენ ღმერთს და შეშინებულები ამბობდნენ: საოცრებანი ვიხილეთო დღეს.

ლევის მოწოდება. არა მართალთა, არამედ ცოდვილთა

27 ამის შემდეგ გამოვიდა და დაინახა მებაჟე, სახელად ლევი, რომელიც იჯდა საბაჟოში, და უთხრა მას: „გამომყევი მე.“ მათ.9,9. მარ.2,14.

28 მანაც მიატოვა ყოველივე, წამოდგა და გაჰყვა მას.

29 მოუძზადა ლევიმ მას დიდი ნადიმი თავის სახლში; იქ იყო ბევრი მებაჟე და სხვა ხალხი, რომლებიც მათთან ერთად უსხდნენ სუფრას.

30 მწიგნობარნი და ფარისევლნი დრტვინავდნენ და ეუბნებოდნენ მის მოწაფეებს: „რატომ ჭამთ და სვამთ მებაჟეებთან და ცოდვილებთან ერთად?“

31 იესომ უთხრა მათ პასუხად: „მკურნალი ჯანმრთელებს კი არა, სნეულებს სჭირდებათ.“

32 მე მე მოვედი, რომ ცოდვილებს მოვუწოდო მოსანანიებლად, და არა მართალთ.“ მათ.9,10.

ახალი ღვინო

33 მათ კი უთხრეს: „იოანეს მოწაფეები ხშირად მარხულობენ და ლოცვებს აღავლენენ, ასევე ფარისევლთაგანნიც. შენები კი ჭამენ და სვამენ?“

34 იესომ უპასუხა მათ: „განა შეიძლება აიძულო მეჭორწი-
ლეები, იმარხულონ, ვიდრე ნეფე მათთან არის?

35 მაგრამ დადგება დღეები, როცა ნეფე წაერთმევათ და
მაშინ იმარხულებენ, იმ დღეებში.“

36 იგავიც უთხრა მათ: „არავინ მოხევს საკერებელს ახალ
სამოსელს და არ დაადებს ძველ სამოსელს, თორემ ახალსაც დაგ-
ლეჯს და ძველსაც არ გამოადგება ახალი სამოსლის საკერებელი.

მათ.9,16. მარ.2,21.

37 არავინ ჩაასხამს ახალ ღვინოს ძველ ტიკებში, თორემ
ახალი ღვინო ტიკებს დახეთქავს, და ღვინოც დაიკარგება და
ტიკებიც.

38 არამედ ახალი ღვინო ახალ ტიკებში უნდა ჩაისხას.

39 არც ერთი ძველის მსმელი არ მოისურვებს ახალს, რადგან
იტყვის: ძველი სჯობიაო.

თ ა გ ი 6

კაცის ძე შაბათის უფალიც არის

1 **შაბათს** მოუხდა გავლა ყანებზე და მისი მოწაფეები
გლეჯდნენ თავთავებს, ხელით ფშვნიდნენ და ჭამდნენ.

2შჯ.23,25. მათ.12,1. მარ.2,23.

2 ფარისეველთაგან ზოგიერთებმა უთხრეს მათ: „რატომ აკე-
თებთ იმას, რისი გაკეთებაც შაბათს არაა ნებადართული?“

3 იესომ პასუხად უთხრა მათ: „ნუთუ არ წაგიკითხავთ, რა
ქნა დავითმა, როდესაც მოშიგდა მას და მასთან მყოფებს?

1მფ.21,6. მარ.2,26.

4 როგორ შევიდა ღვთის სახლში, აიღო და შეჭამა საწი-
ნაშეო პური, რომლის ჭამის ნებაც არავის ჰქონდა, გარდა
მღვდლებისა, შეჭამა და მასთან მყოფთაც დაურიგა?“

გამოს.29,32. ლევ.8,31;24,9. მათ.12,4. მარ.2,26.

5 უთხრა მათ: „შაბათის ბატონიც არის კაცის ძე.“

6 მეორე შაბათსაც მოუხდა მას სინაგოგაში შესვლა და
ასწავლიდა მათ. იქ იყო კაცი, რომელსაც მარჯვენა ხელი
გამხმარი ჰქონდა.

მათ.12,9. მარ.3,1.

7 მწიგნობარნი და ფარისეველნი უთვალთვალებდნენ მას,
აბა, შაბათს თუ განკურნავსო, რათა დაედანაშაულებინათ იგი.

8 მან იცოდა მათი ზრახვები და უთხრა კაცს, რომელსაც
ხელი გამხმარი ჰქონდა: „ადექ და გამოდი შუაში!“ ისიც ადგა
და დადგა შუაში.

9 იესომ უთხრა მათ: „მინდა გკითხოთ თქვენ: შაბათ დღეს
კეთილის კეთება შეიძლება თუ ბოროტისა? სულის ხსნა შეიძ-
ლება თუ დაღუპვა?“

10 ყველას გადახედა ირგვლივ და უთხრა მას: „გაიწოდე შენი
ხელი!“ ასეც მოიქცა და მოუღრჩა ხელი.

11 ისინი კი რისხვით აღივსნენ და ურთიერთშორის მსჯელობდნენ, რა ექნათ იესოსთვის.

თორმეტი მოციქულის არჩევა

12 იმ დღეებში წავიდა იგი მთაზე სალოცავად და მთელი ღამე ღვთისადმი ლოცვაში გაატარა.

13 დილა რომ გათენდა, მოიხმო თავისი მოწაფეები და ამოირჩია მათგან თორმეტი, რომელთაც მოციქულები უწოდა:

მათ.10,1. მარ.3,13.

14 სიმონი, რომელსაც პეტრე შეარქვა, მისი ძმა ანდრია, იაკობი და იოანე, ფილიპე და ბართოლომე

15 მათე და თომა, იაკობ ალფესი და სიმონი, რომელსაც მოშურნე ერქვა,

16 იუდა იაკობის ძე და იუდა ისკარიოტელი, რომელიც გამცემი გახდა.

17 ჩავიდა მათთან ერთად და დადგა ვაკე ადგილას. იქ იყო მრავალი მისი მოწაფე და ბევრი ხალხი იუდეიდან და იერუსალიმიდან, და ზღვისპირეთიდან – ტვიროსიდან და სიდონიდან, მათ.4,25.

18 რომელნიც მოვიდნენ, რომ მისთვის მოესმინათ და თავიანთი სნეულებებისგან განკურნებულიყვნენ. არაწმიდა სულით გატანჯულნიც – და იკურნებოდნენ.

19 მთელი ხალხი ცდილობდა შეხებოდა მას, ვინაიდან მისგან გამოდიოდა ძალა და ყველას კურნავდა. მარ.5,30.

ვინ არის ნეტარი? სიყვარული და სამსჯავრო

20 აღმართა მზერა თავის მოწაფეებზე და უთხრა: „ნეტარნი ხართ გლახანი, ვინაიდან თქვენი ღვთის სასუფეველი. მათ.5,3.

21 ნეტარნი ხართ, ვისაც ახლა გშიათ, ვინაიდან გაძლებით. ნეტარნი ხართ, ვინც ახლა ტირით, ვინაიდან გაიცინებთ.

ეს.55,1;61,2;65,13.

22 ნეტარნი ხართ, როცა შეგიძულებენ ადამიანები, როცა მოგიშორებენ და გაგლანძლავენ, ხოლო თქვენს სახელს განდევნიან, როგორც ბოროტს, კაცის ძის გამო. მათ.5,11.

23 იხარეთ იმ დღეს და გამხიარულდით, ვინაიდან დიდია თქვენი საზღაური ცაში, ვინაიდან ასევე ექცეოდნენ წინასწარმეტყველთ მათი მამები. 25შტ.36,16. ნემ.9,26. ეს.35,10.

24 პირიქით, ვაი თქვენ, მდიდარნო, ვინაიდან უკვე მიიღეთ თქვენი ნუგეშისცემა.

25 ვაი თქვენ, მაძლარნო, ვინაიდან მოგშივდებით. ვაი თქვენ, ვინც ახლა იცინით, ვინაიდან იგლოვებთ და იტირებთ.

იგ.14,13; ეს.65,13.

26 ვაი თქვენ, როცა ყველა ადამიანი კარგს ილაპარაკებს თქვენზე. ასევე ექცეოდნენ ცრუ წინასწარმეტყველთ მათი მამები. ეს.30,10. იოან.7,7.

27 ხოლო თქვენ, ვინც მისმენთ, გეტყვით: გიყვარდეთ თქვენი მტრები და სიკეთე უყავით თქვენს მოძულეებს.

გამოს.23,4. იგ.25,21. მათ.5,44.

28 აკუთხოვდეთ თქვენს მაწყევრებს და ღოცულობდეთ თქვენსავე შეურაცხყოფელთათვის.

29 ვინც ღოყაში გაგარტყას, მეორეც მიუშვირე; ვინც სამოსელი წაგართვას, მოსასხამსაც ნუ დაუჭერ.

მათ.5,39. რომ.12,17. 1კორ.6,7.

30 ყველას, ვინც გთხოვოს, მიეცი და ვინც წაგართვას, უკან ნულარ მოსთხოვ.

31 როგორც თქვენ გინდათ, რომ მოგექცნენ ადამიანები, თქვენც ისევე მოექცით მათ.

მათ.7,12.

32 თუ თქვენი მოყვარულნი გეყვარებათ თქვენთვის, რა მადლია? ვინაიდან ცოდვილთაც უყვართ თავიანთი მოყვარულნი.

33 თუ სიკეთეს უზამთ თქვენს კეთილისმყოფელთ, თქვენთვის რა მადლია? ცოდვილნიც ხომ ასე აკეთებენ.

34 თუ სესხს აძლევთ იმას, ვისი იმედიც გაქვთ, რომ უკან დაგიბრუნებთ, ეს რაღა მადლია? ვინაიდან ცოდვილნიც ასესხებენ ცოდვილთ, რომ დაიბრუნონ.

35 ხოლო თქვენ გიყვარდეთ თქვენი მტრები, სიკეთე უყავით და ასესხეთ და ნულარაფერს მოელით, და დიდი იქნება თქვენი საზღაური: იქნებით უზენაესის ძენი, ვინაიდან იგი კეთილია უმადურთა და ბოროტთა მიმართაც.

2შჯ.15,8. მათ.5,45.

36 იყავით გულმოწყალენი, ისევე როგორც თქვენი მამაა გულმოწყალე.

მათ.5,48.

37 ნუ განიკითხავთ და არ განიკითხებით; მსჯავრს ნუ დასდებთ და არ დაგედებათ მსჯავრი; მიუტევეთ და მოგეტევებათ.

მათ.7,2. რომ.2,1. 1კორ.4,5.

38 მიეცით და თქვენც მოგეცემათ: კარგი საწყაო, დატკეპნილი, გატენილი და პირთამდე სავსე, მოგეცემათ თქვენსავე კალთაში. რადგან რომელი საწყაოთიც მიუწყავთ, იმითივე მოგეწყვებათ.

იგ.19,17. მათ.7,2. მარ.4,24.

39 იგავიც უთხრა მათ: „განა შეუძლია ბრმას ბრმის მეგზურობა? განა ორივენი ორმოში არ ჩაცვივდებიან? ეს.42,19. მათ.15,14.

40 მოწაფე მასწავლებელზე მეტი არ არის ხოლო ყველა, ვინც გაასრულებს, ისეთივე იქნება, როგორც მისი მასწავლებელი.

მათ.10,24. იოან.13,16;15,20.

41 რად უყურებ ბეწვს შენი ძმის თვალში, საკუთარ თვალში კი ღირეს არა გრძნობ?

მათ.7,3.

42 ანდა როგორ შეგიძლია უთხრა შენს ძმას: ძმაო, მიმიშვი, ამოგიღო თვალიდან ბეწვიო, საკუთარ თვალში კი ღირეს ვერ ხედავ? თვალთმაქცო, ჯერ შენი თვალიდან ამოიღე ღირე და მერე დაინახავ, თუ როგორ უნდა ამოუღო შენს ძმას თვალიდან ბეწვი.

იგ.18,17.

43 არ არსებობს კარგი ხე, რომელმაც ცუდი ნაყოფი გამოი-

ლოს; არც ცუდი ხე, რომელმაც კარგი ნაყოფი გამოიღოს.

მათ.7,18;12,33.

44 ვინაიდან ყოველი ხე თავისი ნაყოფით შეიცნობა: ნარეკლიდან ხომ ვერ მოკრეფენ ლელვს და არც მაყვლოვანზე იკრიფება ყურძენი.

მათ.7,16.

45 კეთილი კაცი თავისი გულის კეთილი საუნჯიდან სიკეთეს გამოიღებს, ბოროტი კაცი კი ბოროტისგან ბოროტს გამოიღებს; ვინაიდან გულის სავსებისაგან მეტყველებს მისი პირი. მათ.12,34-35.

46 რატომ მიწოდებთ: 'უფალო, უფალო,' და იმას კი არ აკეთებთ, რასაც გეუბნებით?

მალ.1,6. მათ.7,21. იაკ.1,22. რომ.2,13.

47 ყველა, ვინც ჩემთან მოდის, ჩემს სიტყვებს ისმენს და მათ ასრულებს, გიჩვენებთ ვისაცა ჰგავს.

48 იგი ჰგავს სახლის მშენებელ კაცს, რომელმაც მოთხარა, ჩააღრმავა და კლდეზე დადო საძირკველი. წყალდიდობისას მდინარე ეკვეთა იმ სახლს და ძვრა ვერ უყო, ვინაიდან კარგად იყო ნაშენი.

49 ხოლო ვინც ისმენს და არ ასრულებს, იგი ჰგავს კაცს, რომელმაც სახლი ააშენა მიწაზე უსაძირკველოდ და, როცა მდინარე ეკვეთა, უმაღ დაინგრა; და ძალზე დიდი იყო იმ სახლის დანგრევა."

თ ა ვ ი 7

ასისტავის მონის განკურნება. ქვრივის ვაჟის გაცოცხლება

1 როდესაც მან დაასრულა ყველა თავისი სიტყვა მსმენელი ხალხის მიმართ, შევიდა კაპერნაუმში.

მათ.8,5.

2 ერთ ასისტავს მონა უკვდებოდა, რომელიც მისთვის ძვირფასი იყო.

3 იესოზე რომ მოისმინა, გაგზავნა მასთან იუდეველთა უხუცესები სათხოვნელად, რათა მოსულიყო და განეკურნა მისი მონა.

4 ისინი მივიდნენ იესოსთან, შეევედრნენ დაბეჯითებით და უთხრეს: „იგი ღირსია, რომ ეს გაუკეთო,

5 ვინაიდან უყვარს ჩვენი ხალხი და სინაგოგა მან აგვიშენა.“

6 იესო წავიდა მათთან და უკვე იმ სახლის შორი-ახლოს იყვნენ, როცა ასისტავმა გამოუგზავნა მეგობრები მისთვის სათქმელად: „უფალო, ნუ გაირჯები, ვინაიდან ღირსი არა ვარ, რომ ჩემს ჭერქვეშ შემოხვიდე.

7 ამიტომ ჩემი თავიც არ მივიჩნიე შენთან მოსვლის ღირსად. მხოლოდ სიტყვა თქვი და განიკურნება ჩემი მონა.

8 ვინაიდან მეც ძალაუფლების ქვეშ მდგომი კაცი ვარ და ჩემს ხელქვეით მყვანან ჯარისკაცები. ერთს ვეუბნები: წადი! და მიდის. და სხვას: მოდი! და მოდის. ჩემს მონას: გააკეთე ეს! და აკეთებს.“

9 ეს რომ გაიგონა, იესოს გაუკვირდა მისი, მიუბრუნდა მის უკან მომავალ ხალხს და უთხრა: „გეუბნებით, რომ ისრაელშიც ვერ ვპოვე მე ასეთი რწმენა.“

10 წარგზავნილებმა სახლში დაბრუნებისას გამოკეთებული ნახეს ის მონა.

11 ამის შემდეგ იესო წავიდა ქალაქს, რომელსაც ერქვა ნაინი. თან მიჰყვებოდნენ მისი მოწაფენი და დიდძალი ხალხი.

12 ქალაქის კარიბჭეს რომ მიუახლოვდა, აჰა, მოასვენებდნენ მიცვალებულს, დედისერთა ვაჟს, ხოლო დედა ქვრივი იყო. დიდძალი ხალხი მოსდევდა მას ქალაქიდან.

13 ქვრივის დანახვისას უფალს შეეცოდა იგი და უთხრა: „ნუ სტირი.“

14 მივიდა და შეეხო ცხედარს. გამსვენებლები შედგნენ და მან თქვა: „ჭაბუკო, შენ გეუბნები, ადექ!“

15 მკვდარი წამოჯდა და იწყო ლაპარაკი, და იესომ ჩააბარა იგი თავის დედას.

16 ყველანი შიშმა შეიპყრო, ღმერთს აღიღებდნენ და ამბობდნენ: დიდი წინასწარმეტყველი აღმდგარაო ჩვენს შორის, და ღმერთმა მოხედაო თავის ხალხს.

ლუკ.1,68. იოან.6,14.

17 ეს სიტყვა მოედო მთელ იუდეას და მთელ შემოგარენს.

იესოს პასუხი იოანე ნათლისმცემელს

18 აუწყეს იოანეს მისმა მოწაფეებმა ყოველივე ეს. მათ.11,2.

19 იოანემ დაიბარა ორი თავისი მოწაფე და იესოსთან გაგზავნა შესაკითხავად: „შენა ხარ ის, ვინც უნდა მოსულიყო, თუ სხვას უნდა ველოდოთ?“

დაბ.42,10. ეს.35,4. დან.9,24. იოან.6,14.

20 მივიდნენ ისინი მასთან და უთხრეს: „იოანე ნათლისმცემელმა გამოგვგზავნა შენთან საკითხავად: შენა ხარ ის, ვინც უნდა მოსულიყო, თუ სხვას უნდა ველოდოთ?“

21 იმჟამად მან ბევრი განკურნა სნეულებათა და სატკივართაგან და ავი სულებისაგან, და მრავალ ბრძას უწყალობა მხედველობა.

22 უთხრა მათ იესომ პასუხად: „წადით, უთხარით იოანეს, რაც ნახეთ და მოისმინეთ: ბრძებს მხედველობა უბრუნდებათ, ხეიბრები დადიან, კეთროვანები იწმიდებიან, ყრუებს ესმით, მკვდრები დგებიან და ლატაკებს ეხარებათ.

ფსალ.145,8. ეს.35,5;42,7;61,1. მათ.11,5. ლუკ.4,18.

23 ნეტარია ვინც არ შეცდება ჩემში.“ ეს.8,14. მათ.11,6. 1პეტ.2,8.

24 როცა იოანეს მოციქულები წავიდნენ, დაიწყო ლაპარაკი ხალხთან იოანეზე: „რის სანახავად გახვედით უდაბნოში? ქარისაგან შერხეული ლერწმისა?

25 მაშ, რის სანახავად გახვედით – კაცისა, რომელსაც რბილი სამოსელი აცვია? აჰა, ისინი, ვინც მდიდრულად არიან შემოსილნი და ფუფუნებით ცხოვრობენ, სამეფო კარზე იმყოფებიან.

26 რილას სანახავად წახვედით? წინასწარმეტყველისა? დიახ, გეუბნებით თქვენ, წინასწარმეტყველზე მეტისაც.

27 ვინაიდან ეს არის ის, რომლის შესახებაც დაწერილია: 'აჰა, მე ვგზავნი ჩემს ანგელოზს შენი სახის წინაშე, რომელიც განამზადებს შენს გზას შენს წინაშე.' მალ.3,1. მათ.11,10. მარ.1,2.

28 ვინაიდან გეუბნებით თქვენ: დედაკაცთა ნაშობთა შორის არავინ არის იოანეზე დიდი, მაგრამ ღვთის სასუფეველში უმცირესი მასზე დიდია." მათ.11,11.

29 მთელმა ხალხმა, რომელიც მას უსმენდა, და მებაჟეებმაც კი განადიდეს ღმერთი და იოანეს ნათლობით მოინათლნენ.

მათ.21,31.

30 ხოლო ფარისევლებმა და რჯულის მცოდნეებმა უარყვეს ღვთის რჩევა მათ მიმართ და არ ინათლებოდნენ მისგან. ზაქ.20,27.

31 მაშინ უფალმა თქვა: „ვის გამსგავსო ეს მოდგმა და ვისი მსგავსნი არიან ისინი? მათ.11,16.

32 ისინი ჰგვანან ყრმებს, რომლებიც მოედნებზე სხედან და ერთმანეთს გასძახიან: 'სალამურს გუკრავდით და არ ცეკვავდით, ვგოდებდით და არ სტიროდით.'

33 ვინაიდან მოვიდა იოანე ნათლისმცემელი. არც პურს ჭამს, არც ღვინოს სვამს და თქვენ ამბობთ: ეშმაკი ჰყავსო.

34 მოვიდა კაცის ძე, ჭამს და სვამს და ამბობთ: აჰა კაცი, მჭამელი და ღვინის მსმელი, მებაჟეთა და ცოდვილთა მეგობარიო.

35 გამართლებულია სიბრძნე მისი ყველა შვილის მიერ."

დედაკაცი ცრემლებით უსველებს იესოს ფეხებს

36 ვინმე ფარისეველთაგანი სთხოვდა მას, მასთან ეჭამა პური. შევიდა იმ ფარისევლის სახლში და მიუჯდა სუფრას.

37 იმ ქალაქში იყო ცოდვილი დედაკაცი. როგორც კი გაიგო, იგი ფარისევლის სახლში ზისო, მოიტანა ნელსაცხებელი ალეს-სტრონის ჭურჭლით. მათ.27,7. მარ.14,3. იოან.11,2;12,3.

38 და დადგა უკან, მის ფერხთით, ცრემლებით უსველებდა ფეხებს და თავისი თმებით უხოცდა, ფეხებს უკოცნიდა და ნელსაცხებელს სცხებდა.

39 ფარისეველმა, რომელმაც იესო მიიწვია, ამის დანახვაზე თავისთვის თქვა: „ეს რომ წინასწარმეტყველი იყოს, შეიტყობდა ვინ და რანაირი დედაკაცი ეხება მას, რადგან ცოდვილია იგი."

ლუკ.15,2.

40 იესომ მიმართა მას და უთხრა: „რალაც მაქვს შენთან სათქმელი, სიმონ." მან კი უთხრა: „თქვი, მოძღვარო."

41 იესომ თქვა: „ერთ მევახშეს ორი მოვალე ჰყავდა: ერთს ხუთასი დინარი ემართა, მეორეს – ორმოცდაათი.

42 მაგრამ რაკი არ ჰქონდათ რით გადაეხადათ, ორივეს მიუტევა. ახლა მითხარი, რომელს უფრო მეტად შეუყვარდება იგი?"

43 სიმონმა უპასუხა: „მე ვფიქრობ, რომელსაც უფრო მეტი მიუტევა.“ ხოლო მან უთხრა: „სწორად განსაჯე.“

44 მიბრუნდა დედაკაცისაკენ და სიმონს უთხრა: „ხომ ხედავ ამ დედაკაცს? შენს სახლში შემოველი და წყალი არ მომეცი ფეხებისათვის, ამან კი ცრემლით დამისველა ფეხები და თავისი თმებით შემიხოცა.“

45 შენ არ გიკოცნია ჩემთვის, ამას კი, რაც აქ შემოვიდა, არ შეუწყვეტია ჩემი ფეხების კოცნა.

46 შენ ზეთი არ გიცხია ჩემს თავზე, ამან კი ნელსაცხებელი სცხო ჩემს ფეხებს.

47 ამის გამო გეუბნები: მაგას მიეტევა მრავალი თავისი ცოდვა, რადგან ძლიერ შემიყვარა. ხოლო ვისაც ცოტა მიეტევა, ცოტათი უყვარს.“

48 და უთხრა მას: „მიგეტევა შენი ცოდვანი.“

49 მასთან მსხდომებმა იწყეს ლაპარაკი თავისთვის: „ვინ არის ეს, ცოდვებსაც რომ მიუტევენ?“

50 მან კი უთხრა დედაკაცს: „შენმა რწმენამ გიხსნა შენ. წადი მშვიდობით.“

თ ა ვ ი 8

იესო ახარებს ქალაქებში

1 ამის შემდეგ დადიოდა ქალაქიდან ქალაქში, დაბიდან დაბაში, ქადაგებდა და ახარებდა ღვთის სასუფეველს. და თორმეტიც მასთან იყო.

2 ასევე ზოგი დედაკაციც, რომელნიც განიკურნენ ავით სულელებისა და სნეულებებისაგან: მარიამი, მაგდალელად წოდებული, რომლისგანაც შვიდი ეშმაკი განვიდა; მარ.15,40;16,9.

3 იოანა, ჰეროდეს განმგებლის ქოზას ცოლი, სუსანა და ბევრი სხვა, რომელნიც ემსახურებოდნენ მას თავიანთი ქონებით.

იგავი მთესველსა და თესლზე

4 როცა დიდძალი ხალხი მოგროვდა მასთან და ყველა ქალაქის მცხოვრებნი მიეახლნენ, მან დაიწყო იგავით ლაპარაკი:

მათ.13,3. მარ.4,1-2.

5 „გამოვიდა მთესველი თავისი თესლის დასათესად. და თესვისას ზოგი გზასთან დავარდა, გაითელა და ცის ფრინველებმა აკენკეს.

6 ზოგი კლდეზე დავარდა, აღმოცენდა და გახმა, ვინაიდან სინოტივე აკლდა.

7 ზოგი ეკლებში ჩავარდა, ეკალი გაიზარდა და მოაშთო.

8 ზოგი კი კარგ ნიადაგზე დავარდა, აღმოცენდა და ასმაგი ნაყოფი გამოიღო.“ ეს თქვა და დაიძახა: „ვისაც ყურები აქვს სასმენად, ისმინოს!“

9 მისმა მოწაფეებმა ჰკითხეს, თუ რას ნიშნავდა ეს იგავი?

10 მან თქვა: „თქვენ მოგეცათ, იცოდეთ, ღვთის სასუფევლის საიდუმლოებანი, ხოლო სხვებს იგავებით მიეცა ისე, რომ უყურებდნენ და ვერ ხედავდნენ, ისმენდნენ და ვერ იგებდნენ.“

ეს.6,9-10. მათ.13,14. მარ.4,12. იოან.12,40.

11 ეს იგავი კი ამას ნიშნავს: ის თესლი ღვთის სიტყვაა.

12 გზასთან დაცვენილები კი ისინი არიან, ვისაც ესმის, მერე მოდის ეშმაკი და მიაქვს სიტყვა მათი გულიდან, რომ მათ არ იწამონ და არ გადარჩნენ.

მათ.13,19. მარ.4,15.

13 ესენი კი, კლდეზე რომ არიან, ისინია, ვინც მოისმენენ სიტყვას და სიხარულით მიიღებენ, მაგრამ ფესვი არა აქვთ და მხოლოდ მცირე ხანს სწამთ, განსაცდელის ჟამს კი განდგებიან.

ეზექ.33,31.

14 ხოლო ეკალში ჩავარდნილნი ისინია, ვინც ისმენენ, მაგრამ ცხოვრების გზაზე საზრუნავი, სიმდიდრე და განცხრომანი აშთობენ მათ და ნაყოფი ველარ მწიფდება.

მათ.13,22. მარ.4,18;10,23. ლუკ.18,23. 1ტიმ.6,9.

15 ხოლო კარგ მიწაზე დაცვენილნი ისინი არიან, ვინც კეთილი და წრფელი გულით ისმენენ სიტყვას, იცავენ და მოთმინებით იძლევიან ნაყოფს.

დაუკვირდით, როგორ ისმენთ

16 „არავინ ანთებს სანთელს, რომ ჭურჭელი დაახუროს ან საწოლქვეშ დადოს; არამედ სასანთლეზე დადებს, რათა შემომსვლელებმა იხილონ ნათელი.“

მათ.5,15. მარ.4,21. ლუკ.11,33.

17 ვინაიდან არ არსებობს დაფარული, რომელიც ცხადი არ გახდეს, არც საიდუმლო, რომელიც არ გამჟღავნდეს და არ გაცხადდეს.

იოხ.12,22. მათ.10,26. ლუკ.12,2.

18 ამიტომ დაუკვირდით, როგორ ისმენთ: ვისაც აქვს, მას მიეცემა; ვისაც არა აქვს, ისიც წაერთმევა, რაც ჰგონია, რომ აქვს.“

მათ.13,12;25,29. მარ.4,25.

19 მოვიდნენ მასთან მისი დედა და ძმები და ახლოს ვერ მივიდნენ ხალხის გამო.

მათ.12,46. მარ.3,31.

20 შეატყობინეს მას: შენი დედა და შენი ძმები გარეთ დგანან, შენი ნახვა სურთო.

21 ხოლო მან პასუხად მიუგო: „ჩემი დედა და ჩემი ძმები ისინი არიან, ვინც ღვთის სიტყვას ისმენენ და ასრულებენ.“

22 მოხდა ისე, რომ ერთ დღეს იგი ჩაჯდა ნავში თავის მოწაფეებთან ერთად, და უთხრა მათ: „გადავიდეთ ტბის გაღმა,“ და გაცურეს.

მათ.8,23. მარ.4,35.

23 როცა მიცურავდნენ, მას ჩაეძინა, და ტბაზე ამოვარდა ქარიშხალი. ნავი წყლით ევსებოდათ და იყვნენ საფრთხეში.

24 მივიდნენ, გააღვიძეს და უთხრეს: „მოძღვარო, მოძღვარო, ვილუპებით.“ ხოლო მას გაეღვიძა და შერისხა ქარი და წყლის ღელვა; და დაცხრნენ და ჩამოვარდა მყუდროება.

25 მაშინ უთხრა მათ: „სად არის თქვენი რწმენა?“ ისინი შიშითა და გაოცებით ეუბნებოდნენ ერთიმეორეს: „ვინ არის ეს, ქარებსაც რომ უბრძანებს და წყალსაც, და ემორჩილებიან მას?“

იოზ.26.12. ფსალ.88.10.

ლეგიონი სულეების განდევნა ეშმაკეულისგან. ღორების კოლტი

26 გასცურეს ლადარინელთა ქვეყნისკენ, რომელიც გალილეის გაღმა მხარეს არის.

მათ.8,28. მარ.5.1.

27 როცა გავიდა ნაპირზე, წინ შემოხვდა ერთი კაცი ქალაქიდან. მას ეშმაკები დაუფლებოდნენ და, დიდი ხანია, არც სამოსელი ჩაეცვა და არც სახლში ცხოვრობდა, არამედ სამარხებში.

28 როგორც კი დაინახა იესო, დაიკივლა, მის წინ დაეცა და ხმამაღლა იყვირა: „რა გინდა ჩემგან, იესო, ძეო უზენაესი ღვთისა, გევედრები, ნუ მტანჯავ.“

29 ვინაიდან უბრძანა არაწმიდა სულს ამ კაცისგან გამოსულიყო (ვინაიდან დიდ ხანს სტანჯავდა მას, ჰკრავდნენ ჯაჭვებით და ბორკილებით, რომ დაეკავებინათ იგი; მაგრამ ის წყვეტდა ბორკილებს და იღევნებოდა ეშმაკის მიერ უდაბნოებში).

30 იესომ ჰკითხა მას: „რა არის შენი სახელი?“ მან უთხრა: „ლეგიონია,“ ვინაიდან ბევრი ეშმაკი იყო მასში შესული.

31 ევედრებოდნენ იესოს, რომ არ ებრძანებინა მათთვის უფსკრულში წასვლა.

32 იქ იყო ღორების დიდი კოლტი, რომელიც მთაზე ძოვდა. ეშმაკები შეევედრნენ იესოს, რომ ნება დაერთო შესულიყვნენ მათში, და მან დართო ნება.

33 გამოვიდნენ ეშმაკები იმ კაციდან და შევიდნენ ღორებში. კოლტი კბოდედან გადაეშვა ტბაში და ჩაიხრჩო.

34 ეს ამბავი რომ დაინახეს, მწყემსები გაიქცნენ და შეატყობინეს ქალაქსა და სოფლებს.

35 გამოვიდნენ მომხდარის სანახავად. მოვიდნენ იესოსთან და ნახეს კაცი, რომლისგანაც გავიდნენ ეშმაკები. იგი შემოსილი და გონსმოგებული იჯდა იესოს ფერხთით, და შეეშინდათ.

36 მხილველებმა უამბეს, როგორ გადარჩა ეშმაკეული.

37 ეხვეწებოდა ლადარინელთა შემოგარენის უამრავი ხალხი, გასცლოდა მათ, ვინაიდან დიდმა შიშმა მოიცვა ისინი. ისიც ჩაჯდა ნავში და დაბრუნდა.

38 ის კაცი, რომლისგანაც ეშმაკები გავიდნენ, შეევედრა იესო, რომ მასთან ყოფილიყო. მაგრამ მან გაუშვა და უთხრა:

39 „დაბრუნდი შინ და უამბე, რა გიყო ღმერთმა.“ ისიც წავიდა და მთელ ქალაქში ქადაგებდა, რა გაუკეთა იესომ.

იაიროსის ქალიშვილის გაცოცხლება. დედაკაცის განკურნება

40 როდესაც იესო დაბრუნდა, ხალხმა მიიღო იგი, ვინაიდან ყველანი ელოდნენ მას.

41 და აჰა, მოვიდა კაცი სახელად იაიროსი, რომელიც სინაგოგის მთავარი იყო. დაემხო იესოს ფერხთით და ეგედრებოდა შინ გაჰყოლოდა.
მათ.9,18. მარ.5,22.

42 ვინაიდან ერთადერთი ასული ჰყავდა, თორმეტი წლისა, და უკვდებოდა. იესო რომ მიდიოდა, ხალხი ზედ აწყდებოდა მას.

43 იყო ერთი ქალი, რომელიც თორმეტი წელი სისხლის დენით იტანჯებოდა, მთელი ქონება ექიმებს დაახარჯა და ვერავინ განკურნა.

44 უკნიდან მიეპარა და მისი ტანსაცმლის კალთას შეეხო. იმწამსვე შეუწყდა სისხლის დენა.

45 თქვა იესომ: „ვინ შემეხო?“ როცა ყველამ უარი თქვა, პეტრემ და მასთან მყოფებმა უთხრეს: „მოძღვარო, ხალხი გარს გახვევია და ზედ გაწყდება, შენ კი ამბობ, ვინ შემეხოო?“
მარ.5,30.

46 ხოლო იესომ თქვა: „ვილაც შემეხო მე, ვინაიდან ვგრძნობ, რომ ძალა გავიდა ჩემგან.“

47 ქალმა, რაკი დაინახა, რომ ვერ დაიძალა, მიუახლოვდა ძრწოლით, დაემხო მის წინაშე და საჯაროდ განაცხადა, რა მიზეზითაც შეეხო და როგორ უცბად განიკურნა.

48 უთხრა მას: „ასულო, შენმა რწმენამ განგკურნა. წადი მშვიდობით!“

49 ჯერ სიტყვა არ გაეთავებინა, რომ ვილაც მოვიდა სინაგოგის უფროსის სახლიდან და უთხრა: „შენი ასული მოკვდა. ნულარ შეაწუხებ მოძღვარს.“
მარ.5,35.

50 მაგრამ იესომ, ეს რომ მოისმინა, უპასუხა: „ნუ გეშინია, მხოლოდ ირწმუნე და განიკურნება.“

51 სახლში რომ მივიდნენ, არავის დართო ნება შესულიყო, პეტრეს, იაკობის, იოანეს და გოგონას დედ-მამის გარდა.

52 ყველა ტიროდა და მოთქვამდა მასზე, მან კი უთხრა: „ნუ სტირით. ის არ მომკვდარა, სძინავს მხოლოდ.“

53 ისინი კი დასცინოდნენ მას, ვინაიდან იცოდნენ, რომ მკვდარი იყო.

54 მან კი ხელი მოჰკიდა, შესძახა და თქვა: „გოგონავ, აღექ!“

55 და დაუბრუნდა სული. უცებ წამოდგა და მან ბრძანა, რომ საჰმელი მიეცათ მისთვის.

56 გაუკვირდათ მის მშობლებს. ხოლო მან უბრძანა, არავისთვის ეთქვათ მომხდარის შესახებ.

თ ა ვ ი 9

თორმეტი მოციქული იგზავნება

1 მოუხმო თორმეტს, მისცა მათ ძალა და ხელმწიფება ყველა ეშმაკზე, რომ განეკურნათ სნეულებანი.
მათ.10,1. მარ.3,13;6,7.

2 მიაგლინა ისინი ღვთის სასუფეველის საქადაგებლად და სწეულთა განსაკურნავად.

3 უთხრა მათ: „არაფერი წაიღოთ გზაში, არც ხელჯოხი, არც ფუთა, არც პური, არც ვერცხლი და არც ორი მოსასხამი იქონიოთ.

4 რომელ სახლშიც შეხვიდეთ, იქ დარჩით და იქიდანვე გაემგზავრეთ.

5 ხოლო თუ სადმე არ მიგიღონ, იმ ქალაქიდან გამოსვლისას თქვენ ფერხთაგან მტკერი დაიბერტყეთ მათ წინააღმდეგ დასამოწმებლად.“

მათ.10,14. მარ.6,11. საქ.13,51.

6 წავიდნენ და იწყეს სოფელ-სოფელ სიარული, ახარებდნენ და ყველგან კურნავდნენ.

იესოს მოქმედებამ გააოგნა ჰეროდე

7 მოისმინა ჰეროდემ, ტეტრარქმა, ყოველივე, რასაც იესო აკეთებდა, და გაოგნდა, ვინაიდან ერთნი იმას ამბობდნენ: იოანე აღდგა მკვდრეთითო,

მათ.14,1. მარ.6,14.

8 მეორენი: ელია გამოჩნდაო. სხვები ამბობდნენ: ერთი ძველი წინასწარმეტყველთაგანი აღდგაო მკვდრეთით.

9 ჰეროდემ თქვა: „იოანეს მე მოგკვეთე თავი, ეს კი ვინ არის, რომელზეც ასეთი რამ მესმის?“ და უნდოდა მისი ნახვა.

ლუკ.23,8.

ხუთი ათასი კაცის დაპურება

10 დაბრუნდნენ მოციქულები და უამბეს მას, რაც გააკეთეს. მან წაიყვანა ისინი და განმარტოვდა, ბეთ-საიდად წოდებული ქალაქისაკენ.

მათ.14,13. მარ.6,32.

11 მაგრამ მრავალრიცხოვანმა ხალხმა შეიტყო და გაჰყვა მას. ის ლებულობდა მათ და ელაპარაკებოდა ღვთის სასუფეველზე, ხოლო, ვისაც განკურნება ესაჭიროებოდა, მათ კურნავდა.

12 დღე რომ საღამოსკენ გადაიხარა, მივიდნენ მასთან და უთხრეს: „გაუშვი ეს ხალხი, რომ წავიდნენ გარემო სოფლებსა და დაბებში ღამის გასათევად და საზრდოს საშოვნელად, ვინაიდან აქ უდაბურ ადგილას ვიმყოფებით.“

13 უთხრა მათ: „მიეცით საჭმელი.“ მათ უპასუხეს: „ხუთი პურისა და ორი თევზის მეტი არაფერი გაგვაჩნია, თუ არ წავედით და საჭმელი არ ვუყიდეთ მთელ ამ ხალხს.“

მათ.14,17. მარ.6,38. იოან.6,9.

14 რადგან იქ ხუთი ათასამდე კაცი იქნებოდა. მან უთხრა თავის მოწაფეებს: „დასხით ისინი ჯგუფებად, თითოში ორმოცდაათამდე იყოს.“

15 ასე მოიქცნენ და დასხეს ყველანი.

16 მან აიღო ხუთი პური და ორი თევზი, ზეცას ახედა, აკურთხა, დატეხა და მისცა მოწაფეებს, რომ ჩამოერიგებინათ ხალხისთვის.

17 ყველამ ჭამა და გაძღა, ხოლო დარჩენილი ნატეხებით თორმეტი გოდორი გაავსეს.

იესოს მიერ წინასწარუწყება თავის სიკვდილზე

18 ერთხელ, როდესაც განმარტოებული ლოცულობდა და მოწაფეებიც მასთან იყვნენ, იესომ ჰკითხა მათ: „რას ამბობს ხალხი, ვინა ვარ მე?“
მათ.16,13. მარ.8,27.

19 მათ მიუგეს პასუხად: იოანე ნათლისმცემელიო; სხვები – ელიაო, სხვები კი, – ვინმე ძველი, აღმდგარი წინასწარმეტყველიო.

20 იესომ უთხრა: „თქვენ კი რაღას ამბობთ: ვინა ვარ მე?“
პეტრემ პასუხად უთხრა: „ღვთის ცხებული.“
იოან.6,69.

21 მაგრამ მან სასტიკად უბრძანა მათ არავისთვის გაემხილათ ეს.

22 უთხრა მათ: „კაცის ძის ხვედრია მრავალი ტანჯვა აიტანოს და უარყოფილ იქნეს უხუცესების, მღვდელმთავრებისა და მწიგნობრების მიერ, მოკლულ იქნეს და მესამე დღეს აღდგეს.“
მათ.17,22.

23 ყველას გასაგონად კი ასე თქვა: „თუ ვინმეს უნდა გამოემყვოს, უარყოს თავისი თავი, ყოველდღე იტვირთავდეს თავის ჯვარს და მომყვებოდეს.“
მათ.10,38;16,24. მარ.8,34. ლუკ.14,27.

24 ვინაიდან, ვისაც სურს თავისი სული იხსნას, იგი დალუპავს მას. ხოლო ვინც ჩემი გულისთვის დალუპავს მას, იგი იხსნის მას.

25 რადგან რა ხეირია ადამიანისათვის, თუ მთელ ქვეყნიერებას შეიძენს, თავის თავს კი დალუპავს ან ავნებს?.

მათ.16,26. მარ.8,36.

26 რადგან, ვისაც შერცხვება ჩემი და ჩემი სიტყვებისა, კაცის ძესაც შერცხვება მისი, როდესაც მოვა თავისი მამისა და წმიდა ანგელოზების დიდებით.“
მათ.10,32. მარ.8,38. ლუკ.12,9. 2ტიმ.2,12.

ფერისცვალება

27 „ჰეშმარიტად გეუბნებით თქვენ: არიან ზოგიერთები აქ მდგომთაგან, რომლებიც არ იგემებენ სიკვდილს, სანამ არ იხილავენ ღვთის სასუფეველს.“

28 ამ სიტყვებიდან რვა დღის შემდეგ პეტრე, იოანე და იაკობი წაიყვანა თან და მთაზე ავიდა სალოცავად.

მათ.17,1. მარ.9,2.

29 როცა ლოცულობდა, სახის გამომეტყველება შეეცვალა, ხოლო სამოსელი სპეტაკი, ელვარე გაუხდა.

30 და აჰა, მასთან საუბრობდა ორი კაცი, ესენი იყვნენ მოსე და ელია.

31 ისინი გამოჩნდნენ დიდებით და ლაპარაკობდნენ მის წასვლაზე, რომელიც იერუსალიმში უნდა აღესრულებინა.
ლუკ.22,37.

32 პეტრე და მასთან მყოფნი დამძიმებულნი იყვნენ ძილით, და როცა გაელვიათ, იხილეს მისი დიდება და მასთან მდგომარეობა კაცი. 2პეტ.1,16.

33 ხოლო როცა ისინი შორდებოდნენ მას, პეტრემ უთხრა იესოს „მოძღვარო, რა კარგია ჩვენთვის აქ ყოფნა. მოდი, გავაკეთოთ სამი კარავი: ერთი შენ, ერთი მოსეს და ერთი ელიას.“ ვინაიდან არ იცოდა, რას ლაპარაკობდა.

34 ამას რომ ამბობდა, გამოჩნდა ღრუბელი და მიუჩრდილა მათ. ღრუბელში რომ შევიდნენ, შეეშინდათ.

35 ღრუბლიდან გაისმა ხმა, რომელიც ამბობდა: „ეს არის ძე ჩემი საყვარელი, მას უსმინეთ.“ 2შჯ.8.15. მათ.3,17:17,5.

36 ეს ხმა რომ გაისმა, იესო მარტო დარჩა, ისინი კი დადუმდნენ და არავისთვის უთქვამთ იმ დღეებში, რაც იხილეს.

ავი სულით შეპყრობილის განკურნება

37 მეორე დღეს, როდესაც მთიდან ჩამოვიდნენ, ბევრი ხალხი შეეგება მას.

38 უცბათ იმ ხალხში ვიღაცამ შეჰყვირა: „მოძღვარო, გეგედრები, მოხედე ჩემს ვაჟს, რადგან მხოლოდშობილია ჩემი.“ მათ.17.14. მარ.9.17

39 სულსა ჰყავს შეპყრობილი; უეცრად წამოაყვირებს, ახეთქებს მას, დუჟს ადენს, თავ-პირს ალეწავს და ძნელად თუ განშორდება.

40 ვთხოვე შენს მოწაფეებს, რომ განედევნათ, მაგრამ ვერ შეძლეს.“

41 ხოლო იესომ უთხრა პასუხად: „ჰოი, ურწმუნო და უკულმართო მოდგმავ, როდემდე ვიყო თქვენთან და გითმინოთ? აქ მომგვარე შენი ვაჟი.“

42 ვიდრე მოვიდოდა, ეშმაკმა დაახეთქა და დაუწყო კრუნჩხვა. იესომ შერისხა არაწმიდა სული, განკურნა ყრმა და ჩააბარა თავის მამას.

43 ყველას აოცებდა ღვთის დიდება. რაკი ყველას უკვირდა ყოველივე, რასაც იესო აკეთებდა. უთხრა თავის მოწაფეებს:

44 „ყურად იღეთ თქვენ ეს სიტყვები: კაცის ძე გადაეცემა კაცთა ხელში.“ მათ.17,22. მარ.9,31.

45 მაგრამ ისინი ვერ მიხვდნენ ამ ნათქვამს და იგი დაფარული იყო მათგან. ისე რომ, ვერ ჩასწვდნენ მას. ხოლო ამ ნათქვამის შესახებ რომ ეკითხათ, ეშინოდათ. ლუკ.2,50.

46 ერთი აზრი კი დაებადათ: „ვინ უფრო დიდი იყო მათ შორის?“ მათ.18,1. მარ.9,33.

47 იესომ, რომელიც ხვდებოდა მათი გულის ზრახვებს, მოიყვანა ბავშვი და თავის წინ დააყენა.

48 უთხრა მათ: „ვინც ღებულობს ამ ბავშვს ჩემი სახელით, ის მე მღებულობს. ხოლო ვინც მე მღებულობს, ის ჩემს მომაგ-

ლინებელსაც ღებულობს. ხოლო ვინც თქვენს შორის ყველაზე უმცირესია, ის იქნება დიდი.“ მათ.10,40;18.5. მარ.9.37. 1თეს.4,8.

იესოს მიმდევრებზე

49 იოანემ პასუხად თქვა: „მოძღვარო, ჩვენ ვნახეთ კაცი, რომელიც შენი სახელით ეშმაკებს სდევნის, ჩვენ კი დავუშალეთ მას. რადგან არ დავგყვება ჩვენ.“ მარ.9,38.

50 იესომ უთხრა მას: „ნუ დაუშლით, ვინაიდან ის, ვინც თქვენს წინააღმდეგ არ არის, ის თქვენსკენაა.“ ფილ.1.18.

51 როცა მოახლოვდა მისი ამალლების დღეები, იბრუნა პირი იერუსალიმში ასასვლელად. მარ.16.29. საქ.1.2.

52 წინდაწინ მიაგლინა მაცნეები. ისინი გაემგზავრნენ და შევიდნენ სამარიელთა სოფელში, რათა გაემზადებინათ მისთვის.

53 მაგრამ იქ არ მიიღეს იგი, ვინაიდან პირი იერუსალიმი-საკენ ჰქონდა მიმართული. იოან.4,9.

54 ეს რომ დაინახეს მისმა მოწაფეებმა, იაკობმა და იოანემ, უთხრეს: „უფალო, თუ გნებავს, ვიტყვი, რომ ცეცხლი ჩამოვიდეს ციდან და მოსპოს ისინი, როგორც ელიამ გააკეთა.“ 4მფ.1.10.12.

55 მაგრამ ის მიბრუნდა მათკენ, გაუწყრა და უთხრა: „არ იცით, ვისი სულისანი ხართ?

56 ვინაიდან ძე კაცისა მოვიდა არა ადამიანთა სულების დასა-ლუპავად, არამედ სახსნელად!“ და წავიდნენ სხვა სოფელში. მათ.18,11. იოან.3,17.

57 გზას რომ ადგნენ, ვილაცამ უთხრა მას: „გამოგყვები, სადაც კი წახვალ.“ მათ.8,19.

58 იესომ უთხრა მას: „მელიებს სოროები აქვთ და ცის ფრინველთ – ბუდეები. კაცის ძეს კი არა აქვს თავის მისადრეკი.“

59 მეორეს კი უთხრა: „გამომყევი.“ მან თქვა: „უფალო, ნება მომეცი, ჯერ წავიდე და მამაჩემი დავმარხო.“

60 მან კი უთხრა მას: „მკვდრებს დაანებე თავიანთი მკვდრე-ბის დამარხვა. შენ კი წადი და იქადაგე ღვთის სასუფეველი.“ მათ.8,22.

61 სხვამაც თქვა: „მე გამოგყვები, უფალო, ოღონდ ჯერ ნება მომეცი, რომ ჩემს შინაურებს გამოვემშვიდობო.“

62 უთხრა მას იესომ: „არავინ გამოდგება ღვთის სასუფეველი-სათვის, ვისაც გუთანი უჭირავს ხელში და თან უკან იხედება.“

თ ა ვ ი 10

სამოცდაათი მოწაფის გაგზავნა

1 ამის შემდეგ ამოარჩია უფალმა სხვა სამოცდაათი და წინასწარ მიაგლინა ორ-ორი ყოველ ქალაქსა და სოფელში, სადაც მისვლას აპირებდა.

2 უთხრა მათ: „სამკალი ბევრია, მუშაკი – ცოტა. ამიტომ ევე-

დრეთ სამკლის პატრონს, რომ გამოგზავნოს მუშაკნი თავის სამკალში. მათ.9,37. იოან.4,35.

3 წადით! მე გაგზავნით თქვენ, როგორც კრავებს მგლებს შორის მათ.10,16.

4 არც ქისა წაიღოთ თან, არც აბგა, არც ფეხსაცმელი, არც არავინ მოიკითხოთ გზაში. 4მფ.4,2. მათ.10,9.

5 რომელ სახლშიც შეხვიდეთ, უწინ ეს სთქვით: მშვიდობა ამ სახლს! მათ.10,12. მარ.6,10.

6 თუ იქნება იქ მშვიდობის ძე, მასზე დაივანებს თქვენი მშვიდობა. თუ არა და, თქვენვე დაგიბრუნდებათ.

7 იმავე სახლში დადექით, ჭამეთ და სვით, რაც მათ აქვთ, ვინაიდან მუშა ღირსია თავისი საზღაურისა. ერთი სახლიდან მეორე სახლში ნუ გადახვალთ. 2შჯ.24,14. მათ.10,10. 1ტიმ.5,18.

8 რომელ ქალაქშიც მიხვალთ და მიგიღებენ, ჭამეთ, რაც შემოგთავაზონ.

9 განკურნეთ იქ მყოფი სნეულნი და უთხარით მათ: ღვთის სასუფეველი მოგიახლოვდათ-თქო.

10 ხოლო თუ რომელიმე ქალაქში შესვლისას არ მიგიღებენ, ქუჩაში გამოსვლისას თქვით:

11 თქვენი ქალაქის მტერს, რომელიც ჩვენს ფეხებს მიეკრო, ვიბერტყავთ თქვენთვის. ოღონდ ესეც იცოდეთ, რომ გაახლოვდებათ ღვთის სასუფეველი. მათ.10,14. საქ.13,51.

12 გეუბნებით, სოდომისათვის უფრო ასატანი იქნება იმ დღეს, ვიდრე იმ ქალაქისათვის. მათ.11,24.

13 ვაი შენ, ქორაზინო, და ვაი შენ, ბეთსაიდავ! ვინაიდან ტვიროსსა და სიდონში რომ მომხდარიყო ძალთაქმედებანი, რომელნიც თქვენთან მოხდა, ისინი დიდხნის წინ დაძებნა და ნაცარში მსხდომარენი მოინანიებდნენ. ეს.23,1. ეზეკ.3,6;26,2. მათ.11,21.

14 მაგრამ ტვიროსისა და სიდონისათვის უფრო ასატანი იქნება სამსჯავროზე, ვიდრე თქვენთვის.

15 შენ კი, კაპერნაუმი, განა ცამდე ამალღები? ჯოჯოხეთამდე დაეშვები.

16 ვინც თქვენ მოგისმენთ, მეც მომისმენს; თქვენი უარყოფელი მეც უარყოფს. ჩემი უარყოფელი უარყოფს ჩემს მომავლინებელს!“ რიცხ.16,11. მათ.10,40. ლუკ.9,48. იოან.13,20.

17 სიხარულით დაბრუნდნენ სამოცდაათნი და უთხრეს: „უფალო, შენი სახელით ეშმაკებიც კი გვემორჩილებიან.“

18 მან კი უთხრა მათ: „დავინახე სატანა, ელვასავით ციდან გადმოვარდნილი.

19 აჰა, გაძლევთ თქვენ ხელმწიფებას გველთა და მორიელთა დასათრგუნავად, და მტრის ყოველი ძალისა. თქვენ კი არაფერი გევნებათ. ფსალ.90,13. 1იოან.2,13.

20 მაგრამ ნუ გახარებთ, რომ სულები გემორჩილებიან. არამედ ის გიხაროდეთ, რომ თქვენი სახელები ცაში ჩაიწერება.“

ეს.4,3. დან.12,1. ფილ.4,3.

იესო აღიღებს მამას

21 იმ დროს სულში გაიხარა იესომ და თქვა: „გადიღებ, შენ, მამაო, უფალო ცისა და ქვეყნისაო, რადგან დაუფარე ეს ბრძენთა და გონიერთა და ჩვილებს განუცხადე. ჰეი, მამაო, ვინა-იდან ასე იყო მოსაწონი შენს წინაშე.“

ეს.32,4. მათ.11,25. 1კორ.1,21. 2კორ.4,3.

22 ყოველივე ჩემი მამის მიერ გადმომეცა, ხოლო არავინ იცის ვინ არის მამა, გარდა ძისა. და არავინ იცის ვინ არის ძე, გარდა მამისა, და იმისა, ვისაც ძემ უნდა განუცხადოს.“

23 მიუბრუნდა მოწაფეებს ცალკე და უთხრა: „ნეტარია თვა-ლები, რომელნიც ხედავენ, რასაც თქვენ ხედავთ. მათ.13,16.“

24 რადგან გეტყვით, რომ მრავალ წინასწარმეტყველსა და მეფეს სურდა ენახა, რასაც თქვენ ხედავთ, მაგრამ ვერ იხილა, და ესმინა, რასაც თქვენ ისმენთ, და ვერ მოისმინა.“ 13ეტ.1,10.

იგავი გულმოწყალე სამარიელიზე

25 აჰა, ერთი რჯულის მცოდნე, წამოდგა და გამოსაცდელად თქვა: „რა უნდა გავაკეთო, მოძღვარო, რომ საუკუნო სიცოცხლე დავიმკვიდრო?“ მათ.22,35. მარ.12,28.

26 იესომ უთხრა მას: „რჯულში როგორ წერია? შენ როგორ კითხულობ?“

27 მან უპასუხა: „შეიყვარე უფალი, ღმერთი შენი მთელი შენი გულით, მთელი შენი სულით, მთელი შენი ძალითა და მთელი შენი გონებით, და მოყვასი შენი, როგორც თავი შენი.“

ლევ.19,18. 2შჯ.6,5. მათ.22,37. მარ.12,29.

28 უთხრა მას იესომ: „სწორად მიპასუხე. ეგრე მოიქეცი და იცოცხლებ.“ ლევ.18,5.

29 მაგრამ მას თავის გამართლება უნდოდა და იესოს ჰკითხა: „ვინ არის ჩემი მოყვასი?“

30 იესომ პასუხად უთხრა: „ვინმე კაცი მიდიოდა იერუსალი-მიდან იერიხონს, დაესხნენ ყაჩაღები, რომლებმაც ტანსაცმელი გახადეს, დაჭრეს და წავიდნენ. ის კი ცოცხალ-მკვდარი მია-ტოვეს.“

31 შემთხვევით ერთმა მღვდელმა ჩაიარა იმ გზაზე, დაინახა იგი და გვერდი აუქცია. საქ.10,28.

32 ასევე ლევიანმა ჩაიარა იმ ადგილას, დაინახა და გვერდი აუქცია.

33 მერე ვილაც სამარიელმა გამოიარა, დაინახა და შეიცოდა.

34 მივიდა მასთან, ჭრილობები შეუხვია, ზეთი და ღვინო დაასხა, შესვა თავის პირუტყვზე, მიიყვანა სასტუმროში და იზრუნა მასზე.

35 მეორე დღეს, ამოიღო ორი დინარი, მისცა სასტუმროს პატრონს და უთხრა: იზრუნე მასზე და, თუ ზედმეტი ხარჯი მოგივა, რომ დავბრუნდები, მოგცემო.

36 რას ფიქრობ, იმ სამიდან რომელი უფრო იყო ყაჩაღების ხელში ჩაგარდნილის მოყვასი?“

37 მან უპასუხა: „რომელმაც წყალობა უყო მას.“ მაშინ იესომ უთხრა: „წადი და შენც ასევე მოიქეცი.“

მარიამი და მართა

38 განაგრძეს გზა და შევიდა იგი ერთ სოფელში და ერთმა დედაკაცმა, სახელად მართამ, მიიღო იგი სახლში. იოან.11.1;12.2.

39 მას ჰყავდა და, სახელად მარიამი, რომელიც იესოს ფერხით დაჯდა და ისმენდა მის სიტყვას.

40 მართა კი ზრუნავდა გულუხვად გამასპინძლებაზე. მივიდა მასთან და უთხრა: „უფალო, ნუთუ არ გაფიქრებს, რომ ჩემმა დამ მარტოდმარტო დამტოვა სამასპინძლოდ? უთხარი, მომეხმაროს.“

41 უფალმა ასე მიუგო პასუხად: „მართა! მართა! შენ ბევრ რამეზე ზრუნავ და წუხხარ,

42 საჭირო კი მხოლოდ ერთია. მარიამმა უკეთესი წილი ამოირჩია, რომელიც ვერ წაერთმევა მას.“

თ ა ვ ი 11

მამაო ჩვენო

1 მოხდა ისე რომ, როცა იგი ერთ ადგილას ლოცულობდა, და დაასრულა ლოცვა, ერთმა მოწაფეთაგანმა მიმართა: „უფალო, გვასწავლე ლოცვა, როგორც იოანე ასწავლიდა თავის მოწაფეებს.“

2 უთხრა მათ: „როცა ლოცულობთ, თქვით: მამაო ჩვენო, რომელი ხარ ცათა შინა, წმიდა იყოს სახელი შენი, მოვიდეს სუფევა შენი, იყოს ნება შენი, ვითარცა ცათა შინა, ეგრეცა ქვეყანასა ზედა. მათ.6,9.

3 პური ჩვენი არსობისა მოგვეც ჩვენ ყოველ დღე. იგ.30.8.

4 და მოგვითევე ჩვენ ცოდვანი ჩვენნი, რადგან ჩვენც მივუტევებთ ყველა ჩვენს თანამდებს და ნუ შეგვიყვან ჩვენ განსაცდელში, არამედ გვიხსენ ჩვენ ბოროტისაგან.“

1პეტ.5.8. 2პეტ.2,9. 1კორ.10,13.

5 უთხრა კიდევ მათ: „რომელიმე თქვენგანს რომ მეგობარი ჰყავდეს და შუალამისას მიადგეს და უთხრას: მეგობარო, მასესხე სამი პურიო.

6 ვინაიდან მეგობარი მომივიდა ნამგზავრი და არაფერი გამაჩნია, რომ შევთავაზოო!

7 და მან შიგნიდან გამოსძახოს: ‘ნუ მაწუხებ, კარი დაკეტილია, ბავშვებიც ლოგინში მიწვანან, არ შემიძლია წამოდგომა და პურის მოცემა.’

8 გეუბნებით თქვენ: თუ არ ადგება და არ მისცემს პურს

მეგობრობის გამო, მომაბეზრებელი თხოვნის გამო მაინც ადგება და მისცემს იმდენ პურს, რამდენიც სჭირდება.

9 და მე გეუბნებით თქვენ: ითხოვეთ და მოგეცემათ. ეძებეთ და იპოვით. დააკაკუნეთ და გაგეღებათ.

მათ.7,7;21,22. მარ.11,24. იოან.14,13. იაკ.1,6.

10 ვინაიდან ყველა, ვინც ითხოვს, ღებულობს, და ვინც ეძიებს, პოულობს და, ვინც აკაკუნებს, გაეღება.

11 რომელი მამა იქნება თქვენთაგან, რომ შვილმა პური სთხოვოს და ქვა მისცეს? ანდა თევზი სთხოვოს და თევზის წილ გველი მისცეს?

მათ.7,9.

12 ანდა, კვერცხი რომ სთხოვოს, მორიელი მისცეს?

13 ჰოდა. თუ თქვენ ბოროტებმა, იცით კეთილ მისაცემთა მიცემა თქვენი შვილებისათვის, მეტადრე ზეციერი მამა მისცემს სულიწმიდას იმათ, ვინც სთხოვს.

ებრ.12,9.

ძალითა ბელზებულისა თუ ღვთის თითით. დაგვილი სახლი

14 ერთხელ დევნიდა იგი ეშმაკს მუნჯი კაცისაგან. და, როგორც კი ეშმაკი გავიდა, მუნჯი ალაპარაკდა და გაოცდა ხალხი.

მათ.9,32;12,22.

15 ზოგიერთი ამბობდა: ბელზებულთ, ეშმაკთა მთავრით, დევნისო ეშმაკებს.

მათ.9,34;12,24. მარ.3,22.

16 ზოგი კი გამოსაცდელად მოითხოვდა მისგან ნიშანს ციდან.

1კორ.1,22.

17 ხოლო მან იცოდა მათი ზრახვები და უთხრა მათ: „ყოველი სამეფო, რომელიც თავისავე წინააღმდეგაა გაყოფილი, გაპარტახდება და სახლი სახლზე დაემხოება.

მათ.12,25. მარ.3,24.

18 და თუ სატანა გაყოფილია თავისავე წინააღმდეგ, როგორღა გასძლებს მისი სამეფო? თქვენ კი ამბობთ, ვითომ მე ბელზებულთ ვდევნიდე ეშმაკებს.

19 თუ მე ბელზებულთ ვდევნი ეშმაკებს, თქვენი შვილები ვილათი დევნიან? ამიტომ ისინი იქნებიან თქვენი მსაჯულები.

20 და თუ მე ღვთის თითით ვდევნი ეშმაკებს, აბა, მოსულა თქვენთან ღვთის სასუფეველი.

გამოს.8,19. დან.2,44.

21 როდესაც ძლიერი კაცი იარაღით იცავს თავის კარმიდამოს, მაშინ მისი ქონება მშვიდობით არის.

22 ხოლო. როდესაც მასზე ძლიერი თავს დაესხმის და დაამარცხებს, წაართმევს იარაღს, რომლის იმედიცა ჰქონდა, და ნადავლს გაანაწილებს.

23 ვინც ჩემთან არ არის, ის ჩემს წინააღმდეგაა, და ვინც ჩემთან არ აგროვებს, ის ფანტავს.

24 როცა არაწმიდა სული გამოვა ადამიანისგან, დადის უწყლო ადგილებში, ეძებს სიმშვიდეს, მაგრამ ვერ პოულობს. მაშინ ამბობს: დავბრუნდები ჩემს სახლში, საიდანაც გამოვედიო.

მათ.12,43.

25 მივა და იპოვის მას დაგვილსა და მოვლილს.

26 მაშინ წავა და მოიყვანს შვიდ სხვა სულს, თავისზე უბოროტესს, შევლენ და დასახლდებიან იქ. და იმ კაცისთვის უკანასკნელი პირველზე უარესი იქნება.“ 2პეტ.2,20. ებრ.6,4;10,26.

ნეტარ არიან მსმენელნი და დამცველნი

27 სანამ ის ამას ლაპარაკობდა, ერთმა დედაკაცმა ხმა აღიმალლა ხალხიდან და წარმოთქვა: „ნეტარია მუცელი, რომელმაც შენ გატარა და ძუძუნი, რომელთაც სწოვდი.“ ლუკ.1,48.

28 მან კი თქვა: „ნეტარ არიან ისინი, ვინც მოისმენენ და დაიცავენ ღვთის სიტყვას.“

29 როცა ხალხმა შეგროვება იწყო, იგი აღაპარაკდა: „ეს მოდგმა ბოროტი მოდგმაა: ითხოვს ნიშანს, ნიშანი კი არ მიეცემა მას, გარდა იონას ნიშნისა.“ იონა 2,1. მათ.12,39.

30 ვინაიდან, როგორც იონა იყო ნიშანი ნინევიელთათვის, ასევე იქნება ამ მოდგმისათვის კაცის ძე.

31 სამხრეთის დედოფალი აღდგება სამსჯავროზე ამ მოდგმის აღდამიანებთან ერთად და მსჯავრს დასდებს მათ, ვინაიდან იგი დედამიწის კიდიდან მოვიდა სოლომონის სიბრძნის მოსასმენად და, აჰა, აქ არის სოლომონზე დიდი. 3მფ.10,14. 2მფ.9,1. მათ.12,42.

32 ნინევიელები აღდგებიან სამსჯავროზე ამ მოდგმასთან ერთად. მსჯავრს დასდებენ მას, ვინაიდან მათ მოინანიეს იონას ქადაგებით და, აჰა, აქ არის იონაზე დიდი.“ იონა3,5. მათ.12,41.

ნათელი და ბნელი

33 „არავინ ანთებს სანთელს, რომ დადგას ფარულ ადგილას ანდა ჭურჭლის ქვეშ, არამედ სასანთლეზე, რათა შემოსულები ხედავდნენ ნათელს.“ მათ.5,15. მარ.4,21.

34 სხეულის სანთელი შენი თვალია. როცა შენი თვალი სუფთაა, მთელი შენი სხეულიც ნათელია. მაგრამ როცა იგი ბოროტია, შენი სხეულიც ბნელია. მათ.6,22.

35 ამიტომ უყურე: ნათელი, რომელიც შენშია, ბნელი ხომ არ არის?

36 თუ კი მთელი შენი სხეული ნათელია და ბნელი არაფერი აქვს, მთლიანად ნათელი იქნება იგი, თითქოს სანთელი თავისი შუქით გინათებდეს.“

37 ამას რომ ლაპარაკობდა, ერთმა ფარისეველმა სთხოვა, მასთან ესადილა. შევიდა და სუფრას მიუჯდა.

38 ფარისეველს გაუკვირდა, როცა დაინახა, რომ მან არ დაიბანა სადილის წინ. მარ.7,3.

39 უთხრა მას უფალმა: „ახლა თქვენ, ფარისეველნო, სასმისსა და საინს გარედან ასუფთავებთ, თქვენი შინაგანი კი სავსეა მტაცებლობით და ბოროტებით.“ მათ.23,25.

40 უგუნურნო, განა გარეგანის შემქმნელმა არ შექმნა შინაგანიც?

41 არამედ გაეცით მოწყალება, რაც შიგნითაა, და, აჰა, ყველაფერი სუფთა გექნებათ. ეს.58,7. დან.4,24.

ვაი ფარისევლებს

42 „მაგრამ, ვაი თქვენ, ფარისევლებო, რომ გამოჰყოფთ პიტნის, ტევანისა და ყოველნაირი ბოსტნეულის მებათეს და გვერდს უქცევთ ღვთის სამართალსა და სიყვარულს! ეს უნდა გაგეკეთებინათ და არც ის უნდა დაგეტოვებინათ. მათ.23,23.

43 ვაი თქვენ, ფარისევლებო, რომ გიყვართ პირველ ადგილზე ჯდომა სინაგოგებში და მოსალმებანი მოედნებზე!

მათ.23,6-7. მარ.12,38-39. ლუკ.20,46.

44 ვაი თქვენ, რადგან ხართ უჩინარი სამარხებივით, რომლებზეც ადამიანები დადიან და არ კი იციან!“

45 ამაზე ერთ-ერთმა რჯულის მცოდნემ უთხრა: „მოძღვარო, ამას რომ ამბობ, ამით ჩვენც გვაყენებ შეურაცხყოფას.“

46 მან კი უთხრა: „ვაი თქვენც, რჯულის მცოდნეო, რომ აჰკიდებთ ადამიანებს მძიმე ტვირთს, თვითონ კი იმ ტვირთს თითსაც არ აკარებთ. მათ.23,4. საქ.15,10.

47 ვაი თქვენ, სამარხებს რომ უშენებთ წინასწარმეტყველთ, რომელნიც თქვენმა მამებმა დახოცეს!

48 ამით თქვენ ადასტურებთ თქვენი მამების საქმეებს და ეთანხმებით მათ, ვინაიდან მათ დახოცეს წინასწარმეტყველნი, თქვენ კი მათ სამარხებს უშენებთ.

49 ამიტომ თქვა ღვთის სიბრძნემ: ‘მივუვლენ მათ წინასწარმეტყველებსა და მოციქულებს, და მათგან ზოგს დახოცავენ, ზოგს განდევნიან.’ 25შტ.36,15. ნეემ.9,26. მათ.23,34.

50 რათა ამ მოდგმას მოჰკითხოთ ყველა წინასწარმეტყველის სისხლი, რაც წუთისოფლის შექმნიდან დაღვრილა –

51 აბელის სისხლიდან მოყოლებული ზაქარია სისხლამდე, რომელიც სამსხვერპლოსა და ტაძარს შორის დაიღუპა. აჰა, გეუბნებით, ამ მოდგმას მოჰკითხავენ. დაბ.4,8. 25შტ.24,21. მათ.23,35.

52 ვაი თქვენ, რჯულის მცოდნეო, რომ წარიტაცეთ ცოდნის გასაღები! არც თქვენ შეხვედით და შემსვლელებიც დააბრკოლეთ. მათ.23,13.

53 როცა ამას ეუბნებოდა მათ, მწიგნობრებმა და ფარისევლებმა დაუწყეს დიდად შევიწროება და ბევრის სალაპარაკოდ გამოწვევა.

54 თან მახეს უგებდნენ, რომ გამოეჭირათ ნათქვამში.

თ ა ვ ი 12

დაფარული გაცხადდება

1 ამასობაში ათასობით ხალხი შეიყარა, ისე რომ ერთმანეთს თელავდნენ. პირველად დაიწყო ლაპარაკი თავის მოწაფეების

მიმართ: „მოერიდეთ ფარისეველთა საფუარს, რომელიც პირ-
მოთნეობაა. მათ.16,6. მარ.8,5.

2 არაფერია დაფარული, რომელიც არ გაცხადდება, და იდუ-
მალი, რომელიც არ შეიცნობა. მათ.10,26. მარ.4,22. ლუკ.8,17.

3 ამიტომ, რაც ბნელში გითქვამთ, ნათელში მოისმენენ, და
რაც ყურში იჩურჩულეთ, ოთახებში, ერდო-ბანზე გახმაურდება.

4 გეუბნებით თქვენ, ჩემო მეგობრებო, ნუ გეშინიათ მათი,
ვინც სხეულსა კლავს და ამის მეტის არაფრის გაკეთება არ
შეუძლია. ეს.8,12;51,7. იერ.1,8. მათ.10,28.

5 მაგრამ გაჩვენებთ, ვისი უნდა გეშინოდეთ: გეშინოდეთ
მისი, ვისაც მოკვლის შემდეგ აქვს ხელმწიფება გეენაში ჩაგდე-
ბისა. აჰა, გეუბნებით, მისი გეშინოდეთ.

6 ანდა, განა ხუთი ბელურა ორი ასარი არა ღირს? და არც
ერთი მათგანი დავიწყებული არ არის ღვთის წინაშე. მათ.10,29.

7 თქვენს თავზე კი თმებიც დათვლილია. ჰოდა, ნუ გეშინ-
იათ, თქვენ ბევრ ბელურაზე უკეთესნი ხართ. ლუკ.21,18.

8 ამასაც გეტყვით: ყველას, ვინც მე მალიარებს აღადმიანთა
წინაშე, კაცის ძეც აღიარებს ღვთის ანგელოზთა წინაშე.

მათ.10,32. მარ.8,38. ლუკ.9,26. 2ტიმ.2,12.

9 ხოლო, ვინც უარყოფს აღადმიანთა წინაშე, ისიც უარყო-
ფილი იქნება ღვთის ანგელოზთა წინაშე.

10 ყველას, ვინც იტყვის სიტყვას კაცის ძის წინააღმდეგ,
მიეტევება. მაგრამ სულიწმიდის წინააღმდეგ გმოზა არ მიეტე-
ვება. მათ.12,31. მარ.3,38. 1იოან.5,16.

11 როცა შეგიყვანენ სინაგოგებში მთავართა და ხელისუ-
ფალთა წინაშე, ნუ იზრუნებთ იმაზე, როგორ ან რა უპასუხოთ
ან რა ილაპარაკოთ. მათ.10,19. მარ.13,11.

12 ვინაიდან სულიწმიდა გასწავლით მაშინ, რაც უნდა ილა-
პარაკოთ.“

იგავი უგუნურის სიმდიდრეზე

13 ხალხიდან ვილაცამ უთხრა მას: „მოძღვარო, უთხარი ჩემს
ძმას, რომ გამიყოს მემკვიდრეობა.“

14 მან კი უთხრა: „აღადმიანო, ვინ დამაყენა თქვენს მსაჯულად
ან გამყოფად?“

15 მათ უთხრა: „დაუკვირდით და დაიცავით თავი ყოველი
ანგარებისაგან, ვინაიდან აღადმიანის სიცოცხლე მისი ქონების
სიუხვეზე როდია დამოკიდებული.“ მარ.4,19. 1ტიმ.6,9.

16 და უთხრა მათ იგავი: „ერთ მდიდარ კაცს ყანაში კარგი
მოსავალი მოუვიდა.

17 იფიქრა თავისთვის: ‘რა ვქნა, არაფერი მაბადია, რომ
სადმე დავაბინავო ჩემი მოსავალი?’

18 თქვა: ‘აი, რას ვიზამ: ჩემს ბელლებს დავანგრევ, უფრო
დიდებს ავაშენებ და იქ შევკრიბავ მთელ ჩემს ხორბალს და
დოვლათს.

19 ვეტყვი ჩემს სულს: სულო, ბევრი სიკეთე გაქვს დაგროვილი მრავალი წლისათვის: მოისვენე, ჭამე, სვი, იმხიარულე.

1კორ.15,32.

20 მაგრამ ღმერთმა უთხრა მას: 'უგუნურო, ამაღამ სულს მოგთხოვენ და, რაც დაიმზადე, ვილას დარჩება?'

იოზ.20,22. ეს.38,7. იერ.17,11.

21 ისიც ასევეა, ვინც თავისთვის იუნჯებს და ღმერთში არ მდიდრდება."

მათ.6,20. 1ტიმ.6,19.

ექვთ ციური სასუფეველი

22 უთხრა თავის მოწაფეებს: „ამიტომ გეუბნებით თქვენ: ნუ ზრუნავთ თქვენი სულისათვის – რა ჭამოთ, ნურც თქვენი სხეულისათვის – რით შეიმოსოთ.

ფსალ.54,23. მათ.6,25. 1პეტ.5,7.

23 ვინაიდან სული საზრდოზე მეტია და სხეული – სამოსელზე.

24 დააკვირდით ყორნებს: ისინი არც თესავენ, არც მკიან, არც ბელელი აქვთ და არც საწყობი, და ღმერთი არჩენს მათ. თქვენ კი რამდენად სჯობიხართ ფრინველებს?

ფსალ.103,27-28.

25 რომელ თქვენგანს შეუძლია ზრუნვით თავის სიმაღლეს წყრთა შემატოს?

26 ჰოდა, თუ უმცირესიც არ შეგიძლიათ, სხვაზე რაღას ზრუნავთ?

27 შეხედეთ შროშანებს, როგორ იზრდებიან: არც შრომობენ, არც ართავენ. მაგრამ გეუბნებით თქვენ, რომ სოლომონიც კი, მთელი თავისი დიდებით, არ შემოსილა ისე, როგორც ერთი ამათგანი.

28 თუკი ველის ბალახს, რომელიც დღეს არის, ხვალ კი თონეში ჩაიყრება, ღმერთი ამგვარად მოსაგს, თქვენ უფრო მეტად არ შეგმოსავთ. მცირედ მორწმუნენო?

29 თქვენც ნუ ეძებთ, რა ჭამოთ და რა სვათ, და ნუ შფოთავთ.

30 ვინაიდან ყოველივე ამას ეძიებს ამ წუთისოფლის ყველა ხალხი: თქვენმა მამამ იცის, რომ გჭირდებათ ესენი.

31 არამედ ეძიეთ ღვთის სასუფეველი და ყოველივე ეს მოგეცემათ თქვენ.

მათ.6,33;10,30.

32 ნუ გეშინია მცირე სამწყსოვ, ვინაიდან თქვენმა ზეციერმა მამამ მოისურვა თქვენთვის სასუფეველის მოცემა.

33 გაყიდეთ ქონება თქვენი და გაეცით მოწყალება. დაიმზადეთ უცვთელი ქისები. საუკუნოდ უღეველი საუნჯე ზეცაში, სადაც ქურდი ვერ მიეკარება და ჩრჩილი ვერ დააზიანებს.

მათ.6,20.

34 ვინაიდან, სადაც თქვენი საუნჯეა, თქვენი გულიც იქ იქნება.

ერთგული განმგებელი

35 „იყოს თქვენი წელი შემოსარტყლული და სასანთლენი თქვენი – ანთებული.

1პეტ.1,13. ეფეს.3,16.

36 თქვენ კი იყავით მსგავსნი იმ ადამიანებისა, რომლებიც ელიან თავიანთი ბატონის დაბრუნებას ქორწილიდან, რომ როცა მოვა და დააკაკუნებს, იმწამსვე გაუღონ.

37 ნეტარ არიან ის მონები, რომლებსაც შინ დაბრუნებული ბატონი ფხიზლებს ნახავს. ჭეშმარიტად გეტყვით, რომ ის შემოირტყამს სარტყელს და დასხამს მათ, მივა და მოემსახურება.

38 თუ მეორე ან მესამე გუშაგობისას მოვა და ასე ნახავს, ნეტარ არიან ის მონები.

39 ეს კი იცოდეთ: სახლის პატრონმა რომ იცოდეს, რომელ საათზე მივა ქურდი, იფხიზლებდა და თავისი სახლის ძირგამოთხრას არ დაანებებდა. მათ.24,43. 2პეტ.3,10. 1თეს.5,2. გამოცხ.16,15.

40 ამიტომ თქვენც მზად იყავით, ვინაიდან, რომელ საათზეც არ ფიქრობთ, სწორედ მაშინ მოვა კაცის ძე.

41 პეტრემ უთხრა მას: „უფალო, ამ იგავს ჩვენ გვეუბნები თუ ყველას?“

42 უფალმა უთხრა: „ვინ არის ერთგული და გონიერი განმგებელი, რომელსაც დააყენებს ბატონი თავის მსახურებზე, რათა დროულად მისცეს მათ ულუფა? მათ.24,45.

43 ნეტარია მონა, რომლის ბატონი მოვა და ამის მოქმედს ნახავს მას.

44 ჭეშმარიტად გეუბნებით თქვენ, რომ მთელ თავის ქონებაზე დააყენებს მას.

45 ხოლო თუ ეს მონა თავის გუნებაში იტყვის: აგვიანებს ჩემი ბატონი მოსვლასო, და დაიწყებს მსახურებისა და მხევლების ცემას, ჭამა-სმას და ლოთობას,

46 მოვა იმ მონის ბატონი იმ დღეს, როცა არ ელის, და იმ ჟამს, როდესაც არ იცის, შუაზე გაჰკვეთს მას და ურწმუნოებთან დაუდებს წილს.

47 ხოლო მონა, რომელმაც იცოდა თავისი ბატონის ნება და არ მოამზადა ან არ მოიქცა მისი ნებისამებრ, მაგრად იცემება. იოან.15,22.

48 ხოლო რომელმაც არ იცოდა და ისე მოიქცა, რომ ცემა დაიმსახურა, ნაკლებად იცემება. ყველას, ვისაც მეტი მიეცა, მეტს მოსთხოვენ, და ვისაც მეტს მიანდობენ, მას მეტსაც მოჰკითხავენ.

ოჯახის გაყოფა და მომავალი განკითხვა

49 „დედამიწაზე ცეცხლის მოსატანად მოვედი და როგორ მინდა, რომ უკვე ენთოს.

50 ნათლობით უნდა მოვინათლო და როგორ შეჭირვებული ვარ, ვიდრე ეს აღსრულდება. მათ.20,22.

51 გკონიათ, ვითომ დედამიწაზე მშვიდობის მოსაფენად მოვედი? არა, გეუბნებით თქვენ: გასაყოფად.

52 ვინაიდან ამიერიდან ხუთნი გაიყოფიან ერთ სახლში: სამნი ორის წინააღმდეგ და ორი სამის წინააღმდეგ.

53 მამა იქნება ძის წინააღმდეგ და ძე – მამის წინააღმდეგ, დედა – ასულისა და ასული – დედის წინააღმდეგ.“ მიქ.7,6.

54 ხალხსაც უთხრა: „როდესაც დასავლეთით ამომავალ ღრუბელს დაინახავთ, ამბობთ იმწამსვე: წვიმა მოვაო, და ასეც ხდება.“ მათ.16,2.

55 ხოლო, როდესაც სამხრეთის ქარი უბერავს, ამბობთ: სიციხე იქნებაო, და ხდება.

56 თვალთმაქცნო! ცისა და მიწის პირის გამოცნობა შეგიძლიათ, ეს ჟამი კი როგორ ვერ გამოგიცვნიათ?

57 თავად რატომ არ განსჯით, რა არის სამართლიანი?

58 როცა შენ მოდავესთან ერთად მთავართან მიდიხარ, ეცადე გზაშივე გათავისუფლდე მისგან, რომ მან არ მიგიყვანოს მოსამართლესთან, მოსამართლემ არ მიგცეს ბოქაულს და ბოქაულმა არ ჩაგაგდოს საპყრობილეში.“ მათ.5,25.

59 გეუბნები: იქიდან ვერ გამოხვალ, ვიდრე უკანასკნელ გროშს არ გადაიხდი.“

თ ა ვ ი 13

იგავი ლელვზე

1 ამ დროს მოვიდნენ ზოგიერთები და უამბეს მას გალილეველთა შესახებ, რომელთა სისხლი პილატემ შეურიო მათ მსხვერპლებს.

2 იესომ მიუგო და უთხრა მათ: „თქვენ გგონიათ, ვითომ ეს გალილეველები ყველა სხვა გალილეველზე უფრო ცოდვილები იყვნენ, რომ ასე დაიტანჯნენ?“

3 არა, გეუბნებით: თუ არ მოინანიებთ, ყველანი მათსავით დაიღუპებით.

4 ან რა გგონიათ, ის თვრამეტი კაცი, რომელთაც სილოამის კოშკი დაეცა და ამოწყვიტა, უფრო დამნაშავენი იყვნენ, ვიდრე ყველა ის ადამიანები, რომლებიც იერუსალიმში მკვიდრობენ?

5 არა, გეუბნებით: თუ არ მოინანიებთ, ყველანი მათსავით დაიღუპებით!“

6 უთხრა ეს იგავი: „ერთ კაცს თავის ვენახში ლელვი ედგა. მივიდა, რომ მასზე ნაყოფი მოეძებნა და ვერ იპოვა.

7 უთხრა მევენახეს: ‘აჰა, სამი წელია მოვდივარ ამ ლელვის ნაყოფის საძებნელად და ვერ ვპოულობ. მოსჭერი იგი, რად უნდა ფიტავდეს მიწას?’“ მათ.21,19.

8 მან კი მიუგო პასუხად: ‘ბატონო, დატოვე ამ წელიწადსაც, ვიდრე ძირს შემოვუთოხნიდე და ნაკელს მოვაყრიდე,

9 იქნებ მოისხას ნაყოფი. თუ არა და, მოსჭერი მას.’“

დედაკაცის განკურნება შაბათს

10 ერთხელ ასწავლიდა იგი ერთ სინაგოგაში შაბათს.

11 იქ იყო დედაკაცი, რომელიც თვრამეტ წელიწადს შეპყრობილი იყო სნეულების სულით, დაკრუნჩხული იყო და წელში ვერ იმართებოდა.

12 დაინახა იგი იესომ, მოიხმო და უთხრა: „დედაკაცი, თავისუფალი ხარ შენი სნეულებისაგან.“

13 დაასხა ორივე ხელი და მაშინვე გაიმართა იგი და აღიდებდა ღმერთს.

14 ხოლო სინაგოგის უფროსი განრისხდა, შაბათს რომ განკურნა იესომ, და უთხრა ხალხს: „ექვსი დღეა, როცა შეიძლება რაიმეს კეთება; ამ დღეებში მოდიოდა და განიკურნეთ, იღონდ შაბათს – არა.“

15 უფალმა კი პასუხად უთხრა: „თვალთმაქცო, განა ყოველი თქვენგანი არ უშვებს შაბათობით ბაგიდან თავის ხარს ან ვირს და არ მიჰყავს წყლის დასალევად?“

16 ხოლო ეს აბრაამის ასულია, რომელიც უკვე თვრამეტი წელიწადია შეკრული ჰყავდა სატანას. განა შაბათ დღეს არ უნდა გამოხსნილიყო ამ ხუნდებისგან?“

17 როცა ამას ლაპარაკობდა, მის ყველა მოწინააღმდეგეს რცხვენოდა. ხოლო მთელი ხალხი ხარობდა მისი დიდებული საქმეების გამო, რასაც სჩადიოდა.

იგავი მდოგვის მარცვალსა და საფუარზე

18 მან თქვა: „რას შეჰგავს ღვთის სასუფეველი და რას ვამსგავსო იგი?“
მათ.13,31. მარ.4,30.

19 იგი შეჰგავს მდოგვის მარცვალს, რომელიც აიღო კაცმა და დათესა თავის ბაღში. გაიზარდა იგი და იქცა ხედ, და მის ტოტებში ცის ფრინველებმა დაიბუდეს.“

20 კიდევ თქვა: „რას ვამსგავსო ღვთის სასუფეველი?“ მათ.13,33.

21 იგი წააგავს საფუარს, რომელიც დედაკაცმა აიღო და ჩაფლა სამ საწყაო ფქვილში, ვიდრე მთლიანად გაფუცდებოდა.“

როცა ვიწრო კარი დაიკეტება

22 დადიოდა ქალაქებსა და სოფლებში, ასწავლიდა და თან იერუსალიმის გზას ადგა.
მათ.9,35. მარ.6,6.

23 ვილაცამ უთხრა მას: „უფალო, ნუთუ ცოტანი გადარჩებიან?“ მან კი უთხრა მათ:

24 „იღვაწეთ, რათა შეხვიდეთ ვიწრო კარიდან. რადგან, გეუბნებით, მრავალი ეცდება შესვლას და ვერ შეძლებს.“ მათ.7,13.

25 როდესაც სახლის პატრონი წამოდგება და დაკეტავს კარს, მაშინ თქვენ, გარეთ მდგომნი, დაიწყებთ კარზე კაკუნს და ეტყვით: ‘ბატონო, ბატონო, გაგვიღე!’ მაგრამ ის პასუხად გეტყვით: ‘არ გიცნობთ, სადაურები ხართ.’ მათ.7,23;25,10. ლუკ.6,46.

26 მაშინ დაუწყებთ ლაპარაკს: ‘შენს წინაშე ვჭამდით და ვსვამდით, და ჩვენს ქუჩებში ასწავლიდი.’

27 მაგრამ ის გეტყვით: 'გეუბნებით, არ გიცნობთ, სადაურები ხართ. გამშორდით ყველანი, უსამართლობის მოქმედნო.'

ფსალ.6,9. მათ.25,41. 1კორ.8,3. 2ტიმ.2,19.

28 იქ იქნება ტირილი და კბილთა ღრჭენა, როცა იხილავთ აბრაამს და ისაკს და იაკობს და ყველა წინასწარმეტყველს ღვთის სასუფეველში, თქვენ თავს კი – გარეთ განდევნილებს.

29 მოვლენ აღმოსავლეთიდან და დასავლეთიდან, ჩრდილოეთიდან და სამხრეთიდან, და ინახად დასხდებიან ღვთის სასუფეველში.

დაბ.28,14. ეს.2,3;49,6;60,3. მალ.1,11.

30 და აჰა, არიან უკანასკნელნი, რომელნიც პირველნი იქნებიან, და არიან პირველნი, რომელნიც უკანასკნელნი იქნებიან.“

მათ.19,30. მარ.10,31. საქ.10,45;28,28.

იესოს პასუხი ჰეროდეს

31 ამ დროს მოვიდა ზოგი ფარისეველთაგანი და უთხრა: „წადი, გაეცალე აქაურობას, რადგან ჰეროდეს შენი მოკვლა უნდა.“

32 მან უთხრა მათ: „წადით და უთხარიტ იმ მელას: აჰა, ვდევნი ეშმაკებს და გკურნავ დღესა და ხვალ, მესამე დღეს კი დავასრულებ.“

33 მაგრამ მე უნდა ვიარო დღეს, ხვალ და ზეგ, ვინაიდან არ იქნება, რომ წინასწარმეტყველი იერუსალიმის გარეთ დაიღუპოს!

იერუსალიმო! იერუსალიმო!

34 „იერუსალიმო, იერუსალიმო, დამხოცველო წინასწარმეტყველთა და ჩამქოლავო შენთან მოვლინებულთა! რამდენჯერ მინდოდა შენი შვილების შეკრება, როგორც ფრინველი კრებს ფრთებქვეშ თავის ბარტყებს, მაგრამ თქვენ არ ისურვეთ.“

მათ.23,37.

35 აჰა, სახლი ოხრად გრჩებათ. გეუბნებით: ველარ მიხილავთ ამიერიდან, ვიდრე არ იტყვით: 'კურთხეულია უფლის სახელით მომავალი!'“

თ ა ვ ი 14

განკურნება შაბათს

1 მოხდა ისე, რომ შაბათს იგი პურის საჭმელად მივიდა ფარისეველთა ერთ-ერთ მთავართან, ისინი კი უთვალთვალდნენ მას.

2 და აჰა, მის წინაშე წარდგა ერთი კაცი, წყალმანკით დაავადებული.

3 ამჯერად იესომ ჰკითხა რჯულის მცოდნეებსა და ფარისეულებს: „შეიძლება თუ არა მკურნალობა შაბათს?“

4 ისინი დუმდნენ. მაშინ შეეხო მას, განკურნა და გაუშვა.

5 მათ კი უთხრა: „რომელიმე თქვენგანს ვირი ან ხარი რომ ჩაუვარდეს ჭაში, განა იმ წამსვე არ ამოიყვანს, შაბათი დღეც რომ იყოს?“

6 ვერ შეძლეს ამაზე პასუხის მიცემა.

საწყლების მოწვევა ნადიმზე

7 რაკი შეამჩნია, რომ მოწვეულნი წინა ადგილებს ირჩევდნენ, უთხრა მათ იგავი:

8 „თუ ვინმემ ქორწილში მოგიწვიოს, ნუ დაჯდები წინა ადგილზე, რადგან შეიძლება შენზე უფრო საპატიო სხვა ჰყავდეს მას მოწვეული.“ იგ.25,6.

9 რომ არ მოვიდეს შენი და მისი მასპინძელი და არ გითხრას: ‘დაუთმე ამას ადგილი!’ მაშინ შერცხვენილმა უნდა დაიკავო უკანასკნელი ადგილი.

10 ხოლო როდესაც მოგიწვევენ, მიდი და დაჯექ უკანასკნელ ადგილზე, რომ მოვიდეს შენი მასპინძელი და გითხრას: ‘მეგობარო, გადაბრძანდი უფრო მაღლა!’ მაშინ გექნება მეტი ღირება ყოველი თანამეინახის წინაშე.

11 ვინაიდან ყველა, ვინც თავს აიმაღლებს, დამდაბლდება, და ვინც თავს დაიმდაბლებს – ამაღლდება.“ მათ.23,12. ლუკ.18,14.

12 თავის მასპინძელსაც უთხრა: „როდესაც სადილს ან ვახშამს გამართავ, ნუ მოიწვევ შენს მეგობრებს, ნურც შენს ძმებს, ნურც შენს ნათესავებს, ნურც მდიდარ მეზობლებს, რათა მერე იმათაც არ მიგიწვიონ და არ მიიღო სამაგიერო.“ იგ.3,27-28.

13 არამედ, როცა ლხინს გამართავ, მოიწვიე გლახანი, ხეიბრები, კოჭლები და ბრმები.

14 ნეტარი იქნები, რადგან მათ არაფერი აქვთ, შენ რომ მოგიზღაუნ. ამიტომ შენ მართალთა აღდგომისას მოგეზღვება.“

15 ეს რომ გაიგონა. ერთმა მასთან მჯდომმა, უთხრა მას: „ნეტარია, ვინც ჭამს პურს ღვთის სასუფეველში.“

მომზადება დიდი ვახშმისა და მოწვეულების უარი

16 მან კი უთხრა: „ერთმა კაცმა დიდი ვახშამი გამართა და ბევრი მოიწვია.“ იგ.9,2. მათ.22,2. გამოცხ.19,9.

17 სერობის დრომ რომ მოაწია, გაგზავნა თავისი მონა, რათა წვეულთათვის ეთქვა: მობრძანდით, ყველაფერი მზად არისო.

18 ყველამ ერთხმად დაიწყო მობოდიშება. პირველმა თქვა: ყანა ვიყიდე და მის სანახავად უნდა წავიდე, გთხოვ, მაპატიოო.

19 მეორემ უთხრა: ხუთი უღელი ხარი ვიყიდე და მათ გამო-საცდელად მივდივარ, გთხოვ, მაპატიოო.

20 მესამემ უთხრა: ცოლი შევირთე და ამის გამო არ შემოძლია მოსვლაო.

21 დაბრუნდა მონა უკან და აუწყა ეს თავის ბატონს. განრისხდა მაშინ მასპინძელი და უთხრა თავის მონას: 'გადი სასწრაფოდ, ქალაქის ქუჩებსა და შესახვევებში, მომიყვანე გლახაკნი, ხეიბრები, ბრძეები და კოჭლები.' მათ.5,3. 1კორ.1,27-28.

22 უთხრა მონამ: 'ბატონო, აღსრულებულია რაც ბრძანე, და კიდევ დარჩა ადგილი.'

23 ბატონმა უთხრა მონას: 'გადი გზებზე და ორლობებში, დაიყოლიე ისინი, რომ მოვიდნენ, რათა აივსოს ჩემი სახლი;

24 რადგან გეუბნებით: ვერავინ იმ წვეულთაგან ვერ იგემებს ჩემს ვახშამს!'“ მათ.22,8.

საკუთარი ჯვრის ტარება.

25 დიდძალი ხალხი მივიდა მასთან, და ის მიუბრუნდა მათ და უთხრა:

26 „თუ ვინმე მოვა ჩემთან და არ მოიძულებს თავის მამას და დედას, ცოლსა და შვილებს, ძმებსა და დებს, საკუთარ სულსაც კი, იგი ვერ გახდება ჩემი მოწაფე.

27 ვინც არ აიღებს თავის ჯვარს და ისე არ გამომყვება, ვერ გახდება ჩემი მოწაფე. მათ.10,37.38;16,24. მარ.8,34. ლუკ.9,23. 2ტიმ.3,12.

28 რადგან რომელიმე თქვენგანმა რომ კოშკის აშენება მოისურვოს, განა თავდაპირველად არ დაჯდება და არ გამოთვლის იმ ფასს, რაც მის დასამთავრებლად იქნება საჭირო?

29 რადგან საძირკველს თუ ჩაყრის და ვერ დაამთავრებს, ყველა, ვინც დაინახავს, დაცინვას დაუწყებს,

30 და იტყვის: ამ კაცმა შენება დაიწყო და ველარ დაამთავრაო.

31 ანდა, რომელი მეფეა, რომ მეორე მეფის წინააღმდეგ ომის განმზრახველი ჯერ სათათბიროდ არ დაჯდეს, შეუძლია თუ არა ათი ათასით დაუხვდეს ოცი ათას მომხვდურს?

32 თუ არა და, ვიდრე ჯერ კიდევ შორს არის იგი, ელჩობას მიუგზავნის, და ზავსა სთხოვს.

33 ასევეა ყოველი თქვენგანი. ვინც უარს არ იტყვის ყველაფერზე, რაც გააჩნია, ვერ შეძლებს, ჩემ მოწაფედ ყოფნას.

34 მარილი კარგია, მაგრამ, თუ მარილი განქარდა რილათი დამარილდეს? მათ.5,13. მარ.9,50.

35 არც მიწისთვის გამოდგება, არც ნაკელისთვის, ამიტომ შორს გადაყრიან. ვისაც ყურები აქვს მოსასმენად, ისმინოს!“

თ ა ვ ი 15

დაკარგულ ცხვარზე

1 ყველა მებაჟე და ცოდვილი მიუახლოვდა მას და უსმენდა.

2 ფარისეველნი და მწიგნობარნი ბუზღუნებდნენ და ამბობდნენ: ცოდვილებს ღებულობს და მათთან ჭამსო.

3 მან კი უთხრა მათ იგავი:

4 „რომელმე თქვენგანს რომ ასი ცხვარი ჰყავდეს და ერთი დაეკარგოს, განა არ დატოვებს ოთხმოცდაცხრამეტს უდაბნოში და არ წავა დაკარგულის საძებრად, ვიდრე არ იპოვის? მათ.18.12.

5 რომ იპოვის, სიხარულით მხრებზე შეისვამს.

6 შინ რომ დაბრუნდება, დაუძახებს მეგობრებს, მეზობლებს და ეტყვის: თქვენც იხარეთ ჩემთან ერთად, დაკარგული ცხვარი ვიპოვეო.

7 თქვენ გეუბნებით: რომ ასევე უფრო მეტი სიხარული იქნება ზეცაში ერთი ცოდვილის გამო, რომელმაც მოინანია, ვიდრე იმ ოთხმოცდაცხრამეტი მართლის გამო, რომელთაც მონანიება არ სჭირდებათ.

დაკარგულ შვილზე

8 „ანდა დედაგაცი, რომელსაც ათი დრაქმა აქვს, ერთი დრაქმა რომ დაეკარგოს, განა არ აანთებს სანთელს და არ გამოგვის სახლს და გულმოდგინედ არ დაუწყებს ძებნას, ვიდრე არ იპოვის?

9 როცა იპოვის, დაუძახებს დობილებს და მეზობლებს და ეტყვის: ჩემთან ერთად იხარეთ, ვინაიდან ვიპოვე დაკარგული დრაქმაო.

10 თქვენ გეუბნებით: ასევე იქნება სიხარული ღვთის ანგელოზებთან ერთი მონანიე ცოდვილის გამო.“

დაკარგულ ძეზე

11 კიდევ თქვა: „ერთ კაცს ორი ვაჟი ჰყავდა.

12 უმცროსმა ვაჟმა უთხრა მამას: ‘მომეცი ჩემი კუთვნილი წილი ქონებისა.’ და გაუყო მათ მამამ ქონება.

13 რამდენიმე დღის შემდეგ უმცროსმა ვაჟმა მოაგროვა ყველაფერი, წავიდა შორეულ ქვეყანაში და გაფლანგა თავისი ქონება თავაშვებულნი ცხოვრებით.

14 როცა ყველაფერი შემოეხარჯა, იმ ქვეყანაში დიდი შიმშილობა ჩამოვარდა, და მას გაუჭირდა.

15 წავიდა და იმ ქვეყნის ერთ მცხოვრებს მიეკედლა, რომელმაც თავის მინდვრებში გაგზავნა ღორების საძოვებლად.

16 ენატრებოდა, მუცელი იმ რკოთი ამოეყორა, რომელსაც ღორები ჭამდნენ. არავინ არაფერს აძლევდა.

17 როცა გონს მოეგო, თქვა: ‘მამაჩემთან რამდენ მოჯამაგირეს პური თავსაყრელი აქვს, მე კი შიმშილით ვკვდები.

18 ავდგები, წავალ მამაჩემთან და ვეტყვი: მამაო, შევცოდე ზეცის მიმართ და შენს წინაშე,

19 ღირსი აღარა ვარ, რომ შენს ძედ ვიწოდებოდე. მიმიღე როგორც ერთი შენი მოჯამაგირეთაგანი!’

20 აღგა და წავიდა თავის მამასთან. როცა ჯერ კიდევ შორს იყო, მამამ დაინახა და შეეხრა. გაიქცა, კისერზე შემოეხვია და დაკოცნა.

21 ვაჟმა კი უთხრა: ‘მამა! შევცოდე ზეცის მიმართ და შენს წინაშე. ღირსი აღარა ვარ, რომ შენს ძედ ვიწოდებოდე.’

22 მამამ უთხრა თავის მონებს: ‘მოუტანეთ საუკეთესო სამოსელი და ჩააცვით, გაუკეთეთ ბეჭედი ხელზე და სანდლები ჩააცვით ფეხებზე.’

23 მოიყვანეთ ნასუქალი ხბო და დაკალით. ვჭამოთ და ვიმხიარულოთ.

24 ვინაიდან ეს ჩემი ვაჟი მკვდარი იყო და გაცოცხლდა, დაკარგული იყო და გამოჩნდა.’ და დაიწყეს მხიარულება.

ეფეს.2,1;5,14. კოლ.2,13. გამოცხ.3,1.

25 უფროსი ვაჟი კი მინდორში იმყოფებოდა. რომ დაბრუნდა და სახლს მიუახლოვდა, სიმღერისა და ცეკვა-თამაშის ხმა შემოესმა.

26 დაუძახა ერთ მსახურთაგანს და ჰკითხა: ‘ეს რა ამბავია?’

27 მან უთხრა: ‘შენი ძმა მოვიდა და მამაშენმა ნასუქალი ხბო დაკლა, რაკი მრთელი დაუბრუნდა.’

28 ის კი გაბრაზდა და შესვლა აღარ უნდოდა. მამამისი გამოვიდა და თხოვდა.

29 მან კი პასუხად უთხრა მამას: ‘აგერ, რამდენი წელია გემსახურები, არასოდეს შენს ბრძანებას არ გადავსულვარ და ერთხელაც არ მოგიცია ციკანი, რომ ჩემს მეგობრებთან მემხიარულა.’

30 ხოლო, როცა მოვიდა ეს შენი ვაჟი, რომელმაც თავისი ქონება მეძავეებთან გაფლანგა, ნასუქალი ხბო დაუკალი.’

31 მან კი უთხრა: ‘შვილო, შენ მუდამ ჩემთან ხარ და, რაც კი რამ გამაჩნია, შენია.’

32 მაგრამ უნდა ვხარობდეთ და ვმხიარულობდეთ, ვინაიდან შენი ძმა მკვდარი იყო და გაცოცხლდა, დაკარგული იყო და გამოჩნდა.’

თ ა ვ ი 16

ორგულ განმგებელზე

1 მოწაფეებსაც უთხრა: „იყო ერთი მდიდარი კაცი და ჰყავდა განმგებელი რომელზეც ამბავი მიუტანეს, რომ მის ქონებას ანიავებდა.

2 დაიბარა და უთხრა: ‘ეს რა მესმის შენზე? ჩამაბარე შენი განმგებლობის ანგარიში, ვინაიდან განმგებელი ველარ იქნები.’

3 განმგეაყლდა თქვა თავისთვის: 'როგორ მოვიქცე? ჩემი ბატონი მართმევს განმგებლობას. ბარვა არ შემოძლია, მათხოვრობის მრცხვენია.'

4 ვიცო, როგორ უნდა მოვიქცე, რომ მიმიღონ თავიანთ სახლებში, როცა მნეობას ჩამომაშორებენ.'

5 დაიბარა თავისი ბატონის ყველა მოვალე. პირველს უთხრა: 'რამდენი გმართებს ჩემი ბატონისა?'

6 მან თქვა: 'ასი საწყაო ზეთი.' უთხრა მას: 'აილე შენი საბუთი, დაჯექი სასწრაფოდ და დაწერე: ორმოცდაათი.'

7 მეორე სხვას ჰკითხა: 'შენ რამდენი გმართებს?' მან თქვა: 'ასი კოდი ხორბალი.' მან უთხრა: 'აილე შენი თამასუქი და დაწერე: ოთხმოცი.'

8 შეაქო ბატონმა უსამართლო განმგებელი ხერხიანად რომ მოიქცა. ვინაიდან ამ წუთისოფლის შვილები ნათლის შვილებზე მოხერხებულნი არიან თავიანთი მოდგმით.

9 მეც გეუბნებით თქვენ: შეიძინეთ მეგობრები უსამართლობის მამონისგან, რომ, როცა გაღარიბდებით, მიგიღონ მარადიულ საგანში. მათ.6,19;19,21.

10 მცირედში ერთგული ბევრშიც ერთგულია; ხოლო ვინც მცირედშიც უსამართლოა, ბევრშიც უსამართლოა. მათ.25,21.

11 ჰოდა, თუ უსამართლო მამონაში ერთგულნი არ იყავით, ჰეშმარიტს ვინ განდობთ?

12 და თუ სხვისაში არ იყავით ერთგულნი, თქვენსას ვინ მოგცემთ?

13 არც ერთ მსახურს არ შეუძლია ორ ბატონს ემსახუროს: ან ერთი უნდა სძულდეს და მეორე უყვარდეს; ანდა იმ ერთს შეეთვისოს და მეორე დაამციროს. ვერ შეძლებთ ღმერთსაც ემსახუროთ და მამონასაც!“ მათ.6,24.

14 ყოველივე ეს ესმოდათ ფარისევლებსაც, რომლებიც ვერცხლის მოყვარულნი იყვნენ, და დასცინოდნენ მას. 1ტიმ.6,10.

15 უთხრა მათ: „თქვენს თავს იმართლებთ ადამიანთა წინაშე, მაგრამ ღმერთმა იცის თქვენი გული, ვინაიდან, რაც კაცთა შორის ამაღლებულია, ღვთის წინაშე სისადაგლეა. 1მფ.16,7. იერ.1,20.

16 რჯული და წინასწარმეტყველნი იოანემდე იყო; მას შემდეგ ღვთის სასუფეველი იხარება და ძალით შედის ყველა მასში. მათ.11,12.

17 უმაღ ცა და მიწა გადაივლის, ვიდრე ერთი წერტილი ამოვარდება რჯულიდან. ეს.40,48.

18 ყოველი, ვინც თავის ცოლს გაუშვებს და სხვას შეირთავს, მრუშობს, და, ვინც ქმრის მიერ გაშვებულს შეირთავს, მრუშობს. 2შჯ.24,1. მათ.19,9.

მდიდარი და ლაზარე

19 „იყო ერთი მდიდარი კაცი, ძოწეულსა და ბისონს იცვამდა, ყოველდღე ღიდებულად ნადიმობდა.

20 ასევე იყო ერთი გლახაკი, სახელად ლაზარე, რომელიც მის ჭიშკართან იწვა, ერთიანად დაწყლულებული.

21 ენატრებოდა მდიდრის სუფრიდან გადმოცვენილი ნამცეცებით გაძლომა. ძაღლები მოდიოდნენ და წყლულებს ულოკავდნენ.

22 მოკვდა ის გლახაკი და ანგელოზებმა მიიყვანეს აბრაამის წიაღში. მდიდარიც მოკვდა და დამარხეს.

23 და ჯოჯოხეთში, ტანჯვა-წამებაში მყოფმა, აახილა თვალები და დაინახა შორიდან აბრაამი და ლაზარეც მის წიაღში.

24 შესძახა და თქვა: 'მამაო აბრაამ, შემიწყალე და მომივლინე ლაზარე, რომ დაისვენოს თავისი თითის წვერი წყალში და ენა გამიგრძლოს, ვინაიდან ვიტანჯები ამ ალში.'

25 მაგრამ აბრაამმა უთხრა: 'შვილო, გაიხსენე, რომ უკვე მიიღე შენს სიცოცხლეში სიკეთე და ლაზარემ კი - სიავე. ახლა ის აქ ნუგეშდებულია, შენ კი იტანჯები.'

იოზ.21,7.13.

26 ყოველივე ამის გარდა ჩვენსა და თქვენს შორის დიდი უფსკრულია დამყარებული, ისე რომ, აქედან თქვენსკენ გადმოსვლის მსურველები ვერც ჩვენგან თქვენსკენ გადმოვლენ და ვერც თქვენგან ჩვენსკენ.'

27 მაშინ მან უთხრა: 'რაკი ასეა, გეხვეწები, მამაო, მიავლინე ეგ მამაჩემის სახლში.'

28 ვინაიდან ხუთი ძმა მყავს, რათა მათ დაუმოწმოს, რომ არ მოხვდნენ ამ სატანჯველ ადგილას.'

29 უთხრა მას აბრაამმა: 'მათ ჰყავთ მოსე და წინასწარმეტყველნი. მათ უსმინონ.'

იოან.5,39.45.

30 მან კი თქვა: 'არა მამაო აბრაამ, თუ ვინმე მკვდართაგანი მივა მათთან, მოინანიებენ.'

31 აბრაამმა უთხრა მას: 'თუ მოსესა და წინასწარმეტყველთ არ მოუსმენენ, მკვდრეთითაც რომ აღდგეს ვინმე, არ ირწმუნებენ.'

თ ა ვ ი 17

ცდუნება, მიტევება, რწმენა და მორჩილება

1 იესომ უთხრა თავის მოწაფეებს: „შეუძლებელია არ მოვიდეს ცდუნებები, მაგრამ ვაი მას, ვისი მეშვეობითაც მოვა.

მათ.18,6. მარ.9,42.

2 მისთვის უმჯობესი იქნებოდა წისქვილის ქვა დაეკიდათ კისერზე და ზღვაში გადაეგდოთ, ვიდრე ერთი ამ მცირეთაგანი ეცდუნებინა.

3 ფრთხილად იყავით: თუ შენმა ძმამ შეგცოდოს, გაუწყერი მას; თუ მოინანიოს, მიუტევე.

ლევ.19,17. მათ.18,15. იაკ.5,19.

4 დღეში შვიდჯერ რომ შეგცოდოს და შვიდჯერვე მოიქცეს და გითხრას, ვინანიებო, მიუტევე.“

5 უთხრეს მოციქულებმა უფალს: „მოგვიმატე რწმენა.“

6 უფალმა უთხრა მათ: „მდოგვის მარცვლისოდენა რწმენა რომ გქონდეთ და უთხრათ ამ ლელვის ხეს: აღმოიფხვერი მანდიდან და ზღვაში გადაინერგეო, გაგიგონებდათ.

მათ.17.20;21,21. მარ.11.23.

7 რომელიმე თქვენგანს მონა რომ ჰყავდეს – მხვნელი ანდა მწყემსი, მინდვრიდან დაბრუნებისას ნუთუ ეტყვის: წადი ჩქარა, სუფრას მიუჯექიო?

8 განა არ ეტყვის: მომიმზადე ვახშამი და სარტყელშემორტყმული მემსახურე, ვიდრე ვჭამ და ვსვამ, მერე კი შენც ჰამე და სვით.

9 ნუთუ მადლობას ეტყვის მონას იმისათვის, რომ მისი ბრძანება შეასრულა? არა მგონია.

10 ასევე თქვენც, როცა შეასრულებთ ყველაფერს, რაც ნაბრძანები გქონდათ, თქვით: უსარგებლო მონები ვართ, ვინაიდან გავაკეთეთ ის, რაც უნდა გავგვეკეთებინა.“ იოხ.22,3:35,7. 1კორ.9,16.

მადლიერი სამარიელი და ცხრა უმადური

11 მოხდა ისე, რომ იერუსალიმს მიმავალმა სამარიასა და გალილეას შორის გაიარა. იოან.4,4.

12 ერთ სოფელში რომ შედიოდა, ათი კეთროვანი კაცი შემოხვდა, რომლებიც შორიახლოს გაჩერდნენ. ლევ.13,46.

13 ხმა აღიმალღეს და ამბობდნენ: „შეგვიწყალე, იესო მოძღვარო!“

14 ისინი რომ დაინახა, უთხრა: „წადით, ერვენეთ მღვდლებს.“ როგორც კი წავიდნენ, განიწმიდნენ.

ლევ.14.2. მათ.8.4. მარ.1,44. ლუკ.5,14.

15 ერთი მათგანი, რომ დაინახა განვიკურნეო, მობრუნდა და მაღალი ხმით ადიდებდა ღმერთს.

16 პირქვე დაემხო მის ფერხთით და მაღლი შესწირა. ის კაცი სამარიელი იყო.

17 მაშინ იესომ თქვა: „ნუთუ ათივენი არ განიწმიდნენ? ცხრანი სადღა არიან?

18 როგორ მოხდა, რომ უცხოტომელის გარდა არავინ დაბრუნდა ღვთის სადიდებლად?“

19 მას უთხრა: „ადექი და წადი! შენმა რწმენამ გიხსნა.“

იმ ღღეს, როდესაც კაცის ძე გამოჩნდება

20 ჰკითხეს მას ფარისევლებმა: „როდის მოვა ღვთის სასუფეველი?“ უპასუხა მათ: „ღვთის სასუფეველი არ მოვა თვალსაჩინოდ.

21 არც იტყვიან: აგერ აქ არის, ან: აგერ იქ არისო. ვინაიდან, აჰა, თვითონ თქვენშია ღვთის სასუფეველი.“

22 მოწაფეებს უთხრა: „დადგება დღეები, როცა ინატრებთ, თუნდაც ერთი დღით იხილოთ კაცის ძე და ვერ იხილავთ.

23 გეტყვიან: აგერ აქ არის, ან: აგერ იქ არისო, ნუ წახვალთ და ნუ გაედევნებით. მათ.24,23. მარ.13,21.

24 ვინაიდან, როგორც ელვა ელავს ცის ერთი კიდიდან და ანათებს მეორე კიდეზე, ასევე იქნება კაცის ძე თავის დღეს.

25 ოღონდ თავდაპირველად მისი ხვედრია მრავალი ტანჯვის ატანა და უარყოფა ამ მოდგმის მიერ. მათ.16,21;17,22;20,18. მარ.8,31.

26 და როგორც ნოეს დღეებში იყო, ასევე იქნება კაცის ძის დღეებშიც: დაბ.7,7. მათ.24,37. 1პეტ.3,20.

27 ჭამდნენ, სვამდნენ, ცოლს ირთავდნენ, თხოვდებოდნენ იმ დღემდე, ვიდრე ნოე კიდობანში შევიდოდა. მერე მოვიდა წარღვნა და ყველა დაღუპა.

28 ისევე, როგორც ლოტის დროს იყო: ჭამდნენ, სვამდნენ, ყიდდნენ, ყიდულობდნენ, რგავდნენ და აშენებდნენ. დაბ.19,14,24.

29 ხოლო იმ დღეს, როცა ლოტი სოდომიდან გავიდა, ცეცხლმა და გოგირდმა იწვიმა ზეციდან და ყველა დაღუპა.

30 ასევე იქნება იმ დღესაც, როცა კაცის ძე გამოჩნდება.

31 იმ დღეს ვინც ერდოზე იქნება, ხოლო მისი ნივთები – სახლში, ნუ ჩამოვა ასაღებად; ვინც ყანაში იქნება, უკან ნუ დაბრუნდება.

32 გაიხსენეთ ლოტის ცოლი. დაბ.19,26.

33 ვინც ცდილობს თავისი სული შეინარჩუნოს, დაღუპავს მას; ხოლო ვინც დაღუპავს თავის სულს, შეინარჩუნებს მას.

მათ.10,39. მარ.8,35. ლუკ.9,24. იოან.12,25.

34 თქვენ გეუბნებით: იმ ღამეს ორნი იქნებიან ერთ საწოლზე: ერთს წაიყვანენ და მეორე დარჩება.

35 ორნი დაფქვავენ ერთად: ერთს წაიყვანენ, მეორე დარჩება. მათ.24,41.

36 ორნი იქნებიან ყანაში: ერთს წაიყვანენ, მეორე დარჩება.“

37 პასუხად უთხრეს მას: „სად უფალო?“ ხოლო მან უპასუხა: „სადაც ლეშია, ორბებიც იქვე მოგროვდებიან.“ მათ.24,28.

თ ა ვ ი 18

უსამართლო მსაჯულზე

1 უთხრა მათ კიდევ იგავი იმის შესახებ, რომ ყოველთვის უნდა ილოცონ და არ მობეზრდეთ. რომ.12,12. ეფეს.6,18. 1თეს.5,17.

2 თქვა: „ერთ ქალაქში იყო ერთი მსაჯული, ღვთისა არ ეშინოდა და ხალხისა არ რცხვენოდა.

3 იმავე ქალაქში ცხოვრობდა ერთი ქვრივი. მივიდა მასთან და უთხრა: ‘დამიცავი ჩემი მოქიშპისაგან.’

4 დიდხანს უარობდა. მერე თავისთვის თქვა: ‘მართალია, ღვთისა არ მეშინია და ხალხისა არ მრცხვენია,

5 მაგრამ, რაკი ეს ქვრივი მოსვენებას არ მძლევს, დავიცავ, რომ აღარ მოვიდეს და თავი არ მომაბეზროს.”

6 თქვა უფალმა: „გესმით, რას ამბობს უსამართლო მსაჯული?”

7 განა ღმერთი არ დაიცავს თავის რჩეულთ, რომელნიც დღელაღამე მას შეჰლაღადებენ, და არ იქნება სულგრძელი მათდამი?

ფსალ.9,19. ლუკ.11,9. გამოცხ.6,10.

8 თქვენ გეუბნებით: მალე დაიცავს მათ. მაგრამ, როდესაც კაცის ძე მოვა, ჰპოვებს ნეტა დედამიწაზე რწმენას?”

9 ზოგიერთებს, ვისაც სჯეროდათ, რომ მართალნი იყვნენ, სხვებს კი ამცირებდნენ, უთხრა ეს იგავი:

ლუკ.16,15.

10 „ორი კაცი შევიდა ტაძარში სალოცავად – ერთი ფარისეველი და მეორე მებაჟე.

11 ფარისეველი იდგა და თავისთვის ლოცულობდა: ‘გმადლობ, შენ, ღმერთო, რომ არა ვარ, როგორც სხვა ადამიანები არიან – მძარცველები, უსამართლონი. მრუშნი, ან როგორც ეს მებაჟეა.

ეს.58,3. გამოცხ.3,17.

12 კვირაში ორჯერ გმარხულობ და მეათედს ვაძლევ ყოველი ჩემი შენაძენიდან.

13 ხოლო მებაჟე მოშორებით იდგა და ვერც კი ბედავდა, რომ ცისკენ მიეპყრო თვალი. მკერდში მჯილს იცემდა და ამბობდა: ღმერთო, შემიწყალე მე, ცოდვილი.

14 თქვენ გეუბნებით: ეს უფრო გამართლებული წავიდა შინ. ვიდრე იგი, ვინაიდან ყველა, ვინც თავს აიმაღლებს, დამდაბლდება, და ვინც თავს დაიმდაბლებს, ამაღლდება.”

იოზ.22,29. იგ.29,23. მათ.23,12. ლუკ.14,11.

ბავშვები მოვიდნენ ჩემთან

15 მოუყვანეს მას ყრმებიც, რომ შეხებოდა მათ. ეს რომ მოწაფეებმა დაინახეს, კიცხვა დაუწყეს.

მათ.19,13. მარ.10,13.

16 მაგრამ იესომ მოიხმო ისინი თავისთან და თქვა: „გამოუშვით ბავშვები და ხელს ნუ უშლით ჩემთან მოსვლას, ვინაიდან მაგათნაირებისაა ღვთის სასუფეველი.

მათ.18,3;19,14. 1პეტ.2,2. 1კორ.14,20.

17 ჭეშმარიტად გეუბნებით თქვენ: ვინც ისე არ მიიღებს ღვთის სასუფეველს, როგორც ბავშვი, ვერ შევა შიგ.”

მთავრის შეკითხვა

18 ჰკითხა მას ერთმა მთავართაგანმა: „კეთილო მოძღვარო, რა ვქნა, რომ საუკუნო სიცოცხლე დავიმკვიდრო?”

მათ.19,16. მარ.10,17.

19 ხოლო იესომ უთხრა მას: „რატომ მიწოდებ მე კეთილს? არავინ არის კეთილი, გარდა ერთი ღვთისა.

20 იცი მცნებანი: არ იმრუშო, არ მოკლა, არ მოიპარო, არ

იყო ცრუმოწმე, პატივი ეცი შენს მამას და დედას.“

გამოს.20,12-16. 2შჯ.5,17.

21 მან თქვა: „ყოველივე ამას ჩემი სიჭაბუკიდანვე ვიცავდი.“

22 ეს რომ მოისმინა, იესომ უთხრა: „ერთილა გაკლია: რაც გაქვს, ყველაფერი გაყიდე და მიეცი ღარიბებს, და გექნება საუნჯე ზეცაში. მოდი და გამომყევი.“

1ტიმ.6,18-19.

23 ამის გაგონებაზე იგი დალონდა, ვინაიდან მდიდარი იყო ძალიან.

24 იესომ შეხედა მას და თქვა: „რაოდენ ძნელია სიმდიდრის მქონეთა შესვლა ღვთის სასუფეველში.

იგ.11,28. მათ.19,23. მარ.10,23. 1ტიმ.6,9-10.

25 ვინაიდან უმაღლესი აქლემი გაძვრება ნემსის ყუნწში, ვიდრე მდიდარი შევა ღვთის სასუფეველში.“

26 მსმენელებმა თქვეს: „ვიღას შეუძლია გადარჩენა?“

27 მან თქვა: „კაცთათვის შეუძლებელი ღვთისთვის შესაძლებელია.“

28 პეტრემ უთხრა მას: „აჰა, ჩვენ ყოველივე მივატოვეთ და გამოგყევით შენ.“

მათ.19,27. მარ.10,28.

29 იესომ კი უთხრა მათ: „ჭეშმარიტად გეუბნებით თქვენ: არავინ არის, რომ ღვთის სასუფეველის გულისათვის დატოვოს სახლი, ან ცოლი, ან მშობლები, ან ძმები, ან შვილები,

30 და ახლავე არ მიიღოს მრავალგზის მეტი, ხოლო მომავალში – საუკუნო სიცოცხლე.“

უწყება იესოს სიკვდილზე

31 წაიყვანა თავისი თორმეტი მოწაფე და უთხრა მათ: „აჰა, ავდივართ იერუსალიმს და აღსრულდება წინასწარმეტყველთა ყოველი დაწერილი კაცის ძეზე.“

ფსალ.21,7. მათ.20,18. მარ.10,33.

32 ვინაიდან წარმართებს გადაეცემა, შეაგინებენ, შეურაცხოფას მიაყენებენ, შეაფურთხებენ,

ეს.53,7.

33 გაშოლტავენ, მოკლავენ და მესამე დღეს აღდგება.“

34 ისინი კი ამით ვერაფერს მიხვდნენ, ვინაიდან ეს სიტყვა დაფარული იყო მათთვის და ვერ გაიგეს ნათქვამი.

ბრმის განკურნება

35 იერიხონს რომ მიუახლოვდნენ, ვილაც ბრმა იჯდა გზაზე და მოწყალეხას ითხოვდა.

მათ.20,29. მარ.10,46.

36 გამვლელი ხალხის ხმა გაიგო და იკითხა: „რა ამბავია?“

37 უთხრეს: იესო ნაზარეველი მოდისო.

38 მაშინ მან დაიყვირა: „იესო, დავითის ძეო, შემიწყალე!“

39 წინ მიმავალნი გაუწყრნენ, რომ გაეჩუმებინათ, მაგრამ ის კიდევ უფრო აყვირდა: „დავითის ძეო, შემიწყალე!“

40 შეჩერდა იესო და ბრძანა, მასთან მოეყვანათ. როცა იგი მიუახლოვდა, ჰკითხა:

41 „რა გინდა, რომ გაგიკეთო?“ უთხრა: „უფალო, რომ თვალი ამეხილოს.“

42 ხოლო იესომ უთხრა: „ახილე. შენმა რწმენამ გიხსნა შენ.“

43 და იმწამსვე აეხილა. მიჰყვებოდა მას და აღიძვებდა ღმერთს. მთელი ხალხი ხედავდა ამას და აქებდა ღმერთს.

თ ა ვ ი 19

მებაჟე ზაქე

1 შევიდა და გაიარა იერიხოვნზე.

2 და აჰა, იყო კაცი ვინმე, სახელად ზაქე – მებაჟეთა უფროსი და მდიდარი.

3 სურდა მას იესოს ხილვა, რომ გაეგო, ვინ იყო იგი, მაგრამ ვერ შეძლო ხალხის სიმრავლის გამო, ვინაიდან ტანად დაბალი იყო.

4 წინ გაიქცა და ლელვის ხეზე ავიდა, რათა დაენახა, რადგან იესოს აქეთ უნდა გამოევიდა.

5 იმ ადგილას რომ მივიდა, იესომ აიხედა მაღლა და უთხრა: „ზაქე, ჩამოდი სწრაფად, დღეს შენს სახლში უნდა დავრჩე.“

6 სწრაფად ჩამოვიდა და სიხარულით მიიღო იგი.

7 ვინც კი დაინახა, ყველანი ბუზღუნს მოჰყვნენ და ამბობდნენ: ცოდვილ კაცთან შევიდაო.

8 ზაქე წამოდგა და უთხრა უფალს: „აჰა, უფალო, ჩემი ქონების ნახევარს ღარიბებს მივცემ და, თუ ვინმესთვის რამე გამომიძალავს, ოთხმაგად მივაგებ.“

გამოს.22.1.

9 იესომ უთხრა მას: „დღეს მოხდა ამ სახლის ხსნა, რაკი ისიც აბრაამის ძეა.“

10 ვინაიდან კაცის ძე მოვიდა დაკარგულის მოსაძებნად და სახსნელად.

მათ.18.11.

იგავი მნაზე

11 როცა ისინი ისმენდნენ ამას, მან დაურთო იგავი, რადგან ახლოს იყო იერუსალიმთან და მათ ეგონათ, უცბად გამოჩნდებოდა ღვთის სასუფეველი.

12 ამის გამო თქვა: „ერთი კეთილშობილი კაცი წავიდა შორეულ ქვეყანაში, რომ მეფობა მიეღო და უკან დაბრუნებულიყო.“

მათ.25.14.

13 დაუდახა თავის ათ მონას, მისცა ათი მნა და უთხრა: ვიდრე დავბრუნდებოდე, ივაჭრეთო.

14 მაგრამ მის მოქალაქეებს სძულდათ იგი და უკან ელჩობა დაადევნეს და დააბარეს: 'არა გვსურს, რომ მაგან იმეფოს ჩვენზე'.

15 როცა მეფობა მიიღო და უკან დაბრუნდა, ბრძანა მისთვის მოეგვარათ ის მონები, რომლებსაც ვერცხლი მისცა, რათა გაეგო, ვინ რა ივაჭრა.

16 მოვიდა პირველი და უთხრა: 'ბატონო, შენმა მნამ ათი მინა მოიგო'.

17 უთხრა მას: 'კარგი, კეთილო მონავ, რაკი მცირედზე ერთგული იყავი, ათ ქალაქზე გქონდეს ხელმწიფება'. ლუკ.16,10.

18 მოვიდა მეორე და უთხრა: 'ბატონო, შენმა მინამ ხუთი მნა მოიტანა'.

19 იმასაც უთხრა: 'შენც იყავ ხუთ ქალაქზე'.

20 მესამე მოვიდა და უთხრა: 'ბატონო, აჰა, შენი მნა. რომელიც ხელსახოცში მქონდა გამოკრული,

21 ვინაიდან შემეშინდა, რადგან სასტიკი ხარ: იღებ, რაც არ დაგიდია და იმკი, რაც არ დაგიითესავს'.

22 მან უთხრა: 'შენივე პირით განგიკითხავ ბოროტო მონავ. იცოდი, რომ სასტიკი კაცი ვარ: ვიღებ, რაც არ დამიდია, და ვიმკი, რაც არ დამითესია. იოხ.15,6. მათ.12,37.

23 აბა, რატომ არ გაუშვი ჩემი ვერცხლი ბრუნვაში, რომ დაბრუნებულს სარგებლითურთ მიმეღო?'

24 და უთხრა იქ მდგომებს: 'წაართვით ამას ერთი მინა და მიეცით ათი მნის მქონეს'.

25 მათ უთხრეს: 'უფალო, მას ათი მნა აქვს'.

26 გეუბნებით თქვენ, რომ ყოველ მქონეს მიეცემა, ხოლო უქონელს ისიც წაერთმევა, რაცა აქვს.

მათ.13,12;25,29. მარ.4,25. ლუკ.8,18.

27 ხოლო ჩემი მტრები, რომლებსაც არ სურდათ, რომ მათზე მემეფა, მომგვარეთ აქ და დახოცეთ ჩემს წინაშე." მათ.22,7.

ზეიმით შესვლა იერუსალიმში და იესოს განდიდება

28 თქვა ეს და წინ წავიდა იერუსალიმში ასასვლელად.

29 როცა მიუახლოვდა ბეთბაგეს და ბეთანიას, მთას, რომელსაც ზეთისხილის მთა ეწოდება, მიავლინა ორი მოწაფე.

მათ.21,1. მარ.11,1.

30 უთხრა მათ: „წადით მეზობელ სოფელში. რომ შეხვალთ, იპოვით დაბმულ ჩოჩორს, რომელზეც ჯერ კაცი არ მჯდარა. აუშვით და მოიყვანეთ.

31 თუ ვინმემ გკითხოთ, რატომ ხსნითო, ასე უთხარით: უფალს სჭირდება-თქო."

32 წავიდნენ წარგზავნილები და იპოვეს, როგორც მან უთხრა.

33 და როცა ჩოჩორს ხსნიდნენ, მისმა პატრონებმა უთხრეს: „რატომ ხსნით ამ ჩოჩორს?"

34 მათ უპასუხეს: „იმიტომ, რომ უფალს სჭირდება.“

35 მიჰგვარეს იგი იესოს, ტანისამოსი დააფინეს ჩოჩორს და ზედ შესვეს იესო. მათ.21,7. მარ.11,7. იოან.12,14.

36 როცა იგი მიდიოდა, ხალხი თავის ტანისამოსს გზაზე უფენდა.

37 როცა ზეთისხილის მთის დაღმართს მიუახლოვდა, ყველამ მრავალრიცხოვან მოწაფეთაგან, სიხარულით იწყო ხმამაღლა ღვთის ქება-დიდება ყველა სასწაულისათვის, რაც მათ იხილეს.

38 ამბობდნენ: „კურთხეულია უფლის სახელით მომავალი მეფე! მშვიდობა ცაზე და დიდება მაღალთა შინა!“

ფსალ.117,26. ლუკ.2,14. ეფეს.2,14.

39 ხალხიდან ზოგიერთმა ფარისეველმა უთხრა მას: „მოძღვარო, გაუწყერი შენს მოწაფეებს.“

40 ხოლო მან მიუგო პასუხად: „თქვენ გეუბნებით, ესენი რომ დადუმდნენ, ქვები ილაღადებენ.“ ამბ.2,11.

იესოს ტირილი იერუსალიმზე

41 როცა მიუახლოვდა და დაინახა ქალაქი, ატირდა მის გამო.

42 და თქვა: „ნეტავ ამ დღეს მაინც გცოდნოდა, რაც სამშვიდობოა შენთვის, მაგრამ ახლა ეს დაფარულია შენს თვალთაგან.“

43 რადგან დაგიდგება დღეები, როცა მტრები შენს წინააღმდეგ აღმართავენ ზვინულს, შემოგერთყმიან და შეგავიწროებენ ყოველი მხრიდან. ეს.23,3. იერ.6,6. ეზეკ.21,22. მათ.22,7. ლუკ.21,6.

44 მიწასთან გაგასწორებენ შენ და შენს შვილებს შენში. ქვას ქვაზე აღარ დატოვებენ შენში, რადგან არ შეიცანი შენი მონახულების ჟამი.“

მოვაჭრეთა გამორეკვა

45 შევიდა ტაძარში და დაიწყო მოვაჭრეთა გამორეკვა.

მათ.21,12. მარ.11,15. იოან.2,15.

46 უთხრა მათ: „დაწერილია: ‘ჩემი სახლი სამლოცველო სახლი უნდა იყოს.’ თქვენ კი ავაზაკთა ბუნაგად აქციეთ იგი.“

3მფ.8,29. ეს.56,7. იერ.7,11.

47 და ასწავლიდა ყოველდღე ტაძარში. ხოლო მღვდელმთავარნი, მწიგნობარნი და ერისმთავარნი ცდილობდნენ მის დალუპვას.

48 მაგრამ გერაფერი მოიგონეს, რა უნდა ექნათ, რადგან მთელი ხალხი მოუშორებლად უსმენდა მას.

თ ა ვ ი 20

შეკითხვა იესოს ხელმწიფებაზე

1 მოხდა ისე, რომ ერთ დღეს, როცა ის ხალხს ასწავლიდა ტაძარში და ახარებდა, მიუხდნენ მღვდელმთავარნი და მწიგნობარნი ერთად,

მათ.21,23. მარ.11,27.

2 და უთხრეს მას: „გვითხარი, რომელი ხელმწიფებით აკეთებ ამას ან ვინ მოგცა შენ ეს ხელმწიფება?“

3 მიუგო მათ პასუხად: „მეც გვითხავთ ერთ სიტყვას და მითხარით:

4 იოანეს ნათლობა ზეციდან იყო თუ კაცთაგან?“

5 ისინი ერთმანეთში მსჯელობდნენ: „თუ ვიტყვით, რომ ზეციდანო, იტყვის: მაშ, რატომ არ იწამეთ მისი?“

6 თუ ვიტყვით კაცთაგან, მთელი ხალხი ჩაგვჭოლავს, ვინაიდან სჯერათ, რომ იოანე წინასწარმეტყველი იყო.“ მათ.14,5.

7 უპასუხეს: „არ ვიცით საიდან.“

8 იესომ უთხრა მათ: „მეც არ ვეიტყვით, რომელი ხელმწიფებით ვაკეთებ ამას.“

იგავი ბოროტ მიწისმუშაკებზე

9 დაუწყო ხალხს ასეთი იგავის მოყოლა: „ერთმა კაცმა გააშენა ვენახი და მიწისმუშაკებს ჩააბარა. თვითონ კი სხვა ქვეყანაში წავიდა კარგა ხნით. ეს.5,1. იერ.2,21. მათ.21,33. მარ.12,1.

10 როცა დრო მოვიდა, მონა გაუგზავნა მიწისმუშაკებს, რომ მიეცათ ვენახის ნაყოფთაგან. მაგრამ მიწისმუშაკებმა სცემეს მას და ხელცარიელი გაუშვეს.

11 კვლავ გაუგზავნა მათ სხვა მონა, მასაც სცემეს, გალანძღეს და ხელცარიელი გაუშვეს.

12 მერე მესამეც გაგზავნა. დაჰრეს იგი და გააგდეს გარეთ.

13 მაშინ ვენახის პატრონმა თქვა: ‘როგორ მოვიქცე? ჩემს საყვარელ ძეს გაგუგზავნი, იქნებ მისი მოერიდოთ.’

14 მაგრამ მიწისმუშაკებმა ის რომ დაინახეს, ერთმანეთში მოითათბირეს და თქვეს: ‘ეს მემკვიდრეა. მოდით, მოვკლათ და მემკვიდრეობა ჩვენ დაგვრჩება.’ ებრ.1,2.

15 გააგდეს ვენახის გარეთ და მოკლეს. რას უზამს მათ ვენახის პატრონი? ებრ.13,12.

16 მოვა, ამოწყვეტს იმ მიწისმუშაკთ და ვენახს სხვებს ჩააბარებს.“ ვინც მოისმინეს, თქვეს: „ნუმც მოხდება.“

17 მან კი შეხედა მათ და თქვა: „რას ნიშნავს ეს დაწერილი: ‘ლოდი, რომელიც მშენებლებმა დაიწუნეს, ქვაკუთხედად იქცა’? ფსალ.117,22. ეს.28,16. მათ.21,42. მარ.12,10. საქ.4,11. 1პეტ.2,6. რომ.9,33.

18 ყველა, ვინც იმ ლოდზე დაეცემა, დაიმტვრევა. ხოლო ვისაც ის დაეცემა, გასრესს.“

19 მღვდელმთავარნი და მწიგნობარნი ცდილობდნენ სწორედ ამ დროს, რომ ხელები დაედოთ მისთვის, მაგრამ ხალხისა ეშინოდათ, ვინაიდან იცოდნენ, რომ მათზე თქვა ეს იგავი.

20 უთვალთვალდნენ მას და მიუგზავნეს მსტოვრები, რომლებიც თავს მართალ ადამიანებად აჩვენებდნენ, რათა სიტყვაში დაეჭირათ და მთავრობისათვის და განმგებლის ხელმწიფებაში გადაეცათ. მათ.22,15. მარ.12,13.

მიეცით კეისრისა კეისარს

21 ჰკითხეს მას: „მოძღვარო, ვიცით, რომ სიმართლეს ლაპარაკობ და ასწავლი, არავის მიჰკერძებ, არამედ ჭეშმარიტებით ასწავლი ღვთის გზას.

22 შეიძლება თუ არა მიეცეთ ხარკი კეისარს?“

23 იგი მიუხვდა მათ მზაკვრობას და უთხრა:

24 „მიჩვენეთ დინარი: ვისია ეს გამოსახულება და წარწერა?“ კეისრისაო, უპასუხეს მათ.

25 უთხრა: „ჰოდა, მიეცით კეისრისა კეისარს და ღვთისა – ღმერთს.“

მათ.17,27;22,21. რომ.13,7.

26 ვერ შეძლეს მისი სიტყვაში დაჭერა ხალხის წინაშე. გაუკვირდით მისი პასუხი და დადუმდნენ.

სადუკეველების შეკითხვა ქორწინებაზე

27 მიუახლოვდა რამდენიმე სადუკეველი, რომლებიც ამბობდნენ, აღდგომა არ არისო, და ჰკითხეს მას: მათ.22,23. მარ.12,18. საქ.23,8.

28 „მოძღვარო, მოსემ დაგვიწერა: თუ გინმეს მოუკვდება ძმა, რომელსაც ცოლი ჰყავდა, მაგრამ უშვილოდ გადაეგო, მისმა ძმამ შეირთოს მისი ცოლი და აღუდგინოს თესლი თავის ძმას. 2შჯ.25,5.

29 იყვნენ შვიდნი ძმანი. პირველმა შეირთო ცოლი და მოკვდა უშვილოდ.

30 მეორემაც შეირთო და ისიც უშვილოდ მოკვდა.

31 მესამემაც შეირთო. შვიდთაგან არც ერთს არ დარჩენია შვილები, და დაიხოცნენ.

32 ბოლოს დედაკაციც მოკვდა.

33 ჰოდა, აღდგომისას, რომელი ერთის ცოლი იქნება? რადგან შვიდივეს ჰყავდა ცოლად.“

34 იესომ უთხრა მათ: „წუთისოფლის შვილები ირთავენ ცოლებს და თხოვდებიან.

35 ხოლო, გინც ღირსნი არიან მოიპოვონ ის საუკუნე და მკვდრებით აღდგომა, არც ცოლს ირთავენ, არც თხოვდებიან.

36 გინაიდან აღარც სიკვდილი შეუძლიათ მათ, რაკი ანგელოზთა სწორნი და ღვთის ძენი არიან ისინი, აღდგომის ძენი.

37 ხოლო მკვდრები რომ აღდგებიან, ამის შესახებ მოსემაც მიუთითა მაყვლის ბუჩქზე, როდესაც აბრაამის ღმერთს, ისაკის ღმერთს და იაკობის ღმერთს უწოდა უფალი.

გამოს.3,6.16. მათ.22,32. მარ.12,26.

38 ხოლო ღმერთი მკვდრებისა კი არა არის, არამედ ცოცხლებისა, გინაიდან მისთვის ყველა ცოცხალია.“

მწიგნობრებმა ველარ გაბედეს შეკითხვა

39 ამაზე ზოგიერთმა მწიგნობარმა უთხრა: კარგად თქვიო, მოძღვარო.

40 და ველარ გაბედეს, რომ რამე ეკითხათ მისთვის, ხოლო მან უთხრა მათ: მათ.22,42. მარ.12,35.

41 „როგორ ამბობენ, რომ ქრისტე დავითის ძეა?

42 თვითონ დავითი კი ამბობს წიგნში: 'უთხრა უფალმა ჩემს უფალს: დაჯექი ჩემს მარჯვნივ, ფსალ.109,1. მათ.22,44.

43 ვიდრე შენს მტრებს დავამხობდე შენს ფერხთა კვარცხლებეკად.

44 აჰა, დავითი უფალს უწოდებს მას და როგორღა არის მისი ძე?“

45 და როცა მთელი ხალხი უსმენდა, უთხრა თავის მოწაფეებს:

46 „ერიდეთ მწიგნობრებს, რომლებსაც სურთ გრძელი სამოსლით სიარული და მოედნებზე მოკითხვანი, სინაგოგებში წინა სავარძლები და წინა ადგილები ნადიმებზე;

მათ.23,6. მარ.12,38-39. ლუკ.11,43.

47 რომელნიც ჭამენ ქვრივთა სახლებს და მოსაჩვენებლად დიდხანს ლოცულობენ. ისინი უფრო დიდ სასჯელს მიიღებენ.“

თ ა ვ ი 21

ქვრივის ორი ლებტა

1 **მოიხედა** და დაინახა, რომ მდიდრები ჰყრიდნენ თავიანთ შესაწირავს საგანძურში. მარ.12,41.

2 დაინახა აგრეთვე ღარიბი ქვრივი, რომელმაც ორი ლებტა ჩააგდო.

3 თქვა: „ჭეშმარიტად გეუბნებით თქვენ, რომ ამ ღარიბმა ქვრივმა ყველაზე მეტი ჩააგდო, 2კორ.8,12.

4 ვინაიდან ყველამ თავისი მოჭარბებულისგან ჩაყარა, მან კი თავისი სიდუხჭირისაგან ჩააგდო მთელი სარჩო, რაც ებადა.“

ტაძრის დანგრევაზე

5 როდესაც ზოგიერთები ამბობდნენ ტაძარზე, ძვირფასი ქვებით და შეწირულებებით არისო დამშვენებული, იესომ უთხრა: მათ.24,1. მარ.13,1.

6 „დადგება დღეები, როცა ამათგან, რასაც აქ ხედავთ, ქვა ქვაზე არ დარჩება, რომ არ ჩამოიქცეს.“ 3მფ.9,7. ლუკ.19,42.

7 ისინი ეუბნებოდნენ მას და ეკითხებოდნენ: „მოდღარო, როდის იქნება ეს და რა იქნება ნიშანი, ეს რომ უნდა მოხდეს?“

8 მან უთხრა: „გაფრთხილდით, რომ არ შეცდეთ, ვინაიდან ბევრი მოვა ჩემი სახელით და იტყვის: მე ვარო და ის უამი მოახლოებულიაო. თქვენ ნუ გაჰყვებით მათ.

მათ.24,4. მარ.13,5. 1იოან.4,1. ეფეს.5,6. 2თეს.2,3.

9 როდესაც მოისმენთ ომებსა და შფოთებზე, ნუ შეძრწუ-

ნდებით, ვინაიდან ჯერ ეს უნდა მოხდეს, რადგან უცებ არ იქნება აღსასრული.“

10 მაშინ უთხრა მათ: „აღდგება ხალხი ხალხის წინააღმდეგ და სამეფო – სამეფოს წინააღმდეგ.“
ეს.19,2.

11 იქნება დიდი მიწისძვრანი, ადგილ-ადგილ მოსრვა და შიმშილობანი, საშინელებანი და დიდი ნიშნები ზეციდან.

12 ამის უწინარეს ხელს დაგადებენ თქვენ და დაგიწყებენ დევნას, გადაგცემენ სინაგოგებსა და საპყრობილებს, მეფეთა და განმგებელთა წინაშე მიგიყვანენ ჩემი სახელის გამო.

მათ.10,17;24,9. მარ.13,9. იოან.15,20.

13 ეს გექნებათ თქვენ დასამოწმებლად.

14 ამიტომ თქვენ გულებში ჩაიდეთ, რომ წინასწარ არ იზრუნოთ, რითი იმართლოთ თავი.
ლუკ.12,11.

15 ვინაიდან მე მოგცემთ თქვენ პირსა და სიბრძნეს, რომელთაც ვერ დაუპირისპირდებიან და ვერც შეეპასუხებიან თქვენი მოწინააღმდეგენი.
გამოს.4,12. საქ.6,10.

16 ასევე გაცემულ იქნებით მშობლებისა და ძმების, ნათესავებისა და მეგობრების მიერ, ხოლო ზოგიერთ თქვენგანს მოკლავენ.
მიქ.7,6.

17 და ყველა მოგიძულებთ ჩემი სახელის გამო.

18 მაგრამ ბეწვიც კი არ დაიკარგება თქვენი თავიდან.

19 მოთმინებით მოიპოვეთ თქვენი სული.
მათ.10,22.

20 როცა იხილავთ იერუსალიმს ლაშქრით გარშემორტყმულს, მაშინ იცოდეთ, რომ მოახლოვდა მისი აოხრება.

დან.9,27. მათ.24,15. მარ.13,14.

21 მაშინ იუდეაში მყოფნი მთებში გაიხიზნონ; ვინც იერუსალიმშია, გარეთ გავიდეს; ვინც სოფლად არის, ნულარ შევა მასში.

22 ვინაიდან ეს შურისგების დღეებია, რათა აღსრულდეს ყოველივე დაწერილი.
ზაქ.14,1.

23 ხოლო ვაი ორსულთ და მეძუძუროთ იმ დღეებში, ვინაიდან დიდი იქნება უბედურება დედამიწაზე და რისხვა ამ ხალხზე.

24 დაეცემიან მახვილის პირით, ტყვედ წაასხამენ ყველა ხალხში. იერუსალიმი გათელილი იქნება წარმართთა მიერ, ვიდრე დასრულდება წარმართთა ჟამი.

25 და იქნება ნიშნები მზეზე და მთვარეზე და ვარსკვლავებზე, ხოლო დედამიწაზე – ხალხთა შეჭირვება შფოთში, ზღვის ხმაურისა და აზვირთების გამო.

ეს.13,10. ეზეკ.32,7. იოელ.2,31;3,15. ამოს.5,20. სოფ.1,15. მათ.24,29. მარ.13,24.

26 ხალხს გული შეუწუხდება შიშით და ქვეყნად მომავალთა მოლოდინით, ვინაიდან ციური ძალები შეირყევიან.

27 მაშინ იხილავენ კაცის ძეს, ღრუბელზე მომავალს, დიადი ძალითა და დიდებით.
დან.7,10. მარ.13,26.

28 ხოლო როცა ამის ახდენა დაიწყება, გაიმართეთ და თავი ასწიეთ, რადგან ახლოვდება თქვენი ხსნა.“
რომ.8,23.

29 უთხრა მათ იგავი: „შეხედეთ ლელვს და ყველა ხეს.

30 როცა ისინი უკვე იფოთლებიან, შეხედავთ და თვითონ იცით, რომ უკვე ახლოა ზაფხული.

31 ასევე თქვენ, როცა იხილავთ ყოველივე ამის ახდენას, იცოდეთ, რომ ახლოა ღვთის სასუფეველი.

32 ჭეშმარიტად გეუბნებით თქვენ: არ გადაივლის ეს მოდგმა, ვიდრე ყველაფერი არ ახდება.

33 ცა და დედამიწა გადაივლის, ჩემი სიტყვები კი არ გადაივლის.
ფსალ.101.27. ეს.51,6. მათ.24,35.

გაფრთხილდით

34 „გაფრთხილდით, არ დამძიმდეს თქვენი გული ღრეობით, ლოთობითა და სიცოცხლეზე ზრუნვით, და იმ დღემ არ გიწიოთ მოულოდნელად.
1პეტ.4,7. რომ.13,13. 1თეს.5,6.

35 ვინაიდან ის, როგორც მახე, დაეცემა ყველა მკვიდრს მთელი დედამიწის ზურგზე.
ეს.24,27.

36 მაშ, ყოველჟამს იფხიზლეთ და ილოცეთ, რათა შეგეძლოთ ყოველგვარ ამ მოსახდენთაგან თავის დაღწევა და წარდგომა კაცის ძის წინაშე.“
მათ.24,42;25,13. მარ.13,33.

უკანასკნელი სწავლება ტაძარში

37 დღისით იესო ტაძარში იმყოფებოდა და ასწავლიდა. ღამ-ღამობით კი ადიოდა მთაზე, რომელსაც ზეთისხილისა ეწოდება.
იოან.8,2.

38 მთელი ხალხი დილაობით მიდიოდა მასთან ტაძარში მის მოსასმენად.

თ ა ვ ი 22

იუდას გეგმა გამცემლობაზე

1 ახლოვდებოდა პასექად წოდებული უფუარობის დღესასწაული.
მათ.26,2. მარ.14,1.

2 დაეძებდნენ მას მღვდელმთავარნი და მწიგნობარნი, რომ როგორმე მოეკლათ იგი, მაგრამ ხალხისა ეშინოდათ.

3 შევიდა სატანა იუდაში, რომელსაც ისკარიოტელს უწოდებდნენ, რომელიც ერთი თორმეტთაგანი იყო.
მათ.26,14.

4 წავიდა, ელაპარაკა მღვდელმთავრებსა და მცველთა მეთაურებს, როგორ მიეცა მათთვის იესო.

5 მათ გაუხარდათ და დათანხმდნენ მიეცათ მისთვის ვერცხლი.

6 მანაც აღუთქვა და ეძებდა მარჯვე შემთხვევას, რომ ხალხის დაუსწრებლად მიეცა იგი მათთვის.

უკანასკნელი სერობა. პური და ღვინო

7 დადგა უფუარობის დღე, როდესაც უნდა დაკლულიყო პასექი. 2შჯ.16,1. მათ.26,17. მარ.14,12.

8 მიაგლინა იესომ პეტრე და იოანე, უთხრა: „წადით, მოამზადეთ ჩვენთვის პასექი, რომ ვჭამოთ.“

9 მათ უთხრეს: „სად გინდა, რომ მოვამზადოთ?“

10 მან უთხრა: „აჰა, ქალაქში შესვლისას შემოგხვდებათ კაცი, რომელსაც წყალი მიაქვს კოკით. მიჰყევით მას იმ სახლამდე, სადაც შევა,

11 და უთხარით სახლის პატრონს: მოძღვარი გეუბნება: სად არის სასტუმრო ოთახი, რომ ჩემს მოწაფეებთან ვჭამო პასექი?

12 ის გიჩვენებთ დიდ მოფარდაგებულ ზემოთვალს. იქ მოამზადეთ.“

13 წავიდნენ და იპოვეს. როგორც მან უთხრა მათ, და მოამზადეს პასექი.

14 როცა მოაღწია ჟამმა, დაჯდა იგი და მოციქულებიც მასთან ერთად. მათ.26,20. მარ.14,18. იოან.13,12.

15 უთხრა მათ: „დიდად მსურდა თქვენთან ერთად მეჭამა ეს პასექი ჩემი ტანჯვის წინ.

16 რადგან გეუბნებით თქვენ, რომ აღარ ვჭამ მას, ვიდრე არ აღსრულდება იგი ღვთის სასუფეველში.“ საქ.10,41.

17 აიღო სასმისი, მადლი შესწირა და უთხრა მათ: „აიღეთ და გაიყავით ერთმანეთს შორის.

18 რადგან გეტყვით თქვენ: ამიერიდან აღარ შევსვამ ვაზის ნაყოფისგან, ვიდრე არ მოვა ღვთის სასუფეველი.“

19 აიღო პური, მადლი შესწირა. დატეხა, მისცა მათ და უთხრა: „ეს ჩემი სხეულია, რომელიც თქვენთვის მიეცემა. ეს გააკეთეთ ჩემს მოსაგონებლად.“ მათ.26,26. მარ.14,22. 1კორ.11,24.

20 ასევე აიღო სასმისი სერობის შემდეგ და თქვა: „ეს სასმისი არის ახალი აღთქმა ჩემს სისხლში, თქვენთვის რომ იღვრება.

21 და აჰა, ჩემი გამცემის ხელი ჩემთან ერთად არის ამ სუფრაზე. ფსალ.40,10. მათ.26,22-23.

22 რადგან კაცის ძე მიდის განგებისამებრ, მაგრამ ვაი იმ კაცს, ვის მიერაც გაიცემა იგი.“ საქ.2,23;4,28.

23 და მათ დაიწყეს ერთმანეთის გამოკითხვა: რომელი მათგანი იზამდა ამას.

ვინ არის დიდი

24 ასევე იყო დავა მათ შორის: რომელი მათგანი უნდა ჩათვლილიყო დიდად.

25 მან კი უთხრა: „ხალხთა მეფეები ბატონობენ მათზე და მათი ხელმწიფენი მწყალობლებად იწოდებიან.

26 თქვენ კი ასე როდი ხართ. თქვენს შორის უფროსი უმცროსივით იყოს, ხოლო ვინც უფროსობს – მსახურივით.

27 ვინაიდან ვინ არის უფრო დიდი: მეინახე თუ მსახური? განა მეინახე არა? მე კი თქვენ შორის ვარ, როგორც მსახური,
ფილ.2,7.

28 თქვენ კი ისინი ხართ, რომელნიც ჩემთან დარჩით ჩემს განსაცდელში.

29 მეც ისევე აღვითქვით, როგორც მე აღმითქვა მამაჩემმა სასუფეველი,

30 რომ ჭამოთ და სვათ ჩემს სუფრაზე ჩემ სასუფეველში და დასხდეთ ტახტებზე ისრაელის თორმეტი ტომის განსაკითხვად.“

მათ.19,28. 1კორ.6,2. გამოცხ.3.21;20,4.

წინასწარუწყება პეტრეს უარყოფაზე

31 თქვა უფალმა: „სიმონ, სიმონ! აჰა, სატანამ ითხოვა, რომ ხორბალივით გაგცხრილოს.
1პეტ.5,8.

32 მაგრამ მე ვილოცე შენთვის, რომ არ დაილიოს შენი რწმენა და, როცა კვლავ მოიქცევი, გაამხნევე შენი ძმები.“

მათ.16,18. იოან.17,15.

33 მან კი უპასუხა: „უფალო, შენთან მე მზად ვარ საპყრობილშიც წამოვიდე და სასიკვდილოდაც,“

34 ხოლო მან თქვა: „შენ გეუბნები, პეტრე, მამალი არ იყივლებს დღეს, სანამ სამჯერ არ უარყოფ, რომ მიცნობ.“

მათ.26,34. მარ.14,30. იოან.13,38.

ორი მახვილი

35 უთხრა მათ: „როდესაც ქისის, აბგის და ფეხსაცმლის გარეშე გგზავნიდით, რაიმე გაკლდათ?“ არაფერიო, უპასუხეს მათ.
მათ.10,9-10. მარ.6,8. ლუკ.9,3;10,4.

36 მაშინ უთხრა: „ახლა კი, ვისაც ქისა აქვს, აიღოს, ასევე აბგა. ხოლო ვისაც არა აქვს, თავისი ტანსაცმელი გაყიდოს და მახვილი იყიდოს.

37 თქვენ გეუბნებით, რომ ეს დაწერილი ჩემში უნდა აღსრულდეს: ‘ბოროტმოქმედებთან შეირაცხა.’ რადგან მას, რაც ჩემზეა, დასასრული აქვს.“
ეს.53,12. მათ.15,28.

38 მათ უთხრეს: „უფალო, აჰა, აქ ორი მახვილია.“ „საკმარისია,“ მიუგო მან.

ბრძოლა გეტსიმანიაში

39 გამოვიდა იქიდან და, ჩვეულებისამებრ, წავიდა ზეთისხილის მთაზე. მოწაფეებიც გაჰყვნენ მას. მათ.26,36. მარ.14,32. იოან.18,1.

40 ადგილზე მისვლისთანავე უთხრა მათ: „ილოცეთ, რომ არ ჩაცვივდეთ განსაცდელში.“
მათ.26,41. მარ.14,38.

41 თვითონ განშორდა მათ ქვის სასროლ მაძილზე, მუხლი მოიყარა და ლოცულობდა.

42 ამბობდა: „მამაო! თუ გსურს, ამაცდინე ეს სასმისი, მაგრამ ჩემი ნება კი არა, შენი იყოს.“

43 ეჩვენა მას ციდან ანგელოზი და ამხნევებდა.

44 ამ ტანჯვაში მყოფი უფრო გულმოდგინედ ლოცულობდა. მისი ოფლი სისხლის წვეთებივით გახდა და ეპკურებოდა მიწას.

45 ლოცვის შემდეგ წამოდგა, მივიდა მოწაფეებთან და ნახა ისინი მწუხარებისაგან ჩაძინებულები.

46 უთხრა მათ: „რას გძინავთ? ადექით, ილოცეთ, რომ არ ჩაცვივდეთ განსაცდელში.“

იესოს გაცემა და წაყვანა მღვდელმთავრის სახლში

47 ჯერ სიტყვა არ დაესრულებინა, რომ, აჰა, ხალხი მოდიოდა და მათ წინ მოუძლოდა ერთი თორმეტთავანი, რომელსაც ერქვა იუდა, და მივიდა იესოსთან საამბოროებლად.

მათ.26,47. მარ.14,43. იოან.18,3.

48 უთხრა მას იესომ: „იუდა, ამბორით გასცემ კაცის ძეს?“

49 მასთან მყოფებმა რომ დაინახეს, რაც ხდებოდა, უთხრეს: „უფალო, დავსცეთ მახვილი?“

50 ერთმა მათგანმა დასცა მღვდელმთავრის მონას და მარჯვენა ყური ჩაათალა.

51 მაშინ იესომ უთხრა: „თავი დაანებეთ, კმარა!“ შეეხო ყურს და გაუმრთელა იგი.

52 იესომ უთხრა მის წინააღმდეგ მოსულ მღვდელმთავრებს, ტაძრის მეთაურებს და უხუცესებს: „როგორც ავაზაკის წინააღმდეგ, მახვილებით და კეტებით გამოხვედით ჩემს შესაპყრობად.“

53 ყოველდღე თქვენთან ერთად ვიყავი ტაძარში და ჩემზე ხელი არ ავიმართავთ. მაგრამ ეს თქვენი ჟამია და სიბნელის ხელმწიფება.“

54 შეიპყრეს იგი, წაიყვანეს და მღვდელმთავრის სახლში შეიყვანეს. პეტრე კი შორიახლო მიჰყვებოდა.

მათ.26,57. მარ.14,53. იოან.18,24.

იესო სინედრიონის წინაშე

55 როცა შუა ეზოში ცეცხლი დაანთეს და გარს შემოუსხდნენ, პეტრეც მათ შორის დაჯდა.

56 ერთმა მოახლემ იგი ცეცხლთან მჯდომარე რომ დაინახა, დააკვირდა და თქვა: „ესეც იმასთან იყო.“

57 მაგრამ მან უარყო და თქვა: „დედაკაცი, არ ვიცნობ იმას.“

58 ცოტა მოგვიანებით სხვამ დაინახა იგი და თქვა: „შენც იმათგანი ხარ.“ მაგრამ პეტრემ უთხრა: „ადამიანო, არა ვარ.“

59 დაახლოებით ერთი საათი გავიდა და სხვა ვილაცა ამტკიცებდა და ამბობდა: „ჭეშმარიტად, ესეც იმასთან იყო, ვინაიდან გალილეელია.“

60 ხოლო პეტრემ უთხრა იმ კაცს: „ადამიანო, არ ვიცი, რას ამბობ.“ და უცებ, როცა ამას ამბობდა, მამალმა იყივლა.

61 მაშინ უფალი მობრუნდა და შეხედა პეტრეს. გაახსენდა პეტრეს უფლის სიტყვა, რომ უთხრა მას: დღეს სანამ მამალი იყივლებდეს, სამჯერ უარმყოფო,

მათ.26,34. მარ.14,30. იოან.13,38.

62 და გავიდა გარეთ და მწარედ ატირდა.

63 ხოლო კაცი, რომელთაც შეპყრობილი ჰყავდათ იესო, აგინებდნენ და სცემდნენ მას.

მათ.26,67. მარ.14,65.

64 თავი დაუფარეს, სახეში სცემდნენ და ეკითხებოდნენ: აბა, იწინასწარმეტყველე, ვინ დაგარტყაო?

65 და კიდევ მრავალ სხვა გმობას ამბობდნენ მის წინააღმდეგ.

66 როცა გათენდა, შეიკრიბნენ: ხალხის უხუცესთა საბჭო, მღვდელმთავარნი და მწიგნობრები, და მიიყვანეს იგი თავიანთ სინედრიონში.

ფსალ.2,2. მათ.27,2. მარ.15,1. იოან.18,28.

67 უთხრეს: „თუ ქრისტე ხარ, გვითხარი.“ უთხრა მათ: „რომ გითხრათ, არ დამიჯერებთ,

68 და თუ შეგეკითხებით, არ მიპასუხებთ.

69 ამიერიდან კაცის ძე იქნება ღვთის ძალის მარჯვნივ მჯდომარე.“

ფსალ.109,1. დან.7,13. მათ.26,64. მარ.14,62. იოან.6,62.

70 ყველამ უთხრა: „მაშ, შენა ხარ ძე ღვთისა?“ მან უთხრა: „თქვენ ამბობთ, რომ მე ვარ.“

71 მათ კი თქვეს: „მეტი რაღა მოწმობა გვჭირდება? ვინაიდან ჩვენ თვითონ მოვისმინეთ მისი პირიდან.“

თ ა ვ ი 23

იესო პილატეს წინაშე

1 და წამოიშალა მთელი ეს ხალხი და წაიყვანეს იგი პილატესთან.

მათ.27,2. მარ.15,1. იოან.18,28.

2 შეუდგნენ მის დადანაშაულებას და ამბობდნენ: „ჩვენ ვნახეთ, რომ ეს აქეზებს ჩვენს ხალხს და კრძალავს კეისრისათვის ხარკის მიცემას, ხოლო თავის თავს უწოდებს ქრისტე მეფეს.“

მათ.22,21.

3 პილატემ ჰკითხა მას: „შენ ხარ იუდეველთა მეფე?“ ხოლო მან პასუხად უთხრა: „შენ ამბობ.“

მათ.27,11. მარ.15,2. იოან.18,33. 1ტიმ.6,13. გამოცხ.1,5.

4 პილატემ უთხრა მღვდელმთავრებს და ხალხს: „მე ვერავითარ დანაშაულს ვერ ვპოულობ ამ კაცში.“

5 მაგრამ ისინი დაჟინებით ამბობდნენ: „ეგ აშფოთებს ხალხს, ასწავლის მთელ იუდეაში, გალილეიდან მოყოლებული აქამდე.“

6 პილატემ ეს რომ გაიგონა, იკითხა: „განა გალილეელია ეს კაცი?“

7 როცა შეიტყო, რომ ჰეროდეს სამფლობელოდან იყო, გაუგზავნა იგი ჰეროდეს, რადგან იმ დღეებში ისიც იერუსალიმში იმყოფებოდა.

8 ჰეროდემ, იესო რომ დაინახა, ძალიან გაუხარდა, ვინაიდან დიდი ხანია სურდა მისი ხილვა, რაკი ესმოდა მასზე და იმედი ჰქონდა რაიმე სასწაულს ნახავდა მისგან. ლუკ.9.9.

9 ბევრს ეკითხებოდა, მაგრამ იგი არაფერს პასუხობდა მას.

10 მღვდელმთავარნი და მწიგნობარნი კი იდგნენ და გაცხარებით ბრალს სდებდნენ მას.

11 ხოლო ჰეროდე თავის ჯარისკაცებითურთ ამცირებდა მას და დასცინოდა, ჩააცვა ბრწყინვალე სამოსელი და უკან გაუგზავნა პილატეს. ეს.53,3.

12 იმ დღეს პილატე და ჰეროდე ერთმანეთს დაუმეგობრდნენ, თუმცა ადრე მტრობდნენ ერთიმეორეს.

იუდეველების მოთხოვნა

13 პილატემ მოუხმო მღვდელმთავრებს, მთავრებს და ხალხს.

14 და უთხრა მათ: „თქვენ მოიყვანეთ ჩემთან ეს კაცი, როგორც ხალხის წამქეზებელი, და აჰა, მე თქვენს წინაშე გამოვიძიე და ვერავითარი დანაშაული ვერ ვპოვე ამ კაცში, რაშიც თქვენ ადანაშაულებთ მას, მათ.27,23. მარ.15,14. იოან.18,38;19,4.

15 და ვერც ჰეროდემ, რადგან უკან გამოგვიგზავნა იგი. და აჰა, სიკვდილის ღირსი არაფერი ჩაუდენია მას.

16 ამიტომ ჰკუას ვასწავლი და გავუშვებ.“

17 მას კი სწორედ ერთი უნდა გაეშვა სადღესასწაულოდ.

18 მაგრამ მთელი ხალხი აუყვირდა: მოაშორე ეგ და გაგვითავისუფლე ბარაბაო, მათ.27,20. მარ.15,11. იოან.18,40. საქ.3,14.

19 რომელიც ჩაგდებული იყო საპყრობილეში, ქალაქში მომხდარი რაღაც შფოთისა და მკვლელობისათვის.

20 პილატემ კვლავ მიმართა მათ, ვინაიდან სურდა იესოს გაშვება.

21 მაგრამ ისინი გაჰყვიროდნენ: „ჯვარს აცვი, ჯვარს აცვი ეგ.“

22 მესამედ უთხრა მათ: „რა ბოროტება ჩაიდინა მან? მე ვერაფერი სასიკვდილო დანაშაული ვერ ვპოვე მასში. ამიტომ ჰკუას ვასწავლი და გავუშვებ.“

23 ისინი კი დაჟინებით ხმამაღლა მოითხოვდნენ, რომ ჯვარს ეცვათ იგი. და იმძლავრა მათმა ხმამ და მღვდელმთავრების ხმამ.

24 და პილატემ გადაწყვიტა, შეესრულებინა მათი მოთხოვნა:

25 გაუშვა შფოთისა და მკვლელობისათვის საპყრობილეში ჩადებული, რომელსაც ისინი მოითხოვდნენ, იესო კი მათ ნებას მისცა.

გოლგოთის გზაზე

26 როდესაც იგი წაიყვანეს, გზაში დაიჭირეს ყანიდან მომავალი ვინმე სიმონ კვირინელი, და აჰკიდეს ჯვარი, რომ ეტარებინა იესოს კვალდაკვალ.

27 მისდევდნენ მას დიდძალი ხალხი და დედაკაცები, რომლებიც ტიროდნენ და მოთქვამდნენ მის გამო.

28 იესო მიუბრუნდა მათ და უთხრა: „იერუსალიმის ასულნო, ნუ სტირით ჩემზე, არამედ თქვენ თავზე და თქვენ შვილებზე იტირეთ.

29 რადგან, აჰა, მოდის დღეები, როცა იტყვიან: 'ნეტარ არიან უნაყოფონი და საშონი, რომელთაც არ უშობიათ, და ძუძუნი, რომელთაც არ უკვებიათ!'

30 მაშინ ეტყვიან მთებს: 'დაგვეციოთ ზედ!' და ბორცვებს: 'დაგვეფარეთ ჩვენ!' ეს.2,19. ოსე 10.8. გამოცხ.6,16:9,6.

31 ვინაიდან თუ ნედლ ხეს ასე ექცევიან, ხმელს რაღას უზამენ?“

32 მასთან ერთად სასიკვდილოდ მიჰყავდათ სხვებიც – ორი ავაზაკი.

იესო ჯვარზე

33 როცა იმ ადგილას მივიდნენ, რომელსაც თხემი ჰქვია, იქ ჯვარს აცვეს ისიც და ავაზაკებიც – ერთი მის მარჯვნივ და ერთი მის მარცხნივ. მათ.27,33. მარ.15,22. იოან.19,17.

34 იესო კი ამბობდა: „მამაო, მიუტევე ამათ, ვინაიდან არ იციან, რას აკეთებენ.“ გაიყვეს მისი სამოსელი წილისყრით.

ფსალ.21,19. მათ.5,44;27,35. მარ.15,24:19,23.

35 იდგა ხალხი და შეჰყურებდა. მთავრებიც დასცინოდნენ და ამბობდნენ: „სხვებს იხსნიდა, ახლა თავისი თავი იხსნას, თუ ეგ ქრისტეა, ღვთის რჩეული.“

36 ასევე ჯარისკაცებიც დასცინოდნენ მას, მიდიოდნენ და ძმარი მიჰქონდათ მასთან,

37 ეუბნებოდნენ: „თუ იუდეველთა მეფე ხარ, იხსენი შენი თავი.“

38 მის ზემოთ იყო წარწერა ბერძნული, რომაული და ებრაული სიტყვებით დაწერილი: „ეს არის იუდეველთა მეფე.“

39 ერთი ჩამოკიდებული ბოროტმოქმედი გმობდა მას: „განა შენ ქრისტე არა ხარ? იხსენი შენი თავი და ჩვენც.“

40 მეორე კი გაუწყრა და უპასუხა მას: „ნუთუ ღვთისა არ გეშინია, როცა შენც იმავე სასჯელში ხარ?“

41 ჩვენ სამართლიანად დავიმსახურეთ, ვინაიდან ჩვენ რაც გავაკეთეთ, იმისი საკადრისი მივიღეთ, მაგას კი არაფერი ცუდი არ ჩაუდენია.“

42 მან უთხრა: „იესო, გამიხსენე, როცა შენს სასუფეველში მოხვალ.“
მათ.16,28.

43 იესომ უთხრა მას: „ჭეშმარიტად გეუბნები შენ: დღესვე ჩემთან ერთად იქნები სამოთხეში.“

44 დღის ექვსი საათი იქნებოდა და მთელი დედამიწა ბნელმა მოიცვა ცხრა საათამდე.
ამოს.8,9.

45 დაბნელდა მზე და ტაძრის ფარდა შუაზე გაიხა.

46 იესომ დიდი ხმით შესძახა და თქვა: „მამაო, შენს ხელთ ჩამიბარებია ჩემი სული.“ ეს თქვა და სული განუტევა. ფსალ.30,6.

47 ასისტავმა რომ იხილა მომხდარი, ღმერთი აღიდა და თქვა: „ჭეშმარიტად, მართალი იყო ეს კაცი.“

48 ამ სანახაობაზე შეკრებილი მთელი ხალხი, რომ ხედავდა, რაც ხდებოდა, გულში მჯილის ცემით ბრუნდებოდა უკან.

49 ყველა, ვინც მას იცნობდა, და დედაკაცები, გალილეიდან რომ მოჰყვნენ, მოშორებით იდგნენ და უყურებდნენ ამას.

დამარხვა ახალ სამარხში

50 აჰა, ერთი კაცი, სახელად იოსები, საბჭოს წევრი, კეთილი და მართალი კაცი,
მათ.27,57. მარ.15,43. იოან.19,38.

51 რომელიც არ დაეთანხმა მათ თათბირსა და საქმიანობას, იუდეველთა ქალაქ არიმათიიდან, რომელიც მოელოდა ღვთის სასუფეველს.

52 მივიდა პილატესთან და გამოითხოვა იესოს გვამი.

53 ჩამოხსნა იგი, გაახვია ტილოში და დაასვენა კლდეში გამოკვეთილ სამარხში, სადაც ჯერ კიდევ არავინ დაესვენებინათ.

54 ის დღე პარასკევი იყო, შაბათი დგებოდა.

55 უკან გაჰყვნენ დედაკაციებიც, რომელნიც იესოსთან ერთად მოვიდნენ გალილეიდან, და უყურებდნენ სამარხს, როგორ დაიდო მისი გვამი.

56 ამის შემდეგ დაბრუნდნენ, მოამზადეს საკმეველი და ნელ-საცხებელი. შაბათს კი მოისვენეს მცნებისამებრ.
გამოს.20,30.

თ ა ვ ი 24

დედაკაცების და პეტრეს მიერ ცარიელი სამარხის ნახვა

1 ერთშაბათს, განთიადსას მოვიდნენ სამარხთან და მოიტანეს სურნელებანი, რომლებიც მომზადებული ჰქონდათ.

მათ.28,1. მარ.16,1. იოან.20,1.

2 და ნახეს ლოდი, სამარხიდან გადაგორებული.

3 მაგრამ რომ შევიდნენ, ვერ ნახეს უფალ იესოს გვამი.

4 ამის გამო შეფიქრიანდნენ და, აჰა, მათ წინაშე წარდგა ორი მამაკაცი ბრწყინვალე სამოსელით მოსილი.

5 რაკი შეძრწუნდნენ და სახე მიწად დახარეს, მათ უთხრეს: „რას ეძებთ ცოცხალს მკვდრებს შორის?“

6 არ არის აქ, არამედ აღდგა. გაიხსენეთ რას გეუბნებოდით, როცა ჯერ კიდევ გალილეაში იყო: მათ.17,22.

7 ამბობდა, რომ კაცის ძე ცოდვილ კაცთა ხელთ უნდა გადაეცეს, ჯვარს ეცვას და მესამე დღეს აღდგეს.“ მარ.9,31. ლუკ.9,22.

8 და მათ გაიხსენეს მისი სიტყვები.

9 დაბრუნდნენ სამარხიდან და ყოველივე ეს უამბეს იმ თერთმეტს და ყველა დანარჩენს.

10 ესენი იყვნენ მარიამ მაგდალელი, იოანა და იაკობის დედა მარიამი, და დანარჩენები მათთან ერთად, რომლებმაც მოუთხრეს მოციქულებს ეს ამბავი.

11 მაგრამ ეს სიტყვები ფუჭად ეჩვენათ და არ დაუჯერეს მათ.

12 ხოლო პეტრე აღგა, გაიქცა სამარხისკენ და, რომ დაიხარა, მხოლოდ ტილოები დაინახა, და დაბრუნდა მომხდარის გამო გაკვირვებული. იოან.20,6.

ემაუსის გზაზე

13 და აჰა, იმავე დღეს ორი მათგანი მიდიოდა ერთ სოფელში, რომელიც სამოცი სტადიონით იყო დაშორებული იერუსალიმიდან და ერქვა ემაუსი. მარ.16,12.

14 ისინი ერთმანეთში ლაპარაკობდნენ ყოველივე ამის გამო.

15 ამ ლაპარაკსა და მსჯელობაში რომ იყვნენ, თვითონ იესო მიუახლოვდა და გაჰყვა მათ.

16 მაგრამ თვალები დაბმული ჰქონდათ და ვერ იცნეს იგი.

17 უთხრა მათ: „რაზე მსჯელობდით გზაში ერთმანეთში?“ ისინი შეჩერდნენ დაღონებულნი.

18 ერთმა მათგანმა, სახელად კლეოპამ, პასუხად უთხრა მას: „ნუთუ ერთი შენა ხარ უცხო იერუსალიმში, რომ არ იცი, რაც იქ ამ დღეებში მოხდა?“

19 მან ჰკითხა: „რა მოხდა?“ ხოლო მათ უპასუხეს: „იესო ნაზარეტელზე ვლაპარაკობთ, რომელიც იყო კაცი წინასწარმეტყველი, ძლიერი საქმითა და სიტყვით ღვთისა და მთელი ხალხის წინაშე, მათ.21,11. ლუკ.7,16. იოან.3,2;6,14. საქ.2,22.

20 როგორ გადასცეს იგი ჩვენმა მღვდელმთავრებმა და მთავრებმა სიკვდილის მისასჯელად და ჯვარს აცვეს.

21 ჩვენ კი იმედი გვქონდა, რომ იგი სწორედ ის იყო, ვისაც უნდა გამოესყიდა ისრაელი. ყოველივე ამასთან ერთად, უკვე მესამე დღეა, რაც ეს მოხდა. ლუკ.2.25. საქ.26,6.

22 მაგრამ ზოგიერთმა დედაკაცმა ჩვენთანთან გაგვაოცა. ისინი დილაადრიან იყვნენ სამარხთან

23 და ვერ იპოვეს მისი გვამი. მოვიდნენ და თქვეს, რომ იხილეს ჩვენება ანგელოზთა, რომელთაც უთქვამთ, ცოცხალიაო.

24 ზოგიერთი ჩვენთაგანიც წავიდა სამარხისაკენ და მართლაც, იგივე დაინახეს, რასაც დედაკაცები ამბობდნენ. ის კი ვერ ნახეს.

25 მან უთხრა: „ჰოი, უგუნურნო და გულით მძიმენო, ყველაფრის იმის სარწმუნებლად, რასაც წინასწარმეტყველები ამბობდნენ. დაბ.3,15;22,18;19,10-11. რიცხ.21,9. ფსალ.21,7;68,10.21. ეს.50,6;53,3.

26 განა ასე არ უნდა დატანჯულიყო ქრისტე და შესულიყო თავის დიდებაში?“

ფსალ.15,8-10. ეს.40,10. იერ.23,5;33,15. ეზეკ.34,23;37,24. დან.9,24. მიქ.7,20.

27 დაიწყო მოსედან და ყველა წინასწარმეტყველიდან და განუწარტავდა მათ ყოველ წერილში მის შესახებ ნათქვამს.

28 მიუახლოვდნენ იმ სოფელს, სადაც მიდიოდნენ, ის კი თითქოს გზის გაგრძელებას აპირებდა.

29 მაგრამ ისინი აკავებდნენ მას და ეუბნებოდნენ: „დარჩი ჩვენთან, ვინაიდან დღე უკვე მიიწურა და მწუხრი ჩამოდგა.“ ისიც შევიდა, რომ დარჩენილიყო მათთან.

30 როცა მათთან იჯდა, აიღო პური, აკურთხა, გატეხა და მიაწოდა მათ.

31 მაშინ თვალი აეხილათ და იცნეს. მაგრამ ის უჩინარი შეიქნა მათთვის.

32 უთხრეს ერთმანეთს: „განა არ ღვიოდა ჩვენი გული ჩვენში, როცა გზაში გველაპარაკებოდა და როცა წერილებს გვიხსნიდა?“

33 აღგნენ იმავე ჟამს და დაბრუნდნენ იერუსალიმში, მონახეს შეკრებილნი თერთმეტნი და მათთან მყოფნი,

34 რომელნიც ამბობდნენ, რომ უფალი ჭეშმარიტად აღდგა და ეჩვენა სიმონს.

35 მათაც უამბეს გზაში მომხდარი და ისიც, როგორ იცნეს იგი პურის გატეხვისას.

იესო ეცხადება თერთმეტს

36 ამ ლაპარაკში რომ იყვნენ, თვითონ იესო ჩადგა მათ შუა და უთხრა: „მშვიდობა თქვენდა!“

მარ.16,14. იოან.20,19. საქ.13,31. 1კორ.15,5.

37 შეძრწუნებულებსა და შეშინებულებს ეგონათ, რომ სულს ხედავდნენ.

38 მაგრამ მან უთხრა: „რატომ შეძრწუნდით და რატომ გებადებათ გულში ასეთი ფიქრები?“

39 შეხედეთ ჩემს ხელებსა და ჩემს ფეხებს. ეს მე ვარ თვითონ. შემეხეთ მე და ნახეთ, რადგან სულს არ გააჩნია ხორცი და ძვლები, მე კი მაქვს, როგორც ხედავთ.“

40 ეს რომ უთხრა, უჩვენა მათ ხელები და ფეხები.

41 რადგან სიხარულისაგან მათ ჯერ კიდევ არ ეჯერებოდათ და გაკვირვებულნი იყვნენ, მან ჰკითხა: „გაქვთ აქ რამე საჭმელი?“

42 მიაწოდეს მას შემწვარი თევზის ნაჭერი და თაფლის გოლეული.

43 გამოართვა და ჭამა მათ წინაშე. ხოლო მორჩენილი აიღო და მიცა მათ.

44 უთხრა მათ: „ეს არის ჩემი სიტყვები, რომელთაც გეუბნებოდით, ვიდრე თქვენთან ვიყავი: უნდა შესრულდეს ყოველივე, რაც დაწერილია ჩემზე მოსეს რჯულში, წინასწარმეტყველებში და ფსალმუნებში.“

მათ.16,21.

45 მაშინ გაუხსნა მათ გონება წერილთა გასაგებად იოან.5,39.

46 და უთხრა მათ: „ასე წერია, რომ ქრისტე უნდა ტანჯულიყო და მკვდრეთით აღმდგარიყო მესამე დღეს;

ეს.53,14. ლუკ.24,27.

47 უნდა ქადაგებულიყო მისი სახელით მონანიება ცოდვათა მისატევებლად ყველა ხალხში, მოყოლებული იერუსალიმიდან.

48 თქვენ კი ამის მოწმენი ხართ.

49 და აჰა, მე მოვაველენ თქვენზე მამაჩემის აღთქმულს. თქვენ კი დარჩით ქალაქში, ვიდრე მაღლიდან ძალით შეიმოსებოდეთ.“

იოან.14,16;15,26. საქ.1,4,8.

ამაღლება


50 და გაიყვანა ისინი ბეთანიაძდე და აღაპყრო ხელები, და აკურთხა ისინი.

51 როდესაც აკურთხებდა, განშორდა მათ და ამაღლდა ცაში.

მარ.16,19. საქ.1,9.

52 მათ თაყვანი სცეს მას და დაბრუნდნენ იერუსალიმში დიდი სიხარულით.

53 სულმუდამ ტაძარში იყვნენ, ღვთის მადიდებელნი და მაკურთხეველნი. ამინ.



ი ე რ უ ს ა ლ ი მ ი

იოანეს სახარება

თ ა ვ ი 1

თავდაპირველად იყო სიტყვა

1 თავდაპირველად იყო სიტყვა და სიტყვა იყო ღმერთთან,
და სიტყვა იყო ღმერთი. იგავ.8,22. იოან.1,1-2.

2 ის იყო თავდაპირველად ღმერთთან.

3 ყოველივე მის მიერ შეიქმნა, და მის გარეშე არაფერი
შექმნილა, რაც კი შექმნილა. დაბ.1,3. ფსალ.22,6.

4 მასში იყო სიცოცხლე და სიცოცხლე იყო ადამიანთა
ნათელი.

5 ნათელი ბნელში ანათებს და ბნელმა ვერ მოიცვა იგი.

იოან.3,19.

იოანე ნათლისმცემლის მოწმობა იესოზე

6 იყო კაცი, მოვლინებული ღვთისგან, სახელი მისი იყო
იოანე. მათ.3,1.

7 იგი მოვიდა დასამოწმებლად, რათა დაემოწმებინა ნათლის
შესახებ, რათა ყველას ერწმუნა მისი მეშვეობით.

8 იგი არ იყო ნათელი, არამედ რათა დაემოწმებინა ნათლის
შესახებ.

9 იყო ნათელი ჭეშმარიტი, რომელიც გაუნათებს წუთისოფ-
ლად მომსვლელ ყოველ ადამიანს. ეს.60,1.

10 იყო წუთისოფელში და წუთისოფელი მის მიერ შეიქმნა,
და წუთისოფელმა ვერ იცნო იგი.

11 თავისიანებთან მოვიდა და თავისიანებმა არ მიიღეს იგი.

მათ.15,24.

12 ხოლო ვინც კი მიიღო იგი და ირწმუნა მისი სახელი, მისცა მათ ხელმწიფება ღვთის შვილებად გახდომისა.

რომ.8,15. გალ.3,26.

13 ისინი იშვნენ არა სისხლისაგან, არა ხორცის ნდომისაგან, არა მამაკაცის ნდომისაგან, არამედ ღვთისაგან.

14 სიტყვა გახდა ხორცი და დამკვიდრდა ჩვენს შორის, მადლითა და ჭეშმარიტებით აღსავსე. და ჩვენ ვიხილეთ მისი დიდება, როგორც მამისაგან მხოლოდშობილის დიდება.

მათ.1,16;17,2. 2კორ.3,9. ეფეს.2,11.

15 იოანე მოწმობს მასზე და ღაღადებს: „ეს იყო, რომელზეც ვთქვი: ჩემს შემდეგ მომავალი, ჩემზე უპირატესია, ვინაიდან ჩემზე უწინ იყო.“

მათ.3,11.

16 მისი სისავსიდან მივიღეთ ყველამ, მაღლი მაღლისა წილ.

ეფეს.1,6. კოლ.1,19.

17 ვინაიდან რჯული მოცემულია მოსეს მიერ, ხოლო მაღლი და ჭეშმარიტება იესო ქრისტეს მიერ იქმნა.“

გამოს.20,1. რომ.3,24.

იოანე უთითებს ღვთის კრავზე

18 ღმერთი არასდროს არავის უნახავს. მხოლოდშობილმა ძემ, მამის წიაღში მყოფმა, გააცხადა.

გამოს.33,20. 1იოან.4,12. 1ტიმ.6,16.

19 აჰა, მოწმობა იოანესი, როდესაც იუდეველებმა გაუგზავნეს იერუსალიმიდან მღვდელნი და ლევიანები, რათა ეკითხათ მისთვის: „ვინ ხარ შენ?“

იოან.5,33.

20 მან აღიარა და არ უარყო, აღიარა: „მე არა ვარ ქრისტი.“

იოან.3,28. საქ.13,25.

21 ჰკითხეს მას: „მაშ ვინ, ელია ხარ?“ მან თქვა: „არა ვარ.“ „წინასწარმეტყველი ხარ?“ მიუგო: „არა.“

22 მაშინ უთხრეს მას: „ვინა ხარ, რომ პასუხი გავცეთ ჩვენს წარმომგზავნელთ: რას იტყვი შენზე?“

23 მან თქვა: „მე ვარ ხმა მღაღადებლისა უდაბნოში: მოუსწორეთ გზა უფალს, როგორც თქვა ესაია წინასწარმეტყველმა.“

ეს.40,3. მათ.3,3. მარ.1,3. ლუკ.3,4.

24 წარმოგზავნილები კი ფარისეველთაგან იყვნენ.

25 ჰკითხეს მას: „აბა, რატომ ნათლავ, თუ არც ქრისტი ხარ, არც ელია, არც წინასწარმეტყველი?“

26 მიუგო იოანემ პასუხად: „მე ვნათლავ წყალში, მაგრამ თქვენს შორის დგას, ვისაც ვერ იცნობთ:

27 ის ჩემს შემდეგ მოდის, მაგრამ მე მისი სანდლის თასმის შეხსნის ღირსიც არა ვარ.“

28 ეს მოხდა ბეთანიაში, იორდანეს გაღმა, სადაც იოანე ნათლავდა.

29 მეორე დღეს იხილა მან მისკენ მომავალი იესო და თქვა: „აჰა, ღვთის კრავი, რომელიც იღებს წუთისოფლის ცოდვას.“

გამოს.12,3. ეს.53,7.

30 ეს არის, რომელზეც ვთქვი: ჩემს შემდეგ მოდის კაცი, რომელიც ჩემზე უპირატესია, ვინაიდან ჩემზე უწინ იყო-მეთქი.

31 მე არ ვიცნობდი მას, მაგრამ იმიტომ მოვედი წყალში სანათლავად, რომ ის გამოეცხადოს ისრაელს.“
მარ.1,4.

32 მოწმობდა იოანე და ამბობდა: „მე ვიხილე ციდან მტრედით გარდმომავალი სული და დაივანა მასზე.

მათ.3,16. მარ.1,10. ლუკ.3,22. იოან.6,27.

33 მე არ ვიცნობდი მას, მაგრამ ვინც მომავლინა წყალში სანათლავად, მან მითხრა: 'ვისზეც დაინახო სული, გარდმომავალი და დავანებული, ის არის სულიწმიდით ნათლისმცემელი.'

34 მე დავინახე და დავამოწმე, რომ ეს არის ძე ღვთისა.“

35 მეორე დღეს კვლავ იდგა იოანე და ორი მისი მოწაფეთაგანი.

36 დაინახა მომავალი იესო და თქვა: „აჰა, ღვთის კრავი.“

37 ორმა მოწაფემ გაიგონა მისი სიტყვა და გაჰყვა იესოს.

38 იესო მობრუნდა, დაინახა, რომ მიჰყვებიან, და უთხრა მათ: „რას ეძებთ?“ ხოლო მათ უთხრეს: „რაბი (რაც თარგმანით ნიშნავს: მოძღვარო), სად ცხოვრობ?“

39 უთხრა მათ: „წამოდით და ნახავთ.“ წავიდნენ და ნახეს, სადაც ცხოვრობდა. ის დღე მასთან დაჰყვეს. იქნებოდა დაახლოებით მეათე საათი.

40 ერთი ამ ორთაგანი, რომელმაც იოანესგან მოისმინა და გაჰყვა მას, იყო ანდრია, ძმა სიმონ-პეტრესი.

41 მან პირველად თავისი ძმა სიმონი ნახა და უთხრა: „ჩვენ ვიპოვეთ მესია,“ (რაც თარგმანით ნიშნავს ქრისტეს).

42 მიიყვანა იგი იესოსთან. შეხედა მას იესომ და უთხრა: „შენ ხარ სიმონი, იოანეს ძე. ამიერიდან შენ გერქმევა კეფა (რაც თარგმანით ნიშნავს კლდეს).“
მათ.16,18.

43 მეორე დღეს მოისურვა გალილეას წასვლა, იპოვა ფილიპე და უთხრა იესომ: „გამომყევი“.

44 ხოლო ფილიპე ბეთსაიდიდან იყო, ანდრიას და პეტრეს ქალაქიდან.

45 ფილიპემ იპოვა ნათანაელი და უთხრა: „ჩვენ ვნახეთ ის, ვისზეც წერდა რჯულში მოსე და აგრეთვე წინასწარმეტყველნი: იესო, იოსების ძე, ნაზარეთიდან.“

ფსალ.39,8. ეს.4,2;7,14;9,6;40,11;53,1. იერ.23,5;33,14. ეზეკ.34,23;37,24. ზაქ.9,9.

46 უთხრა მას ნათანაელმა: „განა ნაზარეთიდან რაიმე სიკეთე შეიძლება იყოს?“ ფილიპემ უთხრა: „წამო და ნახე“.

47 იესომ რომ დაინახა მისკენ მიმავალი ნათანაელი, თქვა მასზე: „აჰა, ჭეშმარიტი ისრაელიანი, ვისშიც არ არის მზაკვრობა.“

48 ნათანაელმა ჰკითხა: „საიდან მიცნობ?“ იესომ მიუგო: „ვიდრე ფილიპე დაგიძახებდა, ლელვის ქვეშ მყოფი, დაგინახე.“

49 ნათანაელმა უპასუხა მას: „რაბი, შენ ხარ ძე ღვთისა, შენ ხარ ისრაელის მეფე.“

50 მიუგო იესომ და უთხრა: „შენ იმის გამო გწამს, რომ გითხარი, ლელვის ქვეშ დაგინახე-მეთქი? ამაზე მეტს იხილავ.“

51 უთხრა მას: „ჭეშმარიტად, ჭეშმარიტად გეუბნებით თქვენ: ამიერიდან იხილავთ გახსნილ ცას და ღვთის ანგელოზებს, კაცის ძეზე აღმავალთა და ჩამომავალთ.“
დაბ.28,12.

თ ა ვ ი 2

პირველი სასწაული კანაში

1 მესამე დღეს ქორწილი იყო გალილეის კანაში და იესოს დედაც იქ იყო.

2 იესო და მისი მოწაფეებიც იყვნენ მიწვეულნი ქორწილში.

3 როცა ღვინო შემოაკლდათ, იესოს დედამ უთხრა მას: „ღვინო აღარა აქვთ.“

4 იესომ უთხრა მას: „რა გინდა ჩემგან, დედაკაცო? ჩემი უამი ჯერ არ დამდგარა.“

5 დედამისმა უთხრა მსახურებს: „გააკეთეთ ყველაფერი, რასაც ის გეტყვით.“

6 იქ იყო ექვსი ქვის ჭურჭელი, იუდეველთა საწესო განწმენდისთვის, თითოში ორი ან სამი საწყაული ჩადიოდა.

7 უთხრა მათ იესომ: „ავსეთ წყლით ეგ ჭურჭლები.“ და მათაც აავსეს პირთამდე.

8 უთხრა მათ: „ახლა ამოიღეთ და მიართვით სუფრის გამრიგეს!“ და მიართვეს.

9 როდესაც სუფრის გამრიგემ გემო უნახა ღვინოდ ქცეულ წყალს (არ იცოდა საიდან იყო ეს, იცოდნენ მხოლოდ მსახურებმა, რომლებმაც ამოიღეს წყალი), მაშინ სუფრის გამრიგემ დაუძახა ნეტეს

10 და უთხრა: „ყველა კაცი ჯერ კარგ ღვინოს ჩამოდგამს, ხოლო როცა შეთვრებიან, მდარეს. შენ კი აქამდე ინახავდი კარგ ღვინოს.“

11 ასე დაიწყო იესომ სასწაულების მოხდენა გალილეის კანაში და გამოავლინა თავისი დიდება. და ირწმუნეს მისმა მოწაფეებმა.

12 ამის შემდეგ ჩავიდა კაპერნაუმს, ის და დედამისი, ძმები და მისი მოწაფეები, და იქ დარჩა რამდენიმე დღეს.

ტაძრიდან ვაჭრების გარეკვა

13 ახლოვდებოდა იუდეველთა პასექი და იესო ავიდა იერუსალიმს.
2შჯ.16.1.

14 ნახა ტაძარში ხარების, ცხვრების და მტრედების გამყიდველნი და მსხდომარე მეკერმენი.
მათ.21,12. მარ.11,16. ლუკ.19,45.

15 გააკეთა საბლის შოლტი და გამორეკა ტაძრიდან ყველა,

აგრეთვე ხარებიც და ცხვრებიც, ფულის გადამცვლელებს ფული დაუბნია და მაგიდები აუყირავა.

16 მტრელების გამყიდველებს უთხრა: „გაიყვანეთ ესენი აქედან და მამაჩემის სახლს ნუ გახდით სავაჭრო სახლად.“

17 მის მოწაფეებს გაახსენდათ, რომ დაწერილია: „შენი სახლის შური შემჭამს მე.“
ფსალ.68,10.

მისი სხეული ტაძარია

18 მიუგეს მაშინ იუდეველებმა და უთხრეს: „რა ნიშანს გვიჩვენებ, ამას რომ აკეთებ?“

19 მიუგო იესომ და უთხრა მათ: „დაანგრიეთ ეს ტაძარი და სამ დღეში აღადგენ მას.“
მათ.26,61;27,40; მარ.14,58;15,29.

20 იუდეველებმა უთხრეს: „ეს ტაძარი ორმოცდაექვს წელიწადს შენდებოდა და შენ სამ დღეში აღადგენ მას?“

21 ის კი თავისი სხეულის ტაძარზე ლაპარაკობდა.

22 როცა ის მკვდრეთით აღდგა, მისმა მოწაფეებმა გაიხსენეს, ამას რომ ამბობდა, და იწამეს წერილი და სიტყვა, რომელიც იესომ თქვა.
ფსალ.15,8. ეს.55,3. მათ.17,23. საქ.2,25;13,34.

დაინახეს მისი სასწაული, ბევრმა ირწმუნა

23 ხოლო, როცა იერუსალიმში პასექის დღესასწაულზე იყო, ბევრმა ნახა მის მიერ მოხდენილი სასწაულები და იწამა მისი სახელი.

24 თვითონ იესო არ ანდობდა მათ თავის თავს, ვინაიდან ყველას იცნობდა.
მათ.9,4. მარ.2,8.

25 არც სჭირდებოდა, რომ ვინმეს დაემოწმებინა კაცზე, რადგან იცოდა რა იყო კაცში.
ფსალ.7,10. იერ.11,20. იოან.6,64.

თ ა ვ ი 3

ნიკოდემოსი იესოსთან. მალლიდან შობაზე

1 ფარისევლებს შორის იყო ერთი კაცი, სახელად ნიკოდემოსი, იუდეველთა მთავარი.
იოან.7,50;19,39.

2 იგი ღამით მივიდა მასთან და უთხრა: „რაბი, ჩვენ ვიცით, რომ შენ ხარ მოძღვარი, ღვთისაგან მოსული, ვინაიდან არავის ძალუძს ისეთი სასწაულების მოხდენა, როგორსაც შენ ახდენ, თუ მასთან ღმერთი არ არის.“

3 მიუგო იესომ და უთხრა მას: „ჰეშმარიტად, ჰეშმარიტად გეუბნები შენ: ვინც ხელახლა არ იშობა, ვერ იხილავს ღვთის სასუფეველს.“
იაკ.1,18. 1პეტ.1,23. 2კორ.5,17. გალ.6,15. ტიტ.3,5.

4 ნიკოდემოსმა უთხრა მას: „როგორ შეუძლია კაცს იშვას, თუ იგი მოხუცია? ნუთუ შეძლებს თავისი დედის მუცელში მეორედ შევიდეს და იშვას?“

5 მიუგო იესომ: „ჰეშმარიტად, ჰეშმარიტად გეუბნები შენ: ვინც წყლისა და სულისაგან არ იშვება, ვერ შევა ღვთის სასუფეველში.“

6 ხორცისაგან შობილი ხორცია და სულისაგან შობილი სულია. რომ.8,5.

7 ნუ გაგიკვირდება, რომ გითხარი: თქვენ ხელახლა უნდა იშვათ-მეთქი.

8 ჭარი ჭრის, სადაც მოისურვებს. მისი ხმა გესმის, მაგრამ არ იცი, საიდან მოდის და სად მიდის. ასევეა ყველა, ვინც სულისაგან არის შობილი.“ კოლ.3,3.

9 ნიკოდემოსმა მიუგო და უთხრა მას: „როგორ შეიძლება მოხდეს ეს?“

10 მიუგო იესომ და უთხრა მას: „შენ ისრაელის მოძღვარი ხარ და განა ეს არ იცი?“

11 ჰეშმარიტად, ჰეშმარიტად გეუბნები შენ: ვლაპარაკობთ იმაზე, რაც ვიცით, და ვმოწმობთ, რაც გვინახავს, მაგრამ თქვენ არ ღებულობთ ჩვენს მოწმობას.

12 თუ მიწიერზე გითხარით და არ გწამთ, როგორ იწამებთ, ზეციერზე რომ გითხრათ?

13 არავინ ასულა ცაში, გარდა ციდან ჩამოსული კაცის ძისა, რომელიც ზეცაშია. იგ.30,4. იოან.6,62.

14 როგორც მოსემ აღამალა გველი უდაბნოში, ასევე უნდა ამალდეს კაცის ძე. რიც.29,9. იოან.12,32.

15 რათა ყოველი მისი მორწმუნე არ დაიღუპოს, არამედ ჰქონდეს საუკუნო სიცოცხლე.

16 ვინაიდან ისე შეიყვარა ღმერთმა წუთისოფელი, რომ მისცა თავისი მხოლოდშობილი ძე, რათა ყოველი მისი მორწმუნე არ დაიღუპოს, არამედ ჰქონდეს საუკუნო სიცოცხლე.

ეს.9,6. მარ.16,16. იოან.6,40. 1იოან.4,9-10.

17 რადგან იმიტომ კი არ მოავლინა ღმერთმა თავისი ძე წუთისოფლად, რომ განეკითხა წუთისოფელი, არამედ გადარჩენილიყო მის მიერ.

18 ვისაც ის სწამს, არ განიკითხება, ხოლო ვისაც არ სწამს, უკვე მსჯავრდადებულია, რადგან არ ირწმუნა ღვთის მხოლოდშობილი ძის სახელი.

19 განკითხვა კი ის არის, რომ ნათელი მოვიდა წუთისოფელში და ადამიანებმა ნათელზე მეტად ბნელი შეიყვარეს, ვინაიდან ბოროტი იყო მათი საქმენი. იოან.1,5;8,12.

20 ვინაიდან ყველას, ვინც ბოროტებას სჩადის, სძულს ნათელი და არ მიდის ნათლისკენ, რათა არ იქნეს მხილებული მისი საქმენი.

21 ხოლო ჰეშმარიტების მოქმედი ნათლისკენ მიდის, რათა ცხადი გახდეს მისი საქმეები, რადგან ღმერთშია ქმნილი.“

იოანე ნათლისმცემელი ისევ მოწმობს იესოზე

22 ამის შემდეგ იესო თავის მოწაფეებთან ერთად მივიდა იუდას ქვეყანაში, იქ დარჩა მათთან და ნათლავდა.

23 იოანე კი ნათლავდა ენონში, სალიმის მახლობლად, ვინაიდან ბევრი წყალი იყო იქ და მოდიოდნენ და ინათლებოდნენ.

24 ვინაიდან იოანე ჯერ კიდევ არ იყო საპყრობილეში ჩაგდებული.

25 მაშინ იოანეს მოწაფეებსა და იუდეველებს შორის დავა ჩამოვარდა განწყობის გამო.

26 მივიდნენ იოანესთან და უთხრეს: „რაბი, ის, ვინც შენთან იყო იორდანეს გაღმა, და რომლის შესახებაც შენ მოწმობდი, აჰა, ის ნათლავს და ყველანი მასთან მიდიან.“ იოან.1,27.

27 მიუგო იოანემ და უთხრა: „ადამიანს არაფრის მიღება არ შეუძლია, თუ ციდან არა აქვს მიცემული.“ იოან.1,20. საქ.13,25.

28 თქვენ თვითონ დამემოწმებით, რომ ვთქვი: მე არა ვარ ქრისტი, არამედ მოვლენილი ვარ მის წინ.

29 ვისაც საცოლე ჰყავს, ის სიძეა, ხოლო სიძის მეგობარი, რომელიც დგას და უსმენს მას, სიხარულით ხარობს სიძის ხმაზე. ეს ჩემი სიხარული უკვე აღსრულდა. მათ.22,2. ეფეს.5,25,27.

30 ის უნდა იზრდებოდეს, მე კი ვმცირდებოდე.

31 მაღლიდან მომავალი ყველაზე მაღლაა, ხოლო ვინც მიწიდან არის, მიწიერია, და მიწის შესახებ ლაპარაკობს. ციდან მომავალი კი ყველაზე მაღლაა. იოან.8,23. რომ.9,5. ეფეს.1,21.

32 რაც მან იხილა და მოისმინა, იმას მოწმობს და მის მოწმობას არავინ ლებულობს. იოან.8,26.

33 ვინც მიიღო მისი მოწმობა, დაბეჭდა, რომ ღმერთი ჰეშმარიტია. 1იოან.5,10. რომ.3,4.

34 რადგან ის, ვინც ღმერთმა მოავლინა, ღვთის სიტყვებს ლაპარაკობს. ვინაიდან ღმერთი გამოზომით არ იძლევა სულს. იოან.1,16. ეფეს.4,7.

35 მამას უყვარს ძე და ყველაფერი მას მისცა ხელთ. დან.7,14. მათ.28,18.

36 ვისაც ძე სწამს, საუკუნო სიცოცხლე აქვს, ხოლო ურჩი ძისა ვერ იხილავს სიცოცხლეს, არამედ ღვთის რისხვა დარჩება მასზე.“ ამბ.2,4.

თ ა ვ ი 4

ღმერთი არის სული

1 როდესაც უფალმა შეიტყო, რომ ფარისევლებს გაეგოთ, იესო უფრო მეტ მოწაფეებს იძენს და ნათლავს, ვიდრე იოანეო, იოან.3,26.

2 (თუმცა ნათლავდა არა თვით იესო, არამედ მისი მოწაფენი),

3 დატოვა მან იუდეა და კვლავ გალილეას წავიდა.

4 მას სამარიაზე უნდა გაეგლო.

5 ამრიგად, მივიდა სამარიელთა იმ ქალაქში, სიქარი რომ ეწოდება, იმ მინდვრის მახლობლად, რომელიც იაკობმა მისცა თავის ძეს იოსებს. დაბ.33.19:48.22. ისუ 6.24.32.

6 იქ იყო იაკობის ჭა. გზით დაქანცული იესო წყაროსთან ჩამოჯდა. ასე ექვსი საათი იქნებოდა.

7 მოვიდა დედაკაცი სამარიიდან წყლის ამოსაღებად. იესომ უთხრა მას: „წყალი დამალევინე.“

8 რადგან მისი მოწაფენი ქალაქში იყვნენ წასული საჭმელის საყიდლად.

9 უთხრა მას სამარიელმა დედაკაცმა: „როგორ მთხოვ შენ, იუდეველი, სამარიელ დედაკაცს დამალევინეო? რადგან იუდეველებს არა აქვთ ურთიერთობა სამარიელებთან.“ 4მფ.17.24. ლუკ.9.53.

10 მიუგო იესომ და უთხრა მას: „შენ რომ იცოდე ღვთის ნიჭი და ის, ვინც გეუბნება, წყალი დამალევინეო, მაშინ შენ თვითონ სთხოვდი მას და ისიც მოგცემდა ცოცხალ წყალს.“ ეს.12.3;44.3. ზაქ.14.8.

11 უთხრა დედაკაცმა: „ბატონო, არც ასავსები ჭურჭელი გაქვს და ეს ჭაც ღრმაა. საიდან გაქვს ცოცხალი წყალი?“

12 ნუთუ შენ მეტი ხარ ჩვენს მამა იაკობზე, რომელმაც ეს ჭა გვიბოძა, და თვითონაც აქედან სვამდა, მისი ძენიც და მისი საქონელიც?“

13 მიუგო იესომ და უთხრა მას: „ყველას, ამ წყლის მსმელს, კვლავ მოსწყურდება.“

14 ხოლო ვინც დაღევს წყლიდან, რომელსაც მე მივცემ მას, საუკუნოდ არ მოსწყურდება. რადგან წყალი, რომელსაც მე მივცემ, მასში გადაიქცევა წყლის წყაროდ, რომელიც საუკუნოდ სიცოცხლედ იღინებს.“

15 უთხრა დედაკაცმა: „ბატონო, მომეცი ის წყალი, რომ აღარ მომწყურდეს და აღარც წყლის ამოსაღებად მოვიდე აქ.“

16 უთხრა მას: „წადი, მოუხმე შენს ქმარს და მოდი აქ.“

17 მიუგო დედაკაცმა და უთხრა: „მე არ მყავს ქმარი.“ იესომ უთხრა: „მართალი თქვი: მე ქმარი არა მყავსო.“

18 რადგან ხუთი ქმარი გყავდა და ის, ვინც ახლა გყავს, არც ისაა შენი ქმარი. ეს მართალი თქვი.“

19 უთხრა დედაკაცმა: „ბატონო, ვხედავ, რომ წინასწარმეტყველი ხარ.“

20 ჩვენი მამები ამ მთაზე სცემდნენ თაყვანს, თქვენ კი ამბობთ, იერუსალიმშია ადგილი, სადაც უნდა სცემდნენო თაყვანს.“ 2შჯ.12.6:16.6. 3მფ.9.3.

21 უთხრა იესომ: „დედაკაცო, მერწმუნე დგება ჟამი, როცა არც ამ მთაზე და არც იერუსალიმში თაყვანს აღარ სცემთ მამას.“

22 თქვენ არ იცით, რას სცემთ თაყვანს. ჩვენ კი ვიცით, რას ვცემთ თაყვანს, რადგან ხსნა იუდეველთაგანაა.

დაბ.12.3. 4მფ.17.29. ეს.2,3. რომ.9.5.

23 მაგრამ ღებდა ჟამი და უკვე აქ არის, როდესაც ჭეშმარიტი თაყვანისმცემელი თაყვანს სცემენ მამას სულითა და ჭეშმარიტებით, რადგან მამაც სწორედ ასეთ თაყვანისმცემლებს ეძებს თავისთვის.

24 ღმერთი არის სული და მისი თაყვანისმცემელი თაყვანს უნდა სცემდნენ სულითა და ჭეშმარიტებით.“ 2შჯ.3.17. ფილ.3.3.

25 უთხრა დედაკაცმა: „ვიცი, რომ მოდის მესია, რომელსაც ჰქვია ქრისტე. ის რომ მოვა, ყველაფერს გაგვიცხადებს.“

26 უთხრა მას იესომ: „მე ვარ, რომელიც გელაპარაკება შენ.“

27 ამ დროს მოვიდნენ მისი მოწაფეები და გაუკვირდათ, რომ იგი დედაკაცთან საუბრობდა, მაგრამ არც ერთს არ უთქვამს: რას ეძიებ ან რას ელაპარაკებიო მას.

28 მაშინ დედაკაცმა დატოვა თავისი ჭურჭელი, წავიდა ქალაქში და უთხრა ხალხს:

29 „წადით, ნახეთ კაცი, რომელმაც ყველაფერი მითხრა, რაც კი რამ ჩამიდენია. იგი ხომ არაა ქრისტე?“

30 გამოვიდნენ ქალაქიდან და წავიდნენ მასთან.

მომწიფდა სამკალად

31 ამასობაში მოწაფეებმა სთხოვეს მას და უთხრეს: „რაბი, ჭამე!“

32 ხოლო მან უთხრა მათ: „მე მაქვს საჭმელი, რომელიც თქვენ არ იცით.“

33 ამიტომ მოწაფეებმა ერთმანეთს გადაულაპარაკეს: „ნუთუ მას საჭმელი მოუტანა ვინმემ?“

34 უთხრა მათ იესომ: „ჩემი საჭმელია – გქმნა ჩემი მომავლინების ნება და აღვასრულო მისი საქმე.“

35 განა თქვენ არ ამბობთ, რომ კიდევ ოთხი თვე, და დადგება მკა? აჰა, მე გეუბნებით თქვენ: აახილეთ თვალები და შეხედეთ ყანებს, როგორ გადათეთრებულან სამკალად. მათ.9,37. ლუკ.10,2.

36 მომკელი ღებულობს თავის საზღაურს და მოაგროვებს ნაყოფს საუკუნო სიცოცხლისათვის, ისე რომ, მთესველი და მომკელი ერთად გაიხარებენ.

37 ამგვარად, ჭეშმარიტია ანდაზა: ერთი თესავს და სხვა იმკისო.

38 მე თქვენ მიგავლენთ იმის მოსამკელად, რაზედაც არ გიშრომიათ. სხვებმა იშრომეს, თქვენ კი მათ შრომაში შემოხვედით.“

სამარიელებმა იწამეს იესო

39 ბევრმა იმ ქალაქში მცხოვრებმა სამარიელმა ირწმუნა იგი იმ დედაკაცის სიტყვით, რომელიც ამოწმებდა: ყველაფერი მითხრა, რაც ჩამიდენიაო.

40 ამიტომ, როდესაც მოვიდნენ მასთან სამარიელები, სთხოვეს, მათთან დარჩენილიყო, და იგი ორ დღეს დარჩა იქ.

41 კიდევ მრავალმა ირწმუნა მისი სიტყვის გამო.

42 უთხრეს იმ დედაკაცს: „უკვე გვწამს არა შენი ნათქვამის გამო, არამედ თვითონ მოვუსმინეთ და ვიცით, რომ ჭეშარიტად ის არის წუთისოფლის მხსნელი.“

43 ორი დღე რომ გავიდა, წამოვიდა იქიდან გალილეაში.

მათ.4,12. მარ.1,14.

44 რადგან თავად იესო მოწმობდა, რომ წინასწარმეტყველს თავის სამშობლოში არა აქვს პატივი. მათ.13,57. მარ.6,4. ლუკ.4,24.

45 როცა გალილეაში მივიდა, გალილეელებმა მიიღეს იგი, რაკი ყველაფერი ნახეს, რაც მოიმოქმედა იერუსალიმში დღესასწაულზე, რადგან ისინიც ესწრებოდნენ დღესასწაულს.

დიდებულის შვილის განკურნება კაპერნაუმში

46 ასე რომ, იესო კვლავ მივიდა გალილეის კანაში, სადაც წყალი ღვინოდ აქცია. და იყო იქ ერთი აზნაური, რომელსაც შვილი ჰყავდა ავად კაპერნაუმში. იოან.2,11.

47 როგორც კი გაიგო, იესო მოსულა იუდეიდან გალილეაშიო, მივიდა მასთან და შეევედრა, წაჰყოლოდა და განეკურნა მისი შვილი, რადგან სიკვდილის პირას იყო.

48 უთხრა მას იესომ: „არ ირწმუნებთ, თუკი ნიშნებსა და სასწაულებს არ იხილავთ.“

49 უთხრა მეფის მოხელემ: „უფალო, წამოდი სანამ ჩემი შვილი არ მომკვდარა.“

50 უთხრა იესომ: „წადი, ცოცხალია შენი შვილი.“ იმ კაცმა ირწმუნა იესოს ნათქვამი სიტყვა და წავიდა.

51 შინ რომ ბრუნდებოდა, მისი მსახურები მიეგებნენ მას და უთხრეს, რომ მისი ვაჟი ცოცხალი იყო.

52 მან ჰკითხა, თუ რომელ საათზე გამომჯობინდა. უთხრეს: გუშინ მეშვიდე საათზე გაუარაო სიცხემ.

53 ამით მიხვდა მამა, რომ ეს ის საათი იყო, როცა იესომ უთხრა: ცოცხალიაო შენი შვილი. და ირწმუნა მან და მთელმა მისმა სახლმა.

54 ეს მეორე სასწაული მოახდინა იესომ მას აქეთ, რაც იუდეიდან გალილეაში დაბრუნდა.

თ ა ვ ი 5

იესო კურნავს ოცდათვრამეტი წლის სნეულს

1 ამის შემდეგ იუდეველთა დღესასწაული იყო და ავიდა იესო იერუსალიმს.

2 იერუსალიმში, ცხვრის ჭიშკართან, აუზია, რომელსაც ებრაულად ბეთ-ხასდა ეწოდება, და ხუთი სტოა აქვს.

3 იქ იწვა ძალიან ბევრი სნეული, ბრმა, ხეიბარი და ჩამომხმარი, რომლებიც წყლის ამღვრევას ელოდნენ,

4 რადგან ანგელოზი უფლისა ჩამოდიოდა დროდადრო აუზში და ამღვრევდა წყალს. ხოლო მას შემდეგ, რაც წყალი აიმღვრეოდა, ვინც პირველი ჩავიდოდა, განიკურნებოდა, რა სენითაც არ უნდა ყოფილიყო შეპყრობილი.

5 აქ იყო კაცი, ოცდათვრამეტი წლის ტანჯული თავისი სნეულებით.

6 იესომ იხილა იგი მწოლარე და შეატყო, რომ უკვე დიდი ხანია სნეულია, უთხრა: „გსურს განიკურნო?“

7 ავადმყოფმა მიუგო: „უფალო, კაცი არა მყავს, წყლის შემღვრევისას რომ ჩამიშვას აუზში. მანამ მე მივალ, სხვა მასწრებს.“

8 იესომ უთხრა: „აღეჭი, აილე შენი სარეცელი და გაიარე.“

9 იგი მაშინვე გაჯანსაღდა. აიღო თავისი სარეცელი და გაიარა. იმ დღეს შაბათი იყო.

10 ამიტომ იუდეველებმა უთხრეს განკურნებულს: „დღეს შაბათია. ნება არა გაქვს სარეცლის აღებისა.“ იერ.17,22.

11 მან მიუგო: „ვინც განმკურნა, მან მითხრა: აილე შენი სარეცელი და გაიარეო.“

12 ჰკითხეს, ვინაა ის კაცი, ვინც გითხრა: აილე და გაიარეო?

13 განკურნებულმა არ იცოდა, ვინ იყო იგი, რადგან იესო იმ ადგილზე მყოფ ბრბოს შეერია.

14 ამის შემდეგ იესო ტაძარში შეხვდა მას და უთხრა: „აჰა, შენ გაჯანსაღდი, ნულარ შესცოდავ, რათა რაიმე უარესი არ დაგეძარტოს.“

15 ის კაცი წავიდა და იუდეველებს უთხრა, რომ იესოა მისი განმკურნავი.

16 იუდეველებმა დევნა დაუწყეს იესოს იმის გამო, რომ შაბათს ასეთი რამ გააკეთა.

17 მან კი მიუგო მათ: „მამაჩემი აქამდე ასე აკეთებს და მეც ვაკეთებ.“ იოან.9,4;14,10.

18 ამიტომ იუდეველებმა მით უფრო დაუწყეს ძებნა მოსაკლავად, რადგან არა მარტო შაბათი გატეხა, არამედ ღმერთს საკუთარ მამად იხსენებდა და თავს ღმერთს უტოლებდა. იოან.7,30.

მოწმობა იოანესი

19 ამაზე იესომ მიუგო მათ და უთხრა: „ჰეშმარიტად, ჰეშმარიტად გეუბნებით თქვენ, ძეს თვითონ არაფრის გაკეთება არ შეუძლია, თუ არ უხილავს, რასაც მამა აკეთებს, რადგან რასაც ის აკეთებს, ძეც იმასვე აკეთებს.“

20 რადგან მამას უყვარს ძე და, რასაც აკეთებს, ყველაფერს უჩვენებს მას. ამაზე უფრო დიდ საქმეებსაც აჩვენებს მას, ისე რომ გაგიკვირდებათ.

21 რადგან, როგორც მამა აღადგენს მკვდრებს და აცოცხლებს, ასევე ძეც აცოცხლებს მას, ვინცა სურს.

22 რადგან მამა არავის არ სჯის, არამედ მთელი სამსჯავრო ძეს გადასცა, მათ.28.18. საქ.17.31. 1პეტ.4.5.

23 რათა ყველამ სცეს პატივი ძეს, როგორც მამას სცემენ პატივს. ვინც ძეს არ სცემს პატივს, ის არც მამასა სცემს პატივს, რომელმაც იგი მოავლინა. იოან.2.23.

24 ჭეშმარიტად, ჭეშმარიტად გეუბნებით თქვენ: ვინც ჩემს სიტყვებს ისმენს და ჩემი მომავლინებელი სწამს, მას აქვს საუკუნო სიცოცხლე და სამსჯავროზე არ მიდის, არამედ უკვე სიკვდილიდან სიცოცხლეში გადავიდა.

25 ჭეშმარიტად, ჭეშმარიტად გეუბნებით თქვენ: მოდის ჟამი, და უკვე დადგა კიდეც, როცა მკვდრები მოისმენენ ღვთის ძის ხმას და მსმენელნი გაცოცხლდებიან.

26 რადგან, როგორც მამას აქვს სიცოცხლე თავის თავში, ასევე ძესაც მისცა, რათა ჰქონდეს სიცოცხლე თავის თავში.

27 სამართლის გაჩენაშიც ხელმწიფება მისცა მას, რადგან კაცის ძეა იგი. დან.7.14.

28 ნუ გაიკვირვებთ ამას, რადგან მოდის ჟამი, როდესაც ყველანი, ვინც სამარხებში არიან, მის ხმას მოისმენენ.

ეს.26,19. დან.12,2. 1კორ.15.52.

29 კეთილის მოქმედნი სიცოცხლის აღდგომისთვის გამოვლენ, სიავის მქნელნი კი – სამსჯავროს აღდგომისთვის.

მათ.25.46. გამოცხ.14.11.

30 ჩემით არაფრის გაკეთება არ შემიძლია. როგორც ვისმენ, ისე განვიკითხავ და ჩემი სამსჯავრო სამართლიანია, რადგან მე ჩემს ნებას არ ვეძებ, არამედ ჩემი მომავლინებლის ნებას. მათ.26.39.

31 თუ მე გამოწმებ ჩემს თავზე, ჩემი მოწმობა არაა ჭეშმარიტი.

32 სხვა არის დამმოწმებელი ჩემს შესახებ და ვიცი, რომ ჭეშმარიტია ის მოწმობა, რომლითაც ის ამოწმებს ჩემს შესახებ. იოან.1.19.

33 თქვენ გაგზავნეთ იოანესთან და მან დაამოწმა ჭეშმარიტების შესახებ.

34 თუმცა ადამიანისგან არ ვიღებ მოწმობას, მაგრამ ამას კი იმიტომ ვამბობ, რომ თქვენ გადარჩეთ.

35 იგი ანთებული და მანათობელი ლამპარი იყო, თქვენ კი გინდოდათ მის შუქზე გეხარათ ერთხანს.

36 მე კი მაქვს უფრო დიდი მოწმობა, ვიდრე იოანესია; რადგან საქმენი, რომელნიც მამამ მომცა აღსასრულებლად, თვით ჩემს მიერ გაკეთებული საქმენი, ამოწმებენ ჩემს შესახებ, რომ მამამ მომავლინა. იოან.10.25.

37 და მამა, რომელმაც მე მომავლინა, მოწმობდა ჩემზე, თქვენ კი არასოდეს მოგისმენიათ მისი ხმა და არც ხატი გიხილავთ მისი. 2შჯ.4,12. მათ.3,17.

38 მისი სიტყვა არა გაქვთ დამკვიდრებული თქვენში, რადგან არ გწამთ მისი მომავლინებლისა.

39 იკვლევთ წერილებს, რადგან გგონიათ, რომ მათში გაქვთ საუკუნო სიცოცხლე. ისინი კი ჩემს შესახებ მოწმობენ.

2შჯ.18,15. ეს.9,6;53,1.

40 თქვენ კი არ გსურთ ჩემთან მოსვლა, რათა სიცოცხლე გქონდეთ.

იოან.1,11;3,19.

41 დიდებას არ ვღებულობ ადამიანთაგან,

42 მაგრამ მე გიცნობთ თქვენ: ღვთის სიყვარული არ არის თქვენში.

43 მე მოვედი მამაჩემის სახელით და არ მღებულობთ. თუ სხვა ვინმე მოვა თავისი სახელით, მას მიიღებთ.

44 როგორ შეგიძლიათ ირწმუნოთ, როდესაც ერთიმეორისაგან ღებულობთ დიდებას, ხოლო დიდებას ერთადერთი ღვთისაგან არ ეძებთ?

იოან.12,43.

45 ნუ ფიქრობთ, რომ მამის წინაშე დაგდებთ ბრალს. თქვენი ბრალმდებელი მოსეა, ვისი იმედიცა გაქვთ.

46 რადგან, თქვენ რომ მოსესი გწამდეთ, მეც მიწამებდით, ვინაიდან მან დაწერა ჩემს შესახებ.

დაბ.3,15;12,3;18,18;49,10. 2შჯ.18,15.

47 ხოლო, თუ მისი დაწერილისა არ გწამთ, როგორ იწამებთ ჩემს სიტყვებს?”

თ ა ვ ი 6

ხუთი ათასი კაცის დაპურება

1 ამის შემდეგ გავიდა იესო გალილეის ანუ ტიბერიის ზღვის გაღმა.

2 უამრავი ხალხი მოჰყვებოდა, რადგან იხილეს სასწაულები, რომლებსაც ის ახდენდა ავადმყოფებზე.

3 იესო ავიდა მთაზე და იქ დაჯდა თავის მოწაფეებთან ერთად.

გამოს.12,18.

4 იუდეველთა დღესასწაული, პასექი, ახლოვდებოდა.

5 იესომ გაიხედა და დაინახა, რომ უამრავი ხალხი მოდიოდა მასთან. ფილიპეს უთხრა: „სად ვიყიდოთ პურები, ამათ რომ ვაჭამოთ?“

მათ.14,16. მარ.6,35. ლუკ.9,12.

6 ამას გამოსაცდელად ეუბნებოდა, თვითონ კი იცოდა, რასაც მოიმოქმედებდა.

7 ფილიპემ მიუგო: „ორასი დინარის პური არ ეყოფათ, რომ თითოეულ მათგანს ცოტაოდენი მაინც ერგოს.“

8 მისმა ერთ-ერთმა მოწაფემ, ანდრიამ, სიმონ-პეტრეს ძმამ, უთხრა მას:

9 „აქ არის ერთი ბიჭი, რომელსაც ხუთი ქერის პური და ორი თევზი აქვს, მაგრამ ამდენ ხალხს ეს რას ეყოფა?“

10 უთხრა იესომ: „უთხარით ხალხს, დასხდნენ.“ ხოლო იმ ადგილზე ხშირი ბალახი იყო. რიცხვით ხუთი ათასამდე კაცი დაჯდა.

11 იესომ აიღო პურები მადლი შესწირა და ჩამოურიგა მოწაფეებს, მოწაფეებმა კი იქ მსხდომთ, ასევე თევზიც, ვისაც რამდენი უნდოდა.

12 როცა გაძლნენ, უთხრა თავის მოწაფეებს: „მოაგროვეთ მონარჩენი ნატეხები, რომ არაფერი არ დაიკარგოს.“

13 მოაგროვეს და აავსეს თორმეტი გოდორი იმ ხუთი ქერის პურის ნატეხებით, რაც ჭამის შემდეგ დარჩა. მარ.8.19.

14 მაშინ იესოს მიერ მოხდენილი სასწაულის მხილველმა ხალხმა თქვა: „ესაა ჭეშმარიტად ის წინასწარმეტყველი, რომელიც წუთისოფელში უნდა მოსულიყო.“ მათ.11,3.

წყალზე სიარული

15 რაკი იცოდა, რომ აპირებენ მოსვლას მის მოსატაცებლად, რათა გაემეფებინათ იგი, იესო კვლავ განმარტოვდა მთაზე.

16 როდესაც მოსალამოვდა, მისი მოწაფეები ზღვაზე ჩავიდნენ.

17 ავიდნენ ნავზე და გაემართნენ ზღვის გაღმა, კაპერნაუმისკენ. ჩამოზნელდა და იესო ჯერაც არ მისულიყო მათთან.

მათ.14,22. მარ.6,47.

18 ძლიერი ქარი ამოვარდა, ზღვა აღელდა.

19 ოცდახუთი თუ ოცდაათი სტადიონი რომ გასცურეს, იხილეს ზღვის ზედაპირზე იესო ნავს უახლოვდებოდა. და შეეშინდათ.

20 მან კი უთხრა მათ: „მე ვარ, ნუ გეშინიათ.“

21 უნდოდათ, ნავზე აეყვანათ იგი, და ნავი მაშინვე იმ მიწაზე აღმოჩნდა, სადაც მიდიოდნენ.

პური სიცოცხლისა

22 მეორე დღეს ზღვის გაღმა მდგომმა ხალხმა დაინახა, რომ იქ სხვა ნავი არ იყო, გარდა ერთისა, რომელშიც მისი მოწაფეები ჩასხდნენ, და რომ არც იესო ჩამჯდარა ნავში თავის მოწაფეებთან ერთად, არამედ მხოლოდ მოწაფეებმა გაცურეს.

23 სხვა ნავებიც მოვიდა ტიბერიიდან იმ ადგილის მახლობლად, სადაც ჭამეს პური მას შემდეგ, რაც უფალმა მადლი შესწირა.

24 რაკი დაინახა ხალხმა, რომ იქ არც იესოა და არც მისი მოწაფეები, ჩასხდნენ ნავებში და მივიდნენ კაპერნაუმს იესოს საძებრად.

25 როდესაც იგი ზღვის გაღმა ნახეს, უთხრეს მას: „რაბი, როდის მოხვედი აქ?“

26 მიუგო იესომ და უთხრა: „ჴეშმარიტად, ჴეშმარიტად გეუბნებით თქვენ: იმიტომ კი არ მეძებთ მე, რომ სასწაული იხილეთ, არამედ იმის გამო, რომ პური ჴამეთ და გაძებით.“

27 ნუ ირჯებით ხრწნადი საზრდოსათვის, არამედ იმ საზრდოსათვის გაისარჯეთ, რომელიც რჩება საუკუნო სიცოცხლისათვის, რომელსაც კაცის ძე მოგცემთ თქვენ, რადგან მას დაასვა ბეჴედი მამა ღმერთმა.“
მათ.3,17. იოან.1,32;10,36.

28 უთხრეს მას: „როგორ მოვიქცეთ, რომ ღვთის საქმენი ვაკეთოთ?“

29 მიუგო იესომ და უთხრა მათ: „ესაა საქმე ღვთისა, რომ ირწმუნოთ იგი, ვინც მან მოავლინა.“
იოან.17,3. 1იოან.3,23.

30 ამაზე უთხრეს მას: „რა ნიშანს იქმ, რომ დავინახოთ და გერწმუნოთ? რას მოიმოქმედებ?“

31 ჩვენი მამები მანანას ჴამდნენ უდაბნოში, როგორც დაწერილია: ‘პური ჴეციდან მისცა მათ საზრდოდ.’“

გამოს.16,14. რიცხ.11,7. ფსალ.77,24. 1კორ.10,3.

32 უთხრა მათ იესომ: „ჴეშმარიტად, ჴეშმარიტად გეუბნებით თქვენ: მოსემ კი არ მოგცათ პური ჴეციდან, არამედ მამაჩემი გაძლევთ ჴეშმარიტ პურს ჴეციდან.“

33 რადგან ღვთის პური ისაა, რომელიც ჴეციდან ჩამოდის და სიცოცხლეს აძლევს წუთისოფელს.“

34 მაშინ უთხრეს მას: „უფალო, მუდამ მოგვეცი ეს პური.“

35 იესომ უთხრა: „მე ვარ პური სიცოცხლისა. ჩემთან მომსვლელს არ მოშივდება და ჩემს მორწმუნეს არასდროს მოსწყურდება.“
იოან.4,14;7,37.

36 მე კი გითხარით, რომ კიდევაც მიხილავთ, მაგრამ არ იწამებთ.

37 ყველაფერი, რასაც მამა მაძლევს, ჩემთან მოვა. ჩემთან მოსულს გარეთ არ გავაძევებ.

38 რადგან ჴეციდან ჩემი ნების აღსასრულებლად კი არ ჩამოვედი, არამედ მისი ნებისა, ვინც მე მომავლინა. მათ.26,39. იოან.8,29.

39 ეს არის ნება იმისი, ვინც მე მომავლინა, რათა რაც მომცა, არაფერი დამეკარგოს, არამედ ყველაფერი აღვადგინო უკანასკნელ დღეს.
იოან.10,28.

40 ჩემი მამის ნება ისაა, რომ ყველას, ვინც ძეს იხილავს და ირწმუნებს, საუკუნო სიცოცხლე ჴქონდეს, და მე აღვადგენ მას უკანასკნელ დღეს.“

პეტრე აღიარებს იესოს ძედ ღვთისად

41 იუდეველები დრტვინავდნენ მის გამო, რადგან თქვა: „მე ვარ პური, ჴეციდან ჩამოსული.“

42 ამბობდნენ: „ეს იესო არაა, იოსების ძე, რომლის მამას და დედას ვიცნობთ? როგორღა ამბობს: ჴეციდან ჩამოვედიო?“

მათ.13,55.

43 მიუგო იესომ მათ: „ნუ დრტვინავთ ერთმანეთს შორის.

44 არავის შეუძლია ჩემთან მოსვლა, თუ იგი მამამ, ჩემმა მომავლინებელმა, არ მოიყვანა. მე მას აღვადგენ უკანასკნელ დღეს.

45 წინასწარმეტყველებს უწერიათ: ‘ყველა განისწავლება ღვთის მიერ.’ ყველა ვინც უსმენს მამას და სწავლობს, ჩემთან მოდის.
ეს.54,13. იერ.31,34.

46 ისე კი არა, თითქოს ვინმეს ეხილოს მამა, გარდა იმისა, ვინც ღვთისგანაა, მხოლოდ მან იხილა მამა.
მათ.11,27.

47 ჭეშმარიტად, ჭეშმარიტად გეუბნებით თქვენ: ვისაც ჩემი სწამს, მას საუკუნო სიცოცხლე აქვს.

48 მე ვარ პური სიცოცხლისა.

49 თქვენმა მამებმა ჭამეს მანანა უდაბნოში და დაიხოცნენ.

იოან.6,31.

50 ეს არის პური, ჩამომავალი ზეციდან, რათა კაცმა შეჭამოს იგი და არ მოკვდეს.

51 მე ცოცხალი პური ვარ, ზეციდან ჩამოსული. ვინც ამ პურს შეჭამს, საუკუნოდ იცოცხლებს. პური, რომელსაც გავცემ, ხორცია ჩემი, რომელსაც წუთისოფლის სიცოცხლისათვის გავცემ.“

52 იუდეველებმა დაიწყეს კამათი ერთმანეთში და ამბობდნენ: „როგორ შეუძლია, თავისი ხორცი მოგვცეს საჭმელად?“

53 იესომ უთხრა მათ: „ჭეშმარიტად, ჭეშმარიტად გეუბნებით თქვენ: თუ არ შეჭამთ კაცის ძის ხორცს და არ შესვამთ სისხლს, არ გექნებათ სიცოცხლე თქვენში.
მათ.26,26.

54 ჩემი ხორცის მჭამელს და ჩემი სისხლის შემსმელს საუკუნო სიცოცხლე აქვს. და მე მას აღვადგენ უკანასკნელ დღეს.

55 რადგან ჩემი ხორცი ჭეშმარიტი საჭმელია და ჩემი სისხლი ჭეშმარიტი სასმელი.

56 ჩემი ხორცის მჭამელი და ჩემი სისხლის შემსმელი ჩემში რჩება, და მე – მასში.

57 როგორც მე მომავლინა ცოცხალმა მამამ და მე მამით ვცოცხლობ, ასევე ჩემი მჭამელი იცოცხლებს ჩემით.

58 ეს არის ზეციდან ჩამოსული პური, ისეთი კი არა, თქვენმა მამებმა რომ ჭამეს მანანა და დაიხოცნენ. ამ პურის მჭამელი საუკუნოდ იცოცხლებს.“

59 ამას ამბობდა სინაგოგაში, როცა კაპერნაუმში ასწავლიდა.

60 ბევრი მის მოწაფეთაგანი ამის მოსმენისას ამბობდა: „მძიმე სიტყვაა, ვის შეუძლია მისი მოსმენა?“

61 იესომ იცოდა, რომ მისი მოწაფეები ბუზღუნებდნენ თავისთვის ამის გამო, და უთხრა მათ: „ეს გაცდუნებთ თქვენ?“

62 თუ კი იხილავთ კაცის ძეს იქ აღმავალს, სადაც წინათ იყო?
მათ.26,64. იოან.3,13. ეფეს.4,8.

63 სული ცხოველმყოფელია, ხოლო ხორცი უსარგებლო. სიტყვები, რომლებიც გითხარით, სულია და სიცოცხლე.

რომ.8,2. 2კორ.3,6.

64 მაგრამ თქვენ შორის არიან ისეთებიც, რომელთაც არ სწამთ.“ რადგან იესომ თავიდანვე იცოდა, ვინ არიან ურწმუნონი და ვინ არის მისი გამცემი. მარ.2,8. იოან.2,24.

65 უთხრა: „ამიტომ გეუბნებოდით, რომ ჩემთან არავის შეუძლია მოსვლა, თუ მამისგან არ ექნება მიცემული.“

იოან.3,27.

66 მას შემდეგ ბევრი მისი მოწაფეთაგანი გაბრუნდა უკან და აღარ მისდევდა მას.

67 მაშინ იესომ უთხრა თორმეტს: „თქვენც ხომ არ გინდათ წასვლა?“

68 სიმონ-პეტრემ უპასუხა: „უფალო, ვილასთან წავიდეთ? საუკუნო სიცოცხლის სიტყვები შენა გაქვს.“

69 ჩვენ ვიწამეთ და შევიცანით, რომ შენ ხარ ქრისტე, ღვთის წმიდა.“ მათ.16,16. მარ.8,29. ლუკ.9,20.

70 მიუგო იესომ: „თორმეტი არ აგირჩიეთ? ერთი თქვენგანი ეშმაკია.“ ლუკ.6,13.

71 ეს თქვა იუდა სიმონის ძეზე, ისკარიოტელზე, რადგან მას, ერთ თორმეტთაგანს, უნდა გაეცა იგი.

თ ა ვ ი 7

იესოს ძმებსაც არ სწამთ მისი

1 ამის შემდეგ იესო გალილეაში დადიოდა, რადგან იუდეაში არ სურდა სიარული, რაკი იუდეველნი მოსაკლავად დაეძებდნენ მას.

2 ახლოვდებოდა იუდეველთა ღლესასწაული, კარვობისა.

ლევ.23,34.

3 მაშინ მისმა ძმებმა უთხრეს მას: „წადი აქედან და მიდი იუდეაში, რათა შენმა მოწაფეებმაც იხილონ შენი საქმეები, რომელთაც აკეთებ,

4 რადგან ფარულად არავინ არაფერს აკეთებს, არამედ თავის გამოჩენას ეძებს. რაკი ასეთ საქმეებს აკეთებ, გამოეცხადე წუთისოფელს.“

5 რადგან მის ძმებსაც კი არ სწამდათ მისი.

6 ამაზე იესომ უთხრა მათ: „ჩემი ჟამი ჯერ არ მოსულა, თქვენი დრო კი მუდამ მზადაა.

7 წუთისოფელს არ შეუძლია თქვენი შეძლება, მე კი ვძულვარ იმის გამო, რომ მე გამოწმებ მასზე, რომ მისი საქმეები ბოროტია.“ იოან.3,19.

8 თქვენ აღით იმ ღლესასწაულზე. მე კი ჯერ არ ავალ ამ ღლესასწაულზე, რადგან ჩემი ჟამი ჯერ არ აღსრულებულა.“

9 ეს რომ უთხრა, დარჩა გალილეაში.

იესო ცხადად ასწავლის ტაძარში დღესასწაულზე

10 მაგრამ როდესაც მისი ძმები დღესასწაულზე ავიდნენ, მაშინ თვითონაც ავიდა, მხოლოდ არა გაცხადებულად, არამედ ფარულად.

11 იუდეველნი კი ეძებდნენ მას დღესასწაულზე და ამბობდნენ: სად არისო?

12 ხალხში ბევრი მითქმა-მოთქმა იყო მასზე: ერთნი ამბობდნენ, კეთილიაო იგი. მეორენი კი ამბობდნენ: არა, ხალხს აცდუნებსო.

იოან.9,16.

13 ოღონდ ცხადად არავინ არ ლაპარაკობდა მასზე, რადგან იუდეველებისა ეშინოდათ.

იოან.12,42.

14 მაგრამ შუა დღესასწაულზე ავიდა იესო ტაძარში და ასწავლიდა.

15 გაუკვირდათ იუდეველებს და თქვეს: „როგორ იცის წერილები უსწავლელად?“

16 მიუგო იესომ და უთხრა მათ: „ჩემი მოძღვრება ჩემი არაა, არამედ მისია, ვინც მე მომავლინა.

იოან.8,28;12,49;14,24.

17 ვისაც სურს აღასრულოს მისი ნება, იგი შეიტყობს ამ მოძღვრებას, ღვთისაგანაა იგი თუ ჩემით ვლაპარაკობ.

იოან.8,47.

18 ვინც თავისით ლაპარაკობს, საკუთარ დიდებას ეძებს. ხოლო ვინც ეძებს იმის დიდებას, ვინც იგი მოავლინა, ჭეშმარიტია და უსამართლობა არ არის მასში.

19 განა მოსემ არ მოგცათ რჯული? მაგრამ არც ერთი თქვენთაგანი არ ასრულებს რჯულს. რატომ მეძებთ მოსაკლავად?“

გამოს.20,1. იოან.5,18.

20 მიუგო მას ხალხმა: „ეშმაკია შენში. ვინ გეძებს მოსაკლავად?“

21 უთხრა მათ იესომ: „ერთი საქმე გავაკეთე და ყველას გიკვირთ.

22 მოსემ მოგცათ წინადაცვეთა, თუმცა იგი მოსესგან კი არა, მამებისგანაა – და შაბათობით წინადაცვეთით აღამიანს.

დაბ.17,10. ლევ.12,3.

23 თუ აღამიანი წინადაცვეთას მიიღებს შაბათს, რათა მოსეს რჯული არ დაირღვეს, მე რაღად მირისხდებით იმის გამო, რომ შაბათს კაცი მთლიანად განგკურნე?

24 ნუ განსჯით შეხედულებით, არამედ სამართლიანი მსჯავრით განსაჯეთ.“

2შჯ.1,17;16,19.

25 ზოგიერთი იერუსალიმელი ამბობდა: „ეს ის არაა, მოსაკლავად რომ ეძებენ?“

26 აჰა, იგი აშკარად ლაპარაკობს და ვერაფერს ეუბნებიან. ხომ არ დარწმუნდნენ მთავრები, რომ იგი ნამდვილად ქრისტეა?

27 მაგრამ ჩვენ ხომ ვიცით საიდანაცაა იგი. ხოლო ქრისტე რომ მოვა, არავის ეცოდინება, საიდან იქნება იგი.“

მათ.13,55.

28 მაშინ იესომ, ასწავლიდა რა ტაძარში, შესძახა და თქვა:

„მეც მიცნობთ და ჩემი წარმომავლობაც იცით. ჩემით არ მოვსულვარ. მაგრამ ჭეშმარიტია ჩემი მომავლინებელი, რომელსაც თქვენ არ იცნობთ.“ იოან.8,42.

29 მე ვიცნობ მას, რადგან მისგან ვარ და მან მომავლინა.“

სიცოცხლის წყალზე

30 ამიტომ ეძიებდნენ მის შეპყრობას, მაგრამ ხელი ვერავინ დაადო მას, რადგან მისი უამი არ იყო მოსული. იოან.8,20.

31 ხალხიდან ბევრმა ირწმუნა იგი და თქვა: „როცა ქრისტე მოვა, განა იგი იმაზე მეტ სასწაულებს მოახდენს, რაც ამან მოახდინა?“

32 ფარისევლებმა მოისმინეს ხალხის ასეთი მითქმა-მოთქმა მასზე; და მსახურები გაგზავნეს მის შესაპყრობად მღვდელმთავრებმა და ფარისევლებმა.

33 იესომ კი თქვა: „მე კიდევ მცირე ხანს ვარ თქვენთან და წავალ მასთან, ვინც მე მომავლინა.“

34 ძებნას დამიწყებთ და ვერ მიპოვით. სადაც მე ვიქნები, იქ ვერ მოხვალთ.“ იოან.13,33.

35 იუდეველებმა ერთმანეთს უთხრეს: „სად წავა იგი, რომ ვერ ვიპოვოთ? საბერძნეთში განთესილებთან ხომ არ წავა, რათა ბერძნებს ასწავლოს?“

36 ეს რა სიტყვაა, რომელიც თქვა: ძებნას დამიწყებთ და ვერ მიპოვით, სადაც მე ვიქნები, იქ ვერ მოხვალთო?“

37 დღესასწაულის უკანასკნელ დიდ დღეს ადგა იესო, შესძახა და თქვა: „თუ ვინმეს სწყურია, მოვიდეს ჩემთან და შესვას.“ ლევ.23,36. იოან.4,14. გამოცხ.22,17.

38 ვისაც ჩემი სწამს, როგორც წერილი ამბობს, მისი მუცლიდან იდინებენ ცოცხალი წყლის მდინარეები.“ ეს.12,3. იოგ.3,18.

39 ეს მან იმ სულზე თქვა, მის მორწმუნეებს რომ უნდა მიეღოთ, რადგან ჯერ არ იყო სული, რაკი იესო ჯერ განდიდებული არ იყო. ეს.44,3. იოგ.2,28. ზაქ.12,10. დან.2,17,33.

40 ხალხიდან ბევრმა ამ სიტყვების მოსმენისას თქვა: „ეს ჭეშმარიტად წინასწარმეტყველია.“

41 სხვები ამბობდნენ: „ეს ქრისტეა.“ სხვები კი ამბობდნენ: „განა გალილეიდან მოვა ქრისტე?“

42 განა წერილი არ ამბობს, რომ ქრისტე დავითის მოდგმიდან მოვა, ბეთლემიდან, იმ დაბიდან, საიდანაც დავითი იყო? მიქ.5,2. მათ.2,6. ლუკ.2,4.

43 და ჩამოვარდა ხალხში განხეთქილება მის გამო. იოან.9,16.

44 ზოგიერთ მათგანს მისი შეპყრობა უნდოდა, მაგრამ ხელი ვერავინ დააკარა.

არასოდეს კაცს ისე არ ულაპარაკნია

45 მსახურნი მივიდნენ მღვდელმთავრებთან და ფარისევლებთან, მათ კი უთხრეს: „რატომ არ მოიყვანეთ იგი?“

46 მსახურებმა უპასუხეს: „არასოდეს კაცს ისე არ ულაპარაკია. როგორც ეს კაცი ლაპარაკობს.“

47 ფარისევლებმა უთხრეს: „ნუთუ თქვენც გაცდუნათ?

48 ნუთუ მთავართაგან ან ფარისეველთაგან ვინმემ იწამა იგი?

49 მაგრამ ეს ხალხი, რომელმაც რჯული არ იცის, დაწყევლილია.“

50 უთხრა მათ ნიკოდემოსმა, რომელიც ღამით მივიდა მასთან, და ერთი იმათაგანი იყო: იოან.3.1.

51 „განა სდებს მსჯავრს ჩვენი რჯული ადამიანს, თუ წინასწარ მისგან არ მოისმინა და არ გაიგო, რაც მან ჩაიდინა?“

2შჯ.1.17;1.8.

52 უპასუხეს მას: „შენც გალილეიდან არა ხარ? გამოიკვლიე და ნახე, რომ გალილეიდან წინასწარმეტყველი არ აღდგება.“

53 ყველანი თავიანთ სახლებში წავიდ-წამოვიდნენ.

თ ა ვ ი 8

მრუში დედაკაცის მიტევება იესოს მიერ

1 იესო ზეთისხილის მთისკენ გაემართა.

2 დილით კვლავ მივიდა ტაძარში. მთელი ხალხი მასთან მივიდა. დაჯდა და ასწავლიდა მათ.

3 მწიგნობრებმა და ფარისევლებმა მოიყვანეს ქალი, რომლისთვისაც მრუშობაზე წაესწროთ, და შუაში ჩააყენეს.

4 უთხრეს მას: „მოძღვარო, ეს ქალი მრუშობაზეა წასწრებული.

5 მოსემ კი რჯულში მცნებად დაგვიდო ასეთების ჩაქოლვა. შენ რაღას იტყვი?“ ლევ.20,10. 2შჯ.22,22.

6 ამას გამოსაცდელად ეუბნებოდნენ, რათა მისი საწინააღმდეგო ბრალდება ჰქონოდათ. მაგრამ იესო ძირს დაიხარა და მიწაზე თითით წერდა.

7 რაკი დაჟინებით ეკითხებოდნენ, გასწორდა და უთხრა მათ: „ვინც თქვენს შორის უცოდველია, პირველად მან ესროლოს ქვა!“

8 კვლავ დაიხარა და განაგრძო წერა მიწაზე.

9 მოისმინეს რა სინდისმხილებულებმა, სათითაოდ გაიკრიბნენ, უხუცესებიდან დაწყებული, დარჩა მარტო იესო, და შუაში მდგომი ქალი.

10 გაიმართა იესო, გერავინ დაინახა, იმ დედაკაცის მეტი, და უთხრა მას: „დედაკაცო, სად არიან შენი ბრალმდებელნი? არავინ დაგდო მსჯავრი?“

11 მან უპასუხა: „არავინ, უფალო!“ იესომ უთხრა: „არც მე გდებ მსჯავრს. წადი და ამიერიდან ნულარ სცოდავ.“

მე ვარ ნათელი ამ წუთისოფლისა

12 იესო კვლავ ეუბნებოდა და უთხრა მათ: „მე ნათელი ვარ

წუთისოფლისა, ვინც წამომყვება, ბნელში აღარ ივლის, არამედ სიცოცხლის ნათელი ექნება მას.“ იოან.1,5;9,5. 1იოან.1,5.

13 ფარისევლებმა უთხრეს: „შენ თვითონ მოწმობ შენს თავზე. შენი მოწმობა არაა ჭეშმარიტი.“

14 იესომ მიუგო მათ პასუხად: „მე თუ ჩემ თავზე ვმოწმობ, ჩემი მოწმობა ჭეშმარიტია, რადგან ვიცი, საიდან მოვედი და სად მივდივარ. თქვენ კი არ იცით, საიდან მოვედი და სად მივდივარ.“

15 თქვენ ხორცის მიხედვით განსჯით, მე კი არავის არ განვსჯი.

16 მე თუ განვსჯი, ჩემი მსჯავრი ჭეშმარიტია, რადგან მე მარტო კი არ ვარ, არამედ მე და მამა, რომელმაც მე მომავლინა.“

17 თქვენს რჯულშიც წერია, რომ ორი ადამიანის მოწმობა ჭეშმარიტია. 2შჯ.17,6;19,15. მათ.18,16. 2კორ.13,1. ებრ.10,28.

18 მე ჩემს თავზე ვმოწმობ და ჩემზევე მოწმობს მამა, რომელმაც მე მომავლინა. ეს.42,1. იოან.5,32.

19 მაშინ ჰკითხეს მას: „სად არის მამაშენი?“ იესომ უპასუხა: „არც მე მიცნობთ, არც მამაჩემს. მე რომ მიცნობდეთ, მამაჩემიც გეცნობებოდათ.“

20 ეს სიტყვები წარმოთქვა იესომ საგანძურთან, როცა ტაძარში ასწავლიდა. ვერავინ შეიპყრო იგი, რადგან ჯერ არ დამდგარიყო მისი ჟამი.

ჭეშმარიტება მოგანიჭებთ თავისუფლებას

21 მან კვლავ უთხრა მათ: „მე მივდივარ. თქვენ ძებნას დამიწყებთ, მაგრამ თქვენს ცოდვაში დაიხოცებით. სადაც მივდივარ, თქვენ ვერ მოხვალთ.“ იოან.13,33.

22 იუდეელებმა თქვეს: „თავი ხომ არ უნდა მოიკლას, რომ ამბობს: სადაც მე მივდივარ, თქვენ ვერ შეძლებთ მოსვლასო?“

23 უთხრა მათ: „თქვენ ქვენანი ხართ, მე კი ზემოთიდან ვარ; თქვენ წუთისოფლისანი ხართ, მე კი წუთისოფლისა არა ვარ.“ იოან.3,31. კოლ.3,1.

24 ამიტომ გითხარით: თქვენს ცოდვებში დაიხოცებით-მეთქი. რადგან, თუ არ იწამებთ, რომ მე ვარ, თქვენსავე ცოდვებში დაიხოცებით.“

25 მაშინ უთხრეს მას: „ვინ ხარ შენ?“ იესომ უთხრა მათ: „რას გეუბნებოდით თავიდანვე.“

26 ბევრი მაქვს თქვენზე სალაპარაკო და სამსჯავრო, მაგრამ ვინც მე მომავლინა, ჭეშმარიტია, და რაც მისგან მოვისმინე, იმას კლაპარაკობ წუთისოფელზე.“

27 ვერ მიხვდნენ, რომ მამაზე ეუბნებოდა მათ.

28 ამიტომ უთხრა მათ იესომ: „როცა გაცის ძეს ამაღლებთ,

მაშინ გაიგებთ, რომ ეს მე ვარ და არაფერს ვაკეთებ ჩემით, არამედ, რაც მამამ მასწავლა, იმას ვლაპარაკობ. იოან.7,16;12,32.

29 ვინც მე მომავლინა, ჩემთანაა, მარტო არ დამტოვია, რადგან მუდამ იმას ვაკეთებ, რაც მისთვის არის სათნო.“

30 როცა ამბობდა ამას, ბევრმა ირწმუნა იგი.

ვინც ღვთისაგან არის, ის ისმენს ღვთის სიტყვას

31 მაშინ იესომ უთხრა იმ იუდეველებს, რომლებმაც იგი ირწმუნეს: „თუ ჩემ სიტყვაში დარჩებით, ჭეშმარიტად ჩემი მოწაფეები ხართ.“

32 შეიცნობთ ჭეშმარიტებას და ჭეშმარიტება გაგათავისუფლებთ თქვენ.“
ეს.42,7:61,1. რომ.6,14.

33 მიუგეს მას: „ჩვენ აბრაამის შთამომავალნი ვართ და არასოდეს არავისი მონები არ ვყოფილვართ. როგორღა ამბობ, თავისუფლები გახდებითო?“

34 იესომ უპასუხა: „ჭეშმარიტად, ჭეშმარიტად გეუბნებით თქვენ: ყველა ცოდვის ჩამდენი ცოდვის მონაა. რომ.6,16. 2პეტ.2,19.

35 მაგრამ მონა არ რჩება სახლში საუკუნოდ. ძე რჩება საუკუნოდ.

36 ამიტომ, თუ ძე გაგათავისუფლებთ, ნამდვილად თავისუფლები იქნებით.

37 ვიცო, რომ აბრაამის შთამომავალნი ხართ, მაგრამ ჩემს მოკვლას ცდილობთ, რადგან ჩემი სიტყვა ვერ ეტევა თქვენში.

38 მე იმას ვლაპარაკობ, რაც მამაჩემთან ვნახე, თქვენ კი აკეთებთ იმას, რაც მამათქვენთან მოისმინეთ.“

39 მიუგეს და უთხრეს მას: „ჩვენი მამა აბრაამია!“ იესომ უთხრა: „თქვენ რომ აბრაამის შვილები იყოთ, აბრაამის საქმეებს გააკეთებდით.“
რომ.4,16.

40 ახლა კი ჩემს მოკვლას ცდილობთ, კაცისას, რომელმაც გითხარით ჭეშმარიტება, რაც ღვთისაგან მოვისმინე. აბრაამს ასეთი რამ არ გაუკეთებია.

41 თქვენ მამათქვენის საქმეებს აკეთებთ.“ უთხრეს მას: „ჩვენ სიძვით შობილნი როდი ვართ, ჩვენ გვყავს ერთი მამა – ღმერთი.“

42 იესომ უთხრა: „ღმერთი რომ მამა იყოს თქვენი, მაშინ გეყვარებოდით, რადგან მე გამოვედი და მოვედი ღვთისგან, ვინაიდან მე ჩემით კი არ მოვსულვარ, არამედ მან მომავლინა.

43 რატომ ვერ იგებთ ჩემს ნათქვამს? იმიტომ, რომ არ შეგიძლიათ მოისმინოთ ჩემი სიტყვა.

44 თქვენი მამა არის ეშმაკი და მამათქვენის გულისთქმის შესრულება გწადიათ. ის კაცის მკვლელი იყო თავიდან და ჭეშმარიტებაში ვერ დადგა, რადგან არაა მასში ჭეშმარიტება. როცა სიცრუეს ამბობს, თავისას ამბობს, რადგან ცრუა იგი და სიცრუის მამაა.
1იოან.3,8.

45 ხოლო, რაკი მე ჭეშმარიტებას ვლაპარაკობ, არ გწამთ ჩემი.

46 რომელი თქვენგანი მამხილებს ცოდვის გამო? და თუ ჭეშმარიტებას ვამბობ, რატომ არ გწამთ ჩემი?

47 ვინც ღვთისგანაა, ღვთის სიტყვებს ისმენს. თქვენ იმიტომ არ ისმენთ, რომ ღვთისგან არ ხართ.”
იოან.10.27. 1იოან.4.6.

იუდეველების ბრალდება

48 მაშინ იუდეველებმა მიუგეს და უთხრეს: „განა კარგად არ ვამბობთ, რომ შენ სამარიელი ხარ და ეშმაკია შენში?“

49 მიუგო იესომ: „ჩემში არაა ეშმაკი, არამედ მე პატივს ვცემ მამაჩემს, თქვენ კი უპატიომყოფთ მე.

50 თუმცა მე არ ვეძებ ჩემს დიდებას. არის მძებნელი და მსჯავრმდებელი.

51 ჭეშმარიტად, ჭეშმარიტად გეუბნებით თქვენ: ვინც ჩემ სიტყვას იცავს, იგი არ იხილავს სიკვდილს უკუნისამდე.“

52 იუდეველებმა უთხრეს: „ახლა კი მივხვდით, რომ ეშმაკი ყოფილა შენში. აბრაამი და წინასწარმეტყველნი დაიხოცნენ, შენ კი ამბობ: ვინც ჩემს სიტყვას იცავს, არ იგემებსო სიკვდილს უკუნისამდე.

53 განა შენ ჩვენს მამა აბრაამზე დიდი ხარ, რომელიც მოკვდა? წინასწარმეტყველნიც დაიხოცნენ. რა გგონია შენი თავი?“

54 მიუგო იესომ: „მე თუ ჩემ თავს განვადიდებ, ჩემი დიდება არაფერია. მე განმადიდებს მამაჩემი, ვისზეც ამბობთ: ჩვენი ღმერთი არისო.
იოან.16.14. საქ.3.13.

55 თქვენ ის ვერ შეიცანით, მე კი ვიცნობ მას. თუ ვიტყვი, რომ არ ვიცნობ მას, თქვენისთანა ცრუ ვიქნები. მაგრამ ვიცნობ მას და ვიცავ მის სიტყვას.

56 აბრაამს, მამათქვენს, უხაროდა, რომ იხილავდა ჩემს დღეს. იხილა და გაიხარა.“
დაბ.15.6;22.16.

57 უთხრეს მას იუდეველებმა: „ჯერ ორმოცდაათი წლისაც არა ხარ და აბრაამი გინახავს?“

58 უთხრა მათ იესომ: „ჭეშმარიტად, ჭეშმარიტად გეუბნებით თქვენ: სანამ აბრაამი იქნებოდა, მე ვარ.“

59 მაშინ აიღეს ქვები მის ჩასაქოლად, მაგრამ იესო თვალს მიეფარა და გავიდა ტაძრიდან.

თ ა ვ ი 9

განკურნება ბრმადშობილისა

1 მოდიოდა და დაინახა კაცი, დაბადებიდან ბრმა.

2 შეეკითხნენ მოწაფეები: „რაბი, ვინ შესცოდა, მან თუ მისმა მშობლებმა, ბრმა რომ დაიბადა?“

3 მიუგო იესომ: „არც მას შეუცოდავს და არც მის მშობლებს, არამედ, რათა ღვთის საქმენი გამოცხადდეს მასში.“

4 ჩვენ უნდა ვაკეთოთ იმის საქმენი, ვინც მე მომავლინა, სანამ დღეა. მოდის ღამე, როცა ველარავინ შეძლებს კეთებას.

იოან.4,34;12,35.

5 სანამ წუთისოფელში ვარ, წუთისოფლის ნათელი ვარ.“

ეს.42,6. იოან.1,5;8,12.

6 ეს რომ თქვა, მიწაზე დაანერწყვა, ნერწყვით ტალახი მოზილა და თვალებზე წაუსვა ბრმას.

იოან.11,37.

7 უთხრა: „წადი და დაიბანე სილოამის აუზში“ (რაც ნიშნავს მოვლინებულს). წავიდა, მოიბანა და მოვიდა თვალახელილი.

ნემ.3,15.

8 მეზობლებმა და მათ, ვისაც ადრე ენახათ, რომ მათხოვარი იყო, თქვეს: „ეს ის არაა, რომ იჯდა და მათხოვრობდა?“

9 ერთნი ამბობდნენ: ეს სწორედ ისააო, სხვებმა თქვეს: არა, მაგრამ იმასა ჰგავსო. მან კი თქვა, მე ვარო.

10 მაშინ ჰკითხეს მას: „როგორ აგეხილა თვალები?“

11 მან მიუგო: „კაცმა, იესო რომ ჰქვია, მოზილა ტალახი, წამისვა თვალებზე და მითხრა: წადი სილოამს და მოიბანეო; წავედი, მოვიბანე და ამეხილა თვალები.“

12 მაშინ უთხრეს მას: „სადაა იგი?“ მან თქვა: „არ ვიცი.“

13 მიიყვანეს ფარისევლებთან ის კაცი, წინათ რომ ბრმა იყო.

14 შაბათი იყო ის დღე, იესომ რომ ტალახი მოზილა და თვალები აუხილა.

15 ფარისევლებმაც ჰკითხეს, თუ როგორ აეხილა თვალები. უთხრა მათ: „ტალახი დამადო თვალებზე, მოვიბანე და ვხედავ.“

16 მაშინ ზოგმა ფარისეველმა თქვა: „ეს კაცი არ არის ღვთისაგან, რაკი შაბათს არ იცავს.“ სხვებმა კი თქვეს: „როგორ შეძლებს ცოდვილი კაცი ასეთი სასწაულების მოხდენას?“ და იყო მათ შორის განხეთქილება.

იოან.7,43.

17 კვლავ უთხრეს ბრმას: „შენ რას იტყვი მასზე, თვალები რომ აგიხილა?“ მან თქვა: „წინასწარმეტყველია იგი.“

ლუკ.7,16. იოან.4,19.

18 არ დაუჯერეს იუდეველებმა მას, რომ ბრმა იყო და თვალები აეხილა, სანამ თვალახელილის მშობლებს არ დაუძახეს.

19 ჰკითხეს მათ: „ესაა თქვენი ვაჟი, ვისზეც ამბობთ, რომ ბრმა დაიბადაო? ახლა როგორლა ხედავს?“

20 მიუგეს მშობლებმა და უთხრეს: „ვიცით, რომ ეს ჩვენი შვილია და ბრმა დაიბადა.“

21 მაგრამ ახლა როგორ ხედავს, არ ვიცით, ან ვინ აუხილა თვალები, არც ეგ ვიცით. ხომ ასაკოვანია, მას ჰკითხეთ და თვითონ იტყვის თავის თავზე.“

22 ასე უთხრეს მისმა მშობლებმა, რადგან ეშინოდათ იუდეველებისა. ვინაიდან იუდეველებს უკვე პირი შეეკრათ, სინაგოგიდან მოეკვეთათ ყველა, ვინც მას ქრისტედ აღიარებდა. იოან.12,42.

23 ამიტომ უთხრეს მშობლებმა: ასაკოვანია, მას ჰკითხეთო.

24 ამიტომ მეორედ დაუძახეს იმ კაცს, ბრმა რომ იყო, და უთხრეს: „მიაგე ღიდება ღმერთს. ჩვენ ვიცით, რომ ცოდვილია ის კაცი.“

25 მან კი მიუგო: „არ ვიცი, ის კაცი ცოდვილია თუ არა. ერთი რამ ვიცი: ბრმა ვიყავი და ახლა კი ვხედავ.“

26 კვლავ უთხრეს მას: „რა გაგიკეთა, როგორ აგიხილა თვალები?“

27 მიუგო მათ: „მე უკვე გითხარით და არ მისმინეთ, რად გინდათ კვლავ მოსმენა? ან იქნებ მის მოწაფეებად გახდომა გსურთ?“

28 მათ კი გალანძღეს იგი და უთხრეს: „შენა ხარ მისი მოწაფე, ჩვენ კი მოსეს მოწაფეები ვართ.“

29 ჩვენ ვიცით, რომ მოსეს ელაპარაკებოდა ღმერთი. ამაზე კი არაფერი ვიცით, საიდანაა იგი.“

30 მიუგო კაცმა და უთხრა მათ: „საკვირველი სწორედ ისაა, რომ თქვენ არ იცით, საიდანაა იგი, მან კი თვალები ამიხილა.“

31 ჩვენ კი ვიცით, რომ ცოდვილებს არ უსმენს ღმერთი, არამედ, ვინც ღვთის მოშიშია და მის ნებას ასრულებს, იმას უსმენს.

იგავ.15,29. ეს.1,15. მიქ.3,4.

32 საუკუნითგან არ გაგონილა, რომ ვინმეს ბრმად დაბადებულისთვის თვალები აეხილოს.

ეს.42,7.

33 ეს რომ ღვთისაგან არ ყოფილიყო, ვერაფერს გახდებოდა.“

34 მიუგეს მას: „შენ მთლიანად ცოდვებში დაიბადე და ჩვენ გვასწავლი?“ და გარეთ გამოაგდეს იგი.

განკურნებულს სწამს ძე ღვთისა

35 იესომ გაიგო, რომ გარეთ გამოაგდეს იგი, მონახა და უთხრა მას: „შენ გწამს კაცის ძე?“

36 მიუგო მან და უთხრა: „ვინაა იგი, უფალო, რომ ვიწამო?“

37 იესომ უთხრა: „შენ გინახავს იგი და, ვინც შენ გელაპარაკება, ისაა.“

38 მან მიუგო: „მე მწამს, უფალო,“ და თაყვანი სცა მას.

39 უთხრა იესომ: „განსასჯელად მოვედი ამ წუთისოფელში, რათა ბრმეებმა დაინახონ, მხედველნი კი დაბრმავდნენ.“

მათ.11,25. 2კორ.3,14.

40 მასთან მყოფმა ზოგიერთმა ფარისეველმა გაიგონა ეს და უთხრა მას: „ნუთუ ჩვენც ბრმეები ვართ?“

41 უთხრა მათ იესომ: „ბრმეები რომ ყოფილიყავით, ცოდვა არ გექნებოდათ. მაგრამ რაკი ამბობთ, თვალხილულნი ვართო, თქვენი ცოდვა რჩება.“

იოან.15,22.

თ ა ვ ი 10

მე ვარ მწყემსი კეთილი

1 ჰეშმარიტად, ჰეშმარიტად გეუბნებით თქვენ: „ვინც კარი-

დან არ შედის ცხვრის ფარეხში და სხვა გზით გადადის, ქურდი და ავაზაკია იგი.

2 ვინც კარიდან შედის, ცხვრის მწყემსია იგი.

3 მეკარე უღებს მას, ცხვარი უსმენს მის ხმას, იგი სახელით მოუხმობს თავის ცხვარს და გამოჰყავს ისინი.

4 როცა თავისებს გამოუშვებს, იმათ წინ მიუძღვის და ცხვარიც მისდევს მას, რადგან იცნობს მის ხმას.

5 უცხოთ არ გაჰყვება, გაექცევა, რადგან უცხოთა ხმას არ იცნობს.

6 ეს იგავი უთხრა მათ იესომ, მათ კი ვერ გაიგეს, რას ეუბნებოდა.

7 კვლავ უთხრა იესომ: „ჭეშმარიტად გეუბნებით თქვენ: მე ვარ კარი ცხვართა.

8 ყველა, ვინც ჩემზე წინ მოვიდა, ქურდი და ავაზაკია, და ცხვარმა არ მოუსმინა მათ.

იერ.23,1;50,6. ეზეკ.34,2.

9 მე ვარ კარი: ვინც შედის ჩემით, გადარჩება. შევა და გამოვა, და საძოვარს ჰპოვებს.

ფსალ.22,2.

ბრალდება

10 „ქურდი მხოლოდ იმისათვის მოდის, რომ მოიპაროს, მოკლას და მოსპოს. მე იმისთვის მოვედი, რომ სიცოცხლე ჰქონდეთ და უხვად ჰქონდეთ.

11 მე ვარ მწყემსი კეთილი. მწყემსი კეთილი თავის სულს გასწირავს ცხვართათვის.

ფსალ.22,1. ეს.40,11. ეზეკ.34,13;37,24. 1პეტ.2,25;5,4.

12 მოჯამაგირე კი, რომელიც არ არის მწყემსი და არც ცხვარი ეკუთვნის, მოსული მგლის დანახვაზე სტოვებს ცხვრებს და გარბის. მგელი კი იტაცებს მათ და ფანტავს.

13 მოჯამაგირე კი გარბის, რადგან მოჯამაგირეა იგი და არ ზრუნავს ცხვრებზე.

14 მე ვარ მწყემსი კეთილი. მე ვიცნობ ჩემსას და ჩემი მიცნობს მე,

ეზეკ.34,11. 2ტიმ.2,19.

15 როგორც მამა მიცნობს მე და მე ვიცნობ მამას. ჩემს სულს ვწირავ ცხვართათვის.

16 მე სხვა ცხვრებიცა მყავს, არა ამ ფარეხისა. მე ისინიც უნდა მოვიყვანო. მოისმენენ ჩემს ხმას და იქნება ერთი ფარა და ერთი მწყემსი.

ეზეკ.37,22.

17 იმიტომ ვუყვარვარ მამას, რომ მე ჩემს სიცოცხლეს ვწირავ, რათა კვლავ დავიბრუნო იგი.

ეს.53,11.

18 ვერავინ წამართმევს მას, მაგრამ მე თვით ვწირავ მას. მე მაქვს ხელმწიფება მის გასაწირავად და მაქვს ხელმწიფება მის დასაბრუნებლად. ეს მცნება მამაჩემისგან მივიღე.

იოან.2,19;14,31.

19 ამ სიტყვების გამო კვლავ ჩამოვარდა განხეთქილება იუდეველთა შორის.

20 ბევრმა მათგანმა თქვა: „ეშმაკეულია იგი და შეშლილი. რისთვის უსმენთ მას?“
მარ.3,21. იოან.7,20.

21 სხვებმა თქვეს: „ეს სიტყვები ეშმაკეულისა არ არის; განა შეძლებს ეშმაკი, ბრმას თვალი აუხილოს?“

22 სატფურების დღესასწაული იყო იერუსალიმში. ზამთარი იდგა.

23 იესო ტაძარში დადიოდა, სოლომონის სტოაში.

24 აქ შემოეხვივნენ იუდეველნი გარშემო და უთხრეს: „როდემდე უნდა გყავდეს ჩვენი სული დაბნეულობაში? თუ ქრისტე ხარ, გვითხარი გარკვევით.“

25 მიუგო იესომ: „გითხარით და არ ირწმუნეთ! ჩემი საქმეები, მამაჩემის სახელით რომ ვაკეთებ, მოწმობენ ჩემზე!“
იოან.5,36.

26 მაგრამ თქვენ არ გჯერათ, რადგან ჩემი ცხვრისაგანნი არა ხართ, როგორც გითხარით.
იოან.8,19. 1იოან.4,6.

27 ჩემი ცხვრები ჩემს ხმას ისმენენ. მე ვიცნობ მათ და ისინი მე მომყვებიან.

28 მე მათ საუკუნო სიცოცხლეს ვაძლევ და არ დაიღუპებიან საუკუნოდ და ხელიდან ვერავინ გამომტაცებს.

29 მამაჩემი, რომელმაც მომცა ისინი, ყველაზე დიდია და ვერავინ ვერ გაიტაცებს მათ მამაჩემის ხელიდან.
2შჯ.33,3.

30 მე და მამა ერთი ვართ.“

31 მაშინ კვლავ დაავლეს იუდეველებმა ქვას ხელი მის ჩასაქოლად.
იოან.5,18.

32 მიუგო მათ იესომ: „ბევრი კარგი საქმე გაჩვენეთ მამისგან, რომელი მათგანისთვის მქოლავთ?“

33 მიუგეს მას იუდეველებმა: „კარგი საქმისთვის კი არ გქოლავთ, არამედ ღვთის გმობისათვის და იმისთვის, რომ კაცი ხარ და ღმერთად ხდი შენს თავს.“

34 მიუგო მათ იესომ: „განა თქვენს რჯულში არ წერია, რომ 'მე ვთქვი თქვენ ღმერთები ხართ?'“
ფსალ.81,6.

35 თუ ღმერთები უწოდა მათ, ვის მიმართაც ღვთის სიტყვა იყო და ვის მიმართაც წერილი არ ირღვევა,

36 მას, რომელიც მამამ განწმიდა და მოავლინა წუთისოფელში, ეუბნებით: ღმერთს გმობო, რაკი ვთქვი: ღვთის ძე ვარმეთქი?
იოან.6,27.

37 თუ მამაჩემის საქმეებს არ ვაკეთებ, ნუ მერწმუნებით.

38 და თუ ვაკეთებ და არ მერწმუნებით, საქმეებს ერწმუნეთ, რათა გაიგოთ და იცოდეთ, რომ ჩემშია მამა და მე მამაში ვარ.“

იოან.14,10;17,21.

39 მაშინ კვლავ ცდილობდნენ მის შეპყრობას, მაგრამ დაუსხლტა მათ ხელიდან.

იორდანეს გაღმა წასვლა

40 ისევ წავიდა იორდანეს გაღმა, იმ ადგილას, სადაც წინათ ნათლავდა იოანე, და იქ დარჩა. იოან.1,28.

41 ბევრი მოვიდნენ მასთან და ამბობდნენ: „იოანეს არ მოუხდენია არც ერთი სასწაული, მაგრამ ყველაფერი, რაც იოანემ თქვა მასზე, ჰეშმარიტი იყო.“

42 და იქ ბევრმა ირწმუნა იგი.

თ ა გ ი 11

ლაზარეს სწეულება და სიკვდილი

1 ავად იყო ვინმე ბეთანიელი ლაზარე, მარიამისა და მისი დის მართას სოფლიდან.

2 ეს სწორედ ის მარიამი იყო, უფალს რომ ნელსაცხებელი სცხო და ფეხები თავისი თმებით შეუმშრალა. მისი ძმა ლაზარე იყო ავად. მათ.26,7. მარ.14,3. იოან.12,3.

3 მისმა დებმა კაცი გაუგზავნეს და შეუთვალეს: „უფალო, აჰა, ვინც შენ გიყვარს, ავადა.“

4 იესომ მოისმინა და უთხრა: „ეს ავადმყოფობა სასიკვდილოდ არ არის, არამედ ღვთის სადიდებლადაა, რათა მისით განდიდდეს ღვთის ძე.“ იოან.9,3.

5 იესოს უყვარდა მართა, მისი და, და ლაზარე.

6 როდესაც გაიგო, რომ ავად იყო, ორი დღე დარჩა იმ ადგილზე, სადაც იმყოფებოდა.

7 ამის შემდეგ უთხრა მოწაფეებს: „წავიდეთ კვლავ იუდეაში.“

8 უთხრეს მას მოწაფეებმა: „რაბი, იუდეველები ახლახან შენს ჩაქოლვას ცდილობდნენ და კიდევ იქ მიდიხარ?“ იოან.10,31.

9 მიუგო იესომ: „თორმეტი საათი არ არის დღეში? ვინც დღისით დადის, არ წაიბოძიკებს, რადგან ამ წუთისოფლის ნათელს ხედავს.“ იოან.9,4.

10 ღამით მოარული კი წაიბოძიკებს, რადგან ნათელი არ არის მასში.“ იოან.12,35.

11 ეს თქვა და შემდეგ უთხრა მათ: „ლაზარემ, ჩვენმა მეგობარმა, დაიძინა. მაგრამ მე მის გასაღვიძებლად მივდივარ.“

12 უთხრეს მისმა მოწაფეებმა: „უფალო, თუ დაიძინა, გამოკეთდება.“

13 იესო მის სიკვდილზე ამბობდა, მათ კი ეგონათ, რომ ბუნებრივ ძილზე ლაპარაკობდა.

14 მაშინ იესომ პირდაპირ უთხრა: „ლაზარე მოკვდა.

15 მიხარია თქვენს გამო, იქ რომ არ ვიყავი, რათა თქვენ ირწმუნოთ. მაგრამ წავიდეთ მასთან.“

16 მაშინ თომამ, ტყუპისცალად წოდებულმა, უთხრა თანამოწაფეებს: „ჩვენც წავყვეთ, რათა მასთან ერთად დავიხოცოთ.“

ლაზარეს აღდგინება

17 იესო მივიდა და ნახა, რომ ის უკვე ოთხი დღის დამარხული იყო.

18 ბეთანია ახლოს იყო იერუსალიმიდან, თხუთმეტი სტადიონის მანძილზე.

19 ბევრი იუდეველთაგანი მივიდა მართასთან და მარიამთან, რათა ენუგეშებინათ ისინი ძმის გამო.

20 რომ გაიგო მართამ, იესო მოდისო, შეეგება მას. მარიამი კი შინ იჯდა.

21 მაშინ მართამ უთხრა იესოს: „უფალო, აქ რომ ყოფილიყავი, ჩემი ძმა არ მოკვდებოდა.“

22 მაგრამ ახლაც ვიცი: რასაც სთხოვ ღმერთს, მოგცემს ღმერთი.“

23 უთხრა მას იესომ: „აღდგება შენი ძმა.“

24 უთხრა მას მართამ: „ვიცი რომ აღდგება აღდგომისას, უკანასკნელ დღეს.“

იოხ.19,25-26. ეს.26,19. ეზეკ.37,4. დან.12,2.

25 უთხრა მას იესომ: „მე ვარ აღდგომა და სიცოცხლე, ჩემი მორწმუნე, კიდევ რომ მოკვდეს, იცოცხლებს.“

26 ყველა, ვინც ცოცხლობს ჩემში და სწამს ჩემი, არ მოკვდება უკუნისამდე. გწამს ეს?“

იოან.6,54.

27 მან უთხრა: „დიახ, უფალო, მე მწამს, რომ შენ ქრისტე ხარ, ძე ღვთისა, რომელიც ამ წუთისოფლად მოდის.“

მათ.16,16.

28 ეს რომ თქვა, წავიდა და თავის დას, მარიამს საიდუმლოდ მოუხმო და უთხრა: „მოძღვარია აქ და შენ გიხმობს.“

29 როგორც კი გაიგონა, სასწრაფოდ წამოდგა და მივიდა მასთან.

30 იესო ჯერ სოფელში არ შესულიყო, იმავე ადგილზე იდგა, სადაც მართა შეეგება.

31 ხოლო იუდეველებმა, რომლებიც მასთან იყვნენ სახლში და ანუგეშებდნენ, დაინახეს, რომ მარიამი უცებ ადგა და გავიდა. გაჰყვნენ უკან, ეგონათ, სამარხისკენ მიდიოდა სატირლად.

32 მარიამი მივიდა იმ ადგილას, სადაც იესო იყო და, რომ იხილა იგი, დაემხო მის ფერხთით და უთხრა: „უფალო, აქ რომ ყოფილიყავი, ჩემი ძმა არ მოკვდებოდა.“

33 როდესაც იესომ დაინახა, რომ ტიროდა იგი და მასთან ერთად მოსული იუდეველებიც ტიროდნენ, შეიძრა სულით და აშფოთდა.

34 უთხრა: „სად დაასვენეთ იგი?“ მიუგეს: „უფალო, მოდი და ნახე.“

35 აცრემლდა იესო.

36 თქვეს მაშინ იუდეველებმა: „ნახე, როგორ ჰყვარებია!“

37 ზოგმა მათგანმა კი თქვა: „ნუთუ ბრძის თვალის ამხელს არ შეეძლო ისე გაეკეთებინა, რომ ეს არ მომკვდარიყო?“

იოან.9,6.

38 იესო კი, კვლავ შეძრული შინაგანად, მივიდა სამარხთან. ეს იყო გამოქვაბული, რომელსაც ლოდი ჰქონდა აფარებული.

39 თქვა იესომ: „მოაშორეთ ლოდი.“ მიცვალებულის დამ, მართამ უთხრა: „უფალო უკვე ყარს, რადგან მეოთხე დღეა, რაც დაგმარხეთ.“

40 უთხრა მას იესომ: „განა არ გითხარი, რომ, თუ ირწმუნებ, ღვთის დიდებას იხილავ-მეთქი?“

41 და მოაშორეს ლოდი. იესომ თვალები ალაპყრო და თქვა: „მამაო, გმადლობ, რომ მისმინე.“

42 მე ვიცოდი, რომ ყოველთვის მისმენ. მე მხოლოდ გარ-შემოკრებილი ხალხის გასაგონად ვთქვი, რათა ირწმუნონ, რომ შენ მომავლინე.“

43 ეს რომ თქვა, დიდი ხმით დაიძახა: „ლაზარე, გამოდი!“

44 გამოვიდა მიცვალებული, ხელ-ფეხი სახვევებით ჰქონდა შეკრული და სახეც სუდარით ჰქონდა შეხვეული. უთხრა მათ იესომ: „გახსენით, გაუშვით, იაროს.“

45 მაშინ ბევრმა იუდეველთაგან, რომლებიც მოვიდნენ მარიამთან და იხილეს, რაც მან მოახდინა, ირწმუნა იგი.

მღვდელმთავრები და ფარისევლები პირს კრავენ იესოს მოსაკლავად

46 ზოგიერთნი კი წავიდნენ ფარისევლებთან და უთხრეს, რაც მოახდინა იესომ.

47 მაშინ მღვდელმთავრებმა და ფარისევლებმა შეკრიბეს სინედრიონი და თქვეს: „რა გქნათ, რადგან ეს კაცი ბევრ სასწაულებს ახდენს?“
მათ.26,3. მარ.14,1.

48 თუ მივუშვებთ თავის ნებაზე, ყველა ირწმუნებს მას. მოვლენ რომაელები და დაიპყრობენ ჩვენს ადგილსაც და ერსაც.“

49 ერთმა მათგანმა, კაიაფამ, რომელიც მღვდელმთავრობდა იმ წელიწადს, უთხრა მათ: „თქვენ არათფერი გაგეგებათ,

50 ვერ მოგიფიქრებიათ, რომ გვიჯობს ერთი ადამიანი მოკვდეს ხალხისთვის, ვიდრე მთელი ერი დაიღუპოს.“ იოან.18,14.

51 ეს თავისით არ უთქვამს, არამედ მღვდელმთავრობდა იმ წელიწადს და იწინასწარმეტყველა, რომ იესო ერისთვის მოკვდებოდა.

52 და არა მარტო ერისთვის, არამედ იმისათვისაც, რომ ღვთის გაფანტული შვილები შეეკრიბა ერთად. იოან.10,16. ეფეს.2,13.

53 იმ დღიდან გადაწყვიტეს, მოეკლათ იგი. მათ.21,38.

54 ამიტომ იესო აღარ დადიოდა იუდეველთა შორის ცხადად, არამედ გაეცალა იქაურობას უდაბნოს ახლოს მდებარე მხარეში, ქალაქში, ეფრემი რომ ეწოდება, და იქ დარჩა მოწაფეებთან ერთად.

55 ახლოვდებოდა იუდეველთა პასექი და ამ მხარიდან მრავალი ავიდა პასექის წინ იერუსალიმში განსაწმედად. 25შტ.30,17.

56 ეძებდნენ იესოს და ტაძარში მდგომნი ერთმანეთს ეუბნებოდნენ: ‘როგორ ფიქრობთ, არ მოვა დღესასწაულზე?’

57 მღვდელმთავრებმა და ფარისევლებმა განკარგულებები გასცეს, რომ ვინც შეიტყობდა, სად იყო იგი, უნდა ეცნობებინა, რათა შეეპყროთ.

თ ა ვ ი 12

ბეთანიელი მარიამი ნარდს სცხებს იესოს

1 პასექამდე ექვსი დღით ადრე მოვიდა იესო ბეთანიაში, სადაც იყო ლაზარე, რომელიც იესომ აღადგინა მკვდრეთით.

მათ.26,6. მარ.14,3. იოან.11,2.

2 მას ვახშამი მოუმზადეს იქ. მართა ემსახურებოდა, ლაზარე კი მისი ერთ-ერთი თანამეინახე იყო.

ლუკ.10,40.

3 მარიამმა აიღო ერთი ლიტრა სუფთა, ძვირფასი ნარდის ნელსაცხებელი, ფეხებზე სცხო იესოს და საკუთარი თმით შეუმშრა ღვებები. სახლი ნელსაცხებლის სურნელებით აივსო.

4 თქვა იუდა ისკარიოტელმა, ერთმა მისმა მოწაფეთაგანმა, რომელსაც უნდა გაეცა იგი:

5 „რატომ არ გაიყიდა ეს ნელსაცხებელი სამას დინარად და ღარიბებს არ დაურიგდა?“

6 ეს იმიტომ კი არ თქვა, რომ ღარიბებზე ზრუნავდა, არამედ იმიტომ, რომ ქურდი იყო. ყულაბა მას ჰქონდა და, რასაც ჩაყრიდნენ, ის იღებდა.

იოან.13,29.

7 იესომ უთხრა: „დაანებე თავი, მან ჩემი დამარხვის დღისთვის გადაინახა იგი.“

8 რადგან ღარიბნი ყოველთვის თქვენთანა გყავთ, მე კი არ გყავართ ყოველთვის.“

2შჯ.15,11.

9 იუდეველთაგან დიდძალმა ხალხმა გაიგო, რომ ის იქ იყო და მივიდნენ არა მარტო იესოს გულისთვის, არამედ ლაზარეს სანახავადაც, რომელიც მან მკვდრეთით აღადგინა.

10 მღვდელმთავრებმა ლაზარეს მოკვლაც გადაწყვიტეს,

11 რადგან მის გამო ბევრი იუდეველი მოდიოდა და რწმუნდებოდა იესოში.

იესოს ზეიმით შესვლა იერუსალიმში

12 მეორე დღეს სადღესასწაულოდ მოსულმა დიდძალმა ხალხმა გაიგო, იესო მოდის იერუსალიმში.

13 აიღეს პალმის ტოტები, მის შესაგებებლად გავიდნენ და იძახდნენ: „ოსანა! კურთხეულ არს უფლის სახელით მომავალი, და მეფე ისრაელისა!“

მათ.21,8. მარ.11,8. ლუკ.19,36.

14 იესომ ერთი ჩოჩორი იპოვა და ზედ შეჯდა, როგორც დაწერილია:

15 „ნუ გეშინია სიონის ასულო. აჰა, შენი მეფე მოდის ჩოჩორზე მჯდომი.“

ეს.62,11. ზაქ.9,9. მათ.21,5.

16 პირველად ვერ გაუგეს მოწაფეებმა, მაგრამ, როცა იესო განდიდდა, მაშინ გაიხსენეს, რომ ეს მასზე იყო დაწერილი, და ასე მოექცნენ მას.

17 მოწმობდა ის ხალხი, რომელიც მასთან იყო, როცა ლაზარე საფლავიდან გამოიხმო და მკვდრეთით აღადგინა.

18 ამიტომ შეეგება ხალხი, რაკი გაგონილი ჰქონდა, რომ ეს სასწაული მოახდინა.

19 ფარისევლებმა კი ერთმანეთს უთხრეს: „ხედავთ? ველარაფერს ხდებით. მთელი წუთისოფელი მას მიჰყვება.“

ბერძნებს უნდათ იესოს ნახვა

20 დღესასწაულზე თაყვანის საცემად ამოსულთა შორის იყვნენ ბერძნები.

21 მივიდნენ ისინი ფილიპესთან, რომელიც გალილეის ბეთსაიდან იყო, სთხოვეს და უთხრეს: „ბატონო, იესოს ნახვა გვსურს.“

22 ფილიპე მივიდა ანდრიასთან და უთხრა. შემდეგ ანდრიამ და ფილიპემ უთხრეს იესოს.

კაცის ძის განდიდება

23 მიუგო იესომ მათ: „მოვიდა ჟამი, რომ განდიდდეს კაცის ძე.

24 ჰეშმარიტად, ჰეშმარიტად გეუბნებით თქვენ: თუ მიწაში ჩავარდნილი ხორბლის მარცვალი არ მოკვდა, მარტო დარჩება. და თუ მოკვდა, ბევრ ნაყოფს გამოიხამს.

25 ვისაც თავისი სული უყვარს, კარგავს მას. ხოლო ვისაც თავისი სული სძულს ამ წუთისოფელში, საუკუნო სიცოცხლისათვის შეინახავს მას.

მათ.10,39. მარ.8,35. ლუკ.9,24;14,27.

26 ვინც მე მემსახურება, მე მომყვებს და, სადაც მე ვარ, ჩემი მსახურიც იქ იქნება. ვინც მე მემსახურება, მას პატივს მიაგებს მამა.

იოან.17,24.

27 ახლა შეოთავს ჩემი სული და რა ვთქვა? მამაო, მიხსენი ამ ჟამისაგან! მაგრამ ამისთვის მოვედი ამ ჟამს.

მათ.26,38. ებრ.5,7.

28 მამაო, განადიდე სახელი შენი!“ ზეციდან მოვიდა ხმა: „განვადიდე და კვლავაც განვადიდებ.“

29 იქ მდგომმა ხალხმა ამის გაგონებაზე თქვა: ქუხილიაო. სხვებმა კი თქვეს: ანგელოზი ელაპარაკებოდაო მას.

30 მიუგო იესომ და უთხრა: „ჩემთვის კი არ იყო ეს ხმა, არამედ თქვენთვის.

31 ახლაა ამ წუთისოფლის სამსჯავრო. ამ წუთისოფლის მთავარი ახლა გარეთ გაიდევნება.

იოან.14,30;16,11.

32 როცა ავმაღლდები მიწიდან, ყველას ჩემთან მივიზიდავ.“

იოან.3,14.

33 ამას იმის მისანიშნებლად ლაპარაკობდა, თუ როგორი სიკვდილით მოკვდებოდა.

34 მიუგო ხალხმა: „რჯულიდან გაგვიგონია, რომ ქრისტე სამუდამოდ რჩება. როგორღა ამბობ, კაცის ძე უნდა ამაღლდესო. ვინაა ეს კაცის ძე?“

2მთ.7,13. ფსალ.88,37. ეს.9,7. ეზეკ.37,25. დან.2,44;7,14. მიქ.5,2.

35 მაშინ იესომ უთხრა მათ: „კიდევ მცირე ხანს არის თქვენ შორის ნათელი. იარეთ სანამ ნათელი გაქვთ, რათა ბნელმა არ მოგიცვათ. ბნელში მოარულმა არ იცის, საით მიდის.

36 სანამ ნათელი გაქვთ, იწამეთ ნათელი, რათა იყოთ ძენი ნათლისა.“ თქვა ეს სიტყვები იესომ, წავიდა და მათ თვალს მიეფარა.

ესაიას წინასწარმეტყველება თვალების სიბრმავეზე

37 ამდენი სასწაული მოახდინა მათ წინაშე და მაინც არ იწამეს იგი,

38 რათა ასრულებულიყო ესაია წინასწარმეტყველის სიტყვა, რომელმაც თქვა: „უფალო, ვინ ირწმუნა ჩვენგან სმენილი და უფლის მკლავი ვის გამოეცხადა?“

ეს.53,1. რომ.10,16.

39 იმიტომაც ვერ ირწმუნეს, რომ, როგორც კიდევ თქვა ესაიამ:

40 „მან თვალები დაუბრმავა მათ და გული გაუქვავა, რათა თვალებით ვერ ეხილათ და გულით ვერ მიმხვდარიყვნენ და არ მოქცეულიყვნენ, რომ განმეკურნა ისინი.“

ეს.6,9-10. მათ.13,14. მარ.4,12. ლუკ.8,10. საქ.28,26. რომ.11,8.

41 ეს თქვა ესაიამ, რაკი იხილა მისი დიდება და ილაპარაკა მასზე.

მთავრებმა ირწმუნეს, მაგრამ არ აღიარებენ

42 თუმცა ბევრმა მთავარმაც ირწმუნა იგი, მაგრამ ფარისეველთა გამო ვერ აღიარებდნენ, რათა სინაგოგიდან არ მოეკვეთათ.

43 რადგან ადამიანთა დიდება უფრო უყვარდათ, ვიდრე ღვთის დიდება.

იოან.5,44.

44 იესომ შესძახა და თქვა: „ვისაც ჩემი სწამს, ჩემი კი არ სწამს, არამედ იმისი, ვინც მე მომავლინა,

45 და ჩემი მხილველი ხედავს მას, ვინც მე მომავლინა.

46 მე როგორც ნათელი მოვედი წუთისოფელში, რათა არაგინ, ვისაც კი სწამს ჩემი, ბნელში არ დარჩეს.

იოან.3,19.

47 თუ ვინმე მოისმენს ჩემს სიტყვებს და არ დაიცავს, მე არ განვსჯი მას, რადგან წუთისოფლის განსასჯელად კი არ მოვედი, არამედ წუთისოფლის სახსნელად.

48 მას, ვინც მე უარმყოფს და არ მიიღებს ჩემს სიტყვებს, ჰყავს მსაჯული. სიტყვა, რომელიც წარმოვთქვი, განსჯის მას უკანასკნელ დღეს.

მარ.16,16.

49 რადგან მე ჩემით კი არ ვილაპარაკე, არამედ მამამ, ჩემმა მომაგლინებელმა, მომცა მცნება, რა ვთქვა და რა ვილაპარაკო.

იოან.14,10.

50 მე ვიცი, რომ მისი მცნება საუკუნო სიცოცხლეა. ამიტომ, რასაც ვლაპარაკობ, როგორც მამამ მითხრა, ისე ვლაპარაკობ.”

თ ა ვ ი 13

იესო ფეხებს ბანს მოწაფეებს

1 პასექის დღესასწაულის წინ იცოდა იესომ, რომ დადგა ამ წუთისოფლიდან მამასთან მისი გადასვლის ჟამი: როგორც შეიყვარა თავისიანები, რომლებიც ამ წუთისოფელში იყვნენ, ისევე ბოლომდე უყვარდა ისინი.

მათ.26,2. მარ.14,1.

2 სერობის დროს, როდესაც ეშმაკმა უკვე ჩაუღო გულში იუდას, სიმონ ისკარიოტელისას, რომ გაეცა იგი,

3 იესომ, იცოდა რა, რომ მამამ ყველაფერი მისცა მას ხელთ, რომ ღვთიდან გამოვიდა და ღმერთთან მიდის,

მათ.11.27:28,18.

4 წამოდგა სერობიდან, გადადო ზემო სამოსელი, აიღო ტილო და წელზე შემოირტყა.

ლუკ.17,8:22.27.

5 შემდეგ ჩაასხა წყალი საბანელში და დაიწყო მოწაფეების ფეხის ბანა და იმ ტილოთი შემშრალემა, რომელიც წელზე ერტყა.

6 მივიდა სიმონ-პეტრესთან, მან კი უთხრა: „უფალო, შენ უნდა დამბანო ფეხი?“

7 მიუგო იესომ და უთხრა მას: „რასაც ვაკეთებ ახლა, არ იცი, მერე კი გაიგებ.“

8 უთხრა პეტრემ: „უკუნისამდე არ დამბან ფეხს.“ იესომ უპასუხა: „თუ არ დაგბან, ჩემთან არ გექნება წილი.“

9 უთხრა სიმონ-პეტრემ: „უფალო, მარტო ფეხს კი არა, ხელსაც და თავსაც.“

10 უთხრა იესომ: „განბანილს აღარ სჭირდება დაბანა, გარდა ფეხებისა, რადგან ის მთლიანად სუფთაა და თქვენც სუფთანი ხართ, ოღონდ ყველა არა.“

იოან.15.3.

11 რადგან იცოდა, ვინ გასცემდა. ამიტომ თქვა: ყველანი არ ხართო სუფთა.

12 ფეხები რომ დაბანა მათ და თავისი სამოსელი აიღო და კვლავ დაჯდა, უთხრა მათ: „იცით რა გიყავით?“

13 თქვენ მე მიწოდებთ მოძღვარს და უფალს. სწორად ამბობთ, რადგანაც ვარ.

1კორ.8.6:12.3. ფილ.2,11.

14 ამიტომ, თუკი მე, მოძღვარმა და უფალმა, დაგბანეთ ფეხები, თქვენც ერთმანეთს უნდა დაბანოთ ფეხები.

15 რადგან მაგალითი მოგეცით, რათა, როგორც მე მოგექეცით, თქვენც ისე მოიქცეთ.

16 ჭეშმარიტად, ჭეშმარიტად გეუბნებით თქვენ: მონა არაა თავის ბატონზე დიდი და მოვლინებული არ არის მომავლინებელზე დიდი, მათ.10,24. ლუკ.6,40. იოან.15,20.

17 რაკი ეს იცით, ნეტარნი ხართ, თუ ამას აღასრულებთ.

18 ყველა თქვენგანზე არ ვლაპარაკობ. მე ვიცი, ვინც ამოვარჩიე: მაგრამ უნდა აღსრულდეს წერილი: 'ჩემი პურის მჭამელმა ჩემზე აღმართა ქუსლი.' ფსალ.40,10. საქ.1,16.

19 ახლა გეუბნებით, სანამ ეს ახდებოდეს, რათა, როცა ახდება, ირწმუნოთ, რომ მე ვარ. იოან.14,29.

20 ჭეშმარიტად, ჭეშმარიტად გეუბნებით თქვენ: ვინც ღებულობს იმას, ვისაც მე მივაგლენ, მე მღებულობს, ხოლო ვინც მე მღებულობს, ჩემს მომავლინებელსაც ღებულობს.“

მათ.10,40. ლუკ.10,16.

იესოს წინასწარუწყება გამცემლობაზე

21 ამის თქმის შემდეგ იესო სულით აშფოთდა, დაამოწმა და თქვა: „ჭეშმარიტად, ჭეშმარიტად გეუბნებით თქვენ: ერთი თქვენგანი გამცემს მე.“ მათ.26,21. მარ.14,18. ლუკ.22,21.

22 მოწაფეებმა ერთმანეთს გადახედეს გაოგნებულებმა: ვისზე თქვაო.

23 იესოს მკერდზე მიეყრდნო ერთი მოწაფეთაგანი, რომელიც უყვარდა იესოს. იოან.21,20.

24 სიმონ-პეტრემ ანიშნა მას და უთხრა: ჰკითხე, ვინ არის, ვისზეც თქვაო.

25 იგი მკერდზე მიეკრა იესოს და უთხრა: „უფალო, ვინაა იგი?“

26 მიუგო იესომ: „ეს ისაა, ვისაც ამოვუწებ ლუკმას და მივცემ.“ აწებს ლუკმას, იღებს და აძლევს იუდას, სიმონ ისკარიოტელისას.

27 ამ ლუკმის შემდეგ სატანა შევიდა მასში. მაშინ უთხრა მას იესომ: „რასაც აკეთებ, მალე გააკეთე.“

28 მაგრამ შეინახეთაგან ვერავინ მიხვდა, რად უთხრა ეს.

29 რაკი ყულაბა იუდას ჰქონდა, ზოგმა იფიქრა, იესო ეუბნება, სადღესასწაულოდ გვიყიდე, რაც გვჭირდებაო, ან კიდევ, რომ რაიმე მიეცა ღარიბებისათვის.

30 ის კი, როგორც კი ლუკმა აიღო, დაუყოვნებლივ გავიდა. და იყო ღამე.

ახალი მცნება: შეიყვარეთ ერთმანეთი

31 როცა ის გავიდა, თქვა იესომ: „ახლა განდიდდა კაცის ძე და ღმერთი განდიდდა მასში.“ იოან.12,23.

32 რაკი ღმერთი განდიდდა მასში, ღმერთიც განადიდებს მას თავის თავში და უმაღვე განადიდებს მას.

33 შვილებო, კიდევ მცირე ხანსა ვარ თქვენთან. ძებნას

დამიწყებთ, როგორც იუდეველებს ვუთხარი, რომ სადაც მივდივარ, თქვენ ვერ შეძლებთ-მეთქი მოსვლას, თქვენც იმასვე გეუბნებით ახლა.

იოან.7,34;8,21.

34 ახალ მცნებას გაძლევთ თქვენ: გიყვარდეთ ერთმანეთი; როგორც მე შეგიყვარეთ თქვენ, თქვენც ისე გიყვარდეთ ერთმანეთი.

იოან.15,12. 1იოან.3,11. 1თეს.4,9.

35 ჩემი მოწაფეები რომ ხართ, იმით გაიგებენ ყველანი, თუ სიყვარული გექნებათ ურთიერთს შორის.“

36 ჰკითხა მას სიმონ-პეტრემ: „უფალო, სად მიხვალ?“ იესომ მიუგო: „ახლა იქ ვერ გამოძევები, სადაც მე მივდივარ, მერე კი გამოძევები.“

37 უთხრა მას პეტრემ: „უფალო, ახლავე რატომ ვერ გამოძევები? ჩემს სულს დავდებ შენთვის.“

38 იესომ მიუგო: „სულს დადებ ჩემთვის? ჭეშმარიტად, ჭეშმარიტად გეუბნები შენ: მამალი არ იყივლებს, სანამ სამჯერ არ უარმყოფ.“

მათ.26,34. მარ.14,30. ლუკ.22,34.

თ ა ვ ი 14

მე ვარ გზა და ჭეშმარიტება და სიცოცხლე

1 „ნუ შეკრთება თქვენი გული. იწამეთ ღმერთი და მიწამეთ მე.“

2 მამაჩემის სახლში ბევრი სავანეა. ასე რომ არ იყოს, არ გეტყოდით. მე მივდივარ, რათა აღგილი მოგიმზადოთ.

3 როდესაც წავალ და აღგილს მოგიმზადებთ, ისევ მოვალ და ჩემთან წაგიყვანთ, რათა, სადაც მე ვარ, თქვენც იქ იყოთ.

იოან.17,24. 1თეს.4,17.

4 სადაც მე მივდივარ, თქვენ იცით ის გზა.“

5 თომამ უთხრა: „უფალო, არ ვიცით, სად მიდიხარ, და გზა როგორღა გვეცოდინება?“

6 უთხრა იესომ: „მე ვარ გზა, ჭეშმარიტება და სიცოცხლე. მამასთან ვერაგინ მივა, თუ არა ჩემით.“

ეს.35,8. იოან.1,14,17;6,33.40;8,32;10,28;11,25. 1იოან.5,20.

7 მე რომ მიცნობდეთ, მამაჩემიც გეცნობებოდათ. ამიერიდან იცნობთ მას და გიხილავთ იგი.“

8 ფილიპემ უთხრა: „უფალო, გვაჩვენე მამა და საკმარისია ჩვენთვის.“

9 უთხრა მას იესომ: „რა ხანია, თქვენთან ვარ და ვერ მიცნობ, ფილიპე? ვინც მე მიხილა, მამა იხილა. როგორღა ამბობ, გვაჩვენე მამაო?“

10 განა არ გწამს, რომ მე მამაში ვარ და მამა ჩემში? სიტყვებს, რომელთაც გეუბნებით, ჩემით არ ვამბობ. ჩემში მყოფი მამა აკეთებს საქმეებს.

11 მერწმუნეთ, რომ მე მამაში ვარ და მამა ჩემში. თუ არა და თვით საქმეებს მაინც ერწმუნეთ.

12 ჭეშმარიტად, ჭეშმარიტად გეუბნებით თქვენ: ვისაც ჩემი სწამს, იმ საქმეებს, რასაც მე ვაკეთებ, ისიც გააკეთებს, და მათზე დიდსაც გააკეთებს, რადგან მე მამასთან მივდივარ.

13 რასაც ითხოვთ ჩემი სახელით, გავაკეთებ, რათა განდიდდეს მამა ძეში.

მათ.7,7. მარ.11,24. ლუკ.11,9. იოან.15,7;16,23. იაკ.1,6.

14 თუ რამეს ითხოვთ ჩემი სახელით, გავაკეთებ.

აღთქმა სულიწმიდის მოვლინებისა

15 „თუ მე გიყვარვართ, ჩემი მცნებანი დაიცავით.

16 მე მამას შეგვედრები და ის სხვა ნუგეშისმცემელს მოგივლენთ, რათა თქვენთან იყოს საუკუნოდ—

17 ჭეშმარიტების სულს, რისი მიღებაც არ შეუძლია წუთისოფელს, რადგან ვერ ხედავს და არ იცნობს მას. თქვენ კი იცნობთ მას, რადგან თქვენთან რჩება და თქვენში იქნება.

იოან.16,13. 1კორ.2,14.

18 ობლებად არ დაგტოვებთ, მოვალ თქვენთან.

19 კიდევ ცოტაც და წუთისოფელი ველარ მიხილავს, თქვენ კი მიხილავთ, რადგან მე ცოცხალი ვარ და თქვენც იცოცხლებთ.

იოან.11,25. 1თეს.4,14.

20 იმ დღეს გაიგებთ, რომ მე მამაჩემში ვარ და თქვენ ჩემში, და მე თქვენში.

21 ვისაც ჩემი მცნებები აქვს და იცავს მათ, მას ვუყვარვარ მე, ჩემს მოყვარულს კი ჩემი მამაც შეიყვარებს. მეც შევიყვარებ მას და მე თვითონ გამოვეცხადები.“

22 იუდამ, არა ისკარიოტელმა, უთხრა: „უფალო, როგორ იქნება, რომ შენ თვითონ გამოვეცხადები ჩვენ და არა წუთისოფელს.“

23 მიუგო იესომ და უთხრა: „ვისაც ვუყვარვარ, ის ჩემს სიტყვას დაიცავს და მამაჩემიც შეიყვარებს მას, ჩვენც მივალთ და მასთან დავიდებით სავანეს.

ზაქ.2,10. 1კორ.3,16. გამოცხ.3,20.

24 ვისაც არ ვუყვარვარ, არ იცავს ჩემს სიტყვებს. სიტყვა, რომელსაც ისმენთ, ჩემი კი არაა, ჩემი მომავლინებელი მამისაა.

იოან.12,49.

25 ეს გითხარით თქვენთან ყოფნისას.

26 ხოლო ნუგეშისმცემელი კი, სულიწმიდა, რომელსაც ჩემი სახელით მოავლინებს მამა, ყველაფერს გასწავლით და ყველაფერს გაგახსენებთ, რაც თქვენთვის მითქვამს.

იოან.15,26.

27 მშვიდობას გიტოვებთ თქვენ, ჩემს მშვიდობას გაძლევთ თქვენ. წუთისოფელი რომ იძლევა, ისე კი არ გაძლევთ. ნუ შეკრთება თქვენი გული და ნურც შეშინდება.

ფილ.4,7.

28 ხომ მოისმინეთ, რომ გითხარით: მივდივარ და მოვალ თქვენთან. რომ გყვარებოდით, გაგიხარდებოდათ, რაკი მამასთან მივდივარ, რადგან მამა ჩემზე დიდია.

29 ახლა გითხარით ეს, სანამ ახდებოდეს, რათა ირწმუნოთ, როცა ახდება.

30 ბევრს აღარ ვილაპარაკებ თქვენთან, რადგან წუთისოფლის მთავარი მოდის და მას ჩემში არაფერი ეკუთვნის. იოან.12,31;16,11.

31 მაგრამ, რათა გაიგოს წუთისოფელმა, რომ მამა მიყვარს და, როგორც მამამ მიბრძანა, ისე ვაკეთებ. ადექით, წავიდეთ აქედან.
იოან.10,18. ებრ.10,77

თ ა ვ ი 15

ჭეშმარიტი ვაზი და ლერწები

1 „მე ვარ ვაზი ჭეშმარიტი, მამაჩემი კი მიწისმუშაკია.

2 ყოველ უნაყოფო ლერწს ჩემში ის მოაშორებს და ყოველ ნაყოფიერს კი განწმედს, რათა მეტი ნაყოფი გამოიღოს.

მათ.15,13. გალ.5,22.

3 თქვენ უკვე გაწმედდით ხართ იმ სიტყვით, რომელიც გითხარით.

4 თქვენ ჩემში დარჩით, მე კი – თქვენში. როგორც ლერწი ვერ მოიხსამს ნაყოფს თავისით, თუ ვაზზე არ დარჩება, ისევე თქვენც, თუ ჩემში არ დარჩებით.

5 მე ვაზი ვარ, თქვენ კი – ლერწები. ვინც ჩემში რჩება და მე მასში, იგი ბევრ ნაყოფს იხსამს, რადგან უჩემოდ არაფრის კეთება არ შეგიძლიათ.

საქ.4,12.

6 ვინც ჩემში არ დარჩება, გარეთ გადაიგდება, როგორც ლერწი, და დაჭენება. მოაგროვებენ მათ, ცეცხლში ჩაყრიან და დაიწვებიან.

ეზეკ.15,4. მათ.3,10;7,19.

7 თუ ჩემში დარჩებით და ჩემი სიტყვები თქვენში დარჩება, რასაც ისურვებთ, ითხოვეთ და გექნებათ. იოან.14,13;16,23. 1იოან.3,22.

8 ამით განდიდდება მამაჩემი, თუ ბევრ ნაყოფს გამოიღებთ და ჩემი მოწაფეები იქნებით.

დარჩით ჩემს სიყვარულში

9 „როგორც მამამ შემიყვარა მე, მეც ასევე შეგიყვარეთ თქვენ. დარჩით ჩემს სიყვარულში!

10 თუ ჩემს მცნებებს დაიცავთ, ჩემს სიყვარულში დარჩებით, როგორც მე დავიცავი მამაჩემის მცნებები და დავრჩი მის სიყვარულში.

11 ეს ყველაფერი იმიტომ გითხარით, რომ ჩემი სიხარული იყოს თქვენში და სრულყოფილი იყოს თქვენი სიხარული.

12 ესაა ჩემი მცნება: გიყვარდეთ ერთმანეთი, როგორც მე შეგიყვარეთ თქვენ.

1იოან.3,11;4,21. ეფეს.5,2. 1თეს.4,9.

13 იმაზე დიდი სიყვარული არ არსებობს, როცა ვინმე თავის სულს სწირავს თავისი მეგობრისათვის.

14 თქვენ ჩემი მეგობრები ხართ, თუ გააკეთებთ, რასაც მცნებად გიდებთ.

15 მე აღარ გიწოდებთ მონებს, ვინაიდან მონამ არ იცის, რას აკეთებს მისი ბატონი. არამედ მეგობრები გიწოდეთ, რადგან ყველაფერი გამცნეთ, რაც მამაჩემისგან მსმენია. ეფეს.1,9;3,5.

16 თქვენ არ აგირჩევივართ, არამედ მე აგირჩიეთ თქვენ და დაგადგინეთ, რათა წახვიდეთ და ნაყოფი გამოიღოთ და თქვენი ნაყოფი დარჩეს, რათა, რასაც კი სთხოვთ მამას ჩემი სახელით, მან მოგცეთ თქვენ.

17 ამას გიდებთ მცნებად, რათა გიყვარდეთ ერთმანეთი.

თქვენც გაგღევნა

18 „თუ თქვენ წუთისოფელს სძულხართ, იცოდეთ, რომ თქვენზე უწინ მე შემიძულა. იოან.3,13.

19 თქვენ რომ წუთისოფლისანი ყოფილიყავით, წუთისოფელს ეყვარებოდა თავისიანები. და რაკი არ ხართ წუთისოფლისანი, არამედ მე გამოგარჩიეთ წუთისოფლიდან, ამიტომ სძულხართ წუთისოფელს.

20 გაიხსენეთ სიტყვა, რომელიც გითხარით: მონა არ არის-მეთქი თავის ბატონზე დიდი. მე თუ მღევნიდნენ, თქვენც დაგიწყებენ დევნას. თუ ჩემი სიტყვა დაიცვეს, თქვენსასაც დაიცავენ.

მათ.10,24;24,9. მარ.13,9. ლუკ.21,12. იოან.13,16.

21 მაგრამ ყოველივე ამას ჩემი სახელის გამო გიზამენ, რადგან არ იცნობენ ჩემს მომავლინებელს. იოან.16,3.

22 მე რომ არ მოვსულიყავი და არ მეთქვა მათთვის, არ ექნებოდათ ცოდვა. ახლა კი არა აქვთ პატიება თავიანთი ცოდვებისათვის.

23 ჩემს მოძულეს მამაჩემიც სძულს.

24 მე რომ არ მეკეთებინა მათ შორის საქმეები, რასაც სხვა ვერავინ აკეთებდა, ცოდვაც აღარ ექნებოდათ. ახლა კი იხილეს და შეგვიძულეს მეც და მამაჩემიც.

25 მაგრამ აღსრულდეს მათ რჯულში დაწერილი სიტყვა: 'უმიზეზოდ შემიძულეს.' ფსალ.34,19;68,5.

26 როცა მოვა ნუგეშისმცემელი, რომელსაც მე მოგივლენთ მამისგან – ჭეშმარიტების სული, – რომელიც მამისგან გამოდის, ის დაამოწმებს ჩემს შესახებ. ლუკ.24,49. იოან.14,26.

27 თქვენც დაამოწმებთ, ვინაიდან თავიდანვე ჩემთანა ხართ.

საქ.1,8;2,32. 1პეტ.5,1.

თ ა ვ ი 16

იესო ჰპირდება ნუგეშისმცემლის მოვლინებას

1 „ეს ყველაფერი გითხარით, რათა არ დაბრკოლდეთ (რწმენაში).

2 სინაგოგიდან მოგკვეთენ, მაგრამ მოდის ჟამიც, როცა თქვენს ყველა მკვლელს ეგონება, რომ ამით ღმერთს ემსახურება.

3 ასე მოგექცევიან, რადგან არ იცნეს არც მამა, არც მე.

იოან.15,21.

4 მაგრამ ეს გითხარით, რათა, როცა მოვა ჟამი, გაიხსენოთ, რომ მე გითხარით. ეს არ მითქვამს თავიდანვე, რადგან თქვენთან ვიყავი.

მათ.9,15. იოან.14,29.

5 ახლა მივდივარ მასთან, ვინც მე მომავლინა და არც ერთი თქვენგანი არ მეკითხება, სად მიდიხარო.

იოან.7,33.

6 მაგრამ მწუხარებით აღივსო თქვენი გული, ეს რომ გითხარით.

7 მაგრამ ჭეშმარიტებას გეუბნებით თქვენ: თქვენთვის უკეთესია, რომ წავიდე, რადგან თუ არ წავედი, ნუგეშისმცემელი ვერ მოვა თქვენთან. თუ წავალ, მე მოგივლენთ.

იოან.15,26.

8 და როდესაც ის მოვა, ამხილებს წუთისოფელს ცოდვის, სიმართლისა და სამსჯავროს გამო.

9 ცოდვის გამო, რომ არ მიწამეს;

10 სიმართლის გამო, მამასთან რომ მივდივარ და გერასოდეს მიხილავთ;

11 სამსჯავროს გამო, რომ მთავარი ამ წუთისოფლისა მსჯავრდებულია.

იოან.12,31;14,30. კოლ.2,15.

12 კიდევ ბევრი რამ მაქვს თქვენთვის სათქმელი, მაგრამ ველარ იტვირთავთ.

13 როცა მოვა იგი, სული ჭეშმარიტებისა, შეგიძლევბათ ყოველ ჭეშმარიტებაში. თავისით კი არ ილაპარაკებს, არამედ იმას ილაპარაკებს, რასაც ისმენს, და მომავალს გაუწყებთ თქვენ.

მათ.10,19.

14 იგი განმადიდებს მე, რადგან ჩემგან მიიღებს და თქვენ გაუწყებთ.

15 ყველაფერი, რაც მამას აქვს, ჩემია. ამიტომ გითხარით: ჩემგან მიიღებს და თქვენ გაუწყებთ-მეთქი.

იოან.17,10.

იესო მოვიდა მამისგან და მიდის მამასთან

16 „ცოტაც და, ველარ მიხილავთ. კიდევ ცოტაც და, მიხილავთ, რადგან მე მამასთან მივდივარ.“

17 რამდენიმე მისმა მოწაფემ ერთმანეთს გადაულაპარაკა: „ამას რას გვეუბნება: ცოტაც და, ველარ მიხილავთ. კიდევ ცოტაც და, მიხილავთ, რადგან მამასთან მივდივარო?“

18 ასე ლაპარაკობდნენ: ამას რას ამბობს: ცოტაცო? არ ვიცით, რას ამბობსო.

19 მიხვდა იესო, რომ უნდოდათ მისთვის ეკითხათ, და უთხრა მათ: „იმიტომ ეკითხებით ერთმანეთს, მე რომ ვთქვი: ცოტაც და, ვერ მიხილავთ, და კიდევ ცოტაც და, მიხილავთ-მეთქი?“

20 ჭეშმარიტად, ჭეშმარიტად გეუბნებით თქვენ: იტირებთ

და ივალალებთ, წუთისოფელი კი გაიხარებს. თქვენ დამწუხრდებით, მაგრამ თქვენი მწუხარება სიხარულად იქცევა.

21 დედაკაცი მშობიარობისას წუხს, რადგან მისი უამი დადგა. ხოლო ბავშვს რომ შობს, სიხარულისგან აღარ ახსოვს ტანჯვა, რადგან ადამიანი იშვა წუთისოფელში.

22 თქვენც დამწუხრებულნი ხართ ახლა, მაგრამ კვლავ გიხილავთ და გაიხარებს თქვენი გული, და თქვენს სიხარულს ველარავინ წაგართმევთ.

ლუკ.24,41.52. იოან.20,20. 1პეტ.1,8.

ითხოვეთ ჩემი სახელით

23 „იმ დღეს არაფერს მკითხავთ. ჭეშმარიტად, ჭეშმარიტად გეუბნებით თქვენ: რასაც სთხოვთ მამას, ჩემი სახელით მოგცემთ თქვენ.

მათ.7,7. მარ.11,24. ლუკ.11,9. იოან.14,13;15,7. იაკ.1,6.

24 აქამდე არაფერი გითხოვიათ ჩემი სახელით. ითხოვეთ და მიიღებთ, რათა თქვენი სიხარული სრულყოფილი იყოს.

25 ამას იგაგებით გელაპარაკებოდით, მაგრამ მოდის უამი, როდესაც აღარ დაგელაპარაკებით იგაგებით, არამედ პირდაპირ გაუწყებთ მამის შესახებ.

26 იმ დღეს შესთხოვთ ჩემი სახელით, ამიტომაც არ გეუბნებით, რომ მამას ვთხოვ თქვენთვის.

რომ.8,34.

27 გინაიდან თვით მამას უყვარხართ, რაკი მე შემიყვარეთ და ირწმუნეთ, რომ ღვთისგან გამოვედი.

იოან.17,25.

28 მამისგან გამოვედი და წუთისოფელში მოვედი. კვლავ ვტოვებ წუთისოფელს და მივდივარ მამასთან.“

29 მისმა მოწაფეებმა უთხრეს: „აჰა, ახლა პირდაპირ ლაპარაკობ და არავითარ იგავს არ ამბობ.

30 ახლა ვიცით, რომ ყველაფერი იცი. არ გჭირდება, რომ გინმემ გკითხოს. ამის გამო გვწამს, რომ ღვთისგან გამოხვედი.“

გამაგრდით, მე ვძლიე წუთისოფელს

31 მიუგო მათ იესომ: „ახლა გწამთ?

32 აჰა, მოდის უამი, და მოვიდა კიდეც, როცა ყველა სათითაოდ გაიფანტება. მე დამტოვებთ, მაგრამ მე არა ვარ მარტო, გინაიდან მამაა ჩემთან.

მათ.26,31. მარ.14,27.

33 ეს იმიტომ გითხარით, რომ მშვიდობა გქონდეთ ჩემში. წუთისოფელში ჭირი გექნებათ, მაგრამ გამაგრდით. მე ვძლიე წუთისოფელს.“

1იოან.4,4;5,4. 1კორ.15,57.

თ ა ვ ი 17

ლოცვა მოწაფეთათვის

1 ამის თქმის შემდეგ იესომ ცას მიაპყრო თვალები და თქვა: „მამაო, დადგა უამი, განადიდო შენი ძე, რათა ძემ განგადიდოს შენ.

იოან.12,23.

2 რადგან მიეცი მას ხელმწიფება ყველა ხორციელზე, რათა ყველას, ვინც მას ჩააბარე, საუკუნო სიცოცხლე მისცეს.

დან.7,14. მათ.28,18. ებრ.2,5-8.

3 ესაა საუკუნო სიცოცხლე, რომ გიცნობდნენ შენ, ერთადერთ ჭეშმარიტ ღმერთს, და მას ვინც მოავლინე – იესო ქრისტეს.

იოან.6,29. 1იოან.3,23.

4 მე განგადიდე დედამიწაზე: აღვასრულე შენი საქმე, რაც მომეცი, რომ გამეკეთებინა.

5 ახლა კი, შენ განმადიდე მამაო, იმავე დიდებით, რაც მქონდა შენთან წუთისოფლის გაჩენამდე.

გამოცხ.5,12.

6 შენი სახელი გამოვუცხადე ადამიანებს, რომლებიც შენ მომეცი წუთისოფლისგან. შენები იყვნენ ისინი და მე მომეცი, შენი სიტყვა დაიცვეს მათ.

იოან.18,9.

7 ახლა შეიცნეს, რომ ყველაფერი, რაც მომეცი, შენგანაა.

8 რადგან სიტყვები, რომლებიც შენ მომეცი, მათ გადავეცი. მიიღეს მათ და სცნეს ჭეშმარიტად, რომ მე შენგან წამოვედი. და ირწმუნეს, რომ შენ მომავლინე.

იოან.16,27.

9 მათთვის გევედრები; წუთისოფლისთვის კი არ გევედრები, არამედ მათთვის, რომლებიც შენ მომეცი, რადგან შენები არიან ისინი.

10 ყველაფერი ჩემი შენია, შენი კი – ჩემი. და მე მათში განვდილდი.

იოან.16,15.

11 მე აღარა ვარ წუთისოფელში, მაგრამ ისინი არიან წუთისოფელში. მე კი შენთან მოვდივარ. წმიდაო მამავ, დაიცავი შენი სახელით ესენი, რომლებიც შენ მომეცი, რათა ჩვენსავით ერთნი იყვნენ!

იოან.10,30. ეფეს.4,3.

12 როცა მათთან ვიყავი, ვიცავდი მათ შენი სახელით. ისინი, რომლებიც შენ მომეცი, მე დავიფარე და მათგან არავინ დაღუპულა, დაღუპვის ძის გარდა, რათა აღსრულებულიყო წერილი.

ფსალ.108,8. იოან.18,9.

13 ახლა კი შენთან მოვდივარ, და ამას წუთისოფელში გლაპარაკობ, რათა აივსნენ ჩემი სიხარულით.

14 მე მათ მივეცი შენი სიტყვა და წუთისოფელმა შეიძულა ისინი, რადგან არ არიან წუთისოფლისანი, როგორც მე არა ვარ წუთისოფლისა.

იოან.8,23.

15 არ გევედრები, რომ წუთისოფლიდან წაიყვანო ისინი, არამედ, რომ დაიცვა ბოროტისაგან.

16 ისინი წუთისოფლისანი არ არიან, როგორც მე არა ვარ წუთისოფლისა.

17 განწმიდე ისინი ჭეშმარიტებით. შენი სიტყვა ჭეშმარიტებაა.

ფსალ.118,142. იოან.14,6.

18 როგორც შენ მომავლინე წუთისოფელში, მეც ასევე მივავლინე ისინი წუთისოფელში.

ეს.61,1.

19 ჩემ თავს განვწმედ მათთვის, რათა ისინიც წმიდანი იყვნენ ჭეშმარიტებაში.

ებრ.9,14.

ლოცვა ყველასათვის, ვინც კი ირწმუნებს

20 „მე მხოლოდ ამათზე არ გევედრები, არამედ იმათზეც, ვინც ჩემი მოწამენი იქნებიან თავიანთი სიტყვით.

21 რათა ყველა ერთი იყოს, როგორც შენ ჩემში, მამაო, მე კი – შენში, რათა ისინიც იყვნენ ჩვენში, რათა ირწმუნოს წუთისოფელმა, რომ შენ მომავლინე. იოან.17,11.

22 და დიდება, რომელიც შენ მომეცი, მათ მივეცი, რათა ერთნი იყვნენ, როგორც ჩვენ ვართ ერთნი.

23 მე მათში და შენ ჩემში, რათა სრულყოფილნი იყვნენ ერთში და რათა იცოდეს წუთისოფელმა, რომ შენ მომავლინე და ისე შეიყვარე ისინი, როგორც მე შემეყვარე.

24 მამაო, მსურს, რომ სადაც მე ვარ, ისინიც ჩემთან იყვნენ, რომელნიც შენ მომეცი, რათა ნახონ ჩემი დიდება, რომელიც შენ მომეცი, რადგან შემეყვარე წუთისოფლის შექმნამდე. იოან.12,26.

25 მამაო მართალო, წუთისოფელმა არ შეგიცნო, მე კი შეგიცნე და ამათაც შეიცნეს, რომ შენ მომავლინე.

26 მე ვაუწყე მათ შენი სახელი და კვლავაც ვაუწყებ, რათა სიყვარული, რომლითაც შემეყვარე, იყოს მათში და მე მათში ვიყო.“ იოან.15,15.

თ ა ვ ი 18

იესო გაცემულია

1 ეს თქვა იესომ და თავის მოწაფეებთან ერთად კედრონის ხევს გაღმა გავიდა, სადაც ბალი იყო, რომელშიც შევიდა თვითონ და მისი მოწაფეები. მათ.26,36.

2 მისმა გამცემმა იუდამაც იცოდა ეს ადგილი, რადგან იესო და მისი მოწაფეები ხშირად იკრიბებოდნენ იქ.

3 იუდამ კი წაიყვანა რომაელთა რაზმი და მღვდელმთავართა და ფარისეველთაგან გამოგზავნილი მსახურნი, და მივიდნენ იქ ლამპრებით, ჩირაღდნებითა და საჭურვლით. მათ.26,47. მარ.14,43. ლუკ.22,47. საქ.1,16.

4 იესომ იცოდა რა ყველაფერი, რაც მოელოდა, გამოვიდა და უთხრა მათ: „ვის ეძებთ?“

5 მიუგეს მას: „იესო ნაზარეტელს.“ უთხრა მათ: „მე ვარ.“ მისი გამცემი იუდაც მათთან იდგა.

6 როდესაც უთხრა: მე ვარო, დაიხიეს უკან და მიწაზე დაეშვნენ.

7 კვლავ ჰკითხა მათ: „ვის ეძებთ?“ მათ უთხრეს: „იესო ნაზარეტელს.“

8 მიუგო იესომ: „გითხარით, მე ვარ-მეთქი. მე თუ მეძებთ, ესენი გაუშვით, წავიდნენ“.

9 რათა აღსრულდეს მისი ნათქვამი სიტყვა: „ვინც შენ მომეცი, მათგან არავინ დამილუპავს.“
იოან.17.6.12.

პეტრემ მახვილი იშიშვლა

10 სიმონ-პეტრეს კი მახვილი ჰქონდა. იშიშვლა, დასცხო მღვდელმთავრის მონას და მარჯვენა ყური ჩაათალა. მონას მალ-ქოზი ერქვა.
მათ.26.51.

11 მაგრამ იესომ უთხრა პეტრეს: „ჩააგე მახვილი ქარქაშში. ნუთუ არ უნდა შევსვა სასმისი, რომელიც მამამ მომცა?“

12 მაშინ რაზმმა, ათასისთავმა და იუდეველთა მსახურებმა, შეიპყრეს იესო და შეკრეს.

13 პირველად ანასთან წაიყვანეს. ის იყო სიმამრი კაიაფასი, რომელიც მღვდელმთავრობდა იმ წელიწადს.

მათ.26.57. მარ.14,53. ლუკ.22,54.

14 ეს ის კაიაფა იყო, რომელმაც იუდეველებს ურჩია, უმჯობესია ერთი კაცი მოკვდეს ხალხისთვისო.
იოან.11,50.

15 იესოს მიჰყვებოდნენ სიმონ-პეტრე და სხვა მოწაფე. ის მოწაფე მღვდელმთავრის ნაცნობი იყო და იესოსთან ერთად მღვდელმთავრის ეზოში შევიდა.

16 პეტრე კი კარს გარეთ იდგა. შემდეგ სხვა მოწაფე, მღვდელმთავრის ნაცნობი, გამოვიდა, გადაულაპარაკა მეკარე ქალს და პეტრე შეიყვანა.

17 აქ მხევალმა მეკარემ უთხრა პეტრეს: „განა შენც იმ კაცის მოწაფეთაგანი არა ხარ?“ უთხრა მან: „არა ვარ.“

მათ.26,69. მარ.14,66. ლუკ.22,56.

18 იდგნენ მონები და მსახურნი და ნაკვერჩხლები გაელვივებინათ, ვინაიდან ციოდა, და თბებოდნენ. პეტრეც მათთან იდგა და თბებოდა.

იესო მღვდელმთავრების წინაშე

19 მღვდელმთავარმა ჰკითხა იესოს მის მოწაფეებზე და მის მოძღვრებაზე.

20 მიუგო მას იესომ: „მე აშკარად ველაპარაკებოდი წუთისოფელს და მუდამ ვასწავლიდი სინაგოგასა და ტაძარში, სადაც ყველა იუდეველი იკრიბება. ფარულად არაფერი არ მილაპარაკნია.“

21 მე რას მეკითხები, ჰკითხე მსმენელებს, რას ველაპარაკებოდი მათ. აჰა, მათ იციან, რასაც ვამბობდი.“

22 ამ სიტყვებს რომ ამბობდა, ერთმა იქ მდგომმა მსახურმა გაარტყა იესოს და უთხრა: „ასე პასუხობ მღვდელმთავარს?“

23 მიუგო იესომ: „თუ ცუდად ვთქვი, დამიმოწმე ცუდის შესახებ, და თუ კარგად – რაღა მცემ?“

24 ანამ შებოჭილი გაგზავნა იგი მღვდელმთავარ კაიაფასთან.

უარყოფა პეტრესგან

25 სიმონ-პეტრე კი იდგა და თბებოდა. უთხრეს: „შენც მისი მოწაფეთაგანი არა ხარ?“ უარყო და თქვა: „არა ვარ.“

26 მღვდელმთავრის ერთმა მონათაგანმა, პეტრემ რომ ყური ჩამოათალა, იმის ნათესავმა, უთხრა: „განა მასთან ერთად არ გნახე ბაღში?“

27 პეტრემ კვლავ უარყო და მყისვე მამალმა იყივლა.

მათ.27,74. მარ.14,72.

პილატეს სამსჯავროზე

28 კაიაფასგან იესო პრეტორიაში წაიყვანეს. ადრე იყო და პრეტორიაში არ შესულან, რათა არ გაუწმიდურებულყვნენ, რომ პასეჩის ჭამა შესძლებოდათ. მათ.27,2. მარ.15,1. ლუკ.22,66.

29 გამოვიდა პილატე მათთან გარეთ და თქვა: „რა ბრალსა სდებთ ამ კაცს?“

30 მიუგეს და უთხრეს: „ეს რომ ბოროტის მოქმედი არ იყოს, არ გადმოგცემდით.“

31 უთხრა მათ პილატემ: „წაიყვანეთ თქვენთან და მსჯავრი დასდეთ თქვენი რჯულის მიხედვით.“ უთხრეს მას იუდეველებმა: „ჩვენ ნება არა გვაქვს ვინმე მოვკლათ.“

32 (რათა აღსრულდეს იესოს სიტყვა, რომელიც თქვა იმის მისანიშნებლად, თუ როგორი სიკვდილით უნდა მომკვდარიყო.)

მათ.20,19.

33 პილატე კვლავ შევიდა პრეტორიაში, იესოს მოუხმო და უთხრა: „შენა ხარ იუდეველთა მეფე?“ მათ.27,11. მარ.15,2. ლუკ.23,3.

34 მიუგო იესომ: „შენით ამბობ ამას, თუ სხვებმა გითხრეს ჩემზე?“

35 მიუგო პილატემ: „განა მე იუდეველი ვარ? შენმა ერმა და მღვდელმთავრებმა გადმომცეს შენი თავი. რა ჩაიდინე?“

36 მიუგო იესომ: „ჩემი სამეფო არ არის ამ წუთისოფლისა. ჩემი სამეფო რომ ამ წუთისოფლისა ყოფილიყო, მაშინ ჩემი მსახურნი იბრძოლებდნენ, რომ იუდეველებს ხელში არ ჩავვარდნოდი. არა, ჩემი სამეფო არ არის სააქაო.“ დან.2,44.

37 უთხრა მას პილატემ: „ესე იგი, მეფე ხარ.“ მიუგო იესომ: „შენ თავად ამბობ, რომ მეფე ვარ. მე იმიტომ დავიბადე და იმიტომ მოვედი წუთისოფელში, რომ ჭეშმარიტება დავამოწმო. ყველა, ვინც ჭეშმარიტებიდანაა, ისმენს ჩემს ხმას.“ 1ტიმ.6,13.

38 უთხრა მას პილატემ: „რა არის ჭეშმარიტება?“ ეს რომ თქვა. კვლავ გამოვიდა იუდეველებთან და უთხრა მათ: „ვერავითარ დანაშაულს ვერ ვპოულობ მასში.“

39 ხომ გაქვთ ჩვეულება, რომ პასეჩზე ერთი გაგითავისუფლოთ. გსურთ, რომ გაგითავისუფლოთ იუდეველთა მეფე?

მათ.27,15. მარ.15,6. ლუკ.23,17.

40 მაშინ კვლავ აყვირდნენ და თქვეს: „ეს კი არა, ბარაბა.“
ბარაბა კი ავაზაკი იყო. საქ.3,14.

თ ა ვ ი 19

ჯვარცმა

1 მაშინ წაიყვანა პილატემ იესო და გააშოლტვინა.

მათ.27,26. მარ.15,15.

2 ჯარისკაცებმა ეკლის გვირგვინი დაწნეს და თავზე დაადგეს, და ძოწეული მოასხეს.

3 მიდიოდნენ მასთან და ეუბნებოდნენ: გიხაროდესო, იუდეველთა მეფევ, და სახეში სცემდნენ.

4 კვლავ გამოვიდა პილატე გარეთ და უთხრა მათ: „აჰა, მე გამოძყავს იგი თქვენთან, რათა იცოდეთ, რომ ვერავითარ დანაშაულს ვერ ვპოულობ მასში.“ იოან.18,38. საქ.3,13.

5 მაშინ იესო გამოვიდა გარეთ, ეკლის გვირგვინით და ძოწეულით შემოსილი, და უთხრა მათ პილატემ: „აჰა, კაცი!“

6 როდესაც იხილეს იგი მღვდელმთავრებმა და მსახურებმა, იყვირეს: „ჯვარს აცვი! ჯვარს აცვი!“ უთხრა მათ პილატემ: „თავად წაიყვანეთ და ჯვარს აცვით, ვინაიდან მე ვერ ვპოულობ მასში დანაშაულს.“ მათ.27,23. მარ.15,14. ლუკ.23,4. საქ.13,28.

7 მიუგეს იუდეველებმა: „ჩვენ გვაქვს რჯული და ჩვენი რჯულის მიხედვით იგი უნდა მოკვდეს, ვინაიდან თავი ღვთის ძედ გაიხადა.“ 2შჯ.18,20.

8 ეს სიტყვა რომ მოისმინა პილატემ, უფრო შეშინდა,

9 კვლავ შევიდა პრეტორიაში და უთხრა იესოს: „საიდან ხარ?“ მაგრამ იესომ პასუხი არ გასცა. ეს.53,7. იოან.18,33.

10 უთხრა მას პილატემ: „მე არ მცემ ხმას? განა არ იცი, რომ ხელმწიფება მაქვს შენს ჯვარცმაზე?“

11 მიუგო იესომ: „არავითარი ხელმწიფება არ გექნებოდა ჩემზე, მაღლიდან რომ არ მოგცემოდა. ამიტომ მას, ვინც ჩემი თავი გადმოგცა შენ, უფრო დიდი ცოდვა აქვს.“ ლუკ.22,53.

12 ამის შემდეგ პილატე ცდილობდა მის გათავისუფლებას, მაგრამ იუდეველები აყვირდნენ და თქვეს: „თუ ამას გაათავისუფლებ, არა ხარ მეგობარი კეისრისა, რადგან, ვინც მეფედ ხდის თავს, კეისარს ეწინააღმდეგება.“

13 პილატემ რომ ეს სიტყვა მოისმინა, იესო გარეთ გაიყვანა და დაჯდა მსაჯულის ტახტზე, ადგილზე, რომელსაც ქვაფენილი ეწოდებოდა, ებრაულად კი გაბეთა.

14 პასექის პარასკევი იყო, იქნებოდა მეექვსე საათი, და უთხრა იუდეველებს: „აჰა, თქვენი მეფე.“

15 მათ კი იყვირეს: „შორს, შორს, ჯვარს აცვი!“ პილატემ უთხრა: „თქვენი მეფე ვაცვა ჯვარს?“ მღვდელმთავრებმა უპასუხეს: „ჩვენ არ გვყავს მეფე, კეისრის გარდა!“

16 მაშინ გადასცა იგი მათ ჯვარზე საცმელად. და წაიყვანეს იესო.

17 წაიღო თავისი ჯვარი და გავიდა ადგილზე, რომელსაც ეწოდებოდა თხემი, ებრაულად კი გოლგოთა.

მათ.27,33. მარ.15,22. ლუკ.23,33. ებრ.13,12.

18 იგი ჯვარს აცვეს იქ. მასთან ერთად, აქეთ-იქით, ორი სხვა, შუაში კი – იესო.

იუდეველთა მეფე

19 პილატემ წარწერაც დაწერა და ჯვარზე დაამაგრა. დაწერილი იყო: „იესო ნაზარეველი, იუდეველთა მეფე“.

20 ბევრი იუდეველი კითხულობდა ამ წარწერას, რადგან იესოს ჯვარცმის ადგილი ახლოს იყო ქალაქთან და დაწერილი იყო ებრაულად, რომაულად და ბერძნულად.

21 უთხრეს იუდეველმა მღვდელმთავრებმა პილატეს: „ნუ სწერ: ‘იუდეველთა მეფე’, არამედ, რაც თქვა: ‘იუდეველთა მეფე ვარ’.“

22 მიუგო პილატემ: „რაც დავწერე, დავწერე.“

წილისყრა კვართზე

23 ჯარისკაცებმა ჯვარს რომ აცვეს იესო, აიღეს მისი სამოსელი და გაყვეს ოთხ ნაწილად. თითოეულ ჯარისკაცს შეხვდა თავისი წილი და კვართი. კვართი არ იყო შეკერილი, თავიდან ბოლომდე ნაქსოვი იყო.

მათ.27,35. მარ.15,24. ლუკ.23,34.

24 უთხრეს ერთმანეთს: „ნუ დავხევთ, წილი გყაროთ მასზე. ვნახოთ, ვის შეხვდება.“ რათა აღსრულებულიყო წერილი: „გაიწილეს ჩემი სამოსელი და წილი ჰყარეს ჩემს ტანსაცმელზე.“ ასე მოიქცნენ ჯარისკაცები.

ფსალ.21,19.

იესოს დედა

25 იესოს ჯვართან იდგნენ დედამისი, დედამისის და, მარიამ კლეოპასი და მარიამ მაგდალელი.

ლუკ.2,35.

26 იესომ დაინახა იქ მდგომი დედა და მოწაფე, რომელიც უყვარდა. უთხრა დედას: „დედაკაცო, აჰა, შენი ძე!“

27 შემდეგ მოწაფეს უთხრა: „აჰა, დედაშენი!“ და მოწაფემ მაშინვე თავისთან წაიყვანა იგი.

იესომ განუტევა სული

28 ამის შემდეგ, იცოდა რა იესომ, რომ უკვე დამთავრდა ყველაფერი, წერილის აღსასრულებლად, თქვა: „მწყურია!“

ფსალ.68,22. მათ.27,48.

29 იქ ძმრით სავსე ჭურჭელი იდგა. ძმრით გაჟღენთილი ღრუბელი წამოაცვეს უსუპს და პირთან მიუტანეს.

30 როცა მიიღო ძმარი იესომ, თქვა: „აღსრულდა!“ დახარა თავი და სული განუტევა.

31 რაკი პარასკევი იყო, შაბათისთვის გვამები რომ არ დარჩენილიყო ჯვარზე (ის შაბათი კი დიდი დღე იყო), იუდეველებმა სთხოვეს პილატეს, წვივები დაემტვრიათ მათთვის და ჩამოეხსნათ.

2შჯ.21,23.

32 მოვიდნენ ჯარისკაცები და მასთან ერთად ჯვარცმულებს წვივები დაუმტვრიეს, ერთსაც და მეორესაც.

33 იესოსთან მისულებმა როცა დაინახეს, რომ უკვე მომკვდარიყო, აღარ დაუმტვრიეს წვივები.

34 მაგრამ ერთმა ჯარისკაცმა შუბით გაუგმირა მას ფერდი და მყისვე გადმოსკდა სისხლი და წყალი.

35 მხილველმა დაადასტურა ეს და მისი მოწმობა ჭეშმარიტია. მან იცის, რომ ჭეშმარიტებას ამბობს, რათა თქვენ ირწმუნოთ.

36 რადგან ეს მოხდა, რათა აღსრულებულიყო წერილი: „მისი ძვალი არ შეიმუსრება.“

გამოს.12,46. რიცხ.9,12.

37 ასევე სხვა წერილიც ამბობს: „შეხედავენ მას, რომელიც განგმირეს.“

ზაქ.12,10. გამოცხ.1,7.

იესოს გვამის დაკრძალვა ახალ სამარხში

38 ამის შემდეგ იოსებ არიმათიელმა, რომელიც იესოს მოწაფე კი იყო, ოღონდ ფარულად, იუდეველთა შიშის გამო, სთხოვა პილატეს, რომ ჩამოეხვევინებინა იესოს გვამი. პილატემ დართო ნება. მოვიდა იგი და ჩამოხსნა მისი გვამი.

მათ.27,57. მარ.15,43. ლუკ.23,50.

39 მოვიდა ნიკოდემოსიც, ერთხელ ღამით რომ მივიდა იესოსთან, და მოუტანა ასიოდე ლიტრა სმირნისა და ალოეს ნაზავი.

იოან.3,2;7,50.

40 აიღეს და შეახვიეს იესოს გვამი ტილოში ნელსაცხებელთან ერთად, როგორც მიღებულია იუდეველთა შორის დამარხვისას.

41 იმ ადგილას, სადაც ჯვარს აცვეს იგი, ბალი იყო, ბაღში კი – ახალი სამარხი, რომელშიც ჯერ არავინ ჩაესვენებინათ.

42 იქ ჩაასვენეს იესო, იუდეველთა პარასკევის გამო, რადგან ახლოს იყო სამარხი.

თ ა ვ ი 20

ცარიელი სამარხი

1 ერთშაბათს, გარიჟრაჟზე, როცა ჯერ ისევ ბნელოდა, მივიდა მარიამ მაგდალელი სამარხთან და ხედავს, რომ ლოდი გადაგორებულია სამარხიდან.

მათ.28,1. მარ.16,1. ლუკ.24,1.

2 გაიქცა და მივიდა სიმონ-პეტრესთან და სხვა მოწაფესთან, რომელიც უყვარდა იესოს, და უთხრა მათ: „უფალი წაუღიათ სამარხიდან და არ ვიცით, სად დაასვენეს.“

3 მაშინვე გამოვიდა პეტრე და სხვა მოწაფე და მივიდნენ სამარხთან.

4 ორივენი ერთად მირბოდნენ, მაგრამ მეორე მოწაფე პეტრეზე სწრაფად გაიქცა და პირველი მივიდა სამარხთან.

5 დაიხარა და დაინახა დაგდებული ტილოები, მაგრამ არ შესულა.

6 მის შემდეგ მოვიდა სიმონ-პეტრეც. შევიდა სამარხში და დაინახა დაწყობილი ტილოები. ლუკ.24,12.

7 სუდარა, თავზე რომ ჰქონდა შემოხვეული, იმ ტილოებთან კი არ იდო, არამედ ცალკე იდო, ერთ ადგილას, დახვეული.

8 მაშინ შევიდა სხვა მოწაფეც, სამარხთან პირველად რომ მივიდა, და იხილა და იწამა,

9 რადგან აქამდე არ იცოდნენ წერილიდან, რომ იგი მკვდრებით უნდა აღმდგარიყო. ფსალ.15,10. ეს.53,11. იოან.2,1.

10 მოწაფეები კვლავ წავიდნენ თავისთვის.

აღმდგარი უფალი ეცხადება მარიამ მაგდალელს

11 მარიამი კი იდგა სამარხს გარეთ და ტიროდა. მტირალი სამარხისაკენ დაიხარა მათ.28,1. მარ.16,5.

12 და დაინახა თეთრებში შემოსილი ორი ანგელოზი, მსხდომარენი ერთი თავით და მეორე ფერხთით, სადაც იესოს გვამი ესვენა.

13 უთხრეს მას: „დედაკაცო, რატომ სტირი?“ მან მიუგო: „ჩემი უფალი წაიღეს და არ ვიცი, სად დაასვენეს.“

14 ამის თქმისას მოტრიალდა და იხილა მდგომარე იესო. მაგრამ ვერ იცნო, რომ იესო იყო. მათ.28,9. მარ.16,9.

15 უთხრა მას იესომ: „დედაკაცო, რატომ სტირი, ვის ეძებ?“ მას მეზალე ეგონა იგი და უთხრა: „ბატონო, თუ შენ წაიღე, მითხარი, სად დაასვენე, და მე წამოვიღებ.“

16 უთხრა მას იესომ: „მარიამ!“ მოტრიალდა და ებრაულად უთხრა: „რაბუნი!“ (რაც ნიშნავს: მოძღვარო!)

17 იესომ უთხრა მას: „არ შემეხო, რადგან ჯერ არ ავსულვარ მამასთან. წადი ჩემს ძმებთან და უთხარი: მე ავდივარ მამა-ჩემთან და მამათქვენთან, ჩემს ღმერთთან და თქვენს ღმერთთან.“ ფსალ.21,23. მათ.28,10. რომ.8,29. ებრ.2,11.

18 მარიამ მაგდალელი მივიდა და აუწყა მოწაფეებს, რომ უფალი იხილა და ეს უთხრა მას.

ორჯერ ეცხადება შეკრებილ მოწაფეებს

19 იმავე დღის საღამოჟამს, შვიდეულის პირველ დღეს, როდესაც იუდეველთა შიშის გამო დაკეტილი იყო კარი, სადაც მოწაფეები იყვნენ, მივიდა იესო და დადგა შუაში, და უთხრა მათ: „მშვიდობა თქვენდა!“ მარ.16,14. ლუკ.24,36. საქ.13,31. 1კორ.15,5,7.

20 ეს რომ თქვა, უჩვენა ხელებიცა და ფერდიც. მოწაფეებმა გაიხარეს უფლის ხილვით. იოან.16,22.

21 კვლავ უთხრა მათ იესომ: „მშვიდობა თქვენდა! როგორც მე მომავლინა მამამ, მეც მიგავლენთ თქვენ.“ იოან.17,18.

22 ეს რომ თქვა, შეუბერა და უთხრა: „მიიღეთ სულიწმიდა.

23 ვისაც მიუტევეთ ცოდვებს, მიეტეგებათ, ვისაც დაუკავებთ, დაეკავებათ.“ მათ.16,19;18,18.

24 თომა, ერთი თორმეტთაგანი, ტყუპისცალად წოდებული, არ იყო მათთან, როცა იესო მივიდა.

25 უთხრეს მას სხვა მოწაფეებმა: „ჩვენ ვიხილეთ უფალი.“ მაგრამ მან უთხრა: „თუ მის ხელებზე ნალურსმნევს არ ვნახავ და ნალურსმნევში საკუთარ თითს არ ჩავყოფ და მის ფერდში – საკუთარ ხელს, არ ვიწამებ!“ იოან.19,34.

26 რვა დღის შემდეგ მისი მოწაფეები კვლავ შინ იყვნენ და თომაც მათთან იყო. შევიდა იესო კარჩაკეტილში, დადგა შუაში და თქვა: „მშვიდობა თქვენდა.“

27 შემდეგ უთხრა თომას: „მოიტა აქ შენი თითი და ნახე ჩემი ხელები. მოიტა შენი ხელი და ჩადე ჩემს ფერდში. ურწმუნო კი ნუ იქნები, მორწმუნე იყავ.“

28 მიუგო თომამ და უთხრა მას: „უფალი ჩემი და ღმერთი ჩემი!“

29 უთხრა მას იესომ: „შენ მირწმუნე, იმიტომ, რომ მიხილე. ნეტარ არიან ისინი, ვისაც არ ვუნახივარ და სწამთ.“

1პეტ.1,8. 2კორ.5,7.

30 მოწაფეების წინაშე ბევრი სხვა ნიშანიც მოიმოქმედა იესომ, რაც ამ წიგნში არ დაწერილა. იოან.21,25.

31 ეს კი დაიწერა, რათა ირწმუნოთ, რომ იესო არის ქრისტე, ძე ღვთისა, და რათა მორწმუნეებს გქონდეთ სიცოცხლე მისი სახელით. იოან.3,15. რომ.15,4.

თ ა ვ ი 21

იესო ეცხადება შვიდ მოწაფეს ტიბერიის ზღვაზე

1 ამის შემდეგ კვლავ გამოეცხადა იესო მოწაფეებს ტიბერიის ზღვაზე. ასე გამოეცხადა მათ: მათ.28,7.

2 ერთად იყვნენ სიმონ-პეტრე, ტყუპისცალად წოდებული თომა, ნათანაელი გალილეის კანადან, ძენი ზებედესნი, და ორი სხვა მის მოწაფეთაგანი. ლუკ.24,16.

3 უთხრა მათ სიმონ-პეტრემ: „მე სათევზაოდ მივდივარ.“ მიუგეს: „ჩვენც წამოგყვებით.“ გავიდნენ და ჩასხდნენ ნავში. იმ ღამეს ვერაფერი დაიჭირეს.

4 გათენდა და, აჰა, იესო დგას ნაპირზე, მოწაფეებმა კი არ იცოდნენ, რომ ეს იესო იყო.

5 უთხრა მათ იესომ: „შვილებო, გაქვთ რაიმე საჭმელი?“ მიუგეს მას: „არა.“

6 უთხრა მათ: „ისროლეთ ბადე ნავის მარჯვენა მხარეს და იპოვით.“ ისროლეს და ველარ გამოათრიეს თევზის სიმრავლის გამო.

7 მოწაფემ, რომელიც უყვარდა იესოს, უთხრა პეტრეს: „ეს უფალია.“ სიმონ-პეტრემ რომ გაიგონა, უფალიაო, მოსასხამი მოიხვია, რადგან შიშველი იყო, და ზღვაში გადაეშვა.

8 სხვა მოწაფეები კი პატარა ნავით მოვიდნენ, რადგან შორს არ იყვნენ ხმელეთიდან, დაახლოებით ორას წყრთაზე. გამოათრიეს ბადე თევზებიანად.

9 ხმელეთზე რომ გამოვიდნენ, ნახეს დაწყობილი ნაკვერჩხლები და თევზი, მათზე დადებული, და პური.

10 უთხრა მათ იესომ: „იმ თევზისა მოიტანეთ, ახლა რომ დაიჭირეთ.“

11 სიმონ-პეტრე წავიდა და ხმელეთზე გამოათრია ბადე, სავსე ას ორმოცდაცამეტი დიდი თევზით და, სიმრავლის მიუხედავად, ბადე არ გახეულა.

12 უთხრა მათ იესომ: „მოდით, ისაუბმეთ.“ მოწაფეთაგან ვერც ერთმა ვერ გაბედა ეკითხა: ვინ ხარო, რადგან იცოდნენ, რომ უფალი იყო.

13 მოვიდა იესო, აიღო პური და მისცა მათ, ასევე თევზიც.

საქ.10,41.

14 ეს უკვე მესამედ გამოეცხადა იესო მოწაფეებს მას შემდეგ, რაც მკვდრეთით აღდგა.

სამჯერ ეკითხება იესო პეტრეს: გიყვარვარ?

15 მას შემდეგ, რაც ისაუბმეს, იესომ უთხრა სიმონ-პეტრეს: „სიმონ იოანესავ, ამათზე მეტად გიყვარვარ?“ უთხრა: „კი, უფალო, შენ იცი, რომ მიყვარხარ.“ უთხრა: „აძოვე ჩემი კრავები.“

16 კვლავ უთხრა მეორედ: „სიმონ იოანესავ, გიყვარვარ?“ უთხრა: „კი, უფალო, შენ იცი, რომ მიყვარხარ.“ უთხრა მას: „დამწყსე ჩემი ცხვრები.“

საქ.20,28. 1პეტ.5,2.

17 მესამედ უთხრა: „სიმონ იოანესავ, გიყვარვარ?“ პეტრე შეწუხდა, მესამედ რომ ჰკითხა: გიყვარვარო? და უთხრა: „უფალო, შენ ყველაფერი იცი: იცი, რომ მიყვარხარ!“ უთხრა იესომ: „აძოვე ჩემი ცხვრები.“

18 ჰეშმარიტად, ჰეშმარიტად გეუბნები შენ: სანამ ახალგაზრდა იყავი, შენ თვითონ შემოირტყამდი ხოლმე სარტყელს და მიდიოდი, სადაც გსურდა. როდესაც მოხუცდები, გაშლი ხელებს და სხვა შემოგარტყამს სარტყელს და წაგიყვანს იქ, სადაც არ გსურს.“

2პეტ.1,14.

19 ეს თქვა იმის მისანიშნებლად, თუ როგორი სიკვდილით განადიდებდა ღმერთს. ეს რომ თქვა, უთხრა: „მომყევი.“

შენ მე მომყევი

20 მოტრიალდა პეტრე და დაინახა, რომ მოწაფე, რომელიც უყვარდა იესოს, მოსდევდა მათ, სწორედ ის, მკერდზე რომ მიეკრა სერობისას და ჰკითხა: უფალო, ვინ გაგცემსო? იოან.13,23.

21 რომ დაინახა, უთხრა იესოს პეტრემ: „უფალო, ამას რა?“

22 მიუგო იესომ: „თუ მე მსურს, რომ დარჩეს ჩემს მოსვლამდე, შენ რა? შენ მე გამომყევი.“


23 და გავრცელდა ეს სიტყვა ძმებს შორის, რომ ის მოწაფე არ მოკვდებოდა. მაგრამ იესოს არ უთქვამს მასზე, არ მოკვდებო, არამედ: თუ მე მსურს, რომ დარჩეს, ჩემს მოსვლამდე, შენ რაო?

ჰეშმარიტი დამოწმება მოწაფისა

24 ეს არის ის მოწაფე, რომელიც ამოწმებს ამას და რომელმაც დაწერა ეს, და ვიცით, რომ მისი მოწმობა ჰეშმარიტია.

იოან.19,35.

25 კიდევ ბევრი სხვაც არის, რაც იესომ მოიმოქმედა, რომელიც დაწვრილებით რომ დაწერილიყო, ვფიქრობ, თვით ქვეყნიერებაც კი ვერ დაიტევდა დაწერილ წიგნებს. ამინ. იოან.20,30.



მოციქულთა საქმეები

თავი 1

ავტორი პირველი წიგნის შესახებ

1 პირველი წიგნი, თეოფილე, მე შევადგინე ყოველივე იმის შესახებ, რისი კეთება და სწავლებაც იწყო იესომ.

2 იმ დღემდე, ვიდრე ამაღლდებოდა, სულიწმიდით იძლეოდა ბრძანებებს მოციქულებისადმი, რომლებიც მან ამოირჩია,

მარ.15,16. იოან.20,21.

3 რომელთაც გამოეცხადა ცოცხლად თავისი ტანჯვის შემდეგ, მრავალი სარწმუნო ნიშნით. ორმოც დღეს ეჩვენებოდა მათ და მოუთხოვრებდა ღვთის სასუფეველზე. მათ.28,7. მარ.16,14.

4 შეკრიბა ისინი და უბრძანა: „ნუ გაშორდებით იერუსალიმს, არამედ დაელოდეთ მამის აღთქმულს, რაზეც ჩემგან მოისმინეთ.

ლუკ.24,49. იოან.14,26.

5 ვინაიდან იოანე ნათლავდა წყლით, თქვენ კი, არც თუ მრავალი დღის შემდეგ, მოინათლებით სულიწმიდით.“ მათ.3,11. მარ.1,8.

6 ამიტომ შეკრებილნი ეკითხებოდნენ მას: „ამ ხანებში ხომ არ აღუდგენ, უფალო, ისრაელს სამეფოს?“ დან.7,18,27. ამოს.9,11.

იესოს ამაღლება

7 უთხრა მათ: „თქვენი საქმე არ არის, იცოდეთ, დროები ან ვადები, რომელიც მამამ დაადგინა თავისი ხელმწიფებით.

8 არამედ თქვენ მიიღებთ ძალას, როდესაც გადმოვა სულიწმიდა თქვენზე და იქნებით ჩემი მოწმენი იერუსალიმში, მთელ იუდეასა და სამარიაში და ქვეყნის კიდემდე.“ ლუკ.24,49. საქ.2,32.

9 ეს თქვა და, სანამ ისინი უყურებდნენ მას, ამაღლდა იგი და ღრუბელმა მოათარა მათ თვალს. მარ.16.19. ლუკ.24.51.

10 როცა ისინი ხედავდნენ მის ცად ამაღლებას, აჰა, წარუდგა მათ ორი კაცი თეთრი სამოსით.

11 უთხრეს: „გალილეელო კაცებო, რას დგახართ და შეჰყურებთ ზეცას? ეს იესო, რომელიც თქვენგან ამაღლდა ზეცად, კვლავ მოვა, როგორც ზეცად აღმავალი იხილეთ.“

დან.7,13. მათ.25,31;26,64. 1თეს.1,10. გამოცხ.1,17.

დაბრუნება იერუსალიმში

12 მაშინ ისინი დაბრუნდნენ იერუსალიმში ზეთისხილისად წოდებული მთიდან, რომელიც მდებარეობს იერუსალიმის ახლოს, შაბათის სავალ მანძილზე.

13 შესვლისთანავე ავიდნენ ზედათვალში, სადაც იმყოფებოდნენ პეტრე და იოანე, იაკობი და ანდრია, ფილიპე და თომა, ბართლომე და მათე, იაკობ ალფესი და სიმონ მოშურნე და იუდა იაკობისა. მათ.10,2.

14 ისინი ყველანი ერთსულოვნად გამუდმებულ ლოცვა-ვედრებაში იყვნენ დედაკაცებთან, იესოს დედასთან მარიამთან და მის ძმებთან ერთად.

მატათიას არჩევა იუდა ისკარიოტელის ნაცვლად

15 იმ დღეებში წამოდგა პეტრე შეკრებილ ძმებს შორის (იქნებოდა სულ ასოცამდე კაცი) და თქვა:

16 „კაცნო ძმანო! უნდა აღსრულებულიყო წერილი, რაც წინასწარ თქვა სულიწმიდამ დავითის პირით იუდაზე, რომელიც წაუძღვა იესოს შემპყრობლებს, ფსალ.40,10. იოან.13,18;18,3.

17 გინაიდან იგი ჩარიცხული იყო ჩვენთან და წილად ხვდა ასეთი სამსახური.

18 მან შეიძინა მიწა უსამართლობის საზღაურით და, როცა დაენარცხა, შუაზე გასკდა და მთელი შიგნეულობა გადმოეთანტა. მათ.27,5.

19 ეს ცნობილი გახდა იერუსალიმის ყველა მკვიდრისათვის. ასე რომ, მათ საკუთარ ენაზე ეწოდა იმ მიწას ხაკალ დამა, ანუ სისხლის ყანა.

20 გინაიდან ფსალმუნთა წიგნში სწერია: ‘გატიალდეს მისი სახლ-კარი, ნუ იქნება მასში მკვიდრი’; და ‘მისი პატივი სხვამ მიიღოს’. ფს.69,25;109,8.

21 ამგვარად, ჯერ არს, იმ კაცთაგან, ვინც მუდამ თან გვახლდნენ, როცა ჩვენ შორის დადიოდა უფალი იესო

22 იოანეს ნათლისცემიდან მოყოლებული ჩვენგან მისი ამაღლების დღემდე, ერთ-ერთი მათგანი გახდეს ჩვენთან ერთად მისი აღდგომის მოწმე.“

23 დააყენეს ორნი: იოსები, ბარსაბად წოდებული, რომელსაც იოსტოსი შეარქვეს და მატათია.

24 ილოცეს და თქვეს: „უფალო, ყველას გულთამხილველო, გვიჩვენე ამ ორთაგან ერთი, რომელიც შენ ამოირჩიე,

25 რომ მიიღოს ადგილი ამ მსახურებისა და მოციქულობისა, რომელსაც გამოაკლდა იუდა, რათა თავის ადგილზე წასულიყო.“

26 წილი უყარეს მათ და ერგო წილი მატათიას, და ის მიე-
თვალა თერთმეტ მოციქულს.

თ ა ვ ი 2

ორმოცდამეათე დღე

1 ორმოცდამეათე დღე რომ სრულდებოდა, ყველანი ერთად იყვნენ.

ლევ.23,16. 2შჯ.16.9.

2 მოულოდნელად იყო ხმაური ზეციდან, თითქოს ძლიერმა ქარმა დაჰბერაო, და აავსო მთელი სახლი, სადაც ისინი ისხდნენ.

საქ.1.5;11.15;19.6. მათ.3,11.

3 და ეჩვენათ მათ გაყოფილი ენები, თითქოს ცეცხლისანი და სათითაოდ მოეფინა ყოველ მათგანს.

4 ყველანი აღივსნენ სულიწმიდით და იწყეს ლაპარაკი სხვადასხვა ენებზე, როგორც სული ამეტყველებდა მათ.

მარ.16,17. 1კორ.12,10,28.

5 ხოლო იერუსალიმში იმყოფებოდნენ იუდეველნი, ღვთის მოშიში ხალხი. ყველა იმ ერიდან, რომელნიც კი ცისქვეშეთში არიან.

6 როცა ეს ხმაური მოხდა, ბევრმა მოიყარა თავი და შეშფოთდა, ვინაიდან თითოეული ისმენდა, როგორ მეტყველებდნენ მის საკუთარ ენაზე.

7 ყველანი გაოცდნენ, უკვირდით და ამბობდნენ: „განა ყველა ესენი, ვინც ლაპარაკობენ, გალილეელები არ არიან?

8 როგორ გვესმის თითოეულ ჩვენგანს საკუთარ ენაზე, რომელშიც ვიშვით?

9 პართნი და მიდიელნი, ელამელნი, და მკვიდრნი შუამდინარეთისა, იუდეისა, კაბადუკიისა, პონტოსი და აზიისა,

10 ფრიგიისა და პამფილიისა, ეგვიპტისა და კვირინეის მხარეს მდებარე ლიბიის ოლქებისა, და რომიდან ამოსულნი,

11 იუდეველნი და რჯულშეცვლილნი, კრიტელნი და არაბიელნი, ვუსმენთ მათ, ჩვენ-ჩვენი ენებით რომ ლაპარაკობენ ღვთის დიად საქმეებზე.“

12 ყველა გაოცებული იყო, საგონებელში ჩავარდნენ და ერთმანეთს ეუბნებოდნენ: „ნეტავ ეს რას უნდა ნიშნავდეს?“

13 სხვები კი დაცინვით ამბობდნენ: მაჰრით დამთვრალანო.

პეტრეს სიტყვა

14 ხოლო თერთმეტთან ერთად მდგომი პეტრე წამოდგა, ხმა აღიმალა და უთხრა მათ: „იუდეველნო და იერუსალიმის ყველა მკვიდრო! იყოს ეს თქვენთვის ცნობილი და ყური დაუგდეთ ჩემს სიტყვებს.

15 ისინი არ არიან მთვრალეები, როგორც თქვენ გგონიათ, ვინაიდან ახლა დღის მესამე საათია.

16 მაგრამ ესაა ნათქვამი იოველ წინასწარმეტყველის მიერ:

17 'იქნება უკანასკნელ დღეებში, ამბობს ღმერთი, რომ ჩემი სულისაგან მოვაფენ ყველა ხორციელზე და იწინასწარმეტყველებენ თქვენი ძენი და თქვენი ასულნი, და თქვენი ჭაბუკნი ჩვენებას იხილავენ და თქვენს მოხუცებულებს სიზმრები დაე-სიზმრებათ.

ეს.44,3. იოვ.2,28-32. ზაქ.12,10. იოან.7,39. საქ.11,28.

18 ჩემს მონებზე და ჩემს მხევლებზე მოვაფენ იმ დღეებში ჩემი სულისაგან და იწინასწარმეტყველებენ.

19 გაჩვენებ სასწაულებს მაღლა ცაში და ნიშნებს დაბლა მიწაზე, სისხლსა და ცეცხლს, და კვამლის ბოლქვებს.

20 მზე წყვდიადად იქცევა და მთვარე სისხლად, ვიდრე დადგებოდეს უფლის დღე, დიადი და გაცხადებული.

21 და იქნება: ყოველი, ვინც მოუხმობს უფლის სახელს, გადა-რჩება.

რომ.10,13.

22 კაცნო ისრაელიანნო, ისმინეთ ეს სიტყვები: იესო ნაზარე-ველი, კაცი დამტკიცებული ღვთისაგან თქვენთვის ძალით, სასწაულებით და ნიშნებით, რომლებიც ღმერთმა მოახდინა მისი ხელით თქვენს შორის, როგორც თვითონვე იცით,

23 იგი, ღვთის განჩინებული ზრახვით და წინასწარხედვით გადმოცემული, ურჯულოთა ხელით მიაღურსმეთ და მოკალით.

24 მაგრამ ღმერთმა მკვდრეთით აღადგინა იგი, შეხსნა სიკვდილის ბორკილები, ვინაიდან სიკვდილი მას ვერ დააკა-ვებდა.

იოან.10,18. საქ.3,15;4,10.

25 ვინაიდან დავითი ამბობს მასზე: 'ჩემს წინაშე გხედავდი ყოველთვის უფალს, რადგან ის ჩემს მარჯვნივაა, რათა არ შევდრკე.

26 ამიტომ გაიხარა ჩემმა გულმა და აღფრთოვანდა ჩემი ენა, ჩემი ხორციც კი სასოებით იშვებს.

27 ვინაიდან ჩემს სულს არ მიატოვებ ჯოჯოხეთში და არ გაიმეტებ შენს წმიდას იხილოს ხრწნილება.

28 შენ შემაცნობინე ცხოვრების გზა, სიხარულით აღმავსებ შენი სახის წინაშე.'

29 კაცნო ძმანო, აშკარად უნდა გითხრათ მამამთავარ დავი-თზე, რომ ის აღესრულა და დაიკრძალა, და დღევანდლამდე ჩვენს შორისაა მისი სამარხი.

3მფ.2,10. საქ.13,36.

30 რაკი წინასწარმეტყველი იყო და იცოდა, რომ ფიცით შეფიცა მას ღმერთმა, რომ მისი საზარდულის ნაყოფს დასვამდა მის ტახტზე,

2მფ.7,12.19;23,3. ფსალ.131,11. ლუკ.1,69.

31 მან წინასწარხედვით თქვა ქრისტეს აღდგომაზე, რომ მიტოვებული არ არის ჯოჯოხეთში და მის ხორცს არ უხილავს ხრწნილება.

ფსალ.15.10. საქ.13,15.

32 ეს იესო აღადგინა ღმერთმა, რისი მოწმენიც ჩვენ ყველანი ვართ.

იოან.15,27. საქ.3,15.

33 ამგვარად ამაღლდა იგი ღვთის მარჯვენით, მამისაგან მიიღო სულიწმიდის აღთქმა და მოჰფინა ის, რასაც თქვენ ხედავთ და ისმენთ.

იოან.14,16.

34 დავითი ხომ არ ამაღლებულა ზეცად, თვითონვე ამბობს: 'უთხრა უფალმა ჩემს უფალს: დაჯექი ჩემს მარჯვნივ,

ფსალ.109.1. მათ.22,44.

35 ვიდრე შენს მტრებს დავამხობდე შენს ფერხთა კვარცხლბეკად.

36 ამრიგად, მტკიცედ იცოდეს ისრაელის მთელმა სახლმა, რომ გახდა უფლად და ქრისტედ ეს იესო, რომელიც თქვენ ჯვარს აცვით.

მათ.28,18.

37 ეს რომ მოისმინეს, გულზე მოხვდათ და უთხრეს პეტრესა და დანარჩენ მოციქულებს: „როგორ მოვიქცეთ, კაცნო, ძმანო?“

38 ხოლო პეტრემ უთხრა მათ: „მოინანიეთ და ყოველი თქვენგანი მოინათლოს იესო ქრისტეს სახელით ცოდვების მისატევებლად, და მიიღებთ სულიწმიდის ნიჭს.

39 ვინაიდან თქვენ გეკუთვნით აღთქმა, და თქვენს შვილებს და ყველა შორეულს, ვისაც კი მოუხმობს უფალი ღმერთი ჩვენი.“

იერ.31,34. საქ.3,25.

40 და მრავალი სხვა სიტყვითაც უმოწმებდა, შეაგონებდა და ეუბნებოდა: იხსენით თავი ამ გარყვნილი მოდგმისაგანო.

ისინი, ვინც სიტყვა მიიღეს, მოინათლნენ

41 ამრიგად, ვინც მიიღო მისი სიტყვა, მოინათლნენ და იმ დღეს შეემატა სამი ათასამდე სული.

42 ისინი გამუდმებით მოციქულთა მოძღვრებაში, ზიარებაში, პურის გატეხვასა და ლოცვებში იყვნენ.

43 ყოველი სული შიშმა მოიცვა, და მრავალი სასწაული და ნიშანი ხდებოდა მოციქულთა მიერ.

44 ყველა მორწმუნე ერთად იყო და ყველაფერი საერთო ჰქონდათ.

საქ.4,32.

45 მამულებსა და ქონებას ჰყიდნენ და უნაწილებდნენ ყველას, თითოეულის საჭიროების მიხედვით.

46 დღენიადაგ ერთსულოვნად ტაძარში იყვნენ, სახლებში ტეხდნენ პურს, იღებდნენ საკვებს მხიარულებით და გულუბრალოებით.

ლუკ.24,53. საქ.20,11.

47 აქებდნენ ღმერთს და მთელი ხალხის სიყვარულს იხვეჭდნენ, ხოლო უფალი მათ დღითიდღე სძენდა დახსნილთ.

საქ.5,14;11,21.

თ ა ვ ი 3

განკურნება ტაძრის კართან

1 პეტრე და იოანე ერთად აღიოდნენ ტაძარში ლოცვის მეცხრე საათს.

2 იყო კაცი ვინმე, დედის მუცლიდანვე დავრდომილი. ყოველ დღე მოჰყავდათ იგი და დასვამდნენ ტაძრის კართან, რომელსაც მშვენიერი ეწოდებოდა, რათა ტაძარში შემომსვლელთაგან მოწყალეობა ეთხოვა.

3 დაინახა ტაძარში შემავალი პეტრე და იოანე და სთხოვა მათ მოწყალეობა.

4 პეტრე იოანესთან ერთად დააკვირდა მას და უთხრა: „შემოგვხედე ჩვენ.“

5 იგი დაჟინებით უყურებდა მათ იმ იმედით, რომ რაიმეს გამორჩებოდა.

6 უთხრა პეტრემ: „ვერცხლი და ოქრო არა მაქვს, ხოლო რაც მაქვს, იმას გაძლევ: იესო ქრისტე ნაზარეტელის სახელით, იარე!“

7 მარჯვენაზე მოკიდა ხელი და წამოაყენა, და მას უცბად გაუმაგრდა ფეხები და სახსრები.

8 წამოხტა, დადგა და სიარული იწყო, მათთან ერთად შევიდა ტაძარში. დადიოდა, ხტოდა და აქებდა ღმერთს. ეს.35,6.

9 მთელი ხალხი უყურებდა მას მოარულსა და ღვთის მაქებარს.

10 იცნეს იგი, რომ ეს იყო ტაძრის მშვენიერ კარიბჭესთან მოწყალეების სათხოვრად მჯდომი. ისინი შიშით და განცვიფრებით აღივსნენ იმის გამო, რაც მას შეემთხვა.

11 და რაკი არ შორდებოდა პეტრესა და იოანეს, მთელი ხალხი განცვიფრებული მისცვივდა მათ სტოაში, რომელიც სოლომონისად იწოდებოდა. 3მფ.6,3.

პეტრე მოუწოდებს ხალხს მოსანანიებლად

12 ეს რომ დაინახა, პეტრემ მიუგო ხალხს: „კაცნო ისრაელაიანო, რად გიკვირთ ეს? ანდა რატომ გვიყურებთ ასე? განა ჩვენი საკუთარი ძალით და კეთილმოქმედებით დავაწყებინეთ მას სიარული?“

13 აბრაამის, ისაკისა და იაკობის ღმერთმა, ჩვენი მამების ღმერთმა, განადიდა თავისი მსახური იესო, რომელიც თქვენ გაეცით და უარყავით პილატეს წინაშე, როცა იგი აპირებდა მის გათავისუფლებას. საქ.5,31. ფილ.2,9.

14 ხოლო თქვენ უარყავით წმიდა და მართალი და მოითხოვეთ, რომ კაცისმკვლელი ეჩუქებინა თქვენთვის.

მათ.27,20. მარ.15,11. ლუკ.23,18. იოან.18,40.

15 ხოლო სიცოცხლის წინამძღვარი მოჰკალით, რომელიც ღმერთმა აღადგინა მკვდრებით, რისი მოწმენიც ჩვენ ვართ.

საქ.2,24;5,32;13,30;17,31.

16 მისი სახელის რწმენით, მისმა სახელმა გაამაგრა ეს კაცი, რომელსაც თქვენ ხედავთ და იცნობთ, და მისმა რწმენამ უბოძა მას ეს განკურნება ყველა თქვენგანის თვალწინ.

17 ახლა ვიცი, ძმებო, რომ თქვენ, ისევე როგორც თქვენმა მთავრებმა, უმეცრებით ჩაიდინეთ ეს. ლუკ.23,34. იოან.16,3. საქ.13,27.

18 ხოლო ღმერთმა, როგორც წინდაწინ გვამცნო ყველა თავისი წინასწარმეტყველის პირით, რომ ქრისტე უნდა წამებულყო, ასევე აღასრულა კიდევ. ლუკ.24,27. საქ.26,22.

19 აბა, მოინანიეთ და მოიქეცით, რომ აღიხოცოს თქვენი ცოდვები.

20 რათა დადგეს განახლების დღეები უფლის პირისაგან და მოგივლინოთ მან იესო ქრისტე, წინასწარ თქვენთვის განკუთვნილი, ეს.49,10.

21 რომელიც ზეცამ უნდა მიიღოს, ვიდრე ყველაფერი აღდგებოდეს, რასაც ღმერთი დასაბამიდან ამბობდა თავისი წმიდა წინასწარმეტყველების პირით. ოსე.2,23;3,5. იოან.10,16.

22 გინაიდან მოსემ თქვა: 'წინასწარმეტყველს აღგიდგენთ თქვენი უფალი ღმერთი თქვენი ძმებიდან ჩემსავით. გაუგონეთ მას ყველაფერი, რასაც კი გეტყვით. 2შჯ.18,15-18. მათ.17,5. საქ.7,37.

23 და მოხდება, რომ ყოველი სული, ვინც არ გაუგონებს იმ წინასწარმეტყველს, აღმოიფხვრება ხალხისგან.'

24 ყველა წინასწარმეტყველი, სამუელიდან და მას აქეთ, ასევე იუწყებოდნენ ამ დღეებზე.

25 თქვენ ხართ ძენი წინასწარმეტყველთა და იმ აღთქმისა, რომელიც აღუთქვა ღმერთმა ჩვენს მამებს, როცა უთხრა აბრაამს: შენს თესლში იკურთხებაო დედამიწის ყოველი მოდგმა! დაბ.12,3. საქ.2,39. რომ.9,4. გალ.3,8.

26 ღმერთმა, აღადგინა რა თავისი მსახური, პირველად თქვენ მოგივლინათ თქვენს საკურთხევლად, რათა მოგაქციოთ ყოველი თქვენი ბოროტი საქმიდან." მათ.10,6. საქ.13,46.

თ ა ვ ი 4

მოციქულთა პატიმრობა

1 როცა ისინი ხალხს ელაპარაკებოდნენ, მათ თავს წამოადგენენ მოძღვარნი, ტაძრის მეთაური და სადუკეველნი.

2 გაბრაზდნენ, ხალხს რომ ასწავლიდნენ და უქადაგებდნენ იესოს მკვდრებით აღდგომას. საქ.23,6.

3 დაადეს ხელები მათ და დაცვას ჩააბარეს მეორე დღემდე, გინაიდან უკვე საღამოვდებოდა.

4 ბევრმა კი, ვინც ისმინა სიტყვა, ირწმუნა. მათმა რიცხვმა ხუთი ათასამდე მიაღწია.

5 მეორე დღეს იერუსალიმში შეიკრიბნენ მათი მთავრები, უხუცესები და მწიგნობრები,

6 და ანა მღვდელმთვარი და კაიაფა, იოანე და ალექსანდრე, აგრეთვე სხვები მღვდელმთავრის გვარიდან. ლუკ.3,2.

7 შუაში ჩაიყენეს ისინი და ეკითხებოდნენ: „რომელი ძალით, ან ვისი სახელით ჩაიდინეთ ეს?“

8 მაშინ პეტრე აღივსო სულიწმიდით და უთხრა მათ: „ხალხის მთავარნო და უხუცესნო, ლუკ.12,12,

9 თუ დღეს ჩვენ მოგვეთხოვება პასუხი ამ უძლური კაცი-სათვის გაწეულ ქველმოქმედებაზე, თუ როგორ განიკურნა იგი,

10 ცხადი იყოს ყველა თქვენგანისა და მთელი ისრაელის ხალხისათვის, რომ იგი თქვენს წინაშე ჯანმრთელი დგას იესო ქრისტე ნაზარეტელის სახელით, რომელიც თქვენ ჯვარს აცვით და რომელიც ღმერთმა აღადგინა მკვდრეთით.

11 ეს არის ლოდი, რომელიც უკუაგდეთ თქვენ, მაშენებლებმა, და რომელიც ქვაკუთხედად იქცა.

ფსალ.117,22. ეს.28,16. მათ.21,42. მარ.12,10. ლუკ.20,17. 1პეტ.2,6.

12 სხვაში არავისში არ არსებობს ხსნა, არც არის ცის ქვეშ ხალხისათვის მიცემული სხვა სახელი, რომლითაც გადავრჩებით.“

საქ.10,43. კოლ.1,14,20. 1თეს.5,9. 1ტიმ.2,5-6.

სინედრიონის მუქარა

13 როცა ხელავდნენ პეტრესა და იოანეს ესოდენ სიმტკიცეს და შეატყვეს, რომ ისინი უწიგნური და უმეცარი ადამიანები არიან, გაუკვირდათ. თანაც იცნეს, რომ იესოსთან იყვნენ ისინი.

14 ხოლო მათთან მდგომარე განკურნებულ კაცს რომ ხელავდნენ, საწინააღმდეგოს ვერაფერს ამბობდნენ.

15 უბრძანეს მათ სინედრიონიდან გასვლა და ერთმანეთში იწყეს მსჯელობა.

16 ამბობდნენ: „რა ვუყოთ ამ ხალხს? რადგან მათი ხელით რომ მოხდა ეს ცხადი სასწაული, ცნობილია იერუსალიმის ყოველი მკვიდრისთვის და ამას ჩვენ ვერ უარვყოფთ.

17 მაგრამ, უფრო მეტად რომ არ გახმაურდეს ეს ხალხში, დავემუქროთ მათ, რომ კაციშვილს აღარ ელაპარაკონ ამ სახელით.“

18 დაუძახეს მათ და უბრძანეს, ამიერიდან აღარ ელაპარაკათ და აღარ ესწავლებინათ იესოს სახელით. საქ.5,40.

19 მაგრამ პეტრემ და იოანემ მიუგეს და უთხრეს: „განსა-ჯეთ, მართებულია განა ღვთის წინაშე თქვენ უფრო გისმინოთ, ვიდრე ღმერთს? საქ.5,29.

20 ჩვენ არ შეგვიძლია არ ვილაპარაკოთ ის, რაც ვიხილეთ და მოვისმინეთ.“

21 ხოლო მათ მუქარით გაუშვეს ისინი, რადგან ვერ პოულობდნენ მიზეზს მათ დასასჯელად ხალხის გამო, რადგან ყველა ადიდებდა ღმერთს მომხდარისათვის.

22 ვინაიდან ორმოც წელს გადაცილებული იყო ის კაცი, რომელზეც მოხდა განკურნების სასწაული.

ეკლესიის სიხარული და ლოცვა

23 ხოლო ისინი, როგორც კი გაუშვეს, მივიდნენ თავისიანებთან და უამბეს, რას ეუბნებოდნენ მათ მღვდელმთავარი და უხუცესნი.

24 მათ კი, რომ მოუსმინეს, ერთსულოვნად აღიმალლეს ხმა ღვთის მიმართ და შეჰლაღდეს: „ღმერთო, შემოქმედო ცისა და მიწისა, ზღვისა და ყველაფრისა, რაც მათშია;

25 ჩვენი მამის, შენი მსახურის ღვთის ბაგე ალაპარაკეს სულიწმიდით: ‘რად შეფოთავენ წარმართნი და ხალხები განიზრახავენ ამაოებას?’
ფსალ.2,1-2.

26 აღდგნენ მეფენი ქვეყნისა, და მთავრები ერთად შეიკრიბნენ უფლისა და მისი ცხებულის წინააღმდეგ.’

27 ვინაიდან ჰეშმარიტად შეიკრიბნენ ამ ქალაქში შენი წმიდა მსახურის, შენი ცხებულის, იესოს წინააღმდეგ ჰეროდე და პონტოელი პილატე წარმართებთან და ისრაელის ხალხთან ერთად,
ეს.61,1; მათ.26,3-4. ლუკ.1,35;4,18. იოან.10,36.

28 რომ მოემოქმედათ ის, რისი მოხდენაც წინასწარ განსაზღვრა შენმა ხელმა და შენმა ზრახვამ.
მათ.26,24.

29 ახლა კი, დაინახე უფალო, მათი მუქარა და მიეცი შენს მონებს ძალა მთელი გაბედულებით ილაპარაკონ შენი სიტყვა,
საქ.13,46.

30 როცა გაიწვდი შენს ხელს განსაკურნებლად, ნიშნებისა და სასწაულების მოსახდენად შენი წმიდა მსახურის იესოს სახელით.“

31 როცა ლოცულობდნენ, შეიძრა ის ადგილი, სადაც ისინი იყვნენ შეკრებილნი, და ყველანი აღივსნენ სულიწმიდით და გაბედულად ლაპარაკობდნენ ღვთის სიტყვას.
საქ.16,26.

მათ ყველაფერი საერთო ჰქონდათ

32 უამრავ მორწმუნეს ჰქონდა ერთი გული და სული; და არც ერთი თავის ქონებას არ უწოდებდა თავისას, არამედ ყველაფერი საერთო ჰქონდათ.
საქ.2,44.

33 მოციქულები დიდი ძალით მოწმობდნენ უფალ იესოს აღდგომას და დიდი მადლი იყო ყველა მათგანზე.

34 არავინ იყო მათ შორის გაჭირვებული, ვინაიდან ყველა, ვინც ყანების ან სახლების მესაკუთრე იყო, ყიდდა და გაყიდულის საფასური მოჰქონდა

35 და დებდა მოციქულთა ფერხთით, და თითოეულს უნაწილდებოდა, ვისაც რა სჭირდებოდა.

36 ასევე იოსებმაც, რომელსაც მოციქულებმა შეარქვეს ბარნაბა (რაც ნუგეშისცემის ძედ ითარგმნება), ლევანმა, წარმოშობით კვიპროსელმა,

37 გაყიდა თავისი ყანა, ფული მოიტანა და მოციქულთა ფერხთით დადო.

თ ა ვ ი 5

ანანია და საფირა, მათი სიცრუე და სიკვდილი

1 ერთმა კაცმა კი, სახელად ანანიამ, თავის ცოლთან საფირასთან ერთად გაყიდა ყანა რიცხ.30,3. ეკლ.5,3.

2 და გადამალა საფასურიდან, — ეს მისმა ცოლმაც იცოდა, — ხოლო რაღაც ნაწილი მოიტანა და დადო მოციქულთა ფერხთით.

3 მაგრამ პეტრემ უთხრა: „ანანია, რატომ აღავსო შენი გული სატანამ, რომ მოგეტყუებინა სულიწმიდა და გადაგემალა ყანის საფასურიდან?

4 განა რაც გქონდა, შენი არ იყო, და გაყიდულიც შენს ხელში არ იყო? რატომ ჩაიდე ეს საქმე გულში? შენ ეცრუე არა ადამიანებს, არამედ ღმერთს.“

5 ამის გამგონე ანანია დაეცა და სული განუტევა. ვინც ეს მოისმინა, დიდმა შიშმა მოიცვა ყველა.

6 წამოდგნენ ჭაბუკები, შეახვიეს იგი, გაიტანეს და დამარხეს.

7 სამიოდე საათის შემდეგ შევიდა მისი ცოლი, რომელმაც არ იცოდა რა მოხდა.

8 ჰკითხა მას პეტრემ: „მითხარი, განა ამდენად გაყიდეთ ყანა?“ მიუგო: „დიახ, ამდენად.“

9 პეტრემ უთხრა მას: „რატომ შეითქვით, რომ გამოგეცადათ უფლის სული? აჰა, კარში დგანან შენი ქმრის დამმარხავთა ფერხნი, და შენც გაგიტანენ.“

10 დაეცა იგი უცბად მის ფეხებთან და სული განუტევა. შემოსულმა ჭაბუკებმა მკვდარი იპოვეს იგი, გაიტანეს და ქმრის გვერდით დამარხეს.

11 დიდმა შიშმა მოიცვა მთელი ეკლესია და ყველა, ვინც ეს მოისმინა.

ხალხი აღიდებს მოციქულებს

12 მოციქულთა ხელით მრავალი ნიშანი და სასწაული ხდებოდა ხალხში. და ყველანი ერთსულოვნად იყვნენ სოლომონის სტოაში. საქ.2,43. რომ.5,19,

13 დანარჩენთაგან ვერავინ ბედავდა, მათ შერთებოდა, ხალხი კი აქებდა მათ.

14 სულ უფრო და უფრო ემატებოდნენ უფალს მორწმუნეები, მრავალი მამაკაცი და დედაკაცი. საქ.2,47;11,21.

15 ისე რომ, ავადმყოფები ქუჩაში გამოჰყავდათ და საკაცებზე და საწოლებზე აწვენდნენ, რომ ჩავლილი პეტრეს ჩრდილი მაინც დაფენოდა რომელიმე მათგანს.

16 ბევრნი მოდიოდნენ იერუსალიმის გარშემო ქალაქებიდანაც, მოჰყავდათ სნეულები და არაწმიდა სულებით შეპყრობილნი, და ყველანი იკურნებოდნენ.

მოციქულების პატიმრობა და გათავისუფლება

17 მღვდელმთავარი და ყველა მასთან მყოფი, რომლებიც სადუკეველთა მწვალებლობას ეკუთვნოდნენ, აღდგნენ და შურით აღიესნენ.

18 დაადეს ხელი მოციქულებს და საჯარო საპატიმროში ჩასხეს.

19 მაგრამ უფლის ანგელოზმა ღამით გააღო საპყრობილის კარი, გამოიყვანა ისინი და უთხრა:

20 „წადით, დადექით ტაძარში და უქადაგეთ ხალხს ამ სიცოცხლის ყოველი სიტყვა.“ იოან.6,68.

21 ეს რომ მოისმინეს, განთიადისას შევიდნენ ტაძარში და ასწავლიდნენ. ამასობაში მოვიდნენ მღვდელმთავარი და მასთან მყოფნი, მოიწვიეს სინედრიონი და ისრაელიანთა უხუცესების საბჭო და გაგზავნეს საპატიმროში მათ მოსაყვანად.

22 მაგრამ, მსახურნი რომ მივიდნენ, ვერ ნახეს ისინი საპყრობილეში, უკან გამობრუნდნენ და მოახსენეს,

23 უთხრეს: „საპატიმრო საგულდაგულოდ დაკეტილი დაგვიხვდა და მცველები კარებთან მდგომნი. მაგრამ, რომ გავაღეთ, შიგ ვერავინ ვნახეთ.“

24 ეს სიტყვები რომ ესმათ ტაძრის დაცვის მეთაურს და მღვდელმთავარებს, საგონებელს მიეცნენ, თუ რა უნდა მომხდარიყო.

25 ვილაც მივიდა და მოახსენა მას: აგერ ის კაცები, რომლებიც თქვენ საპყრობილეში ჩაამწყვდიეთ, ტაძარში დგანან და ასწავლიანო ხალხს.

მოწმობა სინედრიონის წინაშე

26 მაშინ წავიდა მეთაური მსახურების თანხლებით და მოიყვანა ისინი, იძულების გარეშე, ვინაიდან ხალხისა ეშინოდათ, არ ჩაგვექოლონო.

27 მოყვანისთანავე სინედრიონის წინაშე დააყენეს და მღვდელმთავარმა ჰკითხა მათ

28 და უთხრა: „სასტიკად აგიკრძალეთ, რომ არ გესწავლები-

ნათ ამ სახელით. აჰა, თქვენი მოძღვრებით აავსეთ იერუსალიმი და გინდათ, იმ კაცის სისხლმა გვიწიოს ჩვენ?“

მათ.27,25. საქ.2,22;3,13;4,18.

29 მიუგეს პეტრემ და მოციქულებმა და უთხრეს: „ღმერთს უფრო მეტად უნდა ვემორჩილებოდეთ, ვიდრე ადამიანებს. საქ.4,19.

30 ჩვენი მამების ღმერთმა აღადგინა იესო, რომელიც თქვენ მოჰკალით ძელზე დაკიდებით. საქ.3,15.

31 იგი წინამძღვრად და მაცხოვრად აღამალა ღმერთმა თავისი მარჯვენით, რომ მიეცეს ისრაელს მონანიება და ცოდვების მიტევება. საქ.2,33;4,12. 1იოან.2,1-2.

32 ამის მოწმენი ვართ ჩვენ და სულიწმიდა, რომელიც ღმერთმა უბოძა მის მორჩილთ. იოან.15,26-27. საქ.3,15.

33 ეს რომ მოისმინეს, განრისხდნენ და მოინდომეს მათი დახოცვა.

34 ხოლო სინედრიონში წამოდგა ერთი ფარისეველთაგანი, სახელად გამალიელი, რჯულის მოძღვარი, მთელი ხალხის მიერ პატივდებული, და ბრძანა, მოციქულები მცირე ხნით გარეთ გაეყვანათ.

35 მან კი უთხრა მათ: „კაცნო ისრაელიანო, დაფიქრდით ამ ხალხზე, რას უპირებთ მათ.

36 ვინაიდან ამ დღეების წინ აღდგა თევდა და თავი დიდ ვინმედ მოჰქონდა, და ოთხასამდე კაცი გაჰყვა მას. მაგრამ ის მოკლეს და, ყველა, ვინც მორჩილებდა მას, გაიფანტა და არარად იქცა. საქ.21,38.

37 ამის შემდეგ აღწერის დროს აღდგა იუდა გალილეველი და დიდძალი ხალხი გაიყოლია. ისიც დაილუპა და ყველა, ვინც მას მორჩილებდა, გაიფანტა. ლუკ.2,2.

38 ახლა გეუბნებით თქვენ: ჩამოშორდით ამ ხალხს და მოეშვით მათ, ვინაიდან, თუ კაცისაგან არის ეს ზრახვა ანდა საქმე, ჩაიფუშება. მათ.15,13.

39 ხოლო თუ ღვთისაგან არის, მაშინ თქვენ ვერ ჩაფუშავთ მას და, ვაითუ, ღვთის მოწინააღმდეგენი აღმოჩნდეთ.“ ლუკ.21,15.

40 დაუჯერეს მას. დაუდახეს მოციქულებს, სცემეს და უბრძანეს, რომ აღარ ელაპარაკათ იესოს სახელით, და გაუშვეს ისინი.

41 ხოლო ისინი წავიდნენ სინედრიონიდან და უხაროდათ, რომ მისი სახელისათვის შეურაცხყოფის ღირსნი გახდნენ.

მათ.5,10. იაკ.1,2. 1პეტ.4,13. 2კორ.6,10;12,10. ებრ.10,34.

42 ყოველდღე დაუცხრომლად ასწავლიდნენ და ახარებდნენ ტაძარში და სახლებში ქრისტე იესოს.

თ ა ვ ი 6

შვიდის არჩევა სუფრაზე მომსახურებისთვის

1 ამ დღეებში, როცა გამრავლდნენ მოწაფეები, ატყდა გაბერძნებულთა დრტვინვა ებრაელობის წინააღმდეგ, ვინაიდან

უგულებელყოფილი იყო მათი ქვრივების ყოველდღიური მომსახურება.

2 მაშინ თორმეტმა მოიწვია მრავალი მოწათე და უთხრა: „არ შეგვშვენის ღვთის სიტყვის მიტოვება და სუფრების მომსახურება.“

3 მაშ ასე, ძმებო, ამოირჩიეთ თქვენგან შვიდი სარწმუნო, სულიწმიდით და სიბრძნით სავსე კაცი, ისინი გავამწესოთ ამ საქმეზე.

4 ჩვენ კი ვიყოთ ლოცვასა და სიტყვის მსახურებაში.“

5 მთელ კრებულს მოეწონა ეს სიტყვა. ამოირჩიეს სტეფანე, რწმენითა და სულიწმიდით სავსე კაცი, აგრეთვე ფილიპე, პროხოზე, ნიკანორი, ტიმონი, პარმენასი და ანტიოქელი რჯულშეცვლილი ნიკოლოზი. საქ.13,3;21,8. 1ტიმ.4,14.

6 ისინი დააყენეს მოციქულების წინაშე, ილოცეს და ხელები დაასხეს მათ.

7 იზრდებოდა ღვთის სიტყვა და ძალიან მრავლდებოდა მოწათეთა რიცხვი იერუსალიმში და მღვდელთაგანიც ბევრი ემორჩილებოდა რწმენას.

ბრალდება სტეფანეს მიმართ

8 ხოლო მადლით და ძალით აღსავსე სტეფანე დიდ სასწაულებსა და ნიშნებს ახდენდა ხალხში.

9 ადგნენ ზოგიერთები ლიბერტინელთა, კვირინელთა და ალექსანდრიელთად წოდებული სინაგოგიდან, ზოგიერთებიც კილიკიიდან და აზიიდან და კამათი დაუწყეს სტეფანეს,

10 მაგრამ ვერ შეძლეს წინ აღდგომოდნენ სიბრძნესა და სულს, რომლითაც ის ლაპარაკობდა. ლუკ.21,15.

11 მაშინ შეაგულიანეს კაცები და ათქმევინეს: „ჩვენ გავიგონეთ, როგორ ლაპარაკობდა იგი მოსესა და ღვთის საგმობ სიტყვებს.“

12 და ააღელვეს ხალხი, უხუცესები და მწიგნობრები. მივარდნენ მას, შეიპყრეს და სინედრიონში მიიყვანეს.

13 წარმოადგინეს ცრუ მოწმენი, რომლებიც ამბობდნენ: ეს კაცი დღენიადაგ ამ წმიდა ადგილისა და რჯულის საწინააღმდეგო სიტყვებს ლაპარაკობსო.

14 ვინაიდან ჩვენ მოვისმინეთ, როგორ ამბობდა, რომ იესო ნაზარეველი დაანგრევს ამ ადგილს და შეცვლის წეს-ჩვეულებებს, რომლებიც მოსემ გადმოგვცაო. დან.9,26,27.

15 ყველა, ვინც სინედრიონში იჯდა, უყურებდა მას და ხედავდა მის სახეს, როგორც ანგელოზის სახეს.

თ ა ვ ი 7

სტეფანეს სიტყვა სინედრიონის წინაშე

1 მაშინ უთხრა მღვდელმთავარმა: „მართალია, რასაც ამბობენ?“

2. მან თქვა: „კაცნო, ძმანო და მამანო, ისმინეთ! ღიღების ღმერთი ეჩვენა ჩვენს მამას აბრაამს შუამდინარეთში ყოფნისას, ვიდრე ხარანში დამკვიდრდებოდა, და უთხრა მას:

3 'გამოდი შენი ქვეყნიდან და შენი სანათესაოდან და წადი იმ ქვეყანაში, რომელსაც მე გიჩვენებ.' დაბ.12,1. ნემ.9,7.

4 მაშინ გამოვიდა ქალდეელთა ქვეყნიდან და დაემკვიდრა ხარანში, მამამისის სიკვდილის შემდეგ კი ღმერთმა გადმოიყვანა იგი ამ ქვეყანაში, სადაც ახლა თქვენ მკვიდრობთ.

5 მასში ფეხის დასადგმელი ადგილიც კი არ მისცა სამკვიდროდ, მაგრამ აღუთქვა, რომ მისცემდა სამფლობელოდ მას და მის თესლს მის შემდეგ, როდესაც ჯერ კიდევ არ ჰყავდა შვილი.

6 უთხრა მას ღმერთმა, რომ მისი თესლი ხიზნად იქნებოდა უცხო ქვეყანაში, დაიმონებდნენ და ავად მოექცეოდნენ ოთხას წელიწადს. დაბ.15,13. გამოს.12,40. გალ.3,17.

7 'ხოლო მე, განვიკითხავ იმ ხალხს, ვისთანაც მონებად იქნებიან,' – თქვა ღმერთმა, – 'იმის შემდეგ გამოვლენ იქიდან და მემსახურებიან ამ ადგილას.'

8 და მისცა მას წინადაცვეთის აღთქმა. მან შვა ისაკი და წინადასცვითა მას მერვე დღეს, ხოლო ისაკმა – იაკობი, იაკობმა – თორმეტი მამამთავარი. დაბ.17,10;21,4;25,26;29,31;35,22.

9 მამამთავრებს შეშურდათ იოსებისა და გაყიდეს იგი ეგვიპტეში, მაგრამ ღმერთი იყო მასთან. დაბ.37,28. ფსალ.104,17.

10 იხსნა იგი მის ყველა გასაჭირში და უბოძა მას სიბრძნე და ეგვიპტის მეფის ფარაონის წყალობა, რომელმაც დააყენა იგი ეგვიპტისა და მთელი თავისი სახლის განმგებლად. დაბ.41,38,41.

11 ჩამოვარდა შიმშილობა და დიდი ჭირი მთელ ეგვიპტესა და ქანაანში. ჩვენი მამები ვერ შოულობდნენ საზრდოს.

12 ხოლო იაკობმა გაიგო, რომ ეგვიპტეში არის პური, და გაგზავნა ჯერ ჩვენი მამები. დაბ.42,1.

13 მეორედ ჩასვლისას გაუცხადა იოსებმა თავი თავის ძმებს და ფარაონმა შეიტყო იოსების გვარტომობა. დაბ.45,4.

14 იოსებმა გაგზავნა და მოიწვია თავისი მამა იაკობი და მთელი თავისი სანათესაო, სამოცდათხუთმეტი სული. დაბ.46,27.

15 ჩავიდა იაკობი ეგვიპტეში და გარდაიცვალა იგი, და ჩვენი მამებიც. დაბ.46,5;49,33.

16 გადმოასვენეს ისინი შექემს და ჩაასვენეს სამარხში, რომელიც აბრაამმა იყიდა ვერცხლის ფასად შექემში ემორის ძეთაგან. დაბ.23,16;50,13. ისუ 5.24,32.

17 და როდესაც ახლოვდებოდა აღთქმის შესრულების უამი, ღმერთმა რომ მისცა აბრაამს, ეს ხალხი მატულობდა ეგვიპტეში და მრავლდებოდა, გამოს.1,7. ფსალ.104,24.

18 ვიდრე ეგვიპტეზე აღდგებოდა სხვა მეფე, რომელიც არ იცნობდა იოსებს.

19 ის ვერაგულად ექცეოდა ჩვენს მოდგმას, ავიწროვებდა მამებს, რათა გადაეყარათ თავიანთი ჩვილები, რომ არ ეცოცხლათ.

20 ამ დროს დაიბადა მოსე და იყო სათნო ღვთის წინაშე. სამ თვეს თავისი მამის სახლში იზრდებოდა. გამოს.2,2. ებრ.11,23.

21 როცა გადააგდეს, აიყვანა იგი ფარაონის ასულმა და შვილად გაზარდა. გამოს.2,5.10.

22 ეგვიპტელთა მთელი სიბრძნით განისწავლა მოსე და იყო ძლიერი თავისი სიტყვებითა და საქმეებით.

23 ხოლო როცა ორმოცი წელი შეუსრულდა, გულით მოისურვა თავისი ძმების, ისრაელიანების მონახულება.

24 დაინახა, რომ ერთს ჩაგრავდნენ, გამოესარჩლა და იმ დაჩაგრულის შური იძია და განგმირა ეგვიპტელი. გამოს.2,12.

25 ეგონა, მიუხვდებოდნენ ძმები, რომ ღმერთი მისი ხელით იხსნიდა მათ, მაგრამ ვერ მიხვდნენ.

26 მეორე დღეს მოევლინა მათ, როცა ისინი ჩხუბობდნენ, შერიგება მოუნდომა და უთხრა: 'კაცებო, თქვენ ხომ ძმები ხართ, რატომ ჩაგრავთ ერთმანეთს?' გამოს.2,13.

27 მაგრამ მოყვასის დამჩაგვრელმა ხელი ჰკრა მას და უთხრა: 'ვინ დაგნიშნა ჩვენს მთავრად და მსაჯულად?'

28 'ხომ არ გინდა მეც მომკლა, როგორც გუშინ ეგვიპტელი მოჰკალი?'

29 ამ სიტყვებზე მოსე გაიქცა და გაიხიზნა მიდიამის ქვეყანაში, სადაც შეეძინა ორი ვაჟი.

30 ორმოცი წელი რომ გავიდა, სინაის მთის უდაბნოში ერგენა უფლის ანგელოზი აღმოდებული მაყვლოვანიდან. გამოს.3,2.

31 გაოგნდა ამ ჩვენების შემყურე მოსე, ხოლო როცა საყურებლად მიუახლოვდა, შემოესმა უფლის ხმა:

32 'მე ვარ შენი მამების ღმერთი, ღმერთი აბრაამისა, ისაკისა და იაკობისა.' მოსე შეძრწუნდა და ვერ გაბედა ყურება.

33 უთხრა მას უფალმა: 'გაიხადე ფეხსაცმელი ფეხზე, ვინაიდან ადგილი, რომელზეც დგახარ, წმიდა მიწაა.'

34 მე ვხედავ ჩემი ხალხის გაჭირვებას ეგვიპტეში და მესმის მისი კვნესა, და ჩამოვედი მათ გამოსახსნელად. ახლა წადი, მე მიგავლენ ეგვიპტეში.'

35 ეს ის მოსეა, რომელიც მათ უარყვეს და უთხრეს: ვინ დაგნიშნა მთავრად და მსაჯულადო? ღმერთმა მთავრად და მხსნელად ეს მიაგლინა იმ ანგელოზის ხელით, რომელიც მას მაყვლოვანში ერგენა. გამოს.3,10.

36 მან გამოიყვანა ისინი და ახდენდა სასწაულებს და ნიშნებს ეგვიპტის ქვეყანაში, მეწამულ ზღვაზე და უდაბნოში ორმოცი წლის მანძილზე. გამოს.18,15.

37 ეს არის მოსე, რომელმაც უთხრა ისრაელიანებს: 'წინასწარმეტყველს აღგიდგენთ ღმერთი თქვენი ძმებიდან ჩემს მსგავსად. მას უსმინეთ!' 2შჯ.18,15. საქ.3,22.

38 ეს ის არის, ვინც იყო კრებულში უდაბნოდ ანგელოზთან ერთად, რომელიც მას ელაპარაკებოდა სინაის მთაზე, და ჩვენს

მამებთან ერთად; ვინც მიიღო ცოცხალი სიტყვები, რომ ჩვენთვის გადმოეცა; გამოს.19,3. გალ.3,19.

39 ვისი მორჩილებაც არ ისურვებს ჩვენმა მამებმა, არამედ განუდგნენ და თავიანთი გულით ეგვიპტისკენ მიიქცნენ.

40 უთხრეს აარონს: 'გაგვიკეთე ღმერთები, რომლებიც წინ წაგვიძღვებიან, ვინაიდან არ ვიცით, რა დაემართა მოსეს, რომელმაც ეგვიპტის ქვეყნიდან გამოგვიყვანა.' გამოს.32,1.

41 გააკეთეს იმ დღეებში ხბო, შესწირეს მსხვერპლი კერპს და შეჰხაროდნენ თავიანთი ხელის ქმნილებას.

42 ხოლო ღმერთმა ზურგი შეაქცია მათ და ციური მხედრობის სამსახურს მიაწვდინა ისინი, როგორც წინასწარმეტყველთა წიგნში წერია: 'სახლო ისრაელისა, თუ მოგიტანიათ ჩემთვის მსხვერპლი და ძღვენი უდაბნოში ორმოც წელიწადს?'

2შჯ.4,19. იერ.19,13. ამოს.5,25-27.

43 თქვენ მიიღეთ მოლოხის კარავი და რომთა-ღმერთის ვარსკვლავი, გამოსახულებები, რომლებიც თქვენ გააკეთეთ, რომ თაყვანი გეცათ მათთვის, და მეც გაგასახლებთ ბაბილონს იქით.'

44 მოწმობის კარავი იყო ჩვენს მამებთან უდაბნოში, როგორც მეტყველმა დაუდგინა მოსეს, რათა გაეკეთებინა იმ სახის მიხედვით, რომელიც იხილა. გამოს.25,40. ებრ.8,5.

45 ჩვენმა მამებმა მიიღეს იგი და იესოსთან ერთად შეიტანეს იმ ხალხთა სამკვიდრებელში, რომლებიც ღმერთმა განდევნა ჩვენი მამების წინაშე. ასე იყო დავითის დღეებამდე. ისუ 5,3,14.

46 მან ჰპოვა მადლი ღვთის წინაშე და სთხოვდა ნებას, რომ იაკობის ღვთისთვის სამყოფელი ეპოვა. 2მფ.7,2. ფსალ.131,5.

47 სახლი კი სოლომონმა აუგო მას. 3მფ.6,1.

48 მაგრამ უზენაესი ხელით ქმნილში კი არ არის დამკვიდრებული, როგორც წინასწარმეტყველი ამბობს: 3მფ.8,27;17,24.

49 'ცა ტახტია ჩემი და ქვეყანა-ჩემს ფერხთა კვარცხლბეკი; როგორ სახლს ამიგებთ, ამბობს უფალი, ან რომელია ჩემი განსვენების ადგილი? ეს.66,1-2.

50 განა ჩემმა ხელმა არ შექმნა ყოველივე ეს?' მათ.23,34. 1თეს.2,15.

51 ქედფიცხელნო, გულით და ყურით წინადაუცვეთელნო, თქვენ ყოველთვის ეწინააღმდეგებით სულიწმიდას, როგორც თქვენი მამები, ასევე თქვენც. 2შჯ.9,13. იერ.6,10. ეზეკ.44,9.

52 რომელ წინასწარმეტყველთაგანს არ დევნიდნენ თქვენი მამები? მათ მოკლეს მართლის მოსვლის წინასწარ მაუწყებელნი, ვისი გამცემები და მკვლელებიც ახლა თქვენ გახდით, 2შჯ.33,2. გალ.3,19.

53 თქვენ, რომლებმაც მიიღეთ რჯული ანგელოზების განკარგულებით და არ დაიცავით იგი."

სტეფანეს ჩაქოლვა

54 ამას რომ ისმენდნენ, გულზე სკდებოდნენ და კბილებს აღრჭიალებდნენ მასზე.

55 ხოლო მან, აღსაგსემ სულიწმიდით, ახედა ცას და დაინახა ღვთის დიდება და ღვთის მარჯვნივ მდგარი იესო. საქ.6,5,10.

56 თქვა: „აჰა, მე ვხედავ გახსნილ ცას და კაცის ძეს, ღვთის მარჯვნივ მდგომს.“

57 მაგრამ მათ ხმამაღალი ყვირილი მორთეს, ყურები დაიცვეს და ერთსულოვნად დაეძგერნენ მას.

58 გაათრიეს ქალაქგარეთ და ქვეები დაუშინეს. მოწმეებმა თავიანთი ტანისამოსი დააწყეს ერთი ჭაბუკის ფერხით, რომელსაც სავლე ერქვა. საქ.22,20.

59 ქვას რომ უშენდნენ, სტეფანე ლაღადებდა და ამბობდა: „უფალო იესო, მიიბარე ჩემი სული.“ ფსალ.30,6. ლუკ.23,46.

60 მუხლი მოიყარა და ხმამალა შეჰლაღადა: „უფალო, ნუ მიუთვლი ამათ ამ ცოდვას.“ ეს თქვა და განისვენა.

მათ.5,44. ლუკ.23,34. 1კორ.4,12.

თ ა ვ ი 8

ეკლესიის დევნა იერუსალიმში და გაფანტვა

1 ხოლო სავლე იწონებდა მის მოკვლას. იმ დღეებში მოხდა იერუსალიმის ეკლესიის დიდი დევნა და ყველა, მოციქულების გარდა, გაიფანტა იუდეასა და სამარიის მხარეებში. საქ.11,19.

2 ღვთისმოშიშმა კაცებმა დაკრძალეს სტეფანე და დიდად იგლოვეს იგი.

3 სავლე კი არბევდა ეკლესიას, იჭრებოდა სახლებში და ძალით გამოჰყავდა მამაკაცები და დედაკაცები, და საპყრობილეში ჰყრიდა მათ. საქ.9,1;26,10. 1კორ.15,9. გალ.1,13.

4 ამასობაში გაფანტულები მიმოდრიოდნენ და ახარებდნენ სიტყვას.

ფილიპეს ქადაგება და მკურნალობა სამარიაში

5 ასე ჩავიდა ფილიპე სამარიელთა ქალაქში და მათ უქადაგებდა ქრისტეს.

6 ხალხი ერთსულოვნად ყურს უგდებდა, რასაც ფილიპე ლაპარაკობდა, უსმენდა და ხედავდა, რა ნიშნებს ახდენდა იგი.

7 ვინაიდან მრავალთაგან, რომლებიც არაწმიდა სულებით იყვნენ შეპყრობილნი, ხმამაღალი ყვირილით გამოდიოდნენ. მრავალი დავრდომილი და კოჭლი იკურნებოდა. მარ.16,17.

8 დიდი სიხარული იყო იმ ქალაქში.

9 იმავე ქალაქში იყო ერთი კაცი, სახელად სიმონი, რომელიც ადრევე გრძნეულებას ეწეოდა და აოცებდა სამარიელ ხალხს, თავი დიდ ვინმედ მოჰქონდა.

10 ყველა, დიდიან-პატარიანად, ყურს უგდებდა მას და ამბობდა: „ეს ის ღვთიური ძალაა, დიდად რომ იწოდება.“

11 ყურს კი იმიტომ უგდებდნენ მას, რომ დიდი ხნიდან აოცებდა მათ გრძნეულებით.

12 მაგრამ როცა ერწმუნენ ფილიპეს, რომელიც ახარებდა ღვთის სასუფევლსა და იესო ქრისტეს სახელს, ინათლებოდნენ მამაკაცებიც და დედაკაცებიც. საქ.6,5.

13 თვითონ სიმონმაც ირწმუნა და მოინათლა, აღარ შორდებოდა ფილიპეს და, მოხდენილ დიდ სასწაულებსა და ნიშნებს რომ ხედავდა, უკვირდა.

პეტრე და იოანე სამარიაში

14 იერუსალიმში მყოფმა მოციქულებმა გაიგეს, რომ სამარიამ მიიღო ღვთის სიტყვა, და გაგზავნეს მათთან პეტრე და იოანე,

15 რომლებიც ჩავიდნენ იქ და ილოცეს მათთვის, რომ მიეღოთ სულიწმიდა.

16 ვინაიდან მანამდე არც ერთ მათგანზე არ იყო გადმოსული, მხოლოდ მონათლულები იყვნენ უფლის იესოს სახელით.

17 მაშინ დაასხეს ხელები მათ და მათაც მიიღეს სულიწმიდა.

საქ.6,6.

18 როცა სიმონმა, დაინახა, რომ მოციქულთა ხელების დასხმით ეძლეოდათ სულიწმიდა, ფული მიუტანა მათ.

19 თქვა: „მეც მომეცით ხელმწიფება, რომ ჩემგან ხელდასხმულმაც მიიღოს სულიწმიდა.“

20 მაგრამ პეტრემ უთხრა მას: „შენი ვერცხლი შენვე გქონდეს შენს დასალუპად, ვინაიდან ღვთის ნიჭის ფულით მოპოვება განიზრახე.“ მათ.10,8.

21 არა გაქვს შენ წილი და ხვედრი სიტყვაში, ვინაიდან შენი გული წრფელი არაა ღვთის წინაშე.

22 მაშ, მოინანიე შენი უკეთურება და შეევედრე უფალს, ვინძლო მოგეტევოს შენი გულისზრახვა,

23 ვინაიდან გხედავ მწარე ნაღვლითა და უსამართლობით შებორკილს.“ 2შჯ.29,18.

24 მიუგო სიმონმა და უთხრა: „შეევედრეთ ჩემთვის უფალს, რომ არაფერი მომეწიოს თქვენი ნათქვამიდან.“

25 ხოლო როდესაც მათ დაამოწმეს და იქადაგეს უფლის სიტყვა, გამობრუნდნენ იერუსალიმს და სამარიელთა მრავალ სოფელში ახარებდნენ.

საჭურისის მოქცევა

26 უფლის ანგელოზმა კი უთხრა ფილიპეს: „ადექი და წადი სამხრეთისაკენ, იმ გზაზე, რომელიც იერუსალიმიდან ლაზაში ეშვება. უკაცრიელია იგი.“

27 ადგა და წავიდა და, აჰა, ერთი ეთიოპელი კაცი, საჭურისი, ეთიოპიის დედოფლის, კანდაკის დიდებული, მთელი მისი საგანძურის მცველი, ის თაყვანის საცემად იყო მოსული იერუსალიმში; 3მფ.8,41.

28 უკან ბრუნდებოდა და, თავის ეტლში მჯდომი, კითხულობდა ესაია წინასწარმეტყველს.

29 უთხრა სულმა ფილიპეს: „მიდი და ახლოს დაუდექი მაგ ეტლს.“

30 მიიღბინა ფილიპემ და, როცა მოისმინა, რომ იგი ესაია წინასწარმეტყველს კითხულობდა, უთხრა: „თუ გესმის, რასაც კითხულობ?“

31 მან უთხრა: „როგორ გავიგებ, თუ არავინ განმიმარტავს?“ და სთხოვა ფილიპეს ასულიყო და მის გვერდით დამჯდარიყო.

32 ხოლო წერილის აღგილი, რომელსაც ის კითხულობდა, ეს იყო: „კრავივით დასაკლავად მიიყვანეს და, როგორც ცხვარი დუმს მპარსველთა წინაშე, ისე მასაც არ დაუძრავს ბაგე.“

ეს.53,7-8.

33 დამცირებაში წაერთვა სამართალი და ვინ მოიკითხავდა მის წარმოშობას? რადგან ცოცხალთა ქვეყანას მოსწყდა, ჩემი ხალხის ცოდვებისთვის შეხვდა სატანჯველი.

34 საჭურისმა მიუგო ფილიპეს და უთხრა: „გევედრები, ვისზე ამბობს ამას წინასწარმეტყველი. თავის თავზე თუ სხვა ვინმეზე?“

35 ფილიპემ გახსნა თავისი ბაგეები, დაიწყო ამ წერილით და ახარა იესოს შესახებ.

36 გზა განაგრძეს და მიაღწენ ერთ წყალს, უთხრა საჭურისმა: „აჰა, წყალი. რა მაბრკოლებს რომ მოვინათლო?“

37 უთხრა მას ფილიპემ: „თუ მთელი გულით გწამს, შეიძლება.“ მიუგო და უთხრა მან: „მწამს, რომ იესო ქრისტე ღვთის ძეა.“

მარ.16,16.

38 უბრძანა ეტლი გაეჩერებინათ. ორივენი ჩავიდნენ წყალში, ფილიპე და საჭურისი, და მონათლა იგი.

39 როგორც კი წყლიდან ამოვიდნენ, უფლის სულმა ფილიპე წარიტაცა და საჭურისმა ველარ დაინახა იგი. გახარებული გაუდგა თავის გზას.

40 ფილიპე კი აღმოჩნდა აზოტში, მიმოდრიოდა და ახარებდა ყველა ქალაქს, ვიდრე კეისარიაში მივიდრიოდა.

თ ა ვ ი 9

იესო ეცხადება დამასკოს გზაზე სავლეს

1 სავლე კი, რომელიც ჯერ კიდევ სიკვდილის მუქარით სუნთქავდა უფლის მოწაფეთა წინააღმდეგ, მღვდელმთავართან გამოცხადდა.

საქ.8,3;22,4. გალ.1,13. 1ტიმ.1,13.

2 და სთხოვა ბარათები დამასკოს სინაგოგებისადმი, რომ ვისაც იპოვიდა ამ გზაზე მდგომს, მამაკაცებს თუ დედაკაცებს, შებორკილი მიეყვანა იერუსალიმში.

3 გზად მიმავალს, როცა დამასკოს უახლოვდებოდა, უეცრად მოეფინა ნათელი ზეციდან.

საქ.22,6;26,13. 1კორ.15,18.

4 დაეცა მიწაზე და მოესმა ხმა, რომელიც ეუბნებოდა: „სავლე, სავლე, რად მღევნი მე?“

5 უთხრა: „ვინ ხარ შენ, უფალო?“ მან კი: „მე ვარ იესო, რომელსაც შენ სდევნი. გაგიჭირდება დეზის წიხლვა.“

6 შეძრწუნებულმა და გაოგნებულმა უთხრა: „რას მიბრძანებ, უფალო, რომ გავაკეთო?“ და უთხრა მას უფალმა: „ადექი და შედი ქალაქში და გაიგებ, რაც უნდა გააკეთო.“

7 კაცები კი, რომლებიც მასთან ერთად მიდიოდნენ, უსიტყვოდ იდგნენ: ხმა კი ესმოდათ, მაგრამ ვერავის ხედავდნენ.

8 სავლე წამოდგა მიწიდან, თვალები გახელილი ჰქონდა, მაგრამ ვერავის ხედავდა. ხელი მოჰკიდეს მას და ისე შეიყვანეს დამასკოში.

9 სამი დღე ვერ ხედავდა, არც ჰამდა და არც სვამდა.

ანანიას ჩვენება

10 დამასკოში იყო ერთი მოწაფე, სახელად ანანია. უფალმა ჩვენებაში უთხრა: „ანანია!“ უთხრა: „აჰა, მე, უფალო.“

11 უთხრა მას უფალმა: „ადექი და წადი ქუჩაზე, რომელსაც ჰქვია პირდაპირი და იუდას სახლში იკითხე ტარსუსელი კაცი, სახელად სავლე, აჰა, ლოცულობს იგი.“
საქ.22,3.

12 იხილა მან ჩვენებაში კაცი, სახელად ანანია, რომელიც მივიდა და ხელები დაასხა მას, რათა თვალი აეხილა.

13 მიუგო ანანიამ: „უფალო, ბევრისგან მსმენია ამ ადამიანზე, რაოდენი ბოროტება უყო შენს წმიდებს იერუსალიმში.“

14 აქაც მღვდელმთავრებისაგან აქვს ხელმწიფება შებორკოს ყველა, ვინც შენს სახელს ახსენებს.“

15 მაგრამ უფალმა უთხრა მას: „წადი, ვინაიდან ის არის ჩემი რჩეული ჭურჭელი, რათა ატაროს ჩემი სახელი წარმართთა, მეფეთა და ისრაელიანთა წინაშე.“
რომ.15,19. ეფეს.3,8. 1ტიმ.2,7.

16 ვაჩვენებ მას, რამდენი უნდა იტანჯოს ჩემი სახელის გულისთვის.“

17 წავიდა ანანია, შევიდა იმ სახლში, დაასხა მას ხელები და უთხრა: „ძმავო სავლე, უფალმა გამომგზავნა მე, იესომ, რომელიც გერგენა გზაზე, სადაც მიდიოდი, რომ თვალი აგეხილოს და აღივსო სულიწმიდით.“

18 და მაშინვე, თითქოს ქერცლი მოსძვრაო მის თვალებს, თვალები აეხილა, ადგა და მოინათლა.

სავლეს პირველი ქადაგება დამასკოში

19 მიიღო საქმელი და მომაგრდა. დამასკოში მყოფ მოწაფეებთან დაჰყო რამდენიმე დღე.

20 სასწრაფოდ დაიწყო სინაგოგებში ქადაგება იესოზე, რომ ის არის ძე ღვთისა.

21 ყველა მსმენელს უკვირდა და ამბობდა: „ნუთუ ეს ის კაცია, იერუსალიმში რომ სპობდა ამ სახელის მხმობელთ და აქაც იმისათვის მოვიდა, რომ შებორკილნი წაიყვანოს ისინი მღვდელმთავრებთან?“
საქ.8,3. გალ.1,3.23.

22 სავლე კი თანდათან სულ უფრო ძლიერდებოდა და განაცვიფრებდა დამასკოში მცხოვრებ იუდეველებს და ამტკიცებდა, რომ ეს არის ქრისტე.

23 მრავალი დღის შემდეგ, იუდეველები შეითქვნენ მის მოსაკლავად.

24 სავლემ გაიგო მათი შეთქმულების ამბავი. ისინი კი დღე-ღამე სდარაჯობდნენ კარიბჭესთან, რომ მოეკლათ იგი. 2კორ.11,32.

25 მოწაფეებმა ღამით აიყვანეს იგი და გალავნიდან ჩაუშვეს გოდრიით.

26 სავლე მივიდა იერუსალიმში და ცდილობდა მოწაფეებს შეერთებოდა, მაგრამ ყველას ეშინოდა მისი, არ სჯეროდათ, თუ მოწაფე იყო იგი.

27 ბარნაბამ წაიყვანა იგი, მიჰგვარა მოციქულებს და მოუთხრო მათ, თუ როგორ იხილა გზაში უფალი, რომელიც ელაპარაკა მას და როგორ გაბედულად ლაპარაკობდა იგი დამასკოში იესოს სახელით.

28 და დარჩა იგი მათთან. გამოდიოდა და შედიოდა იერუსალიმში და გაბედულად ლაპარაკობდა უფლის სახელით.

29 ლაპარაკობდა და ეპაექრებოდა აგრეთვე გაბერძნებულთ, ისინი კი მის მოკვლას ცდილობდნენ.

30 როცა შეიტყვეს ეს ძმებმა, წაიყვანეს იგი კესარიას და ტარსუსში გაგზავნეს.

პეტრე კურნავს ენეასს და აცოცხლებს ტაბითას

31 ხოლო ეკლესიას მთელ იუდეაში, გალილეასა და სამარიაში მშვიდობა ჰქონდა, შენდებოდა, ვიდოდა უფლის მოშიშობით და სულიწმიდის ნუგეშისცემით მრავლდებოდა.

32 ერთხელ, ყველა ადგილის შემოვლისას პეტრე მივიდა წმიდებთანაც, რომლებიც ლიდაში ცხოვრობდნენ.

33 იქ ნახა ერთი კაცი, სახელად ენეასი, რომელიც რვა წელიწადს დავრდომილი იწვა სარეცელზე.

34 უთხრა მას პეტრემ: „ენეას, გკურნავს შენ იესო ქრისტე. ადექ და დაიგე ლოგინი.“ და ის მაშინვე წამოდგა.

35 ხედავდა მას ყველა, ვინც ლიდასა და შარონში ცხოვრობდა, და მოიქცნენ ისინი უფლისაკენ.

36 ხოლო იაფოში იყო ერთი მოწაფე დედაკაცი, სახელად ტაბითა, რაც თარგმანით ნიშნავს ქურციკს. იგი სავსე იყო კეთილი საქმეებითა და მოწყალებით, რასაც იქმოდა.

37 იმ დღეებში იყო, რომ ავად გახდა იგი და მოკვდა. განბანეს და დაასვენეს ზედათვალში.

38 ვინაიდან ღიდა იაფოს ახლოს მდებარეობდა, მოწაფეებმა შეიტყეს პეტრე იქ არისო, და ორი კაცი გაუგზავნეს სათხოვნელად, რომ არ დაეყოვნებინა მათთან მისვლა.

39 ადგა პეტრე და წავიდა მათთან. როცა მივიდა, აიყვანეს ზედათვალში. მის წინაშე წარდგა ყველა ქვრივი. ისინი ტიროდნენ და უჩვენებდნენ მოსასხამებსა და სამოსელს, რომლებსაც ქურციკი უკეთებდა, სანამ მათთან იყო.

40 პეტრემ ყველა გარეთ გაისტუმრა, მუხლი მოიყარა და ილოცა, მოუტრიალდა გვამს და თქვა: „ტაბითა, აღდექ!“ მან აახილა თვალი და, პეტრე რომ დაინახა, წამოჯდა.

41 ხოლო მან ხელი გაუწოდა, წამოაყენა, დაუდახა წმიდებსა და ქვრივებს და ცოცხალი წარუდგინა იგი.

42 ეს ცნობილი გახდა მთელ იაფოში და მრავალმა იწამა უფალი.

43 მან მრავალი ხანი დაჰყო იაფოში ვინმე მეტყავე სიმონთან.

თ ა ვ ი 10

კორნელიოსის ჩვენება კესარიაში

1 კესარიაში იყო ერთი კაცი, სახელად კორნელიოსი, იტალიურად წოდებული კოჰორტის ასისტავი.

2 კეთილმსახური და ღვთისმოშიში იყო ის და მთელი მისი სახლი, ბევრ მოწყალეებას გასცემდა ხალხისათვის და ყოველთვის ლოცულობდა ღვთის წინაშე.

3 მეცხრე საათი იქნებოდა, ჩვენებაში ცხადად იხილა ღვთის ანგელოზი, რომელიც შევიდა მასთან და უთხრა: „კორნელიოს!“

4 შეხედა მას, შეეშინდა და უთხრა: „რა არის, უფალო?“ მან უთხრა: „შენი ლოცვანი და მოწყალეებანი ამაღლდა ღვთის წინაშე მოსახსენებლად.“

5 ახლა მიაგლინე კაცები იაფოში და დაუდახე ვინმე სიმონს, რომელიც პეტრედ იწოდება.

6 იგი სტუმრად არის ვინმე სიმონთან, რომლის სახლი ზღვის პირასა დგას.

საქ.9,43.

7 როცა წავიდა მასთან მოსაუბრე ანგელოზი, მან დაუდახა თავის ორ მსახურს და ერთ კეთილმსახურ მეომარს, რომელიც თან ახლდა,

8 უამბო მათ ყოველივე და გაგზავნა იაფოში.

პეტრეს ჩვენება

9 მეორე დღეს, როცა ისინი გზაში იყვნენ და ქალაქს უახლოვდებოდნენ, იქნებოდა ასე ექვსი საათი, რომ პეტრე ერდოზე ავიდა სალოცავად.

10 მოშვიდა და ჭამა მოუწდა. ვიდრე რამეს მოუმზადებდნენ, გარინდებამ მოიცვა იგი.

11 და იხილა გახსნილი ცა და გარდმომავალი რაღაც ჭურჭელი, დიდი ტილოს მსგავსი, რომელიც ოთხი კილით ეშვებოდა დედამიწაზე.

12 მასში იყო დედამიწის ყოველნაირი ოთხფეხი, ქვეწარმავალი და ცის ფრინველი.

ლევ. 11.23;20,25.

13 და იყო ხმა მის მიმართ: „ადექი, პეტრე, დაკალ და ჭამე.“

14 პეტრემ თქვა: „არა, უფალო, არასოდეს არაფერი მიჭამია ბიწიერი და უწმიდური.“

15 მეორედ კვლავ იყო მის მიმართ ხმა: „რაც ღმერთმა განწმიდა, ნუ მიიჩნევ ბიწიერად.“

მათ. 15.11. რომ. 14.14. 1ტიმ. 4.4. ტიტ. 1.15.

16 ასე მოხდა სამგზის და ჭურჭელი მყისვე ცისკენ ამაღლდა.

კორნელიოსის წარგზავნილები

17 როცა პეტრე გულში ფიქრობდა, თუ რა იყო ეს ჩვენება, რომელიც მან იხილა, აჰა, კორნელიოსის გამოგზავნილი კაცები კითხულობდნენ სიმონის სახლს და ჭიშკართან იდგნენ.

18 დაუძახეს და ჰკითხეს: „აქაა ბინად სიმონი, პეტრედ წოდებული?“

19 ვიდრე პეტრე ჩვენებაზე ფიქრობდა, სულმა უთხრა მას: „აგერ სამი კაცი გეძებს შენ.“

20 ადექი, ჩადი და გაჰყევი მათ. ნუ ყოყმანობ, ვინაიდან მე მოგავლინე ისინი.“

საქ. 15,7.

21 პეტრე ჩავიდა იმ კაცებთან და უთხრა: „მე ვარ, ვისაც თქვენ ეძებთ. რისთვის მოსულხართ?“

22 ხოლო მათ თქვეს: „ასისტავ კორნელიოსს, მართალს და ღვთისმოშიშ კაცს, რომელსაც ემოწმება იუდეველთა მთელი ერი, წმიდა ანგელოზისგან ებრძანა, მოგიხმოს თავის სახლში და მოისმინოს შენი სიტყვები.“

23 მაშინ პეტრემ მიიწვია ისინი და გაუმასპინძლდა. მეორე დღეს კი ადგა და გაჰყვა მათ და ზოგიერთი იაფოელი ძმაც თან ახლდა.

საქ. 11,12.

24 მეორე დღეს შევიდნენ კესარიაში. კორნელიოსი კი ელოდა მათ, შემოეკრიბა თავისი ნათესავები და ახლო მეგობრები.

25 პეტრე რომ შედიოდა, კორნელიოსი შეეგება, ფეხებში ჩაუვარდა და თაყვანი სცა.

26 პეტრემ კი წამოაყენა და უთხრა: „ადექი, მეც ადამიანი ვარ.“

საქ. 14,15. გამოცხ. 19,10;22,9.

27 მასთან საუბრით შევიდა და მრავალი შეკრებილი ჰპოვა იქ,

28 და უთხრა მათ: „თქვენ უწყით, რომ იუდეველ კაცს ეკრძალება ურთიერთობა და დაახლოება უცხოტომელთან. მაგრამ

მე მიჩვენა ღმერთმა, რომ არც ერთი ადამიანისთვის არ მეწოდებინა ბიწიერი ან უწმიდური.

მათ.9,11. იოან.4,9.

29 ამიტომ, როცა მომიხმეს, უსიტყვოდ მოვედი. ამიტომ გეკითხებით: რა საქმეზე დამიძახეთ?“

30 კორნელიოსმა თქვა: „ოთხი დღის წინ ამ საათამდე ვმარხულობდი, მეცხრე საათზე ჩემს სახლში გლოცულობდი და, აჰა, ჩემს წინაშე დადგა კაცი ელვარე სამოსით.

31 მითხრა: ‘კორნელიოს, შესმენილია შენი ლოცვა და შენი მოწყალეხანი მოხსენებულია ღვთის წინაშე.

32 ამიტომ გაგზავნე იაფოში და დაუძახე სიმონს, რომელიც პეტრედ იწოდება: მეტყავე სიმონის სახლში დგას ზღვის პირას.

33 მაშინვე გამოგზავნე შენთან და კარგად მოიქეცი, რომ მოხვედი. ახლა ჩვენ ყველანი ვდგავართ ღვთის წინაშე, რომ მოვისმინოთ ყოველივე, რაც უფლისაგან გაქვს ნაბრძანები.“

პეტრეს ქადაგება კორნელიოსის სახლში

34 პეტრემ გახსნა ბაგე და უთხრა: „ჭეშმარიტად ვრწმუნდები, რომ ღმერთი მიკერძოებული არ არის,

2შჯ.10,17. 2წმტ.19,7. იოზ.34,19, 1პეტ.1,17. რომ.2,11. ეფეს.6,9.

35 არამედ ყოველ ხალხში მისი მოშიში და სიმათლის მოქმედი სათნოა მისთვის.

36 მან მოუვლინა ისრაელიანებს მშვიდობის მაცნე სიტყვა, იესო ქრისტეს მეშვეობით: ის არის ყოველთა უფალი.

ეფეს.2,17. ფილ.2,11.

37 თქვენ იცით, რა მოხდა მთელ იუდეაში, გალილეიდან დაწყებული, იმ ნათლისღების შემდეგ, რომელსაც ქადაგებდა იოანე.

ლუკ.4,14.

38 როგორ სცხო ღმერთმა სულიწმიდით და ძალით იესო ნაზარეველს. დადიოდა, ქველმოქმედებდა და კურნავდა ყველას, ეშმაკისაგან შეპყრობილებს, ვინაიდან ღმერთი იყო მასთან.

ფსალ.44,8. ლუკ.4,18.

39 ჩვენ ყველაფრის მოწმენი ვართ, რაც მან გააკეთა იუდეის ქვეყანაში და იერუსალიმში, და რომ ბოლოს იგი მოკლეს ძელზე დაკიდებით.

საქ.5,32;13,31.

40 იგი ღმერთმა აღადგინა მესამე დღეს და გამოაცხადებინა თავი.

საქ.2,24.

41 არა მთელ ხალხისთვის, არამედ ღვთის მიერ წინასწარ ამორჩეულ მოწაფეთათვის, ჩვენთვის, რომლებიც მასთან ერთად ვჰამდით და ვსვამდით მისი მკვდრეთით აღდგომის შემდეგ.

მათ.28,7. ლუკ.24,30. საქ.13,31.

42 გვიბრძანა, ვუქადაგოთ ხალხს და ვუმოწმოთ, რომ ის არის ღვთისგან დანიშნული ცოცხალთა და მკვდართა მსაჯულად.

43 მასზე ყველა წინასწარმეტყველი ამოწმებს, რომ ყოველი მისი

მორწმუნე მისი სახელით მიიღებს ცოდვების მიტევებას.

ეს.53.5. იერ.31.34. დან.9.24. მიქ.7.18. ზაქ.13.1. საქ.15.9.

სულიწმიდის მოფენა წარმართებზე

44 პეტრე ჯერ კიდევ ლაპარაკობდა ამ სიტყვას, რომ სულიწმიდა გადმოვიდა ყველაზე, ვისაც ესმოდა ეს სიტყვა.

45 მორწმუნენი წინადაცვეთილთაგან, რომლებიც პეტრეს მოჰყვნენ, გაოცდნენ, რომ სულიწმიდის ნიჭი წარმართებსაც მოეფინათ,

46 რადგან ესმოდათ, რომ ლაპარაკობდნენ ენებზე და ადიდებდნენ ღმერთს. მაშინ მიუგო პეტრემ: მარ.16.17.

47 „ვის შეუძლია წყლით ნათლისღება დაუკავოს იმათ, ვინც ჩვენსავით მიიღეს სულიწმიდა?“ საქ.15.8.

48 და უბრძანა მათ, მონათლულიყვნენ იესო ქრისტეს სახელით. მაშინ სთხოვეს მას, რამდენიმე დღეს დარჩენილიყო მათთან.

თ ა ვ ი 11

წინადაცვეთილები საყვედურობენ პეტრეს იერუსალიმში

1 მოციქულებმა და ძმებმა, რომლებიც იუდეაში იყვნენ, გაიგეს, რომ წარმართებმაც მიიღეს ღვთის სიტყვა. საქ.10.44.

2 და როცა პეტრე ავიდა იერუსალიმში, წინადაცვეთილები საყვედურობდნენ მას

3 და ეუბნებოდნენ: წინადაუცვეთელ ხალხთან შეხვედი და მათთან ერთად ჭამეო.

4 ხოლო პეტრემ დაუწყო მათ განმარტება თანამიმდევრულად, როგორც მოხდა, და თქვა:

5 „მე ვიყავი ქალაქ იაფოში, ვლოცულობდი და გარინდებაში ვიხილე ჩვენება: გარდმომავალი რალაც ჭურჭელი, დიდი ტილოს მსგავსი, ოთხი კიდით ეშვებოდა ზეციდან, და ჩემამდე დაეშვა.

6 შევხედე მას, დავაკვირდი და დავინახე შიგ დედამიწის ოთხფეხნი, მხეცნი, ქვეწარმავალნი და ცის ფრინველნი.

7 და მომესმა ხმა, რომელმაც მითხრა: 'ადექი, პეტრე, დაკალი და ჭამე!'

8 მე კი ვთქვი: 'არა, უფალო! რადგან ჩემს პირში არასოდეს არაფერი ჩასულა ბიწიერი და უწმიდური.'

9 და მეორედ მომიგო ზეციდან: 'რაც ღმერთმა განწმიდა, ნუ მიიჩნევ ბიწიერად.'

10 ეს მოხდა სამჯერ, და ყველაფერი ისევ ზეცად ამაღლდა.

11 და აჰა, მაშინვე კესარიიდან ჩემთან გამოგზავნილი სამი კაცი მოადგა იმ სახლის ჭიშკარს, სადაც მე ვიყავი.

12 მითხრა სულმა, რომ უყოყმანოდ გავყოლოდი მათ. წამომყვა ეს ექვსი ძმა და შევედით იმ კაცის სახლში. საქ.10.20:15,7.

13 მან გვიამბო, როგორ იხილა თავის სახლში მდგომარე ანგელოზი, რომელმაც უთხრა: გაგზავნე იაფოში და მოუხმე სიმონს, პეტრედ წოდებულს.

14 ის გეტყვის სიტყვებს, რომლითაც გადარჩები შენ და მთელი შენი სახლი.

15 როდესაც ლაპარაკი დავიწყე, სულიწმიდა გადმოვიდა მათზე, ისევე როგორც ჩვენზე თავდაპირველად. საქ.2,2.

16 მაშინ გამახსენდა უფლის სიტყვა, როგორ ამბობდა: იოანე წყლით ნათლავდა, თქვენ კი სულიწმიდით მოინათლებითო.

მათ.3,11. მარ.1,8. საქ.1,5;19,4.

17 თუკი ღმერთმა ისეთივე ნიჭი მისცა მათ, როგორც ჩვენ, რომელთაც ვირწმუნეთ უფალი იესო ქრისტე, მე ვინ ვიყავი, რომ შემძლებოდა წინ აღვდგომოდი ღმერთს.

18 ეს რომ მოისმინეს, დადუმდნენ. ღმერთს აღიღებდნენ და ამბობდნენ: აჰა, წარმართებსაც მისცა ღმერთმა მონანიება სასიცოცხლოდო.

მოწაფეებს პირველად ეწოდათ ქრისტიანები

19 ხოლო დათანტულები დევნისაგან, სტეფანეს გამო რომ მოხდა, მივიდნენ თინიაკამდე, კვიპროსამდე და ანტიოქიამდე, და ებრაელების გარდა არავის ეუბნებოდნენ სიტყვას. საქ.8,1.

20 ზოგიერთი კვიპროსელნი და კვირენელნი იყვნენ, რომლებიც ანტიოქიაში მისვლისას ელაპარაკებოდნენ ბერძნებსაც და ახარებდნენ უფალ იესოს.

21 უფლის ხელი იყო მათთან, ძალიან ბევრმა ირწმუნა და მოიქცა უფლისაკენ. საქ.5,14.

22 ამ ამბავმა იერუსალიმში მყოფი ეკლესიის ყურამდე მიაღწია და მიაგლინეს ბარნაბა ანტიოქიაში.

23 როდესაც მივიდა და იხილა ღვთის მადლი, გაიხარა და ყველას შეაგონებდა, წრფელი გულით დამკვიდრებულიყვნენ უფალში. საქ.14,22.

24 ვინაიდან იგი კეთილი კაცი იყო, სულიწმიდითა და რწმენით აღსავსე. და მრავალი ხალხი შეემატა უფალს.

25 წავიდა ტარსუსში სავლეს საძებნელად. როგორც კი ნახა იგი, ანტიოქიაში მოიყვანა. საქ.9,30.

26 ასე, მთელ წელიწადს იკრიბებოდნენ ისინი ეკლესიაში, ასწავლიდნენ დიდძალ ხალხს. ასე პირველად ანტიოქიაში ეწოდათ მოწაფეებს ქრისტიანები.

27 იმ დღეებში მოვიდნენ მქადაგებელნი იერუსალიმიდან ანტიოქიაში. საქ.13,1;15,32.

28 წამოადგა ერთი მათგანი, სახელად აგაბოსი, გამოაცხადა სულით, რომ დიდი შიმშილობა ჩამოვარდებოდა მთელ ქვეყნებზე, რაც ახდა კიდეც კლავდიუსის დროს. საქ.21,10.

29 ხოლო მათ გადაწყვიტეს, რომ მოწაფეებს, თითოეულს

თავისი შეძლებისამებრ, დახმარება გაეგზავნათ ძმებისათვის, რომლებიც იუდეაში იმყოფებოდნენ. საქ.24,17.

30 ასეც მოიქცნენ, და გაუგზავნეს უხუცესებს ბარნაბასა და სავლეს ხელით. რომ.15,25. 2კორ.8,4;9,8.

თ ა ვ ი 12

მეფე ჰეროდემ მოკლა იაკობი და პეტრე ციხეში ჩასვა

1 იმ დროს მეფე ჰეროდემ ხელი აღმართა ეკლესიის ზოგიერთ წევრზე, საბოროტოდ

2 და მახვილით მოაკვლევინა იაკობი, იოანეს ძმა. მათ.20,23.

3 რაკი დაინახა, რომ ამით ასიამოვნა იუდეველებს, დააპატიმრა პეტრეც. უფუარობის დღეები იყო.

4 როგორც კი შეიპყრო, ჩასვა იგი საპყრობილეში და უბრძანა მისი დარაჯობა ჯარისკაცთა ოთხ ოთხეულს. განზრახული ჰქონდა, რომ პასექის შემდეგ გამოეყვანა ხალხის წინაშე.

5 დარაჯობდნენ პეტრეს საპყრობილეში, ეკლესია კი გულმხურვალედ ევედრებოდა ღმერთს მისთვის.

პეტრეს განთავისუფლება ანგელოზის მიერ

6 როცა ჰეროდემ დააპირა მისი გამოყვანა, იმ ღამეს პეტრეს ორ ჯარისკაცს შორის ეძინა ორმაგი ბორკილით შეკრულს, კართან მდგარი მცველები კი დარაჯობდნენ საპყრობილეს.

7 და, აჰა, უფლის ანგელოზი წარდგა და ნათელი გაბრწყინდა შენობაში. გვერდში წაჰკრა პეტრეს, გააღვიძა და უთხრა: „ადექი ჩქარა!“ და ბორკილები დასცვივდა ხელებიდან.

8 უთხრა მას ანგელოზმა: „სარტყელი შემოირტყი და ჩაიცვი სანდლები.“ ასეც მოიქცა. უთხრა მას: „მოიცვი შენი მოსასხამი და გამომყევი.“

9 გავიდა და გაჰყვა მას. არ იცოდა, რომ ის, რასაც ანგელოზი იქმოდა, ცხადი იყო. არამედ ფიქრობდა, რომ ჩვენებას ხედავდა.

10 პირველ და მეორე საგუშაგოს რომ გასცდნენ, მიუახლოვდნენ ქალაქში შესასვლელ დარკინულ კარიბჭეს, რომელიც თავისით გაიღო მათ წინაშე. გავიდნენ და გაიარეს ერთი ქუჩა და ანგელოზი მაშინვე განშორდა მას.

11 გონს რომ მოეგო, თქვა პეტრემ: „ახლა ჭეშმარიტად ვიცი, რომ უფალმა გამოგზავნა თავისი ანგელოზი და დამიხსნა ჰეროდეს ხელიდან და ყოველივესაგან, რასაც იუდეველი ხალხი ელოდა.“

12 ამ ფიქრებით მიაღწა მარკოზად წოდებული იოანეს დედის, მარიამის სახლს, სადაც მრავალნი შეკრებილიყვნენ და ლოცულობდნენ.

13 ჭიშკარზე რომ დააკაკუნა პეტრემ, ერთი მოახლე სახელად როდე, კარის გასაღებად გამოვიდა.

14 როგორც კი იცნო პეტრეს ხმა, ისე გაუხარდა, რომ ჭიშკარიც არ გაუღია, შინ შევარდა და შეატყობინა, რომ პეტრე იდგა ჭიშკართან.

15 მათ უთხრეს მას: „შეიშალე?“ ის კი ამტკიცებდა თავისას. ხოლო მათ თქვეს: ეს მისი ანგელოზი იქნებაო. ღაბ.48,16. მათ.18,10.

16 პეტრე კი განაგრძობდა კაკუნს. როცა გაუღეს, დაინახეს და სახტად დარჩნენ.

17 ხელით ანიშნა, რომ გაჩუმებულიყვნენ და უამბო მათ, როგორ გამოიყვანა უფალმა საპყრობილედან, და თქვა: „შეატყობინეთ ეს იაკობსა და ძმებს.“ მერე გავიდა და სხვაგან წავიდა.

18 გამთენიისას ჯარისკაცებს შორის დიდი განგაში ატყდა იმის გამო, თუ რა იქნა პეტრე.

19 ჰეროდე კი ეძებდა მას და ვერ მიაგნო. მაშინ დაკითხა მცველები და ბრძანა მათი წაყვანა დასახოცად. მერე იუდეიდან კესარიასი ჩავიდა და იქ დარჩა.

ჰეროდეს სიკვდილი

20 ჰეროდე გულმოსული იყო ტვირელებსა და სიდონელებზე. ისინი კი ერთსულოვნად მივიდნენ მასთან, მიიმხრეს ბლასტონი, მეფის მესაწოლე, და ითხოვდნენ მშვიდობას, ვინაიდან მათი ქვეყანა ჰეროდეს სამეფოდან საზრდოობდა. 3მფ.5,1,9.

21 დაწესებულ დღეს ჰეროდემ ჩაიცვა სამეფო შესამოსელი, დაჯდა ტახტზე და მიმართა მათ.

22 ხალხი კი ღაღადებდა: „ღვთის ხმაა და არა კაცისა.“

23 მაგრამ უცბად უფლის ანგელოზმა დასცა იგი, რადგან არ მიაგო დიდება ღმერთს, და მატლებისგან შეჰმულმა სული განუტევა.

24 უფლის სიტყვა კი იზრდებოდა და ვრცელდებოდა.

ეს.55,11. საქ.6,7. კოლ.1,6.

25 ბარნაბამ და სავლემ გაასრულეს თავიანთი სამსახური და გამობრუნდნენ იერუსალიმიდან. თან წამოიყვანეს იოანეც, მარკოზად წოდებული. საქ.11,30;13,5.

თ ა ვ ი 13

ბარნაბასა და სავლეს გამოყოფა ანტიოქიაში

1 ანტიოქიაში, იქაურ ეკლესიაში იყვნენ წინასწარმეტყველნი და მოძღვარნი: ბარნაბა და სიმონი, რომელსაც ნიგერი ერქვა, ლუკიოს კვირენელი და მანაინი – ტეტრარქის, ჰეროდეს ძუძუმტე, და სავლე. საქ.11,27.

2 ისინი რომ უფალს ემსახურებოდნენ და მარხულობდნენ, სულიწმიდამ უთხრა: „გამომიყავით ბარნაბა და სავლე იმ საქმეზე, რაზეც მათ მოვუწოდე.“ საქ.9.15. რომ.1.1. გალ.1.15. 1ტიმ.2.7.

3 მაშინ იმარხულეს, ილოცეს, ხელები დაასხეს მათ და გაუშვეს. საქ.6.6.

ქადაგება კვიპროსზე

4 ამრიგად, სულიწმიდის მიერ მივლინებულნი ჩავიდნენ ისინი სელევკიაში და იქიდან გასცურეს კვიპროსზე.

5 სალამისში ყოფნისას ღვთის სიტყვას ქადაგებდნენ იუდეველთა სინაგოგებში. იოანეც თან ჰყავდათ შემწედ. საქ.12.25.

6 როცა მთელი კუნძული მოიარეს პაფოსამდე, ნახეს ერთი კაცი, გრძნეული, ცრუ წინასწარმეტყველი, იუდეველი, სახელად ბარიესუსი,

7 რომელიც იყო პროკონსულ სერგის-პავლესთან, გონიერ კაცთან. მან მოუხმო ბარნაბას და სავლეს, სურდა მოესმინა ღვთის სიტყვა.

8 მაგრამ წინაღუდგა მათ ელიმას მოგვი, ვინაიდან ასე ითარგმნება მისი სახელი, და ცდილობდა რწმენისაგან გადაეცდინა პროკონსული. საქ.8.9. 2ტიმ.3.8.

9 ხოლო სავლე, იგივე პავლე, აივსო სულიწმიდით, მიაპყრო მას ეზერა

10 და უთხრა: „ჰოი, ყოველგვარი მზაკვრობითა და ყოველგვარი სიბოროტით აღვსილო, ეშმაკის ძეო და ყოველივე მართლის მტერო, მოეშვები თუ არა უფლის სწორი გზების გამრუდებას?“

მათ.13,38. იოან.8.44. 1იოან.3.8.

11 აჰა, შენზეა ახლა უფლის ხელი: შენ დაბრმავდები და დრომდე ველარ დაინახავ მზეს.“ და მყისვე დაატყდა მას წყვდიადი და სიბნელე, აქეთ-იქით აწყდებოდა და ეძებდა გამძლოლს.

12 მაშინ, როცა დაინახა პროკონსულმა, რაც მოხდა, ირწმუნა, უფლის მოძღვრებით განცვიფრებულმა.

პერგას გავლით პისიდიის ანტიოქიაში

13 პაფოდან რომ წავიდნენ, პავლე და მასთან მყოფნი პამფილიის პერგეში მივიდნენ, ხოლო იოანე ჩამოშორდა მათ და იერუსალიმში დაბრუნდა.

14 ისინი კი პერგას გავლით მივიდნენ პისიდიის ანტიოქიაში, სინაგოგაში შევიდნენ შაბათ დღეს და დასხდნენ.

15 რჯულისა და წინასწარმეტყველთა კითხვის შემდეგ სინაგოგის უფროსებმა მიუგზავნეს მათ და უთხრეს: „კაცნო, ძმანო, თუ რამე შეგონების სიტყვა გაქვთ ამ ხალხისათვის სათქმელი, თქვით.“ საქ.15.38.

პავლეს სიტყვა ანტიოქიაში

16 პავლე ადგა, ხელით ანიშნა და თქვა: „კაცნო ისრაელიანნო და ღვთის მოშიშნო, ისმინეთ!“

17 ამ ხალხის, ისრაელის ღმერთმა ამოარჩია ჩვენი მამები და აღამაღლა ეს ხალხი ეგვიპტის მიწაზე ყოფნისას, და მაღალი მკლავით გამოიყვანა იქიდან. გამოს.1,1;13,16.

18 და ასაზრდოებდა მათ უდაბნოში ორმოციოდე წელიწადს. გამოს.16,35.

19 მოსპო შვიდი ერი ქანაანის ქვეყანაში და მათ მისცა სამკვიდროდ მათი ქვეყანა. ისუ.6,3,10.

20 ამის შემდეგ, ასე ოთხას ორმოცდაათ წელიწადს აძლევდა მათ მსაჯულებს წინასწარმეტყველ სამუელამდე. 2მსჯ.2,16.

21 მერე მოითხოვეს მეფე და მისცა მათ ღმერთმა საული, კიშის ძე, კაცი ბენიამინის ტომიდან, ორმოცი წლის მანძილზე. 1მფ.8,5;9,16.

22 მისი გადაყენების შემდეგ, მეფედ დაუყენა მათ დავითი, რომლის შესახებ თქვა დამოწმებით: ‘ვპოვე დავითი, ძე იესესი, ჩემი გულის სანდომი კაცი, რომელიც შეასრულებს ყველა ჩემს ნება-სურვილს.’ 1მფ.13,14. ფსალ.88,21.

23 მისი შთამომავლობისაგან ღმერთმა აღთქმისამებრ აღუდგინა ისრაელს მაცხოვარი იესო. 2მფ.7,12. ფსალ.131,11. ეს.11,1.

24 სწორედ მისი გამოცხადების წინ იოანე უქადაგებდა მთელ ისრაელის ხალხს მონანიების ნათლისღებას. მათ.3,1.

25 თავისი სარბიელის დასასრულს იოანე ამბობდა: ‘ვინ გგონივართ მე? მე არა ვარ, არამედ, აჰა, მოდის ჩემს შემდეგ ის, ვის ფეხებზე სანდლის შეხსნის ღირსიც არა ვარ.’ იოან.1,20;3,28.

26 კაცნო ძმანო, აბრაამის მოდგმის ძენო და თქვენს შორის ღვთისმოშიშნო! თქვენ მოგვევლინათ ხსნის სიტყვა. მათ.10,6.

27 ვინაიდან იერუსალიმის მკვიდრებმა და მათმა მთავრებმა არ იცნეს იგი, დასაჯეს და ამით შეასრულეს წინასწარმეტყველთა სიტყვები, რომლებიც ყოველ შაბათს იკითხება. ლუკ.24,27. 1კორ.2,8.

28 და რაკი ვერავითარი სასიკვდილო ბრალდება ვერ მოუწახეს, პილატეს სთხოვეს მისი მოკვლა. მათ.27,20. ლუკ.23,23. საქ.3,14.

29 როცა აღსრულდა ყოველივე მასზე დაწერილი, ჩამოხსნეს ძელიდან და დაასვენეს სამარხში.

30 ხოლო ღმერთმა მკვდრეთით აღადგინა იგი. მათ.28,6. მარ.16,6.

31 მრავალი დღის განმავლობაში ეჩვენებოდა მათ, რომლებიც მასთან ერთად გამოვიდნენ გალილეიდან იერუსალიმში და რომლებიც ახლა მისი მოწამენი არიან ხალხის წინაშე. იოანე.20,19.

32 და ჩვენ გახარებთ, რომ აღთქმა, რომელიც მამებს მისცა, ღმერთმა ჩვენ, მათ შვილებს, შეგვისრულა და აღგვიდგინა იესო. დაბ.22,18. 2მფ.7,12. ეს.4,2. დან.9,24.

33 როგორც მეორე ფსალმუნში წერია: 'ჩემი ძე ხარ, დღეს გშობე შენ.'
ფსალ.2,7. ებრ.1,5.

34 ხოლო რაკი მან აღადგინა მკვდრებით, რათა ის აღარასოდეს დაბრუნებოდა ხრწნილებას, ეს ასე თქვა: 'მე მოგცემთ თქვენ სიწმიდეს, დავითისთვის აღთქმულს.'
ეს.55,3.

35 ამიტომ სხვაგანაც ამბობს: 'ხრწნილებას არ ახილვინებ შენს წმიდას.'
ფსალ.15,10. საქ.2,31.

36 დავითმა, რომელიც მსახურებდა თავის თაობაში, ღვთის რჩევით განისვენა, შეერთო თავის მამებს და იხილა ხრწნილება.

3მფ.2.10. საქ.2,29.

37 ხოლო მან, ვინც ღმერთმა აღადგინა, არ იხილა ხრწნილება.

საქ.2,31.

38 ცნობილი იყოს თქვენთვის, კაცნო ძმანო, რომ მისით ცოდვების მიტეგება გეუწყებათ.

ეს.53,12. იერ.31,34. ლუკ.24,47.

39 ყოველივესგან, რისგანაც მოსეს რჯულით ვერ შესძელით გამართლება, მასში მართლდება ყველა მორწმუნე.

რომ.3,20.

40 გაფრთხილდით, რომ არ გეწიოთ წინასწარმეტყველთა მიერ თქმული:

41 'იხილეთ, მოძულენო, განცვიფრდით და გაუჩინარდით, რადგან ისეთ საქმეს მოვიმოქმედებ თქვენს დღეებში, რომელსაც არ დაიჯერებდით, ვინმეს რომ მოეთხრო თქვენთვის.'
ამბ.1,5.

42 იუდეველთა სინაგოგიდან გამოსვლისას ხალხი ევედრებოდა მათ, რომ მომავალ შაბათსაც ელაპარაკნა მათთვის ეს სიტყვები

43 და როცა კრებული დაიშალა, ბევრი იუდეველთაგანი და ღვთისმოსავი რჯულშეცვლილი მისდევდა პავლეს და ბარნაბას ისინი ესაუბრებოდნენ და არწმუნებდნენ, რომ დარჩენილიყვნენ ღვთის მადლში.

საქ.11,23.

44 მეორე შაბათს თითქმის მთელმა ქალაქმა მოიყარა თავი ღვთის სიტყვის მოსასმენად.

45 იუდეველებმა რომ ამდენი ხალხი დაინახეს, შურით აღი-
ვსნენ, და შეურაცხყოფით უარყოფდნენ იმას, რასაც პავლე
ლაპარაკობდა.

იუდეველები ეწინააღმდეგებიან პავლეს

46 მაშინ ბარნაბამ და პავლემ გაბედულად თქვეს: „პირველად თქვენთვის უნდა თქმულიყო ღვთის სიტყვა, მაგრამ ვინაიდან უარყოფთ მას და თქვენ თვითონვე საუკუნო სიცოცხლის უღირსად მიგაჩნიათ თავი, მაშინ ჩვენ წარმართებს მივმართავთ.

2შჯ.32,21. საქ.3,26;4,29;18,6.

47 ვინაიდან ასე გვიბრძანა ჩვენ უფალმა: 'მე დაგაყენე წარმართთა ნათლად, რომ იყო ხსნად ქვეყნის კიდემდე.'

ეს.42,6;49,6. ლუკ.2,32.

48 ეს რომ ესმოდათ, წარმართები ხარობდნენ და აღიდებდნენ უფლის სიტყვას, და ყველამ ირწმუნა, ვინც საუკუნო სიცოცხლისათვის იყო განწესებული.

49 მთელ ქვეყანაში გრცელდებოდა უფლის სიტყვა.

50 ხოლო იუდეველებმა წააქეზეს ღვთისმოსავი და წარჩინებული ქალები და ქალაქის მთავარნი, იწყეს პავლესა და ბარნაბას დევნა და გააძევეს ისინი თავიანთი საზღვრებიდან.

2ტიმ.3,11.

51 მათ კი დაიბერტყეს ფეხის მტვერი და მივიდნენ იკონიაში.

მათ.10,14. მარ.6,11. ლუკ.9,5.

52 ხოლო მოწაფეები აღივსნენ სიხარულითა და სულიწმიდით.

თ ა ვ ი 14

სამსახურის გაგრძელება იკონიაში

1 იკონიაში ისინი ერთად შევიდნენ იუდეველთა სინაგოგაში და ისე ილაპარაკეს, რომ უამრავმა იუდეველმა და ბერძენმა ირწმუნა.

2 ხოლო ურჩმა იუდეველებმა გააღიზიანეს და გააბოროტეს წარმართთა სულები ძმების წინააღმდეგ.

3 თუმცა ისინი საკმაოდ დიდ ხანს გაბედულად აგრძელებდნენ ლაპარაკს უფალზე, რომელიც თავისი მადლის სიტყვის დასამოწმებლად მათი ხელით იძლეოდა ნიშნებსა და სასწაულებს.

მარ.16,20.

4 მაშინ გაიყო ქალაქის ხალხი: ერთნი იუდეველებს მიემხრნენ, სხვანი კი მოციქულებს.

5 როცა იუდეველები და წარმართები თავიანთ მთავრებთან ერთად ცდილობდნენ, რომ შეურაცხეყოთ და ჩაექოლათ ისინი,

6 მათ შეიტყეს და გაიქცნენ ლუკაონიის ქალაქებში – ლისტრასა და დერბეში, მათ შემოგარენში

მათ.10,23.

7 და ახარებდნენ იქ.

მოციქულებისათვის მსხვერპლის შეწირვის ცდა

8 ლისტრაში იჯდა ერთი კაცი, ფეხებმოწყვეტილი, დედის მუცლიდანვე დაგრდომილს არასოდეს გაეგლო.

9 იგი ისმენდა პავლეს საუბარს, რომელმაც შეხედა მას და დაინახა, რომ მას ჰქონდა განკურნების რწმენა.

10 უთხრა მას ხმამაღლა: „შენ გეუბნები უფლის, იესო ქრისტეს სახელით: წამოდექ ფეხზე და გაიმართე!“ ისიც წამოხტა და იწყო სიარული.

ეს.35,6.

11 ხალხმა რომ დაინახა, თუ რა მოიმოქმედა პავლემ, ხმა აღიმალა და ლაკაონურად თქვა: ადამიანებს დამსგავსებული ღმერთები ჩვენთან ჩამოვიდნენო,

12 და უწოდეს ბარნაბას ზევსი და პავლეს – ჰერმესი, ვინაიდან პავლე უფროსობდა სიტყვაში.

13 ხოლო ქურუმმა ზევსის ტაძრისა, რომელიც იმ ქალაქის

წინ იყო, ჭიშკართან მორეკა ხარები და მოიტანა გვირგვინები და აპირებდა ხალხთან ერთად მსხვერპლის შეწირვას.

14 მოციქულებმა – ბარნაბამ და პავლემ ეს რომ გაიგონეს, ტანისამოსი შემოიხიეს, ხალხში შეცვივდნენ, შეჰყვირეს და თქვეს:

15 „კაცნო, ამას რას სჩადიხართ? ჩვენც თქვენი მსგავსი ადამიანები ვართ და გახარებთ, რომ ამ ამაოებისაგან მოიქცეთ ცოცხალი ღვთისაგან, რომელმაც შექმნა ცა და მიწა, ზღვა და ყოველი, და რაც მათ წიაღშია;

დაბ.1,1. ფსალ.145,6. ამოს.2,4. საქ.10,26. გამოცხ.14,77

16 რომელმაც წარსულ თაობებში ნება მისცა, ყველა ერს თავისი გზებით ევლო,

17 თუმცა ყოველთვის მოწმობდა თავის თავზე, ზეციდან გვაძლევდა წვიმას და ნაყოფის მომცემ დროებს, საზრდოთი და სიხარულით გვივსებდა გულებს.“

ფსალ.64.10. მათ.5,45. რომ.1,19-20.

18 ამას რომ ლაპარაკობდნენ, ძლივს შეაკავეს ხალხი, რომ მსხვერპლი არ შეეწირათ მათთვის.

პავლეს ქვებს უშენენ

19 მაგრამ ანტიოქიიდან და იკონიიდან მოვიდნენ იუდეველნი, დაარწმუნეს ხალხი და ქვებით ჩაქოლეს პავლე და ქალაქგარეთ გაათრიეს. მკვდარი ეგონათ.

2კორ.11,25

20 მაგრამ, როცა მოწაფეები გარს შემოეხვივნენ, წამოდგა და შევიდა ქალაქში. მეორე დღეს კი ბარნაბასთან ერთად დერბეში წავიდა.

მოციქულები ბრუნდებიან ანტიოქიაში

21 სახარებას უქადაგებდნენ ამ ქალაქს, მრავალი დაიმოწაფეს და დაბრუნდნენ ლისტრას, იკონიას და ანტიოქიას.

22 ამხნევებდნენ მოწაფეთა სულებს და შეაგონებდნენ, მტკიცედ მდგარიყვნენ რწმენაში, გინაიდან მრავალი ჭირით გვმართებსო ღვთის სასუფეველში შესვლა.

ფსალ.33,20. მათ.7,14. ლუკ.13,24. 2ტიმ.3,12. გამოცხ.14,12

23 ხელდასხმით უკურთხეს მათ თითოეულ ეკლესიაში ხუცესები და ლოცვითა და მარხვით შეავედრეს ისინი უფალს, რომელიც ირწმუნეს.

24 შემდეგ გაიარეს პისიდია და მივიდნენ პამფილიაში.

25 პერგაში იქადაგეს სიტყვა და ჩავიდნენ იტალიაში.

26 იქიდან გასცურეს ანტიოქიას, საიდანაც მიეცათ ღვთის მადლი საქმისათვის, რომელიც შეასრულეს კიდეც.

საქ.13,2.

27 რომ მოვიდნენ, შეკრიბეს ეკლესია და უამბეს, რაც გაუკეთა მათ ღმერთმა და როგორ გაუხსნა რწმენის კარი წარმართებს.

28 კარგა ხანს დარჩნენ მოწაფეებთან.

თ ა ვ ი 15

პავლე და ბარნაბა იერუსალიმში

1 ჩამოვიდნენ ზოგიერთები იუდეიდან და ასწავლიდნენ ძმებს: თუ წინადაცვეთას არ მიიღებთ მოსეს წესით, ვერ გადა-
რჩებითო. გალ.2,3-4;5,2. ფილ.3,3.

2 როდესაც პავლეს და ბარნაბას უთანხმოება და დიდი დავა მოუხდათ მათთან, გადაწყვიტეს, პავლე, ბარნაბა და ზოგიერთი სხვა მათგანი ამ საკითხის გამო ასულიყვნენ იერუსალიმში მოციქულებთან და ხუცესებთან.

3 ეკლესიამ მიაგლინა ისინი და, ფინიკიასა და სამარიაში გავლისას, უამბობდნენ წარმართთა მოქცევაზე, და ყველა ძმათაგანს დიდ სიხარულს ანიჭებდნენ.

4 იერუსალიმში რომ მივიდნენ, ისინი მიიღეს ეკლესიამ, მოციქულებმა და უხუცესებმა, და აუწყეს მათი ხელით რამდენი რამ მოიმოქმედა ღმერთმა.

5 მაშინ წამოდგნენ ზოგიერთნი, მორწმუნენი ფარისეველთა მწვალებლობიდან და თქვეს, რომ საჭიროა მათი წინადაცვეთა და მცნებად დადება, რომ დაიცვან მოსეს რჯული.

პეტრეს და იაკობის დასტური წარმართთა შესახებ

6 მოციქულები და უხუცესები შეიკრიბნენ ამ საქმის გასარჩევად.

7 ხანგრძლივი მსჯელობის შემდეგ პეტრე ადგა და უთხრა მათ: „კაცნო ძმანო, თქვენ იცით, რომ ღმერთმა პირველი დღეებიდანვე ამომირჩია თქვენ შორის, რათა წარმართებს ჩემი პირით მოესმინათ სახარების სიტყვა და ერწმუნათ. საქ.10,20;11,12.

8 გულთამხილველმა ღმერთმა დაუმოწმა მათ სულიწმიდის მიცემით, როგორც ჩვენ მოგვცა. ფსალ.7,10. საქ.11,15.

9 განსხვავება არ არის ჩვენსა და მათ შორის, რწმენით განწმიდა მათი გულები. საქ.10,43. 1კორ.1,2.

10 ახლა რატომ გინდათ გამოსცადოთ ღმერთი და ქედზე დაადგათ მოწაფეებს უღელი, რომლის ტარება ვერც ჩვენმა მამებმა შეძლეს, ვერც ჩვენ? მათ.23,4. ლუკ.11,46. გალ.5,1.

11 მაგრამ ჩვენ გვწამს, რომ ჩვენ უფლის იესოს მაღლით გადავრჩებით ისევე, როგორც ისინი.“

გალ.3,22. ეფეს.2,8. 2ტიმ.1,9. ტიტ.3,4-5.

12 მაშინ ბევრი დადუმდა და უსმენდა ბარნაბასა და პავლეს, რომლებიც მოუთხრობდნენ, თუ რა ნიშნები და სასწაულები მოახდინა ღმერთმა მათი ხელით წარმართებს შორის.

13 ხოლო, როცა ისინი დადუმდნენ, იაკობმა მიუგო და თქვა: „კაცნო ძმანო, მომისმინეთ:

14 სიმონმა მოგვითხრო, როგორ მოხედა ღმერთმა პირველად წარმართებს, რომ წარმართთაგან გამოეკრიბა ხალხი თავისი სახელისათვის.

15 მასვე შეესატყვისება წინასწარმეტყველთა სიტყვები, როგორც დაწერილია:

16 'ამის შემდეგ დავბრუნდები და აღვადგენ დავითის დამხობილ კარავს, დანგრეულს აღვადგენ და კვლავ ავაშენებ,

ამოს.9,11-12.

17 რათა ეძიოს უფალი ადამის ნატამალმა და ჩემი სახელით წოდებულმა ყველა ერმა, ამბობს უფალი, ყოველივე ამის მოქმედი.

18 უკუნისიდან ღვთისთვის ცნობილია ყოველი მისი საქმე.'

19 ამიტომ მე ვფიქრობ, არ დავაბრკოლოთ ისინი, ვინც წარმართთაგან ღვთისკენ არიან მიქცეულნი,

20 არამედ მივწეროთ მათ, რომ თავი შეიკავონ კერპების მიერ შებილწულისაგან, სიძვისაგან, დამღრჩვალისა და სისხლისაგან.

დაბ.9,4. გამოს.34,15. საქ.21,25. რომ.1,27. 1კორ.6,15.

21 ვინაიდან მოსეს რჯულს ძველთაგანვე ჰყავს ყველა ქალაქში თავისი მოქადაგენი და იგი ყოველ შაბათს იკითხება სინაგოგებში."

მოციქულები და უხუცესები წარმართთა მოსაქცევად

22 მაშინ მოციქულებმა და უხუცესებმა მთელ ეკლესიასთან ერთად საჭიროდ მიიჩნიეს და ამოარჩიეს თავიანთი წრიდან კაცები ანტიოქიაში მისავლენად პავლესთან და ბარნაბასთან ერთად: იუდა, რომელსაც ბარსაბა ეწოდა, და სილა - კაცები, რომლებიც პირველობდნენ ძმებს შორის.

23 თავიანთი ხელით ასე დაწერეს: „მოციქულები და უხუცესები, ძმები: ანტიოქიაში, სირიასა და კილიკიაში, წარმართთაგან მოქცეულ ძმებს, გიხაროდეთ!

24 რაკი გავიგეთ, რომ ზოგიერთებმა, რომლებიც ჩვენგან გამოვიდნენ, აღვაშფოთეს თავიანთი სიტყვებით და სული შეგირყიეს, რადგან გითხრეს უნდა წინადაცვითოთ და რჯული დაიცვათო, რაც ჩვენ არ დავგვივალეზბია.

25 ამის გამო ერთსულოვნად საჭიროდ მივიჩნიეთ კაცების არჩევა თქვენთან მოსავლენად ჩვენს საყვარელ ბარნაბასთან და პავლესთან ერთად,

26 კაცებთან, რომელთაც თავი გადასდეს ჩვენი უფლის იესო ქრისტეს სახელისათვის.

27 ჩვენ გამოგიგზავნეთ იუდა და სილა, რომლებიც ამასვე გადმოგცემენ სიტყვით.

28 ვინაიდან მართებულად მიიჩნია სულიწმიდამ და ჩვენც, რომ არავითარი ზედმეტი ტვირთი არ დაგაკისროთ, გარდა იმისა, რაც აუცილებელია.

29 თავი შეიკავეთ ნაკერპავთაგან და სისხლისაგან, დამღრჩვალისა და სიძვისაგან. თუ ამისგან დაიცავთ თავს, კარგს იზამთ. იყავით ჯანმრთელად!"

იუდა და სილა

30 წარგზავნილები მივიდნენ ანტიოქიაში, შეკრიბეს კრებული და გადასცეს წერილი.

31 როდესაც წაიკითხეს, გაიხარეს ამ ნუგეშისცემით.

32 იუდამ და სილამ, რომლებიც აგრეთვე წინასწარმეტყველნი იყვნენ, მრავალი სიტყვით ანუგეშეს ძმები და გაამხნევეს.

საქ.14,22.

33 დაჰყვეს იქ რამდენიმე ხანი და მშვიდობით გამოისტუმრეს ძმებმა მოციქულებთან.

34 სილამ იქვე დარჩენა ინება.

35 ხოლო პავლე და ბარნაბა დარჩნენ ანტიოქიაში ბევრ სხვა-სთან ერთად, ასწავლიდნენ და ახარებდნენ უფლის სიტყვას.

ბარნაბა მიცურავს მარკოზთან ერთად კვიპროსში

36 რამდენიმე დღის შემდეგ პავლემ უთხრა ბარნაბას: „წავიდეთ კიდეც და მოვინახულოთ ჩვენი ძმები ყველა ქალაქში, სადაც ვიქადაგეთ უფლის სიტყვა. ვნახოთ, როგორ არიან.“

37 ბარნაბას სურდა თან წაეყვანა იოანე, რომელსაც ერქვა მარკოზი.

საქ.12,12. კოლ.4,10.

38 პავლე კი ფიქრობდა, რომ არ უნდა წაეყვანათ ის, ვინც ჩამოშორდა მათ პამფილიაში და არ წაჰყვა მათ საქმეზე.

საქ.13,13.

39 აქედან ჩამოვარდა უთანხმოება, ასე რომ, ისინი დასცილდნენ ერთმანეთს. ბარნაბამ თან წაიყვანა მარკოზი და გასცურეს კვიპროსამდე.

40 ხოლო პავლემ სილა აირჩია და გაემგზავრა, ძმათაგან უფლის მადლს მინდობილი.

41 დადიოდა სირიასა და კილიკიაში და განამტკიცებდა ეკლესიებს.

საქ.14,22.

თ ა ვ ი 16

პავლე მეორედ ნახულობს ეკლესიებს

1 მიაღწია დერბეს და ლისტრას. და, აჰა, იქ იყო ერთი მოწაფე, სახელად ტიმოთე, იუდეველი მორწმუნე დედაკაცისა და ბერძენი მამის შვილი,

რომ.16,21. ფილ.2,19. 1თეს.1,1.

2 რომელზეც მოწმობდნენ ლისტრელი და იკონიელი ძმები.

3 პავლემ მოისურვა მისი თან წაყვანა. წაიყვანა და წინადაცვითა იუდეველთა გულისთვის, რომლებიც იმ ადგილებში იყვნენ, ვინაიდან ყველამ იცოდა, რომ მამამისი ბერძენი იყო.

1კორ.9,20.

4 ქალაქებში გავლისას ისინი ასწავლიდნენ, რომ დაეცვათ

მოციქულებისა და უხუცესების მიერ იერუსალიმში დადგენილი წესები. საქ.15,28.

5 ეკლესიები მტკიცდებოდა რწმენით და ღლითი ღლე იზრდებოდა მათი რიცხვი.

მიწვევა მაკედონიიდან. გამგზავრება ფილიპეში

6 გაიარეს მათ ფრიგია და გალატელთა ქვეყანა, და სულიწმიდამ აუკრძალა სიტყვის ქადაგება აზიაში.

7 მივიდნენ მისიამდე და აპირებდნენ ბითვინიაში გამგზავრებას, მაგრამ იესოს სულმა არ გაუშვა ისინი.

8 მისიას რომ გასცდნენ, ტროადაში ჩავიდნენ.

9 ღამით პავლემ ჩვენება იხილა: წარუდგა ვილაც მაკედონელი კაცი, ევედრებოდა და ამბობდა: „მოდი მაკედონიაში და დაგვეხმარე.“

10 ამ ჩვენების შემდეგ მაშინვე ვცადეთ მაკედონიაში გამგზავრება. ვფიქრობდით, რომ ღმერთმა მოგვიწოდა მათთვის სახარებლად.

ლიდიას მონათვლა და მის სახლში პავლეს მიღება

11 ამრიგად, გავცურეთ ტროადიდან და პირდაპირ გავეშურეთ სამოთრაკეში, ხოლო მეორე დღეს – ნეაპოლში;

12 იქიდან ფილიპეში, რომელიც მაკედონიის ამ ნაწილის მთავარი ქალაქია, კოლონია. ამ ქალაქში დაგყავით რამდენიმე დღე.

13 შაბათ დღეს გავედით კარიბჭის გარეთ, მდინარის პირას, სადაც სალოცავი გვეგულებოდა. დავსხედით და ველაპარაკებოდით იქ შეკრებილ დედაკაცებს.

14 ერთი დედაკაცი, ქალაქ თიატირიდან, სახელად ლიდია, ძოწეულთ მოვაჭრე, ღვთისმოსოში, ისმენდა. უფალმა გაუხსნა გული პავლეს სიტყვების მოსასმენად.

15 როდესაც მოინათლნენ ის და მისი სახლობა, გვთხოვა და გვითხრა: „თუ უფლის მორწმუნეთ შემრაცხეთ, მოდიო ჩემს სახლში და დარჩით.“ და დაგვიყოლია.

პავლე საპატიმროში

16 როდესაც სალოცავში მივდიოდით, შეგვხვდა ერთი მხევალი, რომელსაც პითონის სული ჰქონდა და თავისი მისნობით ღიბდალ მოგებას აძლევდა თავის ბატონებს.

17 იგი პავლეს და ჩვენ აგვედევნა, ყვიროდა და ამბობდა: ეს კაცები უზენაესი ღვთის მონები არიან, რომლებიც გაუწყებენ თქვენი ხსნის გზებსო.

18 ასე იქცეოდა მრავალი ღლის განმავლობაში. პავლე ძალიან

შეწუხდა, მიუბრუნდა სულს და უთხრა: „იესო ქრისტეს სახელით გიბრძანებ გამოხვიდე მაგისგან.“ და იმწამსვე გამოვიდა.

მათ.10,1. მარ.1,34;16,17.

19 იმისმა ბატონებმა დაინახეს, რომ მათი მოგების იმედი გაქრა, შეიპყრეს პავლე და სილა და მიიყვანეს მოედანზე მთავრებთან.

20 მთავრებს რომ მიჰგვარეს, უთხრეს: „ეს კაცები იუდეველნი არიან და აშფოთებენ ჩვენს ქალაქს.“

21 გვასწავლიან ზნე-ჩვეულებებს, რომელთა არც მიღება შეგვშვენის და არც შესრულება, ვინაიდან რომაელები ვართ.“

22 ხალხიც აღდგა მათ წინააღმდეგ. ხოლო მთავრებმა ტანისამოსი შემოახიეს და მათი გაჯოხვა ბრძანეს. 2კორ.1,25. 1თეს.2,2.

23 კარგა მაგრად რომ სცემეს, მერე საპყრობილეში ჩაყარეს და საპყრობილის ზედამხედველს უბრძანეს, ფხიზლად ედარაჯა მათთვის.

24 ასეთი ბრძანება რომ მიიღო, მანაც შეყარა ისინი შიდა საპყრობილეში და ფეხებზე ხუნდები დაადო.

საპატიმროს ზედამხედველის მოქცევა

25 შუალამისას პავლე და სილა ლოცულობდნენ და უგალობდნენ ღმერთს. პატიმრები კი ყურს უგდებდნენ.

26 უცბად მოხდა დიდი მიწისძვრა, ისე რომ, საპყრობილის საძირკველი შეირყა. მყისვე გაიღო ყველა კარი და ყველას დასცვივდა ბორკილები. საქ.4,31.

27 საპყრობილის ზედამხედველს გამოეღვიძა და დაინახა, რომ საპყრობილის კარი ღია იყო. იძრო მახვილი და თავის მოკვლა დააპირა, რადგან ეგონა, რომ პატიმრები გაიქცნენ.

28 მაგრამ პავლემ გამოსძახა ხმამაღლა და უთხრა: „შენს თავს ავს ნურაფერს შეამთხვევ, ვინაიდან ჩვენ ყველანი აქა ვართ.“

29 მან კი სინათლე მოითხოვა, შიგნით შეიჭრა და ათრთოლებული დაემხო პავლესა და სილას წინაშე.

30 გარეთ გამოიყვანა ისინი და უთხრა: „ბატონებო, რა ვქნა, რომ გადავრჩე?“

31 ხოლო მათ უთხრეს: „იწამე უფალი იესო და გადარჩები შენც და მთელი შენი სახლობა.“ მარ.16,16.

32 უქადაგეს ღვთის სიტყვა მას და ყველას, მის სახლში მყოფს.

33 იმ ღამეს, იმ საათშივე შინ წაიყვანა ისინი, წყლულები მობანა და მაშინვე მოინათლნენ ის და ყველა მისიანი.

34 მიიყვანა ისინი თავის სახლში, სუფრა გაუშალა და ხარობდა მთელ თავის სახლობასთან ერთად, რომ იწამა ღმერთი.

მთავრების თხოვნით მიდიან ფილიპედან

35 რომ გათენდა, მთავრებმა გაგზავნეს მსახურნი და უთხრეს: „გაუშვი ის კაცები.“

36 საპყრობილის ზედამხედველმა შეატყობინა ეს ამბავი პავლეს და უთხრა: „მთავრებმა კაცი გამოგზავნეს თქვენს გასაშვებად. ახლა გამოდით და მშვიდობით წადით.“

37 მაგრამ პავლემ შეუთვალა მათ: „ჩვენ, რომაელი მოქალაქეები, განუკითხავად გვცემეს სახალხოდ და საპყრობილეში ჩაგვყარეს, და ახლა ფარულად გვიშვებენ? არა, მოვიდნენ და თვითონ გაგვიყვანონ.“
საქ.22,25.

38 მსახურებმა ეს სიტყვები მოახსენეს მთავრებს. ხოლო მათ შეეშინდათ, როცა გაიგეს, რომაელნი ყოფილანო.

39 მოვიდნენ, მოუბოდიშეს, გამოიყვანეს საპყრობილედან და სთხოვეს, ქალაქს გასცლოდნენ.

40 ისინი საპყრობილედან გამოსვლისთანავე მივიდნენ ლიდიასთან, მოინახულეს ძმები, ანუგეშეს და წავიდნენ.

თ ა ვ ი 17

პავლეს ქადაგება თესალონიკეში

1 გაიარეს ამფიპოლისი და აპოლონია და მივიდნენ თესალონიკეში, სადაც იუდეველთა სინაგოგა იყო.

2 პავლე, თავისი ჩვეულებისამებრ, შევიდა მათთან და სამ შაბათს ელაპარაკებოდა მათ წერილებიდან.

3 უხსნიდა და უმტკიცებდა, რომ ქრისტე უნდა დატანჯულიყო და მკვდრეთით აღმდგარიყო, და რომ ეს ქრისტე იესოა, რომელსაც მე გახარებთო თქვენ.

ფსალ.21,7. ეს.50,6;53,3. დან.9,24. მათ.16,21. მარ.8,31. ლუკ.922.

4 ზოგმა მათგანმა ირწმუნა და შეუერთდა პავლესა და სილას, როგორც მრავალი ღვთისმოსვიში ბერძენი, ასევე ბევრი დიდგვაროვანი ქალი.

5 ხოლო იუდეველებს შეშურდათ, ვილაც უკეთური კაცები მოიყვანეს ბაზრიდან, შეყარეს ბრბო და აშფოთებდნენ ქალაქს. მიადგნენ იასონის სახლს და ცდილობდნენ მათ გამოყვანას ხალხის წინაშე.

6 ისინი რომ ვერ იპოვეს, იასონი და ზოგიერთი ძმა წაათრიეს ქალაქის მთავრებთან და ყვიროდნენ: „ქვეყნიერების ამრევებმა აქაც მოაღწიეს,
საქ.16,20.

7 ხოლო იასონმა კი შეიტარა ისინი, თუმცა ყველანი ეურჩებიან კეისრის ბრძანებებს და სხვას ამბობენ მეფედ, იესოს.“

8 ააშფოთეს ხალხი და ქალაქის მთავრები, რომელთაც ესმოდათ ეს.

9 მაგრამ იასონისა და სხვათა თავდებობა მიიღეს და გაუშვეს ისინი.

პავლე და სილა ბერეაში

10 ძმებმა იმ ღამითვე დაუყოვნებლივ გაისტუმრეს პავლე და სილა ბერეაში, სადაც ჩასვლისთანავე შევიდნენ იუდეველთა სინაგოგაში.

11 ესენი უფრო კეთილშობილები იყვნენ თესალონიკელებზე: მათ მთელი გულმოდგინებით მიიღეს სიტყვა, ყოველდღე არჩევდნენ წერილებს, ნამდვილად ასე თუ არისო.

ეს.8,20;34,16. იოან.5,39. 1პეტ.1,10. 1ტიმ.4,16.

12 ბევრმა ირწმუნა მათგან, წარჩინებულ ბერძენ ქალთაგან და კაცთაგან არამცირედმა.

13 მაგრამ, როდესაც თესალონიკელმა იუდეველებმა შეიტყვეს, რომ ბერეაშიც ქადაგებდა პავლე ღვთის სიტყვას, იქაც მივიდნენ, ააღელვეს და ააშფოთეს ხალხი.

14 მაშინ ძმებმა მყისვე გაგზავნეს პავლე ზღვისკენ, სილა და ტიმოთე კი იქვე დარჩნენ.

15 პავლე გამცილებლებმა ათენამდე მიიყვანეს. მიიღეს ბრძანება სილას და ტიმოთეს მიმართ, რომ, რაც შეიძლება, მალე ხლებოდნენ მას, და გამობრუნდნენ.

პავლე ქადაგებს იესოს და აღდგომას

16 ვიდრე პავლე მათ ათენში ელოდა, მისი სული აღაშფოთა ამ კერპებით სავსე ქალაქის ხილვამ.

2პეტ.2,8.

17 ამაზე ელაპარაკებოდა სინაგოგებში იუდეველებს და მორწმუნეებს და იმათ, ვისაც ყოველდღე ხვდებოდა მოედანზე.

18 ზოგიერთმა ეპიკურელმა და სტოელმა ფილოსოფოსმა კამათი გაუშართა მას: ერთნი ამბობდნენ: რისი თქმა სურსო ამ მოლაყბეს. მეორენი ამბობდნენ: ეტყობა, უცხო ღმერთებზე ქადაგებსო, რაკი იესოსა და აღდგომას ახარებდა მათ.

19 შეიპყრეს იგი და მიიყვანეს არეოპაგში და უთხრეს: „შეგვიძლია თუ არა გავიგოთ, რა არის ეს ახალი მოძღვრება, შენ რომ ქადაგებ?“

20 ვინაიდან რალაცას უცნაურს ასმენ ჩვენს ყურებს. ამიტომ გვინდა ვიცოდეთ, რას ნიშნავს ეს?“

21 ხოლო ყველა ათენელს და იქ მცხოვრებ უცხოელებს ისე არაფერი ეხალისებოდათ, როგორც რაიმე ახლის ლაპარაკი ან მოსმენა.

სიტყვა ათენელებს არეოპაგში

22 პავლე დადგა არეოპაგის შუაში და თქვა: „კაცნო ათენელნო, ყველაფერში გატყობთ, რომ ძალიან მორწმუნენი ხართ.

23 ვინაიდან, როცა გავიარე და დავათვალიერე თქვენი სათა-

ყვანო ადგილები, ვნახე სამსხვერპლოც, რომელზეც აწერია: უცნობ ღმერთს. მე გიქადაგებთ მას, ვისაც არ იცნობთ და ეთაყვანებით.

24 ღმერთი, შემოქმედი სამყაროსი და ყოველივე მასში არსებულისა, უფალი ცისა და მიწისა, ხელთქმნილ ტაძრებში არ მკვიდრობს, დაბ.1,1. ფსალ.8,2;32,6. საქ.7,48.

25 არც ადამიანთა ხელიდან სამსახურს მოითხოვს, თითქოს რაიმე სჭირდებოდეს, თავად ანიჭებს ყველას სიცოცხლეს, სუნთქვას და ყოველივეს. იოხ.12,10. ფსალ.20,5;26,1;35,7;49,9. ეს.42,5.

26 ერთიდან შექმნა ადამიანთა ყოველი მოდგმა, რათა დედა-მიწის ზურგზე დასახლებულიყვნენ. წინასწარ დააწესა მათ დასასახლებლად დრონი და საზღვრები,

27 რათა ეძიათ ღმერთი. გინძლო ეგრძნოთ იგი და ეპოვათ, თუმცა შორს როდია თითოეული ჩვენთაგანისაგან.

28 ვინაიდან მასში ვცოცხლობთ, ვიძვრით და ვარსებობთ, როგორც ზოგიერთი თქვენი პოეტი ამბობდა: ჩვენ მისი მოდგმა ვართო.

29 და რაკი ღვთის მოდგმა ვართ, არ უნდა ვიფიქროთ, რომ ღმერთი ჰგავს ოქროს ანდა ვერცხლს, ანდა ქვას, ადამიანის ხელოვნებით და წარმოსახვით გამოხატულს. ეს.40,18.

30 ამგვარად, ღმერთმა უგულბებელყო უმეცრების დროება და ახლა აუწყებს ადამიანებს, ყველას, ყველგან, რომ მოინანიონ.

რომ.13,12. ეფეს.1,9;3,5. კოლ.1,26.

31 ვინაიდან მან დაადგინა დღე, როდესაც ქვეყნიერებას განკითხავს სამართლით წინასწარ არჩეული კაცის ხელით, ყველა დაარწმუნა რა იმით, რომ იგი მკვდრეთით აღადგინა.

საქ.2,24;3,15;4,10;13,30. რომ.6,4;14,9.

32 ხოლო მათ მკვდრების აღდგომაზე რომ მოისმინეს, ერთნი დასცინოდნენ, სხვები კი ამბობდნენ: ამის თაობაზე კვლავაც მოგისმენთო.

33 ასე გამოვიდა პავლე მათგან.

34 ხოლო ზოგიერთნი მიემხრნენ და ირწმუნეს – მათ შორის დიონისიოს არეოპაგელმა და ქალმა, სახელად დამარისმა, და სხვებმაც მათთან ერთად.

თ ა ვ ი 18

პავლეს მომსახურება კორინთოში

1 ამის შემდეგ პავლე წავიდა ათენიდან და მივიდა კორინთოში.

2 და ნახა ერთი იუდეველი, სახელად აკვილა, წარმოშობით პონტოელი, და მისი ცოლი პრისკილა, იტალიიდან ახლად

დაბრუნებულნი, ვინაიდან კლავდიუსმა ბრძანა ყველა იუდეველი რომიდან გამოეძევებინათ, და მივიდა მათთან. რომ.16,3. 2ტიმ.4,19.

3 და რაკი ერთი ხელობისანი იყვნენ, დარჩა მათთან და შრომობდა, ვინაიდან მათი ხელობაც მეკარგეობა იყო.

საქ.20,34. 1კორ.4,12. 1თეს.2,9. 2თეს.3,8.

4 ყოველ შაბათს საუბრობდა სინაგოგაში და არწმუნებდა იუდეველებსა და ბერძნებს.

5 როცა სილა და ტიმოთე მოვიდნენ მაკედონიიდან, მიეცა პავლე ქადაგებას, რათა დაემოწმებინა იუდეველთათვის, რომ ქრისტია იესო. საქ.17,14.

6 მაგრამ რაკი ისინი ეწინააღმდეგებოდნენ და გმობდნენ, მან ტანისამოსი დაიბერტყა და უთხრა მათ: „თქვენს თავზე იყოს თქვენივე სისხლი! მე უბრალო ვარ. ამიერიდან წარმართებთან მივდივარ.“ ეზექ.3,19. მათ.10,14. საქ.13,46.51;20,26.

7 წავიდა იქიდან და შევიდა ერთი ღვთისმოშიშის, სახელად იუსტოსის, სახლში სინაგოგის გვერდით.

8 სინაგოგის მთავარმა კრისპოსმა კი მთელ თავის სახლთან ერთად ირწმუნა უფალი, და მრავალმა კორინთოელმა, მოისმინა რა, ირწმუნა და მოინათლა. 1კორ.1,14.

9 ღამით უფალმა ჩვენებაში უთხრა პავლეს: „ნუ შეგეშინდება, არამედ ილაპარაკე და ნუ დადუმდები. ეს.62,1. საქ.23,11.

10 ვინაიდან მე ვარ შენთან და ვერავინ გავნებს, რადგან ბევრი ხალხი მყავს ამ ქალაქში.“ იერ.1,19. მათ.28,20.

11 დარჩა იქ ერთ წელიწადსა და ექვს თვეს, და ასწავლიდა მათ შორის ღვთის სიტყვას.

პავლე გალიონის წინაშე

12 ხოლო იმ დროს, როდესაც აქაიას მთავარი იყო გალიონი, იუდეველები ერთსულოვნად დაეხსნენ თავს პავლეს და მიიყვანეს სამსჯავროში.

13 თქვეს: „ეს კაცი არწმუნებს ხალხს, რომ რჯულის საწინააღმდეგოდ ეთაყვანონ ღმერთს.“

14 როდესაც პავლემ ხმის ამოღება დააპირა, გალიონმა უთხრა იუდეველებს: „იუდეველებო! რომ ყოფილიყო რაიმე დანაშაული ან ბოროტმოქმედება, მართლაც უნდა მომესმინა თქვენთვის.“

15 ხოლო, როდესაც სარჩელი ეხება თქვენს სიტყვას, სახელებსა და რჯულს, თქვენ თვითონ მიხედეთ, მე არ მსურს ვიყო ამის მსაჯული.“ საქ.23,29

16 და გამოყარა ისინი სამსჯავროდან.

17 მაშინ ბერძნებმა შეიპყრეს სინაგოგის მთავარი სოსთენესი და სცემეს სამსჯავროს წინ. მაგრამ გალიონს მათი დარდიც არ ჰქონდა. 1კორ.1,1.

პავლეს დაბრუნება სირიაში

18 პავლემ კიდევ კარგა ხანს დაჰყო. მერე გამოეთხოვა ძმებს და გასცურა სირიისაკენ პრისკილასთან და აკვილასთან ერთად. მან კენჭრეში გაიკრიჭა თავი, ვინაიდან აღთქმა ჰქონდა.

რიცხ.6,18. საქ.21,24.

19 ეფესოს რომ მიაღწია, ისინი იქ დატოვა, თვითონ სინაგოგაში შევიდა და ესაუბრა იუდეველებს.

20 როდესაც მას სთხოვეს, რომ მეტ ხანს დარჩენილიყო მათთან, არ დათანხმდა,

21 არამედ გამოეთხოვა მათ და თქვა: „მომავალი დღესასწაული აუცილებლად იერუსალიმში უნდა გავატარო. თქვენთან ისევ დავბრუნდები, თუ ღმერთმა ინება.“ და გასცურა ეფესოდან.

იაკ.4,15. 1კორ.4,19.

22 კესარიაში ყოფნისას ავიდა იერუსალიმში, მოიკითხა ეკლესია და მერე ანტიოქიაში ჩავიდა.

23 ერთხანს იქ დაჰყო, იქიდან წამოვიდა და რიგრიგობით მოიარა გალატელთა ქვეყანა და ფრიგია, და განამტკიცებდა მოწაფეებს.

აპოლონი ეფესოში

24 ერთი იუდეველი კაცი, სახელად აპოლონი, წარმოშობით ალექსანდრიელი, ენამჭევრი კაცი და ძლიერი წერილებში, მივიდა ეფესოს.

1კორ.1,12;16,12.

25 განსწავლული იყო უფლის გზებში, მხურვალე სულით ლაპარაკობდა და ზუსტად ასწავლიდა იესოს შესახებ, ოღონდ მარტო იოანეს ნათლისცემა იცოდა.

საქ.19,3. რომ.12,11.

26 მან გაბედულად დაიწყო ლაპარაკი სინაგოგაში. რომ მოუსმინეს, აკვილამ და პრისკილამ თან წაიყვანეს და უფრო ზუსტად აუხსნეს უფლის გზა.

27 ხოლო როდესაც განიზრახა აქაიაში წასვლა, ძმებმა გაამხნევეს იგი და მისწერეს მოწაფეებს, ემასპინძლათ მისთვის. ისიც მივიდა და ბევრს ეხმარებოდა მადლით მორწმუნეებს.

28 ვინაიდან იგი მოურიდებლად ამხილებდა იუდეველებს საჯაროდ, ადასტურებდა წერილების მიხედვით, რომ ქრისტეა იესო.

თ ა ვ ი 19

პავლე ეფესოში ასწავლის

1 კორინთოში აპოლონის ყოფნისას პავლემ მოიარა ზემო ქვეყნები, მივიდა ეფესოში და იპოვა ზოგიერთი მოწაფეთაგანი.

საქ.18,21.

2 უთხრა მათ: „თუ მიიღეთ სულიწმიდა, როცა ირწმუნეთ?“ მათ კი მიუგეს: „არც კი გაგვიგონია, თუ არსებობს სულიწმიდა.“
იოან.7,39.

3 უთხრა მათ: „რილათი მოინათლეთ?“ მათ უპასუხეს: „იოანეს ნათლისცემით.“

4 თქვა პავლემ: „იოანე ნათლავდა მონანიების ნათლისცემით და ეუბნებოდა ხალხს, რომ ერწმუნათ მის შემდგომ მომავალი, ანუ, იესო ქრისტი.“ მათ.3,11. მარ.1,8. ლუკ.3,16. იოან.1,26. საქ.1,5.

5 ხოლო მათ რომ ესმათ, მოინათლნენ უფალ იესოს სახელით.

6 როდესაც პავლემ დაასხა მათ ხელი, გადმოვიდა მათზე სულიწმიდა და იწყეს ენებით ლაპარაკი, და გაქადაგდნენ.

საქ.8,17.

7 სულ იყო თორმეტიოდე კაცი.

8 შევიდა სინაგოგაში და სამ თვეს გაბედულად საუბრობდა და ირწმუნებოდა ღვთის სასუფეველის შესახებ.

9 მაგრამ, რაკი ზოგიერთები გაჯიუტდნენ და არ ირწმუნეს, და საჯაროდ ლანძღავდნენ უფლის გზას, მაშინ მან მიატოვა ისინი, გამოაცალკევა მოწაფეები და ყოველდღე ქადაგებდა ვინმე ტირანუსის სკოლაში.

10 ასე გასტანა ორ წელიწადს, ისე რომ აზიის ყველა მცხოვრები ისმენდა უფლის სიტყვას – როგორც იუდეველები, ისე ბერძნები.

2ტიმ.1,15.

11 ხოლო ღმერთი მრავალ სასწაულს ახდენდა პავლეს ხელით.

მარ.16,20. იოან.14,12.

12 ისე რომ, ავადმყოფებს ხელსახოცებსა თუ წელსაკრავებს ადებდნენ მისი სხეულიდან და ბოლო ეღებოდა მათ სნეულებას, და ავი სულები გამოდიოდნენ მათგან.

საჯადოსნო წიგნების დაწვა

13 ზოგიერთმა მოხეტიალე შემლოცველმა იუდეველმაც კი იწყო უფალ იესოს სახელის ხსენება ავი სულით შეპყრობილზე და ამბობდნენ: გაფიცებთ იესოს, რომელსაც პავლე ქადაგებსო.

14 ამას აკეთებდა ერთი იუდეველი მღვდელმთავრის – სკევას შვიდი ვაჟი.

15 მაგრამ მიუგო ავმა სულმა და უთხრა მათ: „იესოსაც ვიცნობ და პავლეს ვიცი. თქვენ კი ვინა ხართ?“
მარ.1,24.34.

16 დაეძგერა მათ ის კაცი, რომელშიც ავი სული იყო, სძლია და ისე სცემა ორივეს, რომ შიშვლები და დასახიჩრებულები გამოცვივდნენ სახლიდან.

17 ეს შეიტყო ეფესოში მცხოვრებმა ყველა იუდეველმა და ბერძენმა. თავზარი დაეცა ყველას და განდიდდა უფალ იესოს სახელი.

18 მრავალი მორწმუნეთაგანი მოდიოდა და აღიარებდა და აცხადებდა თავის საქმეებს.

მარ.3,6.

19 მრავალმა მათგანმა, ვინც ეწეოდა ჯადოსნობას, მოაგროვა წიგნები და დაწვა ყველას თვალწინ. აღრიცხეს მათი ფასი და ორმოცდაათი ათასი ვერცხლი აღმოჩნდა.

20 ასე ძლიერად იზრდებოდა და ძალას იკრებდა უფლის სიტყვა.

ეს.55,11. საქ.6,7;12,24.

პავლეს განზრახვა

21 როდესაც ეს აღსრულდა, პავლემ გულში ჩაიღო მაკედონი-ასა და აქაიას გავლით იერუსალიმში წასვლა და თქვა: „იქ ყოფნის შემდეგ რომიც უნდა მოვინახულო.“ საქ.28,14. რომ.1,11.

22 მაკედონიაში გაგზავნა ორი თავისი მსახური – ტიმოთე და ერასტოსი, თვითონ კი დროებით აზიაში დარჩა.

ამბოხება ეფესოში დიმიტრის ხელმძღვანელობით

23 იმ დროს დიდი ამბოხება მოხდა უფლის გზის წინააღმდეგ.

24 იყო ერთი ვერცხლის მჭედელი, სახელად დიმიტრი, რომელიც არტემისის ვერცხლის ტაძრებს აკეთებდა და კარგ მოგებას აძლევდა ხელოსნებს.

25 შეკრიბა ისინი და მათი ხელობის ხალხი და უთხრა: „კაცნო, თქვენ იცით, რომ ამ ხელობაზეა დამოკიდებული ჩვენი კეთილდღეობა.

26 ხედავთ და გესმით, რომ არა მარტო ეფესოში, არამედ თითქმის მთელ აზიაში ამ პავლემ თავისი დარწმუნებით ამდენი ხალხი შეაცდინა. ასე ამბობს: ადამიანთა ხელითქმნილნი არ არიანო ღმერთები.

გამოს.20,23. ლევ.19,4. 2შჯ.5,8. ფსალ.96,7. ეს.40,18. იერ.10,3. ამბ.2,18.

27 ეს კი იმას გვიჩადის, რომ არა მარტო ხელობა გახდება სამარცხვინო, არამედ დიდი ქალღმერთის, არტემისის ტაძარსაც აღარაფერი მნიშვნელობა არ ექნება და დაემაზობა მისი სიდიადე, რომელსაც თაყვანსა სცემს მთელი აზია და ქვეყნიერება.“

28 ეს რომ მოისმინეს, რისხვით აღივსნენ, მორთეს ყვირილი და ამბობდნენ: „დიდია ეფესელთა არტემისი!“

29 მთელი ქალაქი მღელვარებამ მოიცვა. შეიპყრეს გაიოზი და არისტარქოს მაკედონელნი, პავლეს თანამგზავრები, და ერთსულოვნად გაეშურნენ თეატრონისაკენ.

საქ.16,19;20,4. კოლ.4,10.

30 პავლეს სურდა ხალხში გასულიყო, მაგრამ მოწაფეებმა არ გაუშვეს.

31 ასევე ზოგიერთმა აზიელმა მთავარმა, რომლებიც მისი მეგობრები იყვნენ, კაცი გაუგზავნეს და სთხოვეს არ გამოჩენილიყო თეატრონში.

32 ერთნი ერთს გაჰყვიროდნენ, მეორენი კი – სხვას, ვინაიდან კრებული ჭრელი იყო და უმრავლესობამ არ იცოდა, რისთვის იყვნენ შეკრებილნი.

33 ხოლო ხალხიდან გამოიყვანეს ალექსანდრე, რომელიც იუდეველებმა წარადგინეს. ალექსანდრემ ხელით ანიშნა, უნდოდა თავი ემართლა ხალხის წინაშე. 1ტიმ.1,20. 2ტიმ.4,14.

34 როცა შეიტყეს, რომ ისიც იუდეველი იყო, ყველამ ერთხმად იყვირა და თითქმის ორ საათს გაჰკიოდნენ: დიდია ეფესელთა არტემისიო!

35 ქალაქის მწერალმა კი დააწყნარა ხალხი და თქვა: „ეფესელო კაცებო, ვინ არ იცის, რომ ქალაქი ეფესო მსახურია დიდი არტემისისა და ციოთ მოვლენილი ხატისა?

36 და რაკი ეს უცილობელია, თქვენ მშვიდად უნდა იყოთ და წინდაუხედავად არ უნდა მოიქცეთ.

37 მოიყვანეთ ეს ხალხი, რომლებიც არც ტაძრის მძარცველები არიან და არც ჩვენი ქალღმერთის მგმობელები.

38 თუ დიმიტრისა და მასთან ერთად სხვა ხელოსნებს აქვთ ვინმეზე საჩივარი, აგერ გვაქვს სამსჯავროს შეკრებები და გვყავს პროკონსულები, და უჩივლონ ერთმანეთს.

39 ხოლო თუ სხვა რამეს ეძებთ, ესეც კანონიერ კრებაზე გადაწყდება.

40 ვინაიდან ჩვენ საფრთხე გვემუქრება, რომ ახლა დღევანდელი არეულობისთვის ბრალს დაგვდებენ, რაკი არ არსებობს მიზეზი, ამ თავყრილობის გამართლება რომ შეგვეძლოს.“ ეს თქვა და კრება დაითხოვა.

თ ა ვ ი 20

პავლეს მგზავრობა მაკედონიასა და საბერძნეთში

1 ამბოხების ჩაცხრომის შემდეგ პავლემ დაიბარა მოწაფეები, დაარიგა, დაემშვიდობა, გავიდა და მაკედონიისკენ გასწია.

2 ის აღგიღები რომ მოიარა და მრავალი სიტყვით დაარიგა, ელადაში მივიდა.

3 იქ სამი თვე დაჰყო, ხოლო სირიაში გადაცურვა რომ დააპირა, იუდეველებმა მის წინააღმდეგ შეთქმულება მოაწყვეს, ამიტომ გადაწყვიტა მაკედონიის გზით დაბრუნებულიყო.

4 მას აზიამდე თან ახლდნენ ბერეიელი სოპატრე პიროსი, თესალონიკელთაგან არისტარქოსი და სეკუნდოსი, დერბელი გაიოზი და ტიმოთე, აზიელები კი – ტიქიკოსი და ტროფიმი.

საქ.19,29;27,2.

5 ისინი წინ წავიდნენ, რათა დაგვლოდებოდნენ ტროადაში.

6 ჩვენ კი უფუარობის შემდეგ ფილიპედან გავცურეთ და მეხუთე დღეს მივედით მათთან ტროადაში, სადაც შვიდი დღე დავყავით.

ევტიხის გაცოცხლება ტროადაში

7 შვიდეულის პირველ დღესვე, როდესაც მოწაფეები შეიკრიბნენ პურის გასატეხად, პავლე, რომელიც მეორე დღეს გამგზავრებას აპირებდა, ესაუბრებოდა მათ და შუალამემდე გააგრძელა სიტყვა. საქ.2,46. 1კორ.10,16.

8 ზედათვალში, სადაც ჩვენ ვიყავით შეკრებილები, ბევრი ლამპარი იყო.

9 ერთი ჭაბუკი, სახელად ევტიხი, რომელიც სარკმლის რაფაზე ჩამოძვდარიყო, რაკი პავლეს სიტყვა გაუგრძელდა, ძილქუშმა მოიცვა და მძინარე მესამე სართულიდან გადავარდა და მკვდარი აიყვანეს.

10 ჩამოვიდა პავლე, დაემხო მას, მოეხვია და თქვა: „ნუ შეშფოთდებით, გინაიდან სული მისი მასთანვეა.“

11 ავიდა ზევით და პური გატეხა და ჭამა, კარგა ხანს საუბრობდა, განთიადამდე, და შემდეგ წავიდა.

12 ამასობაში ის ყრმა ცოცხალი მოიყვანეს, რამაც დიდად ანუგეშა ისინი.

პავლე გაუდგა იერუსალიმის გზას

13 ჩვენ წინ გავწიეთ ხომალდით და გავცურეთ ასონში, რათა პავლე წამოგვეყვანა იქიდან. ასე გვიბრძანა, რადგანაც თავად ფეხით აპირებდა ასვლას.

14 როდესაც ჩვენ შეგვხვდა ასონში, წამოვიყვანეთ იგი და მოვედით მიტილენეში.

15 იქიდან გავცურეთ და მომდევნო დღეს დავდექით ხიოსის პირდაპირ, მეორე დღეს მივადექით სამოსს, დავყავით ტროგილიუმში და მომდევნო დღეს მივედით მილეტში.

16 პავლემ გადაწყვიტა ეფესოსთვის გვერდი აექცია, რომ არ დაყოვნებულიყო აზიაში, გინაიდან ჩქარობდა, უნდოდა ორმოცდამეათე დღეს იერუსალიმში ყოფილიყო.

სიტყვა მილეტში უხუცესებისადმი

17 ხოლო მილეტიდან მიავლინა ეფესოში და დაიბარა ეკლესიის უხუცესები.

18 როდესაც მოვიდნენ მასთან, უთხრა: „თქვენ იცით, რომ პირველივე დღიდან, როდესაც აზიაში მოვედი, მუდამ თქვენთან ვიყავი.“ საქ.19,9.

19 ვემსახურებოდი უფალს სრული თავმდაბლობით, მრავალი ცრემლითა და განსაცდელით, რომელიც შემემთხვა იუდეველთა ბოროტი ზრახვებით.

20 არაფერი დამიშურებია სასარგებლო, თქვენთვის რომ არ მექადაგნა და არ მესწავლებინა საჯაროდ თუ სახლებში.

21 ვუმოწმებდი იუდეველებსა და ბერძნებს ღვთის წინაშე მონანიებას და ჩვენი უფლის იესო ქრისტეს რწმენას. ლუკ.24,47.

22 და აჰა, ახლა სულის მიერ შეკრული მივდივარ იერუსალიმში და არც კი ვიცი, იქ რა შემემთხვევა.

23 მხოლოდ სულიწმიდა მიმოწმებს ყველა ქალაქში და მეუბნება, რომ ბორკილები და გასაჭირი მელის. საქ.9,16;21,11. 1თეს.3,3.

24 მაგრამ სიცოცხლე არად მიღირს, ოღონდ კი იმ ჩემ სარბიელსა და მსახურებას დავასრულებდე, რომელიც უფალ იესოსგან მივიღე, რათა დავამოწმო ღვთის მადლის სახარება.

საქ.21,13. რომ.8,35. გალ.1,1. კოლ.1,24. ტიტ.1,3.

25 აჰა, ახლა ვიცი, რომ ველარ იხილავს ჩემს სახეს ვერც ერთი თქვენგანი, რომელთა შორისაც დავდიოდი და ვქადაგებდი ღვთის სასუფეველს.

26 ამიტომ გიმოწმებთ თქვენ ამ დღეს, რომ უბრალო ვარ ყველა სისხლისაგან. ეზეკ.23,9. საქ.18,6.

27 ვინაიდან არ დამიტოვებია გაუცხადებლად ღვთის ყოველი ნება. ლუკ.7,30. ეფეს.1,11.

28 გაუფრთხილდით თქვენს თავსაც და თქვენს სამწყსოსაც, რომლის მეთვალყურედაც სულიწმიდამ დაგაყენათ, რათა მწყემსავდეთ ღვთის ეკლესიას, რომელიც მან საკუთარი სისხლით შეიძინა. ეს.53,12. იოან.21,15. 1პეტ.5,2. რომ.3,25.

29 ვინაიდან მე ვიცი, რომ ჩემი წასვლის შემდეგ შემოგივარდებიან უღმობელი მგლები, რომლებიც არ დაინდობენ სამწყსოს.

მათ.7,15. 2პეტ.2,1.

30 და თვით თქვენგანაც აღდგებიან კაცები, რომლებიც უკუღმართად ილაპარაკებენ, რათა მოწაფეები გადაიბირონ.

31 ამიტომ ფხიზლად იყავით, გახსოვდეთ, რომ სამ წელიწადს, დღე და ღამე, განუწყვეტლივ ცრემლით ვასწავლიდი თითოეულ თქვენგანს. მათ.25,13. ებრ.13,17.

32 ახლა კი, ძმებო, მიგანდობთ უფალს და მისი მადლის სიტყვას, რომელსაც შეუძლია აგაშენოთ და მოგცეთ სამკვიდრებელი ყოველ გაწმედილთან ერთად. ეფეს.1,18.

33 არავისი არც ვერცხლი მინატრია, არც ოქრო, არც ტანისამოსი. 1მფ.12,3.

34 თქვენ თვითონ იცით, რომ ეს ჩემი ხელები ემსახურებოდა ჩემსა და ჩემთან მყოფთა საჭიროებებს.

საქ.18,3. 1კორ.4,12. 1თეს.2,9. 2თეს.3,8.

35 ყველაფერი გიჩვენეთ თქვენ, რომ ასეთი შრომით უნდა შეეწეოდეთ უძლურებს და გახსოვდეთ უფალ იესოს სიტყვა, როგორც მან თქვა: „გაცემა მეტი ნეტარებაა, ვიდრე მიღება.“

ლუკ.6,38;18,22.

36 ეს რომ თქვა, მუხლი მოიყარა და ყველასთან ერთად ილოცა.

37 მაშინ დიდი ტირილი ჰქონდა ყველას, ყელზე ეხვეოდნენ პავლეს და ეამბორობოდნენ.

38 უფრო მეტად იმ სიტყვაზე წუხდნენ, რომ თქვა, ველარ იხილავთო ჩემ სახეს. და მიაცილეს იგი ხომალდამდე.

თ ა ვ ი 21

პავლეს მგზავრობის შეწყვეტა ტვიროსში

1 როდესაც მათ დაგშორდით, გადავცურეთ პირდაპირ და მივადექით კოსს, ხოლო მეორე დღეს – როდესს, და იქიდან – პატარას.

2 გნახეთ ხომალდი, რომელიც ფინიკიაში მიდიოდა, ავედით და გავცურეთ.

3 კვიპროსი რომ გამოჩნდა, მარცხნივ მოვიტოვეთ იგი, სირიისაკენ გავემართეთ და მივადწიეთ ტვიროსს, ვინაიდან იქ უნდა გადმოეტვირთათ ხომალდი.

4 მოვნახეთ მოწაფეები და შვიდ დღეს გავჩერდით იქ. ისინი სულთ ეუბნებოდნენ პავლეს, რომ არ ასულიყო იერუსალიმში.

საქ.20,23.

5 ამ დღეებმა რომ ჩაიარა, გამოვედით და გავწიეთ. ყველამ ცოლშვილითურთ ქალაქგარეთ გამოგვაცილა, ხოლო ნაპირზე მუხლი მოვიყარეთ და ვილოცეთ.

საქ.20,36.

6 ერთმანეთს გამოვემშვიდობეთ და ავედით ხომალდზე, ისინი კი სახლებში დაბრუნდნენ.

აგაბოს წინასწარმეტყველება კესარიაში

7 დავასრულეთ ცურვა და ტვიროსიდან პტოლემაისში მივედით, მოვიკითხეთ ძმები და ერთი დღე დავყავით მათთან.

8 მეორე დღეს კი პავლე და მასთან მყოფნი წავედით. კესარიას რომ მივადწიეთ, შევედით ერთ-ერთი შვიდთაგანის – ფილიპე მახარებლის სახლში და დავრჩით მისას.

საქ.6,5.

9 მას ჰყავდა ოთხი ქალიშვილი, წინასწარმეტყველი ქალწულები.

საქ.2,17-18.

10 მრავალი დღე დავყავით იქ და ამასობაში იუდეიდან მოვიდა წინასწარმეტყველი, სახელად აგაბოსი.

საქ.11,28.

11 მოვიდა ჩვენთან, აიღო პავლეს სარტყელი, ხელ-ფეხი შეიკრა და თქვა: „ასე ამბობს სულიწმიდა: კაცს, ვისაც ეს სარტყელი ეკუთვნის, ასე შეკრავენ იერუსალიმში იუდეველები და წარმართებს მისცემენ ხელში.“

საქ.24,27;26,29. ეფეს.6,20. ფილ.1,13.

12 ეს რომ მოვისმინეთ, ჩვენც და იქაურებიც ვევედრებოდით, არ ასულიყო იერუსალიმში.

13 მაშინ მოგვიგო პავლემ და გვითხრა: „რას სჩადით, ტირით და გულს მიტეხთ? მე არა თუ შესაკვრელად, არამედ იერუსალიმში სასიკვდილოდაც მზადა ვარ უფალ იესოს სახელისათვის.“

14 რაკი ვერ შევძელით მისი დაყოლიება, დავწყნარდით და გუთხარით: „იყოს ნება უფლისა!“

მათ.6,10.

პავლეს ასვლა იერუსალიმში

15 იმ დღეების შემდეგ გავემზადეთ და ავედით იერუსალიმს.

16 თან გამოგვყვა აგრეთვე ზოგიერთი მოწათე კესარიიდან და მიგვიყვანეს მნასონთან, ერთ ძველ კვიპროსელ მოწათესთან, ვისთანაც ღამე უნდა გაგვეთია.

17 იერუსალიმში მისვლისას სიხარულით მიგვიღეს ძმებმა.

18 მეორე დღეს პავლე ჩვენთან ერთად შევიდა იაკობთან და ყველა უხუცესიც მოვიდა.

19 პავლემ მოიკითხა ისინი და დაწვრილებით უამბო ყველაფერი, რაც ღმერთმა მოახდინა წარმართებს შორის მისი მსახურებით.

რჩევა წეს-ჩვეულებათა დაცვაზე

20 მათ კი, ეს რომ მოისმინეს, აღიღეს ღმერთი და უთხრეს მას: „ხედავ, ძმაო, რამდენი ათასი მორწმუნეა იუდეველთა შორის! და ყველანი რჯულის მოშურნენი არიან. საქ.22,3. რომ.10,2.

21 შენზე გაიგეს, რომ მოსესგან განდგომას ასწავლი წარმართებში მცხოვრებ ყველა იუდეველს, და ამბობ, რომ არ უნდა წინადაცვითონ თავიანთ შვილებს და არც წეს-ჩვეულებებს უნდა მისდიონო.

22 აბა, რა გქნათ? ნამდვილად შეიყრება ხალხი, შენს მოსვლას რომ გაიგებენ.

23 ისე მოიქეცი, როგორც ჩვენ გეტყვით: ჩვენ გვყავს ოთხი კაცი, რომელთაც აღთქმა აქვთ დადებული.

24 წაიყვანე ესენი, მათთან ერთად განიწმიდე, გაიღე მათი ხარჯები, რათა თავი გაიკრიჭონ, და გაიგებს ყველა, რომ რაც შენზე გაუგიათ, სულ ტყუილია, და რომ შენ თვითონ განაგრძობ რჯულის დაცვას. რიცხ.6,18. საქ.18,18.

25 ხოლო წარმართებზე, რომელთაც ირწმუნეს, ჩვენ ვიმსჯელებთ და მივწერეთ, მოერიდონ ნაკერპავებს, სისხლს, დამხრჩვალს და სიძვას.“ საქ.15,20.

26 მაშინ პავლემ წაიყვანა ის კაცები, მეორე დღეს მათთან ერთად განიწმიდა, მომდევნო დღეს შევიდა ტაძარში და გამოაცხადა, რომ დასრულდა განწმედის დღეები, როცა თითოეული მათგანისათვის უნდა შეწირულიყო შესაწირავი.

პავლეს გადარჩენა რომაელი ჯარისკაცების მიერ

27 როდესაც იწურებოდა შვიდი დღე, აზიელმა იუდეველებმა, ტაძარში რომ დაინახეს იგი, მთელი ხალხი აღაშფოთეს და ხელი დაადეს მას.

28 ყვიროდნენ: „კაცნო ისრაელიანნო, გვიშველეთ! ეს ის კაცია, რომელიც ყველას და ყველგან უქადაგებს ხალხის, რჯულისა და ამ ადგილის წინააღმდეგ. ახლა ბერძნებიც კი შეიყვანა ტაძარში და შებღალა ეს წმიდა ადგილი.“ საქ.24,6.

29 მასთან ერთად ქალაქში უნახავთ ტროფიმე ეფესელი და ჰგონებიათ, პავლემ შეიყვანაო ტაძარში.

30 მთელი ქალაქი შეიძრა და შეგროვდა ხალხი. პავლე შეიპყრეს, გამოათრიეს ტაძრიდან და კარები მყისვე ჩაიკეტა.
საქ.26,21.

31 როდესაც მოკვლა დაუპირეს, რაზმის ათასისთავს მიუვიდა ამბავი, მთელი იერუსალიმი ამბოხდაო.

32 მან მყისვე წაიყვანა ჯარისკაცები და ასისთავები და გაეშურა მათკენ. ხოლო მათ, ათასისთავი და ჯარისკაცები რომ დაინახეს, თავი ანებეს პავლეს ცემას.

33 მაშინ ათასისთავი ახლოს მივიდა, გამოიყვანა იგი და ბრძანა ორი ჯაჭვით შეეკრათ, და კითხულობდა: ვინ არის და რა ჩაიდინაო?
საქ.20,23.

34 ხალხში ერთნი ერთს გაჰყვიროდნენ, მეორენი – მეორეს. მან კი, რაკი ვერ შეძლო არეულობის გამო სინამდვილის გაგება, მისი ციხე-სიმაგრეში წაყვანა ბრძანა.

35 კიბეებს რომ მიაღწია, ჯარისკაცებს მისი აყვანა მოუხდათ ხალხის სიმრავლის გამო,

36 ვინაიდან დიდძალი ხალხი მისდევდა და ყვიროდა: „სიკვდილი მაგას!“

ხალხთან ლაპარაკის ნებართვა

37 ციხე-სიმაგრეში რომ შეჰყავდათ, პავლემ უთხრა ათასისთავს: „შეიძლება ერთი რამ გითხრა?“ ხოლო მან ჰკითხა: „ბერძნული იცი?“

38 შენ ხომ არა ხარ ის ეგვიპტელი, რომელმაც ამას წინათ შფოთი ატეხე და უდაბნოში გაიყვანე ოთხი ათასი მეამბოხე?“

39 თქვა პავლემ: „მე იუდეველი კაცი ვარ, ტარსუსელი, არცთუ უცნობი კილიკიის ქალაქის მოქალაქე. გთხოვ, ნება მომცე, ხალხს დაველაპარაკო.“
საქ.22,3.

40 როდესაც მან ნება მისცა, პავლე დადგა კიბეზე, ხელით ანიშნა ხალხს და, როცა დიდი სიჩუმე ჩამოვარდა, ებრაულად მიმართა.

თ ა ვ ი 22

პავლეს სიტყვა

1 „კაცნო, ძმანო და მამანო! მოისმინეთ ჩემი თავის მართლება თქვენს წინაშე.“

2 როდესაც გაიგონეს, რომ ებრაულად ელაპარაკებოდა მათ, კიდევ უფრო გაყუჩდნენ. მან თქვა:

3 „მე ვარ იუდეველი კაცი, კილიკიის ტარსუსში დაბადებული, ამ ქალაქში გამალიელის ფეხებთან აღზრდილი, ზედმიწევნით განსწავლული მამების რჯულში. ღვთისთვის მოშურნე, როგორც თქვენ ხართ ღღეს ყველანი.“
საქ.5,34;21,20.39. გალ.1,14.

4 სასიკვდილოდ ვდევნიდი ამ გზაზე დამდგართ, ბორკილებს ვადებდი და საპყრობილეში გადავცემდი როგორც მამაკაცებს, ასევე ქალებს. საქ.8.3;9,1;26,10.

5 ამაში მღვდელმთავარიც დამემოწმება და უხუცესთა მთელი საბჭოც. მათგან წერილებიც მივიღე დამასკოში მყოფი ძმებისათვის და წავედი, რომ იქაურებიც მომეყვანა იერუსალიმში დასასჯელად.

6 მოხდა ისე, რომ როცა მივდიოდი და ვუახლოვდებოდი დამასკოს, შუადღისას უეცრად ძლიერმა ნათელმა მომიცვა ზეციდან. საქ.9,3;26,13.

7 დავეცი მიწაზე და მომესმა ხმა, რომელიც მეუბნებოდა: 'საულ, საულ, რად მდევნი მე?'

8 მე მივუგე: 'ვინა ხარ, უფალო?' მან მითხრა: 'მე ვარ, იესო ნაზარეტელი, რომელსაც შენ დევნი.'

9 ჩემთან მყოფებმა იხილეს ნათელი, მაგრამ ჩემი მოსაუბრის ხმა არ სმენიათ.

10 მე კი ვუთხარი: 'რა ვქნა, უფალო?' ხოლო უფალმა მითხრა: 'ადექი და წადი დამასკოს და იქ გეუწყება ყოველივე, რისი გაკეთებაც გაქვს დაგალებული.'

11 რაკი იმ ნათლის დიდებისაგან ველარაფერს ვხედავდი, ჩემთან მყოფებმა ხელი ჩამკიდეს და ისე მიმიყვანეს დამასკოში.

12 ვინმე ანანია, ღვთისმოშიში რჯულის წესით, რომელსაც ემოწმებოდა იქ მცხოვრები ყველა იუდეველი,

13 მოვიდა ჩემთან, მომიახლოვდა და მითხრა: 'ძმაო სავლე, აგეხილოს თვალი!' და მე იმ ჟამსავე დავინახე იგი.

14 ხოლო მან მითხრა: 'ჩვენი მამების ღმერთმა წინასწარ დაგნიშნა შენ, რომ შეიცნო მისი ნება, დაინახო მართალი და ისმინო ხმა მისი ბაგიდან. საქ.18,9. 1იოან.2,1. გალ.1,12.

15 რადგან შენ იქნები მისი მოწამე ყველა ადამიანის წინაშე იმის გამო, რაც ნახე და მოისმინე.

16 ახლა რაღად აყოვნებ? ადექი, მოინათლე, ჩამოირეცხე შენი ცოდვები და მოუხმე უფლის სახელს.'

17 როდესაც იერუსალიმში დავბრუნდი და ტაძარში ვლოცულობდი, აღტაცებამ შემიპყრო.

18 ვიხილე იგი და მან მითხრა: 'იჩქარე და მალე გაეცალე იერუსალიმს, ვინაიდან არ მიიღებენ შენს მოწმობას ჩემზე.'

საქ.9,15. 1კორ.9,1;15,8.

19 მე ვუთხარი: უფალო, მათ იციან, რომ მე საპყრობილეებში ვყრიდი და სინაგოგებში ვცემდი შენს მორწმუნეებს.

20 როდესაც შენი მოწამის, სტეფანეს სისხლი იღვრებოდა, მეც იქ ვიდექი და ვიწონებდი, და ვდარაჯობდი მის მკვლელთა ტანისამოსს. საქ.7,58.

21 მითხრა: 'წადი, შორს მიგავლენ წარმართებთან.'

საქ.9,15. გალ.1,16. 1ტიმ.2,7. 2ტიმ.1,11.

22 ამ სიტყვამდე უსმენდნენ მას, მერე ხმა აღიმალღეს და

თქვეს: „აღიგავოს ასეთი კაცი მიწისაგან, ვინაიდან არ არის სიცოცხლის ღირსი!“

23 როდესაც ისინი ყვიროდნენ, ტანისამოსს იგლეჯდნენ და ჰაერში მტვრის კორიანტელს აყენებდნენ,

24 ათასისთავმა ბრძანა ციხე-სიმაგრეში შეეყვანათ იგი და უთხრა მათ, შოლტის ქვეშ დაეკითხათ, რათა გაეგოთ, რისთვის ყვიროდნენ ასე მის წინააღმდეგ.

25 მაგრამ როდესაც გაჰიმეს ღვედებით, პავლემ უთხრა იქვე მდგომ ასისტავს: „რა უფლება გაქვთ, რომ განუკითხავად გაშოლტოთ რომის მოქალაქე?“

26 ეს რომ ასისტავმა გაიგო, მივიდა ათასისთავთან და მოახსენა და უთხრა: „რას აპირებ, რომაელი ყოფილა ეს კაცი!“

27 მივიდა ათასისთავი და უთხრა მას: „მითხარი, რომაელი ხარ?“ მიუგო: „კი.“

28 ათასისთავმა უპასუხა: „მე დიდი თანხით მოვიპოვე ეს მოქალაქეობა.“ ხოლო პავლემ უთხრა: „მე კი – დაბადებით.“

29 მაშინ მყისვე მოეშვნენ, ვინც მას დაკითხვას უპირებდა. ხოლო ათასისთავს შეეშინდა, როცა გაიგო, რომ იგი რომის მოქალაქე ყოფილა, მან კი შეაბოროკინა იგი.

პავლეს მიყვანა სინედრიონზე

30 მეორე დღეს მოისურვა დანამდვილებით შეეტყო, რას აბრალებდნენ მას იუდეველები, შეხსნა მას ბორკილები და ბრძანა მღვდელმთავართა და მთელი სინედრიონის შეკრება; მოიყვანა პავლე და დააყენა მათ შორის.

თ ა ვ ი 23

პავლე სინედრიონის წინაშე

1 პავლემ მზერა მიაპყრო სინედრიონს და წარმოთქვა: „კაცნო ძმანო, დღემდე წრფელი სინდისით ვმოქალაქეობდი ღვთის წინაშე.“

საქ.24,16. 1კორ.4,4. 2კორ.1,12;4,2. ეფეს.13,18.

2 მღვდელმთავარმა ანანიაჲ კი თავის წინაშე მდგომთ უბრძანა მისი სახეში ცემა.

3 მაშინ პავლემ უთხრა მას: „ღმერთი გცემს შენ, თეთრად შეფეთქილო კედელო! რჯულით განსაკითხად ზიხარ და ურჯულოდ კი ბრძანებ ჩემს ცემას.“

ლევ.19,35. 2შჯ.17,10. მათ.23,27.

4 იქ მდგომებმა უთხრეს: „ღვთის მღვდელმთავარს აგინებ?“

5 უთხრა მათ პავლემ: „მე არ ვიცოდი, ძმებო, თუ ეგ მღვდელმთავარი იყო, ვინაიდან დაწერილია: ‘შენი ხალხის მთავარზე აუგს ნუ იტყვი.’“

გამოს.22,28.

6 პავლემ იცოდა, რომ ერთი ნაწილი სადუკევლებისა იყო, სხვა კი ფარისევლებისა, და იყვირა სინედრიონში: „კაცნო

ძმანო, მე ფარისეველი ვარ, ფარისევლის ძე. მკვდრებით აღდგომის იმედისთვის განვიკითხები.“ საქ.24,21. ფილ.3,5.

7 ეს რომ თქვა, ფარისევლებსა და სადუკეველებს შორის დავა ატყდა, და გაიყო კრებული.

8 ვინაიდან სადუკეველნი ამბობენ, რომ არ არის არც აღდგომა, არც ანგელოზი, არც სულიო, ფარისევლები კი ერთსაც აღიარებენ და მეორესაც. მათ.22,23. მარ.12,8. ლუკ.20,27.

9 ატყდა დიდი ყვირილი, წამოდგა ზოგიერთი მწიგნობარი ფარისეველთა მხრიდან, დავობდნენ და ამბობდნენ: „ამ კაცში ცუდი გერაფერი ვპოვეთ. თუკი სული ან ანგელოზი ელაპარაკებოდა მას, ღმერთს ნუ ებრძვი!“ საქ.25,25.

10 რაკი დიდი შფოთი ატყდა, ათასისთავს შეეშინდა, რომ მათ პავლე არ გაეგლიჯათ და ჯარისკაცებს უბრძანა შესულიყვნენ, გამოერიდებინათ იგი მათგან და ციხე-სიმაგრეში წაეყვანათ.

11 მეორე ღამეს უფალი გამოეცხადა მას და უთხრა: „გამხნედი, ვინაიდან, როგორც იერუსალიმში მოწმობდი ჩემზე, ასევე რომშიც გამართებს დამოწმება.“ საქ.18,9;19,21.

შეთქმულება პავლეს მოსაკლავად

12 რომ გათენდა, იუდეველთაგან ზოგიერთნი შეითქვნენ და ფიცი დადეს, და თქვეს არ ეჭამათ და არ ესვათ, ვიდრე პავლეს არ მოკლავდნენ.

13 ისინი, ვინც შეითქვნენ, ორმოცზე მეტნი იყვნენ.

14 ისინი მივიდნენ მღვდელმთავრებთან და უხუცესებთან და უთხრეს: „ფიცით დაგიფიცეთ, რომ არაფერს ვიგემებთ, ვიდრე პავლეს არ მოვკლავთ.“

15 ახლა თქვენ და სინედრიონმა შეუთვალეთ ათასისთავს, რომ მოიყვანოს იგი თქვენთან, ვითომ უფრო წვრილად გინდათ გამოიკვლიოთ მისი საქმე. ჩვენ კი, ვიდრე ის თქვენთან მოვა, მზად ვიქნებით მის მოსაკლავად.“

16 შეიტყო ეს გერაგობა პავლეს დისწულმა, წავიდა, შევიდა ციხე-სიმაგრეში და აუწყა პავლეს.

17 ხოლო პავლემ გამოიძახა ერთი ასისტავთაგანი და უთხრა: „ეს ჭაბუკი მიიყვანე ათასისთავთან, ვინაიდან რალაც აქვს სათქმელი მისთვის.“

18 მანაც წაიყვანა იგი, მიიყვანა ათასისთავთან და უთხრა: „პატიმარმა პავლემ დამიძახა და მთხოვა ეს ჭაბუკი შენთან მომეყვანა, რადგან სათქმელი აქვს შენთვის.“

19 ათასისთავმა ხელი მოჰკიდა მას, განზე გაიყვანა და ჰკითხა: „რა არის, რა გაქვს ჩემთვის სათქმელი?“

20 მან უთხრა: „იუდეველები შეთანხმდნენ, გთხოვონ შენ, რომ ხვალ გამოიყვანო პავლე სინედრიონში, თითქოს მათ სურდეთ უფრო წვრილად გამოიკვლიონ მისი საქმე.“

21 მაგრამ შენ ნუ დაუჯერებ მათ, გინაიდან მას ჩასაფრებული ჰყავს მათგან ორმოცზე მეტი კაცი, რომელთაც ფიცი დადეს, არც ჭამონ და არც სვან, ვიდრე პავლეს არ მოკლავენ. ახლა ისინი გამზადებულები არიან და შენს ბრძანებას ელიან.“

პავლეს გაგზავნა კესარიაში

22 მაშინ ათასისთავმა გაუშვა ჭაბუკი და უბრძანა: არავის უთხრა, რაც მე შემატყობინეო.

23 გამოიძახა ორი ასისტავთაგანი და უთხრა: „მოამზადეთ ორასი ჯარისკაცი კესარიაში წასასვლელად, სამოცდაათი ცხენოსანი და ორასი შუბოსანი ღამის მესამე საათისათვის,

24 და პირუტყვები, რომ შესვან პავლე და მიიყვანონ იგი განმგებელ ფელიქსთან.“

25 პისწერა ამგვარი წერილი:

26 „კლავდიოს ლუსია – უაღმატებულეს განმგებელს, ფელიქსს: იხარებდე!

27 ეს კაცი შეიპყრეს იუდეველებმა და განზრახული ჰქონდათ მოეკლათ იგი. მე მივედი ჯარისკაცებით და გამოვარიდე მათ, როცა გავიგე, რომ რომის მოქალაქეა. საქ.21,32.

28 მინდოდა გამეგო, რაში სდებდნენ ბრალს, და მივუყვანე მათ სინედრიონში. საქ.22,30.

29 გავიგე, რომ მათი რჯულის საქმეში დაუდევთ ბრალი მისთვის, მაგრამ ისეთი არაფერი დანაშაული ჰქონია, რომ სიკვდილი ან ბორკილები დაემსახურებინოს. საქ.25,19.

30 ხოლო, როდესაც გავიგე, რომ შეითქვნენ ამ კაცის წინააღმდეგ, დაუყოვნებლივ გამოვგზავნე შენთან. ბრალმძებლებსაც ვუბრძანე მასზე შენს წინაშე ილაპარაკონ. იცოცხლე!“

განმგებელი აკავებს პავლეს ბრალმძებლების მოსვლამდე

31 ამრიგად, ჯარისკაცებმა ბრძანებისამებრ აიყვანეს პავლე და ღამით წაიყვანეს ანტიპატრიამდე.

32 მეორე დღეს კი ცხენოსნებს გააყოლეს იგი და ციხესიმაგრეში დაბრუნდნენ.

33 მათ კი, რომლებიც კესარიაში მივიდნენ და განმგებელს გადასცეს წერილი, პავლეს წარუდგინეს მას.

34 განმგებელმა წაიკითხა წერილი და ჰკითხა, თუ რომელი სამთავროდან იყო. როდესაც შეიტყო, რომ კილიკიიდან იყო, თქვა: საქ.24,1;25,16.

35 „მაშინ მოგისმენ, როდესაც შენი ბრალმძებლებიც მოვლენ.“ და ბრძანა ჰეროდესეულ პრეტორიუმში ჰყოლოდათ.

თ ა ვ ი 24

ტერტილოსის ბრალდება პავლეს მიმართ ფელიქსის წინაშე

1 ხუთი დღის შემდეგ მოვიდა მღვდელმთავარი ანანია უხუცესებთან და ვინმე რიტორ ტერტილოსთან ერთად, რომლებმაც განმგებელთან უჩივლეს პავლეს.

2 როდესაც გამოიძახეს იგი, ტერტილოსმა დაიწყო მისი ბრალდება და თქვა:

3 „ყველგან და ყოველთვის მთელი მადლიერებით ვაღიარებთ, რომ შენის წყალობით სრული მშვიდობა გვაქვს, და შენს მზრუნველობას ვუმაღლით ცვლილებებს ამ ხალხისათვის, უაღმატებულესო ფელიქს.

4 მაგრამ, ზედმეტად რომ არ შეგაწუხოთ, გთხოვთ მოისმინო მოკლედ ნათქვამი შენთვის ჩვეული მოთმინებით.

5 რაკი ეს კაცი ვცანით მავნებლად, მთელს მსოფლიოში მცხოვრებ იუდეველთა შორის შეფოთის ამტეხად და ნაზარეველთა მწვალებლობის წინამძღოლად, საქ.28,22.

6 რომელმაც ტაძრის შებღალავაც კი სცადა, ჩვენც შევიპყარიით იგი და გვინდოდა ჩვენი რჯულის მიხედვით განგვეკითხა, საქ.21,28.

7 მაგრამ ათასისთავი ლისია მოვიდა, დიდი ძალმომრეობით გამოგვტაცა ხელიდან

8 და უბრძანა მის ბრალმდებლებს შენთან მოსულიყვნენ, რათა შენ თავად შეგძლებოდა მისგან გაგვეგო, რას ვდებთ ბრალად.“

9 იუდეველებმაც დაადასტურეს და თქვეს: ასეაო.

პავლე უარყოფს ბრალდებას

10 პავლემ, როცა განმგებელმა ანიშნა ილაპარაკეო, მიუგო: „ვიცი, რომ მრავალი წელია ამ ხალხის მსაჯული ხარ, და ამიტომ გულდაჯერებულად დავიცავ ჩემს საქმეს.

11 შენ შეგიძლია შეიტყო, რომ თორმეტ დღეზე მეტი არ არის, რაც იერუსალიმში ავედი თაყვანისსაცემად.

12 არც ტაძარში ვუნახივარ ვინმეს, რომ ვინმესთან მედავოს ან ხალხი ამეშფოთებინოს, ან სინაგოგაში, ან ქალაქში.

13 შენს წინაშე ვერც იმას დაამტკიცებენ, რაშიც ახლა ბრალს მდებენ.

14 ამას კი ვაღიარებ შენთან, რომ იმ მოძღვრებით, რომელსაც ეგენი მწვალებლობას უწოდებენ, მე ნამდვილად ვემსახურები მამების ღმერთს, და მწამს ყოველივე, რაც ეთანხმება რჯულს და რაც წინასწარმეტყველებაშია დაწერილი.

15 მაქვს ღვთის იმედი, რომ იქნება მკვდრეთით აღდგომა როგორც მართალთა, ისე უკეთურთა, რასაც თავად ესენიც მოელიან. დან.12,2. იოან.5,28.

16 ამიტომ ვცდილობ ყოველთვის უმწიკვლო სინდისით ვიყო ღვთისა და კაცთა წინაშე. საქ.23,1.

17 მრავალი წლის შემდეგ მოვედი ჩემი ერისათვის მოწყალებისა და შესაწირავის მოსატანად. საქ.11,29. რომ.15,25.

18 ამგვარად მნახეს ტაძარში, განწმედილი, ხალხისა და შფოთის გარეშე. საქ.21,26-27.

19 აზიელ იუდეველთაგან იყვნენ ისინი, რომელნიც უნდა გამოცხადებულიყვნენ შენს წინაშე და დაედოთ ბრალი, თუ რამე ჰქონდათ ჩემს წინააღმდეგ.

20 ანდა, თვითონ ამათ თქვან, რა ბრალი ნახეს ჩემში, როცა სინედრიონის წინაშე ვიდექი,

21 გარდა იმ ერთი სიტყვისა, რომელიც მე წამოვიძახე, მათ შორია მდგარმა: მკვდრეთით აღდგომისათვის განვიკითხები-მეთქი თქვენს წინაშე დღეს.“ საქ.23,6.

ფელიქსი ვადას უღებს ორ წლამდე

22 რაკი კარგად იცნობდა ამ გზას, ფელიქსმა ვადა გადაუდო მათ და უთხრა: როცა ათასისთავი ლისია მოვა, მაშინ განვიხილავო თქვენს საქმეს.

23 ასისთავს უბრძანა დაეცვა იგი, მაგრამ ისე, რომ არ შეეწუხებინათ და მისიანთაგან არავისთვის აეკრძალათ მისი მომსახურება. საქ.27,3.

24 რამდენიმე დღის შემდეგ მოვიდა ფელიქსი და თან ახლდა თავისი მეუღლე დრუსილა, იუდეველი. მოუხმო პავლეს და უსმენდა მას ქრისტე იესოს სარწმუნოების შესახებ.

25 და რადგან ის ლაპარაკობდა სამართლიანობაზე, თავშეკავებასა და მომავალ განკითხვაზე, ფელიქსი შეშინდა და უპასუხა: „ახლა წადი და, როცა მოვიცლი, დაგიძახებ.“

26 ამასთანავე იმედი ჰქონდა, რომ პავლესგან ფულს მიიღებდა, რომ გაეშვა იგი. ამიტომ ხშირად უხმობდა და ესაუბრებოდა მას.

27 ორი წელი რომ გავიდა, ფელიქსს შემცვლელი მოუვიდა, პორკიოს ფესტოსი. ფელიქსს იუდეველების მომადლიერება უნდოდა და პავლე შებორკილი დატოვა. საქ.21,11;25.9.

თ ა ვ ი 25

პავლე ითხოვს კეისრის სამსჯავროს

1 სამთავროში მისვლისთანავე ფესტოსი სამი დღის შემდეგ კესარიიდან იერუსალიმს გაემგზავრა.

2 მღვდელმთავარმა და იუდეველთა მთავრებმა აცნობეს მას თავიანთი სარჩელი პავლეს წინააღმდეგ და ეგედრებოდნენ მას,

3 სთხოვდნენ წყალობას, რათა გამოეძახა იგი იერუსალიმში, რომ გზაში ჩასაფრებოდნენ და მოეკლათ.

4 მაგრამ ფესტოსმა მიუგო, რომ პავლეს კესარიაში დარა-
ჯობდნენ და რომ მალე თვითონაც იქ მიემგზავრებოდა.

5 უთხრა მან: „ახლა რომელ თქვენგანსაც შეუძლია,
წამომყვეს და, თუ რაიმე აქვს ამ კაცს დანაშაული, ბრალი
დასდოს.“

6 მათ შორის ათი თუ რვა დღე დაჰყო და დაბრუნდა კესა-
რიაში. მეორე დღეს დაჯდა მსაჯულის ადგილზე და პავლეს
მოყვანა ბრძანა.

7 როდესაც ის მოვიდა, მის ირგვლივ დადგნენ იერუსალი-
მიდან ჩამოსული იუდეველნი, პავლეს ბევრსა და მძიმე
ბრალდებას უყენებდნენ, თუმცა მათი დამტკიცება არ შეეძლოთ.

8 მან კი თავის გასამართლებლად თქვა: „არაფერი შემიცო-
დავს არც იუდეველთა რჯულის, არც ტაძრის, არც კეისრის
წინააღმდეგ.“

საქ.24,12;28,17.

9 ფესტოსს იუდეველთა მომადლიერება უნდოდა და პასუხად
უთხრა პავლეს: „იქნებ იერუსალიმში ასვლა გინდა, რომ იქ
განიკითხო ჩემს წინაშე ამის გამო?“

10 პავლემ უთხრა: „კეისრის სამსჯავროს წინაშე ვდგავარ,
სადაც ჯერ არს ჩემი განკითხვა. იუდეველთათვის ცუდი არა-
ფერი მიქნია, როგორც თავად მოგეხსენება.“

11 თუ მართალი არა ვარ და რაიმე ჩამიდენია ისეთი, რომ
სიკვდილს ვიმსახურებ, არ გავექცევი სიკვდილს. ხოლო თუ ყვე-
ლაფერი ტყუილია, რაშიც ესენი ბრალს მდებენ, არავის
შეუძლია მათ ხელში მიმცეს. კეისრის სამსჯავროს მოვითხოვ.“

საქ.28,18.

12 მაშინ ფესტოსი მოეთათბირა თავის საბჭოს და უპასუხა:
„კეისრის სამსჯავროს მოითხოვ და კეისართანვე წახვალ.“

პავლეს საქმეს ფელიქსი უდგენს აგრიპას

13 რამდენიმე დღის შემდეგ მეფე აგრიპა და ბერნიკე მივი-
დნენ კესარიაში ფესტოსის მოსაკითხავად.

14 და რაკი მრავალი დღე დაჰყვეს იქ, ფესტოსმა უთხრა
მეფეს პავლეზე: „ერთი კაცია, რომელიც ფელიქსმა დატოვა
პატიმრად.“

15 მასზე იერუსალიმში ყოფნისას შემომჩივლეს მღვდელმთავ-
რებმა და იუდეველთა უხუცესებმა. მის დასჯას მოითხოვდნენ
ისინი.

საქ.24,1.

16 მაგრამ მე ვუპასუხე, რომ რომაელებს არ სჩვევიათ სასი-
კვდილოდ გადასცენ ვინმე, სანამ ბრალდებულს პირისპირ არ
წარუდგებიან ბრალმდებელნი, და სანამ ბრალდებისაგან თავის
მართლების საშუალება არ მიეცემა.

17 როდესაც ისინი აქ მოვიდნენ, დაუყოვნებლივ, მეორე
დღესვე, დავჯექი მსაჯულის ადგილზე და გბრძანე იმ კაცის
მოყვანა.

18 ბრალმდებლებმა, რომლებიც გარს შემოეხვივნენ, ვერც ერთი ბრალდება ვერ წაუყენეს, რომელსაც მე ვგარაუდობდი.

19 მაგრამ ისინი რალაცას ედავებოდნენ მას სარწმუნოებასა და ვილაც გარდაცვლილ იესოზე, რომლის შესახებაც პავლე ამტკიცებდა, ცოცხალიაო. საქ.18,15.

20 ამ საკითხის გარჩევა რომ გამიძნელდა, ვუთხარი მას: ხომ არ გინდა იერუსალიმში წახვიდე და იქ განიკითხო-მეთქი ამისთვის?

21 მაგრამ, რადგან პავლემ მოითხოვა, რომ აგვუსტუსის განსახილველად დაეტოვებინათ, მეც ვბრძანე დაცვის ქვეშ ჰყოლოდათ, ვიდრე კეისარს გავუგზავნიდი.“

22 აგრიპამ კი უთხრა ფესტოსს: „მეც მინდა იმ კაცის მოსმენა.“ ხოლო მან თქვა: „ხვალვე მოუსმენ მას.“

პავლე მეფე აგრიპას წინაშე

23 მეორე დღეს, როდესაც მოვიდნენ აგრიპა და ბერნიკე დიდი ბრწყინვალეებით და შევიდნენ მისაღებ დარბაზში ათასისტავებთან და ქალაქის წარჩინებულ მოქალაქეებთან ერთად, ფესტოსის ბრძანებით მოიყვანეს პავლე.

24 თქვა ფესტოსმა: „მეფე აგრიპავ და ყველა აქ დამსწრე კაცნო, თქვენ ხედავთ იმას, ვის გამოც მრავალი იუდეველი მოდიოდა ჩემთან იერუსალიმშიც და აქაც. ყვიროდნენ, მან მეტი აღარ უნდა იცოცხლოსო. საქ.22,22;24,5.

25 მაგრამ მე ვცანი, რომ მას სიკვდილის ღირსი არაფერი ჩაუდენია, და რაკი თვითონ მოითხოვა აგვუსტუსის სამსჯავრო, გადავწყვიტე მისი გაგზავნა. საქ.23,9.

26 დამაჯერებელი არაფერი მაქვს, რომ მივწერო ხელმწიფეს. ამიტომ მოვიყვანე ეგ თქვენს წინაშე, უფრო კი შენს წინაშე, მეფე აგრიპავ, რათა განსჯის შემდეგ მისაწერი მექნეს.

27 ვინაიდან უაზროდ მიმაჩნია პატიმარი გავუგზავნო და არ ვაუწყო მისი დანაშაული.“

თ ა ვ ი 26

პავლე თავს იცავს აგრიპას წინაშე

1 აგრიპამ უთხრა პავლეს: „ნება გეძლევა ილაპარაკო საკუთარ თავზე.“ მაშინ პავლემ ხელი გაიწოდა და თავის დასაცავად თქვა:

2 „ბედნიერად ვთვლი ჩემს თავს, მეფე აგრიპავ, რომ დღეს შემიძლია შენს წინაშე ვიმართლო თავი ყველაფერში, რაშიც მე იუდეველნი ბრალს მდებენ.

3 მეტადრე კი იმიტომ, რომ შენ იუდეველთა ყველა ჩვეულებისა და სადავო საკითხის მცოდნე ხარ. ამიტომ გთხოვ სულგრძელად მომისმინო.

4 ყველა იუდეველმა იცის ჩემი ცხოვრება სიჭაბუკიდან, რომელიც იმთავითვე იერუსალიმში გავატარე ჩემს ერში.

5 ისინი აღრიდანვე მიცნობენ, თუკი დამოწმება სურთ, რომ მე, როგორც ფარისეველი, ვცხოვრობდი ჩვენი სარწმუნოების უჭეშმარიტესი მოძღვრების მიხედვით. საქ.22,3;23:6.

6 და ახლა ვდგავარ სამსჯავროს წინაშე ალექსანდრიის იმედის გამო, რომელიც ღმერთმა მისცა ჩვენს მამებს,

ღაბ.3,15;22,18. 2შჯ.18,15. 2მფ.7,12. ფსალ.131,11. ეს.4,2;7,14. იერ.23,5;33,15.

7 რომლის მიღწევის იმედი აქვს ჩვენს თორმეტ ტომს, დღედაღამ გულმოდგინედ რომ ემსახურება ღმერთს. სწორედ იმ იმედისათვის მდებენ ბრალს იუდეველები, მეფევ!

8 დაუჯერებლად რატომ მიგაჩნია, რომ ღმერთი მკვდრებს აღადგენს?

9 მართალია, მეც ვფიქრობდი, რომ ყველა ღონე უნდა მეხმარა იესო ნაზარეტელის სახელის წინააღმდეგ,

10 და ასეც ვიქცეოდი იერუსალიმში: ბევრი წმიდა ჩავაგდე საპყრობილებში მღვდელმთავართა ხელმწიფებით აღჭურვილმა, და მათ დახოცვაზე თანხმობას ვაძლევდი,

საქ.8,3;9,1;22,4. 1კორ.15,9. გალ.1,3. 1ტიმ.1,13.

11 ყველა სინაგოგაში მრავალგზის ვტანჯავდი მათ და ვაიძულებდი დაეგმოთ და, მათზე მეტისმეტად განმძვინვარებული, სხვა ქალაქებშიც კი ვდევნიდი.

12 სწორედ ამისთვის მივდიოდი დამასკოში მღვდელმთავართა ხელმწიფებითა და დავალებით.

13 შუადღისას, მეფევ, გზაზე ვიხილე ნათელი ციდან, უბრწყინვალესი ნათელი მზისა, რომელიც მოგვეფინა მე და ჩემს თანამგზავრებს. საქ.22,6.

14 ყველანი მიწაზე დავემხეთ და მომესმა ხმა, რომელიც ებრაულ ენაზე მეუბნებოდა: 'საულ, საულ, რად მდევნი მე? გაგიჭირდება დეზის წიხლვა.'

15 მე ვუთხარი: 'ვინ ხარ შენ, უფალო?' ხოლო მან მითხრა: 'მე ვარ იესო, რომელსაც შენ სდევნი.'

16 მაგრამ წამოდექი და დადექი ფეხზე, ვინაიდან იმისათვის გამოგეცხადე, რომ დაგაყენო მსახურად და იმის მოწამედ, რაც იხილე და რასაც გამოგიცხადებ,

17 რათა გიხსნა ამ ხალხისგან და წარმართთაგან, რომლებთანაც ახლა მიგავლენ

18 მათი თვლების ასახელად და წყვდიადიდან ნათლისაკენ, და სატანის ხელმწიფებიდან ღვთისაკენ მოსაქცევად, რათა ჩემდამი რწმენით მიიღონ ცოდვების მიტევება და წილი განწმენილებთან ერთად.' ეს.42,7;60,1. ლუკ.2,32. იოან.1,9. ეფეს.5,8. 1პეტ.2,9.

19 ამიტომ, მეფე აგრიპა, არ ვეურჩე ციურ ჩვენებას.

20 პირველად დამასკოსა და იერუსალიმის მკვიდრთ, მერე კი იუდეის მთელ ქვეყანას და აგრეთვე წარმართებს ვუქადა-

გებდი მონანიებას და ღვთისაკენ მოქცევას, და მონანიების ღირს საქმეებს ვაკეთებდი. იერ.18,8. ეზეკ.33,14. საქ.9,20.

21 ამისათვის შემიპყრეს იუდეველებმა ტაძარში და მოკვლა დამიპირეს.

22 მაგრამ, ღვთის შეწევნით, მე დღემდე ვდგავარ, ვუმოწმებ მცირესა და დიდს, არაფერი მითქვამს იმაზე მეტი, რასაც წინასწარმეტყველნი და მოსე ამბობდნენ, რომ ასე უნდა მომხდარიყო,

23 რომ ქრისტე უნდა წამებულიყო და მკვდართაგან პირველი აღმდგარიყო, რომ ნათელი ეუწყებინა ამ ხალხისა და წარმართებისათვის. რიცხ.21,9. ეს.53,2. დან.9,26. ზაქ.12,10. ლუკ.24,27.

24 ასე რომ იცავდა თავს, ფესტოსმა ხმამაღლა თქვა: „სულელობ, პავლე! დიდ წიგნიერებას სიგიჟემდე მიჰყევხარ.“

1კორ.1,23;2,14.

25 ხოლო პავლემ უთხრა: „მე არ ვსულელობ, უაღმატებულესო ფესტოს, არამედ ჭეშმარიტებისა და კეთილგონიერების სიტყვებს ვლაპარაკობ.“

26 ვინაიდან ეს ამბავი იცის მეფემ, რომლის წინაშეც თამამად ვლაპარაკობ. მე არ მჯერა, რომ მისთვის აქედან რაიმე იყოს დაფარული, ვინაიდან ეს სადღაც გადაკარგულში არ მომხდარა. იოან.18.20.

27 წინასწარმეტყველთა თუ გწამს, მეფე აგრიპა? ვიცი, რომ გწამს.“

28 აგრიპამ უთხრა პავლეს: „ცოტაც და ქრისტიანად მაქცევ.“

29 ხოლო პავლემ უთხრა მას: „ღმერთს ვევედრები, რომ მცირედ თუ ბევრად არა მარტო შენ, არამედ ყველა, ვინც დღეს მე მისმენს, ისეთი გახდეს, როგორც მე, გარდა ამ ბორკილებისა.“ საქ.24,27.

30 ეს რომ თქვა, მეფე და განმგებელი, ბერნიკა და მასთან მსხდომნი წამოიშალნენ,

31 განზე გავიდნენ და ერთმანეთს ეუბნებოდნენ, რომ ეს კაცი არაფერს აკეთებს ისეთს, სიკვდილს ან ბორკილებს რომ იმსახურებდესო.

32 ხოლო აგრიპამ უთხრა ფესტოსს: „შეიძლებოდა ამ კაცის გათავისუფლება, კეისრის სამსჯავრო რომ არ მოეთხოვა.“

თ ა ვ ი 27

პავლეს მგზავრობა რომში: კესარიიდან კრეტამდე

1 როდესაც გადაწყდა ჩვენი გადაცურვა იტალიაში, პავლე და ზოგიერთი სხვა პატიმარი გადასცეს ავგუსტუსის ასისტავს, სახელად ივლიოსს.

2 ავედით ადრამიტიუმის ხომალდზე, რომელსაც აზიის სანა-

პირობებზე უნდა გაეგლო, და გავემგზავრეთ. ჩვენთან იყო თესლონიკელი არისტარქოს მაკედონელი. საქ.20,4. 2კორ.11,23. კოლ.4,10.

3 მეორე დღეს მივადექით სიდონს. ივლიოსმა კაცთმოყვარეობა გამოიჩინა პავლეს მიმართ და ნება დართო წასულიყო თავის მეგობრებთან, რათა მათგან შემწეობა მიეღო. საქ.24,23.

4 იქიდან გავემგზავრეთ და კვიპროსისკენ გავცურეთ პირქარის გამო.

5 განვვლეთ ზღვა კილიკიისა და პამფილიის გასწვრივ და მივედით ლიკიას მირაში.

6 იქ ნახა ასისტავმა ალექსანდრიის ხომალდი, რომელიც იტალიისკენ მიცურავდა და იმ ხომალდზე გადაგვსხა.

7 მრავალ დღეს ნელა მივცურავდით ჩვენთვის არახელსაყრელი ქარის გამო და ძლივს გავუსწორდით კნიდონს და მივცურეთ კრეტესთან, სალმონის მხარეს.

8 წვალებით რომ ჩავუარეთ მას, მივადექით ერთ ადგილს, რომელსაც კეთილი ნავსაყუდელი ეწოდებოდა, რომლის ახლოს იყო ქალაქი ლასეა.

9 რაკი საკმაოდ დიდი დრო გავიდა და ნაოსნობა გაძნელდა, ვინაიდან მარხვა უკვე გასული იყო, პავლემ ურჩია მათ

10 და უთხრა: „კაცნო, მე ვხედავ, რომ ეს ნაოსნობა იქნება საზიანო და დიდად ზარალიანი არა მარტო ტვირთისა და ხომალდისათვის, არამედ ჩვენი სიცოცხლისათვისაც.“

11 მაგრამ ასისტავი მესაჩესა და ხომალდის უფროსს უფრო ენდობოდა, ვიდრე პავლეს სიტყვებს.

12 რადგან ნავსადგური მოუხერხებელი იყო გამოსაზამთრებლად, უმრავლესობა რჩევას იძლეოდა გამგზავრებულიყვნენ იქიდან, რომ როგორმე მიეღწიათ და გამოეზამთრათ ფინიკიაში, კრეტეს ნავსადგურში, რომელიც სამხრეთ-დასავლეთისა და ჩრდილო-დასავლეთისკენაა მიქცეული.

ქარიშხალი ზღვაზე

13 როცა დაუბერა სამხრეთის ქარმა, იფიქრეს, საწადელს ვეწიეთო, და აუშვეს ღუზა, და გაცურეს კრეტეს გასწვრივ.

14 მაგრამ სულ მალე ამოვარდა ევროკლიდონად წოდებული ქარბორბალა

15 და გაიტაცა ხომალდი, რომელიც ველარ დაუდგა ქარს, და ჩვენც, ტალღებს მინებებულნი, გავქროლდით.

16 ჩავუქროლეთ რომელიღაც პატარა კუნძულს, რომელსაც ერქვა კლავდა და ძლივძლივობით მოვახერხეთ ნავის დაკავება.

17 მალეა რომ ამოათრიეს, მერე ხომალდებს ბაგირები შემოართყეს ირგვლივ. შეშინებულებმა, სირტისზე არ გავირიყოთო, აფრა დაუშვეს და ასე გაქროლდნენ.

18 რაკი ქარიშხალი კვლავ ბოზოქრობდა, მეორე დღეს დაიწყეს ტვირთის გადაყრა.

19 მესამე დღეს კი საკუთარი ხელით გადაყარეს ხომალდიდან აღჭურვილობა.

20 მაგრამ, რადგან მრავალი დღის განმავლობაში არც მზე ჩანდა, არც ვარსკვლავები, და არც ძლიერი ქარიშხალი ცხრებოდა, ბოლოს, გადარჩენის ყოველგვარი იმედი გადაგვეწურა.

21 დიდი ხნის უჭმელობის შემდეგ პავლე დადგა მათ შორის და თქვა: „კაცნო, ჩემთვის რომ დაგეჟერებინათ და კრეტედან არ წამოსულიყავით, აღარ ნახავდით ამ ზიანსა და ზარალს.

22 ახლა კი გირჩევთ გამხნევდეთ. ყველანი გადარჩებით ხომალდის გარდა,

23 რადგან წუხელ გამომეცხადა ანგელოზი ღვთისა, რომელსაც მე ვეკუთვნი და ვემსახურები,

24 და მითხრა: ნუ გეშინია, პავლე! შენ კეისრის წინაშე უნდა წარსდგე და, აჰა, ღმერთმა გაჩუქა ყველა, ვინც შენთან ერთად მოცურავს ხომალდით.

25 ამიტომ გამხნევდით, კაცნო, ვინაიდან მე მწამს ღვთისა, რომ ისე მოხდება, როგორც მეუწყა:

26 რომელიმე კუნძულზე უნდა გავირიყოთ.“

საქ.28,1.

ხომალდის დაღუპვა

27 მეთოთხმეტე ღამე რომ დადგა, რაც ადრიატიკის ზღვაში დავცურავდით, შუალამისას მეზღვაურები მიხვდნენ, რომ რომელიღაც მიწას უახლოვდებოდნენ.

28 გაზომეს სიღრმე და აღმოჩნდა ოცი მხარი. შემდეგ მცირე მანძილზე კიდევ გაზომეს და თხუთმეტი მხარი აღმოჩნდა.

29 შეეშინდათ, კლდოვან ადგილებზე არ მოგხვედრილიყავით, კიბოებიდან ოთხი ღუზა ჩააგდეს და გათენებას დაელოდნენ.

30 როცა მეზღვაურებმა ხომალდიდან გაქცევა დააპირეს და ნავის ზღვაში ჩაშვება დაიწყეს იმ საბაბით, თითქოს ხომალდის ცხვირიდანაც უნდა ჩაეშვათ ღუზები,

31 მაშინ პავლემ უთხრა ასისტავსა და ჯარისკაცებს: თუ ისინი არ დარჩებიან ხომალდზე, თქვენ ვერ გადარჩებითო.

32 მაშინ ჯარისკაცებმა გადაჭრეს საბელი და ნავი ზღვაში ჩაგარდა.

33 დილაადრიან, პავლე შეაგონებდა ყველას, საჭმელი ეჭამათ და უთხრა: „დღეს მეთოთხმეტე დღეა, რაც თქვენ უჭმელი ხართ და არაფერი არ გიგემნიათ.

34 ამიტომ გთხოვთ ჭამოთ საჭმელი. ეს საჭიროა თქვენსავე გადასარჩენად, ვინაიდან არც ერთი თქვენგანის თავიდან ერთი ღერი თმაც არ ჩამოვარდება.“

მათ.10,30.

35 ეს რომ თქვა, აიღო პური, ყველას წინაშე მადლობა შესწირა ღმერთს, გატეხა და დაიწყო ჭამა.

36 მაშინ ყველანი გამხნევდნენ და იმათაც ჭამეს საჭმელი.

37 ხომალდზე სულ ორას სამოცდათექვსმეტი სული ვიყავით.

38 როცა დაპურდნენ, ზღვაში ხორბლის გადაყრით დაიწყეს ხომალდის შემსუბუქება.

ყველა აღწევს ხმელეთს

39 რომ გათენდა, მიწა ვერ იცნეს, მხოლოდ ერთი სანაპირო-ანი ყურე შენიშნეს. სწორედ იქ არჩიეს ხომალდის მიყენება, თუკი მოახერხებდნენ.

40 მოხსნეს ლუზები და მიატოვეს ზღვაში, ერთდროულად ახსნეს საჭის თოკები. აუშვეს მცირე აფრა ქარის საწინააღმდეგოდ და ნაპირისკენ აიღეს გეზი.

41 მიადგნენ მეჩეჩს და მასზე შეაჩერეს ხომალდი. ცხვირი უძრავად ჩაერჭო, კიჩო კი აბობოქრებული ტალღებისაგან ილეწებოდა.

2კორ.11,25.

42 ჯარისკაცები მზად იყვნენ დაეხოცათ პატიმრები, რომ რომელიმეს არ გაეცურა და არ გაქცეულიყო.

43 მაგრამ ასისტავს პავლეს გადარჩენა უნდოდა და ამიტომ არ დართო ამის ნება. უბრძანა, ვინც ცურვა იცოდა, პირველი გადაშვებულყო და გასულიყო ხმელეთზე.

44 დანარჩენები კი – ზოგი ფიცრით და ზოგი ხომალდის ნამსხვრევებით. და ამგვარად ყველამ თავს უშველა ხმელეთზე.

თ ა ვ ი 28

დაზამთრება მელიტაზე

1 გადარჩენილებმა, მერელა შევიტყეთ, რომ კუნძულს მელიტა ერქვა.

2 მკვიდრებმა დიდი კაცთმოყვარეობა გამოიჩინეს, წვიმასა და სიცივეში დაგვინთეს ცეცხლი და ყველას გვიმასპინძლეს.

3 როდესაც პავლემ ბლომად ფიჩხი მოაგროვა და ცეცხლს შეუკეთა, მხურვალეების გამო იქედნე გამოძვრა და ხელზე შემოეხვა მას.

მარ.16,8.

4 მკვიდრებმა რომ დაინახეს მის ხელზე შემოხვეული გველი, ერთმანეთს უთხრეს: „ეს კაცი ნამდვილად კაცისმკვლელია, რადგან ზღვას კი გადაურჩა, მაგრამ სამართალი სიცოცხლეს არ ანებებს.“

5 მაგრამ მან ხელი დაიქნია და ქვეწარმავალი ცეცხლში ჩააგდო, ისე რომ, არაფერი ვნებია.

6 ისინი კი ელოდნენ, რომ დასივდებოდა ან უცბად დაეცემოდა მკვდარი. მაგრამ რაკი დიდხანს ელოდნენ და ხედავდნენ, არაფერი ევნო, აზრი შეიცვალეს და თქვეს: ეს ღმერთიაო.

7 იმ არე-მარეში კუნძულის მთავარს, სახელად პოპლიოსს, ყანები ჰქონდა. მან მიგვიღო ჩვენ და სამ დღეს მეგობრულად გვიმასპინძლა.

8 პოპლიოსის მამა ციებ-ცხელებითა და ნაწლავთა სნეულე-
ბით შეპყრობილი იწვა. შევიდა მასთან პავლე, ილოცა, ხელები
დაასხა და განიკურნა იგი.

9 ამ ამბის შემდეგ სხვებიც, ვისაც კი კუნძულზე რამე
სჭირდა, მოდიოდნენ და იკურნებოდნენ.

10 მათ დიდი პატივი გვცეს და წამოსვლისას საგზლით
მოგვამარაგეს.

პატიმარ პავლეს მისვლა რომში

11 სამი თვის შემდეგ გავემგზავრეთ კუნძულზე გამოზამთრე-
ბული ალექსანდრიული ხომალდით, რომელიც დიოსკურების
ნიშანს ატარებდა.

12 მივადექით სირაკუზას და სამ დღეს დავყავით იქ.

13 იქიდან წამოვედით და რეგიუმს მივადექით. ერთი დღის
შემდეგ სამხრეთის ქარმა დაქროლა და მეორე დღეს პუტეოლში
მივედით,

14 სადაც ვნახეთ ძმები და მათი თხოვნით შვიდ დღეს დავრ-
ჩით იქ, ხოლო შემდეგ რომში წავედით. საქ.19.21.

15 იქაურმა ძმებმა გაიგეს ჩვენი ამბავი და გამოვიდნენ ჩვენს
შესახვედრად აპიუსის მოედნამდე და სამდუქნამდე. ისინი რომ
დაინახა პავლემ, ღმერთს მადლობა შესწირა და გამხნევდა.

16 როდესაც რომში მივედით, პავლეს უფლება მისცეს, თავი-
სთვის ყოფილიყო მის მცველ ჯარისკაცთან ერთად.

პავლე ასწავლის რომში ორი წლის მანძილზე

17 სამი დღის შემდეგ პავლემ მოიწვია წარჩინებული იუდე-
ველნი და, როდესაც შეგროვდნენ, უთხრა მათ: „კაცნო ძმანო,
მე არაფერი ჩამიდენია ხალხისა და მამათა ჩვეულების საწინაა-
ღმდეგო, და პატიმრად გადამცეს იერუსალიმიდან რომაელთა
ხელთ. საქ.25,8.

18 მათ დამკითხეს და უნდოდათ ჩემი გათავისუფლება, ვინა-
იდან არავითარი სასიკვდილო ბრალი არ მქონდა.

19 მაგრამ რაკი იუდეველნი წინ აღმიდგნენ, იძულებული
გავხდი კეისრის სამსჯავრო მომეთხოვა, თუმცა იმიტომ არა,
რომ ჩემი ხალხისათვის რაიმე ბრალი დამედო.

20 ამ მიზეზით მოგიწვიეთ, რომ მენახეთ და მელაპარაკა
თქვენთან, ვინაიდან ისრაელის სასოებისათვის მაქვს ეს ჯაჭვი
შემოხვეული.“ ლუკ.2,38.

21 მათ კი უთხრეს მას: „ჩვენ არც წერილი მიგვიღია შენზე
იუდეიდან, არც ვინმეს, მოსულ ძმათაგან, უცნობებია ან
უთქვამს შენზე რაიმე ძვირი.

22 ოღონდ ჩვენ გვინდა მოვისმინოთ შენგან, რას ფიქრობ,
რადგან ჩვენ ვიცით, რომ ამ მწვალებლობას ყველგან ეწინაა-
ღმდეგებიან.“ ლუკ.2,34. საქ.24,5. ებრ.12,3.

23 დაუნიშნეს დღე და ბევრი მივიდა მასთან სასტუმროში, და დილიდან საღამომდე არწყმუნებდა მათ და უმოწყმებდა ღვთის სასუფეველზე და იესოს შესახებ უდასტურებდა მოსეს რჯულისა და წინასწარმეტყველთაგან.

24 ერთნი ერწყმუნენ მის ნალაპარაკებს, სხვებმა კი არ იწყამეს.

25 რომ ვერ შეთანხმდნენ, წასვლისას პავლემ უთხრა მათ: „კარგად უთხრა სულიწმიდამ თქვენს მამებს ესაია წინასწარმეტყველის პირით:

26 მიდი ამ ხალხთან და უთხარი: სმენით მოისმენთ და ვერ გაიგებთ, ხილვით იხილავთ და ვერ დაინახავთ.

ეს.6,9-10. იერ.6,21. ეზეკ.12,2. მათ.13,14. მარ.4,12. ლუკ.8,10;24,47. იოან.12,40.


27 ვინაიდან გამქისდა ამ ხალხის გული, და ყურებით მძიმედ ესმით და დახუჭეს თვალები, რომ თვალებით ვერ ხედავდნენ, ყურებით არ ესმოდეოთ, გულით ვერ ხვდებოდნენ, რომ არ განგკურნო ისინი.

28 ამრიგად, იცოდეთ, რომ ღვთის ხსნა მოევლინა წარმართებს, და მოისმენენ კიდევ.“

29 ეს რომ თქვა, იუდეველნი წავიდნენ და დიდი ღავა ჰქონდათ ერთმანეთში.

30 პავლე მთელ ორ წელიწადს ცხოვრობდა თავის ნაქირავებში და ღებულობდა ყველა მასთან მიმსვლელს.

31 ქადაგებდა ღვთის სასუფეველს და ასწავლიდა უფალ იესო ქრისტეზე სრული თავისუფლებით, დაუბრკოლებლად.



ი ა კ ო ბ მ ო ც ი ქ უ ლ ი ს წ ე რ ი ლ ი

თ ა ვ ი 1

1 ღვთისა და უფლის იესო ქრისტეს მონა იაკობი განთესილობაში მყოფ თორმეტ ტომს, გიხაროდეთ.

რწმენის გამოცდა შობს მოთმინებას

2 ყოველივე სიხარულად ჩათვალეთ, ჩემო ძმებო, როდესაც სხვადასხვა განსაცდელში ცვივდებით. საქ.5,41. 1კორ.10,13.

3 რაკი იცით, რომ თქვენი რწმენის გამოცდა მოთმინებას შობს. 1პეტ.1,7. რომ.5,3.

4 მოთმინებას კი ჰქონდეს სრულყოფილი მოქმედება, რათა იყოთ სრულქმნილნი, წუნდაუდებელნი და ყოველგვარი ნაკლის გარეშე.

5 თუ რომელიმე თქვენგანს აკლია სიბრძნე, სთხოვოს ღმერთს, ყველასათვის უხვად და დაუყვედრებლად გამცემს, და მიეცემა. 3მფ.3,12. იგ.2,6. დან.2,21.

6 ოღონდ რწმენით და ეჭვის გარეშე სთხოვოს, რადგან ეჭვიანი ჰგავს ზღვის ტალღას, ქარის აღძრულსა და მიმოტაცებული. მათ.7,7. მარ.11,24. ლუკ.11,9. იოან.14,13;16,23.

7 ნურც ჰგონია ასეთ კაცს, რომ ღვთისაგან მიიღებს რამეს.

8 ორჭოფი კაცი არამდგრადია თავის ყველა გზაზე.

9 მაგრამ თავმდაბალი ძმა იქოს თავისი სიმაღლით,

10 მდიდარი კი – თავისი სიმდაბლით, რადგან გადაივლის როგორც ბალახის ყვავილი. იოზ.14,2. ფსალ.89,6;102,15. ეს.40,6. 1პეტ.1,24.

11 რადგან აღმოხდა მზე პაპანაქებით და გაახმო ბალახი, დაცვივდა მისი ყვავილი და მისი სახის მშვენება დაიკარგა. ასე დაჰკნება მდიდარი თავის გზებზე.

12 ნეტარია განსაცდელის გადამტანი კაცი, რადგან, რაკი გამოიცდება, მიიღებს სიცოცხლის გვირგვინს, რომელიც ალუ-თქვა ღმერთმა თავის მოყვარულთ. იობ.5,17. იგ.3,11. 2ტიმ.4,8. ებრ.12,5.

განსაცდელის გადატანა სიხარულით

13 ნურავინ იტყვის განსაცდელში: ღვთისგან ვიცდებიო, რად-გან ღმერთი არ იცდება ბოროტით და არც ვინმეს სცდის.

ლუკ.11,4.

14 არამედ ყოველი იცდება თავისი გულისთქმით, რომელიც წარიტაცებს და აცდუნებს მას.

15 შემდეგ გულისთქმა ჩასახავს და შობს ცოდვას. ჩადენილი ცოდვა კი შობს სიკვდილს.

რომ.6,21-23.

16 ნუ შეცდებით, ჩემო საყვარელო ძმებო.

17 ყველა კეთილი საბოძვარი და ყველა სრულყოფილი ნიჭი მაღლიდან მოდის, ნათელთა მამისაგან, რომელთანაც არ არის ცვლილება და არც ჩრდილი ცვალებადობისა.

რიცხ.23,19. ეს.46,10. მალ.3,6. იოან.3,27.

18 მან თავისი სურვილით გაგვაჩინა ჩვენ ჭეშმარიტების სიტყვით, რათა ვიყოთ ვითარცა პირველნაყოფი მის მიერ შექმნილთა შორის.

იოან.1,13. 1პეტ.1,23. ებრ.12,23.

სიტყვის მსმენელნი და შემსრულებელნი

19 ჰოდა, ჩემო საყვარელო ძმებო, ყოველი ადამიანი იყოს სმენაში მკვირცხლი, სიტყვასა და რისხვაში ნელი. იგ.17,2. ეკლ.5,1;7,9.

20 ვინაიდან ადამიანის რისხვა არ ქმნის ღვთის სიმაღლეს.

21 ამიტომ, მოიშორეთ ყოველგვარი უწმიდურება და ბოროტების ნატამალი და მშვიდად მიიღეთ თქვენში ჩანერგილი სიტყვა, რომელსაც თქვენი სულების ხსნა შეუძლია.

რომ.1,16. ეფეს.4,22.

22 იყავით სიტყვის შემსრულებელნი და არა მხოლოდ მომსმენნი თავის მოსატყუებლად.

მათ.7,21. ლუკ.11,28. რომ.2,13.

23 რადგან, თუ ვინმე ისმენს სიტყვას და არ ასრულებს, ჰგავს ადამიანს, რომელიც თავის ბუნებრივ სახეს სარკეში ათვალიერებს.

24 შეხედა თავის თავს, წავიდა და მყისვე დაავიწყდა, როგორია იგი.

25 მაგრამ, ვინც ჩაუკვირდება სრულყოფილ რჯულს თავისუფლებისას და ასე განაგრძობს, მომსმენი და დამვიწყებელი კი აღარაა, არამედ საქმის მოქმედი. კურთხეული იქნება იგი თავის მოქმედებაში.

იოან.13,17. 2კორ.3,18.

26 თუ რომელიმე თქვენგანს ჰგონია, რომ ღვთის მსახურია

და ენას კი არ ალაგმავს, არამედ თავის გულს აცდუნებს, მისი მსახურება ფუჭია. ფსალ.33,14. 1პეტ.3,10.

27 წმიდა და შეუბღალავი სამსახური ღვთისა და მამის წინაშე ისაა, რომ მიხედო ქვრივ-ობლებს მათ გასაჭირში და შეურყვნელად დაიცვა თავი წუთისოფლისაგან. იაკ.2,17.

თ ა ვ ი 2

პირფერულად მოქცევით სცოდავთ

1 ჩემო ძმებო, მიკერძოებით ნუ გექნებათ ჩვენი ღიღების უფლის, იესო ქრისტეს რწმენა. ლევ.19,15.

2 რადგან, თუ შემოვა კაცი თქვენს სინაგოგაში, ოქროსბეჭდიანი და ბრწყინვალე სამოსელში გამოწყობილი, და შემოვა აგრეთვე ღარიბი ჭუჭყიანი სამოსით,

3 შეხედავთ ბრწყინვალე სამოსში გამოწყობილს და ეტყვით მას: აქ დაბრძანდითო კარგად, ღარიბს კი ეტყვით: შენ იქ დადექ, ანდა: აქ დაჯექ, ჩემს ფერხთითო.

4 განა ამით არ განიკითხავთ თქვენს შორის და ბოროტი ფიქრებით განმკითხველნი არ გამოდიხართ?

5 ისმინეთ, ჩემო საყვარელო ძმებო: განა ღმერთმა წუთისოფლის ღარიბები არ აირჩია რწმენით მდიდრებად და იმ სასუფევლის მემკვიდრეებად, რომელიც თავის მოყვარულებს აღუთქვა? გამოს.20,6. მათ.5,3.

6 თქვენ კი დაამცირეთ ღარიბი. განა მდიდრები არ გჩაგრავენ თქვენ და არ მიგათრევენ სამსჯავროებში?

7 განა ისინი არ გმობენ თქვენს კეთილ სახელს, რომლითაც თქვენ იწოდებით?

8 თუ ასრულებთ სამეფო რჯულს, წერილის მიხედვით: „შეიყვარე მოყვასი შენი, ვითარცა თავი შენი,“ კარგს შვრებით. ლევ.19,18. მათ.5,43.

9 მაგრამ, თუ პირფერობთ, ცოდვას სჩადიხართ, რჯული გამხილებთ როგორც დამნაშავეებს, ლევ.19,18. მათ.5,43.

10 რადგან, ვინც მთელ რჯულს იცავს და ერთში შესცოდავს, იგი ყველაფერში დამნაშავე ხდება. მათ.5,19.

11 რადგან მთქმელმა: „არ იმრუშო!“ ისიცა თქვა: „არ მოკლა!“ და თუ არ მრუშობ, მაგრამ კლავ, რჯულის დამრღვევი ხარ. გამოს.20,14. 2შჯ.5,18. მათ.19,18.

12 ისე ილაპარაკეთ და ისე მოიქეცით, როგორც თავისუფლების რჯულით განსაკითხველებმა.

13 რადგან, უწყალო სამსჯავრო – უმოწყალოს. წყალობა აღმატება სამსჯავროს. იგ.21,13. მათ.6,15.

რწმენა საქმის გარეშე მკვდარია

14 ჩემო ძმებო, რა სარგებელია, თუ ვინმე იტყვის, რომ რწმენა აქვს, საქმენი კი არ გააჩნია? განა ამ რწმენას შეუძლია მისი ხსნა? მათ.7,26.

15 თუ ძმა ან და შიშველია და დღიური საზრდო აკლია, ლუკ.3,11. 1იოან.3,17.

16 რომელიმე თქვენგანი კი ეტყვის მას: მშვიდობით იარე, გათბი და ისაზრდოვეო, სხეულისათვის საჭიროს კი არას მისცემთ, რა სარგებელია?

17 ასევეა რწმენაც: თუ საქმენი არ გააჩნია, თავისთავად მკვდარია.

18 მაგრამ იტყვის ვინმე: „შენ გაქვს რწმენა, მე კი მაქვს საქმენი.“ მიჩვენე შენი რწმენა საქმეთა გარეშე და გიჩვენებ ჩემს რწმენას ჩემს საქმეთაგან.

19 შენ გწამს, რომ ღმერთი ერთია: კარგს შვრები. მაგრამ ეშმაკებსაც სწამთ იგი და კანკალებენ. მარ.1,24;12,29. საქ.19,15.

20 შენ კი, ამოო ადამიანო, გასურს გაიგო, რომ რწმენა საქმეთა გარეშე მკვდარია?

21 განა აბრაამი, მამაჩვენი, საქმეებით არ გამართლდა, როცა თავის ძეს, ისაკს სამსხვერპლოზე სწირავდა? დაბ.22,9. ებრ.11,17.

22 ხედავ, რწმენა მოქმედებდა მის საქმეებთან ერთად. საქმეებით კი სრულყოფილი შეიქმნა რწმენა.

23 აღსრულდა წერილი, რომელიც ამბობს: „და ერწმუნა აბრაამი ღმერთს.“ ეს მას სიმართლეში ჩაეთვალა და ღვთის მეგობარი ეწოდა. დაბ.15,6. 26შტ.20,7. ეს.41,8. რომ.4,3. გალ.3,6.

24 თქვენ ხედავთ, რომ საქმით მართლდება კაცი და არა მხოლოდ რწმენით.

25 ასევე რახაბ მეძავი. განა საქმეებით არ გამართლდა, როცა მზვერავები მიიღო შინ და სხვა გზით გაისტუმრა? ისუ.2,1. ებრ.11,31.

26 რადგან, როგორც სხეულია მკვდარი სულის გარეშე, ასევე რწმენაც მკვდარია საქმეთა გარეშე.

თ ა ვ ი 3

ენა დაუკავებელი ბოროტებაა

1 ჩემო ძმებო, ბევრი ნუ გახდებით მასწავლებლები. იცოდეთ, რომ უფრო დიდ მსჯავრს მივიღებთ, მათ.23,8.

2 რადგან ჩვენ ყველანი ბევრს ვცოდავთ. ვინც სიტყვით არ ცდება, სრულყოფილი ადამიანია. მას შეუძლია ალაგმოს მთელი სხეულიც. 3მფ.8,46.

3 აჰა, ცხენებს ლაგამს ამოვდებთ, რათა დაგვემორჩილონ და ვმართავთ მთელ მათ სხეულს.

4 აჰა, ხომალდები. როგორი დიდებიც არ უნდა იყვნენ და როგორმა ძლიერმა ქარებმაც არ უნდა ატორტმანოს, პატარა საჰე იქით მიაბრუნებს მათ, საითაც მესაჰე მოინდომებს.

5 ასევეა ენაც. პატარა ასოა და ბევრს იქადის. აჰა, რა მცირე ცეცხლი ჰბუგავს დიდ ტყეს.

6 ენაც ცეცხლია, უსამართლობის მთელი სამყაროა იგი. ენა ჩვენს ასოებს შორისაა მოთავსებული. იგია მთელი სხეულის წამბილწავი და ჩვენი დაბადების ბორბლის აღმაგზნებელი, თვით აღგზნებულია ჯოჯოხეთისაგან. იგ.16,27. მათ.15,18.

7 რადგან ყოველგვარი ბუნება მხეცთა და ფრინველთა, ქვეწარმავალთა და ზღვის ცხოველთა თვინიერდება და მოთვინიერებულია ადამიანის ბუნების მიერ.

8 ენის მოთვინიერება კი კაციშვილს არ შეუძლია. დაუოკებელია ეს ბოროტება და მომაკვდინებელი გესლითაა სავსე.

ფსალ.139.3-4.

9 მით ვაკურთხებთ ღმერთსა და მამას და მით ვწყევლით ღვთის ხატად შექმნილ ადამიანებს. დაბ.1,27.

10 ერთი პირიდან გამოდის ლოცვა-კურთხევა და წყევლა. ასე არ უნდა იყოს, ჩემო ძმებო.

11 განა მოედინება ერთი წყაროს თვალიდან ტკბილი და მწარე?

12 ჩემო ძმებო, განა შეუძლია ლელვის ხეს ზეთისხილი მოიხსას, ანდა გაზს – ლელვი? ასევე ერთი წყაროდან არ შეიძლება მოედინებოდეს მლაშე და ტკბილი წყალი. ლუკ.6,44.

სიბრძნე მალლიდან წმიდაა

13 ვინაა თქვენს შორის ბრძენი და გონიერი? კარგი საქციელთ აჩვენოს თავისი საქმენი ბრძნულ მოთმინებაში. მათ.5,16. 2ტიმ.2,24.

14 მაგრამ თუ გულში მწარე შური და შუღლი გაქვთ, ნუ ტრაბახობთ და ნუ ცრუობთ ჭეშმარიტების წინააღმდეგ.

15 ეს არაა მადლით გარდმოვლენილი სიბრძნე, არამედ მიწიერი, მშვინვიერი, ეშმაკური.

16 რადგან, სადაც შური და შუღლია, იქ შფოთი და ყოველგვარი ბოროტმოქმედებაა. 1კორ.3,3.

17 ხოლო მალლიდან გარდმომავალი სიბრძნე, პირველყოვლისა, წმიდაა, მერე მშვიდობიანი, ღმობიერი, ნებიერი, წყალობითა და კეთილი ნაყოფით სავსე, მიუკერძოებელი და უთვალთმაქცო.

მათ.5,7-8. 2კორ.6,6. გალ.5,22. 1ტიმ.1,5.

18 სიძარტლის ნაყოფი მშვიდობით ეთესებათ მშვიდობისმოყვით. ეს.32,17.

თ ა ვ ი 4

ომის შუღლის საწინააღმდეგოდ

1 საიდან მოდის ბრძოლები და შუღლი თქვენს შორის? თუ არა თქვენივე გულისთქმათაგან, რომლებიც თქვენ ასოებს შორის იბრძვიან. რომ.7,23. გალ.5,17.

2 გსურთ და არ გაქვთ, კლავთ და გშურთ, მაგრამ ვერ აღწევთ. ჩხუბობთ და იბრძვით და არ გაქვთ, რადგან არ ითხოვთ.

3 ითხოვთ და არ გეძლევათ, რადგან ბოროტს ითხოვთ, რათა თქვენი გულისთქმანი დაიკმაყოფილოთ. იგ.1,28. ეს.1,15. 1იოან.3,22.

4 მრუშნო, განა არ იცით, რომ წუთისოფლის მეგობრობა, ღვთის მტრობაა? ასეა, ვისაც წუთისოფლის მეგობრობა უნდა, იგი ღვთის მტერი ხდება. იოან.15,19. რომ.8,7.

5 ნუთუ გგონიათ, რომ ამაოდ ამბობს წერილი: „შურით სწადია ჩვენში დავანებულ სულს?“ დაბ.6,5;8,21. გალ.5,17.

6 მაგრამ მით უფრო მეტ მადლსაც იძლევა. ამიტომ ამბობს: „ღმერთი ამპარტავნებს ეწინააღმდეგება, თავმდაბლებს კი მადლს ანიჭებს.“ იგ.3,34. ლუკ.14,11. 1პეტ.5,5.

7 ამიტომ დაემორჩილეთ ღმერთს, წინაღუდექით ეშმაკს და გაიქცევა თქვენგან.

8 მიუახლოვდით ღმერთს და ისიც მოგიახლოვდებათ თქვენ. დაიბანეთ ხელები, ცოდვილნო, განიწმიდეთ გულები, ორჭოფნო. 2წმტ.15,2. ეს.1,15-16.

9 დანაღვლიანდით, იგლოვეთ და იტირეთ. თქვენი სიცილი გლოვად იქცეს, სიხარული კი – მწუხარებად. მათ.5,4.

10 დამდაბლდით უფლის წინაშე და იგი აგამაღლებთ თქვენ. 1პეტ.5,6.

11 ძმებო, ნუ ძრახავთ ერთმანეთს. ძმის მძრახავი და თავისი ძმის განმკითხველი ძრახავს რჯულს და განიკითხავს რჯულს. თუ რჯულს განიკითხავ, აღმსრულებელი კი აღარ ხარ, არამედ განმკითხველი. მათ.7,1.

12 ერთია რჯულმდებელი და განმკითხველი, რომელსაც შეუძლია ხსნა და დალუპვა. შენ ვინა ხარ, სხვას რომ განიკითხავ? რომ.14,4.

ზვიადი თავდაჯერებულობის წინააღმდეგ

13 ახლა თქვენ, ვინც ამბობთ: დღეს თუ ხვალ ამა და ამ ქალაქში წავალთ, იქ ერთ წელს დავყოფთ, ვივაჭრებთ და მოვიგებთო; ლუკ.12,18.

14 რომელთაც არ იცით, რა მოხდება ხვალ, რადგან რა არის თქვენი სიცოცხლე? ნისლი, რომელიც ერთხანს გამოჩნდება, მერე კი გაქრება. იობ.7,7. იგ.27,1.

15 ნაცვლად იმისა, რომ თქვათ: თუ ინებებს უფალი და ვიცოცხლებთ, ამას და ამას ვიზამთო. საქ.18,21. 1კორ.4,19;16,7.

16 ახლა თქვენი ამპარტავნობით პატივმოყვარეობთ. ყოველი ამგვარი ამპარტავნობა ბოროტებაა.

17 ამიტომ, ვინც სიკეთის ქმნა იცის და არ იქმს, ეს ცოდვად ეთვლება მას. ლუკ.12,47.

თ ა ვ ი 5

მსჯავრი მდიდრებს

1 მოდით, ახლა თქვენც იტირეთ, მდიდრებო, და ივარგახეთ იმ უბედურებაზე, თქვენზე რომ მოდის. ლუკ.6,24. 1ტიმ.6,9;17,19.

2 თქვენი სიმდიდრე დალპა, თქვენი სამოსელი კი ჩრჩილმა შეჰამა.

3 თქვენი ოქრო და ვერცხლი დაჟანგდა. მათი ჟანგი იქნება მოწმობა თქვენს წინააღმდეგ და თქვენს ხორცს ცეცხლივით შეჰამს იგი. დაუნჯებული გაქვთ განძი უკანასკნელი დღეებისათვის. მათ.6,19.

4 აჰა, მუშაკთა საზღაური, რომელიც დაუკავეთ თქვენი ყანების მომკელთ - ღალატებს და მომკელთა ღალადი უფალ ცაბათის ყურამდე აღწევს. 2შჯ.24,14.

5 თქვენ განცხრომას ეძლეოდით ქვეყანაზე და ნებივრობდით, თითქოს დაკვლის დღისთვის გულები დაისუქეთ. იობ.21,13. ლუკ.6,25.

6 თქვენ მსჯავრი დასდეთ და მოჰკალით მართალი, ის კი არ გაგიძლიანდათ.

7 ამიტომ, ძმებო, სულგრძელნი იყავით უფლის მოსვლამდე. აჰა, მიწის მუშაკი ელოდება მიწის ძვირფას ნაყოფს, სულგრძელად ელის საადრეო და საგვიანო წვიმის მოსვლას.

8 თქვენც ისულგრძელეთ და გულები გაიმაგრეთ, რადგან მოახლოვებულია უფლის მოსვლა. ლუკ.21,9. ებრ.10,36.

9 ჩემო ძმებო, ნუ ჩივით ერთმანეთზე, რათა არ იყოთ მსჯავრდადებულნი. აჰა, განმკითხავი კარზეა მომდგარი.

10 ჩემო ძმებო, წინასწარმეტყველები, რომლებიც უფლის სახელით ლაპარაკობდნენ, ტანჯვისა და სულგრძელების მაგალითად აიღეთ თქვენთვის. მათ.5,12.

11 აჰა, ჩვენ შევნატრით იმ მომთმენთ. იობის მოთმინება გაგიგონიათ და უფლისმიერი ბოლო გინახავთ, რადგან მრავალმოწყალე და შემწყალებელია უფალი. იობ.1,21.

არ დაიფიცოთ. ილოცეთ ერთმანეთისთვის

12 პირველყოვლისა, ჩემო ძმებო, ნუ დაიფიცებთ ნურც ზეცას და ნურც დედამიწას, ნურც სხვა რაიმე საფიცარს. თქვენი ჰო ჰო იყოს და არა - არა, რათა სამსჯავროში არ მოხვდეთ. მათ.5,34,37.

13 გინც იტანჯება თქვენს შორის, ილოცოს, ვისაც უხარია, იგალობოს. ეფეს.5,19;6,18.

14 არის თქვენს შორის გინმე ავად? მოიხმოს ეკლესიის ხუცესნი და ილოცონ მათზე და ნელსაცხებელი სცხონ უფლის სახელით. მარ.6,13.

15 რწმენის ლოცვა იხსნის ავადმყოფს. უფალი წამოაყენებს მას და, თუ რამ ცოდვები ჩაუდენია, მიეტევება. მათ.9,2.

16 აღიარეთ ცოდვები ერთმანეთის წინაშე და ილოცეთ ერთმანეთისათვის, რათა განიკურნოთ, რადგან ბევრი რამ შეუძლია მართლის ძლიერ ლოცვას. ფსალ.144,19.

17 ელია ჩვენი მსგავსი კაცი იყო და ლოცვით ილოცა, რომ არ მოსულიყო წვიმა და არ მოსულა ქვეყნად წვიმა სამ წელსა და ექვს თვეს. 3მფ.17,1. ლუკ.4,25.

18 კვლავ ილოცა და ცამ მისცა წვიმა და მიწამ აღმოაცენა თავისი ნაყოფი. 3მფ.18,42.45.

19 ჩემო ძმებო, თუ ვინმე თქვენგანი გადაცდება ჭეშმარიტებას და ვინმე მოაქცევს მას, ლევ.19,17. მათ.18,15. ლუკ.17,3.

20 იცოდეს, რომ ცოდვილის მომქცევი მისი ცდომილების გზიდან სიკვდილისაგან იხსნის სულს და მრავალ ცოდვას დაფარავს.



პეტრე მოციქულის პირველი წერილი

თ ა ვ ი 1

მოკითხვა

1 პეტრე, იესო ქრისტეს მოციქული, ხიზნებს, განთესილთ პონტოში, გალატიაში, კაბადოკიაში, აზიასა და ბითინიაში, რჩეულებს 1პეტ.2,9.

2 მამა ღმერთის წინასწარი განჭვრეტით და სულის მიერ განწყობილთ, დამორჩილებად და იესო ქრისტეს სისხლის საპყურებლად – მადლი და მშვიდობა გიმრავლოთ. ეფეს.1,4,7. ებრ.12,24.

პეტრე აღიღებს ღმერთს ცოცხალი იმედისთვის

3 კურთხეულია ღმერთი და ჩვენი უფლის, იესო ქრისტეს მამა, რომელმაც თავისი მრავალი წყალობით ხელახლა გვშვა ჩვენ იესო ქრისტეს მკვდრეთით აღდგომით ცოცხალ იმედად. რომ.6,4. ეფეს.1,3.

4 უხრწნელი, შეუბილწავი და უჭკნობი მემკვიდრეობისათვის, რომელიც ცაშია შენახული თქვენთვის, 2ტიმ.4,8.

5 ღვთის ძალაში, რწმენის მეშვეობით დაცულებო ხსნიისათვის, რომელიც მზადაა უკანასკნელ უამს გამოსაცხადებლად. იოან.10,28.

ამ იმედით ხარობთ განსაცდელში

6 ამაზე ილხინეთ, თუმცა ამჟამად სხვადასხვა განსაცდელში მცირედ უნდა გაწვალდეთ. მათ.5,12. 2კორ.4,17.

7 რათა გამოჩნდეს თქვენი ნაცადი რწმენა ხრწნად ოქროზე ძვირფასი, – რომელიც ცეცხლში იცდება, – ქების, პატივისა და დიდებისათვის იესო ქრისტეს გამოცხადებისას.

იოხ.23,10. იგ.17,3. ზაქ.13,9.

8 ვინც არ გინახავთ და გიყვართ, თუმცა ვერ ხედავთ, მაგრამ გწამთ, ხარობთ გამოუთქმელი და დიდი სიხარულით,

იოან.20,29. 2კორ.5,7.

9 თქვენი რწმენით აღწევთ სულების ხსნას, რომ.6,23.

10 ამ ხსნისთვის იძიებდნენ და იკვლევდნენ წინასწარმეტყველნი, რომლებიც თქვენთვის განკუთვნილ მადლზე წინასწარმეტყველებდნენ.

დაბ.49,10. დან.2,44;9,24. მათ.13,17. 2პეტ.1,21.

11 იკვლევდნენ, რომელ და რა დროზე მიუთითებდა მათში მყოფი ქრისტეს სული, როცა წინასწარ უმოწმებდა ქრისტეს ტანჯვას და ტანჯვის შემდგომ დიდებას.

ფსალ.21,7. ეს.53,3.

12 რომელთაც გამოეცხადა, რომ თვით მათ კი არა, თქვენ მოგმსახურებოდათ ის, რაც ეხლა გეუწყათ ციდან მოვლინებული სულიწმიდის მიერ, თქვენი მახარებლისგან, რის ჩაწვდომასაც ნატრობდნენ ანგელოზები.

ეფეს.3,10. 1ტიმ.3,16.

იყავით წმიდანი, როგორც ქრისტეს სისხლით გამოსყიდულნი

13 ამიტომ შემოისარტყლეთ თქვენი გონების წელნი, იფხიზლეთ და იესო ქრისტეს გამოცხადებაში თქვენთვის მოსანიჭებელი მადლის სრული იმედი იქონიეთ.

ლუკ.12,35.

14 როგორც გამგონი შვილები, ნუ აპყვებით თქვენი უმეცრების დროინდელ გულისთქმებს,

საქ.17,30.

15 არამედ თვითონაც იყავით წმიდები ყოველ საქციელში, როგორც წმიდაა იგი, ვინც თქვენ მოგიწოდათ.

ლუკ.1,75.

16 რადგან წერია: „იყავით წმიდები, რადგან წმიდა ვარ მე.“

ლევ.11,44.

17 თუ მამას უწოდებთ იმას, ვინც მიუკერძოებლად განიკითხავს ყველას საქმეთა მიხედვით, მაშინ მოშიშობით გაატარეთ თქვენი ხიზნობის ხანი.

2შჯ.10,17.

18 რაკი იცით, რომ არა ხრწნადი ვერცხლით ან ოქროთი იქენით გამოსყიდულნი მამებისგან გადმოცემული ამაო გზიდან,

19 არამედ ქრისტეს ძვირფასი სისხლით, როგორც უბიწო და უმანკო კრავისა,

იოან.1,7. 1კორ.6,20. ეფეს.1,7. ებრ.9,14. გამოცხ.1,5.

20 რომელიც წუთისოფლის შექმნამდე იყო წინასწარ განწესებული, მაგრამ უკანასკნელ დროს მოევლინა თქვენი გულისათვის.

21 თქვენ მისით იწამეთ ღმერთი, ვინც მკვდრეთით აღადგინა იგი და მისცა მას დიდება, რათა გქონდეთ რწმენა და ღვთის იმედი.

22 ჭეშმარიტებისადმი მორჩილებით განიწმიდეთ თქვენი

სულელები ძმური, უპირფერო სიყვარულისათვის და მტკიცედ, სუფთა გულით გიყვარდეთ ერთმანეთი. 1პეტ.2,17.

23 როგორც ხელახლად შობილნი არა ხრწნადი თესლისაგან, არამედ უხრწნადისაგან, ღვთის ცოცხალი და მარადარსებული სიტყვის მიერ. იაკ.1,18.

24 რადგან ყოველი ხორციელი ბალახივითაა და ყოველი მისი დიდება ბალახის ყვავილივითაა. ბალახი გახმა და ყვავილიც დასცვივდა. ეს.40,6-8.

25 ღვთის სიტყვა კი უკუნისამდე მკვიდრობს. ეს კი ის სიტყვაა, თქვენ რომ გეხარათ.

თ ა ვ ი 2

ქვები სულიერი სახლისათვის

1 ამრიგად, მოიშორეთ ყოველგვარი ბოროტება, ყოველგვარი მზაკვრობა და პირფერობა და შური და ყოველგვარი ავსიტყვაობა. კოლ.3,8. ებრ.12,1.

2 როგორც ახალშობილმა ყრმებმა, ინატრეთ სულიერი სუფთა რძე, რათა იმით გაიზარდოთ ხსნისათვის. მათ.18,3. მარ.10,14.

3 რადგან იგემეთ, რომ ტკბილია უფალი, ფსალ.33,9.

4 რომელთანაც მიხვედით – ცოცხალ ქვასთან, ადამიანებმა რომ დაიწუნეს, ღვთისაგან კი რჩეული და ძვირფასია. მათ.16,18;21,42.

5 თქვენც აშენდით ცოცხალი ქვებივით სულიერ სახლად, წმიდა სამღვდელოებად, ღვთის სასურველ სულიერ მსხვერპლად, იესო ქრისტეს მიერ, მალ.1,11. გამოცხ.1,6.

6 რადგან ნათქვამია წერილში: „აჰა, მე ვდებ სიონში ლოდს, ქვაკუთხედს, რჩეულს და ძვირფასს, და მისი მორწმუნე არ შერცხვება.“ ეს.28,16. რომ.9,33.

7 ამიტომ თქვენთვის, მორწმუნეთათვის, ძვირფასია იგი. ურწმუნოთათვის კი ლოდი, რომელიც მშენებლებმა დაიწუნეს, იქმნა ქვაკუთხედად, შებრკოლების ლოდად და საცდურის კლდედ, ფსალ.117,22. ეს.8,14. მათ.21,42.

8 რაზედაც ბრკოლდებიან, რადგან ეურჩებიან სიტყვას და სწორედ ამისათვის არიან განწესებულნი.

9 თქვენ კი რჩეული მოდგმა ხართ, სამეფო სამღვდელოება, წმიდა ერი, წილხვედრილი ხალხი, რათა გამოაცხადოთ მისი სათნოებანი, ვინც სიბნელიდან თავისი საკვირველი ნათლისკენ გამოგიხმოთ. გამოს.19,6. ეს.61,6. საქ.26,18.

10 ოდესღაც რომ ხალხი არ იყავით, ახლა ღვთის ხალხი ხართ. ოდესღაც რომ შეწყალებულნი არ იყავით, ახლა შეწყალებულნი ხართ. ოსე.1,10;2,23. რომ.9,25.

დარიგება წმიდა და სანიმუშო ცხოვრებაზე

11 საყვარელნო, შეგაგონებთ, როგორც ხიზნებსა და მწირებს, განეშორებით ხორციელ გულისთქმებს, რომლებიც სულის წინააღმდეგ იბრძვიან. ფსალ.38,13. რომ.13,13. გალ.5,16.

12 კარგად მოიქეცით წარმართებში, რათა რაშიც გადაგებენ, როგორც ბოროტმოქმედებს, იმაში დაინახონ თქვენი კეთილი საქმეები და აღიღონ ღმერთი მონახულების დღეს. მათ.5,16.

13 დაემორჩილეთ ყოველ ადამიანურ დადგენილებას უფლის გულისათვის, თუნდ მეფეს, როგორც უმაღლეს ხელისუფლებას, რომ.13,1. ტიტ.3,1.

14 განმგებელთ, როგორც მის მოვლინებულთ, ბოროტმოქმედთა დასასჯელად და კეთილის მოქმედთა სადიდებლად.

15 რადგან ასეთია ნება ღვთისა: რათა კეთილის ქმნით დაადუმოთ უგუნურ ადამიანთა უმეცრება.

16 იცხოვრეთ როგორც თავისუფლებმა, ოღონდ ბოროტების საფარად თავისუფლებას ნუ გამოიყენებთ, არამედ იცხოვრეთ როგორც ღვთის მონებმა. გალ.5,13.

17 ყველას პატივი მიაგეთ, გიყვარდეთ სამო, ღვთისა გეშინოდეთ, მეფეს პატივი ეცით. 1პეტ.1,22. რომ.12,10.

მსახურებს მოთმინებაზე

18 მსახურნო, დაემორჩილეთ ბატონებს მთელი შიშით, არა მარტო კეთილებსა და შემწყნარებლებს, არამედ მრისხანეთაც.

19 რადგან მაღლი ის არის, თუ ვინმე სინდისის გამო უსამართლოდ იტანჯება და ღვთის გულისათვის იტანს გასაჭირს. მათ.5,10.

20 რადგან, თუ დანაშაულისათვის გცემენ და ითმენთ, რა საჭებარია? ხოლო თუ კეთილისმოქმედნი იტანჯებით და ითმენთ, ეს მაღლია ღვთის წინაშე. 1პეტ.3,14;4,14.

21 ამისათვის ხართ მოწოდებულნი: ქრისტეც ხომ ეტანჯა თქვენთვის და მაგალითიც დაგიტოვათ, რათა მის კვალს მიჰყევით; მათ.16,24. ფილ.2,5.

22 რომელსაც არც ცოდვა ჩაუდენია და არც მზაკვრობა გაჰკარებია მის ბაგეს; ეს.53,9. 1იოან.3,5.

23 რომელსაც ლანძღავდნენ და ლანძღვით არ უპასუხებდა, იტანჯებოდა და არ იმუქრებოდა, არამედ მიენდო სიმართლით განმკითხველს, ეს.50,6;53,7.

24 რომელმაც ჩვენი ცოდვები თვითონვე აზიდა ძელზე თავისი სხეულით, რათა ცოდვათაგან განეშორებულემა სიმართლისათვის ვიცოცხლოთ. მისი ჭრილობით თქვენ განიკურნეთ. ეს.53,4-6. მათ.8,17. რომ.6,2.

25 ცხვრებივით გზააბნეული იყავით და ახლა დაუბრუნდით მწყემსსა და თქვენს სულთა ზედამხედველს. ეზეკ.34,5.23. იოან.10,11.

თ ა ვ ი 3

მითითება ცოლებს და ქმრებს

1 ასევე ცოლები დაემორჩილონ თავიანთ ქმრებს, რათა ისინი, ვინც არ ერწმუნებიან სიტყვას, სიტყვის გარეშე იყვნენ მოგებულნი თავიანთი ცოლების საქციელით, ^{ეფეს.5,22. კოლ.3,18.}

2 იხილავენ რა თქვენს უბიწო ქცევას მოშიშობით.

3 თქვენი მშვენება ნუ იქნება გარეგნობა: თმის ნაწნავები, ოქროს სამკაულები ან ჩაცმულობა, ^{1ტიმ.2,9.}

4 არამედ გულის დაფარული კაცი უხრწნელ მყუდროებაში და სულის სიმშვიდეში, რაც ძვირფასია ღვთის წინაშე.

^{ფსალ.44,14. რომ.7,22. 2კორ.4,16.}

5 ღვთის მოიმედე წმიდა ცოლებიც ასე იმკობდნენ თავს ოდესღაც, რაკი თავიანთ ქმრებს დაემორჩილნენ.

6 როგორც სარა დაემორჩილა და ბატონი უწოდა აბრაამს, რომლის შვილებიცა ხართ, როცა კეთილ საქმეს აკეთებთ და არაფრის შიში არ გაკრთობთ. ^{დაბ.18,12.}

7 თქვენც, ქმრებო, გონივრულად მოეპყარით ცოლებს, როგორც უუძლურეს ჭურჭელს, პატივი ეცით, როგორც სიცოცხლის მადლის თანამემკვიდრეებს, რათა ლოცვა არ დაგიბრკოლდეთ. ^{1კორ.7,3. გალ.3,28.}

ნუ მიაგებ ბოროტს

8 ბოლოს, იყავით ყველა ერთი აზრისანი, გულშემატკივარნი, ძმათა მოყვარენი, შემწყნარებელნი, თავმდაბალნი. ^{რომ.15,5.}

9 ნუ მიაგებთ ბოროტს ბოროტისა წილ და ლანძღვას ლანძღვისა წილ. პირიქით, აკურთხეთ, რადგან ამისათვის ხართ მოწოდებულნი, რათა კურთხევა დაიმკვიდროთ.

^{იგ.17,3;20,22. მათ.5,39. რომ.12,14.17.}

10 რადგან, ვისაც სიცოცხლე უყვარს და კეთილი დღეების ხილვა, შეიკავოს ენა ბოროტისაგან და მისი ბაგეები ნუ იტყვიან ზაკვას.

11 ერიდოს ბოროტს, სიკეთე აკეთოს, ეძიებდეს მშვიდობას და მისკენ ისწრაფვოდეს, ^{ეს.1,16.}

12 რადგან ღვთის თვალები მიპყრობილია მართალთა მიმართ, ყურები კი – მათი ვედრების მიმართ, ხოლო ღვთის სახე ბოროტმოქმედთა წინააღმდეგაა.

სიმართლისათვის ტანჯვა ნეტარებაა

13 ცუდს ვინ გაგიკეთებთ, თუ კეთილის მოშურნე იქნებით?

14 მაგრამ ნეტარნი ხართ თქვენ, რომ იტანჯოთ კიდევ სიმართლისათვის. მათი შიშით ნურც შეშინდებით და ნურც დაღონდებით. ^{ეს.8,12. მათ.5,10.}

15 წმიდაჰყავით ქრისტე, როგორც უფალი, თქვენს გულებში და მუდამ მზად იყავით, რომ სიმშვიდით და მოწიწებით უპასუხოთ ყველას, ვინც თქვენი იმედის გამო ახსნა-განმარტებას მოგთხოვთ.

კოლ.4,6.

16 კეთილი სინდისი გქონდეთ, რათა, რისთვისაც გადაგებენ, როგორც ბოროტმოქმედებს, იმაში შერცხვნენ ქრისტეში თქვენი კეთილი ქცევის შეურაცხყოფელნი.

1პეტ.2,12.

17 რადგან, თუ ღმერთს ნებავს, უმჯობესია, კარგ საქმეთა გამო იტანჯოთ, ვიდრე ბოროტთა გამო.

1პეტ.4,15.

18 რადგან ქრისტეც მოკვდა ერთხელ ჩვენი ცოდვების გამო, მართალი – უსამართლოთა გამო, რათა მივეყვანეთ ღმერთთან; მოკლულ იქნა ხორციით და გაცოცხლდა სულით, რომ.5,6. ებრ.9,28.

19 რომლითაც წავიდა და უქადაგა საპყრობილეში სულებსაც,

კოლ.2,15.

20 ურწმუნონი რომ იყვნენ ოდესღაც, როცა ელოდნენ ღვთის სულგრძელებას ნოეს დღეებში, სანამ მზადდებოდა კიდობანი, რომელშიც ცოტა, ესე იგი, რვა სული გადაურჩა წყალს;

დაბ.7,7. მათ.24,37. ლუკ.17,26.

21 რაც იყო ხატება ნათლისღებისა, რომელიც ამჟამად თქვენ გიხსნით (იგი ხორციელი ჭუჭყის ჩამორეცხვა კი არ არის, არამედ კეთილი სინდისის ღვთისათვის შეპირება) იესო ქრისტეს აღდგომით,

რომ.6,4. ეფეს.5,26.

22 რომელიც ღვთის მარჯვნივ არის მას შემდეგ, რაც ზეცად ამაღლდა, რომელსაც დაემორჩილნენ ანგელოზნი, ხელმწიფებანი და ძალნი.

მათ.28,18. ეფეს.1,20.

თ ა ვ ი 4

კარგი განმგებელი

1 რაკი ქრისტე ჩვენთვის იტანჯა ხორციელად, თქვენც აღიჭურვეთ იმავე აზრით, ვინაიდან, ვინც კი ხორციელად იტანჯა, შეწყვიტა ცოდვის ჩადენა.

1პეტ.2,21.

2 რათა ხორცში დარჩენილი დრო განვლოთ არა ადამიანური გულისთქმებით, არამედ ღვთის ნებით.

2კორ.5,15. გალ.2,20.

3 რადგან თქვენთვის ისიც საკმარისია, რომ წარსულში იქცეოდით წარმართთა ნებისამებრ, რაკი ცხოვრებას ატარებდით გარყვნილებაში, გულისთქმებში, სიმთვრალეში, ღრეობაში, სმაში და საძაგელ კერპთაყვანისმცემლობაში.

ეფეს.4,17.

4 ამის გამო უკვირთ მათ, რომ მათთან ერთად არ მისდევთ იმ უზომო გარყვნილებას, და გგმობენ.

1პეტ.2,12.

5 ისინი პასუხს აგებენ მის წინაშე, რომელიც განიკითხავს ცოცხლებსა და მკვდრებს.

2ტიმ.4,1.

6 რადგან იმიტომ ეხარათ მკვდართაც, რომ კაცთა კვალზე ხორციით განკითხულებმა ღვთის კვალზე სულით იცოცხოვნ.

7 თუმცა ყველაფრის აღსასრული მოახლოებულია. ამიტომ იყავით გონიერნი და ფხიზელნი ლოცვაში. ლუკ.21,34. იაკ.5,8.

8 უპირველეს ყოვლისა კი, იქონიეთ გულითადი სიყვარული ერთმანეთისადმი, რადგან ცოდვათა სიმრავლეს სიყვარული ფარავს. იგ.10,12.

9 იყავით ერთმანეთის მიმართ სტუმართმოყვარენი წუწუნის გარეშე. რომ.12,13. ფილ.2,14. ებრ.13,2.

10 თვითოეული ერთმანეთს იმ ნიჭით ემსახურეთ, რაც მიგიღიათ, როგორც კარგმა განმგებლებმა ღვთის მრავალგვარი მადლისა. რომ.12,6.

11 თუ ვინმე ლაპარაკობს, ილაპარაკოს როგორც ღვთის სიტყვით. თუ ვინმე ემსახურება, ღვთის მიერ მინიჭებული ძალით ემსახუროს, რათა იდიდებოდეს ღმერთი ყველაფერში იესო ქრისტეს მიერ, რომელსაც აქვს დიდება და ძალა უკუნითი უკუნისამდე. ამინ. მათ.5,16.

თუ ვინმე იტანჯებოდა როგორც ქრისტიანი, ნუ შერცხვება

12 საყვარელნო, ნუ გაგაოცებთ თქვენზე მოვლენილი ცეცხლოვანი განსაცდელი, თითქოს უცხო რამ დაგმართვოდეთ. 1პეტ.1,7.

13 არამედ გიხაროდეთ, როგორც ქრისტეს ტანჯვათა მოზიარეებს, რათა თქვენც იხაროთ და იმხიარულოთ მისი დიდების გამოცხადებისას. 2კორ.4,10. ფილ.3,10.

14 თუ გაგლანძღავენ ქრისტეს სახელისათვის, ნეტარნი ხართ, რადგან სული დიდებისა, სული ღვთისა თქვენზე ივანებს, მათით იგმობა, თქვენით კი იდიდება. მათ.5,11.

15 ოღონდ არც ერთ თქვენგანს არა ევნოს რა, როგორც მკვლელს ან ქურდს, ბოროტმოქმედს ან სხვის საქმეში ჩამრევს. 1პეტ.2,19;3,17.

16 ხოლო თუ ვინმე იტანჯება, როგორც ქრისტიანი, ნუ შერცხვება, არამედ ადიდოს ღმერთი ამის გამო.

17 რადგან დროა ღვთის სახლიდან განკითხვის დაწყებისა და, თუ ჩვენგან დაიწყება, რა აღსასრული ელით ღვთის სახარების ურჩებს? იერ.25,29. ეზეკ.9,6. ლუკ.23,31.

18 თუ მართალი ძლივას გადარჩება, უღვთო და ცოდვილი სადღა გამოჩნდება? იგ.11,31.

19 ამიტომ ტანჯულებმაც ღვთის ნებისამებრ, თავიანთი სულები მიანდონ ჭეშმარიტ გამჩენს სიკეთის ქმნაში.

თ ა ვ ი 5

სწავლება ერთგულებასა და სიფხიზლეზე

1 თქვენს შორის ხუცესებს შევაგონებ მე, თანახუცესი, ქრისტეს ტანჯვის მოწმე და აგრეთვე თანაზიარი იმ დიდებისა, რომელიც გამოცხადდება. საქ.1,8. რომ.8,17.

2 მწყემსეთ ღვთის სამწყსო, რომელიც თქვენს შორისაა, არა იძულებით, არამედ ნებით და ღვთისათვის სათნოდ, არა ბილწი ანგარებისათვის, არამედ გულმოდგინებით. საქ.20,28.

3 ნუკი ეუფლებით ღვთის სამკვიდრებელს, არამედ მაგალითი იყავით სამწყსოსათვის. მარ.10,44.

4 და როდესაც მწყემსმთავარი გამოჩნდება, თქვენ მიიღებთ დიდების უჭკნობ გვირგვინს. 1პეტ.2,25. 1კორ.9,25.

5 ასევე, ახალგაზრდებო, დაემორჩილეთ ხუცესთ. დაემორჩილეთ ერთმანეთს, შეიმოსეთ თავმდაბლობა, რადგან ღმერთი ამპარტავნებს ეწინააღმდეგება, თავმდაბლებს კი მადლს ანიჭებს.

იაკ.4,6. ეფეს.5,21. ფილ.2,3.

6 მაშ, დამდაბლდით ღვთის ძლიერი ხელის ქვეშ, რათა აგამაღლოთ მან თავის დროზე. იაკ.4,10.

7 თქვენი ყველა საზრუნავი მას მიანდეთ, რადგან ის ზრუნავს თქვენზე. ფსალ.54,23. მათ.6,23. ლუკ.12,30.

8 მღვიძარენი იყავით, იფხიზლეთ, რადგან თქვენი მოწინააღმდეგე ეშმაკი დაძრწის როგორც მბრძღვინავი ლომი და ეძებს, ვინ ჩაყლაპოს. იოხ.1,7;2,2. ლუკ.22,31.

9 წინაღუდექით მას მტკიცე რწმენით და იცოდეთ, რომ მსგავსი სატანჯველი თქვენს საძმოსაც ხვდება წუთისოფელში.

10 ხოლო ღმერთი ყოველგვარი მადლისა, რომელმაც მოგვიწოდა თავისი სამუდამო დიდებისაკენ ქრისტეში, თქვენი მცირეოდენი ტანჯვის შემდეგ სრულგყოფთ, გაგაძლიერებთ, განგამტკიცებთ და დაგაფუძნებთ. 2კორ.4,17.

11 დიდება და ძლიერება მას უკუნითი უკუნისამდე. ამინ.

მისალმება და კურთხევა

12 სილოვანის, როგორც ვფიქრობ, თქვენი ერთგული ძმის ხელით მოგწერეთ მცირე რამ თქვენს შესაგონებლად და დასამოწმებლად, რომ ღვთის ეს მადლი, რომელშიაც დგახართ, ჭეშმარიტია.

13 მოკითხვას გითვლიან ბაბილონში თანარჩეული ეკლესია და ძე ჩემი მარკოზი.

14 ერთმანეთი მოიკითხეთ სიყვარულის ამბორით. მშვიდობა თქვენდა ყველას, ვინც ქრისტეში ხართ. ამინ.

რომ.16,16. 1კორ.16,20. 2კორ.13,12.



პეტრე მოციქულის მეორე წერილი

თ ა ვ ი 1

რწმენაში აჩვენეთ სათნოება

1 სიმონ-პეტრე, იესო ქრისტეს მონა და მოციქული, მათ, ვინც მიიღო იგივე ძვირფასი რწმენა, რაც ჩვენ ჩვენი ღვთისა და მაცხოვრის, იესო ქრისტეს სიმართლით:

2 მაღლი და მშვიდობა გაგიძრავლდეთ ღვთისა და ჩვენი უფლის იესოს შემეცნებით,

3 ისე, როგორც მისმა ღვთიურმა ძალამ მოგვანიჭა ყოველივე, რაც სიცოცხლისა და ღვთისმოსაობისათვის გვჭირდება, მისი შემეცნებით, ვინც მოგვიწოდა თავის დიდებასა და სათნოებაში, რომ.8,30.

4 რომელთა მიერაც მოგვანიჭა უაღრესად დიდი და ძვირფასი ალთქმანი, რათა მათ მიერ გახდეთ ღვთიური ბუნების ზიარნი და ამ წუთისოფელში განერიდოთ გულისთქმით გამოწვეულ გახრწნილებას.

5 ამისათვის ეცადეთ, ყოველი ღონე იხმაროთ, რათა წარმოაჩინოთ თქვენს რწმენაში სათნოება და სათნოებაში – შემეცნება,

6 შემეცნებაში – თავშეკავება, თავშეკავებაში – მოთმინება, მოთმინებაში – ღვთისმოსაობა,

7 ღვთისმოსაობაში – ძმათმოყვარეობა, ძმათმოყვარეობაში – სიყვარული. 1იოან.3,16.

8 ვინაიდან, თუ ყოველივე ეს თქვენშია და მრავლდება, არ დარჩებით უქმად და უნაყოფოდ ჩვენი უფლის იესო ქრისტეს შემეცნებაში. ტიტ.3,14.

9 ხოლო, ვისაც არ გააჩნია, ის ბრმაა და ბეცი, და დავიწყებული აქვს, რომ განწმედლია ძველი ცოდვებისგან. 1 იოან.2,9.

10 ამიტომ, ძმანო, უფრო და უფრო ეცადეთ განამტკიცოთ თქვენი მოწოდება და რჩეულობა. თუ ასე მოიქცევით, არასოდეს წაიბოროდიკებთ,

11 ვინაიდან ასე უხვად გაგეხსნებათ ჩვენი უფლისა და მაცხოვრის იესო ქრისტეს საუკუნო სასუფეველის შესასვლელი.

რწმენა დაფუძნებულია მოწმობასა და წინასწარმეტყველებაზე

12 ამიტომ მუდამ შეგახსენებთ ამის შესახებ, თუმცა იცით და მტკიცენი ხართ ახლანდელ ჭეშმარიტებაში.

13 სწორად კი მივიჩნევ შეხსენებით გამოგაფხიზლოთ, ვიდრე ამ კარავში ვიმყოფები.

14 რადგან ვიცი, რომ მალე უნდა მივატოვო ჩემი კარავი, როგორც გამომიცხადა კიდევ ჩვენმა უფალმა იესო ქრისტემ.

იოან.21,18.

15 ვეცდები, რომ ჩემი წასვლის შემდეგაც ყოველთვის იხსენებდეთ ამას.

16 ვინაიდან ჩვენი უფლის, იესო ქრისტეს ძალა და მოსვლა ბრძნული იგაგების მოყოლით კი არ გაუწყეთ, არამედ მისი სიდიადე საკუთარი თვალით ვიხილეთ. ლუკ.9,32. იოან.1,14. 1კორ.2,13.

17 ვინაიდან მან მამა ღმერთისაგან მიიღო პატივი და ღიღება, როცა მისი ღიდმშვენიერი ღიღებიდან მასთან მიაღწია ასეთმა ხმამ: ეს არის ჩემი საყვარელი ძე, რომელიც მე მოვიწონე.

მათ.17,5. მარ.9,7.

18 ეს ზეციდან წამოსული ხმა გავიგონეთ, როცა მასთან ერთად წმიდა მთაზე ვიყავით.

19 ახლა ჩვენ გვაქვს უმტკიცესი წინასწარმეტყველური სიტყვა და კარგად იქცევით, რომ მიმართავთ მას, როგორც ლამპარს, რომელიც ბნელში ანათებს, ვიდრე დღე გათენდებოდეს და ცისკრის ვარსკვლავი ამოვიდოდეს თქვენს გულებში.

20 ეს იცოდეთ უპირველესად, რომ წერილის არავითარი წინასწარმეტყველება თავისით არ განიმარტება.

21 ვინაიდან წინასწარმეტყველება არასოდეს არ წარმოთქმულა ადამიანის ნებით, არამედ ადამიანები, სულიწმიდის მიერ აღძრულნი, ღვთისაგან წარმოთქვამდნენ მას. 1პეტ.1,10.

თ ა ვ ი 2

გაფრთხილება ცრუწინასწარმეტყველთა წინააღმდეგ

1 იყვნენ აგრეთვე ცრუწინასწარმეტყველნი ხალხში, ისევე, როგორც თქვენშიც იქნებიან ცრუმოდღვარნი, რომელნიც შემოი-

ლებენ დამლუპველ მწვალებლობას, თავიანთ გამომსყიდველ ხელმწიფეს უარყოფენ და სწრაფად დაილუპავენ თავს.

2შჯ.13,1. მათ.24,11. 1ტიმ.4,1.

2 მრავალნი მიჰყვებიან მათ თავაშეებულებას და მათ გამო დაიგმოზა გზა ჭეშმარიტებისა.

2ტიმ.4,3.

3 ანგარების გამო ტყუილი სიტყვებით თქვენგან გამორჩენას ნახავენ. დიდი ხანია გამზადებულია მათი სამსჯავრო და მათი დალუპვა არ თვლემს.

რომ 16,18.

4 რადგან, თუკი ღმერთმა ის ანგელოზები არ დაინდო, რომელთაც შესცოდეს, არამედ ჩაყარა ტარტაროზში და წყვდიადის უფსკრულებს გადასცა სამსჯავროსათვის შესანახავად,

იობ.4,18. 1იოან.3,8. იუდ.1,6.

5 არც პირველი წუთისოფელი დაინდო, შეინახა რვა სული და მათ შორის ნოე – სიმართლის მქადაგებელი, როცა წარღვნა მოუვლინა უღვთოთა წუთისოფელს,

დაბ.7,7.

6 სოდომისა და გომორის ქალაქებს მსჯავრი დასდო, ფერფლად აქცია და ამით მაგალითი მისცა მომავალ უღვთოებს,

დაბ.19,24.

7 ხოლო მართალი ლოტი, ურჯულოთა ლაგამახსნილი ქცევით დაჩაგრული, იხსნა,

დაბ.19,5.9.

8 რადგან ეს მართალი კაცი, რაკი მათ შორის ცხოვრობდა, დღითი დღე თავისი მართალი სულით იტანჯებოდა, მათ უკანონო საქმეებს რომ ხედავდა და ისმენდა.

ეზეკ.9,4.

9 ვინაიდან იცის ღმერთმა, როგორ იხსნას განსაცდელისაგან ღვთისმოსავნი, ხოლო უკეთურნი შემოინახოს განკითხვის დღისათვის დასასჯელად,

ფსალ.90,15. 1კორ.10,13.

10 უპირატესად კი, ბილწ ხორციელ გულისთქმებს აყოლილნი, უფლებათა მოძულენი თავხედნი, ჯიუტნი და დიდებათა ლანძღვის ურიდნი,

იუდ.1,8.

11 მაშინ, როცა ანგელოზებიც კი, რომელნიც მათზე მაგარნი და ძლიერნი არიან, არ დაუშვებენ უფლის წინაშე, რომ შეურაცხმყოფელი ბრალი დასდონ მათ.

იუდ.1,9.

ჭეშმარიტების გზას აცდენილნი

12 ისინი კი, როგორც პირუტყვი ცხოველები, ბუნებით დასაჭერად და მოსასპობად გაჩენილნი, თავიანთი გახრწნილებით დაილუპებიან, ვინაიდან გმობენ იმას, რაც არ გაეგებათ,

13 და მიიღებენ უკეთურების საზღაურს, რადგან ყოველდღიური ფუფუნება ნეტარებად მიაჩნიათ. ბინძურნი და მანკიერნი, საკუთარი საცდურით ნებივრობენ, ნადიმობენ თქვენთან ერთად.

რომ.16,18. ფილ.3,19.

14 მათი თვალები აღსავსეა მრუშობით და დაუოკებელი ცოდვით. ისინი აცდუნებენ უსუსურ სულებს და მათი გულები მიჩვეულია ანგარებას. წყევლა-კრულვის შვილნი არიან ისინი.

1ტიმ.6,10.

15 მიატოვეს სწორი გზა, დაიბნენ და დაადგნენ ბალამ ბოსორელის გზას, რომელმაც შეიყვარა უკეთურობის საზღაური,

იუდ.1,11.

16 მაგრამ მხილებული იყო თავის ურჯულოებაში: უტყვი ვირი ადამიანის ხმით ალაპარაკდა და ალაგმა წინასწარმეტყველის სიშმაგე.

რიცხ.22,23-28.

17 ესენი არიან დამშრალი წყაროები და ქარიშხლის მიერ დევნილი ღრუბლები. მათთვის გამზადებულია საუკუნო წყვდიადი.

იუდ.1,12.

18 ვინაიდან მაღალფარდოვანი ლაქლაქით ხორციელ გულისთქმებში და გარყვნილებაში ითრევენ იმათ, ვინც ეს-ესაა ჩამოსცილდნენ ცდომილებაში მყოფთ.

19 თავისუფლებას პირდებიან მათ, თვითონ კი გახრწნილების მონები არიან, რადგან ვინც ვისგანაა ძლეული, მისივე მონაა.

იოან.8,34. რომ.6,16.

20 ვინაიდან, თუ უფლისა და მაცხოვრის იესო ქრისტეს შემეცნებით წუთისოფლის სიბილწეებს ჩამოცილებულნი კვლავ გაეხვევიან მათში და დაიძლევიან, უკანასკნელი პირველზე უარესი იქნება.

მათ.12,45. ლუკ.11,26.

21 უმჯობესი იქნებოდა არ შეეცნოთ სიმართლის გზა, ვიდრე შეეცნოთ და უკუქცეულიყვნენ მათთვის გადაცემული წმიდა მცნებისაგან.

იოან.15,22.

22 იმ მართალი იგავისა არ იყოს, იმათაც ასე მოუვიდათ: ძალდი თავის ნარწყევს უბრუნდება, ხოლო ნაბანი ღორი ტალახში საგორაოდ მიდის.

იგ.26,11.

თ ა ვ ი 3

უფლის სამსჯავროს მოსვლა სარწმუნოა

1 ამას უკვე მეორე წერილს გწერთ, საყვარელო, და ორთავეში შეხსენებით ვალვიძებ თქვენს წრფელ აზრს,

2პეტ.1,13.

2 რათა გახსოვდეთ წმიდა წინასწარმეტყველთა მიერ ადრევე თქმული სიტყვები და ჩვენი უფლისა და მაცხოვრის მცნებანი, გადმოცემული თქვენი მოციქულების მიერ.

3 უპირველესად იცოდეთ, რომ უკანასკნელ დღეებში მოვლენ დაცინვით დამცინავნი, რომელნიც საკუთარი გულისთქმისამებრ იქცევიან.

იუდ.1,18. 1ტიმ.4,1. 2ტიმ.3,1.

4 ამბობენ: სად არის მისი მოსვლის აღთქმაო? რადგან მას შემდეგ, რაც მიიცვალნენ მამები, ყოველივე უცვლელად რჩება დასაბამიდან მოყოლებული.

ეს.5,19. ეზეკ.12,22. 1კორ.15,12.

5 რადგან მათგან, რაკი ასე სურთ, დაფარული რჩება, რომ თავდაპირველად ცა და მიწა დაარსდა ღვთის სიტყვით წყლისაგან და წყლით;

დაბ.1,1; ფსალ.23,2. ებრ.11,3.

6 და რომ მაშინდელი წუთისოფელი წარღვნის წყლით მოისპო. დაბ.7,23.

7 ხოლო ახლანდელი ცა და მიწა, რომლებიც იმავე სიტყვით ინახება, გამზადებულია საცეცხლოდ უღვთო კაცთა განკითხვისა და მოსპობის დღისათვის. ფსალ.101,27. ეს.51,6. მათ.13,40.

8 ეს ერთი არ უნდა დაიფაროს თქვენგან, საყვარელნო, რომ უფლისათვის ერთი დღე არის, როგორც ათასი წელი, ხოლო ათასი წელი, როგორც ერთი დღე.

9 არ აყოვნებს უფალი აღთქმულს, ზოგიერთებს რომ დაყოვნებად მიაჩნიათ, არამედ სულგრძელია თქვენდამი და არ სურს, რომ ვინმე დაიღუპოს, არამედ რომ ყველა მივიდეს მოსანანიებლად. ეზეკ.18,32;33,11. 1ტიმ.2,4.

10 ხოლო უფლის დღე ქურდივით მოვა და მაშინ ზეცანი გრგვინვით გადაივლიან, გავარვარებული კავშირები დაიშლებიან, მიწა და მისი საქმენი, რაც მასზეა, გადაიბუგება.

მათ.24,43. 1თეს.5,2.

ჩვენ ველოდებით ახალ ცას და ახალ მიწას

11 თუკი ყველაფერი ასე დაინგრევა, როგორღა უნდა იყოთ წმიდა ქცევასა და ღვთისმოსაობაში,

12 რაკი ელით და ესწრაფით ღვთის მოსვლის დღეს, როცა აღმოდებული ცანი დაირღვევიან, ხოლო კავშირნი დაიწვებიან და დადნებიან. ფსალ.49,3. მიქ.1,4.

13 ხოლო ჩვენ მისი აღთქმისამებრ მოველით ახალ ცასა და ახალ მიწას, სადაც დამკვიდრებულია სიმართლე.

ეს.65,17;66,22. გამოცხ.21,1.

გაფრთხილდით, არ მოსწყდეთ თქვენს სიმტკიცეს


14 ამიტომ, საყვარელნო, რაკი ამას ელოდებით, იბეჯითეთ, რომ შეუბღალავნი და უბიწონი წარსდგეთ მშვიდობით მის წინაშე, 1კორ.1,8.

15 და ჩვენი უფლის სულგრძელობა მიიჩნიეთ ხსნად, როგორც ჩვენმა საყვარელმა ძმამ პავლემაც მოგწერათ მისთვის მინიჭებული სიბრძნით, რომ.2,4.

16 როგორც ლაპარაკობს იგი ამის შესახებ ყველა წერილშიც, რომლებშიც ზოგი რამ ისე ძნელად გასაგებია, რომ უმეტარნი და უმტკიცონი, სხვა წერილების მსგავსად ამახინჯებენ საკუთარი თავის დასაღუპად. რომ.8,21. 1კორ.15,24. 1თეს.4,15.

17 თქვენ კი, საყვარელნო, რაკი წინასწარ იცით ეს, გაფრთხილდით, რომ არ აჰყვეთ ურჯულოთა ცდომილებებს და არ დაკარგოთ თქვენი სიმტკიცე,

18 არამედ აღიზარდეთ ჩვენი უფლისა და მაცხოვრის იესო ქრისტეს მაღლით და შემეცნებით. მისია დიდება აწ და საუკუნო დღის მიმართ. ამინ. გამოცხ.22,5.



იოანე მოციქულის პირველი წერილი

თავი 1

რაც ვიხილეთ და გავიგეთ, გაუწყეთ

1 იმაზე, რაც იყო დასაბამიდან, რაც მოგვისმენია და ჩვენი თვალთ გვინახავს, რასაც ჩავგვირვებივართ და ჩვენს ხელებს მოუსინჯავს, სიცოცხლის სიტყვაზე, ლუკ.1,2;24,39. იოან.14,14.

2 რადგან სიცოცხლე გამოჩნდა და ჩვენ ვიხილეთ და ვმოწმობთ, და გაუწყებთ თქვენ ამ საუკუნო სიცოცხლეს, რომელიც იყო მამასთან და გამოგვეცხადა ჩვენ, იოან.1,4.

3 იმაზე, რაც გვინახავს და მოგვისმენია, გაუწყებთ, რათა თქვენც გქონდეთ მოზიარეობა ჩვენთან, ხოლო ჩვენი მოზიარეობა არის მამასთან და მის ძესთან, იესო ქრისტესთან.

იოან.15,10. 1კორ.1,9.

4 ამას გწერთ, რომ სრულყოფილი იყოს თქვენი სიხარული.

იარეთ ნათელში

5 აჰა, ამბავი, რომელიც მოგვისმინეთ მისგან და გაუწყებთ თქვენ: ღმერთი არის ნათელი და არავითარი სიბნელე არ არის მასში. იოან.8,12.

6 თუ ვამბობთ, რომ მოზიარეობა გვაქვს მასთან, ბნელში კი დავდივართ, მაშინ ვტყუით და არ ვიქცევით ჭეშმარიტებით.

2კორ.6,14. ეფეს.5,11.

7 ხოლო თუ ნათელში დავდივართ, როგორც ის არის ნათელში, მაშინ მოზიარეობა გვაქვს ერთმანეთთან და მისი ძის,

იესო ქრისტეს სისხლი გვწმედს ყოველგვარი ცოდვისაგან.

1 პეტ. 1, 19. ებრ. 9, 14. გამოცხ. 1, 5.

3 თუ ვამბობთ, რომ არა გვაქვს ცოდვა, საკუთარ თავს ვატყუებთ და ჭეშმარიტება არ არის ჩვენში.

3 მფ. 8, 46. იგ. 20, 9. ეკლ. 7, 20.

9 თუ ვაღიარებთ ჩვენს ცოდვებს, მაშინ ის, ერთგული და მართალი, მოგვითმევს ცოდვებს და გაგვწმენდს ყოველგვარი უკეთურებისაგან.

2 მფ. 12, 13. ფსალ. 31, 5. იგ. 28, 13.

10 თუ ვამბობთ, რომ არ შეგვიცოდავს, ცრუდ ვსახავთ მას და მისი სიტყვა არ არის ჩვენში.

თ ა ვ ი 2

ქრისტე ჩვენი შუამდგომელია მამის წინაშე

1 შვილნო ჩემნო! ამას გწერთ იმისათვის, რომ არ შესცოდოთ. ხოლო თუ ვინმე შესცოდავს, გვყავს შუამდგომელი მამის წინაშე, მართალი იესო ქრისტე.

რომ. 8, 34. 1 ტიმ. 2, 5.

2 ის არის ჩვენი და არა მარტო ჩვენი, არამედ მთელი წუთისოფლის ცოდვების მიმტევებელი.

საქ. 5, 31. 1 იოან. 1, 9; 4, 10. ებრ. 2, 10.

3 იმით გავიგებთ, რომ შევიცანით იგი, თუ დავიცავთ მის მცნებებს.

4 ვინც ამბობს: შევიცანიო იგი და მის მცნებებს არ იცავს, ცრუა და არ არის მასში ჭეშმარიტება.

5 ხოლო ვინც იცავს მის სიტყვას, მასშია ჭეშმარიტად აღსრულებული ღვთის სიყვარული. ამით ვუწყით, რომ მასში ვართ.

6 ვინც ამბობს, რომ მასში რჩება, ისევე უნდა მოიქცეს, როგორც ის იქცეოდა.

იოან. 3, 15.

ვისაც უყვარს ძმა, იგი ნათელში იმყოფება

7 საყვარელნო! გწერთ არა ახალ მცნებას, არამედ ძველ მცნებას, რომელიც დასაბამიდან გქონდათ. ძველი მცნება არის ის სიტყვა, რომელიც ისმინეთ დასაბამიდან.

იოან. 13, 34.

8 ამასთანავე გწერთ ახალ მცნებასაც, რომელიც ჭეშმარიტია მასშიც და თქვენშიც. რადგან ბნელი მიდის და ჭეშმარიტი ნათელი უკვე ბრწყინავს.

იოან. 1, 9. რომ. 13, 12

9 ვინც ამბობს, რომ ნათელშია, თავისი ძმა კი სძულს, იგი კვლავ ბნელში იმყოფება.

1 კორ. 13, 2.

10 ვისაც თავისი ძმა უყვარს, იგი ნათელში რჩება და საცდური არ არის მასში.

11 ის კი, ვისაც თავისი ძმა სძულს, ბნელში იმყოფება და ბნელში დადის და არ იცის, საით მიდის, ვინაიდან სიბნელემ დაუბრმავა თვალები.

იოან. 12, 35.

თქვენ გწერთ: მამანო, ჭაბუკნო, ყრმანო

12 თქვენ გწერთ, შვილნო, რადგან მოგეტევათ ცოდვები მისი სახელის გულისთვის. საქ.4,12;10,43.

13 თქვენ გწერთ, მამანო, რადგან შეიცანით ის, რომელიც დასაბამიდანვეა. თქვენ გწერთ ჭაბუკნო, რადგან სძლიეთ ბოროტს. ლუკ.10,18-19.

14 მე მოგწერეთ თქვენ, ყრმანო, რადგან შეიცანით მამა. მოგწერთ თქვენ, მამანო, რადგან თქვენ შეიცანით ის, ვინც დასაბამიდანვეა. თქვენ მოგწერეთ ჭაბუკნო, რადგან ძლიერნი ხართ, ღვთის სიტყვა იმყოფება თქვენში და სძლიეთ ბოროტს. ეფეს.6,10.

ნუ შეიყვარებთ წუთისოფელს

15 ნუ შეიყვარებთ წუთისოფელს, ნურც იმას, რაც წუთისოფელშია. ვისაც წუთისოფელი უყვარს, მასში არ არის მამის სიყვარული. მათ.6,24.

16 ვინაიდან ყოველივე, რაც წუთისოფელშია: ხორციელი გულისთქმა, თვალთა გულისთქმა და სიამაყე ცხოვრებისა, მამისგან კი არაა, წუთისოფლისაგან არის.

17 გადადის წუთისოფელი და მისი გულისთქმაც, ღვთის ნების აღმსრულებელი კი რჩება უკუნისამდე. ეს.40,6-87 1კორ.7,31.

ანტიქრისტე

18 ყმაწვილნო! უკანასკნელი ჟამია და, როგორც მოისმინეთ, რომ მოდის ანტიქრისტე, და ახლაც მრავლად არიან ანტიქრისტეები. ამით ვიცით, რომ უკანასკნელი ჟამია. ლუკ.21,8.

19 ისინი ჩვენგან გავიდნენ, თუმცა ჩვენგანნი არ ყოფილან; ვინაიდან ჩვენგანნი რომ ყოფილიყვნენ, ჩვენთანვე დარჩებოდნენ; მაგრამ ამით გახდა ცხადი, რომ ყველანი როდი არიან ჩვენგანნი. საქ.20,30.

20 თქვენ კი ცხებულება გაქვთ წმიდის მიერ და იცით ყველაფერი. მათ.11,25. 2კორ.1,21.

21 იმიტომ კი არ მოგწერეთ, რომ ჭეშმარიტება არ იცოდით, არამედ იმიტომ, რომ იცით იგი და ისიც, რომ ჭეშმარიტებისგან არავითარი სიცრუე არ არის.

22 ვინ არის ცრუ, თუ არა იგი, ვინც უარყოფს, რომ იესო არის ქრისტე? იგი ანტიქრისტეა უარმყოფელი მამისა და ძისა.

23 ყოველი, ვინც ძეს უარყოფს, არც მამა ჰყავს. ხოლო ვინც აღიარებს ძეს, მამაც ჰყავს. მარ.8,38. იოან.8,19.

24 ამრიგად, რჩებოდეს თქვენში, რაც მოისმინეთ დასაბამიდან. და თუ დარჩება თქვენში, რაც დასაბამიდან მოისმინეთ, თქვენც დარჩებით ძეში და მამაში.

25 ხოლო აღთქმა, რომელიც მან აღგვითქვა, საუკუნო სიცოცხლეა.

26 ეს მოგწერეთ თქვენს მაცდუნებელთა შესახებ.

27 ხოლო ცხებულება, რომელიც თქვენ მიიღეთ მისგან, თქვენშია და არავისგან სწავლა არ დაგჭირდებათ, არამედ მისი ცხებულება გასწავლით ყველაფერს, და ის არის ჭეშმარიტი და უტყუარი, რასაც ის გასწავლით. მასში დარჩით.

იოან.14,26. 1იოან.2,20.

28 აბა, შვილებო, დარჩით მასში, რათა, როცა იგი გამოცხადდება, გვქონდეს გაბედულება და არ შევრცხვეთ მის წინაშე მისი მოსვლისას.

29 თუ იცით, რომ ის მართალია, ისიც იცოდეთ, რომ ყოველი სიმართლის მოქმედი მისგან არის შობილი.

თ ა ვ ი 3

ახლა ღვთის შვილები ვართ

1 ნახეთ, როგორი სიყვარული მოგვცა მამამ, რათა გვეწოდოს და ვიყოთ ღვთის შვილნი. წუთისოფელი იმიტომ არ გვიცნობს ჩვენ, რომ არ შეიცნო იგი.

იოან.1,12.

2 საყვარელნო! ამიერიდან ღვთის შვილნი ვართ, ოღონდ ჯერ არ გამოძლავნებულა, რანი ვიქნებით. ვიცით, რომ როცა გამოძლავნდება, მისი მსგავსნი ვიქნებით, რადგან ვიხილავთ მას, როგორიც არის.

მათ.5,8. 1კორ.13,12.

3 ყოველმა, ვისაც ეს იმედი აქვს მისი, განიწმიდოს თავი, როგორც ისაა წმიდა.

2კორ.7,1.

ღვთისგან შობილი არ სცოდავს

4 ყოველი ცოდვის ჩამდენი ურჯულოებასაც სჩადის, და ცოდვა ურჯულოებაა.

1იოან.5,17.

5 თქვენ იცით, რომ იგი გამოჩნდა, რათა იტვირთოს ჩვენი ცოდვები, და რომ მასშიარ არის ცოდვა.

ეს.53,4,9. 1პეტ.2,22.

6 ყოველი, ვინც რჩება მასში, არ სცოდავს. ვერცერთი შემცოდე ვერ იხილავს და ვერ შეიცნობს მას.

7 შვილებო, ნურავინ გაცდუნებთ. სიმართლის მოქმედი მართალია ისევე, როგორც ის არის მართალი.

ეზეკ.18,9.

8 ცოდვის ჩამდენი ეშმაკისგან არის, რადგან თავდაპირველად ეშმაკმა შესცოდა. ამისათვის გამოჩნდა ძე ღვთისა, რათა დაერღვია ეშმაკის საქმენი.

იოან.8,44.

9 ყოველი, ვინც ღვთისაგან არის შობილი, არ სჩადის ცოდვას, ვინაიდან მისი თესლი იმყოფება მასში, და არ ძალუძს შეცოდება, ვინაიდან ღვთისაგან არის შობილი.

1პეტ.1,23. 1იოან.5,18.

10 ამით შეიცნობიან ღვთის შვილნი და ეშმაკის შვილნი: ყოველი, ვინც კი არ იქმს სიმართლეს, იგი არ არის ღვთისაგან, და ისიც, ვისაც თავისი ძმა არ უყვარს.

ძმათმოყვარეობა

11 რადგან ეს არის უწყება, რომელიც დასაბამიდან მოისმინეთ, რათა გვიყვარდეს ერთმანეთი. იოან.13,34;15,12. 1იოან.4,21.

12 ისე კი არა, როგორც კაენს, რომელიც ბოროტისაგან იყო და მოკლა თავისი ძმა. მერედა რისთვის მოკლა? იმისათვის, რომ მისი საქმენი ბოროტი იყო, ხოლო მისი ძმისა – მართალი.

დაბ.4,8. მათ.23,35. ებრ.11,4.

13 ნუ გაგიკვირდებათ, ძმანო, თუ სძულხართ წუთისოფელს.

იოან.15,18.

14 ჩვენ ვიცით, რომ სიკვდილიდან სიცოცხლეში გადავედით, რადგან გვიყვარს ძმები. ვისაც არ უყვარს, სიკვდილში რჩება.

ლევ.19,17. ეფეს.2,5.

15 ყოველი, ვისაც სძულს თავისი ძმა, კაცისმკვლეელია. ხოლო თქვენ იცით, რომ არც ერთ კაცისმკვლელს არა აქვს საუკუნო სიცოცხლე, რომელიც მასშია.

16 ამით შევიცანით სიყვარული, რომ მან საკუთარი სული გაწირა ჩვენთვის, და ჩვენც უნდა გავწიროთ სულები ძმათათვის.

იოან.15,13. რომ.5,8. ეფეს.5,2.

17 ვისაც ამქვეყნიური ქონება აქვს, ძმას კი გაჭირვებაში ხელავს და მისგან კეტავს თავის გულს, როგორ დარჩება მასში ღვთის სიყვარული?

2შჯ.15,18. ლუკ.3,11. იაკ.2,15.

მცნება სიყვარულზე

18 შვილებო! გვიყვარდეს არა სიტყვებით და არა ენით, არამედ საქმითა და ჭეშმარიტებით.

19 ამით გავიგებთ, რომ ჭეშმარიტებისაგან ვართ და მის წინაშე დავიწყნარებთ გულს.

იოან.18,37.

20 ვინაიდან, თუ ჩვენი გული გვდებს მსჯავრს, ღმერთი ხომ ჩვენს გულზე დიდია და ყოველივე უწყის.

21 საყვარელნო! თუ ჩვენი გული არ გვდებს მსჯავრს, კაღნიერება გვაქვს უფლის მიმართ.

1იოან.2,28. ებრ.10,22.

22 რასაც კი ვთხოვთ, მივიღებთ მისგან, რადგან ვიცავთ მის მცნებებს და ვიქმთ მის წინაშე მოსაწონს.

მათ.21,22. იოან.15,7. 1იოან.5,14.

23 ხოლო მისი მცნება ის არის, რომ გვწამდეს მისი ძის იესო ქრისტეს სახელი და გვიყვარდეს ერთმანეთი, როგორც გვამცნო.

იოან.6,29;13,34;17,3.

24 მისი მცნებების დამმარხველი, რჩება მასში, ის კი მასში. ის რომ ჩვენში რჩება, გავიგებთ სულით, რომელიც მან მოგვცა.

იოან.14,23.

თ ა ვ ი 4

სულების სწორი გამოცდა

1 საყვარელნო! ნუ ენდობით ყოველ სულს, არამედ გამო-

სცადეთ სულნი, ღვთისაგან არიან თუ არა, რადგან ბევრი ცრუ-წინასწარმეტყველი გამოვიდა წუთისოფელში. მათ.7,15. გამოც.2,2.

2 ასე შეიცანით ღვთის სული: ყოველი სული, რომელიც აღიარებს ხორციელად მოსულ იესო ქრისტეს, ღვთისაგან არის;

3 ხოლო ყოველი სული, რომელიც არ აღიარებს იესოს, ღვთისაგან არ არის, არამედ ეს არის სული ანტიქრისტესი, რომლის შესახებაც გსმენიათ, რომ მოვა, და ის ახლა უკვე წუთისოფელშია. 1იოან.2,22. 1კორ.12,3.

4 თქვენ ღვთისგან ხართ, შვილნო, და სძლიეთ მათ; რადგან ის, ვინც თქვენშია, მეტია იმაზე, ვინც წუთისოფელშია.

2წმტ.32,7.

5 ისინი წუთისოფლისანი არიან, ამიტომაც წუთისოფლისას ლაპარაკობენ და წუთისოფელიც ყურს უგდებს მათ. იოან.15,19.

6 ჩვენ ღვთისგან ვართ: ვინც იცნობს ღმერთს, ის გვისმენს ჩვენ, ხოლო ვინც ღვთისგან არ არის, არ გვისმენს ჩვენ. ამით შევიცნობთ ჭეშმარიტების სულს და ცდომილების სულს.

იოან.8,47.

სრულყოფილი სიყვარული სღვწის შიშს

7 საყვარელნო! გვიყვარდეს ერთმანეთი, რადგან ღვთისგანაა სიყვარული. ხოლო ყოველი, ვისაც უყვარს, ღვთისგან არის შობილი და იცნობს ღმერთს.

8 ვისაც არ უყვარს, მას არ შეუცვნია ღმერთი, ვინაიდან ღმერთი სიყვარულია.

9 ღვთის სიყვარული იმით გამოგვეცხადა, რომ ღმერთმა მოავლინა წუთისოფელში თავისი მხოლოდშობილი ძე, რათა მისით ვიცოცხლოთ. ეს.9,6. იოან.3,16. 2კორ.5,19.

10 ამაშია სიყვარული, რომ ჩვენ კი არ შევიყვარეთ ღმერთი, არამედ მან შეგვიყვარა და მოავლინა თავისი ძე ჩვენი ცოდვების მისატევებლად. 1იოან.2,2. რომ.5,8.

11 საყვარელნო! თუკი ასე შეგვიყვარა ღმერთმა, ჩვენც გვმართებს ერთმანეთის სიყვარული. მათ.18,33. იოან.15,12.

12 ღმერთი არასოდეს არავის უხილავს. თუ ჩვენ ერთმანეთი გვიყვარს, ღმერთი ჩვენში რჩება და მისი სრულყოფილი სიყვარული ჩვენშია. გამოს.33,20. იოან.1,18. 1ტიმ.6,16.

13 ჩვენ რომ მასში ვრჩებით და ის – ჩვენში, იმით ვგებულობთ, რომ მან თავისი სულისგან მოგვცა. 1იოან.3,24.

14 ჩვენ ვიხილეთ და გამოწმებთ, რომ მამამ მოავლინა ძე წუთისოფლის მაცხოვრად.

15 ვინც აღიარებს, რომ იესო არის ძე ღვთისა, ღმერთი მასში რჩება. ის კი – ღმერთში. 1იოან.5,5. რომ.10,9.

16 ჩვენ ვცანით და ვიწამეთ სიყვარული, რომელიც ჩვენდამი აქვს ღმერთს. ღმერთი სიყვარულია, ხოლო სიყვარულში დარჩენილი ღმერთში რჩება, ხოლო ღმერთი – მასში. 1იოან.3,24.

17 სიყვარულმა ჩვენში მიაღწია ისეთ სრულყოფას, რომ ჩვენ სითამამე გვაქვს განკითხვის დღეს, რადგან როგორიც ისაა, ჩვენც ისეთივე ვართ ამ წუთისოფელში.

18 სიყვარულში არ არის შიში, ხოლო სრულყოფილი სიყვარული სდევნის შიშს, ვინაიდან შიშში ტანჯვაა, ხოლო მშიშარა არ არის სრულყოფილი სიყვარულში.

19 ჩვენ გვიყვარს იმიტომ, რომ პირველად მან შეგვიყვარა.

20 თუ ვინმე ამბობს, ღმერთი მიყვარსო, თავისი ძმა კი ეჯავრება, იგი ცრუა, ვინაიდან ვისაც არ უყვარს თავისი ძმა, რომელსაც ხედავს, როგორღა ეყვარება ღმერთი, რომელსაც ვერ ხედავს?

1იოან.2,4;3,1.7

21 და ასეთი მცნება გვაქვს მისგან, რომ ღვთის მოყვარულს თავისი ძმაც უნდა უყვარდეს.

მათ.22,37,39. იოან.13,34. 1იოან.3,11.

თ ა ვ ი 5

წუთისოფლის მძლეველი ჩვენი რწმენაა

1 ყოველი, ვისაც სწამს, რომ იესო ქრისტეა, ღვთისაგან არის შობილი, და ყოველი, ვისაც მშობელი უყვარს, მისგან შობილიც უყვარს.

1იოან.4,15.

2 ღვთის შვილნი რომ გვიყვარს, მაშინ ვგებულობთ, როდესაც გვიყვარს ღმერთი და ვიცავთ მის მცნებებს.

3 ვინაიდან ღვთის სიყვარული ისაა, რომ ვიცავდეთ მის მცნებებს. ხოლო მისი მცნებები მძიმე როდია.

მათ.11,30.

4 ვინაიდან, ყოველი ღვთისგან შობილი სძლევს წუთისოფელს. ეს არის ძლევა, წუთისოფლის მძლეველი – ჩვენი რწმენა.

იოან.16,33. 1კორ.15,57.

5 ვინ არის წუთისოფლის მძლეველი, თუ არა ის, ვისაც სწამს, რომ იესო არის ძე ღვთისა?

1იოან.4,4.

6 ეს არის იესო ქრისტე, რომელიც მოვიდა წყლითა და სისხლით. მარტო წყლით კი არა, არამედ წყლითა და სისხლით. სული მოწმობს, ვინაიდან სული ჭეშმარიტებაა.

იოან.19,34.

ღმერთმა დაამოწმა თავის ძეზე

7 რადგან სამნი მოწმობენ ცაზე: მამა, სიტყვა და სული – წმიდა, და ეს სამი ერთია.

მათ.3,16-17;28,19.

8 სამნი მოწმობენ დედამიწაზე: სული, წყალი და სისხლი, და ეს სამი ერთია.

იოან.1,33.

9 თუ ვღებულობთ კაცთა მოწმობას, ღვთის მოწმობა უმეტესია, ვინაიდან ეს არის ღვთის მოწმობა, რომლითაც დაამოწმა თავის ძეზე.

მათ.3,17. იოან.8,18.

10 ღვთის ძის მორწმუნეს თავის თავშივე აქვს მოწმობა; ვისაც ღმერთი არ სწამს, ცრუდ სახავს მას, ვინაიდან არა სწამს მოწმობა, რომლითაც ღმერთმა დაამოწმა თავის თავზე.

იოან.3,33.

11 ეს არის მოწმობა, რომ ღმერთმა მოგვანიჭა საუკუნო სიცოცხლე და ეს სიცოცხლე მის ძეშია.

12 ვისაც ძე ჰყავს, აქვს სიცოცხლე. ვისაც ძე ღვთისა არა ჰყავს, სიცოცხლე არა აქვს. იოან.3,37,

როცა ვთხოვთ რამეს მისი ნებით, გვისმენს

13 ეს მოგწერეთ თქვენ, ღვთის ძის სახელის მორწმუნენო, რათა იცოდეთ, რომ გაქვთ საუკუნო სიცოცხლე. იოან.20,31.

14 და აჰა, რა სითამამე გვაქვს მის მიმართ, რომ, როცა რამეს ვთხოვთ მისი ნებისამებრ, იგი გვისმენს.

იერ.29,12-13. 1იოან.3,22.

15 ხოლო როცა ვიცით, რომ იგი გვისმენს, რასაც კი ვთხოვთ, ისიც ვიცით, რომ გვაქვს, რაც მისგან ვითხოვეთ.

16 თუ ვინმე ხედავს, რომ მისი ძმა სცოდავს არა მომაკვდინებელი ცოდვით, ილოცოს და იგი მისცემს სიცოცხლეს არამომაკვდინებელი ცოდვით შემცოდეს. არის მომაკვდინებელი ცოდვა, მასზე არ ვამბობ ილოცოს-მეთქი.

რიცხ.15,30. 1მფ.2,25. იერ.7,16;15,1. მათ.12,31. ლუკ.12,10.

17 ყოველგვარი უსამართლობა ცოდვაა, მაგრამ არის არამომაკვდინებელი ცოდვა. 1იოან.3,4.

ჩვენ ვიცით, რომ ღვთისაგან

18 ვიცით, რომ ღვთის მიერ შობილთაგან არავინ სცოდავს; ხოლო ღვთის მიერ შობილი თავს იცავს და ბოროტება ვერ ეკარება. 1იოან.3,9.

19 ვიცით, რომ ღვთისაგან ვართ და მთელი წუთისოფელი ბოროტებაში ძევს.

20 ისიც ვიცით, რომ მოვიდა ძე ღვთისა და მოგვცა გონება, რათა შევიცნოთ ჭეშმარიტი და ვიყოთ მის ჭეშმარიტ ძეში, იესო ქრისტეში: ეს არის ჭეშმარიტი ღმერთი და საუკუნო სიცოცხლე.

21 შვილებო! დაიცავით თქვენი თავი კერპთაგან. ამინ!

იოანე მოციქულის მეორე წერილი

მოკითხვა რჩეულ ქალბატონს

1 უხუცესი – რჩეულ ქალბატონს და მის შვილებს, რომელნიც მიყვარს ჭეშმარიტებით, და არა მარტო მე, არამედ ყველას, ვისაც კი შეუცვნია ჭეშმარიტება,

2 ჭეშმარიტებისათვის, რომელიც მკვიდრობს ჩვენში და უკუნისამდე იქნება ჩვენთან. იოან.14,17.

3 იყოს თქვენთან მადლი, წყალობა და მშვიდობა მამა ღმერთისაგან და მამის ძის, უფალ იესო ქრისტესგან, ჭეშმარიტებითა და სიყვარულით.

4 ძალიან გავიხარე, რომ ვპოვე შენს შვილებში ჭეშმარიტებით მავალნი, როგორც მამისაგან მივიღეთ მცნება.

5 ახლა კი გთხოვ, ქალბატონო, არა როგორც ახალ მცნებას გწერდე, არამედ იმას, რაც გვაქვს დასაბამიდან, რათა გვიყვარდეს ერთმანეთი. იოან.13,34. 1იოან.3,11.

6 სიყვარული კი ისაა, რომ ვიქცეოდეთ მის მცნებათა მიხედვით. ეს ის მცნებაა, რომელიც ისმინეთ დასაბამიდან, რათა მისებრ ვიდოდეთ. იოან.14,15. 1იოან.2,5.

მაცდურებს ნუ მიიღებთ სახლში

7 რადგან წუთისოფელში შემოვიდა მრავალი მაცდური. რომელნიც არ აღიარებენ ხორციელად მოსულ იესო ქრისტეს. ეს არის მაცდური და ანტიქრისტი. 1იოან.4,1.

8 თავს გაუფრთხილდით, რომ არ დაკარგოთ ის, რისთვისაც ვიდწვოდით, არამედ მივიღოთ სრული საზღაური.

9 ყოველს, ვინც შორდება და არ მკვიდრობს ქრისტეს მოძღვრებაში, არა ჰყავს ღმერთი. ქრისტეს მოძღვრებაში მყოფს მამაც ჰყავს და ძეც.

10 თუ ვინმე მოდის თქვენთან და არ მოაქვს ეს მოძღვრება, ნუ მიიღებთ სახლში და ნურც მოიკითხავთ მას.

რომ.16,17. 1კორ.5,11. ტიტ.3,10.

11 რადგან ვინც მას მოიკითხავს, მის ბოროტ საქმეთა მოზიარება.

12 ბევრი რამ მაქვს თქვენთან მოსაწერი, მაგრამ არა მსურს ქალაღდითა და მეღნით, რადგან ვიმედოვნებ თქვენთან მოსვლას და პირისპირ ლაპარაკს, რათა სრული იყოს ჩვენი სიხარული.

1იოან.1,4.

13 მოგიკითხავენ შენი რჩეული დისწულები. ამინ.

იოანე მოციქულის მესამე წერილი

შექება მოგზაური მუშების მიღებაზე

1 უხუცესი – საყვარელ გაიოზს, რომელიც მიყვარს ჭეშმარიტებით.

2 საყვარელო! ვლოცულობ, რომ კეთილი გზით გევლოს და ჯანმრთელად იყო, როგორც შენი სული დადის კეთილად.

3 ვინაიდან ძალიან გავიხარე, როცა მოვიდნენ ძმები და დაამოწმეს შენი ჭეშმარიტება, თუ როგორ დადიხარ ჭეშმარიტებით.

4 არ არის ჩემთვის იმაზე მეტი სიხარული, ვიდრე იმის მოსმენა, რომ ჩემი შვილები ჭეშმარიტებით დადიან. 1კორ.4,15.

5 საყვარელო! ერთგულად აკეთებ ყოველივეს, რასაც იქმ ძმებისათვის და უცხოთათვის,

6 რომელთაც დაამოწმეს შენი სიყვარული ეკლესიის წინაშე. კარგს იზამ, თუ ღვთის წინაშე ღირსეულად გამოისტუმრებ.

7 ვინაიდან მისი სახელის გულისათვის წავიდნენ და არაფერი აუღიათ წარმართთაგან.

8 ამიტომ გვმართებს ასეთების მიღება, რათა ჭეშმარიტების თანამშრომელნი გავხდეთ. მათ.10,40.

გაფრთხილება დიოტრეფეს

9 მე მივწერე ეკლესიას, მაგრამ მათთან პირველობის მოყვარე დიოტრეფე არ გვღებულობს ჩვენ.

10 ამიტომ, თუ მივალ, შევახსენებ თავის საქმეებს, რასაც ის აკეთებს, ბოროტ ხმებს რომ გვიყრის. და თითქოს ეს არ გმაროდეს, ძმებსაც არ ღებულობს და მსურველებსაც უკრძალავს და სღევნის ეკლესიიდან.

11 საყვარელო! ნუ ბაძავ ბოროტს, არამედ კეთილს მიბაძე. კეთილის მოქმედი ღვთისაგან არის, ბოროტის მოქმედს კი ღმერთი არ უხილავს. 1იოან.2,29.

12 დიმიტრის შესახებ დაამოწმა ყველამ და თვით ჭეშმარიტებამაც. ჩვენც ვამოწმებთ და თავადაც იცი, რომ ჩვენი მოწმობა ჭეშმარიტია.

13 ბევრი რამ მქონდა შენთვის მოსაწერი, მაგრამ არა მსურს მეღნითა და კალმით მოგწერო.

14 ვიმედოვნებ, რომ მალე გნახავ და პირისპირ ვისაუბრებთ.

15 მშვიდობა შენდა! მოკითხვას გითვლიან მეგობრები. მოკითხე მეგობრები სახელდებით.

ი უ დ ა მ ო ც ი ქ უ ლ ი ს წ ე რ ი ლ ი

მისალმება

1 იუდა, იესო ქრისტეს მონა და იაკობის ძმა – მოწოდებული, რომელნიც შეიყვარა მამა ღმერთმა და დაცულნი არიან იესო ქრისტესათვის. ლუკ.6,16. იოან.14,22;17,11.

2 გაგიმრავლდეთ წყალობა, მშვიდობა და სიყვარული.

გაფრთხილება უწმიდური მოძღვრების წინააღმდეგ

3 საყვარელო! ძალიან მოწადინებული ვიყავი მომეწერა თქვენთვის ჩვენს საერთო ხსნაზე. საჭიროდ ჩავთვალე, მომეწერა თქვენთვის შეგონება, რომ იღწვოდეთ რწმენისათვის, რომელიც ერთხელ წმიდებს გადაეცა. ფილ.1,27.

4 ვინაიდან შემოიპარნენ ზოგიერთი ადამიანები, რომელთაც ადრიდანვე ეწერათ ეს მსჯავრდება, უღვთონი, რომელთაც ჩვენი ღვთის მადლი გარყვნილებად აქციეს და უარყოფენ ერთადერთ მბრძანებელსა და ჩვენს უფალ იესო ქრისტეს. მარ.16,16. იოან.3,18.

5 მინდა შეგახსენოთ, უკვე ყველაფრის მცოდნეთ, რომ უფალმა იხსნა ხალხი ეგვიპტის ქვეყნიდან და შემდეგ დალუპა ურწმუნონი. გამოს.12,37;14,13. რიცხ.14,29.

6 ხოლო ანგელოზნი, რომელთაც არ დაიცვეს თავიანთი ღირსება, არამედ მიატოვეს თავიანთი სავანე, საუკუნო ბორკილებისა და წყვდიადის ქვეშ შემოინახა, რათა დიად დღეს იქნან განკითხულნი. იოხ.4,18. იოან.8,44. 2პეტ.2,4.

7 როგორც სოდომი და გომორი და მოსაზღვრე ქალაქები, მათ მსგავსად რომ მეძაობდნენ და აედევნენ უცხო ხორცს, საუკუნო ცეცხლით დასჯის მაგალითებად არიან დადგენილი, დაბ.19,24. ლუკ.17,29. 2პეტ.2,6.

8 ასევე დაემართებათ ამ მეოცნებეთაც, რომელნიც ბილწავენ ხორცს, უარყოფენ უფლებათ და გმობენ დიდებათ.

9 მიქაელ მთავარანგელოზმა ეშმაკთან პაექრობისას, როცა ედავებოდა მას მოსეს სხეულის გამო, ვერ გაბედა გმობის მსჯავრი წარმოეთქვა, არამედ თქვა: „შეგრისხოს უფალმა!“ 2შჯ.34,6. ზაქ.3,2.

10 ესენი კი გმობენ იმას, რაც არ იციან, ხოლო რაც ბუნებრივად იციან, როგორც უგუნურმა პირუტყვებმა, იმით იხრწნიან თავს. 2პეტ.2,12.

11 ვაი მათ, რადგან კაენის გზით მიდიან. საზღაურისათვის აჰყვენ ბალამის ცდომილებას და ჯიუტობით იღუპებიან, როგორც კორახი. დაბ.4,8. რიცხ.22,23;31,16. 2პეტ.2,15.

12 ისინი ლაქებად არიან თქვენს სიყვარულის სერობებზე. უშიშრად ნადიმობენ თქვენთან და მასპინძლობენ თავიანთ თავს. ქარისგან მიმოფანტული უწყლო ღრუბლები არიან, შემოდგომის უნაყოფო ხენი – ორგზის მომკვდარნი და ძირფესვიანად აღმოფხვრილნი,
იგ.25,14. 2პეტ.2,17.

13 მძვინვარე ტალღები ზღვისა, თავიანთი სირცხვილით აქაფებულნი, ცთომილი ვარსკვლავნი, რომელთათვისაც სიბნელის წყვდიადია შენახული საუკუნოდ.

14 ენოქმაც, ადამის შემდეგ მეშვიდემ, იწინასწარმეტყველა მათზე და თქვა: „აჰა, მოდის უფალი თავის ათეულ ათასობით წმიდასთან ერთად.“
დან.7,10. მათ.25,31. გამოცხ.1,7.

15 რათა ყველა განიკითხოს და ამხილოს უღვთოთა ყოველგვარი საქმე, რაც მათ უღვთობით ჩაუდენიათ, და ყველა სასტიკი სიტყვა, მის მიმართ რომ უთქვამთ იმ უღვთო ცოდვილთ.
მათ.12,36.

16 ისინი მდრტვინავნი არიან, უკმაყოფილონი, თავიანთი გულისთქმეებით მაგალნი, რომელთა ბაგენი მაღალფარდოვან სიტყვებს წარმოთქვამენ, ანგარების გამო პირფერობენ.

ფსალ.16,10. 1ტიმ.6,5.

უშველეთ განსაცდელში მყოფთ

17 თქვენ კი, საყვარელო, გახსოვდეთ ჩვენი უფლის იესო ქრისტეს მოციქულთა მიერ წინასწართქმული.

18 ისინი გეუბნებოდნენ თქვენ, რომ უკანასკნელ ჟამს მოვლენ მკიცხავნი, თავიანთი უღვთო გულისთქმეებით მაგალნი.

2პეტ.3,3. 1ტიმ.4,1.

19 ესენი არიან განრიდებულნი, მშვინვიერნი, სულის არამქონენი.

1კორ.2,14. ებრ.10,25

20 ხოლო თქვენ, საყვარელო, აღაშენეთ თქვენი თავი უწმიდეს რწმენაზე, ილოცეთ სულიწმიდით,

კოლ.2,7.

21 დაიცავით თქვენი თავი ღვთის სიყვარულში და დაელოდეთ ჩვენი უფლისაგან, იესო ქრისტესაგან წყალობას საუკუნო სიცოცხლისათვის.

22 ერთნი – დაეჭვებულნი შეიწყალებ.

23 სხვანი ცეცხლიდან გამოტაცებით იხსენით, სხვანი შიშით ამხილეთ და ხორცისგან გაბინძურებული პერანგიც კი შეიზიზღეთ.

ამოს.4,11. ეფეს.4,22.

24 ხოლო ვისაც ძალუძს დაგიცვათ დაცემისაგან და უბიწონი დაგაყენოთ სიხარულში თავისი დიდების წინაშე,

25 ერთადერთ ღმერთს, ჩვენს მაცხოვარს ჩვენი უფლით იესო ქრისტეთი დიდება, სიდიადე, ძალა და ხელმწიფება ყოველთა საუკუნეთა უწინარეს, აწ და ყოველთა საუკუნეთა მიმართ. ამინ.



პ ა ვ ლ ე მ ო ც ი ქ უ ლ ი ს წ ე რ ი ლ ი რ ო მ ა ე ლ თ ა მ ი მ ა რ თ

თ ა ვ ი 1

მოკითხვა რომაელებს

1 პავლე, იესო ქრისტეს მონა, მოწოდებული მოციქული, ამორჩეული ღვთის სახარებისათვის, საქ.9,15.

2 რომელიც წინასწარ აღთქმული ჰქონდა თავის წინასწარმეტყველთა მიერ წმიდა წერილებში

ეს.52,7. ნაუმ.1,15. ლუკ.1,70. იოან.1,45.

3 თავის ძეზე, რომელიც დავითის თესლისგან იშვა ხორციელად, მათ.1,1. ლუკ.2,4.

4 განწესებულზე ღვთის ძედ ძალაში სიწმიდის სულით, მკვდრეთით აღდგომისათვის, ჩვენს უფალ იესო ქრისტეზე,

2მფ.7,12.

5 რომლის მეოხებითაც მივიღეთ მადლი და მოციქულობა, რათა მისი სახელით დავუმორჩილოთ სარწმუნოებას ყველა ხალხი, საქ.2,22. 2კორ.10,5.

6 რომელთა შორის ხართ თქვენც, იესო ქრისტეს მიერ წოდებულნი;

7 ყველას, ვინც რომში იმყოფებით, ღვთის საყვარლებს, მოწოდებულ წმიდებს: მადლი თქვენ და მშვიდობა ჩვენი მამა ღმერთისაგან და უფალ იესო ქრისტესაგან. 1კორ.1,2. ეფეს.1,1.

სურვილი რომში მისვლისა

8 პირველად ჩემს ღმერთს ვმადლობ იესო ქრისტეს მეოხებით ყველა თქვენგანისათვის, რადგან თქვენი რწმენა იხარება მთელ წუთისოფელში.

9 ჩემი მოწმეა ღმერთი, რომელსაც ჩემი სულით ვემსახურები მისი ძის სახარებით, რომ განუწყვეტლივ გიხსენებთ თქვენ.
იოან.4.23. საქ.24.14.

10 მუდამ ვევედრები ჩემს ლოცვებში, რომ ოდესმე გავბედნიერდე ღვთის ნებით თქვენთან მოსვლით,

11 ვინაიდან ძალიან მსურს თქვენი ნახვა, რათა გიწილადოთ სულიერი ნიჭი თქვენს განსამტკიცებლად.
რომ.15.29. 1თეს.3.10.

12 ესე იგი, თქვენთან ერთად ვინუგეშო ერთიანი რწმენით, რომელიც თქვენიც არის და ჩემიც.

13 მინდა იცოდეთ ძმებო, რომ მრავალჯერ განმიზრახავს თქვენთან მოსვლა, – მაგრამ აქამდე ვბრკოლდებოდი, – რათა თქვენშიც მქონოდა რაიმე ნაყოფი, როგორც დანარჩენ წარმართებში.

14 ბერძენთა და ბარბაროსთა, ბრძენთა და უგუნურთა მოვალე ვარ.
საქ.9,15. 1კორ 9.16.

15 ამიტომ, რაც მე მეხება, მზად ვარ გახაროთ თქვენც, რომში მყოფთ.

სახარება არის ძალა ღვთისა

16 ვინაიდან მე არ მრცხვენია სახარებისა, რადგან ღვთის ძალაა იგი ყოველი მორწმუნის სახსნელად ჯერ იუდეველისა და მერე წარმართისაც.
მარ.8,38. 1კორ.1.24:15.2. 2ტიმ.1.8.

17 მასში ცხადდება ღვთის სიმართლე რწმენიდან რწმენაში, როგორც წერია: „მართალი იცოცხლებს რწმენით.“
ამბ.2.4. რომ.3.21.

ღვთის რისხვა უწმიდურ ადამიანებზე

18 ვინაიდან ცხადდება ზეციდან ღვთის რისხვა ადამიანთა ყოველგვარ უღმერთობასა და უსამართლობაზე, უსამართლობით რომ აბრკოლებენ ჭეშმარიტებას.

19 იმიტომ, რომ ცხადია მათთვის, რაც ღმერთზე შეიძლება იცოდნენ, ვინაიდან ღმერთმა განუცხადა მათ.

20 ვინაიდან მისი უხილავი, მისი მარადიული ძალა და ღვთაება წუთისოფლის დასაბამიდან ქმნილებათა ხილვით შეიცნობა. ასე, რომ მათ პატიება არა აქვთ.
ფსალ.18.2.

21 რადგან შეიცნეს ღმერთი და არ აღიდეს, როგორც ღმერთი, არც მადლობდნენ, არამედ ამაო გახდა მათი გონიერება და დაუბნელდათ უმეცარი გული.

2შჯ.28,29. იობ.5.14. ეს.59.10. ეფეს.4.18.

22 თავიანთ თავს ბრძენთ უწოდებენ და გამოსულელდნენ.

23 და უხრწნადი ღვთის დიდება გაცვალოს ხრწნადი ადამიანის, ფრინველთა, ოთხფეხთა და ქვეწარმავალთა ხატების მსგავსებაში.

გამოს.32,4. იერ.2,27.

24 ამიტომ გადასცა ისინი ღმერთმა უწმიდურებას მათი გულისთქმებით. რათა თავად შეეხილწათ თავიანთი სხეულები.

25 რომელთაც ღვთის ჭეშმარიტება შეცვალებს სიცრუით, თაყვანს სცემდნენ და ემსახურებოდნენ ქმნილებას, ნაცვლად შემოქმედისა, რომელიც კურთხეულია უკუნისამდე. ამინ.

26 ამიტომ გადასცა ისინი ღმერთმა სამარცხვინო ვნებებს, რადგან მათმა ქალებმაც კი ბუნებრივი წესი შეცვალებს ბუნების საწინააღმდეგოთი.

ლევ.18,23;20,16.

27 ასევე მამაკაცებმაც მიატოვეს ქალის ბუნებრივი წესი და გახურდნენ ავხორცობით ერთიმეორის მიმართ. მამაკაცი მამაკაცთან სჩადიოდა სამარცხვინოს, და მიიღეს საკადრისი საზღაური თავიანთი ცდუნებისათვის.

28 და რაკი არ ცდილობდნენ ცოდნით ჰყოლოდათ ღმერთი, ღმერთმა ისინი გადასცა უკუღმართ გონებას დაუწესებლის საკეთებლად.

ფსალ.80,13. იერ.7,15. ოსე.9,10. 2თეს.2,11.

29 აღესილნი არიან ყოველგვარი უსამართლობით, ბოროტებით, ანგარებითა და სიავით, სავსენი შურით, მკვლელობით, შუღლით, ვერაგობით, უზნეობითა და მაბეზღრობით.

30 ცილისმწამებელნი, ღვთის მოძულენი, შეურაცხყოფელნი, ამპარტავანნი, მკვებარნი, ბოროტგამზრახველნი, მშობლების ურჩნი,

31 უგუნურნი, ვერაგნი, მიუნდობელნი, უყვარულნი და უღმობელნი.

32 იციან მათ ღვთის სამართალი, რომ ამის მოქმედნი სიკვდილს იმსახურებენ, მაგრამ არა მარტო აკეთებენ ამას, არამედ გამკეთებლებსაც კვერს უკრავენ.

თ ა ვ ი 2

ღმერთთან არ არის მიკერძოება

1 ამიტომ თავს ვერ გაიმართლებ შენ, ადამიანო, ყოვლის განმკითხველო, რადგან რის გამოც სხვას განიკითხავ, შენს თავს სდებ მსჯავრს, ვინაიდან სხვისა განმკითხველი იმასვე სჩადიხარ.

2მფ.12,5. მათ.7,1. ლუკ.6,37. 1კორ.4,5.

2 ჩვენ კი ვიცით, რომ ჭეშმარიტების მიხედვით არის ღვთის სამსჯავრო ამის ჩამდენთათვის.

3 შენ კი, ადამიანო, რომელიც განიკითხავ ამის ჩამდენთ და თვითონ იმასვე აკეთებ, ნუთუ გგონია თავი დააღწიო ღვთის სამსჯავროს?

4 თუ უგულებელყოფ მისი სახიერების, თავშეკავებისა და

სულგრძელობის სიმდიდრეს და ვერ შეგიგნია, რომ ღვთის სახიერებას მონანიებისკენ მიჰყავხარ? ეს.30,18. იერ.3,12. 2პეტ.3,15.

5 ხოლო შენი სიჯიუტით და მოუნანიებელი გულით შენ თვითონვე იხვეჭ რისხვას ღვთის რისხვის, და მისი მართლმსაჯულების გამოცხადების დღეს, იაკ.5,3.

6 რომელიც ყოველს თავისი საქმეების მიხედვით მიუზღავს:

იგ.24,12. მათ.16,27.

7 მათ, ვინც კეთილი საქმის გამუდმებული კეთებით ეძებს დიდებას, პატივსა და უხრწნელობას – საუკუნო სიცოცხლეს;

მათ.25,46.

8 ხოლო მათ, ვინც ჯიუტობს და ჭეშმარიტებას კი არ ემორჩილება, არამედ უსამართლობას – რისხვასა და გულისწყრომას.

იერ.23,19. ებრ.10,27.

9 ჭირი და შევიწროება ყოველი ადამიანის სულზე, ვინც ბოროტს სჩადის – იუდეველს ჯერ, და ბერძენსაც.

10 ხოლო დიდება, პატივი და მშვიდობა ყოველს, სიკეთის ჩამდენს – იუდეველს ჯერ, და ბერძენსაც.

11 რადგან ღმერთთან არ არსებობს მიკერძოება.

2შჯ.10,17. 2ნშტ.19,7

12 ისინი, ვინც რჯულის გარეშე შესცოდეს, რჯულის გარეშე დაიღუპებიან. ხოლო ისინი, ვინც რჯულით შესცოდეს, რჯულით განიკითხებიან.

ლუკ.12,47.

13 იმიტომ, რომ რჯულის მსმენელნი კი არ არიან მართალნი ღმერთთან, არამედ რჯულის შემსრულებელნი გამართლდებიან,

მათ.7,21. იაკ.1,22.

14 ვინაიდან, როცა წარმართნი, რომელთაც რჯული არ გააჩნიათ, ბუნებით რჯულისმიერს აკეთებენ, თუმცა რჯული არა აქვთ, თავიანთი თავის რჯული არიან.

15 ისინი აჩვენებენ, რომ რჯულის საქმე გულებში უწერიათ, რასაც მოწმობს მათი სინდისი და აზრები, ხან ბრალს რომ სდებენ ერთიმეორეს და ხან ამართლებენ, –

16 იმ დღეს, როცა ჩემი სახარების მიხედვით, ღმერთი განიკითხავს ადამიანთა დაფარულ ფიქრებს იესო ქრისტეთი.

ეკლ.12,14. მათ.25,31. იოან.5,22. საქ.10,42. 1კორ.4,5.

იუდეველები დანაშაულით სახელს უტეხენ ღმერთს

17 აჰა, შენ გქვია იუდეველი და დანდობილი ხარ რჯულზე და იკვეხნი ღმერთით, მიქ.3,11.

18 იცი მისი ნება, არჩევ უკეთესს, ვინაიდან რჯულიდან გისწავლია.

19 და დარწმუნებული ხარ, რომ ბრძნების მეგზური და ნათელი ხარ ბნელში მყოფთათვის. ეს.42,19. მათ.15,14.

20 უგუნურთა დამრიგებელი და ჩვილთა მოძღვარი, და გაქვს ცოდნისა და ჭეშმარიტების სახება რჯულში.

21 როგორაა, სხვებს რომ ასწავლი და საკუთარ თავს კი არ ასწავლი! ფსალ.49.16.21.

22 ჰქადაგებ: არ მოიპაროო. და იპარავ! ამბობ: არ იმრუშოო. და მრუშობ! კერპები გეზიზღება და მაინც მკრებელობ!

23 რჯულით იკვეხნი და რჯულის დარღვევით ღმერთს შეურაცხყოფ.

24 რადგან თქვენი გულისათვის, როგორც წერია, ღვთის სახელი იგმობა წარმართებში. ეს.52,5. ეზეკ.36,20.

25 ვინაიდან წინადაცვეთა სასარგებლოა, თუ რჯულს აღასრულებ; ხოლო თუ რჯულის დამრღვევი ხარ, შენი წინადაცვეთა წინადაუცვეთლობად იქცა. ლევ.26,41. იერ.4,4. 1კორ.7,19. გალ.6,15.

26 მაშ, თუ წინადაუცვეთელი იცავს რჯულის წესებს, განა მისი წინადაუცვეთლობა წინადაცვეთად არ ჩაითვლება? საქ.10,35.

27 ბუნებით წინადაუცვეთელი, მაგრამ რჯულის დამცველი, განგიკითხავს შენ, შენი წერილითა და წინადაცვეთით რჯულის დამრღვევს. მათ.12,41.

28 ვინაიდან იუდეველი ის კი არ არის, ვინც გარეგნულადაა ასე, და არც წინადაცვეთილობაა ის, რაც გარეგნულადაა ხორცზე. რომ.9,6-8.

29 არამედ იუდეველია ის, ვინც დაფარულად არის, და წინადაცვეთილობაა ის. რაც გულით არის, სულში და არა ასოში. ვისი ქებაც კაცთაგან კი არა, ღვთისგანაა.

2შჯ.30,6. რომ.4,12. კოლ.2,11.

თ ა გ ი 3

იუდეველთა უპირატესობა

1 აბა, რა არის იუდეველის უპირატესობა ან წინადაცვეთილობის სარგებლობა?

2 დიდია უპირატესობა ყოველნაირად, პირველ ყოვლისა: მათ აქვთ მინდობილი ღვთის სიტყვები. 2შჯ.4,8. ფსალ.147,8. რომ.9,4.

3 თორემ რაა? თუ ზოგიერთებს არ სწამდა, განა მათი ურწმუნობა გააბათილებს ღვთის სარწმუნოებას?

რიცხ.23,19. 2ტიმ.2,13.

4 არამც და არამც! ღმერთია ჭეშმარიტი და ყოველი ადამიანი – ცრუ, როგორც სწერია: „რათა გამართლდე შენს სიტყვებში, გაიმარჯვო შენი განკითხვისას.“ ფსალ.50,6;115,2. იოან.3,33.

5 ხოლო თუ ჩვენი უსამართლობა გამოაჩენს ღვთის სიმართლეს. რაღა გვეთქმის? განა უსამართლოა ღმერთი, რომელიც მოავლენს რისხვას? ვლაპარაკობ ადამიანურად.

6 არამც და არამც! სხვაგვარად, როგორღა განიკითხოს ღმერთმა წუთისოფელი? დაბ.18,25. იობ.8,3.

7 ვინაიდან, თუ ჩემი სიცრუით გამრავლდა მის სადიდებლად ღვთის ჭეშმარიტება, რაღად განვიკითხო როგორც ცოდვილი?

8 მაშ, ხომ არ ვაკეთოთ ბოროტი, რათა კეთილი გამოვიდეს? როგორც ზოგიერთები ავსიტყვაობენ ჩვენზე და ამბობენ, თითქოს ასე ვასწავლიდეთ? სამართლიანია განკითხვა ასეთებზე.

რომ.6,5.

9 მაშ, რა? გვაქვს განა უპირატესობა? არავითარი, რადგან უკვე განვსაჯეთ, რომ იუდეველებიც და ბერძნებიც ცოდვის ქვეშ არიან.

გალ.3,22.

არავინაა მართალი

10 როგორც წერია: „არავინ არის მართალი. ფსალ.13,1-3;52,4.

11 არავინ არის გონიერი, არავინ ეძებს ღმერთს. დაბ.8.21.

12 ყველანი გზას ასცდნენ, აღარავინ გამოდგება. არ არის სიკეთის მქნელი, არ არის არავინ. ფსალ.13,1-3.

13 მათი ხორხი ღია სამარეა. ენებით ცრუობენ. მათ ბაგეებზე ასპიტის გესლია. ფსალ.5,10;139,3.

14 მათი პირი წყევლით და გესლით არის სავსე. ფსალ.9,28.

15 მათი ფეხები სწრაფია სისხლის დასაღვრელად.

იგ.1,16. ეს.59.7-8.

16 ნგრევა და უბედურებაა მათ გზებზე

17 და მშვიდობის გზა არ იციან.

18 ღვთის შიში არ არის მათ თვალწინ.“ ფსალ.35,2.

19 ხოლო ჩვენ ვიცით, რომ, რასაც რჯული ამბობს, რჯულის ქვეშ მყოფთათვის ამბობს, რათა დაიხშოს ყოველი ბაგე და მთელი წუთისოფელი ბრალდებული გახდეს ღვთის წინაშე.

ფსალ.106,42;142,2. ეზეკ.16,62.

20 ამიტომ, რომ რჯულის საქმეებით ვერავითარი ხორციელი ვერ გამართლდება მის წინაშე, ვინაიდან რჯულით შეიცნობა ცოდვა.

რომ.7,7. გალ.2,16.

იუდეველთა და წარმართთა გამართლება

21 ხოლო ახლა, რჯულისგან დამოუკიდებლად გამოჩნდა ღვთის სიმაღლე, რომელსაც მოწმობენ რჯული და წინასწარმეტყველნი.

დაბ.15,6. ეს.28,16. ამბ.2,4.

22 ღვთის სიმაღლე კი – იესო ქრისტეს რწმენით ყველა მორწმუნესადმი, ვინაიდან არ არის განსხვავება, გალ.3,28.

23 ვინაიდან ყველამ შესცოდა და მოკლებულნი არიან ღვთის ღირებას.

რომ.3,10;5,12.

24 და უსასყიდლოდ მართლდებიან მისი მადლით, ქრისტე იესოში გამოსყიდვით,

ეს.55,1. რომ.8,32.

25 რომელიც წინდაწინ დააყენა ღმერთმა შენდობის მსხვერპლად რწმენის მეშვეობით, მისსავე სისხლში, რათა უწინ

ჩადენილ ცოდვათა მიტევების მეოხებით გამოჩენილიყო მისი სიმართლე, ღვთის სულგრძელობაში. საქ.13,38. 2კორ.5,19.

26 რომ ამჟამად გამოძეურებულიყო მისი სიმართლე, რათა იგი იყოს მართალი და იესოს მორწმუნეთა გამმართლებელი.

27 სადღაა დასაკვებნი? აღარ არსებობს. რომელი რჯულით? საქმეთა რჯულით? არა. არამედ რწმენის რჯულით.

28 რადგან მიგვაჩნია, რომ რწმენით მართლდება კაცი, რჯულის საქმეთაგან დამოუკიდებლად.

29 განა ღმერთი მარტო იუდეველთა ღმერთია, განა წარმართებისაც არა? დიახ, წარმართებისაც არის. დაბ.17,5.

30 ვინაიდან ერთია ღმერთი, რომელიც ამართლებს წინადაცვეთილებს რწმენის გამო და წინადაუცვეთელებს – რწმენით.

რომ.4,11.

31 მაშ, ჩვენ რწმენით ვაბათილებთ რჯულს? არამც და არამც. არამედ განვამტკიცებთ რჯულს. გალ.3,24.

თ ა ვ ი 4

აბრაამს რწმენა ჩაეთვალა სიმართლედ

1 რა ვთქვათ, აბრაამმა, ჩვენმა წინაპარმა ხორციელად მოიპოვა რაიმე?

2 თუ საქმეებით გამართლდა აბრაამი, დიდება მას, ოღონდ არა ღვთის წინაშე. ეფეს.2,8.

3 ვინაიდან, რას ამბობს წერილი? „ერწმუნა აბრაამი ღმერთს და ეს სიმართლედ ჩაეთვალა მას.“ დაბ.15,6. იაკ.2,23. გალ.3,6.

4 გამკეთებელს საზღაური ჩაეთვლება არა მადლის, არამედ მოვალეობის მიხედვით. რომ.11,6.

5 ოღონდ არა გამკეთებელს, არამედ რომელსაც სწამს იგი, ვინც ამართლებს უკეთურს, თავისი რწმენა ჩაეთვლება სიმართლედ.

6 ასევე დავითიც ნეტარს უწოდებს ადამიანს, რომელსაც ღმერთი სიმართლეს უთვლის საქმეთაგან დამოუკიდებლად:

7 „ნეტარ არიან, ვისი ურჯულოებანიც მიტევებულია და ცოდვები დაფარული. ფსალ.31,1-2.

8 ნეტარ არს კაცი, რომელსაც უფალი არ ჩაუთვლის ცოდვას.“

9 მაშ, ეს ნეტარება წინადაცვეთაზეა თუ წინადაუცვეთლობაზე? ჩვენ ხომ ვამბობთ, რომ აბრაამს რწმენა ჩაეთვალა სიმართლედ.

10 როდის ჩაეთვალა? წინადაცვეთილს თუ წინადაუცვეთელს? არა წინადაცვეთილს, არამედ წინადაუცვეთელს.

11 ხოლო წინადაცვეთის ნიშანი მიიღო როგორც ბეჭედი რწმენით გამართლებისა, რომელიც წინადაუცვეთლობისას ჰქონდა,

რომ გამხდარიყო ყველა წინადაუცვეთელი მორწმუნის მამა, რათა მათაც ჩათვლოდათ სიმართლედ. ღაბ.17.11.

12 ასევე წინადაცვეთილთა მამა, ოღონდ არა მარტო წინადაცვეთილთა, არამედ მათიც, ვინც მიჰყვება ჩვენი მამის აბრაამის რწმენის კვალს, რაც ჯერ კიდევ წინადაუცვეთელობისას ჰქონდა.

13 ვინაიდან აბრაამს და მის თესლს არა რჯულით, არამედ რწმენის სიმართლით მიეცა აღთქმა ყოფილიყო წუთისოფლის მემკვიდრე. ღაბ.15.6;17.5.

14 თუ რჯულისაგანნი არიან მემკვიდრენი, რწმენა ამაოა და აღთქმა – უსარგებლო.

15 ვინაიდან რჯული წარმოქმნის რისხვას, რადგან სადაც რჯული არ არის, იქ არც დანაშაულია.

რომ.3.20;5.13;7.8. 1კორ.15.56. გალ.3.10.

16 მაშ, რწმენით, რომ ყოფილიყო მადლით, – რათა აღთქმა მტკიცე იყოს მთელი თესლისათვის: არა მარტო რჯულით თესლისთვის, არამედ რწმენით აბრაამის თესლისათვისაც, ვინც ყველა ჩვენგანის მამაა.

17 როგორც წერია: „მე დაგაყენე მრავალი ერის მამად“ ღვთის წინაშე, რომელსაც იგი ერწმუნა, ღმერთს, რომელიც მკვდრებს აცოცხლებს და არყოფილს ყოფად მოუწოდებს.

ღაბ.17.5. ებრ.11.12.

18 რომელიც უიმედობაში ერწმუნა იმედით. რათა გამხდარიყო იგი მრავალი ხალხის მამა, როგორც ნათქვამია: „ასე იქნება შენი თესლი.“ ღაბ.15.5.

19 არ შესუსტებულა რწმენაში, როცა ხედავდა, რომ მისი სხეული, თითქმის ასი წლისა, უკვე ჩაკვდა, ხოლო სარას საშო მკვდარი იყო.

20 მაგრამ იგი არ დაეჭვებულა ღვთის აღთქმაში ურწმუნობით, არამედ განმტკიცდა რწმენით და დიდება უძღვნა ღმერთს.

21 და გულდაჯერებული იყო, რომ ის, ვინც აღუთქვა, შესრულებასაც შეძლებდა. ფსალ.113.11. ლუკ.1.37.

22 ამიტომაც ჩაეთვალა მას სიმართლედ.

23 და არა მარტო მისი გულისათვის არის დაწერილი, რომ ჩაეთვალა მას, რომ.15.4.

24 არამედ ჩვენი გულისთვისაც: ჩაგვეთვლება ჩვენც, იმის მორწმუნეებს, ვინც მკვდრებით აღადგინა ჩვენი უფალი იესო,

25 რომელიც მიეცა ჩვენი ცოდვებისათვის და აღდგა ჩვენდა გამართლებად. ეს.53.5. 1პეტ.1.21. რომ.5.6. 1კორ.15.22.

თ ა ვ ი 5

მშვიდობა ღმერთთან რწმენით, ქრისტეს მეშვეობით

1 და რაკი რწმენით გავმართლდით, მშვიდობა გვაქვს ღმერთთან ჩვენი უფლის იესო ქრისტეს მიერ,

ლუკ.2.14. ეფეს.2.16. კოლ.1.20.

2 რომლის მეშვეობითაც რწმენით მოვიპოვეთ მისადგომი ამ მადლთან, რომელშიც ვდგავართ და ვიქადით ღვთის ღიდების იმედით.

იოან.14,6. ეფეს.2,18. ებრ.10,19.

3 და არა მარტო ამით, არამედ ჭირითაც ვიქადით, რადგან ვიცით, რომ ჭირი შეიქმს მოთმინებას,

იაკ.1,2. 2კორ.12,10.

4 მოთმინება – სიმტკიცეს, სიმტკიცე – იმედს,

5 ხოლო იმედი არ არის შემარცხვენელი, ვინაიდან ღვთის სიყვარული ჩაგვესახა გულებში, სულიწმიდის მეშვეობით, რომელიც მოგვეცა ჩვენ.

ფსალ.21,6. რომ.8,16. 2კორ.1,22.

6 ვინაიდან ქრისტე, როცა ჯერ კიდევ უძლურნი ვიყავით, დროულად მოკვდა უკეთურთათვის.

1პეტ.3,18. ებრ.9,15.

7 ძნელად თუ ვინმე მოკვდება მართლისათვის, ხოლო კეთილთათვის, შესაძლოა, ვინმემ კიდევ გაბედოს სიკვდილი.

8 მაგრამ ღმერთი თავის სიყვარულს ჩვენდამი ამტკიცებს იმით, რომ ქრისტე მოკვდა ჩვენთვის, როცა ჯერ კიდევ ცოდვილნი ვიყავით.

იოან.15,13. 1იოან.3,16.

9 ახლა კი, როცა მისი სისხლით გავმართლდით, მით უფრო გადავურჩებით რისხვას მისი წყალობით.

რომ.3,25. 1თეს.1,10.

10 ვინაიდან, თუ მისი ძის სიკვდილით შევურიგდით ღმერთს, როცა მტრები ვიყავით, მით უმეტეს, შერიგებულნი გადავრჩებით მისი სიცოცხლით.

2კორ.5,18. კოლ.1,22.

11 უფრო მეტიც, ვიქადით ღმერთით ჩვენი უფლის იესო ქრისტეს მეშვეობით, რომლის წყალობითაც მივიღეთ ახლა შერიგება.

ადამიანით სიკვდილი, ქრისტეთი სიცოცხლე

12 ამიტომ, როგორც ერთი ადამიანის მიერ ცოდვა შემოვიდა წუთისოფელში, ხოლო ცოდვის მიერ – სიკვდილი, ასევე სიკვდილი გადავიდა ყველა ადამიანში, რადგან ყველამ შესცოდა.

ღაბ.2,17. რომ.6,23. 1კორ.15,21.

13 ვინაიდან რჯულამდეც იყო ცოდვა წუთისოფელში, მაგრამ, თუ რჯული არ არის, ცოდვა არ ითვლება.

რომ.4,15.

14 მაგრამ სიკვდილი სუფევდა ადამიდან მოსემდე მათზეც, რომელთაც არ შეუცოდავთ, როგორც შესცოდა ადამმა, რომელიც მომავლის სახეა.

1კორ.15,21:45-55.

15 მაგრამ მადლი არაა დანაშაულივით, რადგან თუ ერთის დანაშაულით მრავალი გაწყდა, მით უმეტეს, ბევრად ჭარბობს მრავალთა მიმართ ღვთის მადლი და ნიჭი ერთი კაცის, იესო ქრისტეს მადლით.

იოან.1,16. ეფეს.1,6.

16 ხოლო ნიჭიც იგივე არ არის, რაც შედეგი ერთი შემცოდებლისაგან, ვინაიდან მსჯავრი ერთისაგან გამოდის განსაკითხავად, ნიჭი მადლისა კი მრავალი დანაშაულის გასამართლებლად.

17 ვინაიდან, თუ ერთის დანაშაულით სიკვდილი სუფევდა ერთის მიერ, მით უმეტეს ისინი, რომლებიც უხვად მიიღებენ

მადლს და სიმართლის ნიჭს, იმეფებენ ცხოვრებაში ერთის, იესო ქრისტეს მეშვეობით. 2ტიმ.2,12. გამოც.1,6;22,5.

18 ამრიგად, თუ ერთის დანაშაულით ყველა ადამიანს დაედო მსჯავრი, ასევე ერთის სიმართლით ყველა ადამიანი გამართლდება სასიცოცხლოდ.

19 ვინაიდან, როგორც ერთი კაცის ურჩობით ბევრი გახდა ცოდვილი, ასევე ერთის მორჩილებით ბევრი გახდება მართალი. ეს.53,11. ფილ.2,8.

20 რჯული კი შემდეგ შემოვიდა, რათა გამრავლებულიყო დანაშაული. ხოლო სადაც ცოდვა გამრავლდა, უფრო გაუხვდა მადლი. რომ.7,8. გალ.3,19.

21 რათა, როგორც ცოდვა მეფობდა სიკვდილით, ასევე მადლს ემეფა სიმართლის მეოხებით მარადიული სიცოცხლისათვის ჩვენი უფლის, იესო ქრისტეს მიერ.

თ ა ვ ი 6

ქრისტეში მონათლულები ცოდვებს მოვუკვდით

1 **რალა** ვთქვათ? დავრჩეთ ცოდვაში, რათა მადლი გამრავლდეს? არამც და არამც.

2 ჩვენ, რომელნიც მოვუკვდით ცოდვას, როგორღა ვიცხოვროთ მასში? 1პეტ.2,24. გალ.5,14.

3 ნუთუ არ იცით, რომ ყველანი, ვინც მოვინათლეთ ქრისტე იესოში, მის სიკვდილში მოვინათლეთ? გალ.3,27

4 ამიტომ დავიმარხეთ მასთან სიკვდილში ნათლისღებით, რათა, როგორც მამის დიდებით მკვდრეთით აღდგა ქრისტე, ჩვენც ვიაროთ სიცოცხლის განახლებით. ეფეს.4,23. კოლ.2,12.

5 ვინაიდან, თუ დავენერგეთ მას სიკვდილის მსგავსებაში, ასევე ვიქნებით მისი აღდგომისას. რომ.8,11. 1კორ.6,14.

6 რადგან ვიცით, რომ მასთან ერთად ჯვარს ეცვა ჩვენი ძველი კაცი, რათა გაუქმდეს ცოდვის სხეული და აღარ ვიყოთ ცოდვის მონები. გალ.5,24.

7 ვინაიდან, ვინც მოკვდა, ცოდვისაგან თავისუფალია.

8 და თუ ჩვენ ქრისტესთან დავიხოცენით, გვწამს, რომ მასთან ვიცოცხლებთ კიდევ, კოლ.3,5,9-10. 2ტიმ.2,11.

9 რადგან ვიცით, რომ მკვდრეთით აღმდგარი ქრისტე აღარ კვდება და სიკვდილი აღარ უფლობს მასზე. 1კორ.15,54. ებრ.9,28.

10 ვინაიდან, ის რომ მოკვდა, ცოდვისათვის მოკვდა ერთხელ, ხოლო რომ ცოცხლობს, ღვთისათვის ცოცხლობს. ლუკ.20,38.

11 თქვენც ასევე ჩათვალეთ თქვენი თავი ცოდვისათვის მკვდრებად და ღვთისათვის ცოცხლებად ქრისტე იესოში.

გალ.2,19.

არა ცოდვის, არამედ სიმართლის მონები

12 მაშ, ნუ იმეფებს ცოდვა თქვენს მოკვდავ სხეულში მის გულისთქმათა მორჩილებად.

13 ნურც მისცემთ თქვენს ასოებს ცოდვას უსამართლობის იარაღად, არამედ მიართვით ღმერთს თქვენი თავი, როგორც მკვდრეთით გაცოცხლებულნი და თქვენი ასოები სიმართლის იარაღად ღმერთს.

რომ.12,1. გალ.2,20.

14 ვინაიდან ცოდვა ველარ იმეფებს თქვენზე, რადგან თქვენ რჯულის ქვეშ კი არა, მადლის ქვეშ ხართ.

რომ.5,20.

15 მაშ, ახლა რა? ხომ არ ვცოდოთ, რაკი რჯულის ქვეშ კი არა, მადლის ქვეშ ვართ? არამც და არამც.

გალ.2,17

16 ნუთუ არ იცით, რომ ვისაც თქვენს თავს მისცემთ მონებად მორჩილებისათვის, მისი მონები ხართ, ვისაც დაემორჩილებით: ან ცოდვისა სასიკვდილოდ, ან მორჩილებისა სიმართლისათვის.

მათ.6,24. იოან.8,34. 2პეტ.2,19.

17 ხოლო მადლობა ღმერთს, რომ თქვენ, ადრე ცოდვის მონები, შემდგომ გულით დაემორჩილეთ იმ სახის მოძღვრებას, რომელსაც თქვენი თავი გადაეცით.

18 გათავისუფლდით რა ცოდვისაგან, სიმართლის მონები გახდით.

იოან.8,32. გალ.5,1.

19 ადამიანურად ვამბობ თქვენი ხორცის უძლურების გამო: როგორც გადასცემდით თქვენს ასოებს მონებად უწმიდურებას და ურჯულოებას ურჯულოებისთვის, ასევე ახლა გადაეცით თქვენი ასოები მონებად სიმართლეს – განსაწმედელად.

20 რადგან, როცა ცოდვის მონები იყავით, მაშინ თავისუფალნი იყავით სიმართლისაგან.

21 აბა, რა ნაყოფი გქონდათ მაშინ? საქმეები, რომელთა გამო ახლა გრცხვენიათ, ვინაიდან მათი ბოლო სიკვდილია.

რომ.1,26.31;7,5.

22 ახლა კი, როცა თავისუფლები ხართ ცოდვისაგან და ღვთის მონები გახდით, თქვენი ნაყოფი სიწმიდეა, ხოლო ბოლო – მარადიული სიცოცხლე.

23 ვინაიდან ცოდვის საზღაური სიკვდილია, ხოლო ღვთის მადლი – მარადიული სიცოცხლე ჩვენს უფალში, ქრისტე იესოში.

რომ.2,7;5,12.

თ ა ვ ი 7

რჯულს მოვუკვდით

1 ანდა, განა არ იცით, ძმებო, – რადგან რჯულის მცოდნეებს ველაპარაკები, – რომ რჯული მეფობს ადამიანზე, ვიდრე ის ცოცხალია?

2 რადგან ქმრიანი დედაკაცი რჯულით დაკავშირებულია

ცოცხალ ქმართან, ხოლო თუ ქმარი მოკვდება, თავისუფალია ქმრის რჯულისაგან. როცხ.5,12. მათ.5,32.

3 ამიტომ, თუ ქმრის სიცოცხლეში სხვა ქმრისა გახდება, მრუში ეწოდება. ხოლო თუ ქმარი მოკვდება, რჯულისაგან თავისუფალია და სხვა კაცისად გახდომა მრუშობად არ ჩაეთვლება.

4 ამრიგად, ჩემო ძმებო, თქვენც რჯულისათვის დაიხოცენით ქრისტეს სხეულით, რომ ეკუთვნოდეთ სხვას, მკვდრებით აღმდგარს, რათა ნაყოფი მოგუტანოთ ღმერთს.

რომ.6,14;8,2. 2კორ.11,2. გალ.5,22.

5 ვინაიდან, როცა ხორცში ვიყავით, რჯულის მიერ ცოდვის ვნებანი მოქმედებდნენ ჩვენს ასოებში, რომ სიკვდილის ნაყოფი გამოგველო. იაკ.1,15.

6 ახლა კი, რჯულისათვის მკვდრები, გავთავისუფლდით მისგან, რითაც შეპყრობილნი ვიყავით, რათა ვემსახუროთ ღმერთს განახლებული სულით და არა დაძველებული ასოთი. რომ.6,2.

7 მაშ, რაღას ვიტყვით? ნუთუ რჯული ცოდვაა? არამც და არამც; ოღონდ სხვანაირად არ შემიცვნია ცოდვა, თუ არა რჯულის მეოხებით, ვინაიდან ვერც გულისთქმას შევიცნობდი, რჯულს რომ არ ეთქვა: „არ ისურვო.“ გამოს.20,17.

8 ხოლო ცოდვამ მცნებიდან აიღო საბაბი და ჩემში წარმოქმნა ყოველგვარი სურვილი. ვინაიდან ცოდვა რჯულის გარეშე მკვდარია. რომ.4,15.

9 ხოლო მე ოდესღაც ვცხოვრობდი რჯულის გარეშე და, როცა მცნება მოვიდა, ცოდვა გაცოცხლდა.

10 მე კი მოვკვდი. ხოლო მცნება, რომელიც მოცემული იყო სასიცოცხლოდ, სასიკვდილო გამოდგა ჩემთვის, ლევ.18,5. ეზეკ.20,11.

11 რადგან ცოდვამ მცნებისგან აიღო საბაბი, მაცდუნა და მომკლა მისი მეშვეობით. ებრ.3,13.

12 ამრიგად, რჯული წმიდაა, მცნებაც წმიდაა, მართალი და კეთილი. ფსალ.18,8. 1ტიმ.1,8.

13 ნუთუ სიკეთე სიკვდილად მექცა? არამც და არამც. მაგრამ ცოდვა იმიტომ აღმოჩნდა ცოდვად, რომ კეთილის მეშვეობით მოაქვს ჩემთვის სიკვდილი, რათა ცოდვა მეტისმეტად ცოდვილი იყოს მცნების მეშვეობით.

14 რადგან ვიცით, რომ რჯული სულიერია, მე კი – ხორციელი, ცოდვისადმი მიყიდული. ეს.50,1.

15 ვინაიდან რას ვაკეთებ, არ ვიცი: იმიტომ, რომ იმას არ ვაკეთებ, რაც მსურს, არამედ, რაც მძულს, იმას ვაკეთებ.

გალ.5,17.

16 ხოლო თუ იმას ვაკეთებ, რაც არ მსურს, ვეთანხმები რჯულს, რომ ის კეთილია.

17 მაშასადამე, მე კი აღარ ვაკეთებ ამას, არამედ ცოდვა, რომელიც ჩემში იმყოფება.

18 ვინაიდან ვიცი, რომ ჩემში, ესე იგი, ჩემს სხეულში, არ

იმყოფება კეთილი; ასე რომ, სურვილი არის ჩემში, მაგრამ კეთილის კეთება – არა. დაბ.8,21.

19 ვინაიდან არ ვაკეთებ კეთილს, რომელიც მსურს, არამედ ვაკეთებ ბოროტს, რომელიც არ მსურს.

20 ხოლო თუ იმას ვაკეთებ, რაც არა მსურს, მე კი აღარ ვაკეთებ, არამედ ცოდვა, რომელიც ჩემშია დამკვიდრებული.

21 ამრიგად, ვბოულობ ამ რჯულს: კეთილის ვაკეთება მსურს და ბოროტი გვერდით მიწევს.

22 ვინაიდან შინაგანი ადამიანის მიხედვით მეამება ღვთის რჯული. ფსალ.1,2. ეფეს.3,16.

23 მაგრამ ჩემს ასოებში მე ვხედავ სხვა რჯულს, რომელიც წინააღმდეგობას უწევს ჩემი გონების რჯულს და მხდის ჩემს ასოებში მყოფი ცოდვის რჯულის ტყვედ. იაკ.4,1. გალ.5,17.

24 უბადრუკი ადამიანი ვარ! ვინ დამიხსნის ამ სიკვდილის სხეულისაგან?

25 ვმადლობ ღმერთს ჩვენი უფლის ქრისტე იესოს მიერ. აჰა, მე თავად ჩემი გონებით ღვთის რჯულს ვემონები, ხოლო სხეულით – ცოდვის რჯულს.

თ ა ვ ი 8

ცხოვრება არა ხორციელად, არამედ სულიერად

1 ამიტომ ახლა არავითარი მსჯავრი არ არის მათზე, რომლებიც ქრისტე იესოში ცხოვრობენ არა ხორციელად, არამედ სულიერად. რომ.5,1.

2 რადგან სიცოცხლის სულის რჯულმა ქრისტე იესოში გამათავისუფლა მე ცოდვისა და სიკვდილის რჯულისგან.

იოან.6,63;8,36. 1კორ.15,45. 2კორ.3,7.

3 ვინაიდან, რაკი ვერა შეძლო ხორცის მიერ დაუძლურებულმა რჯულმა, ღმერთმა მოავლინა თავისი ძე ცოდვილი ხორცის მსგავსებაში და ცოდვის გამო მსჯავრი დასდო ცოდვას ხორცში, 2კორ.5,21. გალ.3,13. ებრ.7,18.

4 რათა აღსრულდეს რჯულის სიმართლე ჩვენში, რომლებიც ვცხოვრობთ არა ხორციელად, არამედ სულიერად.

5 ვინაიდან ისინი, რომლებიც ხორციელად არიან, ხორციელზე ფიქრობენ, ხოლო რომლებიც სულიერად არიან – სულიერზე. იოან.3,6. 1კორ.2,14.

6 რადგან ხორციელი ფიქრები სიკვდილია, ხოლო სულიერი ფიქრები – სიცოცხლე და მშვიდობა. რომ.6,21.

7 იმიტომ, რომ ხორციელი ფიქრები ღვთის მტრობაა, ვინაიდან არ ემორჩილება ღვთის რჯულს და არც შეუძლია. იაკ.4,4.

8 ამიტომ, მათ რომელნიც ხორციელად ცხოვრობენ, არ ძალუძთ აამონ ღმერთს. ებრ.11,6.

9 თქვენ კი ცხოვრობთ არა ხორციელად, არამედ სულიერად, თუკი ღვთის სული ცხოვრობს თქვენში. ხოლო ვისაც ქრისტეს სული არა აქვს, ის მისი არ არის. 1კორ.3,16.

10 და თუ ქრისტე თქვენშია, სხეული მკვდარია ცოდვისათვის, ხოლო სული ცოცხალია სიმართლისათვის.

11 ხოლო თუ თქვენში იმყოფება მისი სული, ვინც მკვდრეთით აღადგინა იესო, მაშინ ის, ვინც ქრისტე იესო აღადგინა მკვდრეთით, თქვენს მოკვდავ სხეულებსაც გააცოცხლებს თავისი სულით, რომელიც თქვენშია დამკვიდრებული. რომ.6,4.

ღვთის სულით მავალნი ღვთის შვილები არიან

12 ამიტომ, ძმებო, ჩვენ ხორცის მოვალენი არა ვართ, რომ ხორციელად ვიცხოვროთ. რომ.6,7.

13 ვინაიდან, თუ ხორციელად ცხოვრობთ, სიკვდილი არ აგცდებათ, ხოლო თუ სულით აკვდინებთ ხორციელ საქმეებს, იცოცხლებთ. გალ.5,19.

14 რადგან ისინი, ვინც ღვთის სულით წარიმართებიან, ღვთის შვილები არიან. გალ.5,18.

15 ვინაიდან არ მიგიღიათ მონობის სული, რათა კვლავ შიშით იყოთ, არამედ მიღებული გაქვთ შვილობის სული, რომლითაც ვლაღაღებთ: „აბბა, მამაო!“ 1იოან.4,18. 1კორ.2,12. ებრ.2,15.

16 სწორედ ეს სული ემოწმება ჩვენს სულს, რომ ღვთის შვილები ვართ. ეფეს.4,30.

17 ხოლო თუ შვილები – მემკვიდრენიც, ღვთის მემკვიდრენი და ქრისტეს თანამემკვიდრენი, თუ სინამდვილეში მასთან ერთად ვიტანჯებით, რათა მასთან ერთად ვიდიდოთ კიდევ. გალ.4,7.

18 ვინაიდან ვფიქრობ, რომ ახლანდელი ტანჯვანი არაფერია იმ დიდებასთან შედარებით, რომელიც გამოვლინდება ჩვენს მიმართ. 1პეტ.4,13.

19 ვინაიდან ქმნილება იმედით მოელის ღვთის შვილთა გამოცხადებას. 2პეტ.3,13.

20 რადგან ქმნილება თავისი ნებით კი არ დაემორჩილა ამაოებას, არამედ მისი დამმორჩილებლის მიერ სასოებით.

21 რომ თვით ქმნილებაც გათავისუფლდება ხრწნილების მონობისაგან ღვთის შვილთა დიდების თავისუფლებისათვის.

22 ვინაიდან ვიცით, რომ მთელი ქმნილება ერთად კვნესის და იტანჯება აქამდე

23 და არა მარტო ის, არამედ ჩვენც, რომელთაც სულის პირველი ნაყოფები გვაქვს, ჩვენ თვითონაც ვკვნესით ჩვენს თავში, მოველით რა შვილებას და ჩვენი სხეულის გამოსყიდვას.

ლუკ.21,28. 1იოან.3,2. 2კორ.5,4. ეფეს.4,30.

24 ვინაიდან სასოებით ვიქენით დახსნილნი, ხოლო ხილული სასოება არ არის სასოება, ვინაიდან, თუკი ხედავს კაცი, რაღას ესავს?

ებრ.11,1.

25 ხოლო თუ იმის სასოება გვაქვს, რასაც ვერ ვხედავთ, მოთმინებით მოველით მას.

ჩამოშორება ღვთის სიყვარულისგან შეუძლებელია

26 ასევე სულიც გვეხმარება ჩვენს უძლურებაში. ვინაიდან არ ვიცით, რისთვის ვილოცოთ, როგორ შეეფერება, არამედ თვით სული შუამდგომლობს ჩვენთვის გამოუთქმელი ოხვრით.

27 ხოლო გულთამხილავმა იცის, რა არის სულის ზრახვა, იმიტომ, რომ იგი ღვთის ნებით შუამდგომლობს წმიდათათვის.

1მფ.16,7. იოან.14,17.

28 ჩვენ კი ვიცით, რომ ღვთის მოყვარულებს, მისი განზრახვით მოწოდებულებს, ყოველივე ეწევა სასიკეთოდ.

ეფეს.1,4.

29 ვინაიდან, რომელნიც წინასწარ იცნო, მათ წინასწარვე განუსაზღვრა თავისი ძის ხატების მსგავსად ყოფნა, რათა იყოს იგი პირმშო მრავალ ძმას შორის.

2კორ.3,18. კოლ.1,18.

30 ხოლო ვისაც განუსაზღვრა, მათ მოუწოდა კიდევ და, ვისაც მოუწოდა, ისინი გაამართლა კიდევ. და ვინც გაამართლა, ისინი განადიდა კიდევ.

რომ.5,9;9,24.

31 ამაზე რალა ვთქვათ? თუ ღმერთი ჩვენთვის არის, ვინ გამოვა ჩვენს წინააღმდეგ?

ფსალ.55,12.

32 ის, ვინც თავისი საკუთარი ძე არ დაინდო, არამედ გასწირა ჩვენთვის, განა მასთან ერთად ყოველივეს არ გვაჩუქებს?

იოან.3,16.

33 ვინ გაამტყუნებს ღვთის რჩეულებს? ღმერთია გამმართლებელი.

ეს.50,9. გამოც.12,10.

34 ვინ დასდებს მსჯავრს? ქრისტე იესო, რომელიც მოკვდა და, მეტიც, რომელიც აღდგა მკვდრეთით, ღვთის მარჯვნივ არის და ის შუამდგომლობს ჩვენთვის.

1იოან.2,1.

35 ვინ ჩამოგვაშორებს ქრისტეს სიყვარულს: ჭირი თუ შევიწროება, დევნა თუ შიმშილი, სიშიშველე თუ საფრთხე, ანდა მახვილი?

1იოან.2,28. 2კორ.12,10.

36 როგორც წერია: „რადგან შენს გამო გვხოცავენ ყოველდღე, დასაკლავ ცხვრებად ვართ შერაცხილნი.“

ფსალ.43,23.

37 მაგრამ ყოველივე ამას ვძლევთ ჩვენი მოყვარულის მეშვეობით.

1იოან.5,5. 1კორ.15,57. გამოც.21,11.

38 და მწამს, რომ ვერც სიკვდილი და ვერც სიცოცხლე, ვერც ანგელოზები და ვერც მთავრობანი, ვერც ძალნი, ვერც აწმყო და ვერც მყოფადი,

ეფეს.6,12.

39 ვერც სიმაღლე და ვერც სიღრმე, ვერც ვერავითარი სხვა ქმნილება ვერ შეძლებს ჩვენს ჩამოშორებას ღვთის სიყვარულისაგან ჩვენს უფალ ქრისტე იესოში.

თ ა ვ ი 9

პავლეს მწუხარება ისრაელიანებზე

1 ჰეშმარიტებას ვლაპარაკობ ქრისტეში, არა ვცრობ, ჩემი სინდისი მიმოწმებს სულიწმიდაში,

2 რომ დიდია ჩემდა მწუხარება და განუწყვეტელია ჩემი გულის ტანჯვა.

3 ნეტავ მე თვითონ ვყოფილიყავი ქრისტესაგან განდგომილი ჩემი ძმების – ხორციელი ნათესავებისათვის, გამოს.32,32.

4 რომელნიც ისრაელიანები არიან და ეკუთვნით შვილება და დიდება, აღთქმანი და რჯულმდებლობა, მსახურებანი და დაპირებანი. გამოს.4,22;20,1. 1მფ.4,21.

5 მათნი არიან მამანი და მათგანაა ხორციელად ქრისტე, რომელიც არის ღმერთი ყოველთა ზედა, უკუნისამდე კურთხეული, ამინ. მათ.1,1. ლუკ.3,23.

აღთქმის შვილები ითვლებიან ღვთის შვილებად

6 მაგრამ არა ისე, რომ ღვთის სიტყვა დაეცა, ვინაიდან ვინც ისრაელისაგან არის, ყველა ისრაელიანი როდია. რიცხ.23,19. რომ.3,3.

7 და ყველა, ვინც აბრაამის თესლია, როდია მისი შვილი, ვინაიდან ნათქვამია: „ისაკში იქნება წოდებული შენი თესლი.“ დაბ.21,12. ებრ.11,18.

8 ესე იგი, არა ეს ხორციელი შვილები არიან ღვთის შვილები, არამედ აღთქმის შვილები ითვლებიან თესლად. გალ.4,28.

9 რადგან ასეთია აღთქმის სიტყვა, როგორც ნათქვამია: „ამ დროს მოვალ და სარას ეყოლება ძე.“ დაბ.18,10.

10 არა მხოლოდ ეს, არამედ რებეკასაც ერთისაგან, ჩვენი მამის, ისაკისაგან ჩაესახა. დაბ.25,21.

11 ვინაიდან ჯერ კიდევ დაბადებულნი არ იყვნენ მისი შვილები და ჯერ კიდევ არაფერი ჰქონდათ გაკეთებული კარგი ან ცუდი, რომ ღვთის განზრახვა მისი არჩევნის თანახმად მომხდარიყო;

12 არა საქმეთაგან, არამედ მომწოდებლისაგან ეთქვა მას: „უფროსი დაემონება უმცროსს.“ დაბ.25,23.

13 როგორც წერია: „შევიყვარე მე იაკობი, ხოლო ესავი შევიძულე.“ მალ.1,2-3.

ღვთის მადლით არიან მოწოდებულნი, იუდეველიც და წარმართიც

14 თუ ასეა, რაღა ვთქვათ? ნუთუ უსამართლობაა ღმერთთან? არამც და არამც. 2შჯ.32,4.

15 რადგან მოსეს ეუბნება: „ვინც მსურს შევიწყალო, შევიწყალებ, და ვინც მსურს შევიწყნარო, შევიწყნარებ.“ გამოს.33,19.

16 ამრიგად, ეს დამოკიდებულია არა მსურველზე და არა მცდელობაზე, არამედ შემწყალებ ღმერთზე.

17 ვინაიდან წერილი ეუბნება ფარაონს: „სწორედ ამისათვის დაგაყენე შენ, რომ შენზე ვაჩვენო ჩემი ძალა, რათა განითქვას ჩემი სახელი მთელ დედამიწაზე.“ გამოს.9,16;14,4.

18 ამრიგად, ვინც სურს, შეიწყალებს, და ვინც სურს, გააჯიუტებს.

19 შენ მეტყვი: „აბა, რაღას გვდებს ბრალს? მის ნებას ვინ აღუდგება წინ?“
ეს.46,10. იერ.49,19.

20 ვინ ხარ შენ, ადამიანო, რომ ეკამათები ღმერთს? განა ქმნილება ეტყვის შემოქმედს: რატომ შემქმენიო ასე?

ეს.29,16;45,9.

21 ნუთუ მეკეცეს უფლება არა აქვს თიხაზე, რომ თავისი მოზედილი თიხიდან ზოგი საპატიო ჭურჭელი გააკეთოს, ზოგიც უპატიო?

იერ.18,4-6. 2ტიმ.2,20.

22 მაშ რა, თუ ღმერთი, რომელსაც სურს თავისი რისხვის ჩვენება და ძლიერების უწყება, მრავალი სულგრძელობით ითმენს დასაღუპავად გამზადებულ რისხვის ჭურჭლებს, რომ.2,4.

23 რათა გამოაჩინოს თავისი დიდების სიუხვე წყალობის ჭურჭლებზე, რომლებიც წინასწარ გაამზადა სადიდებლად,

რომ.8,28.

24 ჩვენზე, რომელთაც მოგვიწოდა არა მარტო იუდეველთაგან, არამედ წარმართთაგანაც?

რომ.3,29.

25 როგორც ოსიასთანაც ამბობს: „არა ჩემს ერს ვიტყვი ჩემს ერად და არა საყვარელს – საყვარლად.“

ოსე.2,23. 1პეტ.2,10.

26 და იმ ადგილზე, სადაც მათ ეთქვათ: ‘თქვენ ჩემი ერი არა ხართ,’ – იქ ეწოდებათ ცოცხალი ღვთის ძენი.“

ოსე.1,10.

27 ხოლო ესაია ღაღადებს ისრაელზე: „ისრაელიანთა რიცხვი ზღვის ქვიშასაც რომ ედრებოდეს, ნაწილი გადარჩება.“

ეს.22,23.

28 რადგან თავის სიტყვას ბოლომდე და დაუყოვნებლივ შეასრულებს უფალი დედამიწაზე.

29 და როგორც თქვა ესაიამ წინასწარ: „უფალ ცაბაოთს რომ არ დაეტოვებინა ჩვენი თესლი, ვიქნებოდით სოდომელებივით და დავემსგავსებოდით გომორელებს.“

დაბ.19,24. ეს.1,9.

წარმართებმა რწმენით, იუდეველებმა საქმეებით ვერ მიაღწიეს

30 მაშ, რაღა ვთქვათ? წარმართებმა, რომლებიც სიმართლეს არ მისდევდნენ, მიიღეს სიმართლე – სიმართლე რწმენისაგან.

რომ.10,20.

31 ხოლო ისრაელმა, რომელიც სიმართლის რჯულს ეძებდა, ვერ მიაღწია სიმართლის რჯულს.

რომ.11,7.

32 რატომ? იმიტომ, რომ რწმენაში კი არ ეძებდა, არამედ რჯულის საქმეებში; ვინაიდან შებრკოლდნენ შებრკოლების ლოდზე,

33 როგორც წერია: „აჰა, დავდებ სიონში შებრკოლების ლოდს და საცდურის კლდეს; და ყოველი, ვისაც სწამს იგი, არ შერცხვება.“

ფსალ.117,22. ეს.8,14;28,16. მათ.21,44. მარ.12,10. ლუკ.2,34;20,17.

თ ა ვ ი 10

სამართალი და ხსნა მხოლოდ რწმენით

1 ძმებო! ჩემი გულის სურვილი და ჩემი ვედრება ღვთისადმი ისრაელისათვის არის, რათა გადარჩნენ.

2 ვინაიდან ვუმოწმებ მათ, რომ აქვთ გულმოდგინება ღვთისადმი, ოღონდ არა შეგნებულად.

3 რადგან ღვთის სიმაართლე ვერ შეიცნეს და ცდილობდნენ საკუთარი სიმაართლის დადგენას და ღვთის სიმაართლეს არ დაემორჩილნენ.

ფილ.3,9.

4 ვინაიდან ქრისტეა რჯულის დასასრული ყოველი მორწმუნის გასამართლებლად.

გალ.3,24.

5 მოსე რჯულის სამართლიანობაზე წერს, რომ მისი შემსრულებელი კაცი მისით იცოცხლებს.

ლევ.18,5. ეზეკ.20,11. გალ.3,12.

6 ხოლო რწმენისმიერი სამართლიანობა ასე ამბობს: „ნუ იტყვი შენს გულში: ვინ ავა ზეცაში?“ ესე იგი, ქრისტეს ჩამოსაყვანად.

2შჯ.30,12.

7 ანდა: „ვინ ჩავა უფსკრულში?“ ესე იგი, ქრისტეს მკვდრეთით ამოსაყვანად.

2შჯ.30,13.

8 მაგრამ რას ამბობს იგი? „ახლოა შენთან სიტყვა, შენს ბაგეში და შენს გულში,“ ესე იგი, რწმენის სიტყვა, რომელსაც ვქადაგებთ.

2შჯ.30,14.

9 იმიტომ რომ, თუ შენი ბაგით აღიარებ, რომ იესო უფალია, და შენი გულით ირწმუნებ, რომ ღმერთმა აღადგინა იგი მკვდრეთით, გადარჩები.

მათ.10,32.

10 ვინაიდან გულით სწამთ სიმაართლე, ხოლო ბაგით აღიარებენ გადასარჩენად.

11 რადგან წერილი ამბობს: „ყოველი მისი მორწმუნე არ შერცხვება.“

ეს.28,16.

12 ამაში არ არის განსხვავება იუდეველსა და წარმართს შორის, ვინაიდან ერთი უფალი არის ყველაზე. ის უხვია ყველასათვის, ვინც მას მოუხმობს.

საქ.10,34. რომ.3,29.

13 რადგან ყოველი, ვინც უფლის სახელს მოუხმობს, გადარჩება.

იოველ.2,32. საქ.2,21.

სახარება ეხარებოდა ისრაელიანებსაც, მაგრამ ისინი არ იყვნენ მორჩილნი

14 მაგრამ როგორ მოუხმონ მას, ვინც არ იწამეს? როგორ ირწმუნონ, ვის შესახებაც არ სმენიათ? როგორ მოისმინონ მქადაგებლის გარეშე?

15 და როგორ იქადაგონ, თუ წარგზავნილები არ არიან? როგორც წერია: „რა მშვენიერია სიკეთის მახარებელთა ფერხნი.“

ეს.52,7. ნაუმ.1,15.

16 მაგრამ ყველამ როდი ისმინა სახარება. რადგან ესაია ამბობს: „უფალო, ვინ ირწმუნა ჩვენგან მოსმენილი?“

ეს.53,1. იოან.12,38.

17 ამრიგად, რწმენა – მოსმენისაგან, ხოლო მოსმენა – ქრისტეს სიტყვისაგან.

18 მაგრამ ვამბობ: ნუთუ არ მოუსმენიათ? პირიქით, მთელ დედამიწას მოედო მათი ხმა და ქვეყნის კიდეებს – მათი სიტყვები.

ფსალ.18,5. მათ.24,14;28,19.

19 მაგრამ ვამბობ: ნუთუ ისრაელმა არ იცოდა? პირველად მოსე ამბობს: „მე გავალვივებ თქვენში შურს არა-ერით, გაგარისხებთ უგუნური ერით.“

2შჯ.32,21. რომ.11,11.

20 ხოლო ესაია გაბედულად ამბობს: „მიპოვეს მათ, ვინც არ მეძებდა. გამოვეცხადე მათ, ვინც არ მკითხულობდა.“

ეს.65,1.

21 ხოლო ისრაელს ეუბნება: „მთელ დღეს ვიწვდიდი ჩემს ხელებს ურჩი და გაუგონარი ხალხისაკენ.“

ეს.65,2.

თ ა ვ ი 11

მადლის არჩევით ინახება ნაშთი

1 მაშ, ვამბობ: ნუთუ ღმერთმა უარყო თავისი ხალხი? არამც და არამც. რადგან მეც ისრაელი ვარ, აბრაამის თესლისაგან, ბენიამინის ტომისაგან.

1მფ.12,22. 2კორ.11,22. ფილ.3,5.

2 არ უარუყვია ღმერთს თავისი ხალხი, რომელიც წინასწარ იცნო. განა არ იცით, რას ამბობს წერილი ელიას შესახებ, როგორ ჩივის ისრაელზე ღვთის წინაშე და ამბობს:

3 „უფალო! შენი წინასწარმეტყველნი ამოხოცეს და შენი სამსხვერპლოები დაანგრის. დავრჩი მარტო მე, და ჩემს მოკვლას ცდილობენ.“

3მფ.19,14.

4 მაგრამ რას ეუბნება მას ღვთის პასუხი? „დავიტოვე მე ჩემთვის შვიდი ათასი კაცი, რომელთაც მუხლი არ მოიდრიკეს ბაალის წინაშე.“

3მფ.19,18.

5 ასევე ახლანდელ დროშიც მადლისმიერი ამორჩევით დარჩა ნატამალი.

6 ხოლო თუ მადლით, უკვე არა საქმეებით, თორემ მადლი აღარ იქნება მადლი. ხოლო თუ საქმეებით იყო, ეს უკვე მადლი აღარ არის. თორემ საქმე აღარ არის საქმე. 2შჯ.9,4. რომ.4,5. გალ.5,4.

7 მაშ რა? რასაც ეძებდა ისრაელი, ვერ მიაღწია. მხოლოდ რჩეულებმა მიაღწიეს, დანარჩენები კი გაგულქვავდნენ.

8 როგორც წერია: „მისცა მათ ღმერთმა უგრძნობლობის სული, თვალები, რათა არ ხედავდნენ, და ყურები, რათა არ ესმოდეთ დღევანდელ დღემდე.“

2შჯ.29,4. ეს.6,9;29,10. მათ.13,14. მარ.4,12. ლუკ.8,10. იოან.12,40.

9 ხოლო დავითი ამბობს: „მათი სუფრა იყოს მახე, ბადე და საცდური და მათდა მისაგებელი,

10 დაიბინდოს მათი თვალები, რათა ვერ ხედავდნენ, ხოლო მათი ხერხემალი სამუდამოდ მრუდი იყოს.“
ფსალ.68.23-24.

ისრაელიანთა დაცემით წარმართების ხსნა

11 მაშ, გამბობ: იმდენად უნდა წაბორძიკდნენ, რომ დაეცნენ? არამც და არამც. მაგრამ მათი დაცემით ხსნა ელირსათ წარმართებს, რათა აღძრულიყო მათში შური. საქ.13,47. რომ.10,19.

12 და თუ მათი დაცემა წუთისოფლის სიმდიდრეა და მათი დამცრობა – წარმართთა სიმდიდრე, მით უმეტეს მათი სავსება.

13 ხოლო თქვენ გეუბნებით, წარმართნო: რამდენადაც წარმართთა მოციქული ვარ, ჩემს მსახურებას ვადიდებ.

14 ნეტა შემძლებოდა შურის გაღვივება ჩემს ახლობლებში და ზოგიერთი მათგანის ხსნა.
1კორ.9,22.

15 ვინაიდან, თუ მათი განდევნა ღმერთთან წუთისოფლის შერიგებაა, აბა, რაღა იქნება მათი მიღება, თუ არა სიცოცხლე მკვდართაგან?
2კორ.5,19.

16 თუ პირველი ნაყოფი წმიდაა, მაშ, ცომიც; და თუ ფესვი წმიდაა, მაშ, რტოც.

17 ხოლო თუ ზოგი რტო გადატყდა და შენ, გარეულო ზეთისხილო, დაემყენ მათ ადგილას და გახდი ზეთისხილის ფესვისა და წვენის თანაზიარი,
იერ.11,16. ეფეს.2,12.

18 ნუ იამპარტავნებ რტოთა წინაშე. ხოლო თუ იამპარტავნებ, იცოდეთ, შენ კი არ გიკავია ფესვი, არამედ ფესვს უკავიხარ შენ.
ეს.66,2. რომ.12,16.

19 შენ იტყვი: რტოები გადატყდნენ, რათა მე დავემყნაო!

20 კეთილი. ისინი გადატყდნენ, ვინაიდან არ სწამდათ, შენ კი დგახარ რწმენით; ნუ გაამაყდები, არამედ გეშინოდეს.

21 ვინაიდან, თუ ღმერთმა არ დაინდო ბუნებრივი რტოები, შენც არ დაგინდობს.

22 ამრიგად, ხედავ ღვთის სახიერებას და სიმკაცრეს: სიმკაცრეს დაცემულებზე და სახიერებას შენზე, თუ იდგები მის სახიერებაში, თორემ შენც მოიკვეთები.
იოან.15,2.

23 და ისინიც, თუ ურწმუნოებაში არ იდგებიან, დაემყნობიან, რადგან ღმერთს ძალუძს მათი კვლავ მყნობა.

24 ხოლო თუ შენ მოკვეთილი ხარ ბუნებით ველური ზეთისხილისგან და არაბუნებრივად დაემყნე კარგ ზეთისხილს, მით უმეტეს ესენი, ბუნებრივები, დაემყნობიან თავიანთ ზეთისხილს.

ყველა ისრაელიანი გადარჩება

25 რადგან არ მინდა, ძმებო, არ იცოდეთ ეს საიდუმლო, რათა არ ეყრდნობოდეთ თქვენს სიბრძნეს: მანამდე ახლავს სიბრძნე ისრაელის ნაწილს, ვიდრე მთელი წარმათობა არ მივა ღმერთთან.
ლუკ.21,24.

26 ასე მთელი ისრაელი გადარჩება, როგორც წერია: „მოვა სიონიდან მხსნელი და უღმერთოებას ააცდენს იაკობს.

ეს.27.9;59.20-21.

27 ეს არის ჩემი აღთქმა მათთვის, როცა წარვხოცავ მათ ცოდვებს.“

იერ.31.33. ებრ.8.10.

28 დიახ, სახარების მიხედვით ისინი მტრები არიან თქვენი გულისათვის, ხოლო ამორჩევის მიხედვით საყვარელნი – მამების გულისათვის.

29 ვინაიდან უცვალებელია ღვთის ნიჭი და მოწოდება.

რიცხ.23.19.

30 ისევე, როგორც თქვენც ოდესღაც ეურჩებოდით ღმერთს, ახლა კი შეწყალებული ხართ მათი ურჩობის გამო,

ტიტ.3.5.

31 ისე ახლა ისინიც ურჩობენ იმისათვის, რათა ისინიც შეწყალებულნი იქნენ იმ წყალობით, რომელიც თქვენ გეძლევათ.

32 ვინაიდან ყველანი ურჩობაში ჩაკეტა ღმერთმა, რათა ყველანი შეიწყალოს.

რომ.3.9. გალ.3.22.

33 ო! ღვთის სიმდიდრეთა და სიბრძნისა და შემეცნების სიღრმე! როგორი ჩაუწვდომელნი არიან მისი სამართალნი და მიუკვლეველნი მისი გზები!

იოზ.9,10;36,23.

34 რადგან ვინ შეიცნო უფლის გონება? ვინ იყო მისი მრჩეველი?

ეს.40.13. იერ.33.18. 1კორ.2,16.

35 ან ვინ მისცა მას წინასწარ, რომ მიუზღოს?

იოზ.35,7. ეს.40.13-14.

36 რადგან ყოველივე მისგან, მის მიერ და მის მიმართ არის. მას დიდება უკუნისამდე. ამინ.

თ ა ვ ი 12

უძღვენით თქვენი სხეული ცოცხალ მსხვერპლად

1 ამრიგად, შეგაგონებთ, ძმებო, ღვთის წყალობებით, რომ შესწიროთ თქვენი სხეული ცოცხალ, წმიდა, ღვთის სასურველ მსხვერპლად – თქვენი სულიერი მსახურება.

1კორ.3.17.

2 და ნუ დაემსგავსებით ამ წუთისოფელს, არამედ შეიცვალენით თქვენი გონების განახლებით, რათა შეიცნოთ, რა არის ღვთის ნება – კეთილი, სასურველი და სრულყოფილი.

ეფეს.1,18;5,10.17.

სხეული ერთია, ასოები ბევრი

3 ჩემთვის მოცემული მადლით ვეუბნები ყოველ თქვენგანს: თქვენს თავზე იმაზე მეტად ნუ იფიქრებთ, ვიდრე უნდა ფიქრობდეთ, არამედ იფიქრეთ თავმდაბლურად, რწმენის საზომით, ღმერთმა რომ გიწილადათ თითოეულს.

ეფეს.4,7.

4 ვინაიდან ჩვენ ერთ სხეულში მრავალი ასო გვაქვს, მაგრამ ყველა ასოს როდი აქვს ერთი და იგივე საქმე.

1კორ.12,12.

5 ასევე ჩვენ, მრავალნი ერთ სხეულად ვართ ქრისტეში.
ხოლო ერთიმეორისათვის-ასონი

6 და გვაქვს მადლით სხვადასხვა ნიჭი, ჩვენთვის მოცემული,
თუ ქადაგებაა - რწმენის მიხედვით. მათ.25.15. 1პეტ.4.10. 1კორ.12.4.

7 თუ მსახურებაა - მსახურებაში. თუ დამოძღვრება - დამო-
ძღვრაში.

8 თუ შემგონებელია - შეგონებით. გამჩუქებელია - უბრა-
ლოებით. უფროსია - სიბეჯითით და ქველმოქმედია - გულითა-
დობით. მათ.6.2.

გიყვარდეთ, აკურთხეთ. იხარეთ

9 სიყვარული იყოს უთვალთმაქცო. განერიდეთ ბოროტებას
და მიეკარით კეთილს. ფსალ.96.10. ამოს.5.15.

10 ძმათმოყვარეობაში - ერთმანეთისადმი გულთბილი სიყვა-
რულით, პატივისცემაში ერთმანეთს დაასწარით. 1პეტ.2.17. ეფეს.4.2.

11 იბეჯითეთ და ნუ დაიღლებით. სულით აღიგზენით. ემსახუ-
რეთ უფალს.

12 იხარეთ იმედში, მომთმენნი იყავით გასაჭირში. ლოცვაში
- მდგრადნი. ლუკ.18.1.

13 მონაწილეობა მიიღეთ წმიდათა საჭიროებაში. ესწრაფეთ
სტუმართმოყვარეობას. 1კორ.16.1. ებრ.13.2.

14 ლოცეთ თქვენი მღევნელები. ლოცეთ და ნუ წყევლით.

მათ.5.44.

15 მოხარულებთან იხარეთ და მოტირალებთან იტირეთ. 1კორ.12.26.

16 ერთსულოვნება გქონდეთ ერთმანეთში. ქედმაღლობას ნუ
გამოედევნებით. არამედ მიჰყევით მორჩილთ, ბრძენი ნუ
გეგონებათ საკუთარი თავი. იგ.3.7. ეს.5.21. იოან.17.11.

17 ნურვის მიაგებთ ბოროტის წილ ბოროტს. ცდილობდით
კეთილს ყველა ადამიანის წინაშე. იგ.20.22. 2კორ.8.21.

18 თუ თქვენის მხრივ შესაძლებელია. ყველა ადამიანთან
მშვიდობიანად იყავით. ებრ.12.14.

19 შურს ნუ იძიებთ თქვენთვის. საყვარელნო, არამედ ადგილი
მიეცით უფლის რისხვას. ვინაიდან წერია: „ჩემია შურისგება
და მე მივაგებ. - ამბობს უფალი.“ 2შჯ.32.35. მათ.5.39. ლუკ.6.28. 1კორ.6.7.

20 ამიტომ. თუ შენი მტერი მშვიდობა, დააპურე იგი. თუ
სწყურია, დააღვინე. ვინაიდან ამის გაკეთებით ნაკვერჩხლებს
აგროვებ მის თავზე. იგ.25.21-22.

21 არ დაგძლიოს ბოროტმა, არამედ სძლიე ბოროტს კეთილით.

თ ა გ ი 13

ხელმწიფებანი ღვთის მსახურნი არიან

1 ყოველი სული დაემორჩილოს უმაღლეს ხელმწიფებას.

ვინაიდან არ არსებობს ხელმწიფება, თუ არა ღვთისაგან, ხოლო არსებულნი ღვთის მიერ არიან დადგენილნი.

დან.2,21. 1პეტ.2,13. ტიტ.3,1.

2 ამიტომ ხელმწიფების მოწინააღმდეგე ეწინააღმდეგება ღვთის დადგენილებას, ხოლო მოწინააღმდეგენი მსჯავრს დაიტეხენ თავზე.

სიყვარული არის რჯულის აღსრულება

3 რადგან მთავარნი საშიშნი არიან არა კეთილი საქმეებისათვის, არამედ ბოროტათვის. თუ გსურს, რომ ხელმწიფებისა არ გეშინოდეს, კეთილი აკეთე და ქებას მიიღებ მისგან.

1პეტ.2,14;3,13.

4 ვინაიდან იგი ღვთის მსახურია შენდა სასიკეთოდ. მაგრამ თუ ბოროტებას იქმ, გეშინოდეს, რადგან ტყუილად როდი ატარებს მახვილს. ის ღვთის მსახურია და რისხვით შურისმძიებელი ბოროტმოქმედზე.

5 ამიტომ ჩვენ უნდა დავემორჩილოთ არა მარტო რისხვის გამო, არამედ სინდისის გამოც.

6 სწორედ ამისათვის იხდით ხარკებს, ვინაიდან ისინი ღვთის მსახურები არიან და დღენიადგ ამას აკეთებენ.

7 ამრიგად, მიეცით ყველას, რაც ეკუთვნის: ვისაც ხარკი – ხარკი, ვისაც ბაჟი – ბაჟი, ვისაც შიში – შიში, ვისაც პატივი – პატივი.

მათ.22,21. მარ.12,17. ლუკ.20,25.

8 არავისი არაფერი დაგედოთ ვალად, გარდა ერთიმეორის სიყვარულისა, ვინაიდან სხვისი მოყვარული ასრულებს რჯულს.

კოლ.3,14. 1ტიმ.1,5.

9 რადგან: „არ იმრუშო, არ მოკლა, არ მოიპარო, არ იყო ცრუ მოწმე, არ ინდომო“ და სხვა რამ მცნება შედის ამ სიტყვაში: „გიყვარდეს მოყვასი შენი, ვითარცა თავი შენი.“

გამოს.20,14. ლევ.19,18. 2შჯ.5,18. მათ.22,39. მარ.12,31. ლუკ.10,27. იაკ.2,8.

10 სიყვარული ბოროტს არ უზამს მოყვასს. ამიტომ სიყვარული რჯულის აღვსებაა.

შეიმოსეთ ნათლის საჭურველი

11 მაშ ასე, იმოქმედეთ, რადგან იცით დრო, რომ დადგა ძილისაგან თქვენი გამოღვიძების ჟამი. ვინაიდან ახლა უფრო ახლოა ჩვენი ხსნა, ვიდრე მაშინ, როცა ვირწმუნეთ.

ეფეს.5,14.

12 ღამე წავიდა და დღე მოახლოვდა. ამიტომ მოვიშორეთ სიბნელის საქმეები და შევიმოსეთ ნათლის საჭურველი.

საქ.17,30. 2კორ.4,5. ეფეს.5,11.

13 მოვიქცეთ თავდაჭერილად, როგორც დღისით: არა მსუნაგობით და ლოთობით, არა ავხორცობითა და თავაშვებულობით, არა ჩხუბით და შურით,

ლუკ.21,34.

14 არამედ შეიმოსეთ უფალი ქრისტე და ხორცზე ზრუნვას გულისთქმად ნუ გაიხდით.

1პეტ.2,11. გალ.5,16.

თ ა ვ ი 14

რატომ განიკითხავ ან ამცირებ შენს ძმას

1 რწმენაში უმტკიცები მიიღეთ, ოღონდ არა საკამათოდ აზრთა გამო.

2 ზოგს სჯერა, რომ ყველაფრის ჭამა შეიძლება, უძლური კი მხოლოდ მწვანილეულს ჭამს. 1კორ.10,25.

3 ვინც ჭამს, ნუ დაამცირებს იმას, ვინც არა ჭამს. და ვინც არა ჭამს, ნუ განიკითხავს იმას, ვინც ჭამს. იმიტომ რომ ღმერთმა მიიღო იგი.

4 ვინ ხარ შენ, სხვისი მონის განმკითხველი? თავისი უფლის წინაშე იგი დგას ან ეცემა, მაგრამ წამოყენებული იქნება, ვინაიდან ღმერთს ძალუძს მისი წამოყენება. იაკ.4,12.

5 ზოგი დღეს დღისგან განარჩევს, ზოგი კი ყველა დღეს ერთნაირად განიკითხავს. ყველა თავის რწმენაში იყოს მტკიცე.

6 ვინც იცავს დღეს, უფლისათვის იცავს, და ვინც ჭამს, უფლისათვის ჭამს, რადგან მადლობას სწირავს ღმერთს. ხოლო ვინც არ ჭამს, უფლისათვის არ ჭამს და მადლობას სწირავს ღმერთს. 1კორ.10,31. 1ტიმ.4,4.

7 ვინაიდან არც ერთი ჩვენგანი არ ცოცხლობს საკუთარი თავისათვის და არავინ კვდება საკუთარი თავისათვის.

1პეტ.4,2. 2კორ.5,15. 1თეს.5,10.

8 ვინაიდან, თუ ვცოცხლობთ, უფლისათვის ვცოცხლობთ და, თუ ვკვდებით, უფლისათვის ვკვდებით. და ამიტომ, ვცოცხლობთ თუ ვკვდებით, უფლისანი ვართ.

9 რადგან იმისათვის მოკვდა ქრისტე და გაცოცხლდა, რომ იუფლოს მკვდრებზეც და ცოცხლებზეც. მათ.28,18. საქ.10,42.

10 მაშ, შენ რატომ განიკითხავ შენს ძმას? ანდა რატომ ამცირებ შენს ძმას? ჩვენ ხომ ყველანი წარვდგებით ღვთის სამსჯავროს წინაშე. მათ.7,1-2. 2კორ.5,10.

11 რადგან წერია: „მე ცოცხალი ვარ, – ამბობს უფალი. ჩემს წინაშე მოიდრიკება ყოველი მუხლი და ყოველი ენა აღიარებს ღმერთს.“ ეს.45,23. მათ.26,64. ფილ.2,10.

12 ამრიგად, ყოველი ჩვენგანი საკუთარი თავისათვის ანგარიშს ჩააბარებს ღმერთს. მათ.12,36.

ისეთ რაიმეს ნუ გააკეთებ, რაც შენს ძმას აცდუნებს

13 ამიტომ ნულარ განვიკითხავთ ერთმანეთს, არამედ იმსჯელეთ იმაზე, რომ ძმამ ძმა არ დააბრკოლოს და არ აცდუნოს. მათ.18,7.

14 მე ვიცი და მწამს უფალ იესოში, რომ არაფერია უწმიდური თავისთავად; მხოლოდ მისთვის არის უწმიდური, ვინც არაწმიდად ჩათვლის რამეს. მათ.15,11.

15 თუ საჭმლის გამო შეწუხდება შენი ძმა, შენ უკვე აღარ

იქცევი სიყვარულით. შენი საქმლით ნუ დაღუპავ მას, ვისთვისაც მოკვდა ქრისტე. 1კორ.8,11.

16 დასაგმოები ნუ გახდება თქვენი სიკეთე.

17 ვინაიდან ღვთის სასუფეველი საქმელ-სასმელი კი არ არის, არამედ სიმართლე, მშვიდობა და სიხარული სულიწმიდაში.

1კორ.8,8. გალ.5,22.

18 ხოლო ვინც ამით ემსახურება ქრისტეს, იგი სასურველია ღვთისათვის და მოსაწონი – ადამიანთათვის.

19 მაშ, ვესწრაფოთ იმას, რაც მშვიდობასა და ერთმანეთის აღშენებას ემსახურება.

20 საქმლისათვის ნუ დაარღვევ ღვთის საქმეებს. ყოველივე წმიდაა, მაგრამ ბოროტია იმისათვის, ვინც შებრკოლებით ჭამს.

მათ.13,11.

21 უმჯობესია არა ჭამო ხორცი, არ დალიო ღვინო და არც სხვა რამ, რითაც შენი ძმა შებრკოლდება.

22 გაქვს რწმენა? გქონდეს შენთვის ღვთის წინაშე. ნეტარია ის, ვინც თავის თავს არ სდებს მსჯავრს იმის გამო, რასაც ირჩევს. 1იოან.3,21.

23 ვინც ეჭვობს ჭამისას, დამნაშავეა, ვინაიდან რწმენით არ იქცევა. ხოლო ყოველივე, რაც რწმენით არაა, ცოდვაა. ტიტ.1,15.

24 ხოლო მას, ვისაც ძალუძს თქვენი განმტკიცება, ჩემი სახარების და იესო ქრისტეს ქადაგების მიხედვით, იმ საიდუმლოს გამოცხადებით, რომელიც უკუნითიდან მიღუმებული იყო,

1კორ.2,7.

25 ხოლო ახლა გაცხადებულია წინასწარმეტყველური წერილებით, მარადიული ღვთის ბრძანებით ეუწყა ყველა ერს, რომ დაემორჩილონ რწმენას. ეს.42,16.

26 ერთადერთ ბრძენ ღმერთს, იესო ქრისტეს მეშვეობით, დიდება უკუნითი უკუნი სამდე. ამინ.

თ ა ვ ი 15

მიიღეთ ერთმანეთი, როგორც ქრისტემ მიგიღოთ

1 ხოლო ჩვენ, ძლიერთ, გვმართებს გზიდოთ უსუსურთა უძლურება და არ ვეძებოთ საკუთარი თავის სიამე.

2 ყოველი ჩვენგანი უნდა აამებდეს მოყვასს სასიკეთო აღშენებისათვის. 1კორ.10,24.

3 ვინაიდან ქრისტეც არ ეძებდა სიამეს თავისთვის, არამედ როგორც წერია: „შენი მლანძღველების ლანძღვა დამატყდა მე.“

ფსალ.68,10.

4 რადგან ყოველივე, რაც წინათ დაიწერა, ჩვენს სასწავლებლად დაიწერა, რათა მოთმინებით და წერილთა ნუგეშით გვქონდეს იმედი. რომ.4,23-24.

5 ხოლო მოთმინებისა და ნუგეშის ღმერთმა მოგცეთ თქვენ ერთმანეთში ერთსულოვნება ქრისტე იესოს მიერ.

1 კორ.1,10. ფილ.2,2.

6 რათა ერთსულოვნად, ერთი პირით ადიდოთ ღმერთი, ჩვენი უფლის იესო ქრისტეს მამა.

7 ამიტომ მიიღეთ ერთმანეთი ისევე, როგორც ქრისტემ მიგიღოთ თქვენ ღვთის სადიდებლად.

იოან.17,24.

ქრისტე მსახურად წინადაცვეთილებისთვის

8 ხოლო მე ვამბობ, რომ ქრისტე გახდა წინადაცვეთილთა მსახური ღვთის ჭეშმარიტებისათვის, რათა შესრულებულიყო მამებისათვის აღთქმული,

საქ.3,25. რომ.3,30.

9 და რათა წარმართებს განედიდებინათ ღმერთი შეწყალებისათვის, როგორც წერია: „ამისათვის გალიარებ წარმართებს შორის და ვუგალობებ შენს სახელს.“

2მფ.22,50. ფსალ.17,50.

10 და კვლავ ამბობს: „იხარებდეთ, წარმართნო, მის ხალხთან ერთად.“

2შჯ.32,43.

11 და კვლავ: „წარმართებო, აქებდეთ უფალს და, ხალხებო, ადიდებდეთ მას.“

ფსალ.116,1.

12 და კვლავ, ესაია ამბობს: „იყოს იესეს ფესვი, რომელიც აღდგება წარმართებზე საუფლოდ, მისი იმედი ექნებათ წარმართებს.“

ეს.11,10. გამოც.5,5.

13 ხოლო იმედის ღმერთმა აგავსოთ ყოველგვარი სიხარულით და მშვიდობით რწმენაში, რათა სულიწმიდის ძალით იუხვოთ იმედში.

რომ.12,12;14,17.

პავლე ქრისტეს მსახური წარმართებში

14 და თვითონ მეც, ძმანო, დარწმუნებული ვარ, რომ თქვენ თვითონაც სავსე ხართ სათნოებით, სავსე ხართ ყოველგვარი შემეცნებით და ძალგიძთ ერთმანეთის დარიგება.

15 მაგრამ ცოტა გავკადნიერდი, როცა გწერდით აქა-იქ, როგორც თქვენდამი შეხსენებას ღვთის მიერ ჩემთვის მოცემული მადლით –

16 ვიყო იესო ქრისტეს მსახური წარმართებთან და ღვთის სახარების მღვდელმსახური, რათა წარმართთა შესაწირავი იყოს სასურველი და სულიწმიდის მიერ წმიდა.

ეს.66,19. საქ.9,15. რომ.12,2.

17 ამიტომ ძალმიძს ვიქო ქრისტე იესოში ღვთის წინაშე.

18 რადგან ვერ გავკადნიერდები ვილაპარაკო ისეთი რამ, რაც არ გაუკეთებია ქრისტეს ჩემი მეშვეობით წარმართთა დასამორჩილებლად სიტყვით და საქმით,

19 ნიშნებისა და სასწაულების ძალით, ღვთის სულის ძალით, ისე, რომ იერუსალიმიდან და მისი შემოგარენიდან ილუტრიკი-ამდე გავავრცელე ქრისტეს სახარება.

20 თანაც, ვცდილობდი მეხარებინა არა იქ, სადაც უკვე ცნობილი იყო ქრისტეს სახელი, რათა არ მეშენებინა სხვის საძირკველზე, 1კორ.3.10.2კორ.10,15.

21 არამედ როგორც წერია: „ვისთვისაც არ გამოუცხადებიათ, დაინახვენ, და ვისაც არ მოუსმენია, მიხვდებიან.“ ეს.52,15.

ესპანეთში გამგზავრობის განზრახვა

22 ამის გამოც იყო, რომ მრავალგზის შემიფერხდა თქვენთან მოსვლა. რომ.1,13.

23 ხოლო ახლა, როცა ჯერ კიდევ არა მაქვს ადგილი ამ მხარეებში, ხოლო მრავალი წელია მსურს თქვენთან მოსვლა, 1თეს.3,10.

24 როგორც კი დავაპირებ ესპანეთში გამგზავრებას, გამოგივლით, ვინაიდან ვიმედოვნებ, რომ გნახავთ გავლისას, და თქვენ გამაცილებთ იქ, და ერთხანს მაინც დავტკბები თქვენთან ყოფნით.

25 ხოლო ახლა იერუსალიმში მივდივარ წმიდათა სამსახურად.

26 რადგან მაკედონიამ და აქაიამ ინებეს მოწყალების მიცემა ღარიბი წმიდებისათვის, რომლებიც იერუსალიმში არიან. 1კორ.16,1. 2კორ.8,4.

27 ინებეს და მოვალენიც არიან მათ წინაშე. ვინაიდან, თუ წარმართები ეზიარნენ მათ სულიერში, ხორციელადაც უნდა მოემსახურონ მათ. 1კორ.9,11.

28 ამრიგად, როცა დავამთავრებ ამას და ბეჭედს დავასვამ მათ ნაყოფს, თქვენთან გამოვლით წავალ ესპანეთისკენ.

29 ხოლო ვიცი, რომ თქვენთან მოსვლისას მოვალ ქრისტეს სახარების სრული კურთხევით. რომ.1,11.

30 შეგაგონებთ თქვენ, ძმანო, ჩვენი უფლით, იესო ქრისტეთი, და სულის სიყვარულით, ჩემთან ერთად იბეჯითოთ ჩემთვის ღვთისადმი ღოცვებში. 2კორ.1,11.

31 რათა გადავურჩე ურწმუნოებს იუდეაში და წმიდათათვის სასიამოვნო იყოს ჩემი სამსახური იერუსალიმისთვის. საქ.20,23.

32 რათა სიხარულით მოვიდე თქვენთან ღვთის ნებით და დავისვენო თქვენთან. რომ.1.10.

33 მშვიდობის ღმერთი იყოს ყველა თქვენგანთან. ამინ.

რომ.16,20. 1კორ.14,33.

თ ა ვ ი 16

ფიბეს შექება, მოკითხვა ცალკეულ პირებს

1 აჰა, წარმოგიდგენთ ჩვენს დას ფიბეს, რომელიც არის კენჭრელთა ეკლესიის მსახური,

2 რათა მიიღოთ იგი უფალში, როგორც წმიდებს შეეფერება,

და დაეხმაროთ ყველაფერში, რაც დასჭირდება თქვენთან, ვინაიდან ისიც ბევრის შემწე იყო და პირადად ჩემიც.

3 მოიკითხეთ პრისკილა და აკვილა, ჩემი თანამშრომელნი ქრისტე იესოში, საქ.18,2.

4 რომელნიც თავს სწირავდნენ ჩემი სიცოცხლისათვის და, რომელთაც არა მარტო მე ვემაღლიერები, არამედ წარმართთა ეკლესიებიც და მათი საშინაო ეკლესიაც. მათ.18,20.

5 მოიკითხეთ ჩემი საყვარელი ეპენეტოსი, რომელიც აზიაში პირველი ნაყოფია ქრისტესათვის.

6 მოიკითხეთ მარიამი, რომელმაც ბევრი იშრომა თქვენთვის.

7 მოიკითხეთ ანდრონიკე და იუნია, ჩემი ნათესავები და ჩემი თანატყვევები, რომელნიც განთქმული არიან მოციქულებს შორის და ჩემზე უწინაც ირწმუნეს ქრისტე.

8 მოიკითხეთ ამპლიასიც ჩემი საყვარელი უფალში.

9 მოიკითხეთ ურბანოსი, ჩვენი თანამშრომელი ქრისტეში, და ჩემი საყვარელი სტაქისი.

10 მოიკითხეთ ქრისტეში გამოცდილი აპელესი. მოიკითხეთ არისტობულეს შინაურნი.

11 მოიკითხეთ ჩემი ნათესავი იროდიონი. მოიკითხეთ ნარკისუსის შინაურნი, უფალში მყოფნი.

12 მოიკითხეთ უფალში მშრომელები, ტრიფენა და ტრიფოსასი. მოიკითხეთ საყვარელი პერსისი, რომელმაც ბევრი იშრომა უფალში.

13 მოიკითხეთ უფალში რჩეული რუფუსი და დედა მისი და ჩემი.

14 მოიკითხეთ ასვინკრიტესი, ფლეგონი, ერმესი, პატრობასი, ჰერმასი, და მათთან მყოფი ძმები.

15 მოიკითხეთ ფილოლოგოსი და იულია, ნირეასი და მისი და, ოლიმპასი და მათთან მყოფი ყველა წმიდა.

16 მოიკითხეთ ერთმანეთი წმიდა ამბოროთ. მოკითხვას გითვლით ქრისტეს ყველა ეკლესია. 1პეტ.5,14. 1კორ.16,20. 2კორ.13,12.

გაფრთხილება განხეთქილების წინააღმდეგ

17 შეგაგონებთ, ძმანო, მოერიდეთ მათ, ვინც განხეთქილებასა და საცდურს ქმნის წინააღმდეგ იმ მოძღვრებისა, რომელიც თქვენ ისწავლეთ, და ზურგი აქციეთ მათ.

მათ.18,17. საქ.15,24. 1კორ.15,11. გალ.5,9. ფილ.3,2. კოლ.2,8.

18 ვინაიდან ასეთი ადამიანები ემსახურებიან არა ჩვენს უფალს იესო ქრისტეს, არამედ თავიანთ მუცელს და ღამაში სიტყვებით და მოფერებით აცდენენ უმანკოთა გულებს.

ფილ.3,18-19.

19 რადგან თქვენი მორჩილება ყველასათვის ცნობილია. ამი-

ტომ მოხარული ვარ თქვენს გამო, მაგრამ მინდა, რომ ბრძენნი იყოთ სიკეთისათვის და უბრალონი ბოროტისათვის.

20 ხოლო მშვიდობის ღმერთი მალე თქვენს ფერხთით შემუსრავს სატანას. ჩვენი უფლის იესო ქრისტეს მადლი თქვენთანაა. ამინ.

გამოც.12,10.

მოკითხვა პავლეს თანამშემწეებიდან და კურთხევა

21 მოკითხვას გითვლიან ჩემი თანამშრომელი ტიმოთე და ჩემი ნათესავები ლუკიოსი, იასონი, და სოსიპატროსი. საქ.16,1. ფილ.2,19.

22 მოკითხვას გითვლიან უფალში ტერტოსი, რომელმაც დავწერე ეს წერილი.

23 მოკითხვას გითვლიან ჩემი მასპინძელი გაიოზი და მთელი ეკლესია. მოკითხვას გითვლიან ქალაქის ხაზინადარი ერასტოსი და ძმა კვარტოსი.

24 ჩვენი უფლის იესო ქრისტეს მადლი ყოველ თქვენგანთან. ამინ.



პ ა ვ ლ ე მ ო ც ი ქ უ ლ ი ს პ ი რ ვ ე ლ ი წ ე რ ი ლ ი კ ო რ ი ნ თ ე ლ თ ა მ ი მ ა რ თ

თ ა ვ ი 1

მოკითხვა კორინთოს ეკლესიას

1 პავლე, იესო ქრისტეს მოწოდებული მოციქული ღვთის
ნებით და ძმა სოსთენი, საქ.18,17. რონ.1,1.

2 ღვთის ეკლესიას, რომელიც კორინთოშია, ქრისტე იესოში
წმიდად გამხდართ, მოწოდებულ წმიდებს, ყველასთან ერთად,
ვინც მოუხმობს ჩვენი უფლის იესო ქრისტეს სახელს, ყველა
ადგილას – მათთან და ჩვენთან: იოან.17,19. საქ.15,9. 1თეს.4,7. 2ტიმ.2,19.

3 მადლი თქვენ და მშვიდობა ჩვენი მამა ღმერთისა და
უფალ იესო ქრისტესაგან. 1პეტ 1,2.

მადლობა მათთვის მიცემული მადლისთვის

4 მარადის გმადლობ ღმერთს თქვენთვის, ღვთის მადლისა-
თვის, რომელიც გებოძათ თქვენ ქრისტე იესოში, 2თეს.1,3.

5 იმიტომ, რომ გამდიდრდით მასში ყოველივეთი, ყოველ-
გვარი სიტყვით და ყოველგვარი შემეცნებით, კოლ.1,9.

6 რადგან ქრისტეს მოწმობა განმტკიცდა თქვენში, – 1კორ.2,2.

7 ისე, რომ არ გაკლიათ არავითარი ნიჭი ჩვენი უფლის იესო
ქრისტეს გამოცხადების მოლოდინში, 1კორ.12,11. ფილ.3,20. ტიტ.2,13.

8 ვინც განგამტკიცებთ თქვენ ბოლომდე, რათა უმწიკვლო
იყოთ ჩვენი უფლის იესო ქრისტეს დღეს. 1თეს.3,13.

9 სარწმუნოა ღმერთი, რომლისგანაც იქენით მოწოდებულნი
მის ძესთან, ჩვენს უფალ იესო ქრისტესთან საზიაროდ. 1თეს.5,24.

შეგონება განხეთქილების შესახებ

10 ხოლო მე შეგაგონებთ, ძმანო, ჩვენი უფლის იესო ქრისტეს სახელით, რომ ყველანი ამბობდეთ ერთსა და იმავეს, და არ იყოს თქვენში განხეთქილება, არამედ გაერთიანებულნი იყოთ გონებით და აზრით. რომ.15.5. ფილ.2.2.

11 რადგან ჩემთვის ცნობილი გახდა, ძმანო, ქლოეს ხალხის საშუალებით, რომ თქვენს შორის დავაა.

12 მე ვგულისხმობ, რომ ყოველი თქვენგანი ამბობს: მე პავლესი ვარ, მე აპოლოსი, მე კეფასი, მე კი ქრისტესიო. საქ.18.24.

13 განა გაიყო ქრისტე? განა პავლე ეცვა ჯვარს თქვენთვის? ან პავლეს სახელით მოინათლეთ? ეფეს.4.5.

14 მადლობას ვწირავ ღმერთს, რომ არც ერთი თქვენგანი არ მომინათლავს, გარდა კრისპოსის და გაიოზისა, საქ.18.8.

15 რათა ვინმემ არ თქვას, რომ ჩემი სახელით მოინათლეთ.

16 მოვნათლე აგრეთვე სტეფანას სახლი. მათ გარდა კი, არ ვიცი, თუ მოვნათლე ვინმე,

17 რადგან ქრისტეს არ მოვუვლენივარ მოსანათლავად, არამედ სახარებლად. არა ბრძნული სიტყვებით, რათა არ გაუქმებულიყო ქრისტეს ჯვარი. 2პეტ.1.16. 1კორ.2.13.

ჯვარცმული ქრისტე ღვთის ძალაა და სიბრძნე

18 ვინაიდან სიტყვა ჯვრის შესახებ სისულელეა მათთვის, რომელნიც ილუპებიან, ხოლო ჩვენთვის, რომელნიც გადავრჩებით, ღვთის ძალაა. საქ.17,18. რომ.1,16.

19 რადგან წერია: „ბრძენთა სიბრძნეს მოვსპობ და გონიერთა გონიერებას უკუვაგდებ.“ ეს.29,14.

20 სად არის ბრძენი? სად არის მწიგნობარი? სად არის ამ წუთისოფლის მოკამათე? განა სისულელედ არ აქცია ღმერთმა ქვეყნიერების სიბრძნე? ეს.33,18:44,25.

21 ვინაიდან, რაკი ღვთაებრივ სიბრძნეში ვერ იცნო ღმერთი წუთისოფელმა თავისი სიბრძნით, ღვთისთვის სათნო იყო მორწმუნეთა ხსნა ქადაგების უგუნურებით. მათ.11,25.

22 რადგან იუდეველნი მოითხოვენ სასწაულებს და ბერძნები სიბრძნეს ეძებენ, მათ.12,38;16,1.

23 ხოლო ჩვენ ვქადაგებთ ჯვარცმულ ქრისტეს: იუდეველთათვის საცდურს და ბერძენთათვის – უგუნურებას, ეს.8,14. საქ.17,18. რომ.9,32.

24 ხოლო მოწოდებულთათვის – იუდეველებისთვისაც და ბერძნებისთვისაც: ვქადაგებთ ქრისტეს – ღვთის ძალას და ღვთის სიბრძნეს.

25 რადგან უგუნურება ღვთისა ადამიანებზე უბრძენესია, და სისუსტე ღვთისა – ადამიანებზე უძლიერესი. რომ.1,16. კოლ.2,3.

26 ნახეთ, ძმანო, ვინ ხართ მოწოდებულნი: ბევრი არ არის

ხორციელად ბრძენი, ბევრი არ არის ძლიერი და ბევრი არ არის წარჩინებული. იოან.7,48. იაკ.2,5.

27 არამედ წუთისოფლის უმეცარნი ამოარჩია ღმერთმა, რათა შეარცხვინოს ბრძენები, და წუთისოფლის უძლურნი ამოარჩია ღმერთმა, რათა შეარცხვინოს ძლიერნი. 2კორ.10,5.

28 მდაბიონი ამოარჩია ღმერთმა და დამცირებულნი, და არარსებული, რათა გააუქმოს არსებული -

29 იმისათვის, რომ არავითარი ძე ხორციელი არ იქადოდეს ღვთის წინაშე. რომ.3,27. ეფეს.2,9.

30 იმისგან ხარტ თქვენ ქრისტე იესოში, რომელიც გახდა ჩვენთვის სიბრძნედ ღვთისაგან, სიმართლედ, განწმედად და გამოსყიდვად. იერ.23,5. იოან.17,19. 1პეტ.1,18. კოლ.2,3.

31 რათა იყოს, როგორც წერია: „ვინც იქადის, უფლით დაიქადოს.“ იერ.9,24. 2კორ.10,17.

თ ა ვ ი 2

პავლე ახარებს მხოლოდ ჯვარცმულ ქრისტეს

1 და მეც მოვედი თქვენთან, ძმებო, მოვედი ღვთის მოწმობის საუწყებლად, არა ამაღლებული სიტყვით ან სიბრძნით, 1კორ.1,17.

2 რადგან გადავწყვიტე არაფერი მცოდნოდა თქვენს შორის, გარდა იესო ქრისტესი და ისიც ჯვარცმულისა. 1კორ.1,23;15,3. ფილ.3,8.

3 და ვიყავი თქვენთან უძლურებაში, შიშში და დიდ ძრწოლაში. საქ.18,1.

4 და ჩემი სიტყვა და ქადაგება ჩემი სიბრძნის დამარწმუნებელი სიტყვებით კი არ იყო, არამედ სულისა და ძალის გამოცხადებით. 2პეტ.1,16.

5 რათა თქვენი რწმენა იყოს არა კაცთა სიბრძნით, არამედ ღვთის ძალით. 2კორ.6,7.

ვქადაგებ არაადამიანურ სიბრძნეს შესწავლილი სიტყვებით

6 ოღონდ სიბრძნეს ვლაპარაკობთ სულიერად მოწიფულთა შორის, არა წუთისოფლის სიბრძნეს, არც წუთისოფლის მთავართა, რომელნიც წარმაგალნი არიან, იაკ.3,15.

7 არამედ ვლაპარაკობთ ღვთის სიბრძნეს საიდუმლოებაში, დაფარულს, რომელიც წინასწარ განსაზღვრა ღმერთმა საუკუნეთა უწინარეს ჩვენი დიდებისთვის, რომ.14,24. ეფეს.3,9.

8 რაც ვერავინ შეიცნო წუთისოფლის მთავართაგან. ვინაიდან, რომ შეეცნოთ, ჯვარს არ აცვამდნენ დიდების უფალს. მათ.11,25. საქ.13,27. 2კორ.3,14.

9 მაგრამ, როგორც წერია: „რაც თვალს არ უნახავს, ყურს

არ სმენია, კაცს გულში არ გაუვლია, ღმერთმა ის მოუმზადა თავის მოყვარულებს.“
ეს.64,4.

10 ჩვენ კი გაგვიმხილა ღმერთმა თავისი სულით. ვინაიდან სული ჭვრეტს ყოველივეს, ღვთის სიღრმეებსაც.

მათ.13,11. მარ.4,11. იოან.4,26.

11 ვინაიდან, რომელმა ადამიანმა იცის, რა არის ადამიანში, გარდა ადამიანის სულისა, რომელიც მასშია? ასევე ღვთისა არავინ არაფერი იცის, გარდა ღვთის სულისა.
რომ.11,33.

12 ხოლო ჩვენ მივიღეთ არა წუთისოფლის სული, არამედ სული ღვთისაგან, რათა ვიცოდეთ ღვთისაგან ჩვენთვის მონიჭებული.
რომ.8,15.

13 და ამას ვლაპარაკობთ არა ადამიანთა სიბრძნით შესწავლილი სიტყვებით, არამედ სულიწმიდისაგან შესწავლილით. სულიერს სულიერით განვმარტავთ.
1კორ.1,17.

14 აი, მშვენიერი ადამიანი არ ღებულობს იმას, რაც ღვთის სულისაგან არის, ვინაიდან უგუნურებად მიიჩნევს და არც ძალუძს შეცნობა, რადგან სულიერად არის განსასჯელი.
რომ.8,5.

15 ხოლო სულიერი განსჯის ყოველივეს, თავად კი არავისგან არ განისჯება.
იგ.28,5.

16 რადგან ვინ შეიცნო უფლის აზრი, რათა ასწავლოს მას? ჩვენ კი გვაქვს ქრისტეს აზრი.
ეს.40,13. რომ.11,34.

თ ა ვ ი 3

მე დავრგე, აპოლომ მორწყა, მაგრამ ღმერთმა გაზარდა

1 ხოლო მე არ შემეძლო თქვენთან ლაპარაკი, ძმანო, როგორც სულიერებთან, არამედ როგორც ხორციელებთან, როგორც ჩვილებთან ქრისტეში.
ეფეს.4,14.

2 რძეს გასმევდით თქვენ და არა საჭმელს, ვინაიდან მაშინ არ შეგეძლოთ და ახლაც არ ძალგიძთ,
1პეტ.2,2.

3 იმიტომ, რომ ჯერ კიდევ ხორციელნი ხართ. ვინაიდან თუ შური და დავაა თქვენს შორის, განა ხორციელნი არა ხართ და ადამიანისებურად არ იქცევით?

4 რადგან, როცა ერთი ამბობს: მე პავლესი ვარ, ხოლო მეორე: მე აპოლოსი ვარო, განა ხორციელნი არა ხართ?
1კორ.1,12.

5 აბა, ვინ არის პავლე? ვინ არის აპოლო? მხოლოდ მსახურნი, რომელთა მეშვეობითაც ირწმუნეთ, როგორც თითოეულს მისცა უფალმა.
რომ.12,6.

6 მე დავრგე, აპოლომ მორწყა, მაგრამ ღმერთმა გაზარდა.

მარ.16,20. საქ.19,1.

7 იმიტომ არც დამრგველია არაფერი, არც მომრწყელი, არამედ გამზრდელი ღმერთი.

8 დამრგველი და მომრწყველი ერთი და იგივეა. ხოლო თითოეული მიიღებს თავის საზღაურს თავისი შრომისამებრ,

9 ვინაიდან ჩვენ ღვთის თანამშრომელნი ვართ, თქვენ კი – ღვთის ყანა და ღვთის შენობა. ეს.5,1:61,3.

არავის შეუძლია სხვა საძირკვლის ჩაყრა

10 მე, ღვთის მიერ ჩემთვის ბოძებული მადლით, როგორც ბრძენმა ხუროთმოძღვარმა. საძირკველი დავუდე, ხოლო სხვა აშენებს მასზე. მაგრამ თითოეულმა უყუროს, როგორ აშენებს მასზე.

11 ვინაიდან არავის არ ძალუძს დაუდოს სხვა საძირკველი, გარდა იმისა, რაც დადებულია, რომელიც არის იესო ქრისტე.

ეს.28.16. ეფეს.2,22.

12 და თუ ვინმე აშენებს ამ საძირკველზე – ოქროს, ვერცხლს. პატიოსან ქვებს, ძელს, ნამჯას, –

13 თითოეულის საქმე გამომჟღავნდება. ვინაიდან ღლე გამოაჩენს, რადგან ის ცეცხლით გამოცხადდება და თითოეულის საქმეა. როგორიც ის არის, ცეცხლი გამოცდის. ეს.48.10. 1პეტ.1.7.

14 ვისი დაშენებულიც გაძლებს, ის მიიღებს საზღაურს.

15 ვისი საქმეც დაიწვება, ის იზარალებს. თვითონ კი გადარჩება. მაგრამ როგორც ცეცხლიდან.

თქვენ ხართ ღვთის ტაძარი

16 ნუთუ არ იცით, რომ ღვთის ტაძარი ხართ და ღვთის სული ცოცხლობს თქვენში?

იოან.14.23. რომ.8.9. 1კორ.6,19. 2კორ.6,16. ებრ.3,6. გალ.4,6.

17 თუ ვინმე აზიანებს ღვთის ტაძარს, ღმერთი დააზიანებს მას, რადგან წმიდაა ღვთის ტაძარი, და ეს თქვენა ხართ.

ნურავინ დაიკვეხნის ადამიანით

18 ნურავინ აცდუნებთ თავს. თუ ვინმეს ამ წუთისოფელში თავისი თავი ბრძნად წარმოუდგენია, გაუგუნურდეს, რათა ბრძენი გახდეს. ეს.5.21.

19 ვინაიდან ამ წუთისოფლის სიბრძნე უგუნურებაა ღვთის წინაშე, როგორც წერია: „მათ ცბიერებაში შეიპყრობს ბრძენებს.“ იობ.5.13.

20 და კიდევ: „იცის უფალმა ბრძენთა ზრახვანი. რომ ამაოა ისინი.“ ფსალ.93.11.

21 ამიტომ ნურავინ დაიკვეხნის ადამიანებით, ვინაიდან ყოველივე თქვენია.

22 გინდ პავლე, გინდ აპოლო. გინდ კეფა, გინდ წუთისოფელი, გინდ სიცოცხლე, გინდ სიკვდილი, გინდ აწმყო და გინდ მყოფადი – ყოველივე თქვენია.

23 თქვენ ხომ ქრისტესი ხართ, ქრისტე კი ღვთისაა.

თ ა ვ ი 4

უფალია ჩემი მსაჯული

1 ადამიანმა ისე ჩავთვალოს ჩვენ, როგორც ქრისტეს მსახური და ღვთის საიდუმლოთა განმგებელნი. 2კორ.6.4.

2 აქ განმგებელთაგან მოითხოვენ, რომ ვინმე აღმოჩნდეს სარწმუნო. მათ.24,45. ლუკ.12,42.

3 ხოლო ჩემთვის უმნიშვნელო რამაა, თქვენ განმსჯით მე თუ ადამიანთა სამსჯავრო. მე თვითონაც არ განვსჯი ჩემს თავს.

4 ვინაიდან არაფერი ვიცი ჩემს თავზე, მაგრამ ამით არ ვმართლდები. ჩემი განმსჯელი ხომ უფალია.

გამოც.34,7. იოან.9,2. საქ.23,1.

5 ამიტომ ნუ განსჯით უჟამოდ, ვიდრე მოვიდოდეს უფალი, რომელიც გაანათებს ბნელში დამალულს და გამოაჩენს გულის ზრახვებს, და მაშინ ექნება თითოეულს ქება ღვთისაგან.

მათ.7,1:25,21. რომ.2,1.

უგუნურები ქრისტეს გულისათვის

6 და ეს, ძმანო, ნიმუშად დავუდე ჩემს თავს და აპოლოსს თქვენი გულისათვის, რათა ისწავლოთ ჩვენგან, რომ არ გადახვიდეთ დაწერილს და არ გაუყოყოჩდეთ ერთმანეთს.

იგ.3.7. რომ.12,3.

7 რადგან, ვინ განგასხვავებს? რა გაქვს, რაც არ მიგილია? ხოლო თუ მიიღე, რად იკვებხი, თითქოს არ მიგელოს, იოან.3,27.

8 დიახ, უკვე გაძეხით, უკვე გამდიდრდით, ჩვენს გარეშე გამეფდით. და ნეტა მართლა მეფობდეთ, რომ ჩვენც ვმეფობდეთ თქვენთან ერთად.

9 რადგან ვფიქრობ, რომ ჩვენ, მოციქულებს, ღმერთმა უკანასკნელი ადგილი მოგვიჩინა, როგორც სიკვდილმისჯილებს. ვინაიდან სანახაობად გავხდით წუთისოფლისათვის, ანგელოზებისთვისაც და ადამიანებისთვის. ფსალ.43,23. რომ.8,36. 2კორ.4,11.

10 ჩვენ უგუნურები ვართ ქრისტეს გულისათვის, თქვენ კი ბრძენები ხართ ქრისტეში. ჩვენ უძლურნი ვართ, თქვენ კი ძლიერნი. თქვენ დიდებულნი, ჩვენ კი უპატიონი.

11 ჩვენ ამ ჟამამდე მშივრები და მწყურვალეები ვართ, შიშვლები და ნაცემნი, და მოხეტიალენი.

12 ვშრომობთ და ჩვენი ხელებით ვმუშაობთ. გვლანძღავენ – ვლოცავთ, გვდევენ – ვითმენთ.

მათ.5,44. ლუკ.23,34. საქ.7,60:20,34. 1თეს.2,9. 2თეს.3,8.

13 სახელს გვითმენ – ვეფერებით. და გავხდით განახვეტი წუთისოფლისა, ყველაფრის ნაგავი აქამდე.

პავლე შეაგონებს

14 თქვენდა შესარცხვენად როდი ვწერ ამას, არამედ შეგაგონებთ, როგორც ჩემს საყვარელ შვილებს.

15 ვინაიდან თუნდაც ათი ათასი აღმზრდელი გყავდეთ ქრისტეში, მამები ბევრი არა გყავთ, რადგან მე გშობეთ თქვენ ქრისტე იესოში სახარებით. გალ.4,19. ფილ.1,10.

16 ამიტომ შეგაგონებთ თქვენ: მომბაძეთ მე.

17 ამისათვის გამოვგზავნე თქვენთან ტიმოთე, ჩემი საყვარელი და ერთგული შვილი უფალში, და ის გაგახსენებთ ჩემს გზებს ქრისტე იესოში, როგორ ვასწავლი ყოველ ადგილას, ყოველ ეკლესიაში.

18 ზოგიერთები გაამპარტავნდნენ, თითქოს არ მოვიდოდე თქვენთან,

19 მაგრამ მალე მოვალ თქვენთან, თუ უფალი ინებებს, და გამოვცდი არა ქედმაღლურ სიტყვებს, არამედ ძალას. საქ.18,21. იაკობ.4,15.

20 რადგან ღვთის სასუფეველი არის არა სიტყვაში, არამედ ძალაში. 1კორ.2,4.

21 რა გსურთ? არგნით მოვიდეთ თქვენთან თუ სიყვარულით და თავმდაბლობის სულით? 2კორ.13,10.

თ ა ვ ი 5

მეძავი უნდა იყოს მოცილებული

1 ხმა დადის საერთოდ, რომ სიძვაა თქვენში, თანაც ისეთი სიძვა, რომლის მსგავსი წარმართებშიც კი არ არის, რომ ვილაცას მამის ცოლი ჰყავს. ლევ.18,8.

2 და თქვენ კიდევ ქედმაღლობთ იმის ნაცვლად, რომ გლობობდეთ, რათა მოიკვეთოს თქვენგან ასეთი საქმის ჩამდენი.

3 თუმცა სხეულით არა ვარ თქვენთან, სულით ვიმყოფები. უკვე მსჯავრი დავდე მას, თითქოს თქვენთან ვყოფილიყავი, ვინც ასეთი საქმე ჩაიდინა,

4 ჩვენი უფლის იესო ქრისტეს სახელით. როცა შეიკრიბებით ჩემი სულის თანდასწრებით, ჩვენი უფლის იესო ქრისტეს ძალით,

5 ასეთი კაცი გადაეცეს სატანას ხორცის დასაღუპავად, რათა სული გადარჩეს ჩვენი უფლის იესოს დღეს. ფსალ.108,6. 1ტიმ.1,20. კოლ.2,5.

6 არ შეგფერით კვებხა. ნუთუ არ იცით, რომ მცირეოდენი საფუარი მთელ ცომს აფუებს? 1კორ.15,33. გალ.5,9. 2ტიმ.2,17.

7 გაწმიდეთ ძველი საფუარი, რათა იყოს ახალი ცომი, რამდენადაც ხმიალები ხართ, ვინაიდან ჩვენი პასეჟი, ქრისტე, ჩვენთვის შეეწირა. ეს.53,7.

8 ამიტომ ვიდღესასწაულოთ არა ძველი საფუარით, არა ბოროტებისა და უკეთურების საფუარით, არამედ სიწმიდისა და ჭეშმარიტების ხმიადით.

გარეშეებს ღმერთი განიკითხავს

9 წერილში გწერდით, რომ არ იქონიოთ ურთიერთობა გარყვნილ ხალხთან.

10 არა საერთოდ ამ წუთისოფლის გარყვნილებთან ან ხარბებთან, მტაცებლებთან ან კერპთაყვანისმცემლებთან, ვინაიდან მაშინ თქვენ უნდა განშორებოდით წუთისოფელს.

11 არამედ გწერდით თქვენ, რომ არ იქონიოთ კავშირი იმასთან, ვინც ძმად იწოდება, მაგრამ გარყვნილია, ან ხარბი, ან კერპთაყვანისმცემელი, ან მაგინებელი, ან ლოთი, ან მტაცებელი. ასეთთან არც კი ჭამოთ. მათ.18,17. რომ.16,17. 2თეს.3,14.

12 ვინაიდან მე რატომ განვიკითხო გარეშეები? განა თქვენ შინაურებს არ განიკითხავთ?

13 გარეშეებს ღმერთი განიკითხავს. მოიშორეთ ბოროტი თქვენგან.

თ ა ვ ი 6

განკითხვა ურწმუნოსაგან მორწმუნისა

1 როგორ გაბედავს ვინმე თქვენგანი, თავისიანთან რომ აქვს დავა, ურჯულოებთან მივიდეს სამსჯავროზე და არა წმიდებთან?

2 ნუთუ არ იცით, რომ წმიდები განიკითხავენ წუთისოფელს? ხოლო თუ განიკითხავთ წუთისოფელს, განა მცირე საქმეთა განკითხვის ღირსნი არა ხართ? მათ.19,28. გამოც.20,4.

3 ნუთუ არ იცით, რომ ანგელოზებს განვიკითხავთ, მით უმეტეს საერო საქმეებს.

4 თქვენ კი, როცა საერო საქმეები გაქვთ, თქვენს განმკითხველებად მათ აყენებთ, ვინც არაფრად არის მიჩნეული ეკლესიაში.

5 თქვენდა სამარცხვინოდ ვამბობ ამას: ნუთუ თქვენში არ მოიპოვება ერთი ბრძენი, რომ შეეძლოს განკითხვა თავის ძმებს შორის?

6 მაგრამ ძმა ძმას ედავება, და თანაც ურწმუნოთა წინაშე.

7 და ისიც მეტად დამამცირებელია თქვენთვის, რომ ერთმანეთს ედავებით. რატომ არ არჩევთ ნაწყენად დარჩენას? რატომ არ არჩევთ დაზარალებულად დარჩენას?

მათ.5,40. ლუკ.6,29. რომ.12,19. 1თეს.5,15.

8 მაგრამ თქვენ უსამართლოდ ექცევით და ართმევთ, თანაც თქვენს ძმებს.

9 ნუთუ არ იცით, რომ უსამართლონი ვერ დაიმკვიდრებენ ღვთის სასუფეველს? თავს ნუ მოიტყუებთ: ვერც მეძავნი, ვერც კერპთაყვანისმცემელნი, ვერც მრუშნი, ვერც მხდალნი, ვერც მამათმავალნი,
გალ.5,21. ეფეს.5,5.

10 ვერც მპარავნი, ვერც ხარბნი, ვერც ლოთნი, ვერც მლანძღველნი, ვერც მტაცებელნი ვერ დაიმკვიდრებენ ღვთის სასუფეველს.

11 ასეთი იყო ზოგიერთი თქვენგანი. მაგრამ განიბანეთ, მაგრამ წმიდა გახდით, მაგრამ გამართლდით ჩვენი უფლის იესო ქრისტეს სახელით და ჩვენი ღვთის სულით.
ეფეს.2,2. ტიტ.3,3.

ფასით ხართ ნაყიდი. აღიდეთ ღმერთი

12 ყოველივე ნებადართულია ჩემთვის, მაგრამ ყველაფერი სასარგებლო როდია. ყოველივე ნებადართულია ჩემთვის, მაგრამ მე არაფერს დავემონები.
1კორ.10,23.

13 საჭმელი მუცლისათვის, ხოლო მუცელი საჭმლისათვის. მაგრამ ღმერთი მოსპობს ერთსაც და მეორესაც. სხეული კი არის არა მრუშობისათვის, არამედ უფლისათვის, ხოლო უფალი – სხეულისათვის.
მათ.22,30. რომ.6,13,19.

14 ხოლო ღმერთმა აღადგინა უფალი და ჩვენც აღგვადგენს თავისი ძალით.
2კორ.4,14. 1თეს.4,14.

15 ნუთუ არ იცით, რომ თქვენი სხეულები ქრისტეს ასოებია? განა ავიღებ ქრისტეს ასოებს და მეძავის ასოებად ვაქცევ? არამც და არამც!
ეფეს.5,30.

16 ანდა, ნუთუ არ იცით, რომ ვინც მეძავს უერთდება, ერთი სხეული ხდება მასთან ერთად? რადგან ნათქვამია: „ორი ერთ ხორცად იქნება.“
დაბ.2,24. მათ.19,5. მარ.10,7. ეფეს.5,31.

17 ხოლო ვინც უფალს უერთდება, ერთი სული იქნება უფალთან.

18 გაექცით სიძვას. ყოველი ცოდვა, რომელსაც ადამიანი სჩადის, სხეულის გარეშეა, ხოლო მეძავი საკუთარი სხეულის წინააღმდეგ სცოდავს.

19 ანდა, ნუთუ არ იცით, რომ თქვენი სხეულები ტაძარია თქვენში სულიწმიდისა, რომელიც ღვთისაგან გაქვთ, და რომ თქვენს თავს არ ეკუთვნით?
კორ.3,16. 2კორ.6,16. 1პეტ.2,5.

20 ვინაიდან ფასით ხართ ნაყიდნი. ამიტომ აღიდეთ ღმერთი თქვენი სხეულით და თქვენი სულებით, რომლებიც ღვთისაა.

საქ.20,28. გალ.3,13. 1პეტ.1,19.

თ ა ვ ი 7

ქორწინებაზე

1 ხოლო იმის შესახებ, რაც თქვენ მომწერეთ: კაცისათვის კარგია, არ გაეკაროს დიაცს.

2 მაგრამ სიძვის თავიდან ასაცილებლად ყოველ მამაკაცს ჰყავდეს თავისი ცოლი და ყოველ დედაკაცს – თავისი ქმარი.

3 ქმარმა ჯეროვანი პატივი უნდა სცეს ცოლს, აგრეთვე ცოლმაც ქმარს. 1 პეტ. 3, 7.

4 ცოლი არ უფლობს თავის სხეულზე, არამედ ქმარი. ასევე ქმარიც არ უფლობს თავის სხეულზე, არამედ ცოლი.

5 ნუ განშორდებით ერთმანეთს, გარდა შეთანხმებისა, დროებით, რომ მოიცალოთ ლოცვისათვის, და კვლავ ერთად იყოთ, რათა არ გამოგცადოთ სატანამ თქვენი თავშეუკავებლობით.

იოვ. 2, 16.

6 ხოლო ამას ვამბობ დასაშვებად და არა ბრძანებით.

7 ვინაიდან მსურს, ყველა ადამიანი იყოს, როგორც მე ვარ. მაგრამ ყველას თავისი ნიჭი აქვს ღვთისაგან, ზოგს ასე და ზოგს ისე. მათ. 19, 12.

უქორწილონი და ნაქორწილარნი დარჩნენ, როგორც არიან

8 ხოლო დაუქორწინებლებს და ქვრივებს ვეუბნები, რომ მათთვის კარგია ჩემსავით დარჩნენ.

9 მაგრამ თუ თავშეკავება არ ძალუძთ, იქორწინონ. ვინაიდან უმჯობესია იქორწინონ, ვიდრე აღეგზნონ. 1 ტიმ. 5, 14.

10 ხოლო დაქორწინებულებს ვამცნებ არა მე, არამედ უფალი: ცოლი არ გაეყაროს ქმარს. 2 შჯ. 24, 1. მათ. 5, 32; 19, 6. მარ. 10, 11 ლუკ. 16, 18.

11 ხოლო თუ გაეყრება, უქორწინოდ დარჩეს ანდა ქმარს შეურიგდეს. ქმარი ნუ დატოვებს თავის ცოლს.

12 სხვებს კი ვეუბნები მე და არა უფალი: თუ ვინმე ძმას ჰყავს ურწმუნო ცოლი და ის ქალი თანახმაა მასთან იცხოვროს, ნუ დატოვებს იმ ცოლს.

13 დედაკაცი, რომელსაც ურწმუნო ქმარი ჰყავს და მას სურს მასთან ცხოვრება, ნუ დატოვებს ქმარს.

14 ვინაიდან ურწმუნო ქმარი განიწმიდება ცოლით და ურწმუნო ცოლი განიწმიდება ქმრით. სხვანაირად თქვენი შვილები არაწმიდები იქნებოდნენ, ახლა კი წმიდები არიან.

15 მაგრამ თუ ურწმუნოს სურს გაყრა, გაეყაროს. ასეთ ვითარებაში ძმა ან და დამონებულნი არ არიან, რადგან მშვიდობისაკენ მოგვიწოდა ღმერთმა. რომ. 12, 18. 1 კორ. 14, 33.

16 ვინაიდან, რა იცი შენ, ცოლო, იქნებ იხსნა ქმარი? ანდა რა იცი შენ, ქმარო, იქნებ იხსნა ცოლი?

თითოეული მოიქცეს ისე, როგორც ღმერთმა უწილხვედრა

17 თითოეული ისე მოიქცეს, როგორც ღმერთმა უწილხვედრა და თითოეული – როგორც უფალმა მოუწოდა. და ასე ვუწესებ მე ყოველ ეკლესიას. საქ. 15, 28. ეფეს. 4, 1.

18 თუ რომელიმე მოწოდებული წინადაცვეთილია, ნუ დამა-

ლავს. თუ რომელიმე მოწოდებული წინადაუცვეთელია, ნუ წინადაიცვეთს.

19 არაფერია წინადაცვეთა და არაფერია წინადაუცვეთლობა, არამედ ღვთის მცნებათა დაცვა. გალ.5,6.

20 თითოეული დარჩეს იმ მოწოდებაში, რომელშიც მოუწოდეს. 1თეს.2,12.

21 თუ მოწოდებული ხარ, როგორც მონა, ნუ ითაკილებ. მაგრამ თუ ძალგიძს გათავისუფლება, უმჯობესია ისარგებლო.

22 ვინაიდან უფალში მოწოდებული მონა უფლის თავისუფალია. ასევე მოწოდებული თავისუფალიც ქრისტეს მონაა. იოან.8,36. რომ.6,22.

23 ფასით ხართ ნაყიდნი, ნუ გახდებით ადამიანთა მონები. 1კორ.6,20.

24 ძმანო, თითოეული იმ მოწოდებით დარჩეს ღვთის წინაშე, რომელშიც მოწოდებული იყო.

ქალწულების და ქვრივების ქორწინებაზე

25 უქორწინებელთა შესახებ არა მაქვს ბრძანება უფლისაგან, მხოლოდ ჩემს რჩევას გაუწყებთ, რადგან შემიწყალა უფალმა, რომ მისი ერთგული ვიყო. 2კორ.2,17

26 მე ვფიქრობ, რომ ახლანდელ გასაჭირში ადამიანისათვის უმჯობესია დარჩეს, როგორც არის.

27 თუ შეერთებული ხარ ცოლთან, გაყრას ნუ ეძებ. ხოლო თუ უცოლო ხარ, ცოლს ნუ ეძებ.

28 სხვაფრივ ცოლიც რომ მოიყვანო, არ შესცოდავ. და თუ ქალწული გათხოვდება, არ შესცოდავს. მაგრამ ასეთებს ხორციელი გაჭირვება ექნებათ და მე არ მეთმობით.

29 ხოლო ამას გეტყვით ძმანო: ჟამი იწურება, ამიტომ ამიერიდან ცოლიანები იყავით, როგორც უცოლონი. იოზ.9,25;14,1. ფსალ.102,15.

30 მოტირალნი, როგორც უტირალნი; მოხარულნი, როგორც უხარულნი; მქონენი, როგორც უქონელნი;

31 წუთისოფლით მოსარგებლენი, როგორც არამოსარგებლენი. ვინაიდან წარმავალია წუთისოფლის სახე. ეს.40,6. იაკ.1,10;4,14. 1პეტ.1,24. 1იოან.2,17.

32 მე მსურს, რომ უზრუნველად იყოთ. უცოლო უფლისაზე ზრუნავს, როგორ აამოს უფალს;

33 ხოლო ცოლიანი წუთისოფლის საქმეებზე ზრუნავს, როგორ აამოს ცოლს.

34 არის განსხვავება ქმრიანსა და ქალწულს შორის: ქალი, უქმრო და ქალწული, ზრუნავს უფლისაზე, რათა სხეულითაც წმიდა იყოს და სულითაც. ქმრიანი კი წუთისოფლის საქმეებზე ზრუნავს, როგორ აამოს ქმარს.

35 ამას გეუბნებით თქვენდა სასარგებლოდ, არა იმისათვის,

რომ მარყუჟი მოგდოთ, არამედ რათა კეთილი მოქცევით და განუწყვეტლივ ემსახუროთ უფალს, დაუბრკოლებლივ.

36 თუ ვინმეს შეუფერებლად მიაჩნია, რომ მისი დანიშნული ქალწული სიყმაწვილის ასაკს გადასცდა, როგორც ენებოს, ისე მოიქცეს, არ შესცოდავს. დაე დაქორწინდნენ.

37 ხოლო ვინც თავისი გულით მტკიცედ დგას და იძულებული არ არის, არამედ აქვს ხელმწიფება თავის ნებაზე და გადაწყვიტა თავის გულში თავისი ქალწულის დაცვა, ის კარგად იქცევა.

38 ამიტომ, ვინც გაათხოვებს თავის ქალწულს, კარგად იქცევა, და ვინც არ გაათხოვებს, უკეთესად იქცევა.

39 ცოლი რჯულით შეკრულია, სანამ ცოცხალია მისი ქმარი. ხოლო თუ ქმარი მოუკვდება, თავისუფალია გაჰყვეს, ვისაც სურს, ოღონდ უფალში. რომ.7,2.

40 მაგრამ უფრო ნეტარია, თუ ასე დარჩება, ჩემი რჩევით. მე ვფიქრობ, რომ მეც მაქვს ღვთის სული.

თ ა ვ ი 8

ნაკერპავის ჭამაზე

1 **ახლა** ნაკერპავებზე. ვიცით, რადგან ყველას გვაქვს ცოდნა. მაგრამ ცოდნა აამპარტავნებს, სიყვარული კი აშენებს. 1კორ.13,4.

2 ვინც ფიქრობს, რომ რაიმე იცის, მან ჯერაც არაფერი იცის ისე, როგორც უნდა იცოდეს. 1კორ.13,12.

3 მაგრამ ვისაც ღმერთი უყვარს, იგი შეცნობილია მისგან.

2ტიმ.2,19

4 ამგვარად, ნაკერპავების საჭმელად გამოყენების შესახებ ვიცით, რომ კერპი არაფერია წუთისოფელში და არ არსებობს ღმერთი, გარდა ერთისა. 2შჯ.4,39. 1ტიმ.2,5.

5 და თუ კიდევ არიან ეგრეთწოდებული ღმერთები ან ცაში, ან ღედამიწაზე (რადგან არის მრავალი ღმერთი და მრავალი უფალი), 2შჯ.10,17.

6 ჩვენ კი ერთი მამა ღმერთი გვყავს, რომლისგანაც არის ყოველი და ჩვენ მისთვის ვართ, და ერთი უფალი იესო ქრისტე, რომლის მიერ არის ყოველი და ჩვენც მის მიერ.

მალ.2,10. იოან.13,13.

თავისუფლება დაბრკოლება არ გახდეს უძლურთათვის

7 თუმცა ყველას როდი აქვს ცოდნა. ზოგიერთები ჩვეულებით აქამდე ჭამენ კერპთაგან, როგორც ნაკერპავს და, ამრიგად, მათი სინდისი, დაუძლურებული, იბილწება. რომ.14,23.

8 საჭმელი არ მიგაახლოვებთ ღმერთთან, ვინაიდან, თუ

ვჭამთ, ვერაფერს ვიმატებთ, და თუ არ ვჭამთ, არაფერი გვაკლდება. რომ.14,7.

9 მაგრამ გაფრთხილდით, რომ ეს თქვენი თავისუფლება დაბრკოლება არ გახდეს უძლურთათვის. რომ.14,13.

10 ვინაიდან, თუ ვინმე დაგინახავს შენ, რომელსაც ცოდნა გაქვს, საკერპეში მჯდომარეს, განა მისი უძლური სინდისი არ განაწყობს მას ნაკერპავთა საჭმელად?

11 და შენი ცოდნის მეოხებით დაილუპება შენი უძლური ძმა, რომლისთვისაც მოკვდა ქრისტე. რომ.14,15.

12 ამრიგად, შესცოდავთ რა ძმების მიმართ და დაჭრით მათ უძლურ სინდისს, ქრისტეს მიმართ შესცოდავთ.

13 ამიტომ, თუ საჭმელი აცდუნებს ჩემს ძმას, უკუნისამდე არ ვჭამ ხორცს, რათა არ ვაცდუნო ჩემი ძმა. რომ.14,21.

თ ა ვ ი 9

ღვთისმსახურთა საზრდო

1 განა მე მოციქული არა ვარ? განა მე თავისუფალი არა ვარ? განა მე არ ვნახე ჩვენი უფალი იესო ქრისტე? განა თქვენ ჩემი ნაღვაწი არა ხართ უფალში? საქ.9,3;22,18. 1კორ.4,15;15,18.

2 თუ სხვებისათვის არა ვარ მოციქული, თქვენთვის ხომ მაინც ვარ, ვინაიდან ჩემი მოციქულობის ბეჭედი ხართ უფალში. 2კორ.3,2.

3 აი, რა პასუხს გავცემ ჩემს მკიცხველებს:

4 განა არა გვაქვს ჭამა-სმის უფლება? ლუკ.10,7. 2თეს.3,9.

5 განა არა გვაქვს უფლება, მოვიყვანო მორწმუნე ცოლი, როგორც სხვა მოციქულებმა, უფლის ძმებმა და კეთამ?

6 თუ მარტო მე და ბარნაბას არა გვაქვს უფლება, არ ვიმუშაოთ?

7 რომელ ჯარისკაცს უმსახურნია ოდესმე საკუთარ ხარჯზე? ვინ რგავს ვაზს და მისი ნაყოფისაგან არა ჭამს? ვინ მწყემსავს ნახირს და ნახირის რძეს პირს არ აკარებს?

8 განა ადამიანურად არ ვლაპარაკობ ასე? განა რჯულიც ამასვე არ ამბობს?

9 რადგან მოსეს რჯულში წერია: „პირს ნუ აუკრავ მლეწავ ხარს.“ განა ხარებზე ზრუნავს ღმერთი? 2შჯ.25,4. 1ტიმ.5,18.

10 თუ ნამდვილად ჩვენთვის ამბობს? დიალაც ჩვენთვის წერია. მხვნელმა უნდა ხნას იმედით, მლეწავმა კი – წილის იმედით.

11 თუ სულიერი დაგიტესეთ, განა დიდი ამბავია, რომ თქვენგან ხორციელი მოვიმკათ? რომ.15,27.

12 თუ სხვებს ძალაუფლება აქვთ თქვენზე, განა ჩვენ უფრო მეტად არა? მაგრამ ჩვენ არ გამოვიყენეთ ეს ძალაუფლება,

არამედ ყოველგვარ ტანჯვას ვიტანთ, რათა რაიმე დაბრკოლება არ შეექმნას ქრისტეს სახარებას. საქ.20,23. 2კორ.11,8. 1თეს.2,9.

13 ნუთუ არ იცით, რომ მღვდელმსახურნი ტაძრისაგან ჭამენ? ხოლო სამსხვერპლოს მსახურნი მსხვერპლიდან იღებენ წილს?

2შჯ.18,87

14 ასევე უფალმა დაუწესა სახარების მქადაგებლებს სახარებისაგან ცხოვრება. მათ.10,10.

15 ხოლო მე არც ერთი მათგანი არ გამომიყენებია. და ესეც იმიტომ კი არ დავწერე, რომ ასე ყოფილიყო ჩემთვის. ვინაიდან სიკვდილი მიჯობს, ვიდრე ვინმემ გააბათილოს ჩემი ქაღილი.

16 რადგან თუ ვახარებ, არაფერი მაქვს სასიქადულო, ვინაიდან ეს ჩემი აუცილებელი მოვალეობაა, და ვაი მე, თუ არ ვახარებ.

17 ვინაიდან თუ ნებით ვაკეთებ ამას, საზღაური მაქვს, ხოლო თუ ნებით არა, მონდობილი მაქვს განგებულება.

18 მაშ, რა არის ჩემი საზღაური? ის, რომ როცა სახარებას ვქადაგებ, შემიძლია ვიქადაგო უსასყიდლოდ და არ ვიყენებ ჩემს უფლებას ხარებაში.

ყველასთვის გავხდი ყველაფერი, რომ მეხსნა ზოგიერთები

19 ვინაიდან, ყველასგან თავისუფალი ყველას დავემონე, რათა უფრო მეტი შემეძინა. 1კორ.10,33.

20 იუდეველებისათვის გავხდი, როგორც იუდეველი, რათა იუდეველები შემეძინა. რჯულის ქვეშ მყოფთათვის, როგორც რჯულის ქვეშ მყოფი, თუმცა თვითონ რჯულის ქვეშ უმყოფელი, რათა რჯულის ქვეშ მყოფნი შემეძინა.

21 ურჯულოთათვის – როგორც ურჯულო, თუმცა არა ვარ ღვთის ურჯულო, მაგრამ ქრისტეს რჯულიერი, რათა ურჯულოები შემეძინა. 1კორ.7,18.

22 უძლურთათვის გავხდი, როგორც უძლური, რათა უძლურნი შემეძინა. ყველასთვის ყველაფერი გავხდი, რათა ზოგიერთები მეხსნა როგორმე. რომ.15,1.

23 და ყოველივე ამას ვაკეთებ სახარებისათვის, რათა მეც გავხდე მისი თანამონაწილე.

სხეულის დათრგუნვაზე

24 განა არ იცით, რომ ასპარეზზე მორბენალნი ყველანი გარბიან, მაგრამ მხოლოდ ერთი მიიღებს ჯილდოს? მაშ, ირბინეთ ისე, რომ მოიპოვოთ. ფილ.3,12. 2ტიმ.4,7.

25 ყველა, ვინც იღწვის, თავს იკავებს ყველაფრისგან. ისინი ხრწნადი გვირგვინის მისაღებად, ჩვენ კი უხრწნადისა.

2ტიმ.2,4. გამოც.2,10.

26 ამიტომ მე გავრბივარ არა უმიზნოდ, ვიბრძვი არა ისე, ვითომც ჰაერს ვცემდე;

27 არამედ ვთრგუნავ და ვიმონებ ჩემს სხეულს, რათა სხვებს რომ ვუქადაგებ, მე თვითონ უღირსი არ დავრჩე. რომ.6,18.

თ ა ვ ი 10

ეგონათ, რომ იღვანენ, მაგრამ დაეცნენ

1 არ მინდა, ძმებო, არ იცოდეთ, რომ ჩვენი მამები ყველანი ღრუბელქვეშ იყვნენ და ყველამ გაიარა ზღვაში.

გამოს.13,21;14,22. რიცხ.9,18.

2 და ყველანი მოინათლნენ მოსეს მიერ ღრუბელში და ზღვაში.

3 და ყველანი ჭამდნენ ერთსა და იმავე სულიერ საჭმელს,

გამოს.16,14. ფსალ.77,24.

4 და ყველანი სვამდნენ ერთსა და იმავე სულიერ სასმელს, ვინაიდან სვამდნენ სულიერი კლდიდან, რომელიც თან დაჰყვებოდა მათ; ხოლო ის კლდე იყო ქრისტე.

გამოს.17,6.

5 მაგრამ მათგან უმრავლესობა როდი მოიწონა ღმერთმა: ვინაიდან ისინი უღაბნოში დაეცნენ.

რიცხ.14,23;26,65.

6 და ეს კი ჩვენთვის ნიმუში იყო, რათა არ შევნატროდეთ ბოროტს, როგორც შენატროდნენ ისინი.

რიცხ.11,4.

7 არც კერპთაყვანისმცემლები იყოთ, როგორც ზოგიერთი მათგანი, როგორც წერია: „დასხდა ხალხი საჭმელ-სასმელად, და წამოდგნენ სათამაშოდ.“

გამოს.32,6. ფსალ.105,19.

8 ნურც ვიმეძავებთ, როგორც ზოგიერთი მათგანი მეძავობდა, და ერთ დღეს ოცდასამი ათასი კაცი დაეცა.

რიცხ.25,1.9.

9 ნურც გამოვცდით უფალს, როგორც ზოგიერთმა მათგანმა გამოსცადა, და ისინი გველებისაგან დაიღუპნენ.

რიცხ.21,6. ფსალ.105,14.

10 არც იდრტვინოთ, როგორც ზოგიერთი მათგანი დრტვინავდა, და დაიღუპნენ მომსრველისაგან.

რიცხ.14,36.

11 ყოველივე ეს მათ დაემართათ სანიმუშოდ და აღწერილია ჩვენს დასარიგებლად, რომლებმაც მივალწიეთ წუთისოფლის აღსასრულს.

რომ.15,4.

12 ამიტომ, ვინც ფიქრობს, რომ დგას, იფრთხილოს, რომ არ წაიქცეს.

რომ.11,20.

13 არ შეგმთხვევიათ განსაცდელი, გარდა ადამიანურისა. და სარწმუნო ღმერთი, რომელიც არ დაუშვებს, რომ თქვენს შესაძლებლობაზე მეტად გამოიცადოთ, არამედ განსაცდელში გამოსავალსაც მოგცემთ, რომ შესძლოთ გადატანა.

ებრ.12,4. 2პეტ.2,9.

განერიდეთ კერპთაყვანისმცემლობას.

14 ამიტომ, ჩემო საყვარელო, განერიდეთ კერპთაყვანისმცემლობას.

15 როგორც გონიერებს გელაპარაკებით; თავად განსაჯეთ, რასაც ვამბობ. 1კორ.1,5.

16 კუთხოვეთის სასმისი, რომელსაც ჩვენ ვაკუთხოვთ, განა ქრისტეს სისხლის ზიარება არ არის? პური, რომელსაც ჩვენ ვტყებთ, განა ქრისტეს სხეულის ზიარება არ არის?

მათ.26,26. საქ.24,46.

17 ვინაიდან პური ერთია, ჩვენ კი მრავალნი – ერთი სხეული, რადგან ყველა ერთი პურიდან ვეზიარებით. იოან.6,33.

18 შეხედეთ ისრაელს ხორცის მიხედვით: ვინც მსხვერპლიდან ჭამს, განა ისინი სამსხვერპლოს ზიარნი არ არიან? ლევ.7,15.

19 მაშ, რას ვამბობ? განა იმას, რომ რაიმეა კერპი, ან იმას, რომ რაიმეს ნიშნავს ნაკერპავი? 1კორ.8,4.

20 არამედ, რასაც ისინი სწირავენ, ეშმაკს სწირავენ და არა ღმერთს. მე კი არ მინდა, რომ ეშმაკთა ზიარნი იყოთ. 2შჯ.32,17.

21 არ შეგიძლიათ სვათ უფლის სასმისი და ეშმაკის სასმისი; არ შეგიძლიათ უფლის სუფრასაც ეზიაროთ და ეშმაკის სუფრასაც. 2კორ.6,15.

22 ნუთუ ვბედავთ უფლის განრისხებას? განა მასზე ძლიერები ვართ?

23 ყოველივე ნებადართულია ჩემთვის, მაგრამ ყველაფერი სასარგებლო როდია. ყოველივე ნებადართულია ჩემთვის, მაგრამ ყველაფერი როდი აშენებს. 1კორ.6,12.

არ ეძებოს თავის სარგებელი

24 არავინ ეძებოს თავისი სარგებელი, არამედ სხვისი. რომ.15,2.

25 ყველაფერი, რაც ბაზარში იყიდება, ჭამეთ და ნურათერს გამოიძიებთ სინდისის გამო.

26 რადგან უფლისაა დედამიწა და მისი სისავსე.

2შჯ.10,14. ფსალ.23,1.

27 ხოლო თუ მიგიწვევთ რომელიმე ურწმუნოთაგანი და მოისურვებთ მასთან წასვლას, ყველაფერი ჭამეთ, რასაც თქვენ წინ დააწყობენ, და ნურათერს გამოიძიებთ სინდისის გამო.

28 ხოლო თუ ვინმე გეტყვით: ეს ნაკერპავიაო, ნუ შეჭამთ მთქმელის გამო და სინდისის გამო, რადგან უფლისაა დედამიწა და მისი სისავსე. ფსალ.23,1.

29 ხოლო ვგულისხმობ არა შენს სინდისს, არამედ სხვისას. ვინაიდან რატომ უნდა განიკითხოს ჩემი თავისუფლება სხვისი სინდისით?

30 ხოლო თუ მადლიერებით ვჭამ, რაღად შევიბღალო იმის გამო, რისთვისაც მადლიერი ვარ? რომ.14,6.

31 ამიტომ ჭამთ, სვამთ, თუ სხვა რამეს აკეთებთ, ყველაფერი აკეთეთ ღვთის სადიდებლად. კოლ.3,17.

32 და არ აცდუნოთ არც იუდეველები, არც წარმართები და არც ღვთის ეკლესია.

33 ისევე, როგორც მეც ვაამებ ყველას ყველაფერში და სარგებლობას ვეძებ არა ჩემთვის, არამედ მრავალთათვის, რათა გადარჩნენ. რომ.15,2.

თ ა ვ ი 11

თავდახურვა ლოცვის ან წინასწარმეტყველების დროს

1 მომბაძეთ მე, როგორც მე – ქრისტეს. 1კორ.4,16. ფილ.3,17.

2 ამისათვის გაქებთ თქვენ, ძმანო, რომ ყველაფერში გახსოვართ და ინახავთ მოძღვრებებს, როგორც გადმოგეცით. 1კორ.15,1.

3 მაგრამ ასევე მინდა იცოდეთ, რომ ყოველი მამაკაცის თავი ქრისტეა, ცოლის თავი – ქმარი და ქრისტეს თავი – ღმერთი.

დაბ.3,16. იოან.14,28. ეფეს.5,23.

4 ყოველი მამაკაცი, რომელიც თავდაფარული ლოცულობს ან წინასწარმეტყველებს, თავს ირცხვენს.

5 და ყოველი დედაკაცი, რომელიც თავდაუფარავი ლოცულობს ან წინასწარმეტყველებს, თავს ირცხვენს, ვინაიდან ეს იგივეა, რომ გადაპარსული იყოს.

6 ვინაიდან, თუ დედაკაცი თავს არ დაიფარავს, გადაიპარსოს, ხოლო თუ დედაკაცს რცხვენია იყოს გაკრეჭილი ან გადაპარსული, თავდაფარული იყოს.

7 მაშასადამე, მამაკაცმა მართლაც არ უნდა დაიფაროს თავი, ვინაიდან ის ღვთის ხატება და დიდებაა. ცოლი კი ქმრის დიდებაა. დაბ.1,26. კოლ.3,3.

8 ვინაიდან მამაკაცი კი არ არის დედაკაცისაგან, არამედ დედაკაცი – მამაკაცისაგან. დაბ.2,21.

9 ასევე მამაკაცი კი არ შექმნილა დედაკაცის გულისათვის, არამედ დედაკაცი – მამაკაცის გულისათვის.

10 ამიტომ დედაკაცი ვალდებულია, თავზე ჰქონდეს ხელმწიფების ნიშანი ანგელოზების გულისათვის.

11 თუმცა არც ქმარია ცოლის გარეშე და არც ცოლია ქმრის გარეშე უფალში.

12 ვინაიდან, ისევე როგორც დედაკაცი მამაკაცისაგან არის, მამაკაციც დედაკაცის მეოხებით არის. ხოლო ყოველივე ღვთისაგან არის.

13 თქვენ თვითონ განსაჯეთ, შეშვენის დედაკაცს ღვთის წინაშე თავდაუფარავად ლოცვა?

14 ანდა, განა თვით ბუნებაც არ გასწავლით, რომ მამაკაცის გრძელთმიანობა სამარცხვინოა მისთვის?

15 მაგრამ დედაკაცის გრძელთმიანობა დიდებაა მისთვის: გრძელი თმა მას საბურველის ნაცვლად აქვს მიცემული.

16 და თუ ვინმე განიზრახავს იდაოს, ჩვენ არა გვაქვს ასეთი ჩვეულება, არც ღვთის ეკლესიებს.

უფლის სერობის წესრიგისათვის

17 ხოლო ამას რომ გამცნობთ, არ გაქებთ, რომ იკრიბებით არა უმჯობესისათვის, არამედ უარესისათვის.

18 ვინაიდან, ჯერ ერთი, მესმის, რომ როცა ეკლესიად იკრიბებით, დაყოფანია თქვენს შორის, რასაც ნაწილობრივ ვუჯერებ.

1კორ.3,3.

19 ვინაიდან აზრთა სხვაობაც უნდა იყოს თქვენში, რათა გამოჩნდნენ მოსაწონნი თქვენს შორის.

ლუკ.17,1.

20 ამიტომ, კიდევ თუ იკრიბებით ერთად, უფლის სერს არა ჭამთ.

21 ვინაიდან ყოველი წინასწარ ჭამს თავის საკუთარ სერს და ზოგი მშიერია და ზოგი მთვრალი.

22 ნუთუ სახლები არა გაქვთ, რომ იქ ჭამოთ და სვათ? თუ უგულებელყოფთ ღვთის ეკლესიას და არცხვენთ უქონელთ? რა გითხრათ? შეგაქოთ? ამისათვის არ გაქებთ.

23 ვინაიდან მე მივიღე უფლისაგან, რაც თქვენც გადმოგეცით, რომ უფალმა იესომ იმ ღამეს, რომელსაც გაიცემოდა, აიღო პური,

მათ.26,26. მარ.14,22. ლუკ.22,19. 1კორ.10,16.

24 მადლი შესწირა, გატეხა და თქვა: „მიიღეთ, ჭამეთ, ეს არის ჩემი სხეული, თქვენთვის დამტვრეული. ამას აკეთებდეთ ჩემს მოსაგონრად.“

25 ასევე ასწია სასმისიც სერობის შემდეგ და თქვა: „ეს სასმისი – ახალი აღთქმაა ჩემს სისხლში. ამას აკეთებდეთ ჩემს მოსაგონრად, რამდენჯერაც სვამდეთ.“

26 რადგან, ყოველთვის, როცა ამ პურს ჭამთ და ამ სასმისს სვამთ, აუწყეთ უფლის სიკვდილი, ვიდრე მოვიდოდეს.

27 ამიტომ, ვინც შეჭამს ამ პურს ან შესვამს უფლის სასმისს უღირსად, დამნაშავე იქნება უფლის სხეულისა და სისხლის წინაშე.

ებრ.10,19.

28 ადამიანმა ჯერ თავი გამოსცადოს და ასე ჭამოს ამ პურიდან და დალიოს ამ სასმისიდან.

2კორ.13,5.

29 ვინაიდან, ვინც უღირსად ჭამს და სვამს, თავის თავის დაგმობას ჭამს და სვამს, ვერ არჩევს რა უფლის სხეულს.

30 ამის გამო თქვენ შორის ბევრია უძლური და ავადმყოფი, და ბევრიც მოკვდა.

31 ხოლო, ჩვენ თვითონვე რომ განგვეკითხა ჩვენი თავი, აღარ ვიქნებოდით მსჯავრდადებულნი.

ფსალ.31,5.

32 ხოლო მსჯავრდადებულნი ვიწვრთნებით უფლის მიერ, რათა წუთისოფელთან ერთად არ ვიყოთ მსჯავრდადებულნი.

33 ამიტომ, ჩემო ძმანო, როცა ერთად შეიკრიბებით საჭმელად, ერთიმეორეს დაელოდეთ.

34 და თუ ვინმეს შიოდეს, თავის სახლში ჭამოს, რათა მსჯავრდასადად არ შეიკრიბოთ. დანარჩენს, როცა მოვალ, მაშინ მოვაგვარებ.

თ ა ვ ი 12

ნიჭი სხვადასხვანაირია, მაგრამ სული იგივეა

1 ახლა სულიერ ნიჭზე. არ მინდა, ძმანო, უცოდინარნი იყოს.

2 იცით, რომ როდესაც წარმართები იყავით, უტყვ კერპებთან დადიოდით, თითქოს ვილაც გეწეოდათ. ეფეს.2,12.

3 ამიტომ გაუწყებთ, რომ ვერავინ, ვინც ღვთის სულით ლაპარაკობს, ვერ იტყვის: შეჩვენებულიაო იესო. და არავის შეუძლია უფალი უწოდოს იესოს, თუ არა სულიწმიდით.

მათ.16,17. მარ.9,39. ფილ.2,11.

4 სხვადასხვანაირია ნიჭი, მაგრამ სული ერთია. ეფეს.4,11.

5 მსახურებანიც სხვადასხვანაირია, უფალი კი ერთია.

6 მოქმედებანიც სხვადასხვანაირია, ხოლო ღმერთი ერთია, რომელიც ამოქმედებს ყველას ყველაში.

7 მაგრამ თითოეულს ეძლევა სულის გამოვლინება სასიკეთოდ. მათ.25,15.

8 ვინაიდან ერთს სულის მიერ ეძლევა სიბრძნის სიტყვა, მეორეს – ცოდნის სიტყვა იმავე სულით.

9 ზოგს რწმენა – იმავე სულით და ზოგს – განკურნებათა ნიჭი იმავე სულით. მარ.16,17-18.

10 ზოგს – სასწაულთმოქმედება, ზოგს – წინასწარმეტყველება, ზოგს – სულების გარჩევა, ზოგს – სხვადასხვა ენები, ზოგს – ენების განმარტება. საქ.2,4.

11 ხოლო ყოველივე ამას აკეთებს ერთი და იგივე სული, რომელიც თითოეულს საკუთრივ უნაწილებს, როგორც ნებავს.

სხეული ქრისტესია და მისია ასოები

12 რადგან, როგორც სხეული ერთია, მაგრამ მრავალი ასო აქვს, და სხეულის ყველა ასო, თუმცა ბევრნი არიან, ერთი სხეულია, ასევეა ქრისტეც. რომ.12,4.

13 ვინაიდან ყველანი ერთი სულით მოვინათლეთ ერთ სხეულად – იუდეველები თუ ბერძნები, მონები თუ თავისუფლები, და ყველას ერთი სული გვისვამს. მარ.1,8. გალ.3,28.

14 ვინაიდან სხეულიც ერთი ასო კი არ არის, არამედ ბევრი.

15 ფეხმა რომ თქვას: მე ხელი არა ვარ, ამიტომ სხეულს არ ვეკუთვნის, განა ამიტომ იგი არ ეკუთვნის სხეულს?

16 ანდა ყურმა რომ თქვას: მე თვალი არა ვარ, ამიტომ სხეულს არ ვეკუთვნის, განა ამიტომ იგი არ ეკუთვნის სხეულს?

17 თუ მთელი სხეული თვალია, სადღაა სმენა? თუ ყველაფერი სმენაა, სადღაა ყნოსვა?

18 და აჰა, ღმერთმა განალაგა ასოები სხეულში თითოეული მათგანი, როგორც ნებავდა.

19 და ყველა რომ ერთი ასო იყოს, სადღა იქნება სხეული?

20 აჰა, ასოები ბევრია, სხეული კი ერთი.

21 თვალი ვერ ეტყვის ხელს: არ მჭირდებაო. ვერც თავი ფეხს: არ მჭირდებითო.

22 არამედ, სხეულის ის ასოები, რომლებიც ყველაზე უძლურნი ჩანან, უფრო მეტად საჭირონი არიან.

23 ხოლო რომლებიც ნაკლებ საპატიოდ გვეჩვენება სხეულში, მათ უფრო უხვად გარემოვიცავთ პატივით და ჩვენს უსახურთ უფრო უხვად აქვთ სახიერება.

24 ჩვენს სახიერებს არ სჭირდებათ ეს. მაგრამ ღმერთმა ისე შეაზავა სხეული, რომ უფრო უხვი პატივი არგუნა იმას, რომელსაც ნაკლებად აქვს.

25 რათა არ იყოს განხეთქილება სხეულში, არამედ ყველა ასო ერთნაირად ზრუნავდეს სხვაზე.

26 და თუ ერთი ასო იტანჯება, მასთან ერთად ყველა ასო იტანჯება, ხოლო თუ ერთი ასო დიდებას მოიხვეჭს, მასთან ერთად ყველა ასო ხარობს.

27 თქვენ კი ქრისტეს სხეული ხართ, ხოლო ცალ-ცალკე – მისი ასოები.

ეფეს.5,23.

28 დააყენა ღმერთმა ეკლესიაში, პირველად მოციქულები, მეორედ მქადაგებელნი, მესამედ მოძღვარნი, მერე კურნებათა ნიჭები, შეწევნანი, მართვანი, სხვადასხვა ენები. რომ.12,6. ეფეს.4,11.

29 ყველა მოციქულია? ყველა მქადაგებელია? ყველა მოძღვარია? ყველას ძალთა მოქმედება აქვს?

30 ყველას აქვს განკურნებათა ნიჭი? ყველანი ლაპარაკობენ ენებით? ყველანი განმარტავენ?

31 ეშურეთ დიდ ნიჭებს და გაჩვენებთ უფრო აღმატებულ გზას.

თ ა ვ ი 13

ნიჭი სიყვარულის გარეშე არაფერია

1 თუ მე აღამიანთა და ანგელოზთა ენებით ვლაპარაკობ, ხოლო სიყვარული არ გამაჩნია, მაშინ ჟღარუნა რვალი ვარ ან ჩხარუნა წინწილა.

2 წინასწარმეტყველებაც რომ მქონდეს, ყოველი საიდუმლო და მთელი ცოდნაც რომ ვუწყოდე, სრული რწმენაც რომ მქონდეს, ისეთი, მთების გადაადგილება რომ შემეძლოს, ხოლო სიყვარული არ გამაჩნდეს, არარაობა ვიქნებოდი.

მათ.7,22.

3 მთელი ჩემი ქონება რომ დავარიგო და ჩემი სხეული დასაწვავად გავწირო, ხოლო სიყვარული არ გამაჩნდეს, არაფრად ვარგივარ.

მათ.6,1.

სიყვარულის გამოჩენა

4 სიყვარული სულგრძელია, სიყვარული ქველმოქმედია, არ შურს, არ ყოყმობს, არ ამპარტავნობს, იგ.10,12. 1პეტ.4,8. ფილ.2,3.

5 არ სჩადის უწყესობას, თავისას არ ეძიებს, არ რისხდება და არ განიზრახავს ბოროტს, რომ.15,1.

6 არ ხარობს სიცრუით, არამედ ჭეშმარიტება ახარებს.

7 ყოველივეს იტანს, ყველაფერი სწამს, ყველაფრის იმედი აქვს და ყოველივეს ითმენს. გალ.6,2.

რწმენა, იმედი, სიყვარული

8 სიყვარული არასოდეს მთავრდება. წინასწარმეტყველებანი იყოს, გაუქმდება, ენები იყოს, შეწყდება, ცოდნა იყოს, გაუქმდება.

9 ვინაიდან ნაწილობრივი ვიცით და ნაწილობრივს წინასწარმეტყველებთ. 2კორ.5,7.

10 და როცა სრულყოფილი მოვა, ნაწილობრივი განქარდება.

11 როცა ბალღი ვიყავი, ბალღურად ვმსჯელობდი. ხოლო როცა კაცი გავხდი, ყოველივე ბალღური მივატოვე.

12 ვინაიდან ახლა ჩვენ ვხედავთ სარკით, ბუნდოვნად, მაშინ კი პირისპირ. ახლა ვიცი მცირეოდენი, ხოლო მაშინ შევიცნობ ისე, როგორც მე ვარ შეცნობილი. ფილ.3,12. 2ტიმ.2,19.

13 ახლა კი რჩება რწმენა, იმედი, სიყვარული – ეს სამი. ხოლო მათგან სიყვარულია უმეტესი.

თ ა გ ი 14

ენები განუმარტებლად არ აშენებენ

1 ესწრაფეთ სიყვარულს და ეშურეთ სულიერ ნიჭებს, უფრო კი, რომ იწინასწარმეტყველოთ. რიცხ.11,29.

2 ვინაიდან, ვინც ენით ლაპარაკობს, ის ადამიანებს კი არ ელაპარაკება, არამედ ღმერთს, რადგან არავის ესმის. რადგან სულით ლაპარაკობს იგი საიდუმლოებებს.

3 ხოლო, ვინც წინასწარმეტყველებს, ის ადამიანებს ელაპარაკება აღსაშენებლად, სანუგეშებლად და გასამხნეებლად.

4 ენით მოლაპარაკე თავის თავს აშენებს, ხოლო ვინც წინასწარმეტყველებს, ეკლესიას აშენებს.

5 მე მსურს, რომ თქვენ ყველანი ლაპარაკობდეთ ენებით. და უფრო მეტად, რომ წინასწარმეტყველებდეთ, ვინაიდან, ის, ვინც წინასწარმეტყველებს, ენებით მოლაპარაკეზე მეტია, თუ განმარტავს კიდევ, რათა ეკლესია აღშენდეს.

6 ახლა კი, ძმანო, თუ მოვალ თქვენთან და ვილაპარაკებ ენებით, რა სარგებლობას მოგიტანთ, თუ არ გეტყვით ან გამოცხადებით. ან ცოდნით, ან წინასწარმეტყველებით, ან სწავლებით?

7 ასევე უსულო საგნები, რომლებიც ხმას გამოსცემენ – სალამური ან ებანი, თუ ხმებში არ იძლევიან განსხვავებებს, როგორ შეიცნობა, რას უკრავენ სალამურზე ან ებანზე.

8 საყვირიც თუ გაურკვეველ ხმას გამოსცემს, ვინ გაემზადება საბრძოლველად?

9 ასევე თქვენც თუ ენით გაურკვეველ სიტყვას წარმოთქვამთ, როგორ გაიგება ნალაპარაკები? ჰაერში ილაპარაკებთ.

10 მაგალითად, რამდენი განსხვავებული სიტყვაა წუთისოფელში და მათგან არც ერთი არ არის უმნიშვნელო.

11 ამიტომ, თუ ხმის მნიშვნელობა არ ვიცი, უცხო ვიქნები მოლაპარაკისათვის, ხოლო მოლაპარაკე – უცხო ჩემთვის.

12 ასევე თქვენც, როცა ეშურებით სულიერ ნიჭებს, ეცადეთ იუხვით ეკლესიის აღსაშენებლად.

13 ამიტომ ილოცოს ენით მოლაპარაკემ, რათა განმარტოს კიდევ.

14 ვინაიდან, როცა ენით ვლოცულობ, ჩემი სული ლოცულობს, ჩემი გონება კი უნაყოფოა.

15 მაშ, რა ვქნათ? ვილოცებ სულით და გონებითაც ვილოცებ. ვიგალობებ სულით და გონებითაც ვიგალობებ. კოლ.3,16.

16 ვინაიდან, თუ სულით აკურთხებ, როგორ იტყვის ამინს შენს მადლობაზე უმეცართაგანი ვინმე, თუ არ ესმის, რას ამბობ შენ?

17 აი, შენ კეთილად სწირავ მადლს, მაგრამ სხვა არ შენდება.

18 ვმადლობ ჩემს ღმერთს, რომ ყველა თქვენგანზე მეტს ვლაპარაკობ ენებით.

19 მაგრამ მირჩევნია ეკლესიაში ხუთი სიტყვა ვთქვა ჩემი გონებით, რათა სხვებსაც ვასწავლო, ვიდრე ათი ათასი სიტყვა ენებით.

ურწმუნოს ამხელს წინასწარმეტყველება

20 ძმანო! ნუ იქნებით ბავშვები გონებით. მხოლოდ ბოროტისათვის იყავით ბაღლები, გონებისთვის კი სრულწლოვანნი.

მათ.18,4. მარ.10,14. რომ.16,19.

21 რჯულში წერია: „სხვა ენებით და სხვათა ბაგეებით დაველაპარაკები ამ ხალხს, და მაინც არ მომისმენენ მე, ამბობს უფალი.“ ეს.28,12.

22 ამიტომ ენა მორწმუნეთათვის კი არ არის ნიშანი, არამედ ურწმუნოთათვის. და წინასწარმეტყველება ურწმუნოთათვის კი არ არის, არამედ მორწმუნეთათვის.

23 და აი, თუ მთელი ეკლესია ერთად შეიკრიბება და ყველანი ილაპარაკებენ ენებით, და შემოვლენ უმეცარნი ან ურწმუნონი, განა არ იტყვიან, შეშლილები ხართო?

24 მაგრამ, თუ ყველანი წინასწარმეტყველებენ და შემოვა ვინმე ურწმუნო ან უმეცარი, მას ყველა ამხელს და ყველა განსჯის,

25 და ამრიგად გამომჟღავნდება მისი გულის დაფარულნი. ის დაემხობა ძირს, თაყვანს სცემს ღმერთს და იტყვის, რომ ჭეშმარიტად თქვენ შორის არის ღმერთი. ეს.45,14.

როგორ ილაპარაკოს და იწინასწარმეტყველოს ეკლესიაში

26 მაშ, რაღა, ძმანო? როცა თქვენ იკრიბებით, ყოველს აქვს ფსალმუნი, აქვს სწავლა, აქვს ენა, აქვს გამოცხადება, აქვს განმარტება – ყოველივე ეს ხდებოდეს აღსაშენებლად. 1კორ.12,8.

27 თუ ვინმე ლაპარაკობს ენებით, ილაპარაკოს ორ-ორმა, ან დიდი-დიდი სამმა, ერთიმეორის მიყოლებით, და ერთმა განმარტოს.

28 თუ არ არის განმმარტებელი, მაშინ გაჩუმდეს ეკლესიაში და ელაპარაკოს თავის თავს და ღმერთს.

29 წინასწარმეტყველებმა კი ილაპარაკონ ორმა ან სამმა, ხოლო სხვებმა განსაჯონ.

30 თუ სხვას გამოეცხადება იქ მჯდომთაგანს, პირველი გაჩუმდეს.

31 ვინაიდან ყველას სათითაოდ შეგიძლიათ წინასწარმეტყველება, რათა ყველამ ისწავლოს და ყველამ ინუგეშოს.

32 წინასწარმეტყველთა სულები ემორჩილებიან წინასწარმეტყველთ.

33 ვინაიდან ღმერთი უწესრიგობის კი არ არის, არამედ მშვიდობისაა, როგორც წმიდათა ყველა ეკლესიაში.

1კორ.12,25. 1თეს.5,23.

34 დედაკაცებმა იღუმონ ეკლესიებში; რადგან უფლება არა აქვთ ილაპარაკონ, არამედ მორჩილად იყვნენ, როგორც რჯულიც ამბობს. დაბ.3,16. კოლ.3,18. 1ტიმ.2,11.

35 ხოლო თუ რამის შესწავლა სურთ, ჰკითხონ თავიანთ ქმრებს სახლში. ვინაიდან სამარცხვინოა დედაკაცისათვის ეკლესიაში ლაპარაკი.

36 განა თქვენგან გამოვიდა ღვთის სიტყვა? ან მართო თქვენამდე მოაღწია?

37 თუ ვინმეს თავისი თავი ეგონოს წინასწარმეტყველი, ანდა სულიერი, დაე, გაიგოს, რომ რასაც გწერთ თქვენ, უფლის მცნებაა.

38 ხოლო თუ ვინმე უვიცია, უვიცი იყოს.

39 მაშ, ასე, ძმანო, ეშურეთ, რომ იწინასწარმეტყველოთ, მაგრამ ენებზე ლაპარაკს ნუ აკრძალავთ.

40 ყველაფერი შესაფერისად და წესიერად ხდებოდეს.

თ ა ვ ი 15

მრავალი და სხვადასხვა მოწმენი ქრისტეს აღდგომისა

1 გაუწყებთ თქვენ, ძმანო, სახარებას, რომელიც მე გახარეთ, რომელიც კიდევ მიიღეთ და რომელზეც დგახართ. გალ.1,11.

2 რომლითაც გადარჩებით კიდევ, თუ დაიცავთ სიტყვას, მე რომ გახარეთ, თუ ფუჭად არ ირწმუნეთ. რომ.1,16.

3 ვინაიდან თავდაპირველად გადმოგეცით ის, რაც თვითონვე მივიღე, რომ ქრისტე მოკვდა ჩვენი ცოდვებისათვის, როგორც წერილებშია, ფსალ.21,7. ეს.53,5. დან.9,24. ზაქ.13,7.

4 და რომ დაკრძალულ იქნა იგი და რომ აღდგა მესამე დღეს, როგორც წერილებშია, ფსალ.15,10. ეს.53,11. ოსე.6,3. იოან.2,1.

5 და რომ გამოეცხადა კეფას და შემდეგ თორმეტს.

მათ.28,17. მარ.16,14. ლუკ.24,34.

6 შემდეგ გამოეცხადა ხუთასზე მეტ ძმას ერთდროულად, რომელთაგან უმრავლესნი აქამდე ცოცხალნი არიან, ზოგმა კი განისვენა.

7 შემდეგ გამოეცხადა იაკობს და მერე ყველა მოციქულს.

8 ხოლო ყველაზე ბოლოს, როგორც უდღეურს, მეც გამომეცხადა. საქ.9,3.

9 ვინაიდან უმცირესი ვარ მოციქულებს შორის და მოციქულად წოდების ღირსიც არა ვარ, რადგან ვდევნიდი ღვთის ეკლესიას. საქ.8,3. ეფეს.3,8. 1ტიმ.1,13.

10 მაგრამ ღვთის მადლით ვარ, რაცა ვარ. და მისი მადლი არ იყო ჩემს მომართ ფუჭი, არამედ ყველა მათგანზე მეტს ვშრომობდი - არა მე, არამედ ღვთის მადლი, რომელიც ჩემთანაა. მათ.10,20. მარ.16,20. ეფეს.3,7.

11 და აჰა, მე ვარ თუ ისინი, ასე ვქადაგებთ, და თქვენც ასე ირწმუნეთ.

თუ ქრისტე არ აღდგა, მაშინ თქვენი რწმენა ამაოა

12 ხოლო თუ ქრისტეზე იქადაგება, რომ ის აღდგა მკვდრეთით, როგორღა ამბობს ზოგიერთი თქვენგანი, არ არის მკვდრეთით აღდგომაო? საქ.17,18. 2ტიმ.2,18.

13 მკვდრეთით აღდგომა თუ არ არის, ქრისტეც არ აღმდგარა. იოან.11,25. რომ.8,11.

14 ხოლო ქრისტე თუ არ აღმდგარა, ჩვენი ქადაგებაც ფუჭია და ფუჭია თქვენი რწმენაც.

15 მაშინ ჩვენ ვიქნებოდით ღმერთზე ცრუმოწმენი, რადგან დავამოწმებდით ღმერთზე, რომ მან აღადგინა ქრისტე, რომელიც არ აღუდგენია, თუ მართლაც არ აღდგებიან მკვდრები.

16 ვინაიდან, თუ მკვდრები არ აღდგებიან, არც ქრისტე აღმდგარა.

17 ხოლო თუ ქრისტე არ აღდგა, თქვენი რწმენა ფუჭია და კვლავ თქვენს ცოდვებში ხართ. საქ.13,38. რომ.4,25.

18 მაშინ ისინიც დაღუპულან, რომელთაც ქრისტეში განისვენეს.

19 და თუ ჩვენ მხოლოდ ამ ცხოვრებაში ვართ ქრისტეს მოიმედენი, ყველა ადამიანზე საცოდავნი ვყოფილვართ.

20 მაგრამ მკვდრეთით აღდგა ქრისტე, განსვენებულთა პირველი. საქ.26,23. კოლ.1,18. გამოც.1,5.

21 ვინაიდან, როგორც კაცის მიერ მოვიდა სიკვდილი, ასევე კაცის მიერ მკვდრებით აღდგომა. დაბ.2,17;3,19. იოან.6,39.

22 ვინაიდან, როგორც ადამში კვდება ყველა, ასევე გაცოცხლდებიან ქრისტეში.

23 და თითოეული თავისი წესით: პირველად – ქრისტე, ხოლო შემდეგ ქრისტესნი, მისი მოსვლისას. 1თეს.4,15-16.

24 მერე კი დასასრული, როცა მეფობას გადასცემს უფალსა და მამას მას შემდეგ, რაც გააუქმებს ყოველ მთავრობას, ყოველ უფლებასა და ძალს. დან.7,14. მათ.28,18. 1ტიმ.6,15.

25 ვინაიდან მან უნდა იმეფოს, ვიდრე თავის ფეხქვეშ მოაქცევდეს თავის ყველა მტერს. ფსალ.109,1. საქ.2,34. ებრ.1,13.

26 ხოლო უკანასკნელი მტერი, რომელიც განქარდება, სიკვდილია. გამოც.20,14.

27 იმიტომ, რომ ყოველივე დაუმორჩილა მის ფეხქვეშ. ხოლო როცა ნათქვამია, რომ ყოველივე მას დაემორჩილა, ცხადია, გარდა იმისი, რომელმაც მას დაუმორჩილა ყოველივე. ფსალ.8,7. ებრ.2,8.

28 და როცა ყოველივეს მას დაუმორჩილებს, მაშინ თვით ძეც დაემორჩილება იმას, ვინც ყოველივე მას დაუმორჩილა, რათა ღმერთი იყოს ყველაფერი ყველაფერში. 1კორ.3,11.

29 თორემ რას აკეთებენ მკვდართათვის მონათლულნი? თუ მკვდრები საერთოდ არ აღდგებიან, რატომ ინათლებიან მკვდართათვის?

30 და ჩვენც ყოველჟამს რატომ ვართ საფრთხეში? 2კორ.11,26.

31 ვფიცავ თქვენდამი ჩემს სიჭადულს, ძმანო, რომელიც ჩვენ უფალ ქრისტე იესოში მაქვს, რომ ყოველდღე ვკვდები. რომ.8,36.

32 თუ ადამიანურად ვებრძოდი ავ მხეცებს ეფესოში, რა სარგებელი მაქვს, თუ მკვდრები არ აღდგებიან? „ვჭამოთ და ვსვათ, რადგან ხვალ დავიხოცებით!“ ეს.22,13. ლუკ.12,19.

33 ნუ დაიბნევით: ცუდი საზოგადოებანი ხრწნიან კეთილ ჩვევებს.

34 გამოფხიზლდით ჯეროვნად და ნუ სცოდავთ. ვინაიდან თქვენდა სამარცხვინოდ ვამბობ, რომ ზოგიერთები არ იცნობენ ღმერთს. რომ.13,11.

როგორ აღდგებიან მკვდრები?

35 მაგრამ იტყვის ვინმე: როგორ აღდგებიან მკვდრები და რომელ სხეულში მოვლენო?

36 უგუნურნო! რასაც დათესავ, არ გაცოცხლდება, თუ არ მოკვდა. იოან.12,24.

37 და როცა თესავ, იმ სხეულს კი არ თესავ, რომელიც იქნება, არამედ შიშველ მარცვალს ხორბლისას ან რომელიმე სხვას.

38 ხოლო ღმერთი აძლევს მას სხეულს, როგორც ნებას – თითოეულ თესლს თავის სხეულს.

39 ყოველი ხორცი ერთი ხორცი როდია, არამედ ადამიანის ხორცი სხვანაირია, ცხოველის ხორცი სხვანაირი, ფრინველის ხორცი სხვანაირი, თევზისა – სხვანაირი.

40 არის ციური სხეულები და არის მიწიერი სხეულები, მაგრამ ციურის დიდება სხვაა და მიწიერისა – სხვა.

41 სხვანაირია მზის დიდება, სხვანაირია მთვარის დიდება და სხვანაირია ვარსკვლავთა დიდება, რადგან ვარსკვლავიც განი-
რჩევა ვარსკვლავისაგან დიდებით.

42 ასევე მკვდრებით აღდგომაც: ითესება ხრწნილებით და აღდგება უხრწნელობით.

დან.21,3.

43 ითესება დამცირებით და აღდგება დიდებით. ითესება უძლურებაში და აღდგება ძლიერებით.

იათ.22,30.

44 ითესება მშვიინგიერი სხეული და აღდგება სულიერი სხეული. არის მშვიინგიერი სხეული და არის სულიერი სხეული.

45 ასეც წერია: „პირველი კაცი ადამი გახდა ცოცხალ მშვიინგად.“ ხოლო უკანასკნელი ადამი – მაცოცხლებელ სულად.

დაბ.2,7. რომ.5,18.

46 მაგრამ პირველად სულიერი კი არ არის, არამედ მშვი-
ინგიერი და შემდეგ სულიერი.

47 პირველი კაცი მიწისგანაა, მიწიერი, ხოლო მეორე კაცი –
ცისაგან.

დაბ.2,7. იოან.3,31.

48 და როგორც მიწიერი, ისევე – მიწიერნი, და როგორც
ზეციერი, ისევე ზეციერნი.

იოან.3,6.

49 და როგორც ვატარებდით მიწიერის ხატებას, ასევე ვატა-
როთ ზეციერის ხატებაც.

დაბ.5,3. რომ.8,29.

ჩვენ ყველანი შევიცვლებით

50 ამას კი გეტყვით, ძმანო, რომ ხორცსა და სისხლს არ
ძალუძს ღვთის სასუფეველის დამკვიდრება, და ხრწნაც ვერ
დაიმკვიდრებს უხრწნელობას.

იოან.1,13;3,3.

51 აი, მე საიდუმლოს გეუბნებით: ყველანი არ განვისვენებთ,
მაგრამ ყველანი შევიცვლებით

1თეს.4,17.

52 ერთ წამში, თვალის დახამხამებაზე, უკანასკნელ საყვირზე;
ვინაიდან დასძახებს საყვირი და მკვდრები აღდგებიან უხრწნე-
ლად, ხოლო ჩვენ შევიცვლებით.

მათ.24,31. იოან.5,28. 1თეს.4,16,

53 ვინაიდან, ეს ხრწნადი უხრწნელობით უნდა შეიმოსოს და
ეს მოკვდავი უკვდავებით უნდა შეიმოსოს.

სად არის, სიკვდილო, შენი ნესტარი?

54 ხოლო, როცა ეს ხრწნადი უხრწნელობით შეიმოსება და ეს
მოკვდავი – უკვდავებით, მაშინ ახდება დაწერილი სიტყვა:
„სიკვდილი შთაინთქა ძლევით.“

ფსალ.25,8.

55 „სად არის სიკვდილო, შენი ნესტარი? სად არის, ჯოჯო-
ხეთო, შენი ძლევა?“

ოსე.13,14.

56 სიკვდილის ნესტარია ცოდვა, ხოლო ცოდვის ძალა რჯულია. რომ.4,15.

57 მაგრამ მადლობა ღმერთს, რომელიც გვაძლევს ძლევას ჩვენი უფლის იესო ქრისტეს მიერ. 1იოან.5,4-5.

58 ამიტომ, ჩემო საყვარელო ძმანო, იყავით მტკიცენი და შეურყეველნი, მუდამ იუხვეთ უფლის საქმეში, რადგან იცით, რომ ფუჭი არაა თქვენი შრომა უფლის წინაშე. კოლ.1,23.

თ ა ვ ი 16

პავლეს გეგმა შესაწირავზე და მონახულებაზე

1 რაც შეეხება წმიდათასათვის შეგროვებას, როგორც გალატიის ეკლესიებს დავუწესე, თქვენც ისე მოიქეცით.

რომ.12,13.

2 ყოველ ერთშაბათს თითოეულმა თქვენგანმა გადაღოს თავისთან და გადაინახოს, წარმატებისამებრ, რათა ჩემი მოსვლისას არ იწყებოდეს შეგროვება.

3 ხოლო როცა მოვალ, ვისაც თქვენ ცნობთ სანდოდ, იმათ მივავლენ წერილებით თქვენი ძღვენის წასაღებად იერუსალიმში.

2კორ.8,19.

4 და თუ იქ ჩემი წასვლაც ღირს, მაშინ ჩემთან ერთად წამოვლენ.

5 ხოლო მე მოვალ თქვენთან, როცა მაკედონიაზე გავივლი; ვინაიდან მაკედონიაზე უნდა გავიარო.

6 თქვენთან კი, შესაძლოა, გავჩერდე, ან იქნებ გამოვიზამთრო, რათა გამაცილოთ იქ, სადაც წავალ,

7 ვინაიდან ახლა არ მინდა თქვენი ნახვა გავლით, არამედ ვიმედოვნებ, რამდენიმე ხანს დავრჩე თქვენთან, თუ უფალი ინებებს. იაკ.4,15. 1კორ.4,19.

8 ხოლო ეფესოში დავრჩები ორმოცდამეათე დღემდე,

9 ვინაიდან ჩემთვის ღიაა ღვაწლის ფართე კარი და მოწინააღმდეგენიც მრავლად არიან.

ტიმოთეს და აპოლოსის მონახულების შესახებ

10 და თუ ტიმოთე მოვა, ეცადეთ, რომ უშიშრად იყოს თქვენთან, ვინაიდან ის უფლის საქმეს აკეთებს ისევე, როგორც მე.

11 ამიტომ არავინ უგულებელჰყოს, არამედ გამოისტუმრეთ მშვიდობით, რათა მოვიდეს ჩემთან, ვინაიდან ველოდები მას ძმებთან ერთად.

12 რაც შეეხება ძმა აპოლოსს, ძალიან ვეხვეწებოდი, რომ მოსულიყო თქვენთან ძმებითურთ, მაგრამ არ ისურვა ახლა წამოსვლა. მაგრამ მოვა, როცა შესძლებს.

შეგონებანი და მოკითხვანი

13 იფხიზლეთ, იდექით რწმენაში, იყავით გაუკაცურნი, იყავით ძლიერნი.
მათ.24,42. 1პეტ.5,8. გამოც.3,11,20.

14 ყოველივე თქვენი იყოს სიყვარულში.

15 ხოლო შეგაგონებთ, ძმანო: ხომ იცით სტეფანეს სახლობა, რომელიც აქაიას პირველი ნაყოფია, და რომ მათ თავიანთი თავი მიუძღვნეს წმიდათა მსახურებას.
1კორ.1,16

16 თქვენც დაემორჩილეთ ასეთებს და ყველას, ვინც თანამშრომელი და მოღვაწეა.

17 და აი, მიხარია სტეფანას, ფორტუნატეს და აქაიკეს მოსვლა, ვინაიდან მათ შემიღეს თქვენი არყოფნა,

18 და დაამშვიდეს ჩემი სულიც და თქვენიც. ამიტომ სცანით ასეთები.

19 მოგიკითხავენ აზიის ეკლესიები. დიდად მოგიკითხავენ უფლის მიერ აკვილა და პრისკილა და ასევე მათი საშინაო ეკლესია.
2ტიმ.4,19.

20 მოგიკითხავთ ყველა ძმა. მოგიკითხეთ ერთმანეთი წმიდა ამბორით.
1პეტ.5,14. რომ.16,16. 2კორ.13,12.

21 მოგიკითხავთ ჩემი, პავლეს, ხელით.

22 ვისაც არ უყვარს უფალი იესო ქრისტე, იყოს შეჩვენებული. მარანათა!

23 ჩვენი უფლის იესო ქრისტეს მადლი თქვენთან,

24 და ჩემი სიყვარული ყველა თქვენგანის მიმართ ქრისტე იესოში. ამინ.



პ ა ვ ლ ე მ ო ც ი ქ უ ლ ი ს მ ე ო რ ე წ ე რ ი ლ ი კ ო რ ი ნ თ ე ლ თ ა მ ი მ ა რ თ

თ ა ვ ი 1

მოკითხვა კორინთოს ეკლესიას

1 პავლე, ღვთის ნებით იესო ქრისტეს მოციქული, და ძმა ტიმოთე – ღვთის ეკლესიას, რომელიც კორინთოშია, მთელ აქაიაში მყოფ ყველა წმიდასთან ერთად:

2 მადლი თქვენ და მშვიდობა ჩვენი მამა ღმერთისა და უფალ იესო ქრისტესაგან.

1კორ.1,3.

მადლობა ღმერთს სიკვდილისგან გადარჩენისათვის

3 კურთხეულია ღმერთი და მამა ჩვენი უფლის იესო ქრისტესი, მოწყალეების მამა და ყოველი ნუგეშის ღმერთი.

გამოს.34,6. 1პეტ.1,3.

4 ჩვენი ნუგეშისმცემელი ჩვენს ყოველგვარ გასაჭირში, რომ ჩვენც შევძლოთ ნუგეშისცემა ყოველგვარ გასაჭირში მყოფთათვის იმავე ნუგეშით, რომლითაც გვანუგეშებს ღმერთი. ფსალ.33,20.

5 რადგან, როგორც ქრისტეს ტანჯვანი არიან მრავლად ჩვენში, ასევე მრავლდება ჩვენი ნუგეშისცემა ქრისტეს მიერ.

კოლ.1,24.

6 და აჰა, თუ გასაჭირში ვართ, ეს თქვენი ნუგეშისცემისა და ხსნისათვის არის, რომელიც ხდება იმავე ტანჯვათა ატანით, რომლითაც ჩვენც ვიტანჯებით.

7 მტკიცეა ჩვენი იმედი თქვენს მიმართ, ვინაიდან ვიცით, რომ, როგორც ტანჯვათა მონაწილენი ხართ, ასევე ნუგეშისცემისაც.

8 რადგან არ გვინდა, ძმებო, არ იცოდეთ ჩვენი გასაჭირი, რაც აზიაში გადავიტანეთ რომ მეტისმეტად დაგვიძიმდა, ვიდრე ამის ატანა შეგვეძლო.

9 ხოლო ჩვენ თვით გვქონდა სასიკვდილო მსჯავრი, რათა ჩვენი თავის იმედი კი არ გვქონოდა, არამედ ღვთისა, რომელიც აღადგენს მკვდრებს,

10 რომელმაც გვიხსნა კიდეც ასეთი სიკვდილისაგან და გვიხსნის, რომლის იმედი გვაქვს, რომ კვლავაც გვიხსნის,

11 თქვენი ჩვენდამი შეწევნითი ღოცვითაც, რათა მრავალმა შესწიროს მადლობა ჩვენთვის, რომ მოგვენიჭა მადლი მრავალთა შუამდგომლობით.

რომ.15,30. 2კორ.4,15.

თავის დაცვა ბრალდებისაგან

12 რადგან ეს ჩვენი ქადილი არის ჩვენი სინდისის მოწმობა, რომ ჩვენ ღვთაებრივი სიწმიდით და გულწრფელობით ვიქცეოდით წუთისოფელში. განსაკუთრებით თქვენთან, არა ხორციელი სიბრძნით, არამედ ღვთის მადლით.

საქ.23,1. 2კორ.2,17;4,2;7,14.

13 ვინაიდან სხვას არაფერს გწერთ თქვენ, თუ არა იმას, რასაც კითხულობთ, ანდა შეიცნობთ და რასაც, როგორც ვიმედოვნებ, ბოლომდე შეიცნობთ.

14 როგორც ნაწილობრივ შეგვიცანით ჩვენ, რომ ჩვენ თქვენი დიდება ვართ, ისევე როგორც თქვენ ხართ ჩვენი უფლის იესოს დღეს.

15 და ამ ნდობით მინდოდა ჯერ თქვენთან მოსვლა, რათა მეორედ მიგელოთ მადლი,

1კორ.4,19.

16 და თქვენთან გავლით წავიდე მაკედონიაში, ხოლო მაკედონიიდან კვლავ თქვენთან დავბრუნდე და თქვენ გამისტუმროთ იუდეაში.

17 ნაჩქარევი ხომ არ იყო ჩემი განზრახვა? ანდა რაც განვიზრახე, ხორციელად განვიზრახე, ისე, რომ ერთდროულად მქონოდა ჰო-ჰოც და არა-არაც?

მათ.5,37.

18 მაგრამ მოწმეა ღმერთი, რომ ჩვენი სიტყვა თქვენს მიმართ არ ყოფილა ჰოც და არაც,

19 ვინაიდან ძე ღვთისა იესო ქრისტე, რომელსაც თქვენ შორის ვქადაგებდით ჩვენ – მე, სილოანე და ტიმოთე, არ იყო ჰოც და არაც, არამედ ჰო იყო მასში,

20 რადგან ღვთის ყველა აღთქმანი მასში ჰო არის და მისით ითქმის ამინი ღვთის სადიდებლად ჩვენს მიერ.

რიცხ.23,19.

21 ის, რომელიც თქვენთან ერთად გვამტკიცებს ქრისტეში და რომელმაც გვცხო ჩვენ, ღმერთია,

1იოან.2,20.

22 რომელმაც აგრეთვე დაგვბეჭდა და მოგვცა ჩვენს გულებში სულის საწინდარი. რომ.8,15. 2კორ.5,5. გამოც.2,17.

23 და მე მოვუხმობ ღმერთს ჩემი სულის მოწმედ, რომ თქვენ გზოგავდით და აქამდე იმიტომ არ მოვდიოდი კორინთოში.

24 არა იმიტომ, რომ ვიუფლოთ თქვენს რწმენაზე, არამედ ხელს ვუწყობთ თქვენს სიხარულს, ვინაიდან რწმენაში მტკიცენი ხართ.

თ ა ვ ი 2

პავლეს ნაღვლიანი წერილი

1 მაგრამ ჩემთვის ასე გადავწყვიტე, აღარ მოვიდე თქვენთან დასამწუხრებლად.

2 ვინაიდან თუ მე გამწუხრებთ, მაშ ვინლა გამახარებს, თუ არა ის, ვინც დამწუხრებულია ჩემგან.

3 სწორედ ეს მოგწერეთ თქვენ, რათა ჩემი მოსვლისას არ მქონდეს წუხილი მათგან, ვისითაც უნდა გამეხარა. ხოლო ყველა თქვენგანში დარწმუნებული ვარ, რომ ჩემი სიხარული ყველა თქვენგანის სიხარულიცაა. 2კორ.1,14.

4 ვინაიდან დიდი გულისტკივილითა და ნაღველით გწერდით და უამრავი ცრემლით, და არა იმიტომ, რომ დამემწუხრებინეთ, არამედ გეგრძნოთ ის უზომო სიყვარული, რომელიც თქვენდამი მაქვს. 1კორ.5,1.

მონანულს აღმოეჩინოს წყალობა

5 და თუ ვინმემ დამამწუხრა, მე კი არ დამამწუხრა, არამედ, გადაჭარბებულად რომ არ ვთქვა, ნაწილობრივ თქვენ ყველანი.

6 ასეთისათვის საკმარისია ეს სასჯელი მრავალთაგან. 1კორ.5,5.

7 ასე რომ, პირიქით, აპატიეთ და ნუგეში ეცით, რათა მეტი-სმეტმა ნაღველმა არ შთანთქას იგი.

8 ამიტომ შეგაგონებთ, სიყვარული გამოიჩინოთ მის მიმართ.

9 ვინაიდან იმისთვისაც დავწერე, რომ გამომეცადეთ, ყველაფერში მორჩილნი ხართ თუ არა.

10 და ვისაც თქვენ აპატიებთ რამეს, მეც, ვინაიდან მე თუ ვინმეს რაიმე ვაპატიე, თქვენი გულისათვის ვაპატიე ქრისტეს სახის წინაშე.

11 რათა ზიანი არ მოგვაყენოს სატანამ, ვინაიდან ჩვენთვის უცნობი არ არის მისი ზრახვები. ლუკ.22,31. 1პეტ.5,8.

პავლეს სიხარული სახარების გავრცელების გამო

12 ხოლო მე, როცა ტროადაში მოვედი ქრისტეს სახარების გულისათვის, კარი ღია იყო ჩემთვის უფალში,

13 მაგრამ არ მქონდა სულის სიმშვიდე, რადგან ვერ ვპოვე იქ ჩემი ძმა ტიტე. გამოვემშვიდობე მათ და გავემართე მაკედონისაკენ.

14 მაგრამ მადლობა ღმერთს, რომელიც ყოველთვის ძლევას გვანიჭებს ქრისტეში და ჩვენი ხელით ავრცელებს თავისი შემეცნების კეთილსურნელებას ყოველ ადგილას,

15 ვინაიდან ქრისტეს კეთილსურნელება ვართ ღვთისათვის დახსნილთა შორისაც და დაღუპულთა შორისაც.

1კორ.1,18. 2კორ.4,3.

16 ზოგისთვის სიკვდილის სურნელი სასიკვდილოდ და ზოგისთვის სიცოცხლის სურნელი სასიცოცხლოდ. ვინაა შესაფერისი ამისათვის?

ლუკ.2,34. 2კორ.3,5.

17 ვინაიდან ჩვენ არ ვმეწვრილმანებთ, როგორც მრავალნი, ღვთის სიტყვით, არამედ წრფელად, როგორც ღვთისაგან, ღვთის წინაშე ვქადაგებთ ქრისტეში.

2კორ.1,12;4,2;11,15. 1ტიმ.6,5. ტიტ.1,11.

თ ა ვ ი 3

ასო კლავს, სული კი აცოცხლებს

1 ნუთუ კიდევ დავიწყით საკუთარ თავთა წარდგენა? ნუთუ საჭიროა ჩვენთვის, როგორც ზოგიერთებისათვის, წარდგენის წერილები თქვენდამი ან თქვენგან?

2კორ.1,12.

2 თქვენ ხართ ჩვენი წერილი, ჩვენს გულებში დაწერილი, რომელსაც იცნობს და კითხულობს ყოველი ადამიანი,

1კორ.9,2.

3 თქვენ აჩვენებთ, რომ თქვენ ხართ ქრისტეს წერილი, ჩვენგან გაგზავნილი, დაწერილი არა მეღნით, არამედ ცოცხალი ღვთის სულით, არა ქვის დაფებზე, არამედ გულის ხორციელ დაფებზე.

ეზეკ.11,19. ებრ.8,10.

4 ასეთი ნდობა გვაქვს ქრისტეს მიერ ღვთის მიმართ,

5 არა იმიტომ, რომ ჩვენ ძალგვიძღეს ჩვენ თვითონ განვსაჯოთ რაიმე, ვითომც ჩვენგანით იყოს და არა ღვთისაგან ჩვენი შემძლეობა:

იოან.15,5. 1კორ.15,10.

6 მან შეგვაძლებინა, ვყოფილიყავით მსახურნი ახალი აღთქმისა, არა ასოებისა, არამედ სულისა. ვინაიდან ასო კლავს, სული კი აცოცხლებს.

იერ.31,33. იოან.6,63.

7 ხოლო თუ სიკვდილის მსახურება, ქვაზე ასოებით გამოსახული, ისე დიდებული იყო, რომ ისრაელიანებმა ვერ შეძლეს მოსეს სახის ხილვა მის სახეზე გადმოსული დიდების გამო,

გამოს.34,30.

8 რამდენად დიდი იქნება სულის მსახურების დიდება?

9 ვინაიდან, თუ განკითხვის მსახურება დიდებაა, მით უფრო უხვობს დიდებით სამართლიანობის მსახურება,

10 რადგან ამრიგად განდიდებული არ ჩაითვლება დიდებულად ამ აღზევებულ დიდებასთან შედარებით.

11 ვინაიდან, თუ წარმავალს ჰქონდა დიდება, რამდენად მეტი აქვს დიდება მას, რაც რჩება.

სადაც უფლის სულია, იქ თავისუფლებაა

12 ამიტომ, რაკი ამდენი თავისუფლება გვაქვს, დიდი გაბედულებითაც ვმოქმედებთ.

13 და არა როგორც მოსე, რომელმაც რიდე ჩამოიფარა სახეზე, რომ არ ეხილათ ისრაელიანებს წარმავალი დიდების დასასრული. რომ.10,4.

14 არამედ დაჩლუნგდა მათი გონება, ვინაიდან ძველი აღთქმის კითხვისას დღემდე რჩება იგივე მოუხსნელი რიდე, რადგან იგი ქრისტეში გადაიხდება. ეს.6,10. 1კორ.2,8.

15 მაგრამ დღემდე, როცა მოსეს კითხულობენ, რიდე ადევთ გულზე,

16 ხოლო როცა უფლისაგან მიიქცევიან, რიდე ეხდებათ.

გამოს.34,34.

17 ხოლო უფალი სულია და სადაც უფლის სულია, იქ თავისუფლებაა. იოან.4,24.

18 ჩვენ კი ყველანი ახდილი სახით ვხედავთ უფლის დიდებას, როგორც სარკეში, და გარდავისახებით იმავე სახედ დიდებიდან დიდებაში, როგორც უფლის სულისაგან. 1კორ.15,49. 2კორ.4,6.

თ ა ვ ი 4

პავლეს გულწრფელი ხარება

1 ამიტომ, რაკი ღვთის წყალობით ასეთი მსახურება გვაქვს, არ ვცხრებით,

2 არამედ უარყავით სირცხვილის გამო დაფარულნი, არა მზაკვრობითა და ღვთის სიტყვის დამახინჯებით, არამედ ჭეშმარიტების გამოჩენით წარვუდგენთ ჩვენს თავს ყველა ადამიანის სინდისს ღვთის წინაშე. საქ.23,9. 2კორ.2,17.

3 და თუ ჩვენი სახარება დაფარულია, დაღუპულთათვის არის დაფარული, 1კორ.1,18.

4 ურწმუნოთათვის, რომელთაც ამ წუთისოფლის ღმერთმა დაუბრმავა გონება, რათა მათთვის არ ებრწყინა სახარებისეულ ნათელს ქრისტეს დიდებისა, იმისი ვინც უხილავი ღვთის ხატია.

იოან.14,9. კოლ.1,15. ებრ.1,3.

5 ვინაიდან ჩვენს თავს კი არ ვქადაგებთ, არამედ ქრისტე იესოს, უფალს. ხოლო ჩვენ თქვენი მონები ვართ იესოსთვის.

1კორ.2,2;3,5.

6 ვინაიდან ღმერთმა, რომელმაც ბრძანა, გამობრწყინებულყო ნათელი ბნელიდან, მანვე გაანათა ჩვენს გულებში, რათა გაგვინათოს ღვთის დიდების შემეცნებით იესო ქრისტეს სახეში.

დაბ.1,3.1პეტ.2,9.

საუნჯე თიხის ჭურჭლებში

7 მაგრამ ეს განძი ჩვენ გვაქვს თიხის ჭურჭლებში, რათა აღმატებული ძლიერება ღვთისა იყოს და არა ჩვენგან.

1კორ.2,5. 2კორ.3,5.

8 ყველაფერში შევიწროებულნი ვართ, მაგრამ არა ვართ დათრგუნულნი. შეწუხებულნი ვართ, მაგრამ არა სასოწარკვეთილნი.

9 დევნილნი ვართ, მაგრამ არა მიტოვებულნი; გადაყრილნი ვართ, მაგრამ არა დაღუპულნი.

ფსალ.36,24.

10 და მუდამ სხეულში ვატარებთ უფალ იესოს სიკვდილს, რათა იესოს სიცოცხლეს ჩვენს სხეულში გამოჩნდეს.

გალ.6,17.

11 ვინაიდან ჩვენ ცოცხლები, მუდამ ვეძლევათ სიკვდილს იესოსათვის, რათა იესოს სიცოცხლეს ჩვენს მოკვდავ ხორცში გამოჩნდეს.

რომ.8,17.

12 ამიტომ ჩვენში სიკვდილი მოქმედებს, ხოლო თქვენში – სიცოცხლე.

13 და რაკი იგივე რწმენის სული გვაქვს, როგორც წერია: „მწამდა და ამიტომ ვლაპარაკობდი.“ ჩვენც გვწამს და ამიტომ ვლაპარაკობთ.

ფსალ.115,1.

14 რაკი ვიცით, რომ, ვინც აღადგინა უფალი იესო, ჩვენც აღგვადგენს იესოსთან ერთად და წარგვადგენს თქვენთან ერთად.

1კორ.6,14. 1თეს.1,10.

15 ვინაიდან ყოველივე თქვენთვის არის, რათა მრავლის მიერ მადლის გამრავლებით გავრცელდეს მადლიერება ღვთის სადიდებლად.

ვუყურებთ არა ხილულს

16 ამიტომ არ ვცხრებით, მაგრამ თუ გარეგანი კაცი იხრწნება, ჩვენი შინაგანი მაინც ახლდება ღლითი დღე.

17 ვინაიდან ჩვენი მსუბუქი და ხანმოკლე ტანჯვა დიდ და მომეტებულ საუკუნო დიდებას ქმნის ჩვენთვის,

რომ.8,18.

18 როცა ვუყურებთ არა ხილულს, არამედ უხილავს, ვინაიდან ხილული დროებითია, ხოლო უხილავი – საუკუნო.

თ ა ვ ი 5

გამოსვლა სხეულიდან და უფალში დამკვიდრება

1 რადგან ვიცით, რომ, როცა დაინგრევა ეს ჩვენი მიწიერი სახლი – კარავი, ღვთისაგან გვაქვს შენობა ცაში, ხელთუქმნელი სახლი, საუკუნო.

იოზ.4,19. ებრ.9,11.

2 ვინაიდან მართლაც ვოხრავთ და ვნატრობთ ჩვენი ზეციური სახლით შემოსვას,

რომ.8,23.

3 თუ შემოსილნიც შიშვლები არ აღმოვჩნდით.

ეს.61,10. გამოცხ.16,15.

4 ვინაიდან, მართლაც, ამ კარავში ტვირთქვეშ ვოხრავთ, რადგან გახდა კი არა გვსურს, არამედ შემოსვა, რათა მოკვდავი შთაინთქას სიცოცხლით. 1კორ.15,54.

5 სწორედ ამისათვის შეგვამზადა ჩვენ ღმერთმა და მოგვცა სული საწინდრად. 2კორ.1,22.

6 ამიტომ ყოველთვის მხნედა ვართ და ვიცით, რომ სანამ დამკვიდრებულნი ვართ სხეულში, განშორებულნი ვართ უფლისაგან,

7 ვინაიდან რწმენით დავდივართ და არა ხილვით. რომ.8,25.

8 მხნედა ვართ და გვირჩევნია სხეულს განგშორდეთ და უფალთან დავბინავდეთ. ფილ.1,23.

9 ამიტომ ვცდილობთ კიდევ - აქ ვიქნებით თუ იქ, მისთვის სასურველნი ვიყოთ.

10 ვინაიდან ჩვენ ყველანი უნდა გამოვცხადდეთ ქრისტეს სამსჯავროს წინაშე, რათა თითოეულმა მიიღოს იმის მიხედვით, რასაც სხეულის სიცოცხლის დროს აკეთებდა - კეთილს თუ ბოროტს. იობ.34,11. მათ.16,27;25,32. რომ.14,10.

ქრისტეს სიყვარულით ვართ მოცულნი

11 და რაკი უფლის შიში ვიცით, ადამიანებს შთავაგონებთ, ღვთისთვის კი გაცხადებული ვართ. და ვიმედოვნებ, რომ თქვენი სინდისისთვისაც გაცხადებული ვართ.

12 ხელახლა კი არ წარმოგიდგენთ ჩვენს თავს, არამედ საბაბს გაძლევთ იკვებოთ ჩვენით, რომ სათქმელი გექნეთ მათთვის, ვინც სახით იკვებხის და არა გულით.

13 ვინაიდან თუ უაზრონი ვართ - ღვთისათვის, ხოლო თუ აზრიანები - თქვენთვის. 2კორ.11,11.

14 ვინაიდან ქრისტეს სიყვარულით ვართ მოცულნი, როცა ასე ვმსჯელობთ: თუ ერთი მოკვდა ყველასთვის, ყველანი დაიხოცნენ.

15 ქრისტე კი ყველასთვის მოკვდა, რათა ცოცხლებმა თავიანთთვის კი აღარ იცოცხლონ, არამედ იმისთვის, ვინც მათთვის მოკვდა და აღდგა. რომ.14,9. გალ.2,20.

16 ამიტომ ამიერიდან აღარავის ვიცნობთ ხორციელად. თუ ხორციელად ვიცნობდით კიდევ ქრისტეს, ახლა აღარ ვიცნობთ.

17 მაშასადამე, ის, ვინც ქრისტეშია, ის ახალი ქმნილებაა. ძველმა განგლო და ახლა ყოველივე ახალია.

ეს.43,18-19. რომ.6,4. გამოც.21,5.

18 ყოველივე ღვთისაგან არის, რომელმაც შეგვირიგა იესო ქრისტეს მეშვეობით და მოგვცა შერიგების მსახურება.

რომ.5,11. ეფეს.2,16. კოლ.1,20.

19 იმიტომ, რომ ღმერთმა ქრისტეში შეირიგა წუთისოფელი და არ ჩაუთვალა მათ მათი დანაშაულებანი და გვიბოძა შერიგების სიტყვა.

20 ამგვარად, ჩვენ ქრისტესმიერი ელჩები ვართ. და ვითომც თავად ღმერთი შეგაგონებდეთ ჩვენი მეშვეობით, ქრისტეს სახელით გთხოვთ: შეურიგდით ღმერთს.

21 ვინც ცოდვა არ იცოდა, ის გახდა ცოდვად ჩვენს გამო, რათა მასში გავხდეთ ღვთის სამართლიანობა.

ეს.53,9. იოან.8,46. 1პეტ.2,22. 1იოან.3,5.

თ ა ვ ი 6

ვედრება, რომ მადლი იქნეს მიღებული არა ამაოდ

1 და ჩვენ, როგორც თანამშრომელნი, შეგაგონებთ, რომ ფუჭად არ მიიღოთ ღვთის მადლი.

2 ვინაიდან ის ამბობს: „მოწყალების ჟამს შეგიწყნარე და ხსნის დღეს შეგეწიე.“ აჰა, ახლაა მოწყალების ჟამი, აჰა, ახლაა ხსნის დღე.

ეს.49,8. ლუკ.4,19. ებრ.3,7.

3 ჩვენ არაფერში არ ვიძლევიტ დაბრკოლების საბაბს, რათა მსახურება არ შეიბღალოს,

4 არამედ ყველაფერში წარმოვდგებით, როგორც ღვთის მსახურნი: დიდ მოთმინებაში, მწუხარებაში, გაჭირვებაში, შევიწროებაში,

1კორ.4,11. 2კორ.12,10.

5 ცემაში, საპყრობილეებში, შფოთში, უძილობაში, მარხვაში,

6 სიწმიდეში, შემეცნებაში, სახიერებაში, სულიწმიდაში და უანგარო სიყვარულში,

7 ჭეშმარიტების სიტყვაში, ღვთის ძალაში, სიმართლის იარაღით მარჯვენასა და მარცხენაში,

8 დიდებასა და სირცხვილში, გმობით და ქებით, ვითომც მაცდურნი, მაინც ჭეშმარიტნი,

9 ვითომც უცნობნი, მაგრამ ცნობილნი, ვითომც მომაკვდავნი, და აჰა, ვცოცხლობთ! ვითომც დასჯილნი, მაგრამ არ ვკვდებით,

10 ვითომც მწუხარენი, მაგრამ მუდამ მოხარულნი; ვითომც ლატაკნი, მაგრამ მრავალთა გამამდიდრებელნი, როგორც არასმქონენი, მაგრამ ყველაფრის მფლობელნი.

იგ.13,7.

არ იქონიოთ ურთიერთობა ურწმუნოებთან

11 ჩვენი ბაგე გახსნილია თქვენს მიმართ, კორინთელნო, და გაშლილია ჩვენი გული.

12 თქვენ ვიწროდ არა ხართ ჩვენში, არამედ თქვენშივეა სივიწროვე.

13 ხოლო ამაზე სამაგიეროდ გეუბნებით, როგორც შვილებს: იყავით თქვენც გაშლილნი.

14 ნუ შეებმებით უცხო უღელში ურწმუნოებთან ერთად.

რადგან რა საერთო აქვს სიმართლეს ურჯულოებასთან? რა აქვს საერთო ნათელს ბნელთან?

15 რა შეთანხმება აქვს ქრისტეს ბელიართან? ან რა წილი აქვს მორწმუნეს ურწმუნოსთან? 3მფ.18,21.

16 რა კავშირი აქვს ღვთის ტაძარს კერპებთან? რადგან თქვენ ხართ ცოცხალი ღვთის ტაძარი, როგორც ღმერთმა თქვა: „დავმკვიდრდები და ვივლი მათ შორის, ვიქნები მათი ღმერთი და ისინი იქნებიან ჩემი ხალხი.“ ლევ.26,12. 1კორ.3,16;6,19.

17 ამიტომ გამოდით მათგან და გამოეყავით! ამბობს უფალი. უწმიდურს ნუ მიეკარებით და მე მიგიღებთ თქვენ. ეს.52,11. იერ.50,8. გამოც.18,4.

18 ვიქნები თქვენთვის მამა და თქვენ იქნებით ჩემთვის ძენი და ასულნი, ამბობს უფალი ყოვლისმპყრობელი.“ იერ.3,19;31,1. ოს.1,10.

თ ა ვ ი 7

ერთად სიკვდილი და ერთად სიცოცხლე

1 **ამიტომ**, ჩემო საყვარელნო, როცა ასეთი აღთქმანი გვაქვს, განვიწყმიდოთ ხორცისა და სულის ყოველგვარი სიბილწისაგან, ღვთის მოშიშებით აღვასრულოთ სიწყმიდე.

2 შეგვითვისეთ: არავის მოვქცევივართ უსამართლოდ, არავისთვის გვივინია, არავისგან გვიძებნია გამორჩენა.

3 მსჯავრდასადებად არ ვამბობ. რადგან წინასწარვე ვთქვი, რომ ჩვენს გულებში ხართ, რათა თქვენთან მოვკვდეთ და თქვენთან ვიცოცხოლოთ.

4 დიდი ნდობა მაქვს თქვენი, ბევრს ვიკვებხნი თქვენით. აღვსილი ვარ ნუგეშით, გულნაჯერი ვარ სიხარულით, მიუხედავად მთელი ჩვენი გასაჭირისა.

დანაღვლიანება ღვთის გულისათვის წარმოშობს მონანიებას ხსნისათვის

5 ვინაიდან, როცა მაკედონიაში მოვედით, ჩვენს სხეულს არ ჰქონია მოსვენება, არამედ შევიწროებულნი ვიყავით ყველგან: გარეთ – ბრძოლები, შინ – შიში.

6 მაგრამ ღმერთმა, რომელიც მორჩილთა ნუგეშისმცემელია, ნუგეში გვცა ტიტეს მოსვლით. 2კორ.1,4.

7 და არა მარტო მისი მოსვლით, არამედ აგრეთვე ნუგეშით, რომლითაც ნუგეშცემული იყო თქვენით, როცა გვიამბო თქვენს სიბეჯითეზე, თქვენს ტირილზე, თქვენს თავგამოდებაზე ჩემს მიმართ და, ამრიგად, უფრო მეტად გავიხარე.

8 ამიტომ, თუ კიდევ დაგანაღვლიანეთ წერილით, არ ვნანობ, თუმცა კინალამ ვინანე, ვინაიდან ვხედავ, რომ ამ წერილმა დაგანაღვლიანათ, თუნდაც დროებით.

9 ახლა მე ვხარობ არა იმიტომ, რომ დანალვლიანდით, არამედ იმიტომ, რომ დანალვლიანდით მოსანანიებლად; რადგან დანალვლიანდით ღვთის გულისათვის, ასე რომ არაფერი დაგზიანებით ჩვენგან.

10 ვინაიდან ღვთის გულისათვის დანალვლიანება წარმოშობს სინანულს სახსნელად და არ გახდება სანანებელი, ხოლო წუთისოფლის ნალველი სიკვდილს წარმოშობს. 13ეტ.2.19.

11 ვინაიდან იმან, ღვთის გულისათვის რომ დანალვლიანდით, დახეთ, რამდენი რამ წარმოშვა თქვენში: როგორი სიბეჯითე, როგორი გამართლება, როგორი გულისწყრომა, როგორი შიში, როგორი სურვილი, როგორი მოშურნეობა, როგორი სასჯელი და ყველაფერში აჩვენეთ, რომ სუფთანი ხართ ამ საქმეში.

12 ამიტომ, თუ კიდევ მოგწერეთ თქვენ, არც შეურაცყოფელის გულისათვის და არც შეურაცხოფილის გულისათვის, არამედ, რათა თქვენი გულმოდგინება ჩვენდამი გამოჩნდეს თქვენში ღვთის წინაშე.

13 და ამიტომ ვინუგეშეთ თავი თქვენი ნუგეშით. ხოლო უმეტესად გავიხარეთ ტიტეს სიხარულით, რომ თქვენ ყველამ დაამშვიდეთ მისი სული.

14 თუ რამეში დავიკვებე თქვენს შესახებ მის წინაშე, არ შევრცხვენილვარ; მაგრამ, როგორც ყველაფერს ჭეშმარიტად გელაპარაკებოდით, ასევე ჭეშმარიტი გამოდგა ჩვენი კვებნა ტიტეს წინაშე.

15 უფრო ძლიერდება მისი სიყვარული თქვენს მიმართ, იხსენებს რა ყველა თქვენგანის მორჩილებას და იმას, რომ მოშიშებით და თრთოლვით მიიღეთ იგი.

16 ამრიგად, მოხარული ვარ, რომ შემძლია ყველაფერში მოგენდოთ.

თ ა ვ ი 8

უხვად შესწირონ ქრისტეს გულისთვის

1 და აჰა, გაუწყებთ, ძმანო, ღვთის მადლის შესახებ, რომელიც მიეცა მაკედონიის ეკლესიებს.

2 ვინაიდან, მიუხედავად დიდი შევიწროებით გამოცდისა, მათი სიხარულის სიუხვე და მათი სიღატაკის სიღრმე უხვად გამოიხატა მათი ხელგაშლილობის სიმდიდრეში. მარ.12,44. რომ.12,8.

3 ვინაიდან, ვადასტურებ, რომ თავიანთი ძალის შესაბამისად და უფრო მეტადაც გულუხვნი იყვნენ.

4 დიდი დაჟინებით გვთხოვეს მათი მონაწილეობა წმიდათა მომსახურებაში.

5 და არა მარტო ის, რისი იმედიც გვქონდა, არამედ მათ საკუთარი თავი მისცეს ჯერ უფალს და მერე ჩვენ, ღვთის ნებით.

6 ამიტომ ტიტეს ვთხოვეთ, რომ, როგორც დაიწყო, ასევე დაემთავრებინა თქვენთან ეს კეთილი საქმე.

7 ხოლო როგორც სიუხვე გაქვთ ყველაფერში: რწმენით და სიტყვით, შემეცნებით და ყოველგვარი სიბეჯითით და თქვენში ჩვენი სიყვარულით, ასე იუხვეთ ამ მადლშიც.

8 ამას ბრძანებით კი არ ვამბობ, არამედ რათა სხვათა სიბეჯითით გამოვცადო თქვენი სიყვარულის ჰეშმარიტებაც.

9 ვინაიდან თქვენ იცით ჩვენი უფლის იესო ქრისტეს მადლი, რომ ის, მდიდარი, თქვენი გულისთვის გალატაკდა, რათა თქვენ გამდიდრებულიყავით მისი სილატაკით.

მათ.8,20. ლუკ.2,7. იოან.1,16. ფილ.2,7.

10 ჩემს რჩევას ვიძლევი ამაზე, რადგან სასარგებლო იქნება თქვენთვის იმის აღსრულება, რაც შარშან წამოიწყეთ და ხალისითაც.

11 ახლა კი დაასრულეთ კიდევ საქმე, რათა, რისი გაკეთებაც გულმოდგინედ გსურდათ, დაამთავროთ კიდევ თქვენი შეძლებისამებრ.

12 ვინაიდან, როცა გულმოდგინება არის, ეს მიიღება იმის მიხედვით, ვისაც რა აქვს, და არა იმის მიხედვით, რაც არა აქვს.

იგ.3,28.

13 რადგან არა იმისათვის, რომ სხვებს შვება ჰქონდეთ და თქვენ გაჭირვება, არამედ თანასწორობისთვის.

14 ამჟამად თქვენი ნამეტი შეავსებს მათს ნაკლულობას, რათა მათმა ნამეტმაც შეავსოს თქვენი ნაკლულობა, რომ იყოს თანასწორობა.

15 როგორც წერია: „ვინც ბევრი აკრიფა, ზედმეტი არ ჰქონდა, ხოლო ვინც ნაკლები – არ აკლდა.“

გამოს.16,18.

თავდებობა ტიტეს ერთგულებაზე. მისი თანამგზავრები

16 და მადლობა ღმერთს, რომელიც ასეთსავე სიბეჯითეს აძლევს თქვენს მიმართ ტიტეს გულს.

17 ვინაიდან მართლაც მიიღო ჩვენი შეგონება და მომეტებული სიბეჯითით და საკუთარი სურვილით წამოვიდა თქვენთან.

18 მასთან ერთად გამოვგზავნეთ ძმა, რომელსაც ყველა ეკლესიაში აქებენ სახარების ქადაგებისთვის.

19 გარდა ამისა, ის არჩეულია ეკლესიების მიერ აგრეთვე ჩვენს თანამგზავრად ამ სამადლო საქმეში, რასაც ჩვენ ვემსახურებით თვით უფლის სადიდებლად და თქვენი გულმოდგინების შესაბამისად.

20 ვფრთხილობთ, რომ არავინ გამოვიდეს ბოროტი საყვედურით ჩვენზე, როცა ესოდენ უხვია ეს შემოწირულება, რომელიც ჩვენი მსახურებით იქნა მოპოვებული.

21 ვინაიდან ვცდილობთ კეთილისათვის არ მარტო უფლის წინაშე, არამედ ადამიანის წინაშეც.

იგ.3,4. რომ.12,17. ფილ.4,8.

22 გამოვგზავნეთ მათთან ერთად ჩვენი ძმა, რომლის სიბეჯითე მრავალჯერ გამოვცადეთ ბევრ რამეში, ხოლო ახლა უფრო მეტად ბეჯითია თქვენდამი თავისი დიდი ნდობის გამო.

23 რაც შეეხება ტიტეს, ის ჩემი მეგობარი და თანამშრომელია თქვენთან. ხოლო რაც შეეხება ჩვენს ძმებს, ეკლესიების წარგზავნილი არიან და ქრისტეს დიდება.

24 ამიტომ უჩვენეთ და დაუმტკიცეთ მათ ეკლესიების წინაშე თქვენი სიყვარული და ის, რითაც ჩვენ ვიკვებებით თქვენით.

თ ა ვ ი 9

ძმების გაგზავნა წინასწარ, რომ ისინი მზად იყვნენ

1 თუმცა მეზედმეტება მოგწეროთ წმიდათა მომსახურებაზე.

2 ვინაიდან ვიცი თქვენი გულმოდგინება და ვიკვებებით თქვენით მაკედონელთა წინაშე, რომ აქაია მომზადებულია შარშანდღიდან. და მრავალი წაახალისა თქვენმა მოშურნეობამ,

3 ხოლო ძმები გამოვგზავნე იმისათვის, რომ ფუჭი არ იყოს ჩვენი კვებნა თქვენით ამისათვის და რათა მზად იყოს, როგორც ვთქვი.

4 რათა, როცა მაკედონელნი მოვლენ ჩემთან ერთად და გვპოვებენ მოუმზადებელთ, არ შევრცხვით, არ ვამბობ: თქვენმეთქი, რაკი ესოდენ დაბეჯითებით დავიკვებეთ.

5 ამიტომ საჭიროდ მივიჩნიე მეთხოვა ძმებისათვის, რომ წინასწარ მოსულიყვნენ თქვენთან და გაემზადებინათ თქვენი, უკვე აღთქმული ძღვენი, რათა მზად იყოს როგორც ძღვენი და არა როგორც ანგარება.

ორმაგი კურთხევა სწორად შემწირავს

6 ამასთან გეტყვით, ვინც ძუნწად თესავს, ის ძუნწად მოიმკის, ხოლო ვინც კურთხევით თესავს, ის კურთხევით მოიმკის.

7 თითოეულმა როგორც გულით აირჩია, არც შეწყუბებით და არც ძალდატანებით. ვინაიდან სიხარულით გამცემი უყვარს ღმერთს.

2შჯ.15,7. 2კორ.8,2.

8 ხოლო ღმერთს ძალუძს გაგამდიდროთ ყოველგვარი მადლით, რათა თქვენ, ყველაფერში მუდამ ყოველივეს საკმარისად მქონენი, მდიდარნი იყოთ ყოველ კეთილ საქმეში.

1ტიმ.6,6.

9 როგორც წერია: „გაფლანგა, ღარიბებს დაურიგა; მისი სიმართლე რჩება უკუნისამდე.“

ფსალ.111,9.

10 ხოლო ის, ვინც თესს აძლევს მთესველს და ჰურს – საჰმელად, მოგცემთ და გაამრავლებს თქვენს თესლს და გაზრდის თქვენი სიმართლის ნაყოფთ,

ეს.55,10.

11 რათა ყველაფერში გამდიდრდეთ ყოველგვარი ხელგაშლილობით, რაც ჩვენს მიერ ქმნის ღვთის მიმართ მადლიერებას.

12 ვინაიდან ამ საქმის სამსახური არა მარტო ავსებს წმიდათა ნაკლებობას, არამედ უხვობს კიდევ ღვთისადმი მრავალი მადლიერებით;

13 ამ სამსახურის გამოცდილებით აღიღებენ ღმერთს, თქვენს მიერ ქრისტეს სახარების მორჩილი აღიარებისათვის, აგრეთვე ხელგაშლილობისათვის მათთან და ყველასთან ურთიერთობაში.

14 ხოლო ისინი, როცა ლოცულობენ თქვენთვის, შეგნატრიან თქვენ ღვთის მადლისათვის, რომელიც თქვენში მომეტებულია.

15 მადლობა ღმერთს მისი აურაცხელი ნიჭისათვის.

თ ა ვ ი 10

პასუხი განმაქიქებელთ

1 თვითონ მე, პავლე, რომელიც პირისპირ მყოფი თქვენ შორის თავმდაბალი ვარ, ხოლო შორით – კადნიერი თქვენს მიმართ, მოგიწოდებთ ქრისტეს სიმშვიდით და სიკეთით.

2 და გევედრებით, რომ ჩემი მოსვლისას არ დამჭირდეს სიმკაცრე, რომლის გამოყენებას ვფიქრობ ზოგიერთების წინააღმდეგ, ვისაც ჰგონია, თითქოს ხორცის მიხედვით დავდიოდეთ.

2კორ.2,17.

3 ვინაიდან, თუმცა ხორცში დავდივართ, ხორციელად არ ვიბრძვით.

1ტიმ.1,18.

4 ვინაიდან ჩვენი საბრძოლო იარაღი ხორციელი არ არის, არამედ არის ღვთიური ძლიერება სიმაგრეთა დასანგრევად.

იერ.1,10. 2კორ.6,77. ეფეს.6,13.

5 იმით ვამხოვთ ზრახვებს და ყოველ სიმაღლეს, რომელიც აღმართულია ღვთის შემეცნების წინააღმდეგ, ვატყვევებთ ყოველგვარ აზრს ქრისტესთვის დასამორჩილებლად.

1კორ.1,19;3,19.

6 და მზად ვართ შური ვიძიოთ ყოველგვარ ურჩობაზე, როცა თქვენი მორჩილება აღსრულდება.

7 პიროვნებას უყურებთ? ვისაც სჯერა, რომ ქრისტესია, თვითონვე დაფიქრდეს, რომ როგორც თავად არის ქრისტესი, ასევე ჩვენც ქრისტესნი ვართ.

იოან.7,24.

8 და თუ უფრო მეტად დავიკვეხნი ჩვენი ხელმწიფებით, რომელიც უფალმა მოგვცა აღსაშენებლად და არა თქვენს დასაქცევად, არ შევრცხვები.

2კორ.13,10.

9 ამიტომ არ მოგეჩვენოთ, თითქოს გემუქრობდეთ წერილებით.

10 როგორც ამბობენ: წერილებში ის მძიმე და ძლიერია, მაგრამ როდესაც პირადად იმყოფება, სუსტია და მისი სიტყვაც არარაობაა.

2კორ.11,6.

11 დაე, იცოდეს ასეთმა, რომ, როგორებიც ვართ სიტყვებით წერილებში არყოფნისას, ისეთივე ვართ საქმეში თქვენთან ყოფნისას.

12 ვინაიდან ვერ ვბედავთ დავუპირისპირდეთ, ანდა შევედაროთ იმათ, რომელთაც თავი მოაქვთ: ისინი უჭკუობით თავიანთი თავით ზომავენ თავს და თავიანთ თავს თავის თავთან ადარებენ.

13 ხოლო ჩვენ ზომაზე მეტად არ დავიკვებებით, არამედ ზომიერების ფარგლებში, როგორც ღმერთმა გვიწილადა იმ ზომით, რომ თქვენამდე მოვალწით. 2კორ.12,5.

14 ვინაიდან, ჩვენ ხომ მეტისმეტად არ დავიძაბებით, თითქოს არ მოგველწიოს თქვენამდე, იმიტომ, რომ თქვენამდეც მოვალწით ქრისტეს სახარებით.

15 ზომაზე მეტად არ ვიკვებით სხვისი შრომით, მაგრამ იმედი გვაქვს, რომ თქვენი რწმენის ზრდის კვალობაზე უხვად გავადიდებთ თქვენში ჩვენს ხედრს. რომ.15,20.

16 რათა თქვენს იქითაც ვახაროთ და არ ვიკვებოთ იმით, რაც უკვე გამზადებულია სხვათა ხედრში.

17 ვინც იკვების, უფლით დაიკვებოს. იერ.9,24. 1კორ.1,31.

18 ვინაიდან, ის კი არ არის მოწონებული, ვინც თავს იქებს, არამედ – ვისაც უფალი აქებს. იგ.27,2. 1კორ.4,5.

თ ა ვ ი 11

იყავით ერთგულნი ქრისტესთვის

1 ო, ნეტა ოდნავ მაინც შეიწყნარებდეთ ჩემს სისულელეს! თუმცა მიწყნარებთ კიდეც.

2 ვინაიდან თავგამოდებული ვარ თქვენს მიმართ ღვთიური თავგამოდებით, რადგან დაგნიშნეთ თქვენ ერთ კაცზე, რათა წმიდა ქალწულად წარგადგინოთ ქრისტეს წინაშე. ეს.62,5. ოს.2,19

3 მაგრამ ვშიშობ, რომ როგორც გველმა თავისი მზაკვრობით აცდუნა ევა, ასევე არ გაირყვნეს თქვენი აზროვნება და არ გარდახდეთ გულუბრყვილობასა და სიწმიდეს ქრისტეში.

ღაბ.3,4. იოან.8,44. 2პეტ.3,17. 1ტიმ.6,3.

4 ვინაიდან, თუ მოვა სხვა ვინმე და გიქადაგებთ სხვა იესოს, რომელიც ჩვენ არ გვიქადაგნია, ანდა, თქვენ რომ მიგელოთ სხვა სული, რომელიც არ მიგილიათ, ან სხვა სახარება, რომელიც არ მიგილიათ, მაშინ თქვენ მეტისმეტად შემწყნარებელნი იქნებით.

5 მაგრამ ვფიქრობ, არაფერში ჩამოვუვარდები ესოდენ მაღალ მოციქულებს. 1კორ.15,10.

6 და თუმცა სიტყვით უმეცარი ვარ, არა ცოდნით, მაინც ყველაფერში გაცხადებულნი ვართ თქვენთვის. 1კორ.2,1. 2კორ.10,10.

7 ანდა, ნუთუ ცოდვა ჩავიდინე, თავის დამდაბლებით, რათა თქვენ ამალღებულიყავით, რადგან უსასყიდლოდ გახარებდით ღვთის სახარებას?

8 სხვა ეკლესიებს ვართმევდი, ვიღებდი მათგან ქირას, რათა თქვენ მოგმსახურობდით. ხოლო როცა თქვენთან ვიყავი და მაკლდა კიდევ, არავინ შემიწუხებია. საქ.20,33. 2თეს.3,8.

9 ვინაიდან ჩემს ნაკლულებას ავსებდნენ მაკედონიიდან მოსული ძმები და ყველაფერში ვცდილობდი ტვირთად არ დაგწოლოდით თქვენ, და კვლავაც ვეცდები.

10 ქრისტეს ჭეშმარიტებით, რომელიც ჩემშია, გეუბნებით, რომ ეს სიქადული არ წამერთმევა აქაიის მხარეებში. რომ.9,1.

11 რატომ? განა იმიტომ, რომ არ მიყვარხართ? ღმერთმა უწყის!

12 მაგრამ რასაც ვაკეთებ, იმასვე გავაკეთებ, რათა საბაბი მოგკვეთო მათ, ვინც საბაბს ეძებს, რათა ისინი ჩვენისთანანი აღმოჩნდნენ იმაში, რითაც იკვებნიან.

13 ვინაიდან ასეთები არიან ცრუ მოციქულნი, მზაკვარი მუშაკნი, ქრისტეს მოციქულებად გარდასახულნი. საქ.15,24.

14 და არ არის საკვირველი, რადგან თვით სატანაც ხომ ნათლის ანგელოზად გარდაისახება.

15 ამიტომ დიდი ამბავი არ არის, თუ მისი მსახურნიც სიმაართლის მსახურებად გარდაისახებიან. მაგრამ მათი ბოლო მათი საქმეთამებრ იქნება. მათ.7,15.

პავლეს ტანჯვა სახარებისთვის

16 კვლავაც ვიტყვი: ნურავინ ჩამთვლის უგუნურად. და თუ არა, ისე მაინც მიმიღეთ, როგორც უგუნური, რათა მცირეოდენით მეც ვიკვებო.

17 რასაც ვამბობ, უფლის მიხედვით კი არ ვამბობ ასეთ თავდაჯერებულ კვებნაზე, არამედ თითქოს უგუნურებით,

18 რაკი ბევრი იკვებხის ხორციელად, ამიტომ მეც დავიკვები. ფილ.3,4.

19 ვინაიდან თქვენ, გონიერნი, ხალისით იწყნარებთ უგუნურებს.

20 რადგან იწყნარებთ, თუ ვინმე დაგიმონებთ, თუ ვინმე შეგსანსლავთ, თუ ვინმე დაგიპყრობთ, თუ ვინმე გაყოყოჩდება, თუ ვინმე სახეში გცემთ.

21 შესარცხვენად ვამბობ ამას, თითქოს დავუძლურდით. მაგრამ, თუ ვინმე გაკადნიერდება და რაიმეთი დაიკვებხის, უგუნურებით ვიტყვი ამას: მეც გავკადნიერდები.

22 ისინი ებრაელები არიან? მეც. ისრაელიანები არიან? მეც. აბრაამის თესლნი არიან? მეც. საქ.22,3. ფილ.3,5.

23 ქრისტეს მსახურნი არიან? უგუნურივით ვამბობ: მე უფრო მეტად: უფრო მეტად შრომაში, ბევრად უფრო მეტად ტანჯვაში, უფრო მეტად საპყრობილეში და მრავალგზის სიკვდილის პირას.

24 ხუთჯერ მივიღე იუდეველთაგან ორმოცზე ერთით ნაკლები დარტყმა. 2შჯ.25,3.

25 სამჯერ კვერთხითა მცემეს, ერთხელ ჩამქოლეს და სამჯერ გემის მსხვრევა განვიცადე, ღამე და დღე შუა ზღვაში დავყავი,
საქ.14,19;16,22;27,41.

26 მრავალჯერ მოგზაურობებში, განსაცდელში მდინარეებზე, განსაცდელში ყაჩაღებისაგან, განსაცდელში თანატომელთაგან, განსაცდელში წარმართთაგან, განსაცდელში ქალაქად, განსაცდელში უდაბნოდ, განსაცდელში ზღვაზე, განსაცდელში ცრუ ძმებს შორის,

27 შრომასა და გაჭირვებაში, ხშირ სიფხიზლეში, შიმშილსა და წყურვილში, ხშირ მარხულობაში, ყინვასა და სიშიშველეში.

კორ.4,11.

28 კიდევ გარდა სხვათა, დღითი-დღე რომ მიხდება: ზრუნვა ყველა ეკლესიაზე.

29 ვინმე დაუძლურდა და მე არ დავუძლურდი? ვინმე დაბრკოლდა და მე არ ავენთე?

1კორ.9,22.

30 თუ დასაკვეხნია, ჩემი უძლურებით დავიკვეხნი.

31 ღმერთმა, ჩვენი უფლის, იესო ქრისტეს მამამ, კურთხეულმა უკუნითი უკუნისამდე, იცის, რომ არ ვცრუობ.

რომ.9,1. გალ.1,20.

32 დამასკოში მეფე არეტას ოლქის განმგებელი დარაჯობდა დამასკელთა ქალაქს, რათა შევეპყარი.

საქ.9,24.

33 სარკმლიდან გადმომიშვეს გოდრით კედელზე და ხელიდან დავუსხლტი მას.

თ ა ვ ი 12

პავლეს ხილვანი და გამოცხადებანი

1 მართლაც სასარგებლო არ არის ჩემთვის კვეხნა, ვინაიდან მივალ უფლის ხილვებთან და გამოცხადებებთან.

გალ.1,12;2,2.

2 ვიცი კაცი ქრისტეში, რომელიც თოთხმეტი წლის წინათ, არ ვიცი, სხეულში, არ ვიცი, სხეულის გარეთ, ღმერთმა იცის, ატაცებულ იქნა მესამე ცამდე.

3 ვიცი ასეთ კაცზე, სხეულში იყო, თუ სხეულის გარეშე, არ ვიცი, ღმერთმა იცის,-

4 რომ ის ატაცებულ იქნა სამოთხეში და ისმენდა გამოუთქმელ სიტყვებს, რომელთა გამოთქმა ნებადართული არა აქვს ადამიანს.

5 ასეთი კაცით დავიკვეხნი, ჩემი თავით კი არ დავიკვეხნი, მხოლოდ ჩემი უძლურებებით.

6 ხოლო თუ მოვისურვებ დავიკვეხნო, უგუნური არ ვიქნები, ვინაიდან ჭეშმარიტებას ვიტყვი. მაგრამ თავს ვიკავებ, რათა არავინ ჩამთვალოს იმაზე მეტად, რასაც ჩემში ხედავს ან ჩემგან ისმენს.

7 რათა არ გავმედიდურდე მეტისმეტი გამოცხადებებით, ეკალი მომეცა სხეულში, სატანის ანგელოზი, რომ დამქეჯნოს, რათა არ გავმედიდურდე.

8 სამჯერ შევევედრე უფალს, რომ განმაშოროს იგი.

9 და მითხრა: „გეყოფა ჩემი მადლი, ვინაიდან უძლურებაში ხდება სრულყოფილი ჩემი ძალა.“ ამიტომ უფრო ხალისით დავიკვებნი ჩემი უძლურებებით, რათა ქრისტეს ძალა დამკვიდრდეს ჩემში.
რომ.5,3. 2კორ.4,8;11,30.

10 ამიტომ კმაყოფილი ვარ უძლურებაში, შეურაცხყოფაში, გაჭირვებაში, დევნაში და შევიწროებაში ქრისტეს გულისათვის. ვინაიდან როცა უძლური ვარ, მაშინ ვარ ძლიერი.

11 უგუნური შევიქენი, რაკი ვიკვებნი. თქვენ მაიძულეთ. თქვენ გევალებოდათ ჩემი ქება, ვინაიდან არაფრით ვარ ესოდენ მაღალ მოციქულებზე ნაკლები, თუმცა არარაობა ვარ.

12 მოციქულის ნიშნები გამოჩნდა თქვენ შორის ყოველგვარი მოთმინებით, ნიშნებით, სასწაულებით და ძალებით.

13 ვინაიდან რა გაკლიათ სხვა ეკლესიებთან შედარებით, გარდა იმისა, რომ მე არ დაგაწექით მძიმე ტვირთად? მაპატიეთ ეს დანაშაული.
1კორ.1,5.

არც ის და არც ტიტე არ იყვნენ ტვირთად ეკლესიისთვის

14 აჰა, მე მზად ვარ მესამედ მოვიდე თქვენთან და არ დაგაწევებით მძიმე ტვირთად, ვინაიდან მე თქვენ გეძებთ და არა თქვენსას. რადგან შვილები კი არ უნდა აგროვებდნენ სიმდიდრეს მშობლებისათვის, არამედ მშობლები – შვილებისათვის.

საქ.20,33.

15 ხოლო მე ხალისით დავიხარჯები და გამოვიფიტები თქვენი სულებისათვის, თუმცა მიუხედავად ჩემი თქვენდამი დიდი სიყვარულისა, ნაკლებად გიყვარვართ.
კოლ.1,24. 1თეს.2,8. 2ტიმ.2,10.

16 მაგრამ თუ ასეა და მე არ დაგიმძიმდით თქვენ, იქნებ, როგორც მატყუარამ, მზაკვრობით წარგიტაცეთ?

17 ან ვეძიებდი ანგარებას ვინმეს მეშვეობით, რომელიც თქვენთან გამოგვზავნე?
2კორ.7,2.

18 მე ვთხოვე ტიტეს და მასთან ერთად გამოგვზავნე ერთ-ერთი ძმა: განა გამოგიყენათ თქვენ ტიტემ? ერთი სულით არ დავდიოდით? განა ერთი გზით არ დავდიოდით?

19 კიდევ ხომ არ ფიქრობთ, თავს ვიმართლებდეთ თქვენთან? ღვთის წინაშე ვლაპარაკობთ, ქრისტეში. ყოველივე ეს, საყვარელნო, თქვენს აღსაშენებლად.
1კორ.10,33.

20 ვინაიდან ვშიშობ, რომ, როცა მოვალ, გიპოვით თქვენ არა ისეთებს, როგორც მე მსურს, და თქვენც მიპოვით ისეთს, როგორც არ გსურთ. რათა არ იყოს თქვენში შუღლი, შური, მძვინვარება, დავიდარაბა, ცილისწამება, ენატანობა, სიამაყე და შფოთი.

21 რათა, როცა კვლავ მოვალ, არ დამამდაბლოს ჩემმა ღმერთმა თქვენთან და არ ვიგლოვო მრავალნი, რომელთაც ადრე შესცოდეს და არ მოინანიეს უწყიდურება, სიძვა და გარყვნილება. რასაც სჩადიოდნენ.

თ ა ვ ი 13

მალე ნახვისა და სასტიკი მსჯავრის შესახებ

1 ეს მესამედ მოვდივარ თქვენთან. ორი მოწმის ან სამი მოწმის პირით დამტკიცდება ყოველი სიტყვა.

2შჯ.17,6:19,15. მათ.18,16. იოან.8,16. ებრ.10,28.

2 მე წინასწარ ვეუბნებოდი და ახლაც, ვეუბნები, როგორც თქვენთან მეორედ ყოფნისას, ისე ახლაც არყოფნისას, მათ ვინც ადრე შესცოდა და ყველა სხვას, რომ, თუ კვლავ მოვალ, არავის დავინდობ.

2კორ.10,2.

3 რაკი თქვენ ეძებთ იმის მტკიცებას, ქრისტე ლაპარაკობს ჩემში თუ არა. ვინც უძლური არ არის თქვენთვის, არამედ ძლიერია თქვენში.

4 ვინაიდან, თუმცა უძლურების გამო იყო ჯვარცმული, მაგრამ ცოცხალია ღვთის ძალით. და ჩვენც უძლურნი ვართ მასში, მაგრამ ვიცოცხლებთ მასთან ერთად ღვთის ძალით თქვენთვის.

რომ.6,4.

5 საკუთარი თავი გამოსცადეთ, თუ ხართ რწმენაში. საკუთარი თავი გამოარკვიეთ. ნუთუ არ იცნობთ საკუთარ თავს, რომ თქვენშია იესო ქრისტე? თუ არა და, მაშ, გამოცდას ვერ უძლებთ.

1კორ.11,28. ეფეს.3,17.

6 მაგრამ ვიმედოვნებ, ჩვენზე კი გაიგებთ, რომ არა ვართ გამოუცდელნი.

7 ვლოცულობთ ღვთისადმი, რომ არავითარი ბოროტება არ ჩაიდინოთ, არა იმისათვის, რომ ჩვენ გამოცდილნი გამოვჩნდეთ, არამედ რათა თქვენ კეთილს აკეთებდეთ, ჩვენ კი თუნდაც გამოუცდელნი ვიყოთ.

8 ვინაიდან არაფრის გაკეთება ძალგვიძს ჭეშმარიტების წინააღმდეგ, არამედ ჭეშმარიტებისათვის.

9 რადგან გვიხარია, როცა ჩვენ უძლურნი ვართ, თქვენ კი ძლიერნი. ამაზე ვლოცულობთ კიდევ, თქვენს სრულყოფაზე.

10 ამიტომ ვწერ ამას შორიდან, რათა მოსვლისას არ მოვიქცე მკაცრად იმ ძალაუფლებისამებრ. რომელიც უფალმა მომცა აღსაშენებლად და არა დასანგრევად.

2კორ.10,8.

უკანასკნელი დარიგება და კურთხევა

11 მაშ, ასე, ძმებო, იხარეთ და განმტკიცდით, თავი ინუგეშეთ და იყავით ერთსულოვანნი, მშვიდობიანნი. გიყვარდეთ მშვი-

დობა და სიყვარულისა და მშვიდობის ღმერთი თქვენთან იქნება.

1პეტ.3,8. რომ.15,5. ფილ.2,2.

12 მოიკითხეთ ერთმანეთი წმიდა ამბორით. მოგიკითხავთ ყველა წმიდა.

1პეტ.5,14. რომ.16,16. 1კორ.16,20.

13 მადლი უფლისა იესო ქრისტესი, სიყვარული ღვთისა და ზიარება სულიწმიდისა იყოს ყველასთან თქვენთან. ამინ.



პ ა ვ ლ ე მ ო ც ი ქ უ ლ ი ს წ ე რ ი ლ ი გ ა ლ ა ტ ე ლ თ ა მ ი მ ა რ თ

თ ა ვ ი 1

პავლეს სიტყვა გალატიის ეკლესიებს

1 პავლე მოციქული, არა კაცთაგან და არც კაცის მიერ, არამედ იესო ქრისტეს და მამა ღმერთის მიერ, რომელმაც მკვდრეთით აღადგინა იგი, საქ.9,15.

2 და ჩემთან მყოფი ყველა ძმა – გალატიის ეკლესიებს:

3 მადლი თქვენ და მშვიდობა ჩემი მამა ღმერთის და უფალ იესო ქრისტესაგან,

4 რომელმაც თავისი თავი გადასცა ჩვენი ცოდვებისათვის, რათა ვეხსენით ახლანდელი ბოროტი წუთისოფლისაგან ჩვენი მამა ღმერთის ნება-სურვილით, მათ.20,28. ლუკ.1,74.

5 რომელსაც ეკუთვნის დიდება უკუნითი უკუნისამდე. ამინ.

შეჩვენება მათ, ვინც უკუღმა ახარა

6 მიკვირს, რომ ასე მალე გადახვედით სხვა სახარებაზე იმისგან, ვინც მოგიწოდათ ქრისტეს მადლით.

7 არ არსებობს სხვა სახარება, მაგრამ არსებობენ ადამიანები, რომელთაც არეულობა შეაქვთ თქვენში და სურთ დაამახინჯონ ქრისტეს სახარება. საქ.15,24.

8 მაგრამ თუნდაც ჩვენ ან ანგელოზმა ზეციდან გახაროთ არა ის, რასაც ჩვენ გახარებდით, შეჩვენებული იყოს იგი.

9 როგორც უკვე ვთქვით, ახლა კვლავ ვამბობ: თუ ვინმემ გახაროთ თქვენ არა ის, რაც მიიღეთ, შეჩვენებული იყოს.

10 ახლა ადამიანებთან ვეძებ კეთილნებობას თუ ღმერთთან? თუ ვცდილობ ადამიანებს ვაამო? ისევ ადამიანებს რომ ვაამებდე, ქრისტეს მონა აღარ ვიქნებოდი. 1თეს.2,4.

სახარების მიღება არა კაცისგან, არამედ თავად ქრისტესგან

11 ხოლო გაუწყებთ თქვენ, ძმებო, რომ სახარება, რომელსაც ვახარებდი, არ არის ადამიანური. 1კორ.15,1.

12 ვინაიდან მეც არ მიმილია და არ მისწავლია იგი ადამიანისაგან, არამედ იესო ქრისტეს გამოცხადებით. საქ.26,16.

13 რადგან გსმენიათ თქვენ ჩემი წინანდელი მიმოსვლა იუდეველობაში, რომ მე სასტიკად ვღევნიდი ღვთის ეკლესიას და ვარბევდი მას. საქ.9,21.

14 ვუსწრებდი იუდეველობაში მრავალ ჩემი ასაკის ხალხს ჩემს ტომში, ვინაიდან ჩემი მამების გადმოცემების მოშურნე ვიყავი მეტიმეტად.

15 ხოლო როცა კეთილინება ღმერთმა, რომელმაც გამომარჩია დედის საშოდან და მომიწოდა თავისი მადლით, საქ.9,15.

16 გამოეცხადებინა ჩემში თავისი ძე, რომ მეხარებინა იგი წარმართთათვის, მყისვე როდი ვეთათბირე ხორცსა და სისხლს. ეფეს.3,8.

17 არც იერუსალიმში ავსულვარ ჩემს წინამორბედ მოციქულებთან, არამედ არაბიაში წავედი და კვლავ დავბრუნდი დამასკოს.

18 მერე, სამი წლის შემდეგ ავედი იერუსალიმში პეტრეს სანახავად და თხუთმეტი დღე დავყავი მასთან. საქ.9,26.

19 სხვა მოციქულთაგანი არავინ მინახავს, გარდა უფლის ძმის, იაკობისა. მათ.13,55.

20 ხოლო რასაც მე თქვენ გწერთ, მართალია და არ ვცრუობ ღვთის წინაშე. 2კორ.11,31.

21 ამის შემდეგ წავედი სირიისა და კილიკიის ქვეყნებში. საქ.9,30.

22 მაგრამ იუდეაში ქრისტეს ეკლესიებისათვის პირადად არ ვიყავი ცნობილი.

23 მხოლოდ ის გაეგონათ, რომ კაცი, რომელიც ოდესღაც გვღევნიდა, ახლა ახარებს იმ სარწმუნეობას, რომელსაც წინათ ებრძოდაო,

24 და აღიდებდნენ ღმერთს ჩემს გამო.

თ ა ვ ი 2

შეცნობა იერუსალიმში

1 მერე, თოთხმეტი წლის შემდეგ, კვლავ ავედი იერუსალიმში ბარნაბასთან ერთად. ტიტეც თან წავიყვანე.

2 ავედი იქ გამოცხადებით და წარვუდგინე მათ სახარება, რომელსაც ვქადაგებდი წარმართებს შორის. განსაკუთრებით წარვუდგინე იგი წარჩინებულებს. ამაოდ ხომ არ დავრბივარ ან დავრბოდი.

ფილ.2,16.

3 მაგრამ ჩემთან მყოფი ტიტეც კი, თუმცა ის ბერძენი იყო, არ აიძულეს, რომ წინადაეცვითა.

საქ.16,3.

4 ხოლო ცრუ ძმებს, რომლებიც შემოიპარნენ, რომ ეთვალთვალათ ჩვენი თავისუფლებისათვის, რომელიც გვაქვს იესო ქრისტეში, რათა დავემონებინეთ,

გალ.4,3.

5 ერთი საათიც კი არ დავუთმეთ და არ დავემორჩილეთ, რათა სახარების ჭეშმარიტება დაცულიყო თქვენში.

6 ხოლო რაც შეეხება მათ, ვინც რამედ ჩანან (როგორებიც არ უნდა იყვნენ ისინი, ჩემთვის სულ ერთია – ღმერთი გარეგნობის მიხედვით არ სჯის), ამ ხალხს მეტი არაფერი დაუკისრებია ჩემთვის.

2შჯ.10,17. 2მფ.19,7. საქ.10,34. რომ.2,11. ეფეს.6,9.

7 პირიქით, როცა დაინახეს, რომ მე მონდობილი მაქვს ხარება წინადაუცვეთელთათვის, ისევე, როგორც პეტრეს წინადაცვეთილთათვის,–

საქ.9,15.

8 ვინაიდან ის, ვინც პეტრესთან იღწვოდა წინადაცვეთილებთან მოციქულობაში, ჩემთანაც იღწვოდა წარმართებთან მოციქულობაში,–

9 და როცა ჩემთვის მოცემული მადლის შესახებ შეიტყვეს იაკობმა, კეფამ და იოანემ, რომელნიც სვეტებად ითვლებოდნენ, გამოგვიწოდეს მე და ბარნაბას მოზიარეობის მარჯვენა, რომ ჩვენ წარმართებთან წავსულიყავით, ისინი კი – წინადაცვეთილებთან.

10 ოღონდ უნდა გვხსომებოდა ლატაკები, რისი შესრულების მოშურნეც ვიყავი.

საქ.24,17. რომ.15,26. 1კორ.16,1. 2კორ.9,1.

11 როცა კეფა ანტიოქიაში მოვიდა, მე წინ აღვუდექი მას საჯაროდ, ვინაიდან მასზე საჩივარი იყო.

12 ვინაიდან, ვიდრე ზოგიერთები მოვიდოდნენ იაკობისგან, წარმართებთან ერთად ჭამდა, ხოლო მათი მოსვლისთანავე დაიწყო ჩამოშორება და განზე გადგომა წინადაცვეთილთა რიდი.

საქ.21,20.

13 მასთან ერთად თვალთმაქცობდნენ სხვა იუდეველებიც, ისე, რომ, ბარნაბაც კი ჩაითრია მათმა თვალთმაქცობამ.

14 მაგრამ, როცა დავინახე, რომ ისინი სწორად არ მიჰყვებიან სახარების ჭეშმარიტებას, ყველას თანდასწრებით ვუთხარი კეფას: თუ შენ, იუდეველი, წარმართივით ცხოვრობ და არა იუდეველივით, აბა, წარმართებს რაღად აიძულებ-მეთქი, რომ გაიუდეველდნენ?

საქ.10,28.

15 ჩვენ ბუნებით იუდეველნი ვართ და არა ცოდვილნი წარმართთაგან.

16 მაგრამ, რაკი შევიტყვეთ, რომ ადამიანი გამართლდება არა რჯულის საქმეებით, არამედ იესო ქრისტეში რწმენით, ჩვენც ვირწმუნეთ იესო ქრისტე, რათა გავმართლდეთ ქრისტეში

რწმენით და არა რჯულის საქმეებით, რინაიდან რჯულის საქმეებით ვერა ხორციელი ვერ გამართლდება. საქ.13,38. გალ.3,11. ტიტ.3,7.

17 ხოლო თუ ქრისტეში გამართლების მძებნელნი ცოდვილნი აღმოვჩნდით, განა ქრისტე ცოდვის მსახურია? არამც და არამც! რომ.3,19,24.

18 ვინაიდან, თუ მე კვლავ ვაშენებ, რაც დავანგრე, ამით ჩემს თავს დამნაშავედ ვხდი.

19 მე რჯულით მოგვკვდი რჯულისათვის, რათა ღვთისათვის ვიცოცხლო. მე ქრისტესთან ერთად ვარ ჯვარცმული.

1პეტ.4,2. რომ.7,6. 2კორ.5,15.

20 მე უკვე აღარ ვცოცხლობ, არამედ ქრისტე ცოცხლობს ჩემში. ახლა რომ ხორციელად ვცოცხლობ, რწმენით ვცოცხლობ ღვთის ძეში, რომელმაც შემიყვარა და თავი მისცა ჩემთვის.

რომ.6,6. ტიტ.2,14.

21 არ ვუგულებელვყოფ ღვთის მადლს, ვინაიდან, თუ რჯულთაა სიმართლე, აბა, ამაოდ მომკვდარა ქრისტე. გალ.5,2. ებრ.7,14.

თ ა ვ ი 3

მითითება გალატელებს

1 ჰოი, უგუნურო გალატელებო! ვინ მოგაჯადოვათ თქვენ, რომ არ დამორჩილებოდით ჰეშმარიტებას, თქვენ, რომელთა თვალწინ აღიწერა ცხადად იესო ქრისტეს ჯვარცმა.

2 მხოლოდ ეს მსურს ვიცოდეთ თქვენგან: რჯულის საქმეებით მიიღეთ სული თუ რწმენის შესმენით? საქ.2,38;10,43.

3 ნუთუ იმდენად უგუნურნი ხართ, რომ სულით დაიწყეთ და ახლა ხორციით ამთავრებთ?

4 ამაოდ იტანჯეთ ამდენი? ნეტა მართლაც ამაოდ.

5 ვინც სული მოგცათ თქვენ და თქვენს შორის სასწაულებს ახდენდა, რჯულის საქმეებით აკეთებდა ამას თუ რწმენის შესმენით?

აღთქმა აბრაამის მსგავსად მიღებული აქვთ რწმენით

6 როცა ღმერთი ირწმუნა აბრაამმა, ეს სიმართლედ ჩათვალა მას. დაბ.15,6. იაკ.2,23. რომ.4,3.

7 ამიტომ, გაიგეთ, რომ ვინც რწმენისაგან არიან, აბრაამის შვილები არიან. იოან.8,39.

8 წერილმა, როცა წინასწარ განჰვრიტა, რომ ღმერთი რწმენით გაამართლებს წარმართებს, წინასწარ ახარა აბრაამს: „და იკუთხება შენში ყველა ერი.“ დაბ.12,3.

9 ამიტომ ისინი, ვინც რწმენისაგან არიან, მორწმუნე აბრაამთან ერთად იკუთხებიან.

10 ვინაიდან ყველანი, ვინც რჯულის საქმეთაგან არიან,

წყევლის ქვეშ იმყოფებიან, ვინაიდან დაწერილია: „წყეულია ყოველი, ვინც არ შეასრულებს ყოველივეს, რაც რჯულის წიგნშია დაწერილი, რათა ყველაფერი შეასრულოს.“

2შჯ.27,26. იერ.11,3.

11 ცხადია, რომ რჯულით ვერავინ გამართლდება ღვთის წინაშე, ვინაიდან მართალი რწმენით იცოცხლებს.

ამბ.2,4. რომ.1,17. ებრ.10,38.

12 ხოლო რჯული რწმენით არ არის, მაგრამ, ვინც მას შეასრულებს, მისით იცოცხლებს.

ლევ.18,5.

13 ქრისტემ გამოგვისყიდა რჯულის წყევლისაგან და გახდა წყეული ჩვენს ნაცვლად, ვინაიდან დაწერილია: „წყეულია ყოველი დაკიდებული ძელზე,“

2შჯ.21,23. 1პეტ.2,24. რომ.8,3.

14 რათა აბრაამის კურთხევა ქრისტე იესოს მიერ იყოს წარმართებზე, რომ სულის აღთქმა მივიღოთ რწმენით.

ეს.44,5. საქ.3,25.

რჯულის გვიან მიცემა არ სცვლის ღვთის აღთქმას

15 ძმებო! ადამიანურად ვამბობ: ადამიანის მიერ დამტკიცებულ ანდერძსაც კი ვერავინ უკუაგდება და ვერც ვერაფერს დაუმატებს.

ებრ.8,17.

16 ხოლო აბრაამს ეთქვა ეს აღთქმანი და მის თესლს. არ თქმულა: „შენს თესლთ“ – როგორც მრავალზე, არამედ როგორც ერთზე: „შენს თესლს“, რომელიც არის ქრისტე.

დაბ.12,7;15,5.

17 ამას კი ვამბობ, რომ ღვთის მიერ წინათ დამტკიცებულ აღთქმას ოთხას ოცდაათი წლის შემდეგ მოსული რჯული ვერ დაარღვევს ისე, რომ აღთქმული გაუქმდეს.

გამოს.12,40. საქ.7,6.

18 ვინაიდან, თუკი რჯულითაა მემკვიდრეობა, მაშინ აღარაა აღთქმით. აბრაამს ღმერთმა აღთქმით მიჰმადლა.

რომ.8,17. გალ.2,21.

19 აბა, რჯული რაღაა? დანაშაულთა გამო მიეცა რჯული, ვიდრე მოვიდოდა თესლი, რომლისადმიცაა აღთქმა, და გადაეცა იგი ანგელოზთა მეშვეობით, შუამავლის ხელით.

გამოს.19,3. საქ.7,38.

20 ერთის შუამავალი არ არსებობს, ხოლო ღმერთი ერთია.

21 აბა, რჯული ეწინააღმდეგება ღვთის აღთქმებს? არასგზით! ვინაიდან, თუ მოცემული იყო რჯული, რომელსაც ძალუძს ცხოველმყოფელობა, მაშინ ნამდვილად იქნებოდა სიმართლე რჯულის მიერ.

22 მაგრამ წერილმა ყველა მოამწყვდია ცოდვის ქვეშ, რათა მორწმუნეებს აღთქმული იესო ქრისტეს რწმენით მისცემოდათ.

რომ.3,9.

თუ თქვენ ქრისტეს ეკუთვნით, მაშინ აღთქმით მემკვიდრენი ხართ

23 რწმენის მოსვლამდე კი მომწყვდეულები ვიყავით რჯულის მეთვალყურეობის ქვეშ, ვიდრე რწმენა გამოჩნდებოდა.

24 ამრიგად, რჯული იყო ჩვენი წარმმართველი ქრისტესაკენ, რათა გავმართლებულიყავით რწმენით. რომ.10,4.

25 მაგრამ როცა რწმენა უკვე მოვიდა, წარმმართველის ხელქვეით აღარ ვიმყოფებით.

26 ვინაიდან თქვენ ყველანი ღვთის შვილები ხართ ქრისტე იესოში რწმენით. იოან.1,12. რომ.8,15.

27 ვინაიდან, რაკი ყველა მოინათლეთ ქრისტეში, ქრისტეში შეიმოსენით. რომ.6,3.

28 უკვე აღარ არსებობს არც იუდეველი და არც ბერძენი, არც მონა და არც თავისუფალი, არც მამრი და არც დედრი, ვინაიდან თქვენ ყველანი ერთი ხართ ქრისტე იესოში.

რომ.17,21. რომ.10,12.

29 და თუ ქრისტესნი ხართ, მაშ, აბრაამის თესლი ხართ და აღთქმით მემკვიდრენი. ეფეს.3,6.

თ ა ვ ი 4

ქრისტემ გამოისყიდა რჯულის ქვეშ მყოფნი

1 **ვამბობ:** მემკვიდრე-მეთქი, მაგრამ ვიდრე ის ყრმაა, არაფრით არ განირჩევა მონისაგან, თუმცა ყოვლის პატრონია.

2 არამედ მეურვეთა და განმგებელთა ხელქვეით იმყოფება იგი მამამისის მიერ დანიშნულ ვადამდე.

3 ასევე ჩვენც, ვიდრე ყრმანი ვიყავით, დამონებულნი ვიყავით წუთისოფლის საწყისებისადმი. გალ.5,1. კოლ.2,20.

4 და როცა მოვიდა აღსება დროისა, მოავლინა ღმერთმა თავისი ძე, რომელიც დედაგაციისაგან იშვა, და დაემორჩილა იგი რჯულს ეს.7,14. ლუკ.1,31.

5 რჯულის ქვეშ მყოფთა გამოსასყიდად, რათა მიგველო შვილობა. რომ.8,15.

6 და რაკილა თქვენ შვილები ხართ, ღმერთმა მოავლინა თქვენს გულებში თავისი ძის სული, რომელიც შესძახის: „აბბა, მამაო.“

7 ამიტომ შენ უკვე აღარ ხარ მონა, არამედ ძე, ხოლო თუ ძე, მემკვიდრეც ხარ ღვთის მიერ. გალ.3,29.

ვშიშობ, ამაოდ ხომ არ გავისარჯე თქვენს შორის

8 ხოლო მაშინ, როცა არ იცნობდით ღმერთს, ემსახურებოდით მათ, რომლებიც არსებით ღმერთები არ არიან. ეფეს.2,12.

9 ახლა კი, როცა ღმერთი იცანით, უფრო მეტიც, როცა ღმერთმა გიცნოთ, როგორღა უბრუნდებით უძლურ და ლატაკ საწყისებს და გინდათ ხელახლა დაემონოთ მათ?

1კორ.13,12. ებრ.7,18;10,1.

10 დღეებს იცავთ თქვენ და თვეებს, ვადებსა და წელიწადებს. კოლ.2,16.

11 ვშიშობ, ამაოდ ხომ არ გავისარჯე თქვენს შორის.

12 იყავით ჩემისთანები, ვინაიდან მეც თქვენისთანა ვარ, ძმებო, გევედრებით. ცუდი არაფერი გაგიკეთებიათ ჩემთვის.

13 ეს იცით, რომ ხორცის უძლურებით გახარეთ თქვენ პირველად.

14 თქვენ კი არ შეიძულეთ და არც უგულუბელყავით ჩემი განსაცდელი ხორციელად, არამედ მიმიღეთ, როგორც ღვთის ანგელოზი, როგორც ქრისტე იესო.

15 სად არის თქვენი მაშინდელი ნეტარება! ვმოწმობ თქვენზე: რომ შეგძლებოდათ, თვალებს ამოითხრიდით და მე მომცემდით.

16 მაშ, ნუთუ თქვენი მტერი გავხდი, ჰეშმარიტებას რომ გელაპარაკებით?

17 კეთილად როდი მოშურნეობენ თქვენთვის, არამედ სურთ თქვენი დაცილება ჩვენგან, რათა თქვენ თავი გამოიღოთ მათთვის.

18 კარგია სასიკეთოდ მოშურნეობა ყოველთვის და არა მხოლოდ თქვენთან ჩემი ყოფნისას.

19 ჩემო შვილებო, რომელთათვისაც ჯერაც განვიცდი მშობიარობის ტკივილებს, ვიდრე თქვენში გამოისახება ქრისტე.

20 მინდოდა თქვენთან ვყოფილიყავი და გამომეცვალა ჩემი ხმა, ვინაიდან გაოგნებული ვარ თქვენს გამო.

აბრაამის შვილები

21 მითხარით, ვისაც რჯულის ქვეშ ყოფნა გსურთ, განა არ უსმენთ რჯულს?

22 ვინაიდან დაწერილია, რომ ორი ძე ჰყავდა აბრაამს, ერთი მხევლისგან და მეორე თავისუფალისგან. დაბ.16,15;21,3.

23 მაგრამ რომელიც მხევლისგან იყო, ის ხორციელად შობილი იყო, ხოლო რომელიც თავისუფალისგან – აღთქმის მიხედვით.

რომ.9,8.

24 ამაში არის ქარაგმა. ეს არის ორი აღთქმა: ერთი სინაის მთიდან, მონობისათვის შობილი, რომელიც არის აგარი. რომ.8,1.

25 ვინაიდან აგარი არის სინაის მთა არაბეთში და ამჟამინდელ იერუსალიმს შეესაბამება, ვინაიდან ის მონობაშია თავის შვილებთან ერთად.

26 ხოლო ზენა იერუსალიმი თავისუფალია: ის ყველა ჩვენგანის დედაა. ეს.60,1. ებრ.12,22. გამოცხ.21,2.

27 რადგან დაწერილია: „იხარებდე, ბერწო, უშობელო! სიხარულით აყიჟინდი, საღმობის განუცდელო! რადგან მიტოვებულს მეტი შვილები ეყოლება, ვიდრე გათხოვილს.“ ეს.54,1.

28 და ჩვენ, ძმებო, ისაგის კვალზე აღთქმის შვილები ვართ.

რომ.9,8.

29 და როგორც მაშინ ხორციელად შობილი სდევნიდა სულით შობილს, ასევეა ახლაც. დაბ.21,9.

30 მაგრამ წერილი რას ამბობს? „განდევნე მხევალი და მისი ძე, ვინაიდან მხევლის ძე ვერ გახდება მემკვიდრე თავისუფლის ძესთან ერთად.“ დაბ.21.10.

31 ამრიგად, ძმებო, ჩვენ მხევლის შვილები კი არ ვართ, არამედ თავისუფლისა. გალ.3.29.

თ ა ვ ი 5

იდექით თავისუფლებაში

1 თავისუფლებისათვის გაგვათავისუფლა ქრისტემ. მაშ, იდექით და ნულარ შეუდგებით მონობის ულელს.

საქ.15.10. 1 პეტ.2.16.

2 აჰა, მე, პავლე გეუბნებით თქვენ: თუ წინადაცვეთთ, არავითარი სარგებლობა არ გექნებათ ქრისტესაგან. გალ.2.21.

3 და კიდევ ვუმოწმებ ყოველ ადამიანს, რომელიც წინადაცვეთს, რომ ის ვალდებულია მთელი რჯული შეასრულოს.

4 თქვენ, რომლებიც რჯულით იმართლებთ თავს, უქრისტეოდ დარჩით და მოსწყდით მადლს.

5 ჩვენ კი სულით ველით სიმართლის იმედს რწმენისაგან.

რომ.5.5.

6 ვინაიდან ქრისტეში ძალა არა აქვს არც წინადაცვეთას, არც წინადაუცვეთელობას, არამედ სიყვარულით მოქმედ რწმენას. რომ.2.29.

7 კეთილად რბოდით და ვინ დაგაბრკოლათ, რომ არ დაემორჩილოთ ჭეშმარიტებას?

8 ეს დარწმუნება იმისაგან არ არის, ვინც თქვენ მოგიწოდებთ.

9 მცირე საფუარი მთელ ცოშს გაათუებს.

1კორ.5.6.

10 თქვენი მწამს მე უფალში, რომ არ იფიქრებთ სხვანაირად, ხოლო თქვენი ამაშფოთებელნი, ვინც უნდა იყოს, მსჯავრს იტვირთავს.

11 მე კი რისთვის ვარ დევნილი, ძმებო, თუ კვლავ ვქადაგებ წინადაცვეთას? მაშინ ჯვრის ცდუნება შეწყდებოდა. 1კორ.1.23.

12 ო, ნეტა განიდევნებოდნენ თქვენი შემაშფოთარნი.

არ ისარგებლოთ თავისუფლებით ხორციელი ტკბობისთვის

13 ხოლო თქვენ, ძმებო, თავისუფლებისათვის ხართ მოწოდებულნი, ოღონდ ეს თავისუფლება არ გახდეს საბაბი ხორცის საამებლად, არამედ სიყვარულით ემსახურეთ ერთმანეთს.

1პეტ.2.16. 1კორ.8.9.

14 ვინაიდან მთელ რჯულს ეს ერთი მცნება მოიცავს: „გიყვარდეს მოყვასი შენი, ვითარცა თავი შენი.“

ლევ.19.18. მათ.5.43. მარ.12.31. იაკ.2.8.

15 მაგრამ, თუ კბენტ და ჭამთ ერთმანეთს, ფრთხილად იყავით, ერთმანეთი არ მოსპოთ.

ხორციელი საქმეები და სულიერი ნაყოფი

16 აჰა, მე ვამბობ: მოიქეცით სულიერად და არ აღასრულებთ ხორცის გულისთქმებს.

17 ვინაიდან ხორცს სულის საწინააღმდეგო სურს, სულს კი – ხორცის საწინააღმდეგო. ერთმანეთს ეწინააღმდეგებიან, რათა აკეთოთ არა ის, რაც გსურთ. 1 პეტ. 2.11. რომ. 7.23.

18 და თუ სულით იარებით, რჯულის ქვეშ აღარ ხართ. რომ. 6.14.

19 ხორცის საქმეები აშკარაა: ეს არის სიძვა, უწმიდურება, და თავაშვებულობა, 1 კორ. 6.9.

20 კერპთმსახურება, მისნობა, მტრობა, ჩხუბი, შური, რისხვა, შუღლი, უთანხმოებანი, მწვალებლობა,

21 სიძულვილი, მკვლელობა, ლოთობა, გაუმაძღრობა და სხვა ასეთი. გეუბნებით წინასწარ, როგორც ადრე მითქვამს, რომ ამის ჩამდენნი ღვთის სასუფეველს ვერ დაიმკვიდრებენ.

22 ხოლო სულის ნაყოფია: სიყვარული, სიხარული, მშვიდობა, სულგრძელობა, სახიერება, სიკეთე, ერთგულება, კოლ. 3.12.

23 სიმშვიდე, თავშეკავება – ამათ წინააღმდეგ არ არის რჯული.

24 ხოლო მათ, ვინც ქრისტესნი არიან, ჯვარს აცვეს თავიანთი ხორცი ვნებებთან და გულისთქმასთან ერთად. გალ. 2.20.

25 თუ სულით ვცოცხლობთ, სულითვე უნდა ვიაროთ.

26 ნუ ვიქნებით პატივმოყვარენი, ერთმანეთის გამაღიზიანებელნი და ერთმანეთის მოშურნენი. ფილ. 2.3.

თ ა ვ ი 6

ატარეთ ერთიმეორის ტვირთი

1 ძმებო! თუ კაცი რაიმე შეცოდებაში ჩავარდება, თქვენ, სულიერებმა, გამოასწორეთ იგი თავმდაბლობის სულით და გაფრთხილდი, რომ შენც არ ჩავარდე განსაცდელში. 1 კორ. 10.12.

2 ატარეთ ერთმანეთის ტვირთი და ამით აღასრულებთ ქრისტეს რჯულს. იოან. 13.34. 1 თეს. 5.14.

3 ვინაიდან, ვისაც თავისი თავი რაიმე ჰგონია და არაფერიც არ არის, ის თავის თავს ატყუებს. 1 კორ. 8.2.

4 ხოლო ყველამ თავისი საქმე გამოსცადოს და მაშინ ექნება სიქადული თავისით და არა სხვისით.

5 ვინაიდან ყველამ თავისი სატარებელი ატაროს.

რომ. 14.12. 1 კორ. 3.8.

6 სიტყვაში დამოძღვრილი ყოველივე სიკეთეს უზიარებდეს მოძღვარს.

რომ. 15.27. 1 კორ. 9.7.

7 ნუ მოტყუვდებით: ღმერთი არ შეურაცხყოფს, ვინაიდან, რასაც დათესავს კაცი, იმას მოიმკის. რომ.2,6.

8 ვინც თავის ხორცისთვის თესავს, ხორცისგან მოიმკის ხრწნილებას. ხოლო ვინც სულისთვის თესავს, სულისგან მოიმკის მარადიულ სიცოცხლეს.

9 სიკეთის კეთება ნუ მოგვეწყინება, რადგან თავის დროზე მოვიმკით, თუ არ მოვდუნდებით. მათ.24,13. 2თეს.3,13.

10 მაშ, ვიდრე დრო გვაქვს, სიკეთე მოვიმოქმედოთ ყველამ და უფრო მეტად მათ, ვინც ჩვენთანაა რწმენით.

უკანასკნელი გაფრთხილება და კურთხევა

11 ნახეთ, რამხელა წერილი მოგწერეთ ჩემი ხელით.

12 ხორცით განდიდების მსურველები გაიძულებენ წინადაცვეთას მხოლოდ იმიტომ, რომ ქრისტეს ჯვრისთვის არ იდევენბოდნენ.

13 ვინაიდან თვით წინადაცვეთილებიც არ იცავენ რჯულს, ოღონდ უნდათ, რომ წინადაიცვითოთ, რათა თქვენი ხორცით დაიკვეხო.


14 მე კი, თუ დავიკვეხო, მხოლოდ ჩვენი უფლის იესო ქრისტეს ჯვრით, რომლითაც წუთისოფელი ჯვარცმულია ჩემთვის და მე წუთისოფლისთვის. რომ.6,6.

15 ვინაიდან ქრისტე იესოში არაფერს ნიშნავს არც წინადაცვეთა და არც წინადაუცვეთლობა, არამედ მხოლოდ ახალი ქმნილება. გალ.5,6. კოლ.3,11.

16 ვინც ამ წესის მიხედვით მოიქცევა, მშვიდობა და წყალობა მათზე და ღვთის ისრაელზე. ფილ.3,16.

17 ამიერიდან ნულარავინ შემაწყუბებს, რადგან უფალ იესოს წყლულებს ვატარებ ჩემი სხეულით. 2კორ.4,10.

18 ჩვენი უფლის იესო ქრისტეს მადლი თქვენს სულთან, ძმებო. ამინ.



პ ა ვ ლ ე მ ო ც ი ქ უ ლ ი ს წ ე რ ი ლ ი ე ფ ე ს ე ლ თ ა მ ი მ ა რ თ

თ ა ვ ი 1

1 პავლე, ღვთის ნებით იესო ქრისტეს მოციქული, ეფესოში
მყოფ წმიდათ და მორწმუნეთ იესო ქრისტეში: 2კორ.1,1.

2 მადლი და მშვიდობა ჩვენი მამა ღმერთის და უფალ იესო
ქრისტესაგან. 1პეტ.1,3. 2კორ.1,3.

დიდება ღმერთს ყოველგვარი კურთხევისათვის

3 კურთხეულია ჩვენი უფლის იესო ქრისტეს ღმერთი და
მამა, რომელმაც გვაკურთხა ქრისტეში ყოველგვარი სულიერი
კურთხევით ცათა შინა,

4 როგორც ამოგვარჩია ჩვენ მასში სოფლის შექმნამდე, რათა
წმიდანი და უბიწონი გყოფილიყავით მის წინაშე სიყვარულით.
რომ.8,29. 2ტიმ.1,9.

5 წინასწარ განსაზღვრა ჩვენი შვილება იესო ქრისტეს
მეშვეობით თავისი ნება-სურვილისამებრ,

6 თავისი მადლის დიდების საქებად, რომლითაც მოგვმადლა
თავის საყვარელში, მათ.3,17. რომ.5,15.

7 რომლის მიერ გვაქვს გამოსყიდვა მისი სისხლით, ცოდვე-
ბის მოტევა მისივე მადლის სიმდიდრით, რომ.3,25.

8 რომელიც უხვად მოგვცა ყოველგვარი სიბრძნით და
გონებით,

9 გვაუწყა რა თავისი ნების საიდუმლო თავისი სურვილით,
რომელიც წინასწარ განიზრახა მასში. ეფეს.3,9.

10 უამთა აღვსების განგებულებისთვის, რათა ქრისტეში მოიყაროს თავი ყოველივემ, რაც ცაშია და რაც დედამიწაზეა.

ღან.9,24. მარ.1,15. გალ.4,4. კოლ.1,20.

11 მასში არჩეულნი ვიქენით კიდევ მემკვიდრეობად, რისთვისაც წინასწარ განსაზღვრული ვიყავით მისი განზრახვით, ვინც ყოველივეს იქმს თავისი ნება-სურვილით.

ლუკ.7,30. საქ.20,27.

12 რათა ვიყოთ მისი დიდების საქებად ჩვენ, რომელთაც წინასწარ გვქონდა ქრისტეს იმედი.

13 მასში ხაროთ თქვენც, ვინც მოისმინეთ ჭეშმარიტების სიტყვა, თქვენი ხსნის სახარება, იწამეთ იგი და დაიბეჭდეთ აღთქმული სულიწმიდის მიერ,

ეფეს.4,30.

14 რომელიც ჩვენი მემკვიდრეობის საწინდარია საკუთრების გამოსასყიდად მისი დიდების საქებად.

2კორ.5,5.

ლოცვა, რომ შეიცნონ სახარების დიდება

15 ამიტომ მეც, როცა მოვისმინე თქვენი რწმენა უფალ იესოში და თქვენი სიყვარული ყველა წმიდის მიმართ,

16 არ ვწყვეტ ღვთისადმი მადლობას თქვენთვის, გიხსენებთ ჩემს ლოცვებში,

ფილ.1,3.

17 რათა მოგცეთ ჩვენი უფლის იესო ქრისტეს ღმერთმა, დიდების მამამ, სიბრძნისა და გამოცხადების სული მის შესაცნობად,

1კორ.12,8.

18 და გაანათლოს თქვენი გულის თვალები, რათა იცოდეთ, რა არის მისი მოწოდების იმედი და როგორია მისი დიდებული მემკვიდრეობის სიმდიდრე წმიდათათვის,

საქ.26,18.

19 და რა განუზომელია მისი ძალის სიდიადე ჩვენში, რომელთაც საქმით გვწამს მისი ძალის ძლიერება,

20 რომლითაც მან იმოქმედა ქრისტეში, მკვდრეთით აღადგინა რა იგი და თავის მარჯვნივ დასვა ზეცაში

ფსალ.109,1. მარ.16,19.

21 ყველა მთავრობაზე, ხელმწიფებაზე, ძალზე, უფლებაზე და ყოველივე სახელზე მაღლა, რაც კი იწოდება არა მარტო ამ წუთისოფელში, არამედ მომავალშიც.

კოლ.2,10.

22 და ყოველივე დაუმორჩილა მის ფერხთა ქვეშ და დააყენა იგი ყველაზე მაღლა, თავადი ეკლესიისა.

ფსალ.8,7. მათ.28,18. 1კორ.15,27. ეფეს.5,23. კოლ.1,18;2,10.

23 რომელიც მისი სხეულია, სისავსე აღმავსებლისა ყოველივესი ყოველივეში.

თ ა ვ ი 2

ღმერთმა თავისი მადლით გაგვაცოცხლა

1 და თქვენც, მკვდრები რომ იყავით თქვენი დანაშაულით და ცოდვებით,

კოლ.2,13.

2 რომლებითაც ოდესღაც იარებოდით ამ წუთისოფლის წესისამებრ, ჰაერის ძალთა მთავრის, იმ სულის ნებით, ამჟამად ურჩ შვილებში რომ მოქმედებს.

იოან.12,31. 1კორ.6,11. კოლ.3,7.

3 ჩვენც ყველანი მათ შორის ვცხოვრობდით ოდესღაც ჩვენი ხორციელი გულისთქმებით და ვასრულებდით ხორცისა და გონების ნებას, და ბუნებით რისხვის შვილები ვიყავით სხვების მსგავსად.

4 მაგრამ წყალობით მდიდარმა ღმერთმა თავისი დიდი სიყვარულით, რომლითაც ჩვენ შეგვიყვარა,

რომ.2,4.

5 ჩვენ, დანაშაულთა გამო მკვდრები გაგვაცოცხლა ქრისტესთან ერთად (მადლითა ხარტ დახსნილნი),

რომ.8,11.

6 და მკვდრეთით აღგვადგინა მასთან ერთად და ცათა შინაც დაგვსხა ქრისტე იესოში,

7 რათა მომავალ საუკუნეებში აჩვენოს თავისი მადლის გარდამეტებული სიმდიდრე ჩვენდამი მოწყალებით ქრისტე იესოში,

ეფეს.3,8.

8 ვინაიდან მადლით ხარტ გადარჩენილები, რწმენის მეშვეობით, და ეს თქვენგან კი არ არის, არამედ ღვთის ნიჭია.

საქ.15,11.

9 არა საქმეთაგან, რათა არავინ დაიკვეხნოს,

რომ.3,20.

10 ვინაიდან მისი ქმნილებანი ვართ, ქრისტე იესოში შექმნილნი კეთილი საქმეებისათვის, რომლებიც წინასწარ დაგვიმზადა ღმერთმა, რათა ამ საქმეებით ვიაროთ.

ეს.44,21. ტიტ.2,14. ებრ.13,21.

ქრისტემ დაანგრია იუდეველთა და წარმართთა შორის ზღუდე

11 ამიტომ გახსოვდეთ, რომ თქვენ, ოდესღაც ხორციით წარმართები, რომელთაც წინადაუცვეთლებს გიწოდებდნენ ისინი, ვისაც ერქვათ წინადაცვეთილები ხორცის წინადაცვეთით, რაც ხელით სრულდებოდა,

12 რომ იმ დროს თქვენ იყავით ქრისტეს გარეშე, ისრაელის კრებულისგან გაუცხოებულნი, აღთქმის მცნებათა უცხოები, არ გაგაჩნდათ იმედი და უღმერთონი იყავით წუთისოფელში.

ნემ.2,20;2,29. ეზეკ.13,9. რომ.9,4. კოლ.1,21.

13 ახლა კი თქვენ იესო ქრისტეში, ოდესღაც შორს მყოფნი, ახლობლები გახდით ქრისტეს სისხლით.

საქ.2,39.

14 ვინაიდან ის არის ჩვენი მშვიდობა, რომელმაც ორი ერთად აქცია და დაანგრია მათ შუა მდგარი ზღუდე.

ფსალ.9,6. იოან.16,33.

15 გააუქმა მტრობა თავისი ხორციით, მცნებათა რჯული – მცნებებით, რათა ორისაგან თავის თავში შეექმნა ერთი ახალი კაცი, მშვიდობისმყოფელი.

2კორ.5,17.

16 და ერთ სხეულში ორივე შეერიგებინა ღმერთთან ჯვრის მეშვეობით მტრობის მოკვდინებით მასში.

17 მოვიდა და გახარათ მშვიდობა თქვენ – შორებელთ და ახლობელთ,

ეს.57,19. ზაქ.9,10.

18 გინაიდან მისი მეშვეობით ორივეს გვაქვს ერთი სულით მისადგომი მამასთან.

იოან.14,6. რომ.5,2. ებრ.10,19.

თქვენ აღარ ხართ უცხოები და ხიზნები

19 ამიტომ თქვენ უკვე აღარა ხართ უცხოები და ხიზნები, არამედ წმიდათა თანამოქალაქენი და ღვთის სახლელნი,

20 დაშენებულნი მოციქულთა და წინასწარმეტყველთა საძირკველზე, სადაც თვითონ ქრისტე იესოა ქვაკუთხედი,

ეს.28,16. 1პეტ.2,4.

21 რომელზედაც მთელი შენაწევრებული შენობა წამოიძირება უფალში წმიდა ტაძრად,

კოლ.2,19.

22 რომელზეც შენდებით თქვენც ღვთის დასამკვიდრებლად სულში.

2კორ.6,16.

თ ა გ ი 3

პავლეს წვლილი - წარმართებისათვის გზის გახსნა

1 ამისათვის მე, პავლე, ქრისტეს პატიმარი თქვენთვის, წარმართებისათვის.

საქ.21,33.

2 როგორც თქვენ ისმინეთ ღვთის მადლის განგებულებაზე, რომელიც მე მომეცა თქვენთვის,

საქ.9,15. გალ.1,16.

3 რადგან გამოცხადებით მეუწყა საიდუმლო, რომლის შესახებაც უკვე მოგწერეთ მოკლედ.

ეფეს.1,9.

4 როცა წაიკითხავთ, შეგეძლებათ გაიგოთ ჩემი ცოდნა ქრისტეს საიდუმლოსი,

5 რაც ადრინდელ თაობებში არ გამოცხადებიათ ადამიანთა შვილებს, როგორც ახლა გამოეცხადათ მის წმიდა მოციქულებს და წინასწარმეტყველებს სულით.

1პეტ.1,12.

6 რათა წარმართებიც თანამემკვიდრენი, თანახეულნი და აღთქმის თანაზიარნი ყოფილიყვნენ ქრისტეში ხარების მეშვეობით,

რომ.15,12.

7 რომლის მსახური გავხდი ღვთის მადლის ნიჭით, ჩემთვის მოცემული მისი ძალისხმევით.

საქ.9,15.

8 მე, ყველა წმიდას შორის უმცირესს, მომეცა ეს მადლი - მეხარებინა წარმართთათვის ქრისტეს აურაცხელი სიმდიდრე

რომ.15,19. 1კორ.15,9. გალ.1,16.

9 და გამეცხადებინა ყველასათვის რა არის საუკუნეთაგან დაფარული საიდუმლოს განგებულება ყოვლის შემქმნელ ღმერთში.

1პეტ.1,20. რომ.14,24. 1კორ.2,7. კოლ.1,26.

10 რათა ახლა ეკლესიის მეშვეობით მთავრობათ და ხელმწიფებათ ეუწყოს ცაში ღვთის მრავალმხრივი სიბრძნე,

1პეტ.1,12.

11 საუკუნო განზრახვით, რომელიც განახორციელა ჩვენს უფალ ქრისტე იესოში,

12 რომელშიც გვაქვს სითამამე და საიმედო მისადგომი მისი რწმენის მეშვეობით, ეფეს.2,18.

13 ამიტომ გთხოვთ გული არ გაიტეხოთ თქვენთვის ჩემი გასაჭირის გამო, რომელიც თქვენი დიდებაა. 2ტიმ.2,10.

რწმენით დამკვიდრდეს ქრისტე თქვენში

14 ამისათვის ვიდრეც მუხლს ჩვენი უფლის, იესო ქრისტეს მამის წინაშე,

15 ვის მიერაც იწოდება ყოველი მამობა ცაში და ქვეყანაზე, ეფეს.1,10.

16 რომ მოგცეთ ძალა თავისი დიდების სიმდიდრით, თავისი სულით შინაგან კაცში განსამტკიცებლად. ეფეს.1,7.

17 ისე, რომ რწმენით დამკვიდრდეს ქრისტე თქვენს გულებში და იყოთ თქვენ ფესვგადგმულები და დაფუძნებულები სიყვარულში; იოან.14,23.

18 რათა შესძლოთ ყველა წმიდასთან ერთად ჩასწვდეთ, რა არის სიგანე და სიგრძე და სიმაღლე და სიღრმე,

19 და შეიცნოთ ქრისტეს სიყვარული, ცოდნას რომ აღემატება, რათა აღივსოთ სრული ღვთიური სისავსით. იოან.1,16. კოლ.2,9.

20 ხოლო მას, ვისაც ჩვენში მოქმედი ძალით შეუძლია განუზომლად მეტის კეთება, ვიდრე ჩვენ ვთხოვთ ან ვფიქრობთ. რომ.14,24.

21 მას დიდება ეკლესიაში, ქრისტე იესოში, ყველა თაობაში უკუნითი უკუნისამდე. ამინ.

თ ა ვ ი 4

დაიცავით სულის ერთიანობა

1 ამიტომ შევავიწყებთ, მე, პატიმარი უფალში, მოიქცეთ იმ მოწოდების ღირსად, რომელშიც მოწოდებულნი ხართ, ფილ.1,27. კოლ.1,10. 1თეს.2,12.

2 მთელი თავმდაბლობით, სიმშვიდითა და სულგრძელობით შეიწყნარეთ ერთმანეთი სიყვარულით.

3 ეცადეთ შეინარჩუნოთ სულის ერთობა მშვიდობის საკვრელით.

4 ერთია სხეული და ერთია სული, როგორც ხართ კიდევ მოწოდებულნი თქვენი მოწოდების ერთი იმედით. რომ.12,5. 1კორ.12,12.

5 ერთია უფალი, ერთია რწმენა, ერთია ნათლისღება,

6 ერთია ღმერთი და მამა ყოველთა, რომელიც არის ყოველთა ზედა, ყველას მიერ და ყველა ჩვენგანში. მალ.2,10. მარ.12,29.

7 ხოლო ყოველ ჩვენგანს მოცემული აქვს მადლი ქრისტეს-მიერი ნიჭის ზომისამებრ. რომ.12,3. 1კორ.12,11. 2კორ.10,13.

8 ამისათვის ამბობს: „ავიდა მაღლობზე, დაატყვევა ტყვე და ნიჭები უბოძა ადამიანს.“
ფსალ.67,19. იოან.3,13.

9 ხოლო ავიდა რას ნიშნავს, თუ არა იმას, რომ იგი პირველად დედამიწის ქვესკნელში ჩავიდა?

10 ჩასული კი იგივეა, რაც ასული ყველა ცაზე მაღლა, რათა აღავსოს ყოველივე.

11 მან დააყენა ერთნი მოციქულებად, მეორენი წინასწარმეტყველებად, ზოგნი მახარებლად, ზოგნი მწყემსებად და მოძღვრებად,
1კორ.12,28.

12 რათა სრულეყოთ წმიდანი მსახურების საქმისათვის – ქრისტეს სხეულის აღსაშენებლად,

13 ვიდრე ყველანი მივალწევდეთ რწმენის ერთიანობას და ღვთის ძის შემეცნებას სრულ კაცად, ქრისტეს სისაგსის ასაკის ზომას.
1კორ.14,20.

14 რათა აღარ ვიყოთ ბაღლები, რომელთაც არყევს და იტაცებს მოძღვრების ყოველგვარი ქარი ადამიანთა ცბიერებით, ცდუნების მზაკვრული ხელოვნებით,

15 არამედ ჭეშმარიტების სიყვარულით მოქმედნი, ყველაფერში ვიზრდებოდეთ მის მიმართ, ვინც არის თავი – ქრისტე.
რომ.12,9. ეფეს.1,22. კოლ.1,18.

16 ვის მიერაც მთელი სხეული, შენაწევრებული და შემტკიცებული ყოველნაირი მაცოცხლებელი კავშირების საშუალებით, სხეულის თითოეული ასოს ზომიერად მოქმედებით იზრდება თავისი თავის სიყვარულში აღსაშენებლად.

მიატოვეთ ძველი კაცი და შეიმოსეთ ახალი კაცი

17 ამიტომ ამას ვამბობ და გმოწმობ უფალში, რათა აღარ მოიქცეთ ისე, როგორც სხვა ხალხები იქცევიან თავიანთი გონების ამაოებით,

18 გონებადაბნელებულნი და ღვთის ცხოვრებისაგან გაუცხოებულნი, თავიანთი უმეცრებისა და გულქვაობის გამო,

19 ისინი, რომელთაც გრძნობა დაკარგეს და გარყვნილებას მიეცნენ, რათა ყოველგვარი უწმიდურება ჩაიდინონ გაუმაძღრობით.
რომ.1,24.

20 ხოლო თქვენ ასე როდი გისწავლიათ ქრისტე,

21 რადგან მოგისმენიათ მისთვის და მასში ხართ განსწავლულნი, ვინაიდან იესოშია ჭეშმარიტება.

22 მიტოვებული გაქვთ წინანდელი ცხოვრება ძველი კაცისა, მაცდური გულისთქმებით გახრწნილი,
კოლ.3,9. ებრ.12,1.

23 და განახლებული ხართ თქვენი გონების სულით,

1პეტ.4,2. რომ.6,4. კოლ.3,10.

24 და შეგიმოსიათ ახალი კაცი, რომელიც შექმნილია ღვთისა-მებრ, სიმართლითა და ჭეშმარიტების სიწმიდით.

ზეციერი ცხოვრებით იცხოვრეთ

25 ამიტომ განიშორეთ სიცრუე და თვითოეულმა თქვენგანმა თავის მოყვასს ჭეშმარიტება ელაპარაკოს, ვინაიდან ერთიმეორის ასოები ვართ. ზაქ.8,16.

26 განრისხდით, ოღონდ ნუ შესცოდავთ: მზე ნუ ჩავა თქვენს რისხვაზე. ფსალ.4,5.

27 ადგილი არ მისცეთ ეშმაკს. იაკ.4,7.

28 ვინც იპარავდა, ნულარ მოიპარავს. უკეთესია, იშრომოს და თავისი ხელით აკეთოს კეთილი, რათა ჰქონდეს გაჭირვებული-სათვის მისაცემად.

29 არავითარი უშვერი სიტყვა არ დაგცდეთ პირიდან, არამედ მხოლოდ კეთილი აღსაშენებლად, რათა მადლი მიანიჭოს მსმენე-ლებს. მათ.12,36. ეფეს.5,4.

30 ნუ დაანაღვლიანებთ ღვთის სულიწმიდას, რომლითაც დაიბეჭდეთ თქვენ გამოსყიდვის ღრისათვის. ეს.7,13. ეფეს.1,13.

31 ყოველგვარი სიმწარე, მძვინვარება, რისხვა, ყვირილი და გმობა განგშორდეთ ყველა ბოროტებასთან ერთად.

32 მაგრამ იყავით კეთილნი ერთიმეორის მიმართ, თანაუ-გრძნეთ და მიუტევეთ ერთმანეთს, როგორც ქრისტეში მოგიტე-ვათ თქვენ ღმერთმა. მათ.6,14. მარ.11,25.

თ ა ვ ი 5

იცხოვრეთ სიყვარულში

1 მაშ, მიბაძეთ ღმერთს, როგორც საყვარელმა შვილებმა.

მათ.5,48.

2 იარეთ სიყვარულში, ისევე, როგორც ქრისტემ შეგვიყვარა ჩვენ და თავისი თავი მისცა ჩვენთვის ღმერთს შესაწირავად და მსხვერპლად, საამო კეთილსურნელებად. იოან.13,34. 1იოან.3,11.

3 ოღონდ სიძვა, ყოველგვარი უწმიდურება და ანგარება აღარ იხსენებოდეს თქვენს შორის, როგორც წმიდებს შეშვენით.

1კორ.6,15.

4 ასევე ბილწსიტყვაობა, ლაქლაქი და დაცინვა არ შეგფერით, არამედ, უფრო, სამადლობელი, მათ.12,36. ეფეს.4,29.

5 რადგან იცოდეთ, რომ არც ერთ მეძავს, ან უწმიდურს, ან ანგარს, რომელიც კერპთმსახურია, არა აქვს მემკვიდრეობა ქრისტეში და ღვთის სასუფეველში. 1კორ.6,10.

6 არავინ გაცდუნოთ ფუჭი სიტყვებით, ვინაიდან ამისათვის ღვთის რისხვა ეწევა ურჩ შვილებს. მათ.24,4. მარ.13,5. ლუკ.21,8. 2თეს.2,3.

7 ამიტომ ნუ იქნებით მათი თანაზიარნი.

8 ვინაიდან ოდესღაც ბნელი იყავით, ახლა კი ნათელი ხართ უფალში. იარეთ, როგორც ნათლის შვილებს შეშვენით.

იოან.8,12;12,36.

9 რადგან ნათლის ნაყოფი არის ყოველივე სიკეთეში, სიმართლესა და ჭეშმარიტებაში. გალ.5,22.

10 გამოსცადეთ, რა არის უფლის მოსაწონი.

11 ნუ შეეზიარებით ბნელის უნაყოფო საქმეებს, არამედ ამხილეთ. 2კორ.6,14. 1ტიმ.5,20.

12 ვინაიდან, რასაც ისინი ფარულად აკეთებენ, სალაპარაკოდაც კი სამარცხვინოა.

13 და მაინც, მხილებული ნათლით მჟღავნდება, იოან.3,20.

14 ვინაიდან ყოველივე, რაც გამომჟღავნდება, ნათელია, ამიტომ ამბობს: „გაიღვიძე, მძინარევ, და აღსდექ მკვდრეთით, და გაგინათებს შენ ქრისტე.“ ეს.60,1. რომ.6,4.

15 მაშ, ფრთხლად მოიქეცით – არა როგორც უგუნური, არამედ როგორც ბრძენნი. კოლ.4,5.

16 მოივაჭრეთ ჟამი, ვინაიდან დღეები მუხთალია.

17 მაშ, ნუ იქნებით უგუნურები, არამედ შეიცანით, რა არის ღვთის ნება. რომ.12,2. 1თეს.4,3.

18 ნუ დათვრებით ღვინით, რომელშიც აღვირახსნილობაა, არამედ აღივსენით სულით. ეს.5,11. ლუკ.21,34.

19 ელაპარაკეთ ერთმანეთს ფსალმუნით, გალობითა და სულიერი საგალობლებით, უმღერეთ და ეფსალმუნეთ უფალს გულებში. კოლ.3,16.

20 მადლობდეთ ყოველთვის ყველაფრისათვის ღმერთს და მამას ჩვენი უფლის იესო ქრისტეს სახელით. ეს.63,7. კოლ.3,17. 1თეს.5,18.

21 დაემორჩილეთ ერთმანეთს ღვთისმოშიშებით.

ქრისტე და ეკლესია – ცოლ-ქმრობის მაგალითი

22 ცოლებო, დაემორჩილეთ თქვენს ქმრებს, როგორც უფალს.

კოლ.3,18. ტიტ.2,5.

23 ვინაიდან ქმარი არის ცოლის თავი, ისევე როგორც ქრისტე არის ეკლესიის თავი და ის არის სხეულის მაცხოვარი.

1კორ.11,3. ეფეს.1,22.

24 მაგრამ, როგორც ეკლესია ემორჩილება ქრისტეს, ასევე ცოლებიც თავიანთ ქმრებს – ყველაფერში.

25 მამაკაცებო, გიყვარდეთ თქვენი ცოლები, ისევე როგორც ქრისტემ შეიყვარა ეკლესია და თავი გასწირა მისთვის,

გალ.1,4. კოლ.3,19.

26 რათა წმიდაეყო იგი და განეწმიდა წყალში განბანით სიტყვის საშუალებით. 1პეტ.3,21. ტიტ.3,5. ებრ.9,14.

27 რათა განემზადებინა იგი თავისთვის დიდებულ ეკლესიად, – არ ჰქონოდა ლაქა ან მანკი, ან რაიმე მისი მსგავსი, არამედ, პირიქით, რათა წმიდა და უბიწო ყოფილიყო.

ქება.4,7. 2კორ.11,2. ეფეს.1,4.

28 ისე უნდა უყვარდეთ მამაკაცებს თავიანთი ცოლები,

როგორც საკუთარი სხეულები. ვისაც თავისი ცოლი უყვარს, მას საკუთარი თავი უყვარს.

29 ვინაიდან არავის არასოდეს მოსძულებია თავისი ხორცი, არამედ კვებავს და უფლის მას, ისევე როგორც უფალი ეკლესიას.

30 იმიტომ, რომ მისი სხეულის ასოები ვართ, მისი ხორცთაგანნი და მისი ძვალთაგანნი. ღაბ.2,23.

31 ამიტომ მიატოვებს კაცი თავის მამას და თავის დედას და მიეწებება თავის ცოლს, და ორივენი ერთ ხორცად იქნებიან.

ღაბ.2,24. მათ.19,5. მარ.10,7. 1კორ.6,16.

32 დიდია ეს საიდუმლო, მე ვამბობ ქრისტეზე და ეკლესიაზე.

33 ასევე ყოველ თქვენთაგანს უყვარდეს თავისი ცოლი საკუთარი თავივით. ცოლსაც ეშინოდეს ქმრისა.

თ ა ვ ი 6

შვილებზე, მამებზე, დედებზე, ბატონებზე

1 დაემორჩილეთ, შვილებო, თქვენს მშობლებს უფალში, ვინაიდან ეს სამართლიანია.

გამოს.20,12. 2შჯ.5,16. ივ.23,22. მათ.15,4. მარ.7,10. კოლ.3,20.

2 „პატივი ეცი შენს მამას და დედას – ეს არის პირველი მცნება აღთქმით, –

3 რათა მოგეცეს სიკეთე და დღეგრძელი იყო დედამიწაზე.“

4 თქვენ კი, მამებო, ნუ გააღიზიანებთ თქვენს შვილებს, არამედ აღზარდეთ ისინი უფლის მოძღვრებითა და დარიგებით.

ივ.13,25.

5 დაემორჩილეთ, მონებო, თქვენს ხორციელ ბატონებს შიშითა და კანკალით, გულწრფელად, როგორც ქრისტეს.

1პეტ.2,18. კოლ.3,22. ტიტ.2,9.

6 არა თვალთმაქცური სამსახურით, როგორც პირმოთნენი, არამედ როგორც ქრისტეს მონები, რომლებიც სულით ასრულებენ ღვთის ნებას,

7 და გულმოდგინებით ემსახურებიან უფალს და არა ადამიანებს.

8 იცოდეთ, რომ ყველა, ვინც სიკეთეს ჩადის მასვე მიიღებს, უფლის მონა იქნება ის, თუ თავისუფალი. 2კორ.5,10.

9 თქვენ კი ბატონებო, მათაც ასევე მოექეცით, თავი შეიკავეთ სისასტიკისაგან და იცოდეთ, რომ მათაც და თქვენც უფალი გყავთ ცაში და მის წინაშე არ არსებობს პირმოთნეობა.

2შჯ.10,17. 25შტ.19,7. იობ.34,19. გალ.2,6.

10 დასასრულ, ჩემო ძმებო, გამაგრდით უფლით და მისი ძალის სიმტკიცით.

11 შეიმოსეთ ღვთის სრული საჭურველი, რათა შესძლოთ წინაღუდგეთ ეშმაკის მზაკვრობას. რომ.13,12. 1თეს.5,8.

12 რადგან ჩვენი ბრძოლა არ არის სისხლისა და ხორცის წინააღმდეგ, არამედ მთავრობათა წინააღმდეგ, ხელმწიფებათა წინააღმდეგ, ამ წუთისოფლის სიბნელის მპყრობელთა წინააღმდეგ: ცისქვეშეთის ბოროტების სულთა წინააღმდეგ.

იოან.12,31;14,30. ეფეს.2,2.

13 ამიტომ ხელი მოჰკიდეთ ღვთის სრულ საქურველს, რათა შესძლოთ წინააღდგომა ბოროტ დღეს. და ყოვლის მძლეველებმა გასძლოთ.

14 მაშ, იდექით ჰეშმარიტებით წელშემოსართყულნი და სიმართლის ჯავშნით შემოსილები,

ლუკ.12,35. 1პეტ.1,13.

15 და ფეხშემოსილნი მზადყოფნაში მშვიდობის სახარებლად.

16 და ყოველივე ამასთან ერთად აიღეთ რწმენის ფარი, რომლითაც შესძლებთ ბოროტის გავარვარებული ისრების ჩაქრობას.

17 აიღეთ ხსნის ჩაჩქანი და სულის მახვილი, რომელიც არის ღვთის სიტყვა.

ეს.59,17. 1თეს.5,8. ებრ.4,12.

18 ყოველგვარი ლოცვით და ვედრებით ილოცეთ ყოველ ჟამს სულით და მუდამ იფხიზლეთ ამაზე ყოველგვარი სიმედგრით და ლოცვით ყველა წმიდასთვის,

ლუკ.18,1. კოლ.4,2.

19 ჩემთვისაც, რათა მომეცეს სიტყვა და ჩემი პირით თამამად გაუწყო საიდუმლო სახარებისა.

თეს.3,1.

20 რომლის ელჩიცა ვარ მე ბორკილებში, რათა თამამად ვილაპარაკო, რისი თქმაც მმართებს.

საქ.21,11.


21 რათა თქვენც იცოდეთ ჩემი გარემოებანი და საქმეები, ყოველივეს გაუწყებთ თქვენ ტვიჩიკოსი, საყვარელი ძმა და უფლის ერთგული მსახური,

საქ.20,4. კოლ.4,7.

22 რომელიც სწორედ იმიტომ გამოგვზავნე თქვენთან, რათა შეიტყოთ ჩვენი ამბავი და მანაც ანუგეშოს თქვენი გულები.

23 მშვიდობა ძმებს და სიყვარული რწმენითურთ, მამა ღმერთისაგან და უფალ იესო ქრისტესაგან.

24 მაღლი იყოს ყველასთან, ვისაც უხრწნელებაში უყვარს ჩვენი უფალი იესო ქრისტე. ამინ.



პ ა ვ ლ ე მ ო ც ი ქ უ ლ ი ს წ ე რ ი ლ ი ფ ი ლ ი პ ე ლ თ ა მ ი მ ა რ თ

თ ა გ ი 1

წმიდებს ფილიპეში

1 პავლე და ტიმოთე, იესო ქრისტეს მონები, ყოველ წმიდას ქრისტე იესოში, რომელნიც ფილიპეში იმყოფებიან, ეპისკოპოსებითა და დიაკვნებითურთ:

2 მადლი თქვენ და მშვიდობა ჩვენი მამა ღმერთისა და უფლის იესო ქრისტესაგან.

3 ვმადლობ ჩემს ღმერთს თქვენს ყოველ გახსენებაზე. 1თეს.1,2.

4 მუდამ, ჩემს ყოველ ვედრებაში, სიხარულით ვევედრები ყოველი თქვენგანისათვის

5 სახარებაში თქვენი მოზიარეობისათვის, პირველი დღიდან აქამდე.

6 დარწმუნებული ვარ, რომ თქვენში დამწყები კეთილი საქმისა შესრულებს კიდევ მას იესო ქრისტეს დღემდე.

იოან.6,29. 1თეს.1,3.

7 სწორედაც რომ მმართვეს ფიქრი ყოველ თქვენგანზე, რადგან გულში მყავხართ, ჩემს ხუნდებში, და სახარების დაცვისას და განმტკიცებისას, თქვენ ყველანი თანაზიარნი ხართ ჩემს მადლში.

8 ვინაიდან ღმერთია ჩემი მოწამე, რომ ყველანი მიყვარხართ იესო ქრისტეს სიყვარულით.

9 ამაზე ვლოცულობ, რომ უფრო და უფრო გაიზარდოს თქვენი სიყვარული შემეცნებასა და შეგრძნებაში,

10 რათა გამოსცადოთ უმჯობესი და იყოთ წრფელნი და დაუბრკოლებელნი ქრისტეს დღეს. 1თეს.5,23.

11 სიმაართლის ნაყოფით აღვსილნი იესო ქრისტეს მიერ, ღვთის სადიდებლად და საქებრად. მათ.5,16. იოან.5,8.

ბორკილებმა გაავრცელეს სახარება

12 ძმებო, მსურს იცოდეთ, რომ ჩემზე დათეული ამბები ემსახურნენ სახარების დიდ წარმატებას.

13 ისე რომ, ჩემი ბორკილები ქრისტეში ცნობილი გახდა მთელი პრეტორიისათვის და ყველა დანარჩენისათვის. საქ.21,11.

14 უფალში ძმათა უმრავლესობა გამხნევდა ჩემი ბორკილებით და გაბედა, რომ უფრო მეტად და უშიშრად ელაპარაკა ღვთის სიტყვა. ეფეს.3,13.

15 თუმცა ზოგიერთნი შურით და ჯიბრით ქადაგებენ ქრისტეს, ზოგნი კი კეთილი ზრახვით. 2კორ.2,17.

16 ერთნი ჯიბრით ქადაგებენ არაწმიდად ქრისტეს, რადგან ფიქრობენ ჭირი მოუმატონ ჩემს ბორკილებს,

17 მეორენი კი – სიყვარულით, ვინაიდან იციან, რომ სახარების დასაცავად ვარ დაყენებული.

18 მერედა რა? როგორც არ უნდა იქადაგონ ქრისტე – რაღაც მიზეზით თუ გულწრფელად, მე ასეც მიხარია და კვლავაც გავიხარებ.

19 ვინაიდან ვიცი, რომ ეს ჩემი ხსნა იქნება თქვენი ლოცვითა და იესო ქრისტეს სულის შეწევნით.

20 ველოდები და ვიმედოვნებ, რომ არაფერში არ შევრცხვები, არამედ მთელი სითამამით, როგორც ყოველთვის, ისე ახლაც განდიდდება ქრისტე ჩემს სხეულში – სიცოცხლით იქნება თუ სიკვდილით.

21 ვინაიდან ჩემთვის სიცოცხლე ქრისტეა და სიკვდილი – მონაგები. გალ.2,20.

22 თუ ხორციელი ცხოვრება ნაყოფს შემატებს ჩემს საქმეს, არ ვიცი. რა ამოვირჩიო.

23 მიზიდავს ორივე: მსურს წავიდე და ვიყო ქრისტესთან, რაკი ეს ბევრად უკეთესია. 2კორ.5,8.

24 მაგრამ ხორცში დარჩენა უფრო მეტად თქვენთვის არის საჭირო.

25 მე კი დანამდვილებით ვიცი, რომ დავრჩები და ვიქნები თქვენთან ყველასთან ერთად თქვენი წარმატებისა და რწმენის სიხარულისათვის,

26 რათა ჩემი მეშვეობით გამრავლდეს თქვენი ქება ქრისტე იესოში, როცა კვლავ მოვალ თქვენთან. 2კორ.1,14. ფილ.2,16.

იცხოვრეთ სახარების ღირსად

27 ოღონდ მოიქეცით ქრისტეს სახარების ღირსად, რათა, ან როცა მოვალ და გნახავთ, ან თუ არ ვიქნები თქვენთან, მოვის-

მინო თქვენზე რომ დგახართ ერთი სულით და ერთსულოვნად იღწვით სახარების რწმენისათვის. ეფეს.4,1. კოლ.1,10. 1თეს.2,12.

28 ნურათერში შეუშინდებით მოწინააღმდეგეს. ეს მათთვის დალუპვის ნიშანია, თქვენთვის კი – ხსნისა. ეს ღვთისაგან არის.

ლუკ.12,4.

29 ვინაიდან ქრისტეს გულისათვის მოგეცათ თქვენ არა მარტო რწმენა, არამედ მისთვის ტანჯვაც

საქ.5,41.

30 ისეთივე ღვაწლით, რომელიც ჩემში ნახეთ და რომელსაც ახლა ისმენთ ჩემზე.

1თეს.2,2.

თ ა ვ ი 2

ერთიანობისა და თავმდაბლობის შესახებ

1 ამრიგად, თუ არის რაიმე ნუგეშისცემა ქრისტეში, თუ არის რაიმე სალბუნი სიყვარულისა, თუ არის რაიმე მოზიარეობა სულისა, თუ არის რაიმე თანაგრძნობა და მოწყალება, კოლ.3,12.

2 შეავსეთ ჩემი სიხარული, რათა ერთსა და იმავეს ზრახავდეთ, გქონდეთ ერთი და იგივე სიყვარული, იყოთ ერთსულოვანნი, და ერთაზროვანნი.

რომ.15,5. ფილ.3,16.

3 არათერი გააკეთოთ ჯიბრით ან პატივმოყვარეობით, არამედ თავმდაბლობით. საკუთარ თავზე მეტად შერაცხეთ ერთმანეთი.

ლუკ.14,11. რომ.12,10.

4 თითოეული მარტო თავის თავზე კი ნუ იზრუნებს, არამედ სხვებზეც.

1კორ.10,24.

ქრისტე ნიმუშია

5 რადგან ის აზრები, რაც ქრისტეშია, იყოს თქვენს შორისაც.

მათ.11,29.

6 ის, თუმცა ღვთის ხატება იყო, მიტაცებად არ თვლიდა ღვთის თანასწორად ყოფნას.

2კორ.4,4. კოლ.1,15.

7 არამედ წარმოიცარიელა თავი და მიიღო მონის ხატება, გახდა კაცთა მსგავსი და შესახედაობით კაცს დაემსგავსა.

ფსალ.21,7. ეს.49,6. მათ.20,28.

8 დაიმდაბლა თავი და მორჩილი გახდა თვით სიკვდილამდე, ჯვარცმით სიკვდილამდე.

მათ.26,39. ებრ.2,17.

9 ამიტომ ღმერთმაც აღამაღლა იგი და მისცა მას ყველა სახელზე უზენაესი სახელი.

მათ.28,18. ებრ.1,4.

10 რათა იესოს სახელის წინაშე მუხლი მოიდრიკოს ყოველმა ზეციერმა, მიწიერმა და ქვესკნელმა,

ეს.45,23. რომ.14,11. გამოცხ.5,14.

11 ყოველმა ენამ აღიაროს, რომ იესო ქრისტე არის უფალი, მამა ღვთის სადიდებლად.

იოან.13,13. 1კორ.8,6.

სიცოცხლის სიტყვის დაცვა

12 ამიტომ, ჩემო საყვარელნო, როგორც ყოველთვის იყავით მორჩილნი, არა მარტო ჩემი ყოფნისას, არამედ უფრო მეტად ახლა, ჩემი არყოფნის დროს, შიშით და ძრწოლით იღვაწეთ თქვენს სახსნელად.

13 ღმერთი იქმს თქვენში სურვილსაც და მოქმედებასაც თავისი სათნოებით. ებრ.13,21.

14 ყველაფერი გააკეთეთ უდრტვინველად და უყოყმანოდ.

1პეტ.4,9.

15 რათა იყოთ უბიწონი და სუფთანი, ღვთის უმანკო შვილები მზაკვარ და უკუღმართ თაობაში. რომელშიც ანათებთ, როგორც მნათობნი სამყაროში, იგ.4,18. მათ.5,14.

16 სიცოცხლის სიტყვის მეფლობელნი, რათა დავიკვებო ქრისტეს დღეს, რომ ამაოდ არ დავგზოდი და ამაოდ არ ვიღვწოდი. ფილ.4,1.

17 მაგრამ კიდევ რომ ვესხურებოდე თქვენი რწმენის მსხვერპლსა და ღვთიმსახურებას, მიხარია და ვხარობ თქვენთან ერთად. 2ტიმ.4,6.

18 ასევე თქვენც იხარეთ და ხარობდეთ ჩემთან ერთად.

პავლეს გეგმა ტიმოთესა და ეპაფროდიტეს მიმართ

19 ვიმედოვნებ ჩვენ უფალ იესოში, მალე გამოგიგზავნოთ ტიმოთე, რათა გავმხნევდე თქვენი ამბის შეტყობით. საქ.16,1.

20 ვინაიდან არავინ მყავს ისეთი თანამოზიარე, ასე ბეჯითად რომ ზრუნავდეს თქვენზე.

21 იმიტომ, რომ ყველანი თავისას ეძებენ და არა იმას, რაც იესო ქრისტესია. 1კორ.10,24.

22 თქვენ გამოცდილი გყავთ იგი, რომ როგორც მამასთან შვილი, ისე ჩემთან ერთად ემსახუროდა სახარებას. საქ.16,2.

23 იმედი მაქვს, რომ მალე გამოგიგზავნით მას, როგორც კი ვნახავ, როგორ იქნება ჩემი საქმე.

24 მჯერა უფლისა, რომ მეც მალე მოვალ თქვენთან.

25 საჭიროდ მივიჩნევ გამოგიგზავნოთ ეპაფროდიტესი, ჩემი ძმა, თანამშრომელი და თანამებრძოლი, იგივე თქვენი მოციქული და მსახური ჩემი საჭიროებისათვის.

26 რადგანაც ძალიან სურდა ყველა თქვენთაგანის ხილვა და ძალიან შეწუხდა, რომ შეიტყუეთ მისი ავადმყოფობა.

27 რადგან დაავადდა და სიკვდილის პირზეც იყო. მაგრამ ღმერთმა შეიწყალა ის და არა მარტო ის, არამედ მეც, რათა ჩემს მწუხარებას მწუხარება არ დართვოდა.

28 ამიტომ ვიჩქარე მისი გამოგზავნა თქვენთან, რათა გენახათ და კვლავ გაგეხარათ, და მეც მომკლებოდა დარდი.

29 აბა, მიიღეთ იგი ყოველგვარი სიხარულით უფალში და პატივისცემით მოეპყარით მისთანებს. 1თეს.5,12.

30 ვინაიდან ქრისტეს საქმისათვის სიკვდილს მიუახლოვდა და საფრთხეში ჩაიგდო სიცოცხლე, რათა შეეცხო ჩემდამი თქვენი სამსახურის დანაკლისი.

თ ა ვ ი 3

უპირატესობა ჩავთვალე ამაოდ

1 ამრიგად, ჩემო ძმებო, იხარეთ უფალში. თქვენდამი მსგავსი რამის მოწერა საძნელო არ არის ჩემთვის, თქვენთვის კი გამხნეებაა. 2კორ.13,11.

2 ერიდეთ ძაღლებს, ერიდეთ ცუდ მუშაკებს, ერიდეთ წინადაცვეთას, ეს.56,10. 2კორ.11,13.

3 ვინაიდან წინადაცვეთილობა ჩვენ ვართ – ღვთის მსახურნი სულით, ვადიდებთ ქრისტე იესოს და არ ვენდობით ხორცს. იერ.4,4. რომ.2,29.

4 თუმცა შემეძლო ხორცის იმედი მქონოდა. თუ სხვა ვინმე ფიქრობს ხორცის იმედზე, მე – მით უმეტეს.

5 წინადაცვეთილი ვარ მერვე დღეს, ისრაელის მოდგმისაგან, ბენიამინის ტომისა, ებრაელი ებრაელთაგანი, რჯულით ფარისეველი, საქ.23,6;26,5.

6 მოშურნედ მღევნელი ეკლესიისა, რჯულის სიმართლით უმწიკვლო. საქ.8,3.

7 მაგრამ, რაც ჩემთვის მოგება იყო, ის წაგებად ჩავთვალე ქრისტეს გულისათვის.

8 ახლაც ყველაფერი წაგებად მიმაჩნია ჩემი უფლის იესო ქრისტეს შეცნობის უპირატესობის გულისთვის, რისთვისაც უარი ვთქვი ყოველივეზე და ყველაფერს ნაგვად მივიჩნევ, რათა ქრისტე შევიძინო ეს.53,11. იერ.9,24. იოან.17,3.

9 და აღმოვჩნდე მასში არა ჩემი სიმართლით, რომელიც რჯულიდანაა, არამედ იმით, რაც არის ქრისტეს რწმენის მიერ ღვთისმიერი სიმართლე, რწმენის მიხედვით, რომ.3,22.

10 რათა შევიცნო იგი და მისი აღდგომის ძალა, და მის ტანჯვებში მოზიარეობა და, მის სიკვდილს ვემსგავსო, რომ.6,5;8,17.

11 რათა, როგორმე მივწვდე მკვდრებით აღდგომას.

12 არა იმიტომ, რომ უკვე მივალწიე ან სრულქმნილი გავხდი, არამედ ვისწრაფი, ვინძლო მივალწიო, როგორც მე მომალწია ქრისტე იესომ. 1კორ.13,12. 1ტიმ.6,12.

13 ძმებო, არ მგონია რომ უკვე მივალწიე. ერთია, რომ ვივიწყებ, რაც ჩემს უკან არის, და იმას ველტვი, რაც ჩემს წინ არის. ლუკ.9,62.

14 ვილტვი მიზნისაკენ, ღვთის უზენაესი მოწოდების პატივისაკენ ქრისტე იესოში. 1კორ.9,24.

სადამღისაც მივალწიეთ, იმ წესით ვიცხოვროთ

15 ამიტომ, ვინც ჩვენს შორის სრულქმნილია, ასე უნდა იაზროვნოს, და თუ სხვანაირად აზროვნებთ, ამასაც ღმერთი გამოგიცხადებთ.

ებრ.5,14.

16 ამრიგად, რასაც მივალწიეთ, იგივე უნდა შევინარჩუნოთ.

რომ.12,16;15,5. 1 კორ.1,10.

17 ძმებო, იყავით ჩემი მომბაძავნი და უყურეთ მათ, ვინც ისე იქცევა, რისი ნიმუშიც ჩვენში გაქვთ.

ფილ.4,9. 2თეს.3,9.

18 ვინაიდან ბევრნი, რომელთა შესახებ ხშირად მითქვამს თქვენთვის, და ახლა ტირილითაც გეუბნებით, ისე იქცევიან, როგორც ქრისტეს ჯვრის მტრები.

19 მათი ბოლო დაღუპვაა, მათი ღმერთი – მუცელი, მათი დიდება კი სირცხვილშია. ისინი მიწიერზე ფიქრობენ.

2პეტ.2,1. რომ.16,18.

20 რადგან ჩვენი მოქალაქეობა ზეცაშია, საიდანაც ველით მაცხოვარს უფალ იესო ქრისტეს,

ტიტ.2,13. ებრ.13,14.

21 რომელიც ჩვენს დამდაბლებულ სხეულს გარდაქმნის თავისი დიდების სხეულის მსგავსად, ძალისხმევით შეძლებს ყოველივე თავის თავს დაუმორჩილოს.

1იოან.3,2. 1კორ.15,42-44.

თ ა ვ ი 4

იდექით უფალში

1 აბა, ჩემო საყვარელო და სასურველო ძმებო, ჩემო სიხარულნო და გვირგვინნო, იდექით ასე უფალში, საყვარელნო.

2კორ.1,14. 1თეს.2,19.

2 ევოდიას შევახსენებ და სვინტიქეს შევაგონებ, თანამოაზრენი იყვნენ უფალში.

ფილ.2,2.

3 შენ კი, ჩემო ერთგულო თანამშრომელო, შენც გთხოვ დაეხმარო მათ, რომელნიც იღწვოდნენ ჩემთან ერთად სახარებაში, კლემენტოსთან და სხვა ჩემს თანამშრომლებთან ერთად, რომელთა სახელები სიცოცხლის წიგნშია.

გამოს.32,32. ლუკ.10,20. გამოცხ.3,5.

4 მარადის იხარეთ უფალში, და კიდევ ვიტყვი: იხარეთ.

5 თქვენი თავმდაბლობა ცნობილი იყოს ყველა ადამიანისათვის. ახლოს არის უფალი.

იაკ.5,9. 1პეტ.4,7.

6 არაფერზე იზრუნოთ, მხოლოდ ლოცვასა და ვედრებაში მადლიერებით აუწყეთ თქვენი სურვილი ღმერთს, მათ.6,25. 1ტიმ.2,1.

7 და ღვთის მშვიდობა, რომელიც ყოველგვარ გონებას აღემატება, დაიფარავს თქვენს გულებს და თქვენს ფიქრებს ქრისტე იესოში.

იოან.14,27. კოლ.3,15.

8 აბა, ასე, ჩემო ძმებო, ყოველივე, რაც ჭეშმარიტია, რაც პატიოსანია, რაც მართალია, რაც წმიდაა, რაც საყვარელია, რაც საქებარია, ყოველივე, რაც სათნო და ქებულია, იმაზე იფიქრეთ.

მათ.5,16. რომ.13,13.

9 რაც ჩემგან ისწავლეთ და მიიღეთ, მოისმინეთ და დაინახეთ ჩემში, ის შეასრულეთ და მშვიდობის ღმერთი იქნება თქვენთან.

რომ.15,33.

ყველა გაჭირვების ატანა ქრისტესათვის

10 მე კი დიდად გავიხარე უფალში, რადგან ახლა კვლავ იწყეთ ჩემზე ზრუნვა. უწინაც ზრუნავდით, მაგრამ ვერ ახერხებდით.

11 გაჭირვების გამო არ ვამბობ ამას, ვინაიდან ვისწავლე იმით დაკმაყოფილება, რაცა მაქვს.

1ტიმ.6,6.

12 ვიცი ხელმოკლეობაში ცხოვრება და ვიცი სიუხვეში ცხოვრებაც, მიჩვეული ვარ ყველაფერს და ყოველივეს: გაძღომას და შიმშილს, სიუხვესა და ხელმოკლეობას.

2კორ.6,10.

13 ყოველივე ძალმიძს ჩემს განმამტკიცებელში, ქრისტეში.

2კორ.12,9.

14 ხოლო თქვენ კარგად მოიქეცით, ჩემი ჭირი რომ გაიზიარეთ.

15 თქვენც იცით, ფილიპელნო, რომ ხარების დაწყებისას, როცა მაკედონიიდან გამოვედი, არც ერთმა ეკლესიამ არ მიიღო მონაწილეობა ჩემთან მიღება-გაცემაში, თქვენს გარდა.

16 თესალონიკეშიც გამომიგზავნეთ, რაც მჭირდებოდა, ერთი-ორჯერ,

17 არა იმიტომ, რომ მოსაკითხს ვეძებდე, არამედ ვეძებ ნაყოფს, რომელიც თქვენს სასარგებლოდ მრავლდება.

2კორ.12,14.

18 მივიღე ყოველივე და უხვად მაქვს. კმაყოფილი ვარ, რომ მივიღე ეპაფროდიტესისგან თქვენს მიერ გამოგზავნილი კეთილსურნელება, საამებელი მსხვერპლი, ღვთისთვის მოსაწონი.

19 ხოლო ჩემი ღმერთი აღავსებს თქვენს ყოველ საჭიროებას, თავისი სიუხვისამებრ, დიდებით ქრისტე იესოში.

ფსალ.22,1. ეფეს.3,16.

20 ხოლო ღმერთს და ჩვენს მამას დიდება უკუნიითი უკუნი-სამდე. ამინ.

21 მოიკითხეთ ყველა წმიდა ქრისტე იესოს სახელით. მოგიკითხავენ ჩემთან მყოფი ძმანი.

22 მოგიკითხავს ყველა წმიდა, და უფრო მეტად კეისრის სახლობიდან.

23 უფალ იესო ქრისტეს მადლი თქვენს სულთან. ამინ.



პ ა ვ ლ ე მ ო ც ი ქ უ ლ ი ს წ ე რ ი ლ ი კ ო ლ ა ს ე ლ თ ა მ ი მ ა რ თ

თ ა ვ ი 1

1 პავლე, ღვთის ნებით იესო ქრისტეს მოციქული, და ძმა ტიმოთე,

2 კოლასეში მყოფ წმიდათ და მორწმუნე ძმებს ქრისტეში.

მადლობა ღმერთს მათი რწმენისა და სიყვარულისათვის

3 მადლი თქვენ და მშვიდობა ჩვენი მამა ღმერთისგან და უფალ იესო ქრისტესაგან. გმადლობთ ღმერთს, ჩვენი უფლის, იესო ქრისტეს მამას ყოველთვის, როცა თქვენთვის ვლოცულობთ.

ფილ.1,3.

4 რომ გვესმის თქვენი რწმენა ქრისტე იესოში და თქვენი სიყვარული ყველა წმიდას მიმართ.

ებრ.6,10.

5 თქვენთვის ზეცაში გამზადებული იმედის გამო, რომელიც წინასწარ გესმათ სახარების ჭეშმარიტი სიტყვით,

6 რომელიც მოვიდა თქვენთან ისევე, როგორც მთელ წუთისოფელში, და მოაქვს ნაყოფი და იზრდება ისევე, როგორც თქვენ შორის იმ დღიდან მოკიდებული, რაც თქვენ ისმინეთ და შეიცანით ჭეშმარიტებაში ღვთის მადლი,

მათ.13,8. იოან.15,16.

7 როგორც ისწავლეთ ჩვენი საყვარელი თანამსახურის, ეპატრასაგან, რომელიც ერთგულად ემსახურება ქრისტეს თქვენთვის,

8 მანვე გვაუწყა თქვენი სიყვარული სულით.

ლოცულობს, რომ მოიქცნენ უფლის ღირსად

9 ამისათვის ჩვენც იმ დღიდან, რაც ეს მოვისმინეთ, განუწყვეტლივ ვლოცულობთ თქვენთვის, რათა აღივსოთ მისი ნების შეცნობით, ყოველნაირი სიბრძნითა და სულიერი გონებით,

რომ.12,2.

10 რათა მოიქცეთ უფლის ღირსად და ყველაფერში აამოთ მას ყოველ კეთილ საქმეში ნაყოფის გამოღებით და ღვთის შეცნობაში ზრდით,

ეფეს.4,1. ფილ.1,27. 1თეს.2,12.

11 მთელი ძალით გაძლიერდეთ მისი დიდების სიმტკიცისაგან, ყოველგვარ მოთმინებაში და სულგრძელობაში სიხარულით.

საქ.5,41.

12 ჰმადლობდეთ მამას, რომელმაც წმიდათა მემკვიდრეობის მონაწილეობის ღირსი გაგვხადა ნათელში,

საქ.26,18.

13 რომელმაც გვიხსნა სიბნელის ხელმწიფებისაგან და შეგვიყვანა თავისი საყვარელი ძის სასუფეველში, მათ.3,17. ებრ.2,15.

იესოს ჰქონდეს ყველაფერში პირველობა

14 რომელშიც გვაქვს მისი სისხლით გამოსყიდვა და ცოდვების მიტევება,

რომ.3,25.

15 ვინც არის უხილავი ღვთის ხატება, პირმშო ყოველი ქმნილებისა,

იგ.8,22. ებრ.1,3.

16 ვინაიდან მისით შეიქმნა ყოველი, რაც ცაში და დედამიწაზეა, ხილული და უხილავი: საყდარნი თუ უფლებანი, მთავრობანი თუ ხელმწიფებანი – ყველაფერი მის მიერ და მისთვის არის შექმნილი.

იოან.1,3. ეფეს.3,9. ებრ.1,2.

17 იგი არის უწინარეს ყოვლისა და ყოველივე მისით დგას.

იოან.1,1.

18 ის არის ეკლესიის სხეულის თავი. ის არის დასაბამი, პირმშო მკვდართაგან, რათა მას ჰქონდეს პირველობა ყველაფერში.

რომ.8,29. 1კორ.15,20. ეფეს.1,22.

19 რადგან მასში მოიწონა მთელი სისაგსის დამკვიდრება,

კოლ.2,9.

20 რათა მისით შემოერიგებინა ყოველი, დაემშვიდებინა მისი ჯვრის სისხლით მიწაზე თუ ცაში.

ეს.9,6. ლუკ.2,14.

სახარების ქადაგება წარმართთა შორის

21 თქვენც, რომელნიც ოდესღაც იყავით გაუცხოებულნი და გონებით მტრები თქვენი ბოროტი საქმეების გამო,

22 ახლა შეგირიგათ მისი ხორცის სხეულში, მისი სიკვდილით, რათა წარგადგინოთ თავის წინაშე წმიდები, უბიწონი და უბრალონი.

ლუკ.1,75. რომ.5,10. 1კორ.1,2. ეფეს.1,4. ტიტ.2,14.

23 ოღონდ თუ დარჩებით მტკიცე და შეურყეველი რწმენაში

და არ გადაუხვევთ სახარების იმედს, რომელიც თქვენ ისმინეთ, რომელიც ექადაგა ყოველ ქმნილებას ცისქვეშეთში, და რომლის მსახურიც გავხდი მე, პავლე.

24 ახლა კი ვხარობ ჩემი ტანჯვებით თქვენს გამო და ჭირს რაც ქრისტეს დააკლდა, ვავსებ საკუთარი ხორციით მისი სხეულისათვის, რომელიც ეკლესიაა, რომ.5,3.

25 რომლის მსახურიც მე გავხდი ღვთის განგებულებით, თქვენთვის რომ მომეცა, აღსასრულებლად ღვთის სიტყვისა, 1კორ.4,1;9,17.

26 საიდუმლოსი, რომელიც დაფარული იყო საუკუნეებისა და თაობებისაგან, და ახლა გაემხილათ მის წმიდებს, რომ.14,24. ეფეს.3,9.

27 რომელთათვისაც ღმერთმა ინება ეცნობებინა, თუ რა არის სიმდიდრე ამ საიდუმლოს დიდებისა წარმართებს შორის, რაც არის ქრისტე თქვენში, დიდების იმედი, რომ.9,23. ეფეს.3,17.

28 რომელსაც ვქადაგებთ ჩვენ, რათა შევაგონოთ ყოველ ადამიანს და ვასწავლოთ ყოველ ადამიანს ყოველგვარი სიბრძნე, რათა ყოველი კაცი წარვადგინოთ სრულქმნილად ქრისტე იესოში. 2კორ.11,2.

29 ამისათვის მეც ვშრომობ და ვიღწვი მისი ძალით, რომელიც ძლიერად მოქმედებს ჩემში. 1კორ.15,10. ფილ.2,13.

თ ა ვ ი 2

კოლასელთა მტკიცე რწმენა

1 მინდა, იცოდეთ, რაოდენი ღვაწლი მაქვს თქვენზე, ლაოდიკეელებზე და ყველაზე, ვისაც ხორციელად არ უხილავს ჩემი სახე. ფილ.3,8.

2 რათა ინუგეშონ სიყვარულით შეერთებულმა მათმა გულებმა სრულქმნილი გონების ყოველგვარი სიმდიდრისათვის, ღვთისა და ქრისტეს საიდუმლოს შეცნობისათვის,

3 რომელშიც დაფარულია სიბრძნისა და ცოდნის ყველა განძი. 1კორ.1,30.

4 ამას იმიტომ გეუბნებით, რომ არავინ შეგაცდინოთ მაცდური სიტყვით.

5 ვინაიდან, თუმცა ხორციელად შორს ვარ თქვენგან, სულით თქვენთან ვიმყოფები და მიხარია, რომ ვხედავ თქვენს წესიერებას და თქვენი რწმენის სიმტკიცეს ქრისტეში. 1კორ.5,3.

6 იმიტომ, როგორც მიიღეთ ქრისტე იესო უფალი, ასევე იარეთ მასში

7 ფესვგადგმულებმა და მისით აღშენებულებმა, განმტკიცებულებმა რწმენით, როგორც გისწავლიათ, და წარმატებულებმა მადლიერებაში. 1კორ.1,5. ეფეს.3,17.

სრულყოფილი ხართ მასში

8 გაფრთხილდით, არავინ გაგიტაცოთ ფილოსოფიითა და ფუჭი ცდუნებით, ადამიანური გადმოცემისა და სამყაროს სტიქიათა მიხედვით, და არა ქრისტეს მიხედვით. ეფეს.5,6. ებრ.13,9.

9 ვინაიდან მასში დამკვიდრებულია ხორციელად ღვთაების მთელი სისავსე. იოან.1,14. კოლ.1,19.

10 და თქვენ სავსენი ხართ მასში, ვინც ყოველი მთავრობისა და ხელმწიფების თავია. ეფეს.1,22.

11 თქვენ მასში წინადაცვეთილებიც ხართ ხელთუქმნელი წინადაცვეთით, ხორცის ცოდვილი სხეულის წაძრობით – ქრისტესეული წინადაცვეთით. გალ.3,27.

12 მასთან ნათლისღებით დამარხულები მასთანვე აღდექით ღვთის ძალისადმი რწმენით, რომელმაც აღადგინა იგი მკვდრეთით. რომ.6,4. ეფეს.1,19.

13 თქვენც, მკვდრები შეცოდებებში და თქვენი ხორცის წინადაუცვეთლობაში გაგაცოცხლათ მასთან ერთად და მოგვიტევა ყველა შეცოდება. ეფეს.2,1.

14 განჩინებებით წაშალა თანანადებთა ხელწერილი, რომელიც ჩვენს წინააღმდეგ იყო, აიღო იგი შუაგულიდან და ჯვარს მიამსჭვალა. ეფეს.2,15.

15 განაიარაღა მთავრობანი და ხელმწიფებანი. სააშკარაოდ შეარცხვინა და ჯვრით იზეიმა მათზე გამარჯვება. ეფეს.4,8. ებრ.2,14.

ნურავინ განგსჯით სასმელ-საჭმელისათვის

16 ამიტომ ნურავინ განგსჯით თქვენ საჭმელისა თუ სასმელისათვის, ან რაიმე დღესასწაულისათვის ანდა ახალმთვარობისა და შაბათებისათვის. რომ.14,6.

17 ეს მომავლის ჩრდილია, სხეული კი – ქრისტესი. ებრ.10,1.

18 ნურავინ შეგაცდენთ სიმდაბლით, და ანგელოზების სამსახურით, ვინც ეპოტინება იმას, რაც არ უნახავს და ფუჭად ამპარტავნობს თავისი ხორციელი გონებით. 2კორ.11,14.

19 არ ეჭიდება თავს, რომლისგანაც მთელი სხეული სახსრებითა და კავშირებით შენივთებული და შეერთებული, იზრდება ღვთისმიერი ზრდით. ეფეს.4,15.

20 თუ ქრისტესთან მოკვდით წუთისოფლის ნივთათვის, წუთისოფელში მცხოვრებთა მსგავსად, რაღად ემორჩილებით წესებს: რომ.7,4.

21 ნუ მიეკარები, ნუ იგემებ, ნუ შეეხები,

22 ყველაფერს, რაც იხრწნება ხმარებისაგან, კაცთა მცნებებისა და მოძღვრების თანახმად? ეს.29,13. მათ.15,9.

23 ეს ყველაფერი მხოლოდ გარეგნულად ჰგავს სიბრძნეს

ცრუთაყვანებით, სიმდაბლით და სხეულის დათრგუნვით, მაგრამ ყოველივე ეს არ არის გამიზნული ხორცის განცხრომის წინააღმდეგ.

თ ა გ ი 3

თქვენი სიცოცხლე დაფარულია ქრისტესთან ღმერთში

1 ამგვარად, თუ თქვენ აღდექით ქრისტესთან ერთად, ეძიეთ მაღლა, სადაც ქრისტე ზის ღვთის მარჯვნივ. მარ.16,19. რომ.8,34.

2 ზეციერზე იფიქრეთ და არა მიწიერზე. ფილ.3,20.

3 ვინაიდან თქვენ მოკვდით და თქვენი სიცოცხლე დაფარულია ქრისტესთან ღმერთში. რომ.8,24. გალ.2,20.

4 როცა გამოჩნდება ქრისტე, თქვენი სიცოცხლე, მაშინ თქვენც გამოჩნდებით მასთან ერთად დიდებით. 1იოან.3,2. ფილ.3,21.

განიშორეთ ძველი, შეიმოსეთ ახალი

5 მაშ, მოაკვდინეთ თქვენი მიწიერი ასოები: სიძვა, უწყმდურობა, ვნება, ბოროტი გულისთქმა და ანგარება, რაც კერპთმსახურებაა. ეფეს.5,3.

6 რომელთა გამოც ღვთის რისხვა მოდის, 1კორ.6,9.

7 რომელთა შორისაც თქვენც დადიოდით, როცა მათ შორის ცხოვრობდით.

8 ახლა კი განიშორეთ ყოველივე ეს: რისხვა, მძვინვარება, ბოროტება, გმობა, თქვენი ბაგეების ბილწსიტყვაობა.

რომ.6,4. ეფეს.4,22. ებრ.12,1.

9 ნუ იცრუებთ ერთიმეორის მიმართ, რადგან შემოძარცული გაქვთ ძველი ადამიანი მისი საქმეებითურთ. ლევ.19,11. ეფეს.4,25.

10 და შეიმოსეთ ახალი, რომელიც განახლებულია შემეცნებით მისი შემოქმედის ხატისამებრ, დაბ.1,27;5,1;9,6. ეფეს.4,24.

11 სადაც არ არის არც ბერძენი, არც იუდეველი, არც წინადაცვეთა, არც წინადაუცვეთლობა, არ არის ბარბაროსი, სკვითი, მონა და თავისუფალი, არამედ ქრისტეა ყოველივე და ყოველივეში. გალ.6,15.

12 ამიტომ, როგორც ღვთის რჩეულებმა, წმიდებმა და საყვარლებმა, შეიმოსეთ მოწყალება, სახიერება, თავმდაბლობა, სიმშვიდე, სულგრძელობა. ეფეს.4,32.

13 შეიწყნარეთ ერთიმეორე და მიუტევეთ ერთმანეთს, თუ ვინმესთან რაიმე სადავო აქვს ვინმეს. როგორც ქრისტემ მოგიტევათ, ასევე თქვენც. მათ.6,14. რომ.13,8;15,1.

14 და ყოველივე ამას დაურთეთ სიყვარული, რაც სრულქმნილობის კავშირია.

15 ბატონობდეს თქვენს გულებში ღვთის მშვიდობა, რომლისკენაც მოწოდებულნი ხართ ერთ სხეულად და იყავით მადლიერნი. ეფეს.4,3. ფილ.4,7.

სიტყვა ქრისტესი უხვად დამკვიდრდეს თქვენში

16 უფლის სიტყვა უხვად დამკვიდრდეს თქვენში სრული სიბრძნით. ასწავლეთ და შთააგონეთ ერთმანეთი ფსალმუნით, სადიდებლით და სასულიერო საგალობლებით, და უგალობეთ ღმერთს თქვენს გულებში მადლიერებით. ეფეს.5,19.

17 და ყოველივე, რასაც თქვენ აკეთებთ სიტყვით თუ საქმით, ყოველივე გააკეთეთ უფალ იესოს სახელით და მის მიერ შეჰმადლოდეთ მამა ღმერთს. ებრ.13,15.

18 ცოლებო, დაემორჩილეთ თქვენს ქმრებს, როგორც უფალშია საკადრისი. ეფეს.5,22.

19 ქმრებო, გიყვარდეთ თქვენი ცოლები და ნუ იქნებით სასტიკნი მათ მიმართ. 1პეტ.3,7.

20 შვილებო, დაემორჩილეთ თქვენს მშობლებს ყველაფერში, ვინაიდან ასეა მოსაწონი უფლისათვის. ეფეს.6,1.

21 მამებო, ნუ გააღიზიანებთ თქვენს შვილებს, რათა თავი არ მოაბეზროთ.

22 მონებო, ყველაფერში დაემორჩილეთ თქვენს ხორციელ ბატონებს, არა მოჩვენებითი სამსახურით, როგორც კაცთმამებლებმა, არამედ გულწრფელად, როგორც ღვთისმოშიშებმა. 1პეტ.2,18. ეფეს.6,5. ტიტ.2,9.

23 ყოველივე, რასაც აკეთებთ, გააკეთეთ სულით. როგორც ღვთისათვის და არა კაცთათვის.

24 იცოდეთ, რომ მემკვიდრეობას მიიღებთ უფლისაგან საზღაურად, ვინაიდან უფალ ქრისტეს ემსახურებით.

25 ხოლო, ვინც უსამართლოდ მოიქცევა, იგი მიიღებს თავისი უსამართლობისათვის. მასში არაა პირმოთნეობა. საქ.10,34. ეფეს.6,9.

თ ა ვ ი 4

ბეჯითი ლოცვაში, მადლიერებაში

1 უფალნო, მიაგეთ მონებს რაც სწორი და სამართლიანია, იცოდეთ, რომ თქვენც გყავთ უფალი ზეცაში.

2 იბეჯითეთ ლოცვაში და ფხიზლად იყავით მასში მადლიერებით. ლუკ.18,1. ეფეს.6,18.

3 ილოცეთ ჩვენთვისაც, რომ ღმერთმა გაგვიღოს სიტყვის კარი, რომ ვაუწყოთ ქრისტეს საიდუმლო, რომლისთვისაც შებორკილი ვარ, 1კორ.16,9.

4 რათა გავაცხადო იგი, როგორც მმართვეს, რომ ვაუწყო.

5 სიბრძნით მოიქეცით გარეშეთა მიმართ და მოივაჭრეთ ჟამი. ეფეს.5,15.

6 თქვენი სიტყვა ყოველთვის მადლიანი იყოს, მარილით შეზავებული, რათა იცოდეთ, ვის რა პასუხი გასცეთ. ეკლ.10,12.

წერილები წაიკითხეთ ეკლესიებში

7 ჩემს შესახებ ყველაფერს გაცნობებთ ტვიქიკოსი, საყვარელი ძმა, ერთგული მსახური და თანამშრომელი უფალში,

8 რომელიც იმისათვის გამოგიგზავნეთ, რომ შეიტყოთ ჩვენი ამბავი და ნუგეში სცეს თქვენს გულებს

9 ონისიმესთან, ერთგულ და საყვარელ ძმასთან ერთად, რომელიც თქვენთანაა. ისინი გაამბობენ ყველა აქაურ ამბავს.

10 მოკითხვას გითვლით არისტარქოსი, ჩემთან ერთად ტყვედ მყოფი, და მარკოზი, ბარნაბას დისწული, რომლის შესახებაც მოგივიდათ უწყება: თუ მოვიდეს თქვენთან, მიიღეთო.

11 ასევე იესო, რომელსაც იუსტოსს ეძახიან, ორივე წინადაცვეთილთაგანია. მხოლოდ ესენი იყვნენ ღვთის სასუფეველისთვის თანამშრომელნი, მე რომ მანუგეშებდნენ.

12 მოკითხვას გითვლით თქვენთან ეპაფრა, ქრისტე იესოს მსახური, რომელიც მუდამ თქვენთვის იღწვის ლოცვებში, რათა წარდგეთ მტკიცედ სრულნი და სავსენი ღვთის ყოველი ნებით.

13 მე ვამოწმებ მასზე, რომ დიდი მოშურნეა თქვენთვის, აგრეთვე ლაოდიკელთათვის და იერაპოლელთათვის.

14 მოიკითხეთ საყვარელი მკურნალი ლუკა და დემა.

15 მოიკითხეთ ლაოდიკელი ძმები, ნუმფა და მისი საშინაო ეკლესია.

16 როცა ამ წერილს წაიკითხავენ თქვენთან, ისე მოიქეცით, რომ ლაოდიკიელთა ეკლესიაშიც წაიკითხონ, ხოლო რომელიც ლაოდიკიელთათვისაა გაგზავნილი, თქვენც წაიკითხეთ.

17 ასე უთხარით არქიპოსს: ყურადღებით იყავი, რომ შეასრულო მსახურება, რომელიც უფლისგან მიიღე-თქო.

18 მოკითხვა ჩემი, პავლეს ხელით. გახსოვდეთ ჩემი ბოროტ-ლები. მადლი თქვენთან. ამინ.



პ ა ვ ლ ე მ ო ც ი ქ უ ლ ი ს პ ი რ ვ ე ლ ი წ ე რ ი ლ ი თ ე ს ა ლ ო ნ ი კ ე ლ თ ა მ ი მ ა რ თ

თ ა ვ ი 1

1 პავლე, სილოვანე და ტიმოთე თესალონიკელთა ეკლესიას მამა ღმერთში და უფალ იესო ქრისტეში: მადლი თქვენ და მშვიდობა ჩვენი მამა ღმერთისა და უფალ იესო ქრისტესაგან.

საქ.16.1. გალ.1,3.

მათი რწმენის დიდება გაისმა ყველგან

2 ვმადლობთ ღმერთს მარადის ყველა თქვენგანისათვის და ვიხსენიებთ ჩვენს ლოცვებში.

ფილ.1,3. 2თეს.1,3.

3 განუწყვეტლივ ვიხსენებთ თქვენი რწმენის საქმეს და სიყვარულის შრომას და ჩვენი უფლის იესო ქრისტესადმი, ჩვენი ღვთისა და მამის წინაშე, თქვენს იმედიან მოთმინებას.

საქ.17.4.

4 ვიცით რა თქვენი რჩეულება, ღვთის საყვარელნო ძმანო.

5 რადგანაც ჩვენი სახარება თქვენდამი არ იყო მხოლოდ სიტყვით, არამედ აგრეთვე ძალით, სულიწმიდით და სრული დამაჯერებლობით, როგორც თქვენ თავადაც იცით, რანი ვიყავით თქვენ შორის თქვენთვის.

რომ.15.19.

6 თქვენ გახდით ჩვენი და უფლის მომბაძენი, რადგან დიდ გასაჭირში მიიღეთ სიტყვა, სულიწმიდის სიხარულით.

ფილ.3.17

7 ისე რომ, გახდით ნიმუში ყველა მორწმუნისათვის მაკედონიასა და აქაიაში.

8 ვინაიდან თქვენგან გაისმა უფლის სიტყვა არა მარტო მაკედონიასა და აქაიაში, არამედ ყოველ ადგილას მისწვდა თქვენი რწმენა ღვთისადმი ისე, რომ აღარაფერი გვაქვს სათქმელი.

9 რადგან თვითონ ჰყვებიან ჩვენზე, როგორი შემოსვლა გვქონდა თქვენთან და როგორ შემობრუნდით კერპებისაგან ღვთისკენ, რათა ემსახუროთ ცოცხალ და ჭეშმარიტ ღმერთს,

10 და ელოდოთ ზეციდან მის ძეს, რომელიც მკვდრეთით აღადგინა, - იესოს, რომელიც მომავალი რისხვისაგან გვიხსნის ჩვენ.

ოსე.13,14.

თ ა ვ ი 2

პავლე ახსენებს თავის საქციელს მათ შორის

1 თქვენ თავად იცით, ძმებო, რომ ჩვენი თქვენთან შემოსვლა არ იყო ამაო.

2 ოღონდ მანამდე ფილიპეში გატანჯულებმა და გალანძღულებმა, როგორც იცით, გავბედეთ ჩვენს ღმერთში, რომ თქვენთვის გვექადაგა სახარება დიდი ბრძოლით.

საქ.16,22.

3 ვინაიდან ჩვენს შეგონებაში არ არის არც ცდუნება, არც უწმიდურება და არც ცბიერება.

2კორ.2,17.

4 არამედ, როგორც ღვთისგან გამოვიცადეთ, რომ ჩვენთვის მოენდო სახარება, ისე ვლაპარაკობთ, და ვაამებთ არა ადამიანებს, არამედ ღმერთს, რომელიც სცდის ჩვენს გულებს. იერ.17,10.

5 რადგან არასოდეს გვილაპარაკია მოსაფერებელი სიტყვებით, როგორც იცით, არა ანგარების მიზნით. ღმერთია მოწამე.

6 არც ვეძიებთ კაცთაგან დიდებას - არც თქვენგან, არც სხვებისგან.

7 თუმცა კი შეგვეძლო მძიმე ტვირთად დაგწოლოდით, როგორც ქრისტეს მოციქულები, მაგრამ მშვიდად ვიქცეოდით თქვენს შორის, როგორც მეძუძური, თავის ბალებს რომ შეფოფინებს.

2ტიმ.2,24.

8 ასევე ჩვენც, თქვენდამი გულმხურვალთ გვსურდა მოგვეცა თქვენთვის არა მარტო ღვთის სახარება, არამედ ჩვენი სულიც, იმიტომ რომ საყვარელნი გახდით ჩვენთვის.

9 ხომ გახსოვთ, ძმებო, ჩვენი შრომა და ჯაფა: დღედაღამ ვშრომობდით, რათა არავის დავწოლოდით ტვირთად, და ისე ვქადაგებდით თქვენს შორის სახარებას. საქ.18,3. 1კორ.4,12. 2თეს.3,8.

10 თქვენ მოწმენი ხართ და ღმერთიც, თუ რა წმიდად, სამართლიანად და უმწიკვლოდ ვიქცეოდით თქვენს მიმართ, მორწმუნენო.

11 რადგან, თქვენ იცით, როგორც მამა შვილებს, ისე შევაგონებდით თითოეულ თქვენგანს.

12 განუგეშებდით და გარწმუნებდით, რომ გევლოთ ღვთის ღირსად, ვინც მოგიწოდებთ თავისი სასუფეველისა და დიდებისაკენ.

ეფეს.4,1. ფილ.1,27. კოლ.1,10.

მადლობა ღმერთს, რომ მიიღეს ღვთის სიტყვა ღვთის დროსაც კი

13 ამისათვის ჩვენც განუწყვეტლივ ვმადლობთ ღმერთს, რომ თქვენ, როცა მიიღეთ ჩვენგან მოსმენილი ღვთის სიტყვა, მიიღეთ იგი არა როგორც კაცთა სიტყვა, არამედ როგორც ღვთის სიტყვა, როგორც სინამდვილეშია, რომელიც მოქმედებს კიდევ თქვენში, მორწმუნენო.

14 რადგან თქვენ, ძმებო, გახდით იუდეაში მყოფი ღვთის ეკლესიების მიმბაძველნი ქრისტე იესოში, ვინაიდან თქვენც იგემეთ ტანჯვა თქვენი თვისტომებისგან, ისევე როგორც მათ – იუდეველთაგან.

ებრ.10,4.

15 რომელთაც უფალი იესოც მოკლეს და მისი წინასწარმეტყველნიც და ჩვენც გამოგვრეკეს, ღმერთს არ აამებენ და ყველა ადამიანს ეწინააღმდეგებიან,

მათ.23,34.

16 ვგაბრკოლებენ წარმართებთან ლაპარაკში, რომ არ ვიხსნათ ისინი, რითაც მუდამ ავსებენ თავიანთ ცოდვებს, მაგრამ მოეწევათ რისხვა საბოლოოდ.

ჩვენი დიდება და სიხარული ხარო

17 ჩვენ კი, ძმებო, მცირე ხნით რომ დაგშორდით სახით და არა გულით, მით უფრო მეტი წადილით ვესწრაფოდით თქვენი პირის ხილვას.

18 ამისათვის გვინდოდა, განსაკუთრებით კი მე, პავლეს, ერთი-ორჯერ თქვენთან მოსვლა, მაგრამ სატანა გვაბრკოლებდა.

19 რადგან რა არის ჩვენი იმედი, ან ჩვენი სიხარული, ან ჩვენი კვებნის გვირგვინი? თუ არა თქვენ, ჩვენი უფლის იესო ქრისტეს წინაშე მისი მოსვლისას?

2კორ.1,14.

20 ვინაიდან თქვენა ხარო ჩვენი დიდება და სიხარული.

ფილ.4,1.

თ ა ვ ი 3

ტიმოთეს მოაქვს სასიხარულო ცნობა

1 ამიტომ, რაკი მეტის მოთმენა ველარ შევძელით, მოვისურვეთ ათენში მარტოდ დარჩენა

2 და გამოვგზავნეთ ტიმოთე, ჩვენი ძმა და ღვთის მსახური, ჩვენი თანამშრომელი ქრისტეს სახარებაში, რათა გაგვემტკიცებინეთ და გვენუგეშებინეთ თქვენს რწმენაში, საქ.16,1.

3 რათა არავინ შემდრკალიყო ამ გასაჭირში, ვინაიდან, თვითონ იცით, რომ ჩვენ საამისოდ ვართ დადგენილნი. 2ტიმ.3,12.

4 ვინაიდან მაშინაც, როცა თქვენთან ვიმყოფებოდით, წინასწარ გეუბნებოდით, ჭირი მოგველის-მეთქი, რაც ახლა კიდეც და თავადაც მოგეხსენებათ.

5 ამიტომ ველარც მე შევძელი მეტის მოთმენა და გამოვგზავნე თქვენი რწმენის ამბის შესატყობად, ვაითუ განგცადათ მაცდურმა და ჩვენი შრომა ფუჭი გამოდგა.

6 ახლა კი, როცა ტიმოთე თქვენგან დაგვიბრუნდა და გვახარა თქვენი რწმენისა და სიყვარულის ამბავი, რომ თქვენ ყოველთვის კეთილად გახსოვართ და გსურთ ჩვენი ხილვა, ისევე როგორც ჩვენ – თქვენი,

7 მაშინ თქვენით ვინუგეშეთ თავი, ძმებო, ყველა ჩვენს უბედურებასა თუ გასაჭირში, თქვენი რწმენის მეშვეობით.

8 რადგან ახლა ვცხოვრობთ, რაკილა მტკიცედ დგახართ უფალში.

პავლეს ლოცვა, რომ განამტკიცოს მათი გულები

9 როგორი მადლობა შეგვიძლია შევწიროთ ღმერთს თქვენი გულისათვის ყველა იმ სიხარულის გამო, რომლითაც ვხარობთ თქვენით ჩვენი ღვთის წინაშე?

10 დღედაღამ მხურვალედ ვლოცულობთ, რათა ვიხილოთ თქვენი სახე და შევაფსოთ თქვენი რწმენის ნაკლულება. რომ.1,10.

11 თვით ჩვენმა ღმერთმა და მამამ და ჩვენმა უფალმა იესომ წარმართოს ჩვენი გზა თქვენსკენ.

12 უფალმა გაგიზარდოთ და გიმატოთ სიყვარული ერთიმეორისა და ყველას მიმართ, როგორც ჩვენა ვართ თქვენდამი,

13 რათა განმტკიცდეს თქვენი გული უბიწოდ სიწმიდეში ჩვენი ღვთის და მამის წინაშე, როცა მოვა ჩვენი უფალი იესო ქრისტე ყველა თავის წმიდასთან ერთად.

1კორ.1,8. ფილ.1,10. 1თეს.5,23.

თ ა ვ ი 4

ღვთის ნებაა თქვენი სიწმიდე

1 კიდეც გთხოვთ, ძმებო, და შეგაგონებთ უფალ იესოში, რაკი ჩვენგან ისწავლეთ, თუ როგორ უნდა მოიქცეთ, რომ აამოთ ღმერთს, უფრო და უფრო. ფილ.1,27.

2 რადგან იცით, როგორი მცნებანი მოგეცით თქვენ უფალ იესოსგან,

3 ვინაიდან ღვთის ნებაა თქვენი განწყვედა, რათა განერიდოთ სიძვას, რომ.6,22;12,2.

4 რათა ყოველმა თქვენგანმა იცოდეს თავისი ჭურჭლის შენახვა სიწმიდით და პატივით, 1კორ.6,18.

5 და არა გარყვნილების ავხორცობით, წარმართების მსგავსად, რომლებიც არ იცნობენ ღმერთს.

6 რათა არავინ გადავიდეს ზღვარს და არ მოატყუოს თავისი ძმა საქმეში, ვინაიდან შურისმგებელია უფალი ყოველივე იმის გამო, როგორც ადრეც გითხარით და დაგიმოწყეთ. 1ტიმ.6,10.

7 ვინაიდან ღმერთმა მოგვიწოდა ჩვენ არა უწყიდურობისაკენ, არამედ სიწმიდისაკენ. 1კორ.1,2. ეფეს.1,4.

8 ამიტომ ურჩი ეურჩება არა ადამიანს, არამედ ღმერთს, რომელიც გაძლევთ თქვენ თავის სულიწმიდას. ლუკ.10,16. 1კორ.2,10.

ძმათა სიყვარულზე, მუშაობაზე

9 ხოლო ძმათმოყვარეობაზე საჭირო არ არის თქვენთვის მოწერა, თქვენ ღვთივგანსწავლულნი ხართ ერთიმეორის სიყვარულში. იოან.13,34;15,12. 1იოან.3,11.

10 რადგან ასევე იქცევით ყველა ძმის მიმართ მთელ მაკედონიაში. მაგრამ შეგაგონებთ, ძმანო, უფრო და უფრო

11 და გულმდგინედ ეცადოთ იყოთ წყნარი, აკეთოთ თქვენი საქმე საკუთარი ხელებით, როგორც ჩვენ გამცნეთ. ეფეს.4,28. 2თეს.3,10.

12 რათა ღირსეულად მოიქცეთ გარეშეებთან და არაფერი გაგიჭირდეთ. რომ.13,13.

მკვდრით აღდგომა უფლის მოსვლისას

13 გვსურს იცოდეთ, ძმებო, სიმართლე განსვენებულთა შესახებ, რათა არ ინალვლოთ სხვებივით, რომელთაც იმედი არ გააჩნიათ.

14 ვინაიდან თუ გვწამს, რომ იესო მოკვდა და აღდგა, მაშინ ღმერთი იესოში განსვენებულებსაც მოიყვანს მასთან ერთად. 1კორ.15,20.

15 რადგან ამას გეუბნებით თქვენ უფლის სიტყვით, რომ ჩვენ, ვინც დავრჩით უფლის მოსვლამდე, ვერ დავასწრებთ განსვენებულებს. 1კორ.15,51.

16 ვინაიდან თვითონ უფალი გადმოვა ციდან ბრძანების სიტყვით, მთავარანგელოზის ხმაზე და ღვთის საყვირზე და ჯერ ქრისტეში მკვდარნი აღდგებიან. მათ.24,31. 2თეს.1,7.

17 შემდეგ კი ჩვენ, ცოცხლად დარჩენილები, მათთან ერთად ვიქნებით ზეატაცებულნი ღრუბლებში, რათა ჰაერში შევეგებოთ უფალს და ამგვარად უფალთან ვიქნებით სამარადისოდ. იოან.14,3;17,24.

18 ამიტომ ანუგეშეთ ერთმანეთი ამ სიტყვებით.

თ ა ვ ი 5

უფლის მოსვლის დღის შესახებ

1 **დროზე** და ვადებზე საჭირო არ არის რამე მოგწეროთ, ძმებო, საქ.1,7.

2 რადგან თქვენ თვითონაც ზუსტად იცით, რომ უფლის დღე ღამით ქურდივით მოვა. მათ.24,43. 2პეტ.3,10. გამოცხ.3,3;16,15.

3 ვინაიდან, როცა იტყვიან: მშვიდობა და უსაფრთხოებაო, მაშინ მოულოდნელად დაატყდებათ თავს განადგურება, როგორც ფეხმძიმეს მშობიარობის ტკივილები, და ვერ დააღწევენ თავს. ლუკ.21,35.

4 მაგრამ, თქვენ, ძმებო, ბნელში არ იმყოფებით, რომ დღე ქურდივით წამოგეწიოთ.

5 ვინაიდან თქვენ ყველანი ნათლის შვილები ხართ და დღის შვილები. არც ღამისანი ვართ ჩვენ და არც ბნელისანი. რომ.13,12.

6 ამიტომ ნუ დავიძინებთ, როგორც სხვები, არამედ გვეღვიძოს და ვიფხიზლოთ. მათ.24,42.

7 ვინაიდან მძინარეებს ღამღამობით სძინავთ და ლოთები ღამით თვრებიან.

8 მაგრამ ჩვენ, რაკი დღის შვილები ვართ, ვიფხიზლოთ და შევიმოსოთ რწმენისა და სიყვარულის აბჯრით და ხსნის იმედის მუზარადით. ეს.59,17. ეფეს.6,14.

9 რადგან ღმერთმა დაგვადგინა არა შესარისხად, არამედ ხსნის მისაღებად ჩვენი უფლის იესო ქრისტეს მეშვეობით, 2თეს.2,14.

10 რომელიც ჩვენთვის მოკვდა, რათა ჩვენ, ვფიხიზლობთ თუ გვძინავს, მასთან ერთად ვიცოცხლოთ. რომ.14,9.

11 ამიტომ შეაგონეთ ერთმანეთს და აღაშენეთ ერთმანეთი, როგორც იქცევით კიდევ.

მშრომელებს პატივისცემა. ეძებეთ კეთილი, იხარეთ

12 გთხოვთ, ძმებო, სცანით თქვენს შორის მშრომელნი და თქვენი წინამძღოლნი უფალში და თქვენი დამრიგებელნი.

13 უალრესი სიყვარული გამოიჩინეთ მათღამი, მათი საქმის გამო. იყავით მშვიდობით ერთმანეთში.

14 და აჰა, შეგაგონებთ თქვენ, ძმანო, დაარიგეთ უწესონი, ანუგეშეთ სულმოკლენი, მხარი დაუჭირეთ უძლურთ და სულგრძელნი იყავით ყველას მიმართ. გალ.6,2.

15 თვალი გექიროთ, არავინ მიაგოს ერთმანეთს ბოროტის წილ ბოროტი. არამედ მუდამ ცდილობდეთ სიკეთე უყოთ ერთმანეთს და ყველას. იგ.17,13. მათ.5,39. 1პეტ.3,9. რომ.12,17.

16 მუდამ ხარობდეთ.

17 ილოცეთ განუწყვეტლივ. ლუკ.18,1. კოლ.4,2.

18 მადლიერნი იყავით ყველაფრისათვის, ვინაიდან ეს არის თქვენს მიმართ ღვთის ნება ქრისტე იესოში.

19 სულს ნუ ჩააქრობთ.

20 წინასწარმეტყველებას ნუ გააბიაბრუებთ. 1კორ.14,1.

21 ყველაფერი გამოსცადეთ, კეთილს ჩაეჭიდეთ. 1იოან.4,1.

22 ერიდეთ ყოველგვარ ბოროტებას.

23 თავად მშვიდობის ღმერთმა წმიდა გყოთ სრულად და მთლიანად: სული, სამშვინველი და სხეული დაცულ იქნეს უბიწოდ ჩვენი უფლის იესო ქრისტეს მოსვლისათვის. 1თეს.3,13.

24 სარწმუნოა თქვენი მხმობელი, რომელიც აღასრულებს კიდევც. 1კორ.1,9.

25 ძმებო, ილოცეთ ჩვენთვის. კოლ.4,3.

26 მოიკითხეთ ყველა ძმა წმიდა ამბორით.

27 გაფიცებთ უფალს, წაუკითხეთ ეს წერილი ყველა ძმას.

28 ჩვენი უფლის იესო ქრისტეს მადლი თქვენთან. ამინ.



პ ა ვ ლ ე მ ო ც ი ქ უ ლ ი ს მ ე ო რ ე წ ე რ ი ლ ი თ ე ს ა ლ ო ნ ი კ ე ლ თ ა მ ი მ ა რ თ

თ ა ვ ი 1

მადლიერება

1 პავლე, სილოვანე და ტიმოთე თესალონიკელთა ეკლესიას ჩვენს მამა ღმერთში და უფალ იესო ქრისტეში:

2 მადლი თქვენ და მშვიდობა ჩვენი მამა ღმერთისა და უფალ იესო ქრისტესაგან.

3 ვალდებულნი ვართ, ვმადლობდეთ ღმერთს თქვენთვის, ძმებო, როგორც შეჰფერის, რადგან უაღრესად იზრდება თქვენი რწმენა და მრავლდება ყოველი თქვენგანის სიყვარული ერთმანეთის მიმართ.

1თეს.1,2.

4 ისე რომ, თავადაც ვიკვებნით თქვენით ღვთის ეკლესიებში, თქვენი მოთმინებით და რწმენით ყოველ დევნასა და გასაჭირში, რასაც იტანთ.

შეჭირვება შემაჭირვებლებს უფლის მოსვლისას

5 ეს არის ღვთის სამართლიანი სამსჯავროს ნიშანი, რომ ღირსნი იქნებით ღვთის სასუფეველისა, რომლისთვისაც იტანჯეთ კიდევ.

რომ.8,17.

6 რადგან სამართლიანია ღვთის წინაშე, რომ ჭირი მიეგოს თქვენს შემაჭირვებლებს,

რომ.2,8.

7 თქვენ კი, შეჭირვებულებმა, განსვენება ჩვენთან ერთად,

როდესაც უფალი იესო გამოცხადდება ციდან, თავისი ძალის ანგელოზებითურთ,

8 რომელიც ცეცხლის ალით იძიებს შურს მათზე, ვინც არ შეიცნო ღმერთი და არ ემორჩილება უფალ იესოს სახარებას,
ებრ.12,29.

9 ვინც სასჯელად მიიზღავს მარადიულ დაღუპვას უფლის პირისაგან და მისი სიძლიერის დიდებისგან.

10 როცა ის მოვა, იმ დღეს, რათა განდიდდეს თავის წმიდებს შორის და მიეგოს პატივი ყველა მორწმუნეს შორის, რადგან იწამეთ ჩვენი მოწმობა თქვენს მიმართ.

11 ამიტომ ვლოცულობ მუდამ თქვენთვის, რომ ჩვენმა ღმერთმა გაგხადოთ მოწოდების ღირსნი და ძალით სრულყოს ყოველგვარი სასიკეთო სათნოება და რწმენის საქმე.

12 რათა იდიდოს ჩვენი უფლის იესოს სახელმა თქვენში და თქვენ კი - მასში, ჩვენი ღვთისა და უფლის იესო ქრისტეს მადლით.

თ ა ვ ი 2

რა აკავებს უფლის მოსვლას

1 აჰა, გთხოვთ, ძმებო, ჩვენი უფლის იესო ქრისტეს მოსვლისა და მასთან ჩვენი შეკრების გამო,

2 რათა მალე არ შეიძრას თქვენი გონება და არ შეშფოთდეთ არც სულით, არც სიტყვით და არც ვითომდაც ჩვენგან გამოგზავნილი წერილით, თითქოს უკვე დადგაო უფლის დღე.

3 არანაირად არ გაცდუნოთ ვინმემ, ვინაიდან ის დღე არ დადგება, სანამ ჯერ განდგომილება არ მოვა და არ გამოჩნდება ურჯულოების კაცი, ძე დაღუპვისა,

მათ.24,4. მარ.13,5. ლუკ.21,8. ეფეს.5,6.

4 წინააღმდეგომი და აღზევებული ყველაფერზე მაღლა, რაც კი რამ სახელდებულა ღმერთად და სამსახურებლად. ისე რომ, ღვთის ტაძარშიც კი დაჯდება იგი, როგორც ღმერთი და თავს ღმერთად გამოაცხადებს.
დან.11,36. გამოცხ.13,1.

5 განა არ გახსოვთ, რომ ჯერ კიდევ თქვენთან ყოფნისას გეუბნებოდით ამას?

6 ახლა იცით, რა აკავებს მას, რომ გამოცხადდეს თავის დროზე.

7 ვინაიდან ურჯულოების საიდუმლო უკვე მოქმედებს, ოღონდ ახლა არის შემკავებელი, სანამ შუაგულიდან არ იქნება გაყვანილი.
საქ.20,29.

8 მაშინ გამოჩნდება ურჯულო, რომელსაც უფალი იესო განადგურებს თავის ბაგეთა სულით და განაქარვებს თავისი მოსვლის გამოცხადებით,
ეს.11,4. 1იოან.2,18. გამოცხ.19,15.

9 მას, რომელიც მოვა სატანის მოქმედებით, ყოველგვარი ყალბი ძალით, ნიშნებითა და სასწაულებით,

10 და უსამართლობის ყველა საცდურით დაღუპულთათვის, იმის გამო, რომ მათ არ შეიწყნარეს ჭეშმარიტების სიყვარული თავის სახსნელად.

11 ამისათვის გაუგზავნის მათ ღმერთი მცდარ ქმედებას, რათა იწამონ სიცრუე, 3მფ.22,22. მათ.24,24.

12 რათა დაისაჯოს ყველა, ვინც ჭეშმარიტება არ იწამა და მოიწონა უსამართლობა.

გეპყრათ ჩვენი გადმოცემები სიტყვით თუ წერილებით

13 ხოლო ჩვენ ყოველ ჟამს უნდა ვუმადლოდეთ ღმერთს თქვენი გულისათვის, უფლის მიერ საყვარელო ძმებო, რომ ღმერთმა დასაბამიდან ამოგირჩიათ თქვენ დასახსნელად, სულის განწმედით და ჭეშმარიტების რწმენით,

14 რისთვისაც მოგიწოდათ ჩვენი სახარებით, ჩვენი უფლის იესო ქრისტეს დიდების მისაღწევად.

15 მაშ ასე, ძმებო, მტკიცედ იღექით და გეპყრათ გადმოცემები, რომლებიც გისწავლიათ ჩვენი სიტყვით თუ წერილით.

16 ხოლო თავად ჩვენმა უფალმა იესო ქრისტემ და ჩვენმა ღმერთმა და მამამ, რომელმაც შეგვიყვარა და მოგვმადლა მარადიული ნუგეში და კეთილი იმედი,

17 ანუგეშოს თქვენი გულები და განგამტკიცოთ ყოველ კეთილ საქმესა და სიტყვაში.

თ ა ვ ი 3

თხოვნა ლოცვაზე

1 აბა, ძმებო, ილოცეთ ჩვენთვის, რათა უფლის სიტყვა გავრცელდეს და განდიდდეს, როგორც თქვენს შორის, ეფეს.6,19.

2 რათა განვერიდოთ უწესო და ბოროტ ადამიანებს, ვინაიდან ყველაში როდია რწმენა.

3 მაგრამ სარწმუნოა უფალი, რომელიც განგამტკიცებთ თქვენ და დაგიცავთ ბოროტისაგან. იოან.17,15.

4 ჩვენ კი გვჯერა თქვენს გამო უფალში, რომ ასრულებთ და გვლავაც შეასრულებთ, რასაც გამცნებთ.

5 უფალმა წარმართოს თქვენი გულები ღვთის სიყვარულში და ქრისტეს მოთმინებაში.

მოერიდონ უწესოებს

6 ჩვენ კი გამცნებთ, ძმებო, ჩვენი უფლის იესო ქრისტეს სახელით, რომ ჩამოშორდეთ ყოველ ძმას, რომელიც უწესოდ იქცევა და არა იმ გადმოცემისამებრ, ჩვენგან რომ მიიღეთ.

7 რადგან თქვენ თვითონ იცით, როგორ უნდა გვბაძავდეთ ჩვენ, ვინაიდან უწესონი არ ვყოფილვართ თქვენ შორის.

1კორ.11,1. 1თეს.4,12.

8 მუქთად არავისი პური არ გვიჭამია, არამედ დღედაღამ შრომა-გარჯაში ვიყავით, რომ რომელიმე თქვენგანს ტვირთად არ დავწოლოდით.

საქ.4,34. 1კორ.4,12. 1თეს.2,9.

9 არა იმიტომ, რომ ძალაუფლება არ გაგვაჩნია, არამედ რათა ჩვენი თავი მისაბაძ ნიმუშად მოგვეცა.

1კორ.4,16.

10 ვინაიდან, როცა თქვენთან ვიმყოფებოდით, ამას გამცნებდით: „ვისაც შრომა არ სურს, ის ნულარც ჭამს,“

დაბ.3,19.

11 რადგან გვესმის, რომ ზოგიერთი თქვენ შორის უწესოდ იქცევა, არაფერს აკეთებს, არამედ ფუჭად ფაციფუცობს.

12 ასეთებს გამცნებთ და შევაგონებთ ჩვენს უფალ იესო ქრისტეში, რათა მათ წყნარი შრომით ჭამონ პური.

არ შეწყვიტოთ კეთილის კეთება

13 თქვენ კი, ძმებო, ნუ მოიწყენთ კეთილი საქმეების კეთებას.

გალ.6,9.

14 ხოლო თუ ვინმე არ შეისმენს ჩვენს სიტყვას ამ წერილით, შენიშნული გყავდეთ იგი და ნუ გექნებათ მასთან ურთიერთობა, რათა შერცხვეს.

მათ.18,17.


15 ოღონდ მტრად ნუ მიიჩნევთ, არამედ ძმასავით დააარიგეთ.

16 თავად მშვიდობის უფალმა მოგცეთ თქვენ მშვიდობა ყოველთვის და ყველგან. უფალი იყოს ყველა თქვენგანთან.

ფილ.4,9. 1თეს.5,23.

17 მოკითხვა ჩემი, პავლეს ხელით, რაც ნიშანია ყოველ ჩემს წერილში. მე ასე ვწერ.

18 ჩვენი უფლის იესო ქრისტეს მაღლი ყველასთან თქვენთან. ამინ.



პ ა ვ ლ ე მ ო ც ი ქ უ ლ ი ს პ ი რ ვ ე ლ ი წ ე რ ი ლ ი ტ ი მ ო თ ე ს მ ი მ ა რ თ

თ ა ვ ი 1

1 პავლე, ქრისტე იესოს მოციქული, ღვთის, ჩვენი მაცხოვრის და ჩვენი იმედის, იესო ქრისტეს ბრძანებით. კოლ.1,27.

2 ტიმოთეს, ჭეშმარიტ შვილს რწმენაში: მაღლი, წყალობა და მშვიდობა მამა ღმერთისა და ჩვენი უფლის ქრისტე იესოსაგან. საქ.16,1. გამოცხ.1,4.

ამცნე ზოგიერთებს, რომ არ ასწავლონ სხვა რამ

3 როცა მაკედონიაში მივდიოდი, გთხოვდი დარჩენილიყავი ეფესოში და გემცნო ზოგიერთებისათვის, რომ არ ასწავლონ განსხვავებული რამ.

4 და არ შეაჩერონ ყურადღება ზღაპრებზე და დაუსრულებელ საგვარტომო ნუსხებზე, რომლებიც დავას უფრო იწვევენ, ვიდრე ღვთიურ განგებულებას რწმენაში. 1ტიმ.4,7. ტიტ.1,14.

5 ხოლო მცნების მიზანია წმიდა გულით, კეთილი სინდისითა და უპირფერო რწმენით სიყვარული, რომ.13,8.

6 რასაც ზოგიერთები ასცდნენ და გადაუხვიეს ამაო ლაყბობისაკენ.

7 რადგან სურთ რჯულის მასწავლებლები იყვნენ, არ კი გაეგებათ, რას ლაპარაკობენ და რას ამტკიცებენ.

8 ხოლო ჩვენ ვიცით, რომ რჯული მაშინ არის კეთილი, თუ ვინმე ჯეროვნად იყენებს მას. რომ.7,12.

9 ცნობილია, რომ რჯული დადგენილია არა მართალთათვის, არამედ ურჯულოთა და ურჩთა, უღვთოთა და ცოდვილთა, გარყვნილთა და ბილწთა, დედ-მამის მკვლელთა და კაცისმკვლელთათვის, გალ.5,23.

10 მეძავთა და მამათმავალთა, კაცის-მპარავთა და ცრუთა, ფიცის გამტეხთა და ყველა სხვათათვის, რაც საღი მოძღვრების საწინააღმდეგოა,

11 კურთხეული ღვთის დიდებული სახარების თანახმად, რომელიც მე მაქვს მონდობილი. 1თეს.2,4.

ქრისტეს მოსვლა ცოდვილთა გადასარჩენად

12 ვემადლიერები მას, ვინც ძალა მომცა – ჩვენს უფალს ქრისტე იესოს, რომელმაც სარწმუნოდ მიმიჩნია და განმაწესა მსახურებად. საქ.9,15.

13 მე, რომელიც უწინ მგმობელი, მღევნელი და შეურაცხყოფელი ვიყავი, მაგრამ შეწყალებულ ვიქენი, ვინაიდან უმეცრებით ვაკეთებდი ურწმუნოებაში. გალ.1,13.

14 მაგრამ უფრო მეტად გაუხვდა ჩვენი უფლის მაღლი რწმენით და სიყვარულით ქრისტე იესოში. 1კორ.15,10.

15 სარწმუნოა და სრულიად მიღების ღირსია სიტყვა, რომ ქრისტე იესო მოვიდა წუთისოფელში ცოდვილთა სახსნელად, რომელთა შორის პირველი მე ვარ. მათ.9,13. მარ.2,17. ლუკ.5,32.

16 სწორედ იმიტომ ვიქენი შეწყალებული, რომ იესო ქრისტეს ჩემში პირველად ეჩვენებინა მთელი სულგრძელობა მათდა სანიმუშოდ, რომლებიც ირწმუნებენ მას საუკუნო სიცოცხლისათვის.

17 ხოლო საუკუნეთა მეფეს, უხრწნელ, უხილავ, ერთადერთ ღმერთს – მას დიდება და პატივი უკუნუთი უკუნისამდე. ამინ. დან.7,14.

ტიმოთემ დაიცვას რწმენა და წინაღუდგეს ღვთის მგმობელთ

18 ამ მცნებას შენ განდობ, შვილო ტიმოთე, შენზედ მოვლენილი უწინდელი წინასწარმეტყველების თანახმად, რათა იომო, როგორც კეთილმა მეომარმა, 1ტიმ.6,13.

19 გქონდეს რწმენა და კეთილი სინდისი, რომელიც უარყვეს ზოგიერთებმა, და დაიმსხვრა მათი რწმენის ხომალდი. 1ტიმ.3,9.

20 მათგან არიან ჰიმენესი და ალექსანდრე, რომლებიც სატანას გადავეცი, რათა ისწავლონ, რომ აღარ დაგმონ. 1კორ.5,5.

თ ა ვ ი 2

ილოცეთ ყოველთათვის, განსაკუთრებით მმართველებისთვის

1 ამრიგად, უწინარეს ყოვლისა, შეგაგონებთ ჰყოთ ვედრებანი, ლოცვანი, შუამდგომლობანი და მაღლიერებანი ყველა ადამიანისათვის,

2 მეფეებისა და ყველა მბრძანებლისათვის, რათა მშვიდად და წყნარად ვიცხოვროთ სრული ღვთისმოსაობით და პატიოსნებით,
იერ.29,7.

3 ვინაიდან ეს კეთილი და სათნოა ჩვენი მაცხოვარი ღვთისათვის,

4 რომელსაც ნებავს, რომ ყველა ადამიანი გადარჩეს და მიადწიოს ჭეშმარიტების შემეცნებას.
ეზკ.18,32;33,11. 2პეტ.3,9.

5 ვინაიდან ერთია ღმერთი და ერთია ღმერთსა და კაცთა შორის შუამავალი – კაცი ქრისტე იესო,

6 რომელმაც თავი გასწირა ყველას გამოსახსნელად, რისი მოწმობაც იყო თავის დროზე,
მათ.20,28. გალ.4,4.

7 რომლისთვის მე დადგენილი ვარ მქადაგებლად და მოციქულად – ჭეშმარიტებას ვლაპარაკობ ქრისტეში და არ ვცრუობ, – წარმართთა მასწავლებლად რწმენასა და ჭეშმარიტებაში.

საქ.22,21. 2ტიმ.1,11.

8 ამიტომ ჩემი სურვილია, რომ ყველგან ლოცულობდნენ კაცები და აღაპყრობდნენ წმიდა ხელებს რისხვისა და ეჭვის გარეშე.
მათ.6,14. იაკ.1,6.

დედაკაცთა ჩაცმულობისა და მათი ყოფაქცევის შესახებ

9 ასევე დედაკაცებიც წესიერი სამოსლით, მორცხვობით და კდემაძმოსილებით შეიმკონ, არა თმის დაწვნით და ოქროთი, ან მარგალიტებით, ან ძვირფასი ტანსაცმლით,
1პეტ.3,3.

10 არამედ კეთილი საქმეებით, როგორც შეჰფერით დედაკაცებს, რომლებმაც ღვთისმოსაობა ირჩიეს.

11 დედაკაცი უნდა სწავლობდეს მღუმარებაში ყოველგვარი მორჩილებით.
დაბ.3,16.

12 დედაკაცს არ ვაძლევ სწავლების ნებას, არც ქმარზე ბატონობისას, არამედ იყოს მღუმარედ.
1კორ.14,34.

13 ვინაიდან პირველად ადამი შეიქმნა და მერე ევა.
დაბ.1,27.

14 ადამი კი არ შემცდარა, არამედ დედაკაცი შეცდა და დანაშაული ჩაიდინა.
დაბ.3,6.

15 თუმცაღა გადარჩება შვილების შობით, თუ იდგება რწმენაში, სიყვარულში და სიწმიდეში კდემაძმოსილებით.

თ ა ვ ი 3

პირობები ეპისკოპოსობისა

1 სარწმუნოა სიტყვა: თუ ვინმეს ეპისკოპოსობა სურს, კეთილი საქმე ნდომია.
საქ.20,28.

2 ხოლო ეპისკოპოსი უნდა იყოს უმწიკვლო, ერთი ცოლის ქმარი, ზომიერი, აზრიანი, წესიერი, სტუმართმოყვარე, დამმოდღვრავი,
ტიტ.1,7.

3 არა ღოთი, არა მოჩხუბარი, არამედ შემწყნარე, უშარო, და ვერცხლის უყვარული, ლევ.10,9. 1პეტ.5,2.

4 თავისი სახლის კარგი განმგებელი, რომელსაც შვილები მორჩილებაში ჰყავს ყოველგვარი ღირსებით.

5 ვინაიდან: თუ ვინმემ საკუთარი სახლის განმგებლობა არ იცის, როგორ იზრუნებს ღვთის ეკლესიაზე.

6 ნურც ახალმოქცეული იქნება, რათა არ გაკადნიერდეს და ეშმაკის სამსჯავროში არ აღმოჩნდეს.

7 ასევე კარგი მოწმობა უნდა ჰქონდეს გარეშეებისაგან, რათა სირცხვილსა და ეშმაკის მახეში არ გაებას.

პირობები დიაკვნობისა

8 დიაკვნებიც პატიოსნები უნდა იყვნენ, არა ორპირნი, ღვინოს ნაკლებად მიძალებულნი, არა ანგარნი,

9 რათა წმიდა სინდისით ინახავდნენ რწმენის საიდუმლოებას. 1ტიმ.1,19.

10 ესენიც წინასწარ უნდა გამოიცადონ და შემდეგ, თუ უბიწონი იქნებიან, იმსახურონ.

11 ასევე მათი ცოლებიც უნდა იყვნენ პატიოსნები, არა მაბეზღარნი, კდემამოსილნი და ყველაფერში ერთგულნი.

12 დიაკვანიც ერთი ცოლის ქმარი იყოს, შვილებისა და თავისი სახლის კარგი განმგებელი.

13 ვინაიდან კეთილად მომსახურენი თავიანთთვის იმზადებენ კეთილ პატივს და დიდ სიმტკიცეს ქრისტე იესოს რწმენაში.

როგორ მოიქცეს ღვთის სახლში

14 ამას გწერ შენ და ვიმედოვნებ მალე მოვიდე შენთან.

15 მაგრამ თუ დავიგვიანებ, იცოდე, როგორ მოიქცე ღვთის სახლში, რომელიც არის ცოცხალი ღვთის ეკლესია, ჭეშმარიტების სვეტი და საფუძველი.

16 უცილობლად დიდია ღვთისმოსაობის საიდუმლო: ღმერთი გამოჩნდა ხორცში, გამართლებულ იქნა სულში, დანახულ იქნა ანგელოზების მიერ, ნაქადაგები იქნა წარმართებში, მიღებულ იქნა წუთისოფელში რწმენით და ამაღლდა დიდებაში.

იოან.1,14. 1პეტ.1,12. რომ.1,4;10,18. ეფეს.3,10.

თ ა ვ ი 4

გაფრთხილება ცრუმოძღვრების წინააღმდეგ

1 ხოლო სული გარკვევით ამბობს, რომ უკანასკნელ დღეებში ზოგიერთები განდგებიან რწმენისაგან, დაუჯერებენ მაცდურ სულებს და ეშმაკთა მოძღვრებებს, 2პეტ.3,3. 2ტიმ.3,1.

2 თვალთმაქცობით ცრუმეტყველო, რომელთა სინდისიც დადალულია,

3 რომლებიც კრძალავენ შეუღლებას და აიძულებენ თავშეკავებას საკვებისაგან, ღმერთმა რომ შექმნა, რათა მადლიერებით ჭამონ ჭეშმარიტების მორწმუნეებმა და მცოდნეებმა.

4 ვინაიდან ღვთის გაჩენილი ყოველივე კარგია და არაფერია უარსაყოფი, თუ მადლიერებით იქნება მიღებული,

5 რადგან იწმიდება ღვთის სიტყვით და ლოცვით.

გაუფრთხილდი თავს და სწავლებას

6 თუ ასე შთააგონებ ძმებს, იქნები იესო ქრისტეს კეთილი მსახური, რწმენის სიტყვებით და იმ კეთილი სწავლით ნაზარდი, რომლის მიმდევარიც გახდი.

7 ოღონდ ამქვეყნიურ და დედაბრულ ზღაპრებს მოერიდე და ღვთისმოსაობაში გაიწვართე.

8 ვინაიდან ხორციელი წვრთნა ნაკლებად სასარგებლოა, ღვთისმოსაობა კი ყველაფერში გამოსადეგია, რადგან ალგვითქვამს სიცოცხლეს აწმყოშიც და მომავალშიც. ლევ.26,3.

9 ეს სიტყვა სარწმუნოა და ღირსია სრული მიღებისა.

10 ვინაიდან იმისათვის ვშრომობთ კიდევ და ვიღწვით, რომ მინდობილნი ვართ ცოცხალ ღმერთზე, რომელიც მაცხოვარია ყველა ადამიანისა, უფრო მეტად კი მორწმუნეთა.

11 ეს ამცნე და ასწავლე.

12 თავს ნუ დაამცირებინებ შენი სიჭაბუკის გამო, არამედ მორწმუნეთათვის ნიმუში იყავი სიტყვაში, საქმეში, სიყვარულში, სულში, რწმენაში, სიწმიდეში.

13 ვიდრე მოვიდოდე, მიჰყევი კითხვას, შეგონებას და სწავლებას.

14 ნუ უგულებელყოფ შენში არსებულ ნიჭს, რომელიც მოგეცა წინასწარმეტყველებით და უხუცესთა ხელდასხმით.

15 ამაზე იზრუნე და ამაზე იდექი, რათა ყველასათვის ცხადი იყოს შენი წარმატება.

16 გაუფრთხილდი თავს და სწავლებას. ამას უერთგულე, რადგან ასეთი მოქმედებით შენს თავსაც იხსნი და შენს მსმენელთაც. ეზკ.33,9. დან.12,3.

თ ა ვ ი 5

პირადი მოპყრობის შესახებ

1 ნუ შერიხსავ ბერიკაცს, არამედ შეაგონე, როგორც მამას, ყმაწვილკაცებს კი – როგორც ძმებს,

2 დედაბრებს – როგორც დედებს, ყმაწვილქალებს – როგორც დებს, მთელი სიწმიდით.

როგორ მოიქცეს ქვრივების მიმართ

3 პატივი ეცი ქვრივებს, რომლებიც ნამდვილი ქვრივები არიან.

4 ხოლო თუ ქვრივს ჰყავს შვილები ან შვილიშვილები, უწინარეს ყოვლისა, ისწავლონ თავიანთი ოჯახის პატივისცემა და მშობლებისათვის სამაგიეროს მიღება, ვინაიდან ეს კეთილი და მოსაწონია ღვთისათვის.

5 ნამდვილი ქვრივი და მარტოხელა ღმერთზეა მინდობილი და ვედრებასა და ლოცვაში ატარებს ღამესა და დღეს. ლუკ.2,37.

6 ავხორცი კი ცოცხლივ მკვდარია.

7 ეს ამცნე, რათა უბიწონი იყვნენ.

8 ხოლო, ვინც არ ზრუნავს თავის ახლობლებზე, უფრო მეტად კი თავის სახლეულებზე, იგი განუდგა რწმენას და ურწმუნოზე უარესია. ეს.58,7. გალ.6,10.

9 ქვრივად უნდა შეირაცხოს სამოც წლისაზე უხნესი, ერთი ქმრის ნაცოლარი,

10 ცნობილი კარგი საქმეებით, თუ მას გამოუზრდია შვილები, უმასპინძლია მწირთათვის, ფეხები უბანია წმიდათათვის, დახმარება გაჭირვებულებს და მიჰყოლია ყოველგვარ კეთილ საქმეს.

ღაბ.18,4.

11 ახალგაზრდა ქვრივები კი არ შერაცხო, ვინაიდან დაეუფლებათ აღგზნება, ქრისტეს საწინააღმდეგო, და გათხოვების სურვილი უჩნდებათ.

12 ისინი განისჯებიან, ვინაიდან უარყვეს თავიანთი პირვანდელი რწმენა.

13 და კიდევ: უსაქმურობაში ისწავლეს კარდაკარ სიარული, და არა მარტო უსაქმურნი არიან, არამედ ყბედებიც და ცნობისმოყვარენიც და ისეთ რამეს ლაპარაკობენ, რაც არ შეშვენით.

14 ამიტომ ჩემი სურვილია, რომ ახალგაზრდები გათხოვდნენ, გააჩინონ ბავშვები, იდიასახლისონ და არ მისცენ მტრებს ლანძღვის არანაირი საბაბი.

15 ვინაიდან ზოგიერთი მათგანი სატანის კვალს გაჰყვა.

16 თუ რომელიმე მორწმუნე კაცს ან ქალს ჰყავს ქვრივები, დაეხმაროს მათ და ტვირთად არ დააკისრონ ეკლესიას, რათა მას შეეძლოს ნამდვილი ქვრივების რჩენა.

ხუცესებისადმი მოპყრობის შესახებ

17 ხუცესნი, რომლებიც წესიერად ასრულებენ საქმეს, ორმაგი პატივის ღირსნი უნდა იყვნენ, უფრორე კი ისინი, რომელნიც იღწვიან ქადაგებითა და დამოძღვრით.

18 ვინაიდან წერილი ამბობს: „პირს ნუ აუკრავ მეკალოე ხარს“. და კიდევ: „მშრომელი ღირსია თავისი საზღაურისა“.

2შჯ.25,4. მათ.10,10. ლუკ.10,7. 1კორ.9,9.

19 ხუცესებზე ბრალდებას ნუ მიიღებ, თუ არ გეყოლება ორი ან სამი მოწმე.

20 შემცოდენი ამხილე ყველას წინაშე, რათა სხვებმაც იქონიონ შიში.

21 ღვთისა და უფლის იესო ქრისტეს და რჩეულ ანგელოზთა წინაშე გაფიცებ, დაიცვა ეს წინასწარ აკვიატებული აზრის გარეშე და არაფერი გააკეთო მიკერძოებით. 1ტიმ.6,13.

22 არავის დაასხა ხელი აჩქარებით და არ გახდე სხვათა ცოდვების მოზიარე წმიდად შეინახე თავი.

23 ნულა სვამ მარტო წყალს, ცოტა ღვინოც იხმარე შენი კუჭისა და შენი ხშირი უძლურების გამო. ფსალ.103,15.

24 ზოგიერთი ადამიანის ცოდვები წინასწარ ცხადია და სამსჯავროსკენ მიუძღვება წინ, ზოგიერთს კი უკან მიჰყვება.

25 ასევე კეთილი საქმეებიც წინასწარ ცხადია და, თუ არა, მაინც ვერ დაიმალება.

თ ა ვ ი ნ

მონები და ბატონები

1 მონებმა, რომლებიც უღელქვეშ იმყოფებიან, ყოველგვარი პატივის ღირსად უნდა ჩათვალონ თავიანთი ბატონები, რათა არ იგმოს ღვთის სახელი და მოძღვრება. ეზკ.36,23. ტიტ.2,9.

2 რომელთაც მორწმუნე ბატონები ჰყავს, ნუ მოექცევიან მათ უპატიოდ, რადგან ისინი ძმანი არიან. არამედ უფრო მეტად ემსახურონ, ვინაიდან მორწმუნენი, საყვარელნი და ქველმოქმედნი არიან ისინი. ეს ასწავლე და შეაგონე.

3 ვინც სხვანაირად ასწავლის და არ მიჰყვება ჩვენი უფლის იესო ქრისტეს საღ სიტყვებს და ღვთისმოსაობის სწავლებას,

1კორ.2,2.

4 ის ამპარტავანია და არაფერი იცის, არამედ კამათისა და პაექრობის სენი სჭირს, საიდანაც წარმოიშობა შური, დავა, გმობა და ბოროტი ეჭვი,

5 ფუჭი კამათი გარყვნილი გონებისა და ჭეშმარიტებას მოკლებულ კაცთა შორის, რომელთაც ღვთისმოსაობა მოსახვეჭი რამ ჰგონიათ. ერიდე ასეთ ადამიანებს.

6 მაინც დიადი შენაძენია ღვთისმოსაობა, კმაყოფილებასთან ერთად. იგ.15,17.

7 რადგან არც არაფერი მოგვიტანია წუთისოფლად და, ცხადია, ვერც ვერაფერს წავიღებთ მისგან. იობ.1,21. ფსალ.48,18.

8 ამიტომ, თუ გვაქვს საზრდო და ტანსაცმელი, დავჯერდეთ ამას. დაბ.28,20.

9 ხოლო გამდიდრების მსურველნი ცვივიან განსაცდელსა და მახეში, მრავალ ბრყვულ და მავნე გულისთქმაში, რომელნიც

გასანადგურებლად და დასაღუპად უბიძგებენ ადამიანს.

მარ.4,19. ლუკ.12,15.

10 ვინაიდან ყოველგვარი ბოროტების ფესვი ვერცხლის-
მოყვარეობაა და ზოგიერთები, რომლებიც მან გაიტაცა,
განშორდნენ რწმენას და თავიანთ თავს მრავალი ტკივილი
მიაყენეს.

იღვაწე რწმენის კეთილი ღვაწლით

11 შენ კი, ღვთის კაცო, გაერიდე ამას და მისდიე სიმა-
რთლეს, ღვთისმოსაობას, რწმენას, სიყვარულს, მოთმინებასა და
სიმშვიდეს.

12 იღვაწე რწმენის კეთილი ღვაწლით, ჩაეჭიდე მარადიულ
სიცოცხლეს, რომლისკენაც მოწოდებული ხარ, და აღიარე
კეთილი აღსარება მრავალი მოწმის წინაშე.

13 გამცნებ შენ ღვთის წინაშე, რომელიც აცოცხლებს
ყოველს, და ქრისტე იესოს წინაშე, რომელმაც დაამოწმა
კეთილი აღსარება პონტოელი პილატეს წინაშე,

მათ.27,11. მარ.15,2. ლუკ.23,3. იოან.18,37. 1ტიმ.5,21.

14 დაიცავი მცნება უბიწოდ და უმწიკვლოდ ჩვენი უფლის
იესო ქრისტეს მოსვლამდე,

15 რასაც თავის დროზე მოახდენს კურთხეული და ერთა-
დერთი ხელმწიფე, მეფეთა მეფე და უფალთა უფალი,

1ტიმ.1,11. გამოცხ.17,14.

16 ერთადერთი, რომელსაც უპყრია უკვდავება, მკვიდრობს
მიუწვდომელ ნათელში, რომელიც არავის უხილავს ადამიანთაგან
და არც ძალუძს მისი ხილვა. მას პატივი და საუკუნო მეუფება.
ამინ.

იოან.1,18. 1იოან.4,12.

მდიდარ მორწმუნეებს. ცრუ მასწავლებლის წინააღმდეგ

17 ამ საუკუნის მდიდრებს ამცნე, რომ არ გადიდგულდნენ,
არ მიენდონ მაცდურ სიმდიდრეს, არამედ ცოცხალ ღმერთს,
რომელიც ყველაფერს უხვად გვაძლევს მოსახმარად,

მარ.4,19. ლუკ.12,15.

18 რომ იყვნენ ქველმოქმედნი, გამდიდრდნენ კეთილი საქმე-
ებით, იყვნენ გულუხვნი და გამზიარებელნი.


19 დაიუნჯონ საუნჯე მტკიცე საფუძვლად მომავლისათვის,
რათა მიაღწიონ ჭეშმარიტ სიცოცხლეს.

მათ.6,20. ლუკ.12,33.

20 ო, ტიმოთე, გაუფრთხილდი მობარებულს, განერიდე
ამქვეყნიურ ლაყბობას და ეგრეთწოდებული მოძღვრების უკუ-
ღმართ დებულებებს,

1ტიმ.1,4;4,1.

21 ზოგიერთებმა რომ აღიარეს და რწმენას ჩამოშორდნენ.
მადლი შენთან. ამინ.



პ ა ვ ლ ე მ ო ც ი ქ უ ლ ი ს მ ე ო რ ე წ ე რ ი ლ ი ტ ი მ ო თ ე ს მ ი მ ა რ თ

თ ა ვ ი 1

1 პავლე, ღვთის ნებით ქრისტე იესოს მოციქული, ქრისტე იესოში სიცოცხლის აღთქმისამებრ.

2 ტიმოთეს, საყვარელ შვილს – მადლი, წყალობა და მშვიდობა ჩვენი მამა ღვთისაგან და ჩვენი უფლის ქრისტე იესოსაგან.

ტიმოთემ გააღვივოს ღვთის ნიჭი

3 ვმადლობ ღმერთს, რომელსაც ვმსახურებ წმიდა სინდისით, წინაპართა კვალზე, რომ განუწყვეტლივ ვიხსენებ ჩემს ლოცვებში ღამით და დღისით. ფილ.1,5.

4 მენატრება შენი ნახვა, ვიხსენებ რა შენს ცრემლებს, რათა სიხარულით აღვივსო.

5 ვიხსენებ შენს წრფელ რწმენას, რომელიც უწინ დამკვიდრებული იყო დიდებაშენ ლოისში და დედაშენ ევნიკეში და მწამს, რომ იგი შენშიც არის.

6 ამ მიზეზით შეგახსენებ გააღვივო ღვთის ნიჭი, რომელიც ჩემი ხელდასხმით არის შენში. საქ.6,6.

7 ვინაიდან ღმერთმა ჩვენ მოგვცა არა სიმხდალის სული, არამედ ძალის, სიყვარულისა და თავშეკავებისა. რომ.8,15. ებრ.2,15.

8 მაშ, ნუ შეგრცხვება ჩვენი უფლის დამოწმებისა, ასევე ნურც ჩემი, მისი პატიმრისა, არამედ იტანჯე ჩემთან ერთად სახარებისათვის ღვთის ძალით, მათ.10,33.

9 რომელმაც გვიხსნა ჩვენ და მოგვიხმო ჩვენ წმიდა მოწოდებით, არა ჩვენი საქმეების მიხედვით, არამედ თავისი ნებითა და მადლით, რომელიც მოგვეცა ჩვენ ქრისტე იესოში, საუკუნეთა უწინარეს. ეფეს.1,4. ტიტ.3,5.

10 ახლა კი გამოჩნდა ჩვენი მხსნელი ქრისტე იესოს გამოცხადებით, რომელმაც გააბათილა სიკვდილი და სახარებით გაანათლა სიცოცხლე და უკვდავება,

1პეტ.1,20. რომ.14,25. ეფეს.3,9. კოლ.1,26. ტიტ.1,2.

11 რომლის მაცნედ, მოციქულად და მასწავლებლად ვარ დადგენილი. 1ტიმ.2,7.

12 ამ მიზეზით ვიტანჯები ასე, მაგრამ არა მრცხვენია, ვინაიდან ვიცი, ვისაც ვერწმუნე, და მწამს, რომ მას ძალუძს შეინახოს ჩემი საწინდარი იმ დღისათვის.

13 ჩაეჭიდე საღი სიტყვების ნიმუშს, რაც ჩემგან მოისმინე რწმენით და სიყვარულით, რაც ქრისტე იესოშია.

1იოან.2,24. რომ.6,17.

14 შეინახე კეთილი საწინდარი სულიწმიდით, რომელიც ჩვენშია დამკვიდრებული. 1ტიმ.6,20. გამოცხ.3,11.

15 შენ იცი ეს, რომ აზიაში მიმატოვა ყველამ, მათ შორის ფიგელოსმა და ჰერმოგენესმა.

16 უფალმა მისცეს წყალობა ონისიფორეს სახლეულს, ვინაიდან მან მრავალჯერ გამამხნევა და ჩემი ბორკილებისა არ შერცხვა, 2ტიმ.4,19.

17 არამედ რომში მოსული გულმოდგინედ მეძებდა და მომნახა.

18 მისცეს მას უფალმა, რომ ჰპოვოს უფლის მიერ წყალობა იმ დღეს. ხოლო რაც ეფესოში სამსახური გაუწევია, შენ უკეთ იცი. მათ.25,34.

თ ა ვ ი 2

გადაიტანე ტანჯვა, როგორც იესო ქრისტეს კეთილმა მეომარმა

1 ამიტომ, შენ, ჩემო შვილო, იყავ ძლიერი მადლში, რომელიც ქრისტე იესოშია. 2კორ.10,4. ეფეს.6,10.

2 და რაც მოისმინე ჩემგან მრავალი მოწმის თანდასწრებით, გადაეცი სარწმუნო ადამიანებს, რომელთაც უნარი ექნებათ სხვების სწავლებისა. 1ტიმ.6,20.

3 იტანჯე ჩემთან ერთად, როგორც იესო ქრისტეს კეთილმა მეომარმა.

4 არც ერთი მეომარი არ შეიბორკება ცხოვრებისეული საქმეებით, რათა აამოს მხედართმთავარს. 1კორ.9,25.

5 ხოლო ვინმემ რომ იბრძოლოს კიდეც, გვირგვინს ვერ მიიღებს, თუ უკანონოდ იბრძოლებს.

6 მიწის მუშაკმა პირველმა უნდა იგემოს ნაყოფებისაგან.

7 დაფიქრდი ჩემს ნათქვამზე, რადგან უფალი მოგცემს გაგებას ყველაფერში.

8 გახსოვდეს მკვდრებით აღმდგარი იესო ქრისტე, დავითის თესლისაგან, ჩემი სახარების მიხედვით. 1კორ.15,4.

9 რისთვისაც მე ვიტანჯები თვით ბორკილებამდე, როგორც ბოროტმოქმედი, მაგრამ ღვთის სიტყვა შებოროკილი არაა.

საქ.21,11. 1კორ.4,9.

10 ამიტომ ყოველივეს ვითმენ რჩეულთათვის, რათა მათაც მიიღონ ხსნა ქრისტე იესოში საუკუნო დიდებასთან ერთად.

11 სარწმუნოა სიტყვა: თუ მასთან დავიხოცეთ, მასთან ერთად ვიცოცხლებთ. რომ.6,4.

12 თუ მოვითმენთ, მასთან ერთად ვიმეფებთ. თუ უარვყოფთ, ისიც უარვყოფს ჩვენ. მათ.10,33. მარ.8,38. ლუკ.9,26.

13 თუ ჩვენ არა გვწამს, იგი მაინც სარწმუნოდ რჩება, ვინაიდან საკუთარ თავს ვერ უარყოფს. რომ.3,3.

აკეთე კეთილი საქმეები სუფთა გულით, ერიდე ჯიბრს

14 ეს შეახსენე მათ და დაუმოწმე ღვთის წინაშე, არ იკინგლაონ სიტყვების გამო, სრულიად უსარგებლოდ, მსმენელთა შესაცბუნებლად.

15 ეცადე შენი თავი წარუდგინო ღმერთს ღირსეულად, შეურცხვენელ მუშაკად, ჭეშმარიტების სიტყვის სწორად გადამცემად.

16 მოერიდე ამქვეყნიურ ლაყბობას, რომელსაც უფრო და უფრო მიჰყავს ხალხი უღვთოებისაკენ. 1ტიმ.4,7;6,20. ტიტ.1,14;3,9.

17 მათი სიტყვა ღია წყლულივითაა, რომელიც ჭამს ხორცს. ასეთები არიან ჰიმენევსი და ფილეტოსი, 1ტიმ.1,20.

18 რომლებიც განუდგნენ ჭეშმარიტებას, ამბობენ, აღდგომა უკვე იყო, და ზოგიერთებს ურღვევენ რწმენას.

19 ხოლო ღვთის მტკიცე საფუძველი დგას და აქვს ეს ბეჭედი: „იცნო უფალმა თავისიანები და, განუდგეს უსამართლობას ყველა, ვინც აღიარებს უფლის სახელს“.

რიცხ.16,5;26. ნაუმ.1,7. იოან.10,14.

20 დიდ სახლში არ არის მარტო ოქროსა და ვერცხლის ჭურჭელი, არამედ აგრეთვე ხისა და თიხისა, ზოგი საპატიოდ, ზოგი არასაპატიოდ. რომ.9,21.

21 ამრიგად, ვინც ამათგან გასუფთავდება, ის იქნება პატივდებული ჭურჭელი, განწმედილი და ხელმწიფისათვის სახმარი, გამზადებული ყოველი კეთილი საქმისათვის. ეს.52,11. 2ტიმ.3,17.

22 ყმაწვილკაცურ გულისთქმებს გაეჭეცი. მისდიე სიმართლეს, რწმენას, სიყვარულს, მშვიდობას ყველასთან, ვინც სუფთა გულით მოუხმობს უფალს. გალ.5,16. 1ტიმ.6,11.

23 სულელურ და უმეცრულ პაექრობებს მოერიდე. იცოდე, რომ ისინი შეხლა-შემოხლით თავდება.

24 მონას ღვთისას კი არ მართებს ჩხუბი, არამედ წყნარი უნდა იყოს ყველას მიმართ, დამმოდღვრავი, შემწყნარე. ტიტ.3,2.

25 სიმშვიდით არწმუნებდეს მოწინააღმდეგეთ, ვინძლო მისცეს მათ უფალმა მონანიება ჭეშმარიტების შესაცნობად, საქ.8,22.

26 რათა გათავისუფლდნენ ეშმაკის მახისაგან, რომელმაც თავის ნებაზე დაატყვევა ისინი.

თ ა ვ ი 3

უკანასკნელ დღეებში დადგება საზარელი ჟამი

1 ეს კი იცოდე, რომ უკანასკნელ დღეებში საზარელი ჟამი დადგება, 2პეტ.3,3. იუდ.1,18. 1ტიმ.4,1.

2 ვინაიდან ადამიანები იქნებიან თავმოყვარენი, ვერცხლის მოყვარენი, ამაყნი, ამპარტავანნი, მგმობელნი, მშობლების ურჩნი, უმადურნი, უწმიდურნი,

3 მოძულენი, შეურიგებელნი, ცილისმწამებელნი, შეუკავებელნი, მოღალატენი, სასტიკნი, კეთილის მოძულენი,

4 გამცემნი, თავხედნი, გაბლენძილნი, უფრო სიამეთა მოყვარულნი, ვიდრე ღვთისა,

5 რომელთაც ღვთისმოსაობის სახე აქვთ, მის ძალას კი უარყოფენ. ასეთებს ერიდე.

6 ზოგიერთი მათგანი იპარება სახლებში და აცდუნებს უგუნურ ქალებს, ცოდვებში ჩაფლულთ, და სხვადასხვაგვარი გულისთქმებით შეპყრობილთ,

7 რომლებიც მუდამ სწავლობენ და ვერასოდეს აღწევენ ჭეშმარიტების შეცნობას.

8 როგორც იანე და იამბრე წინაღუდგნენ მოსეს, ასევე ესენიც ეწინააღმდეგებიან ჭეშმარიტებას, გონებით გახრწნილი ადამიანები, რწმენაში უმეცარნი. გამოს.7,11.

9 მაგრამ ისინი მეტად ველარ წაიწევენ წინ, რადგან მათი უგუნურება თავს იჩენს ყველას წინაშე, ისევე როგორც იმათ დაემართათ.

10 შენ კი მე მომყევი მოძღვრებაში, ქცევაში, განზრახვაში, რწმენაში, ჭეშმარიტებაში, დიდსულოვნებაში, სიყვარულში, მოთმინებაში,

11 დევნებში, ტანჯვებში, რაც შემემთხვა მე ანტიოქიაში, იკონიაში, ლისტრაში. რა დევნანი არ გადავიტანე, მაგრამ ყველაფრისაგან მიხსნა უფალმა.

12 და ყველა, ვისაც სურს ქრისტე იესოში იცხოვროს ღვთისმოსაობით, დევნილი იქნება. მათ.16,24. საქ.14,22. რომ.8,17.

13 ბოროტი ადამიანები და ცრუმარქვეები კი წინ წაიწევენ უარესისაკენ, სხვებსაც აცდენენ და თავადაც ცდუნებაში იქნებიან. მათ.7,16.

საღვთო წერილებს ძალუძთ შენი დაბრძენება სახსნელად

14 შენ კი იდექ იმაზე, რაც გისწავლია და რაც გირწმუნია, ვინაიდან იცი, ვისგან გისწავლია.

15 რადგან შენ ხომ ბავშვობიდანვე იცი საღვთო წერილები, რომელთაც ძალუძთ შენი დაბრძენება სახსნელად ქრისტე იესოს რწმენაში.

იოან.5,39. 1ტიმ.4,8.

16 მთელი წერილი ღვთივსულიერია და სასარგებლოა სასწავლებლად, სამხილებლად, გამოსასწორებლად, დასარიგებლად სიმართლეში.

2პეტ.1,21.

17 რათა სრულყოფილი იყოს ღვთის კაცი, ყოველი კეთილი საქმისათვის განმზადებული.

თ ა ვ ი 4

იქადაგე სიტყვა, დაითმინე მწუხარება

1 ამრიგად, გიმოწმებ ღვთისა და ქრისტე იესოს წინაშე, რომელიც განიკითხავს ცოცხლებსა და მკვდრებს თავისი მოსვლითა და თავისი სასუფეველით.

იოან.5,22. საქ.10,42.

2 იქადაგე სიტყვა, დაჟინებით, დროულად და უდროოდ, ამხილე, შერისხე, შეაგონე მთელი სულგრძელობითა და სწავლებით.

2ტიმ.2,24;3,16.

3 ვინაიდან დადგება დრო, როდესაც საღ მოძღვრებას არ მიიღებენ, არამედ თავიანთი გულისთქმებით ამოირჩევენ ყურის მამებელ მასწავლებლებს.

4 ჭეშმარიტებას აარიდებენ ყურს და ზღაპრებისაკენ მიმართავენ.

5 მაგრამ შენ ფხიზლად იყავი ყველაფერში, დაითმინე ბოროტება, აკეთე მახარებლის საქმე, აღასრულე შენი მსახურება.

კეთილი ბრძოლით ვიბრძოდი

6 ვინაიდან მე უკვე გამზადებული ვარ სამსხვერპლოდ, დადგა ჩემი წასვლის ჟამი.

ფილ.2,17.

7 კეთილი ბრძოლით ვიბრძოდი, განვლე ასპარეზი, რწმენა შევინარჩუნე.

ფილ.3,14. 1ტიმ.6,12.

8 ახლა კი მომელის მე სიმართლის გვირგვინი, რომელსაც მომცემს იმ დღეს უფალი, მართალი მსაჯული, და არა მარტო მე, არამედ ყველას, ვინც სიყვარულით ელის მის გამოჩენას.

1კორ.9,25. გამოცხ.2,10.

პირადი სიტყვა, სალამი და კურთხევა

9 ისწრაფე, რომ მალე მოხვიდე ჩემთან.

10 ვინაიდან დემასმა შეიყვარა ეს წუთისოფელი, მიმატოვა მე

და წავიდა თესლონიკეს, კრესკესი – გალატიას, ტიტე – დალმატიას. მარტო ლუკაა არის ჩემთან. კოლ.4,14.

11 აიყვანე მარკოზი და თან წამოიყვანე, ვინაიდან მჭირდება მსახურებისათვის.

12 ტვიჭიკოსი ეფესოში მივაგვლინე. საქ.20,4.

13 მოსასხამი, რომელიც ტროაში დავტოვე კარპესთან, წამომიღე, როცა მოხვალ. აგრეთვე წიგნებიც, მეტადრე პერგამენტები.

14 მესპილენძე ალექსანდრემ დიდად მავნო. უფალმა მიუზღოს მისი საქმეების მიხედვით. 1ტიმ.1,20.

15 შენც უფრთხილდი მას, ვინაიდან იგი ძალიან ეწინააღმდეგებოდა ჩვენს სიტყვებს.

16 ჩემი პირველი საპასუხო სიტყვისას არავინ იყო ჩემთან, ყველამ მიმატოვა. ნუ ჩაეთვლებათ მათ.

17 ხოლო უფალი ამომიდგა მე და გამაძლიერა, რათა ჩემი მეშვეობით აღსრულდეს ქადაგება და მოისმინოს ყველა წარმართმა. მე თავი დავადწიე ლომის ხახას. საქ.23.11. 1ტიმ.1,12.


18 დამიხსნის უფალი ყოველი ბოროტისგან და დამიცავს თავისი ცათა სასუფეველისათვის. დიდება მას უკუნითი უკუნი-სამდე. ამინ. რომ.14.26. 1ტიმ.6,16.

19 მომიკითხე პრისკილა და აკვილა და ონისიფორესის სახლობა. 2ტიმ.1,16.

20 ერასტოსი კორინთოში დარჩა, ხოლო ტროფიმოსი ავადმყოფი დავტოვე მელიტონში.

21 ისწრაფე, რომ ზამთრამდე მოხვიდე. მოგიკითხავენ ეგზულოსი და პუდენსი, ლინოსი და კლავდია და ყველა ძმა.

22 უფალი შენს სულთან. მაღლი თქვენთან. ამინ. ფილ.1,25.



პ ა ვ ლ ე მ ო ც ი ქ უ ლ ი ს წ ე რ ი ლ ი ტ ი ტ ე ს მ ი მ ა რ თ

თ ა ვ ი 1

ხარისხი ეკლესიის სამსახურში

1 პავლე, ღვთის მონა და იესო ქრისტეს მოციქული, ღვთის რჩეულებს რწმენით და ჰეშმარიტების შეცნობით, ღვთისმოსაობის შესაბამისად, 1ტიმ.3,16.

2 საუკუნო სიცოცხლის იმედით, რომელიც აღუთქვა უტყუარმა ღმერთმა უწინარეს საუკუნეთა. რიცხ.23,19. რომ.14,24.

3 ხოლო თავის დროზე გამოაცხადა თავისი სიტყვა ქადაგებაში, რომელიც მომენდო მე ჩვენი მაცხოვარი ღვთის ბრძანებით. გალ.1,15. ეფეს.3,8. კოლ.1,28. 2ტიმ.1,11.

4 ტიტეს, ნამდვილ შვილს საერთო რწმენაში, მადლი, წყალობა და მშვიდობა მამა ღმერთისაგან და ჩვენი მაცხოვრის, ქრისტე იესოსაგან.

5 იმისათვის დაგტოვე შენ კრებაში, რომ დაასრულო დაუსრულებელი და დააყენო ყველა ქალაქში ხუცესები, როგორც მე დაგავალე:

6 თუ არის ვინმე უმწიკვლო, ერთი ცოლის ქმარი, ჰყავს მორწმუნე შვილები, გარყვნილებასა და ურჩობაში ბრალდაუდებელი. 1ტიმ.3,4.

7 ვინაიდან ეპისკოპოსი უნდა იყოს უმწიკვლო, როგორც ღვთის განმგებელი, არა თვითნება, არა გულფიცხი, არა ლოთი, არა მოჩხუბარი, არა ანგარების მოყვარე, ლევ.10,9. 1ტიმ.3,3.

8 არამედ სტუმართმოყვარე, კეთილის მოყვარული, აზრიანი, მართალი, წმიდა,

9 სარწმუნო სიტყვის მიმდევარი, მოძღვრების მიხედვით, რომ შეძლოს საღი მოძღვრებით შეაგონოს და დაარწმუნოს მოკამათენი. 1ტიმ.6,3.

ამხილე იუდეველთა ზღაპრები კრეტაზე

10 ვინაიდან ბევრია ურჩი, ყბელი და მატყუარა, განსაკუთრებით წინადაცვეთილთაგან, რომ.16,17.

11 რომლებსაც უნდა აეკრათ პირები: ისინი რყენიან მთელ სახლებს, ასწავლიან, რასაც არ უნდა ასწავლიდნენ, სამარცხვინო ანგარების გამო.

12 ერთერთმა მათგანმა, მათმავე წინასწარმეტყველმა თქვა: „კრეტელნი მუდამ ცრუნი არიან, ბოროტი მხეცები, უქნარა სტომაქები“.

13 ეს მოწმობა სამართლიანია. ამ მიზეზით ამხილე ისინი მკაცრად, რათა ისინი საღნი იყვნენ რწმენაში.

14 ყურად არ იღონ იუდეველთა ზღაპრები და იმ კაცთა მცნებანი, ვინც განერიდა ჭეშმარიტებას. მათ.15,9. მარ.7,7. 1ტიმ.1,4.

15 წმიდათათვის ყველაფერი წმიდაა, ხოლო წაბილწულთა და ურწმუნოთათვის არაფერია წმიდა, არამედ წაბილწულია მათი გონებაც და სინდისიც. მათ.15,11. რომ.14,14.

16 ისინი სიტყვით აღიარებენ ღმერთს, საქმეებით კი უარყოფენ, ვინაიდან საძაგელნი და ურჩნი არიან და უვარგისნი ყოველი კეთილი საქმისათვის. 2ტიმ.3,5.

თ ა ვ ი 2

მოხუცთა და ჭაბუკთა მოვალეობანი

1 შენ კი ილაპარაკე ის, რაც შეჰფერის საღ მოძღვრებას, ტიტ.1,9.

2 რათა ბერიკაცები იყვნენ ფხიზელნი, ღირსეულნი, აზრიანნი, საღნი სარწმუნოებაში, სიყვარულში, მოთმინებაში.

3 ასევე მოხუცი დედაკაცებიც – ქცევით ღირსეულნი, არა ცილისმწამებელნი, არა ღვინის მონანი, არამედ სიკეთის მასწავლებელნი, 1ტიმ.2,9.

4 რათა ასწავლონ ყმაწვილქალებს, უყვარდეთ ქმრები, უყვარდეთ შვილები,

5 იყვნენ აზრიანნი, სუფთანი, სახლზე მზრუნველნი, კეთილნი, თავიანთი ქმრების მორჩილნი, რათა არ იგმობოდეს ღვთის სიტყვა. დაბ.3,16. ეფეს.5,22.

6 ჭაბუკებსაც შეაგონე, რომ თავშეკავებულნი იყვნენ.

7 ყველაფერში გამოიჩინე თავი კეთილ საქმეთა ნიმუშად: მოძღვრებაში – შეურყენელობა, სიდინჯე, 1პეტ.5,3. 1ტიმ.4,12.

8 სიტყვა ნათელი, უკიცხველი, რათა მოწინააღმდეგეს შერცხვეს და ცუდი ვერაფერი თქვას ჩვენზე. 1პეტ.2,12.

9 მონები თავიანთ ბატონებს დაემორჩილონ ყველაფერში, ასიამოვნონ, სიტყვას ნუ შეუბრუნებენ, 1პეტ.2,18. ეფეს.6,5. კოლ.3,22.

10 არაფერი მოიპარონ, არამედ გამოიჩინონ სრული ერთგულება, რათა ყველაფრით შეამკონ ჩვენი მაცხოვარი ღვთის მოძღვრება.

ღვთის მადლის გამოჩენა

11 ვინაიდან გამოჩნდა ღვთის მადლი, ყველა ადამიანის მხსნელი, ლუკ.1,47;2,30;3,6. ტიტ.3,4.

12 ჩვენს დასამოძღვრად, რათა უარგყოთ უღვთოება და ამქვეყნიური გულისთქმანი, და ვიცხოვროთ ამ წუთისოფელში აზრიანად, სიმართლით და ღვთისმოსაობით. იოან.2,15. ეფეს.1,4.

13 მოველოდეთ ნეტარ სასოებას და ჩვენი დიდი ღვთისა და ჩვენი მაცხოვრის ქრისტე იესოს დიდების გამოჩენას, საქ.24,25. 1იოან.3,2.

14 რომელმაც თავი დასდო ჩვენთვის, რათა გამოვესყიდეთ ყოველგვარი ურჯულოებისაგან და განეწმიდა თავისთვის რჩეული ხალხი, კეთილი საქმეების მოშურნე.

გამოს.19,6. გალ.1,4. ეფეს.2,10. ებრ.9,4.

15 ეს ელაპარაკე, შეაგონე და ამხილე მთელი ძალით, ნურც ნურვინ უგულუბელგყოს შენ.

თ ა ვ ი 3

არა საქმეებით, არამედ მადლით

1 შეახსენე მათ: დაემორჩილონ და მოუსმინონ განმგებელთ და ხელისუფალთ, მზად იყვნენ ყოველგვარი კეთილი საქმისათვის. 1პეტ.2,13. რომ.13,1.

2 არავინ დაძრახონ, იყვნენ მშვიდობისმოყვარენი, შემწყნარენი, იჩენდნენ სიმშვიდეს ყველა ადამიანის მიმართ. კოლ.3,12.

3 ვინაიდან ოდესღაც ჩვენც ვიყავით უმეცარნი, ურჩნი, გზა-აბნეულნი, სხვადასხვა გულისთქმათა და განცხრომათა მონები, ვცხოვრობდით ღვარძლით და შურით, ვიყავით საძულველნი და ერთიმეორის მოძულენი. 1კორ.6,11. ეფეს.2,1.

4 ხოლო, როცა გამოჩნდა ჩვენი მაცხოვარი ღვთის სახიერება და კაცთმოყვარეობა, 1პეტ.4,10. ტიტ.2,11.

5 მან გვიხსნა არა მართალი საქმეების გამო, რომლებიც ჩვენ ჩავიდინეთ, არამედ თავისი წყალობით, ხელახლა შობის განბანითა და სულიწმიდის მიერ განახლებით, იოან.3,5. რომ.3,28. 2ტიმ.1,9.

6 რომელიც უხვად მოგვეფინა ჩვენ ჩვენი მაცხოვრის იესო ქრისტეს მიერ, რომ.5,5.

7 რათა, მისი მადლით გამართლებულები, გავხდეთ საუკუნო ცხოვრების მემკვიდრენი, რისი იმედიც გვაქვს.

განერიდე კინკლაობას

8 სარწმუნოა სიტყვა. მე მსურს, რომ შენ მტკიცედ იდგე ამაზე, რათა ღვთის მორწმუნენი ცდილობდნენ კეთილი საქმეების კეთებას. ეს კარგი და სასარგებლოა ადამიანთათვის.

ეფეს.2,10.

9 მოერიდე სულელურ პაექრობას, გვარ-ტომობას, კინკლაობასა და დავას რჯულის თაობაზე, ვინაიდან უსარგებლო და ფუჭია.

1ტიმ.1,4;4,7. 2ტიმ.2,23.

10 მწვალებელს, პირველი და მეორე შეგონების შემდეგ, გაერიდე.

11 იცოდე, რომ ასეთი კაცი გაირყვნა და სცოდავს: მისმავე თავმა დასდო მსჯავრი.

12 როცა გამოგიგზავნი არტემასს და ტვიჭიკოსს, გამოეშურე ჩემსკენ ნიკოპოლისს, ვინაიდან იქ ვირჩიე დაზამთრება.


13 დააჩქარე მათ გზაზე რჯულის მცოდნე ზენასი და აპოლო, რომ არაფერი აკლდეთ.

საქ.18,24.

14 ჩვენთანებმაც ისწავლონ კეთილი საქმეების კეთება უკიდურეს გასაჭირში დასახმარებლად, რათა უნაყოფონი არ იყვნენ.

ტიტ.2,14.

15 ყველა ჩემთან მყოფი მოგიკითხავს შენ. მოკითხვა, ვისაც ვუყვარვართ რწმენაში. მადლი თქვენთან ყველასთან. ამინ.



პ ა ვ ლ ე მ ო ც ი ქ უ ლ ი ს წ ე რ ი ლ ი ფ ი ლ ი მ ო ნ ი ს მ ი მ ა რ თ

1 პავლე, ქრისტე იესოს პატიმარი, და ძმა ტიმოთე, ფილიმონს - ჩვენს საყვარელსა და თანამშრომელს,

2 და აპფიას, საყვარელ დას და არქიპოსს, ჩვენს თანამებრძოლს, და შენს საშინაო ეკლესიას:

3 მაღლი თქვენ და მშვიდობა ჩვენი მამა ღმერთისა და უფლის იესო ქრისტესაგან.

4 ვმადლობ ჩემს ღმერთს, ყოველთვის გიხსენებ ჩემს ლოცვებში,

ეფეს.1,16. 1თეს.1,2. 2თეს.1,3.

5 მესმის რა შენი სიყვარული და რწმენა, რომელიც შენ გაქვს უფლის იესოს და ყველა წმიდის მიმართ,

6 რათა შენი რწმენის ზიარება გახდეს ქმედითი ყოველი კეთილის შემეცნებაში, რაც ჩვენშია ქრისტესათვის.

ფილ.1,11. ტიტ.2,14.

7 ვინაიდან მე დიდი სიხარული და ნუგეში მქონდა შენს სიყვარულში, რადგან შენით გახალისდნენ წმიდათა გულები, ძმაო.

შუამავლობა ონისიმოსისათვის. მოკითხვა

8 ამიტომ, რაკი ქრისტეში მაქვს დიდი სითამამე, რომ გიბრძანო, რაც ჯერ არს,

9 სიყვარულით გთხოვ უფრო, არა ვინმე სხვა, არამედ მე, მოხუცებული პავლე, ახლა კი აგრეთვე ქრისტე იესოსთვის პატიმარი;

10 გთხოვ ჩემს შვილ ონისიმოსზე, რომელიც ვშვი ჩემს ბორკილებში. 1კორ.4,15. კოლ.4,9.

11 იგი ოდესღაც გამოუსადეგარი იყო შენთვის, ახლა კი შენთვისაც და ჩემთვისაც გამოსადეგია, რომელსაც გიბრუნებ.

12 ხოლო შენ მიიღე იგი, როგორც ჩემი გული.

13 მინდოდა ჩემთან დამეყენებინა იგი, რათა შენს მაგივრად ემსახურა ჩემთვის სახარების ბორკილებში.

14 მაგრამ შენი თანხმობის გარეშე არაფრის გაკეთება არ ვინდომე, რათა შენი კეთილი საქმე ნაძალადევი კი არ ყოფილიყო, არამედ ნებაყოფლობითი.

15 ვინაიდან, იქნებ იმიტომ დაგშორდა დროებით, რომ სამუდამოდ მიგელო იგი,

16 უკვე არა როგორც მონა, არამედ მონაზე მეტი, საყვარელი ძმა, განსაკუთრებით ჩემთვის და, მით უმეტეს, შენთვის ხორციელადაც და უფალშიც. მათ.12,49.

17 მაშ, თუ თანაზიარად მიგაჩნივარ, მიიღე ის, ვითომც მე ვიყო.

18 თუ რამე გაწყენინა ან მართებს, მე მომკითხე.

19 მე, პავლემ, დავწერე ჩემი ხელით: მე გადავიხდი, რათა არ გითხრა, რომ შენ თავად მოვალე ხარ ჩემი.

20 მაშ, ასე, ძმაო, ვიხარებდე შენგან უფალში. გაახალისე ჩემი გული ქრისტეში.


21 შენი მორჩილების იმედით მოგწერე და ვიცი, რომ იმაზე მეტსაც გააკეთებ, ვიდრე ვამბობ.

22 იმავდროულად გამიმზადე ბინაც, ვინაიდან ვიმედოვნებ, რომ თქვენი ლოცვით მოგეცემით თქვენ. ფილ.1,25.

23 მოგიკითხავენ შენ ეპაფრასი ჩემი თანაპატიმარი ქრისტე იესოს გულისათვის,

24 მარკოზი, არისტარქოსი, დემასი, ლუკა – ჩემი თანამშრომლები.

25 ჩვენი უფლის იესო ქრისტეს მადლი თქვენს სულთან. ამინ.



წერილი ებრაელთა მიმართ

თავი 1

ღმერთი ლაპარაკობს ძის მიერ ყველა მემკვიდრეში

1 ღმერთი, ძველთაგან მრავალჯერ და მრავალი სახით ელაპარაკებოდა მამებს წინასწარმეტყველებში, რიცხ.12,6. 1პეტ.1,10.

2 ამ უკანასკნელ დღეებში გველაპარაკა ძეში, რომელიც დააყენა ყოვლის მემკვიდრედ, ვისი მეშვეობითაც შექმნა საუკუნენი. ფსალ.2,8. ეს.9,6. იოან.1,3:8.26;15,15.

3 იგია დიდების ბრწყინვალეობა და მისი არსების ანარეკლი, ყოველივე რომ უპყრია თავისი ძალის სიტყვით, რაკი დაასრულა ჩვენი ცოდვების განწმედა, დაჯდა დიდების მარჯვნივ სიმაღლეებში. ფსალ.109,1. 2კორ.4,4. ეფეს.1,7. კოლ.1,15.

4 ანგელოზებზე იმდენადვე უკეთესი გახდა, რამდენადაც მათზე უდიდესი სახელი დაიმკვიდრა. ფილ.2,9.

5 ვინაიდან, რომელი ანგელოზისათვის უთქვამს ოდესმე: „ჩემი ძე ხარ შენ, მე დღეს გშობე შენ.“ ან კიდევ: „მე ვიქნები მისი მამა და ის იქნება ჩემი ძე“?

2მფ.7,14. 15შტ.17,13. ფსალ.2,7. ებრ.5,5.

6 ასევე, როცა კვლავ შემოჰყავს პირმშო ქვეყნად, ამბობს: „დაე, თაყვანი სცეს მას ღვთის ყველა ანგელოზმა.“ ფსალ.96,7.

7 ხოლო ანგელოზებზე ამბობს: „ის ქმნის თავის ანგელოზებს სულებად და თავის მსახურთ – მოგიზგიზე ცეცხლად.“

ფსალ.103,4.

8 ძეზე კი: „შენი ტახტი, ღმერთო, უკუნითი უკუნისამდეა, შენი მეფობის კვერთხი სიმაღლის კვერთხია. ფსალ.44,7-8. ლუკ.1,32.

9 შენ შეიყვარე სიმართლე და შეიძულე ურჯულოება, ამიტომ გცხო შენ ღმერთმა, შენმა ღმერთმა სიხარულის ზეთით შენს თანამოზიარეებზე მეტად.“

ეს.61,1-2. ლუკ.4,18-19. იოან.3,34. საქ.4,27.

10 და: „შენ დააფუძნე, უფალო, თავდაპირველად მიწა, და ცა შენი ხელის ნამოქმედარია.“

ფსალ.101,26-27.

11 ისინი დაიღუპებიან, შენ კი დარჩები, და ყოველივე დაძველდება სამოსელივით.

ეს.34,4;51,6. მათ.24,35.

12 მოსასხამივით დაგორგლავ მათ და სამოსელივით გამოიცვლებიან. შენ კი იგივე ხარ და შენი წლები არ დასრულდება.“

13 ანგელოზთაგან რომლისთვის უთქვამს ოდესმე: „დაჯექი ჩემს მარჯვნივ, ვიდრე შენს მტრებს დავამხობდე შენს ფერხთა კვარცხლბეკად“?

ფსალ.109,1. მარ.12,36;16,19. ეფეს.1,20.

14 განა ყველანი მომსახურე სულები არ არიან, მათდა სამსახურად წარმოგზავნილნი, ვინც ხსნა უნდა დაიმკვიდროს?

დაბ.19,16. ფსალ.33,8;90,11;102,21.

თ ა ვ ი 2

გაფრთხილება, რომ არ ავცდეთ მიზანს

1 ამიტომ გვმართებს მეტი გულისყურით ვიყოთ მოსმენილისადმი, რათა არ გადავუხვიოთ.

2 ვინაიდან, თუ ანგელოზების მიერ ნათქვამი სიტყვა მტკიცე იყო და ყოველი დანაშაული და ურჩობა იღებდა კუთვნილ საზღაურს,

გამოს.20,1. საქ.7,38.53. გალ.3,19. ებრ.10,28.

3 მაშ, როგორ გადავრჩებით უგულებელყოფელნი ესოდენ დიადი ხსნისა, რომელიც თავდაპირველად უფალმა გვიქადაგა, და ჩვენში მსმენელთა მეშვეობით განმტკიცდა.

მათ.4,17. ლუკ.1,2.

4 ღვთის მიერ ნიშნების, სასწაულების, და სხვადასხვა ძალეების მეშვეობით დამოწმებით და მისი ნებისამებრ სულიწმიდის განაწილებით?

მარ.16,20.

იესო იყო ოდნავ დამცირებული ანგელოზთა წინაშე

5 ვინაიდან, ანგელოზებს როდი დაუმორჩილა ღმერთმა მომავალი ქვეყნიერება, რომელზეც ჩვენ ვლაპარაკობთ.

მათ.28,18.

6 ვილაცას სადღაც დაუმოწმებია და უთქვამს: „რა არის კაცი, შენ რომ გახსოვს იგი? ანდა კაცის ძე, რომ მოინახულებ?“

ფსალ.8,5-7;143,3.

7 ოდნავ დაამცირე იგი ანგელოზთა წინაშე. დიდებით და პატივით დაავგირგვინე იგი და დააყენე იგი შენს ნახელავზე მაღლა.

მათ.27,46.

8 ყოველივე დაუმორჩილე მის ფერხთა ქვეშ.“ ხოლო, როცა ყოველივე დაუმორჩილა მას, არაფერი დაუტოვებია, მისთვის

რომ არ დაემორჩილებინა. ახლა კი ჯერ კიდევ ვერ ვხედავთ, რომ ყოველივე მას ემორჩილებოდეს. მათ.28,18. 1კორ.15,27.

9 მაგრამ ვხედავთ, რომ სიკვდილის განცდის გამო დიდებით და პატივით დაგვირგვინებულია იესო, რომელიც ოდნავ იყო დამცირებული ანგელოზთა წინაშე, რათა მას ღვთის მადლით ეგემა სიკვდილი ყველას გულისათვის.

იოან.3,16. ფილ.2,7.11. გამოცხ.5,9.

10 ვინაიდან შეჰფეროდა მას, ვისთვისაც არის ყოველივე და ვისგანაც არის ყოველივე, ვინც მრავალი ძე მოიყვანა დიდებამდე, მათი გადარჩენის წინამძღვარი სრულყო ტანჯვით.

იგ.16,4. ლუკ.24,26. იოან.1,3.

11 ვინაიდან განმწმედელი და განწმედილნიც ყველანი ერთი-საგან არიან, ამიტომ არ რცხვენია, მათ ძმები უწოდოს,

მათ.28,10. იოან.20,17.

12 და ამბობს: „ვაუწყებ შენს სახელს ჩემს ძმებს, კრებულს შორის გიგალობ შენ.“

ფსალ.21,23.

13 და კიდევ: „მივენდობი მას.“ და კიდევ: „აგერ, მე და შვილები, რომლებიც მომცა ღმერთმა.“

2მფ.22,3. ეს.8,17-18.

დამსგავსა ძმებს, რომ ყოფილიყო მოწყალე მღვდელმთავარი

14 რაკი ბავშვები სისხლისა და ხორცის მოზიარენი არიან, თავადაც ეზიარა მათ, რათა სიკვდილით გააქარწყლოს ის, ვისაც სიკვდილის ხელმწიფება აქვს, ესე იგი ეშმაკი,

იოან.1,14. რომ.8,3. 1კორ.15,54. 2ტიმ.1,10.

15 და გაათავისუფლოს ისინი, ვინც სიკვდილის შიშით მთელი სიცოცხლე მონობაში იყო.

ლუკ.1,74. რომ.8,15.

16 ვინაიდან, ანგელოზებს კი არ ღებულობს, არამედ აბრაამის თესლს ღებულობს.

17 ამიტომ იგი ყველაფერში უნდა დამსგავსებოდა ძმებს, რათა ყოფილიყო მოწყალე და ერთგული მღვდელმთავარი ღვთის წინაშე, ხალხის ცოდვების შესაწყნარებლად.

ფილ.2,7. ებრ.5,2.

18 ვინაიდან, როგორც თვითონ იტანჯა და გამოიცადა, ისე შეუძლია დაეხმაროს განსაცდელში მყოფთ.

ებრ.4,15.

თ ა ვ ი 3

ძე ღვთისა უფრო დიდია მოსეზე

1 ამიტომ, ძმანო წმიდანო, ზეციური მოწოდების ზიარნო, დაუკვირდით მოციქულსა და ჩვენი აღსარების მღვდელმთავარს, იესო ქრისტეს,

ებრ.2,11.

2 რომელიც თავისი ამომრჩევლის ერთგულია, როგორც მოსე მთელს მის სახლში. რიცხ.12,7. ებრ.2,17.

3 ვინაიდან ის მოსესთან შედარებით მეტი დიდების ღირსია, ისევე, როგორც სახლზე მეტი პატივი აქვს სახლის აღმშენებელს. ანგ.2,9. ზაქ.6,13.

4 ვინაიდან ყოველ სახლს ვინმე აშენებს, ხოლო ყოველივეს აღმშენებელი ღმერთია.

5 თუ მოსეც ერთგული იყო მთელ მის სახლში, როგორც მსახური, იმის დასამოწმებლად, რაც უნდა თქმულიყო,

6 ხოლო ქრისტე – როგორც ძე მის სახლში. ჩვენ კი მისი სახლი ვართ, თუ ბოლომდე მტკიცედ შევინახავთ გაბედულებას და იმედის სიამაყეს. ფსალ.2,7. 1კორ.3,16. ეფეს.5,23. კოლ.1,23. 1ტიმ.3,15.

ისრაელიანთა ურწმუნოება უდაბნოში. გაფრთხილება გულ- ქვაობაზე

7 ამიტომაც, როგორც სულიწმიდა ამბობს: „დღეს, როცა მოისმენთ მის ხმას, ფსალ.94,7-11.

8 ნუ გაიქვავებთ გულებს, როგორც უდაბნოში გამოცდის დღეს, დრტვინვისას,

9 სადაც გამომცადეს მე თქვენმა მამებმა და ხელავდნენ ჩემს საქმეებს ორმოც წელიწადს.

10 ამიტომ განვრისხდი იმ მოდგმაზე და ვთქვი: ‘მუდამ ცდებიან ისინი გულით, ვერ შეიცნეს მათ ჩემი გზა’.

11 ამიტომ დავიფიცე ჩემი რისხვისას: ‘ვერ შემოვლენ ისინი ჩემს სიმშვიდეში’“. რიცხ.14,23. ებრ.4,11.

12 თვალი გეჭიროთ, ძმებო, რომ ვინმე თქვენგანს არ ჰქონდეს ბოროტი და ურწმუნო გული, რათა არ განუდგეს ცოცხალ ღმერთს.

13 არამედ შეაგონებდეთ ერთმანეთს ყოველდღე, ვიდრეღა ითქმის „დღესო“, რათა რომელიმე თქვენგანს გული არ გაუქვავდეს ცოდვის საცდურით. 1თეს.5,11.

14 ვინაიდან ქრისტეს თანაზიარნი გავხდით, თუკი რწმენის საწყისს მტკიცედ დავიცავთ ბოლომდე. 2პეტ.1,4. რომ.8,17. ეფეს.5,30.

15 ვიდრეღა ითქმის: „დღეს, როცა მოისმენთ მის ხმას, ნუ გაიქვავებთ გულებს, როგორც დრტვინვისას“. ებრ.4,7.

16 ვინ იყო, რომ მოისმინა და დრტვინვა იწყო? ყველა ხომ იმათგან იყო, ვინც მოსეს მიერ გამოვიდა ეგვიპტიდან?

რიცხ.14,4,22.

17 მაშ, ვილაზე მრისხანებდა იგი ორმოც წელიწადს? თუ არა ცოდვილებზე, რომელთა ძვლებიც უდაბნოში ჩაიყარა?

18 ვის დაუფიცა, რომ ვერ შევიდოდნენ მის სიმშვიდეში, თუ არა ურჩებს?

19 და ჩვენ ვხედავთ, რომ მათ ვერ შეძლეს შესვლა ურწმუნობის გამო.

ღვთის ხალხისათვის კიდევ რჩება სიმშვიდე

1 **ამიტომ** გვეშინოდეს, რათა, ვიდრე რჩება აღთქმა მის სიმშვიდეში შესასვლელად, ვინმე თქვენგანი არ აღმოჩნდეს დაგვიანებული.

2 ვინაიდან სახარება ჩვენც გვეუწყა, როგორც მათ. მაგრამ მათთვის სარგებლობა არ მოუტანია მოსმენილ სიტყვას, ვინაიდან არ შეერწყა მსმენელთა რწმენას. 1 პეტ. 1, 12.

3 ხოლო სიმშვიდეში შევდივართ ჩვენ, მორწმუნენი, როგორც მან თქვა: „ამიტომ დავიფიცე ჩემი რისხვისას, რომ ვერ შემოვლენ ისინი ჩემს სიმშვიდეში, თუმცა ღვთის საქმენი დასრულდნენ ჯერ კიდევ წუთისოფლის დასაბამიდან“. ებრ. 3, 11.

4 ვინაიდან მეშვიდე დღეზე სადღაც ასე თქმულა: „და დაისვენა ღმერთმა მეშვიდე დღეს ყოველი საქმისაგან“. დაბ. 2, 2. გამოს. 20, 11.

5 და იმავე ადგილას კიდევ: „ვერ შემოვლენ ჩემს სიმშვიდეში“. ფსალ. 94, 11.

6 მაშ, რაკი ზოგს შეუძლია მასში შესვლა, ისინი კი, რომელთაც უწინ ეხარათ, ვერ შევიდნენ ურჩობის გამო, –

7 კვლავ აწესებს გარკვეულ დღეს, – „დღეს,“ ამბობს დავითით, ესოდენ ხანგრძლივი დროის შემდეგ, როგორც ზემოთაა ნათქვამი: „დღეს, როცა მოისმენთ მის ხმას, ნუ გაიქვავებთ გულებს“. ებრ. 3, 7-8.

8 ვინაიდან, იესო ნავეს ძეს რომ მიენიჭებინა მათთვის სიმშვიდე, ამის შემდეგ იგი აღარას იტყოდა სხვა დღეზე.

9 ამისათვის კიდევ რჩება შაბათის სიმშვიდე ღვთის ხალხისათვის. გამოცხ. 7, 14; 14, 13.

10 ვინაიდან, ვინც მის სიმშვიდეში შევიდა, მან თვითონაც დაისვენა თავისი საქმეებისაგან, როგორც ღმერთმა თავისისაგან.

11 მაშ, ვეცადოთ, შევიდეთ იმ სიმშვიდეში, რათა არავინ ჩავარდეს ურჩობაში მათი მაგალითისამებრ.

12 ვინაიდან ღვთის სიტყვა არის ცოცხალი, მოქმედი და ყოველგვარ ორღესულ მახვილზე უფრო ბასრი, და აღწევს სიმშვინველისა და სულის, სახსართა და ტვინთა გაყოფის ადგილამდე, და სჯის გულის აზრებსა და ზრახვებს. ეს. 49, 2; 1 პეტ. 1, 23. 2 კორ. 10, 4. ეფეს. 6, 17.

13 არც ერთი ქმნილება არ არის დაფარული მისი ხედვისგან, არამედ ყოველივე გაშიშვლებული და ღიაა მის თვალთა წინაშე, ვისაც ვაბარებთ ანგარიშს. ფსალ. 32, 15. იერ. 23, 24.

ჩვენი მღვდელმთავარი ჩვენს მსგავსად გამოიცადა

14 და ახლა, როცა ჩვენ გვყავს დიდი მღვდელმთავარი, რომელმაც გაიარა ზეცა, იესო, ღვთის ძე, მტკიცედ შევინახოთ აღსარება. ებრ. 6, 20.

15 ვინაიდან ისეთი მღვდელმთავარი როდი გვყავს, რომ ვერ შეძლოს თანაგვიგრძნოს ჩვენს უძლურებებში, არამედ ჩვენსავით გამოცდილი ყველაფერში, გარდა ცოდვისა. ეს.53,3. ებრ.2,17.

16 აბა, თამამად მივეახლოთ მადლის ტახტს, რომ მივიღოთ წყალობა და ვპოვოთ მადლი დროული შემწეობისათვის.

რომ.3,25. ეფეს.3,2.

თ ა ვ ი 5

ძე - მღვდელმთავარი მელქისედეკის წესით

1 ვინაიდან ყოველი მღვდელმთავარი, ადამიანთაგან ამორჩეული, ადამიანთათვის არის დაყენებული ღვთის სამსახურში, რათა შესწიროს ძღვენი და მსხვერპლი ცოდვებისათვის.

2 მას ძალუძს შეიწყნაროს უმეცრები და გზასაცდენილები, ვინაიდან თვითონაც მოცულია სისუსტით.

3 ამიტომ ვალდებულია, შესწიროს ცოდვების გამოსასყიდი მსხვერპლი - ხალხისთვისაც და თავისთვისაც.

4 და არავინ თავისით არ ლებულობს ამ პატივს, არამედ ვინც ღვთის მიერაა მოწოდებული, როგორც აარონი. რიცხ.16,5.

5 ასევე ქრისტეს არ უდიდება თავისი თავი, რომ მღვდელმთავარი გამხდარიყო, არამედ იმან, ვინც უთხრა მას: „ჩემი ძე ხარ შენ, მე დღეს გშობე შენ“. ფსალ.2,7. იოან.8,54. ებრ.1,5.

6 როგორც სხვა ადგილასაც ამბობს: „შენ მღვდელი ხარ უკუნისამდე მელქისედეკის წესით“. ფსალ.109,4. ებრ.7,17.

7 მან თავის ხორცში ყოფნის დღეებში ძლიერი ღალატით და ცრემლებით შესწირა ლოცვა და ვედრება მას, სიკვდილისაგან მისი დასხნის შემძლეს, და შესმენილ იქნა იგი ღვთისმოშიშების გამო. მათ.26,39. მარ.14,35-36. ლუკ.22,44. იოან.12,27.

8 და თუმცა ძე იყო, მან ტანჯვის მეოხებით ისწავლა მორჩილება. ფილ.2,7-8. ებრ.1,5.

9 და იგი სრულქმნილი, მარადიული ხსნის მიზეზი შეიქმნა ყველა მისი მორჩილისათვის,

10 და ღვთის მიერ ეწოდა მას მღვდელმთავარი მელქისედეკის წესით.

11 ბევრი გვაქვს ჩვენ სალაპარაკო ამაზე, მაგრამ ძნელია განმარტება, ვინაიდან ყურმძიმენი გახდით. მათ.13,15. იოან.16,12.

12 ვინაიდან, დროის მიხედვით თუ ვიმსჯელებთ, თქვენ მასწავლებლები უნდა ყოფილიყავით. მაგრამ თქვენ კვლავ უნდა გასწავლონ ღვთის სიტყვის პირველი საწყისები. თქვენ მაგარი საჭმელი კი არა, რძე გჭირდებათ. იოან.3,10.1 პეტ.2,2. 1კორ.3,1.

13 ვინაიდან ყოველი, ვინც რძით იკვებება, გამოუცდიელია სიმართლის სიტყვაში, რადგან ჩვილია. 1კორ.13,11;14,20.

14 მაგარი საჭმელი განკუთვნილია სრულთათვის, რომელთა

გრძნობანი ჩვევით გაწაფულია კეთილისა და ბოროტის გასარჩევად.
 ეფეს.4,13. ფილ.3,15.

თ ა ვ ი 6

გაფრთხილება განდგომის წინააღმდეგ

1 ამიტომ, დავტოვოთ ქრისტეს სიტყვის საწყისები და ვისწრაფოთ სრულყოფისაკენ, და კვლავ ნუ ჩავუყრით საძირკველს მკვდარი საქმეების მონანიებას და ღვთის რწმენას,

2 ნათლობათა, ხელების დასხმისა, მკვდართა აღდგომისა და მარადიული განკითხვის მოძღვრებას.

3 ამას გავაკეთებთ, თუ ღმერთი ნებას მოგვცემს.

4 ვინაიდან შეუძლებელია, რომ ერთხელ უკვე განათლებულნი, რომელთაც იგემეს ზეციური ნიჭი და ეზიარნენ სულიწმიდას,

მათ.12,45.

5 გემო უნახეს ღვთის კეთილ სიტყვას და საუკუნო ძალებს,

6 და მერე დაცემულნი კვლავ განახლდნენ მოსაანანიებლად, რადგან ისინი კვლავ ჯვარს აცვამენ ღვთის ძეს და აგინებენ.

2პეტ.2,20. 1იოან.5,16. ეფეს.10,29.

7 ვინაიდან მიწა, რომელიც იწოვს მასზე მრავალგზის მოსულ წვიმას და იძლევა მწვანილს, სასარგებლოა მათთვის, ვისთვისაც მუშავდება – იგი ღვთისგან ღებულობს კურთხევას.

8 ხოლო, რომელიც იძლევა ეკალსა და კუროსთავს, უვარგისია და ლამის დაწყევლილი. მისი ბოლოა დაწვა.

იერ.26,6;44,22. მარ.11,21.

გულმოღვინედ შეინარჩუნებენ იმედს ბოლომდე

9 მაგრამ, საყვარელნო, ჩვენ გვჯერა, რომ უკეთესნი ხართ და მიწევნულნი ხართ ხსნას, თუმცა ასე ვლაპარაკობთ.

10 ვინაიდან ღმერთი არაა უსამართლო, რომ დაივიწყოს თქვენი საქმე და სიყვარულის შრომა, რომელიც გამოიჩინეთ მისი სახელისათვის, რომ ემსახურებოდით და კვლავაც ემსახურებით წმიდებს.

მათ.10,42;25,40.

11 მაგრამ გვსურს, რომ ყოველი თქვენგანი, იმედის სისრულისათვის იჩენდეს იმავე ერთგულებას ბოლომდე,

12 რათა არ გაზარმაცდეთ, არამედ მიბაძოთ მათ, ვინც რწმენით და სულგრძელობით იმკვიდრებენ აღთქმებს.

ფუძე ასეთი იმედისთვის – ღვთის ნების უცვალელობა

13 ვინაიდან ღმერთი, აძლევდა რა აღთქმას აბრაამს, რაკი არ შეეძლო, ვინმე თავისზე დიდი დაეფიცა, საკუთარი თავი დაიფიცა.

დაბ.22,16. ფსალ.104,9. ლუკ.1,73.

14 უთხრა: „ჭეშმარიტად, კურთხევით გაკურთხებ შენ და გამრავლებით გაგამრავლებ შენ“.

15 და ასე, სულგრძელობით მიაღწია აღთქმას. რომ.4,17.

16 ადამიანები იფიცებენ უმაღლესს და ფიცია მათი ყოველგვარი დავის დასასრულის დამამტკიცებელი.

17 ამიტომ, როცა ღმერთს სურდა უპირატესად ეჩვენებინა აღთქმის მემკვიდრეთათვის თავისი ნების უცვალებლობა, ფიცს მიმართა, ფსალ.32,11. იგ.19,21.

18 რათა ორ უცვალებელ საქმეში, რაშიც შეუძლებელია ღმერთმა იცრუოს, დიდი ნუგეშისცემა გვქონდეს ჩვენ, რომელნიც გავეშურეთ, რათა ჩავჭიდებოდით ჩვენს წინ მდებარე იმედს,

19 რომელიც ჩვენი სულისათვის არის ღუზასავით სანდო და მტკიცე, და შედის ფარდის მიღმა,

20 სადაც ჩვენთვის წინამორბედად შევიდა იესო და გახდა უკუნისამდე მღვდელმთავარი მელქისედეკის წესით.

იოან.14,2. ებრ.4,14.

თ ა ვ ი 7

მნიშვნელობა მელქისედეკისა, აბრაამისა და ლევისა

1 ვინაიდან ეს მელქისედეკი, სალიმის მეფე, უზენაესი ღვთის მღვდელი, შეეგება აბრაამს, მეფეების განადგურების შემდეგ დაბრუნებულს, და აკურთხა იგი. დაბ.14,18.

2 რომელსაც აბრაამმა მეათედი უწილადა ყველაფრისაგან. პირველად მისი სახელი ნიშნავს: სიმართლის მეფეს, შემდეგ: სალიმის მეფეს, ანუ მშვიდობის მეფეს.

3 უმამო, უდედო, უგვარმტომო, არც დღეთა დასაბამი აქვს, არც სიცოცხლის დასასრული, ღვთის ძის მსგავსად, რჩება მღვდლად სამუდამოდ.

4 შეხედეთ ახლა, რაოდენ დიდია იგი, რომელსაც მამამთავარმა აბრაამმა უწილადა მეათედი ნადავლიდან.

5 მათ, ვინც ლევიანთაგან მიიღებენ მღვდლობას, რჯულით მცნებადა აქვთ მეათედის აღება ხალხისაგან, ანუ თავიანთი ძმებისაგან, თუმცა ისინიც აბრაამის საზარდულიდან გამოვიდნენ. როცხ.18,21. 2შჯ.18,1. ისუ.14,4.

6 მან კი ვინც მათი გვარიდან არ არის, მიიღო მეათედი აბრაამისაგან და აკურთხა აღთქმის მქონე. დაბ.12,2;14,20.

7 ხოლო ყოველგვარი ცილობის გარეშე, უმცირესი უმეტესის მიერ იკურთხება.

8 აქ მეათედს ღებულობენ მოკვდავი ადამიანები, იქ კი ვისაც მოწმობა აქვს, რომ ცოცხალია.

9 და, ასე ვთქვათ, თვით ლევიმ, რომელიც მეათედს ღებულობს, აბრაამის საშუალებით გაიღო მეათედი.

10 ვინაიდან ჯერ კიდევ მამის საზარდულში იყო, როდესაც მელქისედეკი შეეგება.

11 ჰოდა, სრულყოფა რომ ლევიანური მღვდელმსახურებით მიიღწეოდეს (ვინაიდან მისი საშუალებით მიეცა ხალხს რჯული), მაშ, რაღა საჭირო იქნებოდა სხვა მღვდლის აღდგომა მელქისედეკის წესით და სახელდება არა აარონის წესით? გალ.2,21. ებრ.8,7.

12 რადგან მღვდლობის შეცვლასთან ერთად საჭიროა რჯულის შეცვლა.

13 ვინაიდან ის, ვისზედაც ლაპარაკია, ეკუთვნოდა სხვა ტომს, საიდანაც არავინ მიკარებია სამსხვერპლოს.

14 ვინაიდან ცხადია, რომ ჩვენი უფალი აღმობრწყინდა იუდასაგან, ამ ტომის მღვდლობაზე კი არაფერი უთქვამს მოსეს.

დაბ.49,8. მათ.2,6. გამოცხ.5,5.

15 და კიდევ უფრო ნათელია ის, რომ მელქისედეკის მსგავსად დგება სხვა მღვდელი,

16 რომელიც ხორციელი აღთქმის რჯულის მიხედვით კი არაა მღვდელი, არამედ უსასრულო სიცოცხლის ძალით.

17 ვინაიდან დამოწმებულია: „შენ ხარ მღვდელი უკუნისამდე მელქისედეკის წესით“.

ფსალ.109,4. ებრ.5,6.

იესო თავდება აღთქმისა. აქვს მღვდლობა გარდუვალი

18 ადრინდელი მცნება კი გაუქმდა უსუსურობისა და უსარგებლობის გამო,

ეს.1,11. რომ.8,3. გალ.4,9.

19 ვინაიდან რჯულმა ვერაფერი სრულყო, მაგრამ შემოდის უკეთესი იმედი, რომლის მეშვეობითაც ვუახლოვდებით ღმერთს.

იოან.14,17. საქ.13,39. რომ.5,2.

20 და ეს არ მომხდარა ფიცის გარეშე,

21 ვინაიდან ისინი გახდნენ მღვდლები ფიცის გარეშე, ეს კი ფიცით მის მიერ, რომელმაც უთხრა მას: „დაიფიცა უფალმა და არ შეინანებს: ‘შენ ხარ მღვდელი უკუნისამდე მელქისედეკის წესით’“.

ფსალ.109,4.

22 ესოდენ უმჯობესი აღთქმის თავდებიც იესო გახდა. ებრ.8,5.

23 მღვდელი ბევრი იყო, რადგან სიკვდილის გამო ვერ რჩებოდნენ სამსახურში,

24 მას კი, უკუნისამდე დარჩენით გარდუვალი მღვდლობა აქვს.

25 ამიტომაც ძალუძს სრულად გადაარჩინოს ყველა, ვინც მისი შუამდგომლობით მიეახლება ღმერთს, ვინაიდან ცოცხალია მუდამ, რათა უშუამდგომლოს მათ.

იოან.1,2. რომ.8,34.

26 ასეთი მღვდელმთავარი შეგვფერის ჩვენ: წმიდა, უმანკო, გულმართალი, ცოდვილთაგან განრიდებული და ცათა ზედა ამალგებული,

გამოს.28,38. ლუკ.1,35. 1პეტ.2,22.

27 რომელსაც არ სჭირდება, როგორც იმ მღვდელმთავრებს,

ყოველდღე ჯერ თავისი ცოდვებისათვის შესწიროს მსხვერპლი და შემდეგ ხალხის ცოდვებისათვის. ვინაიდან ეს მან ერთხელ მოიმოქმედა, როცა თავი შესწირა. ლევ.16,11.

28 ვინაიდან რჯული აყენებს უძლურ ადამიანებს მღვდელმთავრებად, ხოლო ფიცის სიტყვამ, რჯულის შემდგომ, დააყენა ძე უკუნიმამდე სრულქმნილი.

თ ა ვ ი 8

შუამდგომელი ახალი და უკეთესი აღთქმის

1 მთავარი, რაზედაც ლაპარაკია, ეს არის: გვყავს ისეთი მღვდელმთავარი, რომელიც დიდების ტახტის მარჯვნივ დაჯდა ზეცაში. ებრ.1,3;4,14;7,26.

2 ის არის მსახური წმიდათა და ჭეშმარიტი კარვისა, რომელიც უფალმა ააშენა და არა ადამიანმა. ებრ.10,21.

3 ვინაიდან ყოველი მღვდელმთავარი დაყენებულია ძღვენისა და მსხვერპლის შესაწირავად. ამიტომ მასაც უნდა ჰქონდეს რაიმე მისატანი. ეფეს.5,2.

4 და თუ დარჩებოდა მიწაზე, აღარ იქნებოდა მღვდელი, ვინაიდან აქ არიან მღვდლები, რომელნიც რჯულის თანახმად სწირავენ ძღვენს,

5 რომლებიც ემსახურებიან ზეციურ სახესა და ჩრდილს, როგორც მოსეს ებრძანა, როცა იგი შეუდგა კარვის გასრულებას. „იხილე, – ეუბნება, – და გააკეთე ყოველივე იმის მსგავსად, რაც მთაზე გეჩვენა“. გამოს.25,40. საქ.7,44. კოლ.2,17. ებრ.10,1.

6 ახლა კი მან მიიღო უპირატესი მსახურება, რაკი იგი უმჯობესი აღთქმის შუამავალია და უკეთეს დაპირებებზე არის დადგენილი. ებრ.7,16;9,13.

7 ვინაიდან პირველი რომ უნაკლო ყოფილიყო, მეორისათვის ადგილს აღარ მოძებნიდნენ.

8 ვინაიდან უთხრა მათ ყვედრებით: „აჰა, დადგება დღეები, ამბობს უფალი, და დავუდებ ახალ აღთქმას ისრაელის სახლს და იუდას სახლს. იერ.31,31-34;32,37. რომ.11,27. ებრ.10,16.

9 ისეთ აღთქმას კი არა, რომელიც მათ მამებს დავუდებ იმ დღეს, როცა ხელი მოგვიდებ, რომ ეგვიპტის ქვეყნიდან გამომეყვანა; ვინაიდან ისინი არ დარჩნენ ჩემს აღთქმაში და მე უგულვებელყავი ისინი, ამბობს უფალი.

10 აჰა, აღთქმა, რომელსაც აღვუთქვამ ისრაელის სახლს იმ დღეების შემდეგ, ამბობს უფალი: ჩავდებ ჩემს რჯულს მათ გონებაში და დავწერ მათ გულებზე, და ვიქნები მათი ღმერთი და ისინი იქნებიან ჩემი ერი. იერ.24,7. ეზეკ.11,20. ზაქ.8,8. 2კორ.6,16.

11 აღარავინ ასწავლის თავის მოძმეს და თავის ძმას და არ ეტყვის: ‘შეიცანი უფალი’; რადგან ყოველი მათგანი, დიდიდან პატარამდე, შემიცნობს მე, ეს.54,13. 1იოან.2,27.

12 ვინაიდან შევუნდობ მათ უსამართლობას და ცოდვებს აღარ გავუხსენებ“. ებრ.10,17.

13 რაკი თქვა: ახალიო, ამით დააძველა პირველი, ხოლო რაც ძველდება და ბერდება, ახლოა მოსპობასთან.

თ ა ვ ი 9

პირველი კარავი, მაგალითი ახლანდელი დროისა

1 პირველ აღთქმასაც ჰქონდა ღვთისმსახურების წესდებები და ამქვეყნიური წმიდა,

2 ვინაიდან მოწყობილი იყო პირველი კარავი, რომელშიც იყო სასანთლე, ტაბლა და საწირი პური, რომელსაც წმიდა ეწოდება. გამოს.40,1.

3 მეორე ფარდის მიღმა იყო კარავი, სახელწოდებით წმიდა-თაწმიდა,

4 რომელსაც ჰქონდა ოქროს სასაკმევლე და ყოველი მხრიდან ოქროთი მოჭედილი აღთქმის კიდობანი, სადაც იყო მანანით სავსე ოქროს ტაკუკი, აარონის განედლებული კვერთხი და აღთქმის ფიქალები. გამოს.16,33. რიცხ.17,10. 2შჯ.10,1. 3მფ.8,9. 2ნშტ.5,10.

5 ხოლო მათ ზემოთ დიდების ქერუბიმნი, რომელნიც უჩრდილავდნენ შენდობის ადგილს. ამაზე ახლა ნუ ვილაპარაკებთ დაწვრილებით. გამოს.25,18.

6 ასეთნაირად მოწყობილ პირველ კარავში მუდამ შედიან მღვდლები მსახურებათა შესასრულებლად.

7 ხოლო მეორეში მარტო მღვდელმთავარი – წელიწადში ერთხელ, ოღონდ არა სისხლის გარეშე, რომელსაც სწირავს თავისათვის და ხალხის უმეცრებისათვის. გამოს.30,10. ლევ.16,2.

8 სულიწმიდა უჩვენებს ამით, რომ ჯერ კიდევ არაა გახსნილი გზა წმიდაში, სანამ დგას პირველი კარავი.

9 ეს არის აწმყო დროის მაგალითი, როდესაც სწირავენ ძღვენთა და მსხვერპლთ, რასაც არ შეუძლია შემწირველის სინდისის სრულყოფა,

10 რაც საქმელ-სასმელებითა და სხვადასხვა განბანებით, და ხორციელი წესებით, დადგენილი იყო მხოლოდ გამოსწორების დრომდე. ლევ.11,2. რიცხ.19,7. რომ.14,17.

ქრისტე – მღვდელმთავარი

11 ხოლო ქრისტე, კეთილი მომავლის მღვდელმთავარი, მოვიდა დიდი და უფრო სრულყოფილი, ხელთუქმნელი კარვით, ესე იგი, არა ამნაირად შექმნილით, ებრ.10,1.

12 არა ვაცთა და ზვარაკთა სისხლით, არამედ საკუთარი სისხლით შევიდა ერთხელ წმიდაში და მოგვიპოვა საუკუნო გამო-სყიდვა.

13 ვინაიდან თუ ვაცთა და კუროთა სისხლი და დეკეულის ფერფლის პკურება წმიდაჰყოფს გაუწმიდურებულთ, რათა განიწმიდოს სხეული, ლევ.16,14. რიცხ.19,4.

14 მით უმეტეს სისხლი ქრისტესი, რომელმაც საუკუნო სულით შესწირა ღმერთს თავისი უბიწო თავი, განწმედს ჩვენს სინდისს მკვდარი საქმეებისაგან ცოცხალი ღვთის სამსახური-სათვის. ლუკ.1,74. იოან.17,19. 1იოან.1,7. ტიტ.2,14.

შუამდგომელი ახალი აღთქმისა

15 ამიტომ ის არის ახალი აღთქმის შუამდგომელი, რათა მისი სიკვდილის შემდეგ, რაც პირველი აღთქმის დანაშაულთა გამო-სასყიდად მოხდა, მათ, ვინც მოწოდებულნი არიან მარადიული მემკვიდრეობისათვის, მიიღონ აღთქმული. 1პეტ.3,18. რომ.5,6.

16 ვინაიდან, სადაც ანდერძია, იქ აუცილებელია მოანდერძის სიკვდილი.

17 რადგან ანდერძს ძალა აქვს მხოლოდ სიკვდილის შემდეგ. მანამდე მას ძალა არა აქვს, ვიდრე მოანდერძე ცოცხალია. გალ.3,15.

18 ამიტომ არც პირველი აღთქმა იყო დამტკიცებული სისხ-ლის გარეშე.

19 ვინაიდან მოსემ, როდესაც წარმოთქვა მთელი ხალხის წინაშე ყველა მცნება რჯულისამებრ, აიღო ზვარაკთა და ვაცთა სისხლი წყალთან, მეწამულ მატყლთან და უსუბთან ერთად და აპკურა როგორც წიგნს, ისე მთელ ხალხს. გამოს.12,22. ლევ.16,14.

20 და თქვა: „ესაა სისხლი აღთქმისა, რომელიც ღმერთმა აღგიტქვათ თქვენ“. გამოს.24,8.

21 მან კარავსაც და მთელ სამსახურებელ ჭურჭელსაც მოა-პკურა სისხლი.

22 თითქმის ყველაფერი, რჯულის მიხედვით, სისხლით წმი-დავდება, და სისხლის დაღვრის გარეშე არ ხდება მიტევება.

ქრისტე შევიდა თვით ცაში

23 მაშასადამე, იმათი სახეები, რომლებიც ზეცაში არიან, უნდა წმიდავდებოდნენ ამით, თვით ზეციური კი ამაზე უმჯო-ბესი მსხვერპლებით.

24 ვინაიდან ქრისტე შევიდა არა ხელთქმნილ წმიდაში, ჭეშმარიტის ანარეკლში, არამედ თვით ცაში, რათა წარდგეს ახლა ჩვენთვის ღვთის წინაშე.

25 და არა იმისათვის, რომ მრავალგზის შეეწიროს, როგორც შედის მღვდელმთავარი ყოველწლიურად წმიდაში სხვისი სისხლით;

26 მაშინ მას წუთისოფლის დასაბამიდან მრავალგზის მოუხდებოდა ტანჯვა, ის კი ერთხელ, საუკუნეთა დასასრულს, გამოჩნდა თავისი მსხვერპლით ცოდვის აღსაკვეთად.

27 და როგორც ადამიანებს ერთხელ უწერიათ სიკვდილი და მერმე განკითხვა,

28 ასევე ქრისტეც, რომელმაც ერთხელ შესწირა თავი, რომ აღეხოცა მრავალთა ცოდვა, მეორედ გამოჩნდება არა ცოდვებისაგან განსაწმედად, არამედ მის მომლოდინეთა სახსენლად.

1 პეტ. 3, 18. რომ. 5, 6.

თ ა გ ი 10

მსხვერპლი და ყოვლადდასაწველი

1 რჯული, რომელსაც აქვს მომავალ სიკეთეთა აჩრდილი და არა თვით საგანთა ხატება, ყოველ წელს მუდმივად შეწირული ერთი და იმავე მსხვერპლით ვერასოდეს ვერ შეძლებს სრულყოს მასთან მისულები.

კოლ. 2, 17

2 თორემ შეწყვეტდნენ შესაწირავს, ვინაიდან შემწირველებს, თუ ერთხელ განიწმიდებოდნენ, აღარ ექნებოდათ ცოდვების არავითარი შეგნება.

ლევ. 16, 34.

3 მაგრამ მათში არის ცოდვების ყოველწლიური გახსენება.

4 ვინაიდან ვაცთა და კუროთა სისხლით ცოდვების მოსპობა შეუძლებელია.

მიქ. 6, 7. ებრ. 9, 12.

5 ამიტომ ქრისტე წუთისოფელში მოსვლისას ამბობს: „მსხვერპლი და შესაწირავი არ გსურს, მაგრამ სხეული განმიმზადე მე.

ფსალ. 39, 7-9.

6 ყოვლადდასაწველები და ცოდვის გამოსასყიდი არ იყო შენთვის მოსაწონი.

1 მფ. 15, 22.

7 მაშინ მე ვთქვი: ‘აჰა, მოვდივარ, როგორც წიგნის დასაწყისში წერია ჩემზე, შენი ნების აღსასრულებლად, ღმერთო’.

ფსალ. 39, 7-8. იოან. 5, 46.

8 ზემოთ რომ თქვა: „არც მსხვერპლები, არც შესაწირავები, არც ყოვლადდასაწველები, არც ცოდვის გამოსასყიდნი, რომლებსაც სწირავენ რჯულის თანახმად, შენ არ გსურს და არც არის შენთვის მოსაწონი“,

9 მაშინ დასძინა: „აჰა, მოვდივარ შენი ნების აღსასრულებლად, ღმერთო“. ის აუქმებს პირველს, რათა დაადგინოს მეორე.

10 ამ ნებით ვართ ჩვენ განწმედილნი იესო ქრისტეს სხეულის ერთგვის შეწირვით.

ებრ. 9, 28.

11 და ყოველი მღვდელი ყოველდღე დგას მსახურებად და მრავალგზის სწირავს იმავე მსხვერპლთ, რომელთაც არასოდეს არ ძალუძთ ცოდვების მოსპობა.

ებრ. 9, 9.

12 მან კი ერთი მსხვერპლი შესწირა ცოდვებისათვის და სამუდამოდ დაჯდა ღვთის მარჯვნივ.

ებრ. 1, 3.

13 მას შემდეგ კი ელის, სანამ მისი მტრები მის ფერხთა კვარცხლბეკად იქცევიან.

ფსალ. 2, 8; 109, 1. 1 კორ. 15, 25. ებრ. 1, 13.

14 ვინაიდან მან ერთი შეწირვით სამუდამოდ სრულყო განსა-
წმედელნი.

15 სულიწმიდაც გვიმოწმებს ჩვენ, ვინაიდან ნათქვამია:

16 „აჰა, აღთქმა, რომელსაც ვუანდერძებ მათ იმ დღეების
შემდეგ, ამბობს უფალი, მივცემ ჩემს რჯულს მათ გულებს და
ჩავწერ მათს გონებაში.“
იერ.31,33. რომ.11,27. ებრ.8,8.

17 „ცოდვებსა და ურჯულოებას აღარ გავუხსენებ.“

18 ხოლო სადაც ცოდვების მიტევებაა, იქ საჭირო აღარ არის
შესაწირავი მათთვის.

შეგონება სიმტკიცეზე

19 ამრიგად, ძმანო, რაკი გვაქვს გაბედულება წმიდაში შესვ-
ლისა იესოს სისხლის მეშვეობით, ახალი და ცოცხალი გზით,
იოან.10,9;14,6.

20 რომელიც გაგვიხსნა მან ფარდით, ესე იგი, თავისი ხორ-
ციით,
მათ.27,51.

21 და გვყავს მღვდელმთავარი ღვთის სახლზე,
1ტიმ.3,15.

22 მივუახლოვდეთ მას გულმართლად და სრული რწმენით,
ბოროტი სინდისისაგან სხურებით გულგაწმედილნი და სუფთა
წყლით სხეულგაბანილნი.
ლევ.16,4. ეზეკ.36,25. 2კორ.7,1. ეფეს.5,26.

23 მტკიცედ მივყვეთ იმედის აღსარებას, ვინაიდან აღმთქმელი
სარწმუნოა.

24 ყურადღებით მოვეკიდოთ ერთმანეთს, წავახალისოთ სიყვა-
რულისა და კეთილი საქმეებისათვის.

25 ნუ მივატოვებთ ჩვენს შესაკრებელს, როგორც ზოგიერ-
თებს სჩვევიათ, არამედ შევაგონოთ ერთმანეთს. და, მით
უმეტეს, რაც უფრო მეტად ატყობთ იმ დღის მოახლოებას.

2პეტ.3,8.

შედეგი თვითნებური ცოდვის შემეცნების შემდეგ

26 ვინაიდან, თუ ჩვენ მას აქეთ, რაც მივიღეთ ჰეშმარიტების
შემეცნება, კვლავ ნებას ვცოდავთ, აღარა რჩება მსხვერპლი
ცოდვებისათვის,
ებრ.6,4.

27 არამედ სამსჯავროს რაღაც საშინელი მოლოდინი და მოწი-
ნააღმდეგეთა შთანთქმისათვის გამზადებული შურის ცეცხლი.

სოფ.1,18.

28 თუკი ვინმე, მოსეს რჯულის უარმყოფელი, ორი ან სამი
კაცის მოწმობით, შეუწყალებლად ისჯება სიკვდილით,

2შჯ.17,6;19,15. მათ.18,16. იოან.8,17. 2კორ.13,1.

29 როგორ ფიქრობთ, რაოდენ უფრო მძიმე სასჯელს დაიმსა-
ხურებს ის, ვინც გათელა ძე ღვთისა და წმიდად არ მიიჩნია
აღთქმის სისხლი, რომლითაც განიწმიდა, და შეურაცხყო სული
მადლისა?

30 რადგან ჩვენ ვიცნობთ იმას, ვინც თქვა: „ჩემია შურისგება და მე მივუზღავ“. და კიდევ: „უფალი განიკითხავს თავის ერს“.

2შჯ.32,35-36. რომ.12,19.

31 საშინელებაა ცოცხალი ღვთის ხელში ჩავარდნა! ლუკ.12,5.

მოთმინება გესაჭიროებათ, რათა მიიღოთ აღთქმული

32 გაიხსენეთ უწინდელი დღეები, როცა განათლდით და დაითმინეთ ტანჯვის უდიდესი ღვაწლი.

33 ერთი მხრივ, შეურაცხყოფასა და ჭირში იყავით სხვათა სასერიოდ ქცეული, მეორეს მხრივ კი, მათ თანაუგრძნობდით, ვისაც იგივე დაემართა.

34 ვინაიდან ჩემს ბორკილებსაც თანაუგრძნობდით და თქვენი ქონების დატაცებასაც სიხარულით იტანდით, რაკი იცოდით, რომ ზეცაში გაქვთ უკეთესი და წარუვალი საუნჯე. საქ.21,11.

35 მაშ, ნუ მიატოვებთ თქვენს გაბედულებას, რომელსაც დიდი საზღაური აქვს. მათ.5,12.

36 მოთმინება გმართებთ თქვენ, რათა აღასრულოთ ღვთის ნება და მიიღოთ აღთქმული.

37 ვინაიდან კიდევ ცოტა, ძალიან ცოტაც და მოვა მომავალი, არ დააყოვნებს. ამბ.2,3-4.

38 მართალი იცოცხლებს რწმენით, ხოლო თუ უკან მიიქცევა, ჩემი სული არ მოიწონებს მას. რომ.1,17. გალ.3,11.

39 ხოლო ჩვენ უკან მიქცეულთაგანნი კი არა ვართ დასაღუპავად, არამედ მორწმუნენი სულის სახსნელად.

თ ა ვ ი 11

რწმენა და მაგალითები დაბადებიდან ნოემდე

1 ხოლო რწმენა არის მტკიცე დარწმუნება იმაში, რასაც ვესავთ, დადასტურება იმისა, რასაც ვერ ვხედავთ. რომ.8,24.

2 მასში მიიღეს უხუცესებმა დამოწმება.

3 რწმენით შევიტყობთ, რომ საუკუნეები მოწყობილია ღვთის სიტყვით, რადგან წარმოიშვა უხილავისაგან.

დაბ.1,1. ფსალ.32,6.

4 რწმენით შესწირა აბელმა ღმერთს კაენისაზე უკეთესი მსხვერპლი, რომლითაც მიიღო მოწმობა, რომ მართალია იგი, როგორც ღმერთმა დაამოწმა მის ძღვენთა შესახებ, და მისითვე კვლავ ლაპარაკობს სიკვდილის შემდეგ. დაბ.4,4. მათ.23,35.

5 რწმენით იქნა გადაყვანილი ენოქი, რათა სიკვდილი არ ენახა. ველარავინ ჰპოვა იგი, ვინაიდან ღმერთმა წაიყვანა, ვინაიდან წაყვანამდე მიიღო დამოწმება, რომ ღმერთს ააძა. დაბ.5,24.

6 ხოლო რწმენის გარეშე შეუძლებელია ღვთისთვის მოსაწონად ყოფნა, ვინაიდან ვინც ღმერთთან მიდის, უნდა სწამდეს,

რომ ღმერთი არსებობს და თავის მადიებელს სანაცვლოს მიაგებს.

7 რწმენით იყო, რომ მიიღო ნოემ გამოცხადება იმაზე, რაც ჯერ არ იყო ხილული, ღვთისმოშიშობით გაამზადა კიდობანი თავისი სახლის გადასარჩენად. ამით მსჯავრი დასდო წუთისოფელს და სიმართლის მემკვიდრე გახდა რწმენის ძალით.

დაბ.6,22. ეზეკ.14,14.

ისაკი, იაკობი, იოსები, მოსე და სხვანი

8 რწმენით იყო, რომ დაემორჩილა აბრაამი მოწოდებას, წასულიყო ქვეყანაში, რომელიც მემკვიდრეობად უნდა მიეღო, და ისე წავიდა, რომ არ იცოდა, სად მიდიოდა. დაბ.12,4.

9 რწმენით იყო, რომ შეეხიზნა აღთქმულ ქვეყანას, როგორც უცხო, და კარვებში მკვიდრობდა ისაკთან და იაკობთან – იმავე აღთქმის თანამემკვიდრეებთან ერთად.

10 ვინაიდან ელოდა ქალაქს საძირკველიანს, რომლის მშენებელი და შემოქმედი ღმერთია. ებრ.12,22.

11 რწმენით იყო, რომ სარამაც, უნაყოფომ, მიიღო ძალა თესლის გასანაყოფიერებლად და უამგარდასულმა შვა, ვინაიდან სარწმუნოდ შერაცხა აღმთქმელი. დაბ.17,19;21,2. რომ.4,19.

12 ამიტომ ერთისაგან და, ისიც ლამის მკვდრისაგან, იშვა მრავალი, როგორც ცაში ვარსკვლავები და როგორც უთვალავი ქვიშა ზღვის ნაპირზე. დაბ.15,5;22,17.

13 რწმენაში დაიხოცნენ ესენი ყველანი და ვერ მიიღეს აღთქმულნი, მხოლოდ შორიდან უყურებდნენ მათ და აღიარებდნენ, რომ უცხონი და ხიზნები არიან ამ ქვეყანაზე. დაბ.23,4;47,9.

14 ვინაიდან ისინი, ვინც ასე ლაპარაკობენ, ცხადყოფენ, რომ სამშობლოს ეძებენ.

15 ხოლო თუ გაიხსენებდნენ, საიდან გამოვიდნენ, ექნებოდათ იქ დაბრუნების დრო.

16 მაგრამ მათ სურდათ უკეთესი, ესე იგი, ზეციური. ამიტომ ღმერთსაც არ რცხვენია, რომ თავის თავს მათი ღმერთი უწოდოს, ვინაიდან მან მოუძადა მათ ქალაქი.

გამოს.3,15. მათ.22,32.

17 რწმენით იყო, რომ მიიყვანა აბრაამმა მსხვერპლად ისაკი, როცა გამოიცადა და რაკი აღთქმა ჰქონდა, მხოლოდშობილს სწირავდა. დაბ.22,9.

18 რომელზეც ნათქვამი იყო: „ისაკში გეყოლება შენ შთამომავლობა“.

დაბ.21,12. რომ.9,7.

19 ვინაიდან მიიჩნია, რომ ღმერთს მკვდრეთით აღდგენის ძალაც შესწევს. ამიტომ მიიღო იგი მაგალითის სახით.

20 რწმენით იყო, რომ აკურთხა ისაკმა იაკობი და ესავი მომავლისათვის. დაბ.27,27.

21 რწმენით იყო, რომ აკურთხა სათითაოდ იაკობმა იოსების ძენი და თაყვანი სცა ღმერთს თავის კვერთხს დაყრდნობილმა.

დაბ.47,31;48,14.

22 რწმენით იყო, რომ მოიხსენია იოსებმა აღსასრულისას ისრაელიანთა გამოსვლა და ანდერძი დატოვა თავისი ძვლების შესახებ.

დაბ.50,24.

23 რწმენით იყო, რომ მალავდნენ მოსეს მისი მშობლები დაბადებიდან სამ თვეს, ვინაიდან ხელავდნენ, რომ ბავშვი კარგი იყო, და არ შეუშინდნენ მეფის ბრძანებას.

გამოს.2,2. საქ.7,20.

24 რწმენით იყო, უარი რომ თქვა მოსემ, როცა წამოიზარდა, ფარაონის ასულის ძედ წოდებულიყო.

გამოს.2,11.

25 და ღვთის ხალხთან ტანჯვა ამჯობინა წარმატალ, ცოდვიან განცხრომას.

26 ქრისტესათვის გმობა მეტ სიმდიდრედ მიიჩნია, ვიდრე ეგვიპტის საგანძურები, ვინაიდან ხელავდა საზღაურს.

27 რწმენით იყო, რომ დატოვა ეგვიპტე და მეფის რისხვას არ შეუშინდა. ვინაიდან იგი, თითქოს უხილავს ხელავსო, მტკიცე იყო.

გამოს.10,29;13,17.

28 რწმენით იყო, რომ მოაწყო პასექი და სისხლის შეპყრება, რათა არ გაჰკარებოდა შემმუსვრელი მათ პირმშობებს.

გამოს.12,3.7.

29 რწმენით იყო, რომ გადავიდნენ მეწამულ ზღვაზე, როგორც ხმელეთზე, ხოლო ეგვიპტელებმაც სცადეს, მაგრამ დაინთქნენ.

გამოს.14,21.

30 რწმენით იყო, რომ დაეცა იერიხოვის გალავნები შვიდ-ღლიანი გარშემოვლის შემდეგ.

ისუ.6,20.

31 რწმენით იყო, რომ არ დაიღუპა ურწმუნოებთან ერთად მეძავი რახაბი, რომელმაც მშვიდობიანად მიიღო მზვერავები.

ისუ.2,1;6,24.

მათი მიღწევა რწმენით

32 კიდევ რა ვთქვა? დრო არ მეყოფა, რომ ვილაპარაკო გედეონზე, ბარაკზე, სამსონზე, იეფთაეზე, დავითზე, სამუელსა და წინასწარმეტყველებზე,

მსჯ.4,6;7,15;11,11;13,24. 1მფ.7,10;17,45.

33 რომლებიც რწმენით ამარცხებდნენ სამეფოებს, იქმოდნენ სიმართლეს, აღწევდნენ აღთქმებს, პირს უკრავდნენ ლომებს,

დან.6,22.

34 შრეტდნენ ცეცხლის ძალას, ირიდებდნენ მახვილის პირს, ძლიერდებოდნენ უძლურებისაგან, მაგრები იყვნენ ომში, დევნიდნენ უცხოთა ჯარებს.

1მფ.14,6. 3მფ.19,3. ეს.38,9. დან.3,25.

35 ცოლები გაცოცხლებულებს ღებულობდნენ თავიანთ მკვდრებს, სხვები კი ეწამებოდნენ და გამოხსნაზე უარს ამბობდნენ, რათა უკეთესი აღდგომისათვის მიეღწიათ.

3მფ.17,22. 4მფ.4,36.

36 ზოგმა დაითმინა გინება და გვემა, ბორკილები და საპყრობილები. დაბ.39,20. მსჯ.16,25. იერ.20,2.

37 მათ ქოლავდნენ, ხერხავდნენ, აწამებდნენ; მახვილით იხოცებოდნენ, დაეხეტებოდნენ ცხვრისა და თხის ტყავებით, შეჭირვებულნი, შევიწროებულნი, დათრგუნულნი.

3მფ.21,13; 25შტ.24,21. იერ.26,23.

38 ისინი, რომელთა ღირსიც არ იყო მთელი წუთისოფელი, დაეხეტებოდნენ უდაბნოებსა და მთებში, დედამიწის მღვიმეებსა და ხევხუვებში.

1მფ.22,1. 3მფ.17,3.

39 ყველა ამათგანს რწმენით დამოწმება კი ჰქონდა, მაგრამ ვერ მიიღეს აღთქმული, ლუკ.10,24.

40 იმიტომ, რომ წინასწარ გაითვალისწინა ღმერთმა ჩვენთვის მეტი სიკეთე, რათა ისინი უჩვენოდ არ განსრულებულიყვნენ.

თ ა ვ ი 12

შევხედოთ იესოს

1 ამიტომ ჩვენც, როცა ირგვლივ მოწმეთა ღრუბელი გვაქვს, ჩამოვიცილოთ ყოველგვარი ტვირთი და დამაბრკოლებელი ცოდვა, და მოთმინებით გავირბინოთ ჩვენს წინ მდებარე საზბიელი. 1პეტ.2,1. რომ.6,12. ეფეს.4,22. კოლ.3,8.

2 შევხედოთ რწმენის მიზეზსა და სრულმყოფელს – იესოს, რომელმაც მისთვის შეთავაზებული სიხარულის ნაცვლად დაითმინა ჯვარი, უგულებელყო სირცხვილი და ღვთის ტახტის მარჯვნივ დაჯდა. ლუკ.23,46. ფილ.2,8.

3 იფიქრეთ იმაზე, ვინც მოითმინა ესოდენი სიძულვილი ცოდვილთაგან, რათა თქვენ არ გატეხილიყავით სულდაძაბუნებულნი. ლუკ.2,34. საქ.28,22. გალ.6,9.

უფლისაგან წვრთნას ნუ უგულებელყოფ

4 ჯერ კიდევ სისხლამდე არ მდგარხართ ცოდვის წინააღმდეგ საბრძოლველად. 1კორ.10,13.

5 და დაივიწყეთ შეგონების სიტყვა, თქვენდამი მომართული, როგორც შვილებისადმი: „შვილო, უფლისგან წვრთნას ნუ უგულებელყოფ და მის მხილებებს ნუ წაუყრუებ.

იგ.3,11. გამოცხ.3,19.

6 რადგან ვინც უყვარს, იმას წვრთნის უფალი. სცემს ყოველ შვილს, ვისაც ღებულობს“. იოზ.5,17. ფსალ.93,12. იგ.3,12.

7 თუ თქვენ ითმენთ წვრთნას, ღმერთი გექცევით, როგორც შვილებს. ვინაიდან განა არის ისეთი შვილი, რომელსაც მამა არ წვრთნიდეს?

8 ხოლო თუ დარჩებით წვრთნის გარეშე, რაც ყველასთვის საზიაროა, მაშინ თქვენ ბუშები ყოფილხართ და არა შვილები.

9 და კიდევ: თუ ჩვენი ხორციელი მამები გვწვრთნიდნენ და გვეშინოდა მათი, განა უფრო მეტად არ უნდა დავემორჩილოთ სულთა მამას, რათა ვიცოცხოლოთ?

რიცხ.16,22. იოზ.12,10. ეკლ.12,7. ზაქ.12,1.

10 ისინი გვწვრთნიდნენ თვითნებურად მცირე დღეებისათვის, ეს კი – ჩვენი სარგებლობისათვის, რათა წილი გვქონდეს მის სიწმიდეში.

მათ.7,11. ტიტ.2,12.

11 ყოველი წვრთნა ამჟამად სიხარულად კი არ გვეჩვენება, არამედ მწუხარებად. მაგრამ შემდგომში სიმართლის მშვიდობიან ნაყოფს აძლევს მას, ვინც მის მიერ განისწავლა.

ეს.35,3.

12 აბა, გამართეთ ჩამოყრილი ხელები და დაძაბუნებული მუხლები.

13 მოასწორეთ გზები თქვენს ფერხთათვის, რათა კოჭლმა არ გადაუხვიოს, არამედ უფრო განიკურნოს.

14 ეცადეთ იქონიოთ ყველასთან მშვიდობა და სიწმიდე, ურომლისოდაც ვერავინ იხილავს უფალს.

რომ.12,18. 2კორ.7,1. 1თეს.4,3.

15 გაფრთხილდით, რომ რომელიმე თქვენგანს არ მოაკლდეს ღვთის მადლი, რათა რომელიმე მწარე ფესვმა აღმოცენებისას ზიანი არ მოიტანოს და ამით ბევრი არ შეიბილწოს.

1შჯ.29,18. გალ.5,9. 2ტიმ.2,17.

16 რათა არ იყოს თქვენს შორის გარყვნილი ან ღვთის გარეგანი, როგორც ესავი, რომელმაც ერთი შეჭამადისთვის უარი თქვა პირმშობაზე.

დაბ.25,33. 1კორ.6,15.

17 თქვენ ხომ იცით, რომ ამის შემდეგ იგი უკუგდებული იყო, როცა მოისურვა, მემკვიდრეობით მიეღო კურთხევა. ვერ მონახა მონანიების ადგილი, თუმცა ცრემლებით კი ითხოვდა ამას.

დაბ.27,34.

18 თქვენ არ მიახლოვებულხართ მთას, ხელშესახებსა და ცეცხლით აღგზნებულს, არც ბნელსა და წყვდიადს ან ქარიშხალს,

გამოს.19,12.

19 არც საყვირის ხმას და არც სიტყვათა ხმას, რომლის გამგონენიც ითხოვდნენ, რომ მათთვის აღარ გაგრძელებულიყო სიტყვა,

გამოს.20,19.

20 ვინაიდან აღარ შეეძლოთ იმ ნაბრძანების ატანა: „მხეციც რომ შეეხოს მთას, ჩაიქოლოს“.

გამოს.19,13.

21 იმდენად საშინელი იყო ეს სანახაობა, რომ მოსემაც თქვა: „შეძრწუნებული ვარ და ვკანკალებ“.

2შჯ.33,2. ფსალ.67,18.

22 მაგრამ თქვენ მიეახლეთ სიონის მთას და ცოცხალი ღვთის ქალაქს – ზეციურ იერუსალიმს და აურაცხელ ანგელოზებს,

გალ.4,26. გამოცხ.3,12.

23 კრებულს და პირმშოთა ეკლესიას, ცაში რომ არიან ჩაწერილნი, და ყველას განმკითხავ ღმერთს და განსრულებულ მართალთა სულებს,

იერ.31,9. ლუკ.10,20. გამოს.13,8.

24 და ახალი აღთქმის შუამდგომელ იესოს, და საპკურებელ

სისხლს, რომელიც აბელის სისხლზე უკეთ მეტყველებს.

დაბ.4,10. 2ტიმ.2,5.

25 ფრთხილად! ნუ უარყოფ მოლაპარაკეს, რადგან თუკი ისინი ვერ გადარჩნენ, რომელთაც უარყვეს ქვეყნად მაუწყებელი, მით უფრო ჩვენ, თუ ზურგს ვაქცევთ ზეციდან მაუწყებელს,

ებრ.1,2;2,1;3,17.

26 რომლის ხმამ მაშინ შეძრა მიწა და რომელმაც ახლა მოგვცა ასეთი აღთქმა: „კიდევ ერთხელ შევძრავ არა მარტო დედამიწას, არამედ ცასაც“.

გამოს.19,18. ანგ.2,7.

27 ეს „კიდევ ერთხელ“ ნიშნავს შეძრულთა შეცვლას, როგორც შექმნილისას, რათა დარჩეს, რაც შეუძრავია.

ფსალ.101,27. მათ.24,35.

28 ამიტომ ჩვენ, შეუძრავ სასუფეველს რომ ვღებულობთ, ვიქონიოთ მადლი, რომლითაც სათნოდ ვემსახურებით ღმერთს, მოწიწებითა და მოშიშებით.

ლუკ.1,33.

29 რადგან ჩვენი ღმერთი მჭამელი ცეცხლია.

რიცხ.11,1. 2შჯ.4,24. ეს.49,3. დან.7,9.

თ ა გ ი 13

რჩევა მორწმუნეებს ყოფაქცევაზე

1 ძმური სიყვარული დარჩეს.

2 სტუმართმოყვარეობა არ დაივიწყოთ, ვინაიდან ზოგიერთებს ანგელოზებისათვის გაუწევიათ სტუმართმოყვარეობა და არ სცოდნიათ.

დაბ.18,3;19,2. მათ.25,35. რომ.12,13.

3 გაიხსენეთ პატიმარნი, თითქოს თქვენც მათთან ერთად ყოფილყოთ შებორკილნი და ტანჯულნი, რადგან თქვენ თვითონაც სხეულში იმყოფებით.

4 ყველას ცოლ-ქმრობა იყოს პატიოსანი და სარეცელი – შეუბილწავი. მეძაგებსა და მრუშებს კი ღმერთი განიკითხავს.

1კორ.6,15.

5 თქვენი გზა იყოს ვერცხლის სიყვარულის გარეშე და იმას დასჯერდით, რაცა გაქვთ, ვინაიდან თქვა: „არ მიგატოვებ და არ დაგაგდებ“.

დაბ.28,15. ისუ 6,15. მათ.6,34.

6 ამიტომ გამხნეებულნი ვამბობთ: „უფალია ჩემი შემწე, არ მეშინია: რას მიზამს მე კაცი?“

ფსალ.117,6.

7 გაიხსენეთ თქვენი წინამძღოლები, რომლებიც გიქადაგებდნენ ღვთის სიტყვას, მათი სიცოცხლის აღსასრულის შემყურეებმა მიბაძეთ მათ რწმენას.

1თეს.5,12.

8 იესო ქრისტე იგივეა გუშინ და დღეს, და უკუნისამდეც.

1კორ.3,11. გამოცხ.1,4.

9 არ გაგიტაცოთ სხვადასხვა და უცხო მოძღვრებებმა; ვინაიდან კარგია გულის გამაგრება მადლით და არა საჭმელებით,

საიდანაც სარგებელი ვერ ნახეს მისმა მიმდევრებმა.

იოან.6,27. ეფეს.4,14.

10 ჩვენ გვაქვს სამსხვერპლო, საიდანაც ჭამის უფლება არა აქვთ კარვის მსახურთ.

1კორ.9,13.

11 ვინაიდან ცხოველთა გვამებს, რომელთა სისხლი ცოდვათათვის შეაქვს მღვდელმთავარს წმიდაში, ბანაკს გარეთ წვავენ.

ლევ.16,27.

12 ამიტომ იესოც, რათა განეწმიდა ხალხი თავისი სისხლით, კარიბჭის გარეთ იტანჯა.

მათ.21,39;27,33. გამოცხ.1,5.

13 მაშ, გავიდეთ მასთან ბანაკის გარეთ და ვიტვირთოთ მისი შეურაცხყოფა.

1პეტ.4,14. ებრ.11,26;12,2.

14 ვინაიდან არ გაგვაჩნია აქ მუდმივი ქალაქი, არამედ მომავალს ვეძებთ.

ფილ.3,20. ებრ.12,22.

15 მაშ, მისი საშუალებით მუდამ ვწირავდეთ ღმერთს ქების მსხვერპლს, ესე იგი, მისი სახელის აღმსარებელ ბაგეთა ნაყოფს.

ფსალ.49,14;50,19. ოსე.14,3.

16 არ დაივიწყოთ ქველმოქმედება და გაზიარება, ვინაიდან ასეთი მსხვერპლები სათნოა ღვთისათვის.

1კორ.9,12. ფილ.4,18.

შეგონება

17 მოუსმინეთ თქვენს წინამძღოლებს და დაემორჩილეთ მათ, ვინაიდან ისინი ფხიზლობენ თქვენს სულებზე, როგორც პასუხისმგებელნი, რათა აკეთებდნენ ამას სიხარულით და არ კვნესოდნენ, რადგან ეს სასარგებლო არ არის თქვენთვის.

ეფეს.3,3,7. მათ.25,13. საქ.20,31. 1კორ.4,1.

18 ილოცეთ ჩვენთვის, ვინაიდან დარწმუნებულნი ვართ, რომ გვაქვს კეთილი სინდისი და გვსურს ყველაფერში კეთილად ვიქცეოდეთ.

საქ.23,1. რომ.15,30.

19 უფრო მეტად კი შეგაგონებთ, გააკეთოთ ეს იმისათვის, რომ მალე დაგბრუნდე თქვენთან.

ლოცვა, რომ ღმერთმა სრულყოს ისინი ყოველ კეთილ საქმეში

20 ხოლო მშვიდობის ღმერთმა, რომელმაც საუკუნო აღთქმის სისხლით მკვდრეთით აღადგინა ცხვრის დიდი მწყემსი, ჩვენი უფალი იესო,

ეს.40,11. ზაქ.9,16. იოან.10,11. საქ.2,24. 1თეს.1,10.

21 სრულგყოთ ყოველ კეთილ საქმეში მისი ნების შესასრულებლად, თქვენში მისი მოსაწონის საქმნელად იესო ქრისტეს საშუალებით. მას დიდება უკუნითი უკუნისამდე. ამინ.

1პეტ.5,10. 2კორ.3,15. 1თეს.5,23.


მოკითხვა

22 გთხოვთ, ძმებო, შეიწყნარეთ ეს დარიგების სიტყვა, რადგან მოკლედ მოგწერეთ თქვენ.

23 იცოდეთ, გათავისუფლდა ჩვენი ძმა ტიმოთე და, თუ მალე მოვიდა, მასთან ერთად გინახულებთ.

24 მოიკითხეთ ყველა თქვენი წინამძღოლი და ყველა წმიდა. იტალიელები მოკითხვას გითვლიან.

25 მადლი ყველასთან თქვენთან. ამინ.



იოანე მოციქულის გამოცხადება

თ ა ვ ი 1

იოანეს მოწმობა

1 გამოცხადება იესო ქრისტესი, რომელიც მისცა მას ღმერთმა, რათა ეჩვენებინა თავის მსახურთათვის, რაც უნდა მოხდეს მალე, და აუწყა თავის მსახურს იოანეს, გაუგზავნა რა თავისი ანგელოზის მეშვეობით.

2 რომელმაც დაამოწმა ღვთის სიტყვა და იესო ქრისტეს მოწმობა, და რაც იხილა.

3 ნეტარია წამკითხველი და მომსმენი ამ საწინასწარმეტყველო სიტყვისა და მასში დაწერილის დამცველი, რადგან ახლოა ჟამი.

ლუკ.11,28.

აზიაში შვიდ ეკლესიას

4 იოანე აზიაში შვიდ ეკლესიას: მადლი თქვენ და მშვიდობა მისგან, რომელიც არის, იყო და მოდის, და შვიდი სულისაგან, რომლებიც მისი ტახტის წინაშე არიან, გამოს.3,14. გამოცხ.4,5.

5 და იესო ქრისტესაგან, რომელიც სარწმუნო მოწამეა, პირმო მკვდართაგან და მიწიერ მეფეთა მთავარი. მას, რომელმაც შეგვიყვარა და საკუთარი სისხლით გვიხსნა ჩვენი ცოდვებისაგან ფს.88,38. 1პეტ.1,19. 1იოან.1,7. 1კორ.15,20. კოლ.1,18.

6 და გაგვხადა ჩვენ სუფევად, მღვდლებად ღვთისა და თავისი მამისათვის, მას დიდება და ძლიერება უკუნითი უკუნი-სამდე. ამინ. გამოს.19,6. 1პეტ.2,9.

7 აჰა, ის მოდის ღრუბლებით და დაინახავს მას ყოველი თვალი, ისინიც, რომელთაც განგმირეს იგი, და აქვითინდება მის წინაშე დედამიწის ყველა ტომი. დიახ, ამინ.

ეს.3,14. ზაქ.12,10. მათ.24,30. იუდ.1,14.

8 „მე ვარ ანი და ჰოე, – ამბობს უფალი ღმერთი, – ის ვინც არის, ვინც იყო და ვინც მოდის, ყოვლისმპყრობელი.“

ეს.41,4.

იოანეს ხილვა პატმოსზე

9 მე ვარ იოანე, თქვენი ძმა და მოზიარე გასაჭირში, სუფე-
ვასა და იესო ქრისტეს მოთმინებაში. ვიყავი კუნძულზე, რომე-
ლსაც ეწოდება პატმოსი, ღვთის სიტყვისათვის და იესო
ქრისტეს მოწმობისათვის.

რომ.8,17.

10 მე ვიყავი სულში უფლის დღეს და ზურგსუკანიდან
შემომესმა დიდი ხმა, საყვირის მსგავსი,

ეს.44,6;48,12.

11 რომელიც ამბობდა: „რასაც ხედავ, დაწერე წიგნში და
დაუგზავნე შვიდ ეკლესიას: ეფესოს, სმირნას, პერგამოს, თია-
ტირას, სარდეს, ფილადელფიას და ლაოდისიას“.

12 მივბრუნდი, რომ დამენახა ხმა, რომელიც მელაპარაკებოდა,
და მივბრუნებისას ვიხილე შვიდი ოქროს სასანთლე.

გამოს.25,37. ზაქ.4,2.

13 შვიდი სასანთლის შუაში ვიხილე მსგავსი კაცის ძისა,
რომელსაც ემოსა მოსასხამი და გულმკერდზე ოქროს სარტყელი
ერტყა.

ეზეკ.1,26. დან.10,5.

14 მისი თავი და თმები თეთრი იყო, როგორც თეთრი
მატყლი, როგორც თოვლი. თვალები მისი, როგორც ცეცხლის
ალი.

დან.7,9.

15 მისი ფეხები, როგორც მოელვარე სპილენძი, როგორც
ქურაში გავარვარებული. მისი ხმა, როგორც ბევრი წყლის
ხმაური.

ეზეკ.43,2. დან.10,6.

16 მარჯვენა ხელში ეჭირა შვიდი ვარსკვლავი, მისი პირიდან
გამოდის ორღესული მახვილი, მისი სახე იყო როგორც მზე,
თავის ძალაში რომ ანათებს.

ეს.49,2. მათ.28,18. ეფეს.6,17. გამოცხ.2,16.

17 როცა ვიხილე იგი, მკვდარივით დავეცი მის ფერხთით. მან
თავისი მარჯვენა დამადო და მითხრა: „ნუ გეშინია, მე ვარ
პირველი და უკანასაკნელი,

დან.8,18.

18 და ცოცხალი. მკვდარი ვიყავი და, აჰა, ცოცხალი ვარ
უკუნითი უკუნისამდე. მიპყრია სიკვდილისა და ჯოჯოხეთის
გასაღები.

იოხ.12,14. ეს.22,22. გამოცხ.3,7.

19 ამიტომ დაწერე, რაც იხილე, რაც არის და რაც იქნება
ამის შემდეგ.

20 შვიდი ვარსკვლავის საიდუმლო, რომელიც შენ იხილე ჩემს
მარჯვენაში და შვიდი ოქროს სასანთლე: შვიდი ვარსკვლავი
შვიდი ეკლესიის ანგელოზებია, ხოლო შვიდი სასანთლე შვიდი
ეკლესიაა.

მალ.2,7.

თ ა ვ ი 2

ეფესელთა ეკლესიას: შენ მიატოვე პირველი სიყვარული

1 „ეფესოს ეკლესიის ანგელოზს მისწერე: ასე ამბობს, ვისაც შვიდი ვარსკვლავი უპყრია თავის მარჯვენაში და მიმოდის შვიდ ოქროს სასანთლეს შორის: გამოცხ.1,16.

2 ვიცი შენი საქმეები, შენი შრომა და შენი მოთმინება, და ისიც, რომ არ შეგიძლია ბოროტთა ატანა და გამოსცადე ისინი, რომლებიც თავის თავზე ამბობენ, მოციქულები ვართო, და არ არიან, და ჰპოვე ისინი ცრუებად. 1იოან.4,1. 2კორ.11,13. 2ტიმ.2,19.

3 გაქვს მოთმინება და გაიტანჯე ჩემი სახელის გულისათვის და არ დაქანცულხარ. გალ.6,9.

4 მაგრამ შენს საწინააღდეგოდ ისა მაქვს, რომ მიატოვე შენი პირველი სიყვარული.

5 ამიტომ გაიხსენე, საიდან დაეცი, და მოინანიე, და აკეთე შენი პირვანდელი საქმეები. თუ არა და, მალე მოვალ შენთან და გადავწევ შენს სასანთლეს თავისი ადგილიდან, თუ არ მოინანიებ. ეზეკ.18,24. გამოცხ.3,3.

6 მაგრამ ეს კი მაქვს, რომ გძულს ნიკოლელთა საქმეები, რომლებიც მეც მძულს.

7 ვისაც ყური აქვს, ისმინოს, რას ეუბნება სული ეკლესიებს: ვინც გაიმარჯვებს, ვაგემებინებ სიცოცხლის ხისაგან, რომელიც ღვთის სამოთხეშია. დაბ.2,9.

სმირნის ეკლესიას: იყავით ერთგულნი სიკვდილამდე

8 „სმირნის ეკლესიის ანგელოზს მისწერე: ასე ამბობს პირველი და უკანასკნელი, რომელიც მკვდარი იყო და გაცოცხლდა: ეს.41,4;44,6;48,12.

9 ვიცი შენი გასაჭირი და სიღატაკე, – თუმცა შენ მდიდარი ხარ, – და გმობა მათგან, რომლებიც თავის თავზე ამბობენ, იუდეველები ვართო, და არ არიან, არამედ სატანის საკრებულო არიან. ლუკ.6,20. იაკ.2,5. რომ.2,29.

10 ნუ გეშინია ნურაფრისა, რისი გადატანაც მოგიწევს. აჰა, ეშმაკი ჩააგდებს ზოგ თქვენგანს საპყრობილეში, რათა გამოიცადოთ. და გექნებათ ჭირი ათ დღეს. სიკვდილამდე ერთგული იყავი და მოგცემ სიცოცხლის გვირგვინს. მათ.10,21.

11 ვისაც ყური აქვს, ისმინოს, რას ეუბნება სული ეკლესიებს: გამარჯვებულს ვნება არ ექნება მეორე სიკვდილისგან.

გამოცხ.21,8.

პერგამოს ეკლესიას: სადაც სატანის ტახტია

12 „პერგამოს ეკლესიის ანგელოზს მისწერე: ასე ამბობს, ვისაც ორღესული მახვილი აქვს: გამოცხ.1,16;19,21.

13 ვიცი, რომ იქ ცხოვრობ, სადაც სატანის ტახტია, და რომ გიჭირავს ჩემი სახელი და არ უარყავი ჩემი რწმენა ჩემი ერთგული მოწამის, ანტიპას დღეებშიც კი, რომელიც მოკლეს თქვენს შორის, სადაც სატანა სახლობს.

14 მაგრამ ცოტა რამ მაქვს შენს საწინააღმდეგოდ, ვინაიდან არიან იქ შენთან, რომლებიც მისდევენ ბალამის მოძღვრებას, რომელმაც ასწავლა ბლავს და აცდუნა ისრაელიანები, რათა ეჭამათ ნაკერპავი და ემეძავათ. რიცხ.25,1;31,16.

15 ასევე იმყოფებიან შენთან, რომლებიც მისდევენ ნიკოლელთა მოძღვრებას, რომელიც მე მძულს.

16 მაშ, მოინანიე, თუ არა და მალე მოვალ შენთან და შევებრძოლები მათ ჩემი პირის მახვილით. ეს.11,4. 2თეს.2,8. გამოცხ.1,16.

17 ვისაც ყური აქვს, ისმინოს, რას ეუბნება სული ეკლესიებს: გამარჯვებულს მივცემ შენახული მანანისაგან და მივცემ მის თეთრ ქვას და ქვაზე დაწერილ ახალ სახელს, რომელიც არავინ არ იცის, გარდა მიმღებისა. ეს.65,15. იოან.6,33.

თიატირას ეკლესიას: რაც გაქვს, გეჭიროს, ვიდრე მოვიდოდე

18 „თიატირას ეკლესიის ანგელოზს მისწერე: ასე ამბობს ძე ღვთისა, რომლის თვალები ცეცხლის ალს წააგავს და თეხები მისი ელვარე სპილენძივითაა: გამოცხ.1,14-15.

19 ვიცი შენი საქმენი და სიყვარული, შენი რწმენა და მსახურება, შენი მოთმინება და რომ შენი უკანასკნელი საქმეები პირველზე მეტია. 2კორ.9,12.

20 მაგრამ შენს საწინააღმდეგოდ ისა მაქვს, რომ ნებაზე უშვებ დედაკაც იეზაბელს, რომელიც თავის თავს წინასწარმეტყველს უწოდებს, ასწავლის და აცდენს ჩემს მსახურთ, რომ იმეძაონ და ნაკერპავი ჭამონ. გამოს.34,15. 1კორ.10,19.

21 მე მიგეცი მას დრო, რომ მოენანიებინა, მაგრამ არ სურს მოინანიოს თავისი მეძაობა.

22 აჰა, მე დავაგდე მას სარეცელზე ხოლო მათ, ვინც მასთან ერთად მეძაობდნენ, დიდ გასაჭირში ჩავყრი, თუ არ მოინანიებენ თავიანთ საქმეებს.

23 სიკვდილით დაეხოცავ მის შვილებს და გაიგებს ყველა ეკლესია, რომ მე ვიკვლევ თირკმელებს და გულს, და ყოველ თქვენგანს თავისი საქმეების მიხედვით მივუზღავ.

1მფ.16,7. ფსალ.7,10. იერ.11,20;17,10.

24 ხოლო დანარჩენებს, რომლებიც თიატირში იმყოფებით, გეუბნებით: ყველას, ვისაც არა აქვს ეს მოძღვრება და არ იცის სატანის სიღრმეები, როგორც ისინი ამბობენ, არ დაგაკისრებთ სხვა ტვირთს.

25 რაც გაქვთ, მხოლოდ ის გეჭიროთ, ვიდრე მოვიდოდე.

26 ვინც გაიმარჯვებს და ბოლომდე დაიცავს ჩემს საქმეებს, მას მივცემ ხელმწიფებას წარმართებზე, — დან.7,22. იოან.6,29. 1კორ.6,3.

27 დამწყემსავს მათ რკინის კვერთხით და დაიმსხვრევიან, როგორც თიხის ჭურჭელი, - ისევე, როგორც მე მივიღე ჩემი მამისაგან. ფსალ.2,9.

28 და მივცემ მას ცისკრის ვარსკვლავს. 2პეტ.1,19. გამოცხ.22,16.

29 ვისაც ყური აქვს, ისმინოს, რას ეუბნება სული ეკლესიებს.

თ ა ვ ი 3

ჩემთან ივლიან თეთრი სამოსით

1 „სარდის ეკლესიის ანგელოზს მისწერე: ასე ამბობს, ვისაც აქვს შვიდი სული ღვთისა და შვიდი ვარსკვლავი: ვიცი შენი საქმენი, რომ გაქვს სახელი, თითქოს ცოცხალი იყო, შენ კი მკვდარი ხარ.

2 იფხიზლე და განამტკიცე დანარჩენები, სიკვდილთან ახლო მყოფნი, ვინაიდან ვერ დავინახე, რომ შენი საქმეები სრულყოფილი იყოს ჩემი ღვთის წინაშე. ეზეკ.33,7. მათ.24,42.

3 გაიხსენე, როგორ მიიღე და მოისმინე. დაიცავი და მოინანიე. თუ არ იფხიზლებ, მოვალ, როგორც ქურდი, და ვერ გაიგებ, რა ღროს მოგივალ. 2პეტ.3,10. 1თეს.5,2. გამოცხ.16,15.

4 თუმცა სარდეში გყავს რამდენიმე კაცი, რომელთაც არ წაუბილწავთ თავიანთი სამოსელნი, და ჩემთან ერთად ივლიან თეთრებში, ვინაიდან ღირსნი არიან. გამოცხ.6,11;7,9;19,8.

5 გამარჯვებული ჩაიცვამს თეთრ სამოსელს და მის სახელს არ ამოვშლი სიცოცხლის წიგნიდან, და ვაღიარებ მის სახელს ჩემი მამის წინაშე და მისი ანგელოზების წინაშე. ლუკ.10,20. ფილ.4,3.

6 ვისაც ყური აქვს, ისმინოს, რას ეუბნება სული ეკლესიებს.

მოვეცი ღია კარი

7 „ფილადელფიის ეკლესიის ანგელოზს მისწერე: ასე ამბობს წმიდა, ჭეშმარიტი, რომელსაც აქვს დავითის გასაღები, რომელიც გააღებს და ვერავინ დაკეტავს, დაკეტავს და ველარავინ გააღებს: იობ.12,14. ეს.22,22. ლუკ.1,32. გამოცხ.1,8.

8 ვიცი შენი საქმენი. აჰა, შენს წინაშე დავდგი ღია კარი, რომლის დაკეტვაც არავის ძალუძს, რადგან მცირე ძალა გაქვს. მაგრამ შეინახე ჩემი სიტყვა და არ უარყავი ჩემი სახელი. 1კორ.16,9. კოლ.4,3.

9 აჰა, გადმოგცემ იმათ სატანის საკრებულოდან, რომლებიც თავიანთ თავზე ამბობენ, იუდეველები ვართო და არ არიან, არამედ ცრუობენ. აჰა, ისე მოგუწყობ მათ, რომ მოვიდნენ და თაყვანი გცენ შენს ფერხთა წინაშე, და გაიგებენ, რომ მე შეგიყვარე. ეს.49,23;60,14.

10 რაკი შენ დაიცავი სიტყვა ჩემი მოთმინებისა, მეც დაგი-

ცავ განსაცდელის ჟამისაგან, რომელიც მოვა მთელ მსოფლიოზე, რომ გამოსცადოს დედამიწის მკვიდრნი. 2პეტ.2,9. 1კორ.10,13.

11 აჰა, მოვალ მალე; გეპყრას, რაც გაქვს, რათა არავინ წაგართვას შენი გვირგვინი. გამოცხ.2,10.

12 გამარჯვებულს გავხდი სვეტად ჩემი ღვთის ტაძარში და იგი აღარ გავა გარეთ. დავაწერ მასზე ჩემი ღვთის სახელს და ჩემი ღვთის ქალაქის, ახალი იერუსალიმის სახელს, რომელიც ციდან ჩამოდის ჩემი ღვთისაგან, და ჩემს ახალ სახელს.

ებრ.12,22. გამოცხ.2,17;14,1.

13 ვისაც ყური აქვს, ისმინოს, რას ეუბნება სული ეკლესიებს.

ვდგავარ კართან და ვრეკ

14 „ლაოდიკიის ეკლესიის ანგელოზს მისწერე: ასე ამბობს ამინი, მოწამე სარწმუნო და ჭეშმარიტი, დასაბამი ღვთის ქმნილებისა: კოლ.1,15.

15 ვიცი შენი საქმენი: შენ არც ცივი ხარ, არც ცხელი. ო, ნეტა ან ცივი იყო ან ცხელი!

16 მაგრამ რაკი ნელ-თბილი ხარ შენ, არც ცივი და არც ცხელი, ამიტომ ამოგანთხევ ჩემი პირიდან.

17 ვინაიდან შენ ამბობ: მე მდიდარი ვარ, გავმდიდრდი და არაფერი მაკლიაო. ის კი არ იცი, რომ უბედური ხარ და საცოდავი, ღატაკი, ბრმა და შიშველი. ოსე.12,8. 1კორ.4,8.

18 მე გირჩევ იყიღო ჩემგან ცეცხლით განწმედილი ოქრო, რომ გამდიდრდე, და თეთრი სამოსელი, რომ შეიმოსო და აღარ ჩანდეს შენი სიშიშველის აუგი, და თვალის მალამო, რათა წაიციხო თვალებზე, რომ ხედავდე. გამცხ.7,13;16,15.

19 ვინც მიყვარს, მათ ვამხილებ და ვწვრთნი. აბა, ეშურე და მოინანიე. იგ.3,12. ებრ.12,5.

20 აჰა, ვდგავარ კართან და ვრეკ. თუ ვინმე მოისმენს ჩემს ხმას და გამიღებს კარს, შევალ მასთან. მე მასთან ვივახშმებ და ის ჩემთან. ჭეზა.5,2. იოან.14,23.

21 გამარჯვებულს გვერდში მოვისვამ, ჩემს ტახტზე, ისევე, როგორც მე გავიმარჯვე და დავჯექი ჩემს მამასთან მის ტახტზე. მათ.19,28. გამოცხ.1,6;2,27.

22 ვისაც ყური აქვს, ისმინოს, რას ეუბნება სული ეკლესიებს.“

თ ა ვ ი 4

ტახტი და ოცდაოთხი უხუცესი

1 ამის შემდეგ ვიხილე, აჰა, ღია კარი ცაში და პირველი ხმა, რომელიც შემომესმა, საყვირივით დამელაპარაკა და მითხრა: „ამოდი აქ და გირვენებ, რაც უნდა მოხდეს ამის შემდგომ“.

2 მყისვე აღმოვჩნდი სულში და აჰა, ტახტი იდგა ცაში და ვილაც იჯდა ტახტზე. ეს.6,1. ეზეკ.1,26. დან.7,9.

3 ვინც იჯდა, შესახედაობით წააგავდა იასპის ქვას და სარდიონს. ხოლო ცისარტყელა ტახტის ირგვლივ შესახედაობით წააგავდა ზურმუხტს.

4 ტახტის ირგვლივ ოცდაოთხი ტახტი იყო, ხოლო ტახტებზე ისხდა ოცდაოთხი უხუცესი, რომელთაც ემოსათ თეთრი სამოს-ლები და თავებზე ოქროს გვირგვინები ედგათ.

გამოცხ.1,6;2,26;3,4;6,11;7,13.

5 ტახტიდან გამოდიან ელვანი, ქუხილნი და ხმანი. ტახტის წინ შვიდი ცეცხლოვანი ჩირაღდანი ანთია, რომლებიც შვიდი სულია ღვთისა. ზაქ.4,10. გამოცხ.1,4;5,6;8,5.

6 ტახტის წინ ბროლის მსგავსი მინის ზღვაა, ტახტის შუა და ტახტის ირგვლივ – ოთხი ცხოველი, წინიდან და უკნიდან თვალებით სავსე.

7 პირველი ცხოველი ლომს ჰგავდა, მეორე ცხოველი ხბოს ჰგავდა, მესამე ცხოველს ადამიანივით სახე ჰქონდა, მეოთხე ცხოველი მფრინავ არწივს ჰგავდა.

8 ამ ოთხი ცხოველიდან თითოეულს ექვსი ფრთა ჰქონდა ირგვლივ და შიგნით თვალებით იყვნენ სავსენი. არც დლით, არც ღამით არ ჰქონდათ მოსვენება და ამბობდნენ: „წმიდაა, წმიდაა, წმიდაა უფალი ღმერთი, ყოვლისმპყრობელი, რომელიც იყო, არის და მოვა“. ეს.6,2-3. გამოცხ.1,8.

9 როცა ცხოველები დიდებას, პატივს და მადლობას უძღვნიდნენ ტახტზე მჯდომარეს, ცოცხალს უკუნითი უკუნი-სამდე,

10 ოცდაოთხი უხუცესი დაემხო ტახტზე მჯდომარის წინ და თაყვანი სცა უკუნითი უკუნისამდე ცოცხალს, თავიანთი გვირ-გვინები დაამხეს ტახტის წინ და თქვეს:

11 „შენ ღირსი ხარ, უფალო და ღმერთო ჩვენო, რომ მიიღო დიდება, პატივი და ძალა, ვინაიდან შენ შექმენი ყოველივე და შენი ნებით იყვნენ და შეიქმნენ“.

თ ა ვ ი 5

დაბეჭდილი წიგნი და კრავი

1 ვიხილე ტახტზე მჯდომარის მარჯვენაში შიგნიდან და გარედან ნაწერი წიგნი, შვიდი ბეჭდით დაბეჭდილი. ეს.29,11.

2 ვიხილე ძლიერი ანგელოზი, დიდი ხმით მაუწყებელი: „ვინ არის ამ წიგნის გადაშლისა და მისი ბეჭდების ახსნის ღირსი?“

3 არავის შეეძლო არც ცაში, არც მიწაზე, არც მიწის ქვეშ ამ წიგნის გადაშლა ან მასში ჩახედვა.

4 ბევრს ვტიროდი იმის გამო, რომ არ მოიძებნებოდა ამ წიგნის გადაშლის ან მასში ჩახედვის ღირსი.

5 ერთმა უხუცესთაგანმა მითხრა: „ნუ სტირი, გაიმარჯვა ლომმა, იუდას ტომიდან, დავითის ფესვმა, რათა გახსნას წიგნი და მისი შვიდი ბეჭედი“. დაბ.49,9. ეს.11,1.10. რომ.15,12.

6 შევხედე და, აჰა, ტახტსა და ოთხ ცხოველს შორის და უხუცესებს შორის იდგა კრავი, როგორც დაკლული, და მას ჰქონდა შვიდი რქა და შვიდი თვალი, რომლებიც ღვთის შვიდი სულია, წარმოგზავნილი მთელ დედამიწაზე. ეს.53,7. 1პეტ.1,19.

7 და მოვიდა და აიღო წიგნი ტახტზე მჯდომარის მარჯვენაიდან.

8 და როცა მან აიღო წიგნი, ოთხი ცხოველი და ოცდაოთხი უხუცესი დაემხო კრავის წინ. ყოველ მათგანს ხელთ ეპყრა ქნარი და საკმევლებით სავსე ოქროს თასები, რომლებიც წმიდათა ლოცვებია.

9 გალობენ ახალ საგალობელს და ამბობენ: „შენ ღირსი ხარ, აიღო წიგნი და ახსნა მისი ბეჭდები, ვინაიდან შენ დაიკალი და შენი სისხლით გამოგვისყიდე ღვთისათვის ყოველი ტომისა და ენისაგან, ხალხისა და ერისაგან. საქ.20,28.

10 და შეუქმენი ისინი ჩვენს ღმერთს სამეფოდ და მღვდლებად, და იმეფებენ დედამიწაზე“. გამოს.19,6. 1პეტ.2,9.

11 ვიხილე და მოვისმინე მრავალი ანგელოზის ხმა ტახტის, ცხოველებისა და უხუცესების ირგვლივ, და მათი რიცხვი იყო ათიათასჯერ ათიათასი და ათასჯერ ათასი, დან.7,10. ებრ.12,22.

12 რომლებიც დიდი ხმით ლაპარაკობდნენ: „ღირსია დაკლული კრავი, მიიღოს ძალა და სიმდიდრე, სიბრძნე და სიმტკიცე, დიდება, პატივი და კურთხევა“.

13 და ყოველი ქმნილება, რომელიც არის ცაში და მიწაზე, მიწის ქვეშ და ზღვაში, და ყველაფერი, რაც მათშია, მესმოდა, რომ ამბობდა: „ტახტზე მჯდომსა და კრავს კურთხევა და პატივი და დიდება და ძლიერება უკუნითი უკუნისამდე“.

ფილ.2,10. გამოცხ.7,10.

14 და თქვა ოთხმა ცხოველმა: „ამინ“. ოცდაოთხი უხუცესი დაემხო და თაყვანი სცა ცოცხალს უკუნითი უკუნისამდე.

თ ა ვ ი 6

ოთხი მხედარი

1 ვიხილე, რომ კრავმა ახსნა ერთი ბეჭედი შვიდთაგან და მომესმა, ოთხიდან ერთი ცხოველი თითქოს ქუხილის ხმით ლაპარაკობდა: „მოდი“.

2 შევხედე და, აჰა, თეთრი ცხენი და ზედ მხედარი, რომელსაც ჰქონდა მშვილდი და მიცემული ჰქონდა გვირგვინი. და გამოვიდა გამარჯვებული და რათა გაიმარჯვოს. გამოცხ.19,11.

3 როცა ახსნა მეორე ბეჭედი, მომესმა ხმა მეორე ცხოველისა, რომელიც ამბობდა: „მოდით და იხილეთ“.

4 გამოვიდა მეორე ცხენი, წითელი. მის მხედარს მიცემული ჰქონდა დედამიწიდან მშვიდობის წაღების ნება, რათა ერთმანეთი დაეხოცათ. მიცემული ჰქონდა დიდი მახვილი.

5 როცა მესამე ბეჭედი ახსნა, მომესმა ხმა მესამე ცხოველისა, რომელიც ამბობდა: „მოდით და იხილეთ“. ვიხილე, აჰა, შავი ცხენი და მის მხედარს ხელში სასწორი ეპყრა. გამოცხ.5,9.

6 ოთხი ცხოველის შუაგულიდან მომესმა ხმა, რომელიც ამბობდა: „საწყაო ხორბალი დინარად და სამი საწყაო ქერი დინარად, ხოლო ზეთსა და ღვინოს ნურას ავანებ“.

7 როცა მეოთხე ბეჭედი ახსნა, მომესმა მეოთხე ცხოველის ხმა, რომელიც ამბობდა: „მოდით და იხილეთ“.

8 შევხედე, და აჰა, ფერმიხდილი ცხენი და მისი მხედარი, რომლის სახელი სიკვდილია. ჯოჯოხეთი მოყვებოდა მას და მიცემული ჰქონდათ ხელმწიფება დედამიწის მეოთხედ ნაწილზე, რომ დაეხოცათ მახვილით და შიმშილით, ქირით და მიწის მხეცებით. ეზეკ.14,21.

9 როცა მეხუთე ბეჭედი ახსნა, სამსხვერპლოს ქვეშ დავინახე სულელები დახოცილთა ღვთის სიტყვისათვის და მოწმობისათვის, რომელიც მათ ჰქონდათ.

10 დიდი ხმით ღაღადებდნენ და ამბობდნენ: „ხელმწიფევი წმიდაო და ჭეშმარიტო, როდემდე არ განიკითხავ და არ იძიებ შურს დედამიწის მცხოვრებლებზე ჩვენი სისხლისათვის“.

ლუკ.18,7. გამოცხ.19,2.

11 მიეცა თითოეულ მათგანს თეთრი სამოსი და ეთქვა, რომ დამშვიდებულიყვნენ კიდევ ცოტა ხანს, ვიდრე მათი თანამორჩილნი და მათი ძმები, რომელნიც მათსავით მოკლულნი იქნებიან, არ შეასრულებენ რიცხვს. გამოცხ.3,5;7,9.

12 როცა მეექვსე ბეჭედი ახსნა, ვიხილე, აჰა, მოხდა დიდი მიწისძვრა, მზე გაშავდა, როგორც ბალნის ძაძა, და მთვარე მთლიანად სისხლივით გახდა. ეს.34,4. მათ.24,29. ებრ.1,11.

13 ცის ვარსკვლავები მიწაზე ჩამოცვივდნენ, როგორც ძლიერი ქარით შერხეულ ლელვის ხეს გასცვივა მკვახე ლელვი.

14 ცა გაუჩინარდა დაგრაგნილი წიგნივით. ყოველი მთა და კუნძული დაიძრა თავისი ადგილიდან.

15 დედამიწის მეფეები და მთავრები, ათასისთავები, მდიდრები და ძლიერები, ყოველი მონა და თავისუფალი მიიმაღნენ მღვიმეებსა და მთის გამოქვაბულებში.

16 უთხრეს მთებსა და კლდეებს: „ზედ დაგვემხეთ და დაგვმაღეთ ტახტზე მჯდომარის პირისაგან და კრავის რისხვისაგან.“

ეს.2,19. ოსე.10,8. ლუკ.23,30. გამოცხ.9,6.

17 ვინაიდან მოვიდა მათი დიდი რისხვის დღე და ვინ გაუძლებს?“

თ ა ვ ი 7

ბეჭედდასმულნი ისრაელის ყოველი ტომიდან

1 ამის შემდეგ ვიხილე დედამიწის ოთხ მხარეს მდგარი ოთხი ანგელოზი, რომელთაც ეპყრათ დედამიწის ოთხი ქარი, რომ არ ექროლა ქარს არც მიწაზე, არც ზღვაზე, არც რომელიმე ხეზე.

2 ვიხილე სხვა ანგელოზი, მზის აღმოსავლიდან ამომაგალი, ცოცხალი ბეჭდის მქონე, და დიდი ხმით შესძახა ოთხ ანგელოზს, რომელთაც ნება ჰქონდათ მიცემული, ევნოთ მიწისა და ზღვისათვის, და უთხრა:

3 „ნუ დააზიანებთ მიწას, ზღვასა და ხეს, ვიდრე ბეჭდებს შუბლებზე დაგასვამდეთ“.

ეზეკ.9,4. გამოცხ.14,1.

4 მომესმა ბეჭედდასმულთა რიცხვი: ას ორმოცდაოთხი ათასი ბეჭედდასმული, ისრაელიანთა ყველა ტომიდან თორმეტი ათასი;

5 იუდას ტომიდან თორმეტი ათასი ბეჭედდასმული; რეუბენის ტომიდან თორმეტი ათასი; გადის ტომიდან თორმეტი ათასი;

6 აშერის ტომიდან თორმეტი ათასი; ნეფთალის ტომიდან თორმეტი ათასი; მენაშეს ტომიდან თორმეტი ათასი;

7 სიმონის ტომიდან თორმეტი ათასი; ლევის ტომიდან თორმეტი ათასი; ისახარის ტომიდან თორმეტი ათასი;

8 ზებულუნის ტომიდან თორმეტი ათასი; იოსების ტომიდან თორმეტი ათასი; ბენიამინის ტომიდან თორმეტი ათასი ბეჭედდასმული.

დიდძალი ხალხი ყოველი ერიდან თეთრი სამოსლით

9 ამის შემდეგ ვიხილე: აჰა, უამრავი ხალხი, რომლის დათვლა არავის შეეძლო, ყოველი ერიდან და ტომიდან, ხალხებიდან და ენებიდან. იდგნენ ტახტის წინ და კრავის წინ სპეტაკი სამოსელით შემოსილნი და პალმებით ხელში. გამოცხ.3,5;6,11.

10 იძახდნენ დიდი ხმით და ამბობდნენ: „ხსნა ჩვენს ღმერთს, ტახტზე მჯდომარეს, და კრავს!“

იერ.3,23. ოსე.13,4. გამოცხ.19,1.

11 ყველა ანგელოზი იდგა ტახტის, უხუცესებისა და ოთხი ცხოველის ირგვლივ. და პირქვე დაემხნენ ტახტის წინაშე და თაყვანი სცეს ღმერთს.

12 ამბობდნენ: „ამინ! კურთხევა, დიდება, სიბრძნე, მადლობა, პატივი, ძალა და სიმაგრე ჩვენს ღმერთს უკუნითი უკუნისამდე! ამინ“.

13 მომიგო ერთმა უხუცესთაგანმა და მითხრა: „ეს თეთრი სამოსლით შემოსილები ვინ არიან ან საიდან მოვიდნენ?“

14 მე ვუთხარი მას: „უფალო ჩემო, შენ იცი“. და მან მითხრა: „ესენი არიან დიდი გასაჭირიდან მოსულები. გაირეცხეს თავიანთი სამოსი და გაასპეტაკეს ისინი კრავის სისხლით.

ეს.1,18. ებრ.9,14.

15 ამიტომ არიან ღვთის ტახტის წინ და ემსახურებიან მას დღე და ღამე მის ტახტში. და ტახტზე მჯდომარე გაშლის თავის კარავს მათზე. ეს.4,2. გამოცხ.21,3.

16 აღარ მოშივდებათ, აღარც მოსწყურდებათ, აღარც მზე დასწვავთ და არავითარი პაპანაქება. ფსალ.120,6. ეს.49,10.

17 ვინაიდან კრავი, რომელიც ტახტის შუაშია, აძოვებს მათ და სიცოცხლის წყლის წყაროებზე მიიყვანს. და მოსწმედს მათ ღმერთი თვალთაგან ყველა ცრემლს“.

ფსალ.22,1;35,8. ეს.25,8. გამოცხ.21,4.

თ ა ვ ი 8

მეშვიდე ბეჭდის მოხსნა

1 როცა მეშვიდე ბეჭედი ახსნა, ღუმილი ჩამოვარდა ცაში ასე ნახევარ საათს.

2 ვიხილე შვიდი ანგელოზი, რომლებიც ღვთის წინ იდგნენ. და მიეცა მათ შვიდი საყვირი. მათ.18,10.

3 მოვიდა სხვა ანგელოზი და დადგა სამსხვერპლოსთან და ოქროს საცეცხლური ეპყრა, და მიცემული ჰქონდა ბევრი საკმეველი, რათა ყველა წმიდას ლოცვებთან ერთად მიეტანა ოქროს სამსხვერპლოზე, ტახტის წინ. გამცხ.5,8;6,9.

4 ავიდა საკმევლის კვამლი წმიდათა ლოცვებთან ერთად ანგელოზის ხელით ღვთის წინაშე. ფსალ.140,2.

5 აიღო ანგელოზმა საცეცხლური, აავსო იგი ცეცხლით სამსხვერპლოდან და ჩამოაგდო დედამიწაზე. და იქმნა ქუხილნი და ხმანი, და ელვანი და მიწისძვრა. გამცხ.11,19;16,18.

6 შვიდი ანგელოზი, რომელთაც შვიდი საყვირი ჰქონდათ, მოემზადა დასაყვირებლად.

შვიდი ანგელოზი საყვირებით

7 პირველმა დააყვირა საყვირს, და წარმოიშვა სისხლნარევი სეტყვა და ცეცხლი და გადმოგდებულ იქნა დედამიწაზე. მიწის მესამედი დაიწვა, ხეების მესამედი დაიწვა და მწვანე ბალახი მთლიანად გადაიბუგა.

8 მეორე ანგელოზმა დააყვირა საყვირს და, რალაც მსგავსი აღმოდებული დიდი მთისა გადმოგდებულ იქნა ზღვაში. და ზღვის მესამედი სისხლად იქცა.

9 ამოწყდა ზღვაში სულდგმულთა მესამედი და ხომალდების მესამედი.

10 მესამე ანგელოზებმა დააყვირა საყვირს და ციდან ჩამოვარდა დიდი ვარსკვლავი, გახურებული ჩირაღდანით იწვოდა, და ჩავარდა მდინარეთა მესამედ ნაწილზე და წყალთა წყაროებზე.

11 ამ ვარსკვლავის სახელი იყო აბზინდა. წყლების მესა-

მედი ნაწილი აბზინდად იქცა და დიდძალი ხალხი დაიხოცა წყლებისაგან, ვინაიდან დამწარდნენ ისინი.

12 მეოთხე ანგელოზმა დააყვია საყვირს და მოისპო მზის მესამედი, მთვარის მესამედი და ვარსკვლავთა მესამედი, რათა დაბნელებულიყო მათი მესამედი და დღის მესამედს აღარ ენათებინა, ისევე როგორც ღამისას.

13 ვიხილე და მოვუსმინე ერთ არწივს, რომელიც ცის შუაში დაფრინავდა და დიდი ხმით ამბობდა: „ვაი, ვაი, ვაი დედამიწაზე მცხოვრებთ სამი ანგელოზის საყვირთა დანარჩენი ხმები-საგან, რომელთაც მოუწევს დაყვირება“.

თ ა ვ ი 9

მეხუთე საყვირი

1 მეხუთე ანგელოზმა დააყვია საყვირს და ვიხილე ციდან დედამიწაზე ჩამოვარდნილი ვარსკვლავი, და მიეცა მას უფსკრულის ჯურღმულის გასაღები.

2 მან გახსნა უფსკრულის ჯურღმული და ამოვარდა კვამლი ჯურღმულიდან, როგორც დიდი ღუმლის კვამლი. და დაბნელდა მზე და ჰაერი ჯურღმულის კვამლისაგან.

3 კვამლიდან გამოვიდნენ კალიები დედამიწაზე და მიეცა მათ ძალა, როგორც აქვთ ძალა მიწის მორიელთ.

4 ეთქვა მათ, რომ არ დაეზიანებინათ დედამიწის ბალახეულობა, და არავითარი მწვანილეულობა და არავითარი ხე, არამედ მხოლოდ ადამიანები, რომელთაც შუბლზე არა აქვთ ღვთის ბეჭედი.

გამოს.12,23. ეზეკ.9,4. გამოცხ.7,3.

5 მიეცათ ნება მათ არ დაეხოცათ ისინი, არამედ მხოლოდ ეწამებინათ ხუთ თვეს. და ჰგავს მათი წამება წამებას მორიელისაგან, როდესაც უკბენს ადამიანს.

6 იმ დღეებში ადამიანები სიკვდილს დაუწყებენ ძებნას, მაგრამ ვერ იპოვიან მას. ინატრებენ სიკვდილს, მაგრამ სიკვდილი გაექცევა მათ.

იოზ.3,21. ეს.2,19. ოსე.10,8. ლუკ.23,30.

7 შესახედაობით კალიები წააგავდნენ საომრად გამზადებულ ცხენებს. მათ თავებზე გვირგვინები იყო, მსგავსი ოქროსი, და მათი სახეები – როგორც ადამიანთა სახეები.

8 ჰქონდათ თმები, როგორც დედაკაცთა თმები, ხოლო მათი კბილები იყო, როგორც ლომისანი.

იოელ.1,6.

9 ჰქონდათ ჯავშანი, როგორც რკინისა, ხოლო მათი ფრთების ხმა, როგორც გრიალი მრავალი ეტლისა და ცხენისა, საომრად რომ მიიჩქარიან.

იოელ.2,5.

10 ჰქონდათ კუდები, მსგავსნი მორიელთა, და ნესტრები. და მათ კუდებში იყო მათი ხელმწიფება, ხუთ თვეს ადამიანთა საწამებლად.

11 მეფედ ჰყავდათ უფსკრულის ანგელოზი, რომელსაც ებრაულად ჰქვია აბადონი, ხოლო ბერძნულად აქვს სახელი აპოლიონი.

12 ერთი უბედურება წავიდა, აჰა, მოდის მის შემდეგ კიდევ ორი.

მეექვსე საყვირი

13 მეექვსე ანგელოზმა დააყვირა საყვირს და მომესმა ერთი ხმა ღვთის წინაშე მდგარი ოქროს სამხსვერპლოს ოთხი რქისაგან,

14 ეუბნებოდა მეექვსე ანგელოზს, რომელსაც ჰქონდა საყვირი: „ახსენი ოთხი ანგელოზი, რომლებიც დაბმულნი არიან დიდ მდინარე ევფრატზე.“

15 და ახსნილ იქნა ოთხი ანგელოზი, მზად იყვნენ ყოველ საათს და ღღეს, თვესა და წელიწადს, ადამიანთა მესამედის ამოსაწყვეტად.

16 ცხენოსანთა ჯარის რიცხვი იყო ორასი ათასჯერ ათასი და მოვისმინე მათი რიცხვი.

17 ასეთ ჩვენებაში ვიხილე ცხენები და მხედრები, რომელთაც ჰქონდათ ცეცხლოვანი, ცისფერი და გოგირდოვანი ჯავშნები, და ცხენის თავები, როგორც ლომთა თავები და მათ პირთაგან გამოდიოდა ცეცხლი, კვამლი და გოგირდი.

18 ამ სამი წყლულისაგან – ცეცხლის, კვამლისა და გოგირდისაგან, რომლებიც მათ პირიდან გამოდიოდა, დაიხოცა ადამიანთა მესამედი ნაწილი.

19 ვინაიდან ცხენტა ძალა მათ პირებსა და მათ კუდებშია; ხოლო მათი კუდები ჰგავდნენ გველებს და ჰქონდათ თავები, რომლითაც ხალხს ვნებდნენ.

20 დანარჩენმა ადამიანებმა კი, რომლებიც ამ წყლულებით არ დახოცილან, არ მოინანიეს თავიანთი ხელის ნამოქმედარნი, რომ თაყვანი არ ეცათ ეშმაკებისათვის, ოქროს, ვერცხლის, სპილენძის, ქვისა და ხის კერპებისათვის, რომელთაც არც ხილვა შეუძლიათ, არც მოსმენა და არც სიარული.

21 არ მოინანიეს თავიანთი ჩადენილი მკვლელობანი, არც თავიანთი გრძნეულებანი, არც თავიანთი მეძავობა, არც თავიანთი ქურდობანი.

თ ა ვ ი 10

ძლიერი ანგელოზი გადაშლილი წიგნით

1 ვიხილე სხვა ანგელოზი, ძლიერი, ციდან ჩამომავალი, ღრუბლით შემოსილი, თავზე ცისარტყელით. მისი სახე იყო, როგორც მზე, და მისი ფეხები, როგორც ცეცხლის სვეტები.

ეზეკ.1,27. მათ.17,2. გამოცხ.1,15.

2 ხელთ ჰქონდა გადაშლილი მომცრო წიგნი. მარჯვენა ფეხი ზღვას დააბიჯა, ხოლო მარცხენა – მიწას,

3 და დაიძახა დიდი ხმით, როგორც ლომი ღრიალებს, და როდესაც დაიძახა, თავ-თავისი ხმით ალაპარაკდა შვიდი ქუხილი.

4 როცა შვიდი ქუხილი ლაპარაკობდა თავ-თავისი ხმით, ჩაწერა დავაპირე, და ჩამომესმა ხმა ციდან, რომელმაც მითხრა: „დაბეჭდე, რასაც ლაპარაკობდა შვიდი ქუხილი, და ნუ დაწერ ამას“.

დან.12,4.9.

5 ანგელოზმა კი, რომელიც ვიხილე ზღვასა და მიწაზე მდგომი, ცისაკენ აღაპყრო თავისი მარჯვენა ხელი

დან.12,7.

6 და დაიფიცა უკუნითი უკუნისამდე ცოცხალი, რომელმაც შექმნა ცა და რაც მასშია, მიწა და რაც მასშია, ზღვა და რაც მასშია, რომ აღარ იქნება დრო.

ნემ.9,6.

7 ანგელოზის ხმის დღეებში, როცა ის დააყვირებს საყვირს, აღსრულდება ღვთის საიდუმლო, როგორც მან ახარა თავის მსახურთ – წინასწარმეტყველებს.

გამცხ.11,15.

8 ხმა, რომელიც მოვისმინე ციდან, კვლავ დამელაპარაკა და მითხრა: „მიდი და აილე გადაშლილი მომცრო წიგნი, რომელიც იმ ანგელოზის ხელშია, ზღვასა და მიწაზე რომ დგას“.

9 მივედი ანგელოზთან და ვუთხარი მას: „მომეცი მომცრო წიგნი“. მან მითხრა: „აილე და შეჭამე იგი, და მწარეს გახდის შენს მუცელს, მაგრამ შენს პირში თაფლივით ტკბილი იქნება“.

ეზეკ.2,8;3,1-3.

10 ავილე მომცრო წიგნი ანგელოზის ხელიდან და შევჭამე იგი, და თაფლივით მეტკბო პირში; როდესაც შევჭამე იგი, მუცელი გამიმწარდა.

11 მითხრეს: „შენ მოგიწევს კვლავ იწინასწარმეტყველო ხალხებსა და ერებზე, ენებსა და მრავალ მეფეზე“.

თ ა ვ ი 11

ღვთის ორი მოწამე, სიკვდილი და ასვლა ზეცაში

1 მომეცა მე კვერთხის მსგავსი ლერწამი და ითქვა ჩემს მომართ: „ადექი და გაზომე ღვთის ტაძარი და სამსხვერპლო, და მასში თაყვანისმცემლები.“

გამოცხ.21,15.

2 ხოლო ტაძრის გარე ეზო გამორიცხე და არ გაზომო, ვინაიდან წარმართებს მიეცა იგი: ისინი ორმოცდაორ თვეს გათელავენ წმიდა ქალაქს.

გამოცხ.13,5.

3 მივცემ ჩემს ორ მოწამეს და ისინი იწინასწარმეტყველებენ ათას ორას სამოც დღეს ძაძვებით შემოსილნი.

4 ესენია ზეთისხილის ხე და ორი სასანთლე, რომლებიც დედამიწის უფლის წინაშე დგას“.

ზაქ.4,3.11.14.

5 თუ ვინმე მოინდომებს ავნოს მათ, ცეცხლი გამოვა მათი პირიდან და შთანთქამს მათ მტრებს. და თუ ვინმე მოინდომებს ავნოს მათ, ის უნდა მოიკლას.

ეს.11,4. იერ.5,14. ოსე.6,5. 2თეს.2,8.

6 მათ აქვთ ხელმწიფება დაგმანონ ცა, რათა არ მოვიდეს

წვიმა მათი წინასწარმეტყველების დღეებში. აქვთ ხელმწიფება წყლებზე, რომ აქციონ ისინი სისხლად და შემუსრონ დედამიწა ყოველგვარი წყლულით, როცა კი მოისურვებენ.

გამოს.7,19. 3მფ.17,1.

7 როცა ისინი დაამთავრებენ თავიანთ მოწმობას, უფსკრულიდან ამომავალი მხეცი შეებრძოლება მათ, გაიმარჯვებს და დახოცავს მათ.

გამოცხ.17,8.

8 მათი გვამები ეყრება დიდი ქალაქის ქუჩაში, რომელსაც სულიერად ჰქვია სოდომი და ეგვიპტე, სადაც ჯვარს ეცვა მათი უფალიც.

გამოცხ.8,13;9,12.

9 სამნახევარ დღეს ხალხთაგან და ტომთაგან, ენათაგან და ერთაგან უყურებენ მათ გვამებს და არ მისცემენ მათი გვამების სამარხში დაკრძალვის ნებას.

10 დედამიწაზე მცხოვრებნი გაიხარებენ მათზე და იმხიარულებენ, და გაუგზავნიან ერთმანეთს საჩუქრებს, ვინაიდან ეს ორი წინასწარმეტყველი აწამებდა დედამიწის მკვიდრთ.

11 სამნახევარი დღის შემდეგ კი შევიდა მათში სიცოცხლის სული ღვთისაგან, და ფეხზე დადგნენ; დიდი შიში დაეცა ყველას, ვინც მათ უყურებდა.

12 იყო დიდი ხმა ციდან, რომელმაც უთხრა მათ: „ამოდით აქ“. ისინი ღრუბლით ავიდნენ ზეცას და მათმა მტრებმა დაინახეს ისინი.

13 იმავე საათს მოხდა მიწისძვრა და ქალაქის მესამედი დაიქცა, და მიწისძვრისაგან დაიღუპა შვიდი ათასი კაცი. დანარჩენები კი შიშმა მოიცვა და დიდება მიაგეს ზეციერ ღმერთს.

14 მეორე უბედურებამ გადაიარა, და აჰა, მესამე უბედურება მოვა მალე.

მეშვიდე საყვირი

15 მეშვიდე ანგელოზმა დააყვირა საყვირს და გაისმა ცაში დიდი ხმები, რომლებიც ამბობდნენ: „წუთისოფლის სამეფო გახდა ჩვენი უფლისა და მისი ქრისტესი, და იმეფებს იგი უკუნიითი უკუნისამდე“.

გამოცხ.7,10.

16 ოცდაოთხი უხუცესი, რომლებიც ღვთის წინაშე ისხდნენ თავიანთ ტახტებზე, პირქვე დაემხო და თაყვანი სცა ღმერთს.

გამოცხ.4,4.

17 და თქვეს: „გმადლობთ შენ, უფალო, ღმერთო ყოვლისმპყრობელო, რომელიც ხარ, რომელიც იყავი და რომელიც მოხვალ, რომ მოიღე შენი დიდი ძალა და გამეფდი.“

18 გამძვინვარდნენ წარმართები და მოვიდა შენი რისხვა და უამი, რათა მკვდრები განიკითხულ იქნენ და საზღაური მიეცეთ შენს მონებს – წინასწარმეტყველებს და წმიდებს და მათ, რომელთაც შენი სახელის ეშინიათ – დიდებს და პატარებს, და მოსპო დედამიწის მომსპობნი“.

19 გაიღო ღვთის ტაძარი ცაში, და გამოჩნდა მისი აღთქმის კიდობანი მის ტაძარში. და იქმნა ელვანი და ხმანი, ქუხილნი და მიწისძვრა და დიდი სეტყვა.

თ ა ვ ი 12

წითელი გველეშაპი

1 გამოჩნდა ცაში დიდი ნიშანი - დედაკაცი, რომელსაც ემოსა მზე. მის ფერხთით იყო მთვარე და მის თავზე გვირგვინი თორმეტი ვარსკვლავით.

2 ფეხმძიმედ იყო და ყვიროდა, იტანჯებოდა მშობიარის ტკივილებით.

3 სხვა ნიშანიც გამოჩნდა ცაში: აჰა, დიდი წითელი გველეშაპი, რომელსაც ჰქონდა შვიდი თავი და ათი რქა, და თავებზე შვიდი ჯილა.

გამოცხ.13,1;17,3;20,2.

4 მისმა კუდმა ციდან წამოათრია ვარსკვლავების მესამედი და მოისროლა დედამიწაზე. გველეშაპი კი დადგა დედაკაცის წინ, რომელსაც უნდა ემშობიარა, რათა როგორც კი შობდა, გადაეყლაპა მისი ბავშვი.

5 და შვა ძე, ვაჟი, რომელმაც უნდა მწყემსოს ყველა ხალხი რკინის კვერთხით. და ატაცებულ იქნა მისი ბავშვი ღმერთთან და მის ტახტთან.

ფსალ.2,9. 1კორ.15,25. გამოცხ.2,27.

6 დედაკაცი კი გაიქცა უდაბნოში, სადაც მისთვის მომზადებული იყო ადგილი ღვთისაგან, რათა იქ გამოეკვებათ იგი ათას ორას სამოც დღეს.

გამოცხ.11,3.

ომი ზეცაში

7 შეიქნა ცაში ომი: მიქაელი და მისი ანგელოზები ებრძოდნენ გველეშაპს. შეებრძოლნენ გველეშაპი და მისი ანგელოზები,

დან.10,13;12,1.

8 მაგრამ ვერ გაუძლეს და აღარც ადგილი აღმოჩნდა მათთვის ცაში.

9 გადმოგდებულ იქნა დიდი გველეშაპი, ძველი გველი, რომელსაც ეშმაკი და სატანა ჰქვია, მთელი წუთისოფლის მაცდუნებელი. და მისი ანგელოზებიც გადმოყრილ იქნენ მასთან ერთად.

ლუკ.10,18.

10 მომესმა დიდი ხმა, რომელიც ლაპარაკობდა ცაში: „ახლა დადგა ჩვენი ღვთის ხსნა, ძალა და მეფობა და მისი ქრისტეს ხელმწიფება, ვინაიდან გადმოგდებულ იქნა ჩვენი ძმების ცილისმწამებელი, რომელიც ცილს სწამებდა მათ დღე და ღამე ჩვენი ღვთის წინაშე.

ზაქ.3,1.

11 გაიმარჯვეს მასზე კრავის სისხლით და მათი მოწმობის სიტყვით და არ შეიყვარეს თავიანთი სული, თვით სიკვდილამდე.

რომ.8,37.

12 აბა, იმხიარულეთ, ცანო და თქვენ, ვინც მათში მკვიდრობთ! ვაი, მიწასა და ზღვას, ვინაიდან თქვენთან ჩამოვიდა ეშმაკი დიდი მძვინვარებით, რადგან იცის, რომ დრო მცირელა დარჩა“.

ეს.49,13.

დედაკაცის ღვეწა გველეშაპის მიერ

13 როცა გველეშაპმა დაინახა, რომ გადმოგდებულ იქნა მიწაზე, დაეღვეწა დედაკაცს, რომელმაც ვაჟი შვა.

14 მიეცა დედაკაცს დიდი არწივის ორი ფრთა უდაბნოში გასაფრენად, თავისი ადგილისაკენ, სადაც იკვებებოდა დროის, დროთა და ნახევარი დროის განმავლობაში, გველისგან მოშორებით.

დან.7,25;12,7.

15 ამოუშვა გველმა თავისი პირიდან მდინარესავით წყალი დედაკაცის კვალდაკვალ, რათა მდინარეს წაეღეკა იგი.

16 მაგრამ მიწა დაეხმარა დედაკაცს და დაალო მიწამ პირი და შთანთქა მდინარე, რომელიც გველეშაპმა ამოუშვა პირიდან.

17 განრისხდა გველეშაპი დედაკაცზე და წავიდა, რათა შებრძოლებოდა დანარჩენებს მისი მოდგმიდან, რომლებიც იცავენ ღვთის მცნებებს და რომელთაც აქვთ იესოს მოწმობა.

თ ა ვ ი 13

ხილვა შვიდთავიანი და ათრქიანი მხეცისა

1 დავინახე ზღვიდან ამომავალი მხეცი, რომელსაც შვიდი თავი და ათი რქა ჰქონდა. რქებზე – ათი ჯილა და თავებზე ღვთისმგმობელი სახელები.

დან.7,7. გამოცხ.12,3;17,3.

2 მხეცი, რომელიც მე ვიხილე, ჰგავდა ავაზას. მისი ფეხები, როგორც დათვისა, მისი პირი, როგორც ლომის ხახა. მისცა მას გველეშაპმა თავისი ძალა, თავისი ტახტი და დიდი ხელმწიფება.

3 ვიხილე, ერთი მის თავთაგან თითქოს სასიკვდილოდ იყო განგმირული, მაგრამ ეს სასიკვდილო ჭრილობა განიკურნა, და განცვიფრდა მთელი დედამიწა და უკან გაედევნა მხეცს.

4 თაყვანი სცეს გველეშაპს, რადგან ხელმწიფება მისცა მხეცს. თაყვანს სცემდნენ მხეცს და ამბობდნენ: ვინ არის ამ მხეცისთანა და ვის ძალუძს მასთან შებრძოლება?

5 მიეცა მას პირი, რათა მედიდურად ელაპარაკნა და დაეგმო ღმერთი. მიეცა მას ხელმწიფება ორმოცდაორ თვეს სამოქმედოდ.

დან.7,8;11,36.

6 გახსნა მან პირი ღვთის საგმობად და დაგმო მისი სახელი, მისი სავანე, ცაში დავანებულნი.

7 ნება მიეცა მას, რომ ეომა წმიდებთან და გაემარჯვა მათზე. მიეცა მას ხელმწიფება ყველა ტომსა და ხალხზე, ენასა და ერზე.

დან.7,21. გამოცხ.11,7.

8 თაყვანი სცა მას დედამიწის ყველა მცხოვრებმა, რომელთა სახელებიც ჩაწერილი არ არის სიცოცხლის წიგნში, რომელიც აქვს წუთისოფლის დასაბამიდან დაკლულ კრავს.

დან.12,1. ფილ.4,3. გამოცხ.17,8;21,27.

9 ვისაც ყური აქვს, ისმინოს.

10 ვისაც ტყვე მიჰყავს, თვითონაც ტყვედ წავა. ვინც მახვილით ჰკლავს, თვითონაც მახვილით მოკვდება. ამაშია წმიდათა მოთმინება და რწმენა.

დაბ.9,6. ეს.33,1. მათ.26,52. გამოცხ.14,12.

ორქიანი მხეცი

11 ვიხილე სხვა მხეცი, მიწიდან ამომავალი. მას ჰქონდა კრავის მსგავსი ორი რქა და ლაპარაკობდა, როგორც გველეშაპი.

12 იგი მოქმედებდა პირველი მხეცის მთელი ხელმწიფებით მის წინაშე და აიძულებდა დედამიწას და მის მკვიდრთ თაყვანი ეცათ პირველი მხეცისთვის, რომელსაც განეკურნა სასიკვდილო ჭრილობა.

13 ახდენდა დიდ სასწაულებს, ცეცხლიც კი ჩამოიტანა ციდან დედამიწაზე ადამიანთა წინაშე.

2შჯ.13,2. მათ.24,24. გამოცხ.16,14.

14 აცდუნებდა დედამიწის მკვიდრთ სასწაულებით, რომლებიც მიეცა მას მხეცის წინაშე მოსახდენად, და ეუბნებოდა დედამიწის მკვიდრთ, რომ გაეკეთებინათ მხეცის ხატება, რომელსაც აქვს ჭრილობა მახვილისაგან და რომელიც გაცოცხლდა.

15 მიეცა უფლება მხეცის ხატებისათვის სულის ჩასაბერად, რომ მხეცის ხატებას ელაპარაკა და ემოქმედა ისე, რომ მოკლულიყო ყოველი, ვინც თაყვანს არ სცემდა მხეცის ხატებას.

16 აიძულა ყველა – პატარები და დიდები, მდიდრები და ღარიბები, თავისუფლები და მონები – მიეღოთ ნიშანი მარჯვენა ხელზე ან შუბლზე.

გამოცხ.17,9.

17 რომ არავის შეძლებოდა ყიდვა-გაყიდვა, იმათ გარდა, ვისაც ექნებოდა ნიშანი – მხეცის სახელი ან მისი სახელის რიცხვი.

18 აქ არის სიბრძნე. ვისაც გაგება აქვს, გამოითვალოს მხეცის რიცხვი, რადგან რიცხვი ადამიანისაა და მისი რიცხვია ექვსას სამოცდაექვსი.

გამოცხ.17,9.

თ ა ვ ი 14

კრავი ღვას სიონის მთაზე თავის გამოსყიდულებთან ერთად

1 ვიხილე: აჰა, კრავი ღვას სიონის მთაზე და მასთან ასოცდაოთხი ათასი, რომელთაც შუბლებზე აწერიათ მისი სახელი და მისი მამის სახელი.

ეზეკ.9,4. გამოცხ.7,3.

2 გავიგონე ხმა ზეციდან, როგორც მრავალი წყლის ხმა, და როგორც ძლიერი ქუხილის ხმა. და ხმა, რომელიც გავიგონე, ჰგავდა მექნარეთა ხმას, ქნარზე რომ უკრავენ.

გამოცხ.5,8;19,6.

3 ისინი გალობდნენ ახალ საგალობელს ტახტის წინაშე და ოთხი ცხოველისა და უხუცესთა წინაშე. და არავის შეეძლო ამ საგალობლის შესწავლა, გარდა მიწისაგან გამოსყიდული ასორ-მოცდაოთხი ათასისა.

4 ეს ისინი არიან, რომლებიც არ წაბილწულან დიაცებთან, ვინაიდან ქალწულები არიან. ეს ისინი არიან, რომლებიც მიჰყვებიან კრავს, სადაც არ უნდა მიდიოდეს. ისინი არიან ადამიანთაგან გამოსყიდულნი, როგორც პირველნაყოფი ღვთისა და კრავისათვის.

1კორ.6,20. 2კორ.7,1;11,2.

5 სიცრუე არ იპოვებოდა მათ ბაგეში. ისინი უბიწონი არიან ღვთის ტახტის წინაშე.

სოფ.3,13; ეფეს.5,27.

სამი ანგელოზი აცხადებს ღვთის სამსჯავროს მოახლოებას

6 ვიხილე სხვა ანგელოზი, რომელიც ზეცის შუა დაფრინავდა. მას ჰქონდა მარადიული სახარება, დედამიწის მკვიდრთათვის – ყოველი ერის და ტომის, ენისა და ხალხისათვის სახარებლად.

7 ამბობდა დიდი ხმით: „გეშინოდეთ ღვთისა და დიდება მიაგეთ მას, ვინაიდან დადგა მისი სამსჯავროს ჟამი. თაყვანი ეცით ცისა და მიწის, ზღვისა და წყალთა წყაროების შემქმნელს“.

ფსალ.32,6;145,6. საქ.14,15.

8 სხვა ანგელოზი მოჰყვა და თქვა: „დაეცა დიდი ბაბილონი, რომელმაც თავისი მძვინვარე მეძავობის ღვინო ასვა ყველა ხალხს“.

ეს.21,9. იერ.51,8-9. ეზეკ.16,35.

9 მესამე ანგელოზი მოჰყვა მათ და თქვა დიდი ხმით: „ვინც თაყვანსა სცემს მხეცს და მის ხატებას და მიიღებს ნიშანს შუბლზე ან ხელზე,

10 ის შესვამს ღვთის მძვინვარეების ღვინისაგან, რომელიც მისი რისხვის თასში არის შემზადებული შეუზავებლად, და დაიტანჯება ცეცხლსა და გოგირდში წმიდა ანგელოზებისა და კრავის წინაშე.

ფსალ.74,9. ეს.66,24. იერ.25,9. გამოცხ.16,19.

11 მათი წამების კვამლი იდინებს უკუნითი უკუნიამდე და არ ექნებათ მოსვენება არც დღისით და არც ღამით, მხეცისა და მისი ხატების თაყვანისმცემლებს და მათ, ვინც იღებს მისი სახელის ნიშანს.

ეს.34,10. მათ.25,41. იოან.5,29. გამცხ.19,3.

12 აქაა წმიდათა მოთმინება, რომლებიც იცავენ ღვთის მცნებებს და იესოს რწმენას.

ნეტარება უფალში დახოცილებისა

13 გავიგონე ხმა ციდან, რომელიც მეუბნებოდა: „დაწერე: ნეტარ არიან მკვდარნი, რომელნიც ამიერიდან უფალში იხოცებიან. დიახ, – ამბობს სული, – რათა განისვენონ თავიანთ შრომათაგან. მათი საქმეები თან წაჰყვება მათ“.

1თეს.4,14.

კაცის ძე განიკითხავს, როგორც მკისას

14 ვიხილე: აჰა, თეთრი ღრუბელი და ღრუბელზე კაცის ძის მსგავსი. მის თავზე ოქროს გვირგვინია და მის ხელში – ბასრი ნამგალი. დან.7,13.

15 სხვა ანგელოზი გამოვიდა ტაძრიდან და დიდი ხმით შესძახა ღრუბელზე მჯდომს: „გაგზავნე შენი ნამგალი და მომკე, ვინაიდან დადგა მკის ჟამი, რადგან მოიწია სამკალი მიწაზე.“ იოვ.3,13. მათ.13,39.

16 ღრუბელზე მჯდომმა გადმოაგდო თავისი ნამგალი მიწაზე და მოიმკა მიწა.

17 სხვა ანგელოზი გამოვიდა ტაძრიდან, რომელიც ცაშია, და მასაც ჰქონდა ბასრი ნამგალი.

18 სამსხვერპლოდან გამოვიდა სხვა ანგელოზი, რომელსაც ხელმწიფება ჰქონდა ცეცხლზე, და დიდი ხმით შესძახა მას, ვისაც ბასრი ნამგალი ჰქონდა: გაგზავნე შენი ბასრი ნამგალი და მოკრიფე მიწის ვაზის მტევნები, ვინაიდან დამწიფდა მათი მარცვლები. გამცხ.8,5.

19 გადმოაგო ანგელოზმა თავისი ნამგალი მიწაზე და მოკრიფა მიწის ვაზებიდან და ჩაყარა ღვთის მძვინვარების დიდ საწნახელში. გამოცხ.19,15.

20 და დაიწნება საწნახელი ქალაქგარეთ და გამოვიდა სისხლი საწნახელიდან ცხენების აღვირებამდე, ათას ექვსას სტადიონამდე. ეს.63,3.

თ ა ვ ი 15

შვიდი ანგელოზი შვიდი წყლულით

1 ვიხილე სხვა ნიშანი ცაში, დიდი და საკვირველი – შვიდი ანგელოზი შვიდი უკანასკნელი წყლულით, რომლებითაც თავდებოდა ღვთის მძვინვარება.

2 ვიხილე თითქოს მინის ზღვა, ცეცხლნარევი, და მძლეველნი მხეცისა, მისი ხატებისა და მისი სახელის რიცხვისა. იდგნენ მინის ზღვაზე და ეპყრათ ღვთის ქნარები. გამცხ.4,6.

3 გალობდნენ ღვთის მსახურის მოსეს გალობას და კრავის გალობას და ამბობდნენ: „დიდია და საკვირველი შენი საქმენი, უფალო ღმერთო ყოვლისმპყრობელო! წრფელი და ჭეშმარიტია შენი გზები, ხალხთა მეფეო! გამოს.15.1;6,13. 2შჯ.32,4. ფსალ.144,17.

4 ვის არ შეეშინდება, უფალო, და არ აღიღებს შენს სახეს? რადგან მხოლოდ შენა ხარ წმიდა. ყველა ერი მოვა და თაყვანს გცემს შენ, ვინაიდან გამოჩინდნენ შენი სამართალნი“. იერ.10,7.

5 ამის შემდეგ ვიხილე: აჰა, გაიხსნა მოწმობის კარვის ტაძარი ზეცაში.

6 გამოვიდა ტაძრიდან შვიდი ანგელოზი, შვიდი წყლულის

მქონე, წმიდა და ნათელი სელის სამოსელით შემოსილი, რომელთაც მკერდზე ოქროს სარტყლები ერტყათ.

7 ოთხ ცხოველთაგან ერთმა მისცა შვიდ ანგელოზს ოქროს თასი, უკუნითი უკუნისამდე ცოცხალი ღვთის მძვინვარებით სავსე.

8 აივსო ტაძარი კვამლით ღვთის დიდებისა და მისი ძალისაგან, და ვერავინ შეძლო ტაძარში შესვლა, ვიდრე არ დასრულდა შვიდი ანგელოზის შვიდი წყლული. ეს.6,4.

თ ა ვ ი 16

ღვთის მძვინვარების შვიდი თასის გადმოღვრა დედამიწაზე

1 გავიგონე ტაძრიდან დიდი ხმა, რომელიც ეუბნებოდა შვიდ ანგელოზს: „წადით და დედამიწაზე გადაღვარეთ ღვთის მძვინვარების შვიდი თასი“.

2 წავიდა პირველი და გადმოღვარა მიწაზე თავისი თასი. და გაუჩნდათ სასტიკი და საზარელი ჭრილობები ადამიანებს, რომელთაც მხეცის ნიშანი ჰქონდათ და მის ხატებას სცემდნენ თავგანს. გამოს.9,9. გამოცხ.13,17.

3 გადმოღვარა მეორემ თავისი თასი ზღვაზე და იქცა სისხლად, როგორც მკვდრისაგან, და დაიხოცა ყოველი სულდგმული ზღვაში.

4 გადმოღვარა მესამემ თავისი თასი მდინარეებსა და წყალთა წყაროებზე, და იქცა სისხლად.

5 გავიგონე წყლების ანგელოზი, რომ ამბობდა: „მართალი ხარ შენ, რომელიც ხარ და იყავი, წმიდაო, რადგანაც ასე განიკითხე. გამცხ.4,8.

6 ვინაიდან მათ დაღვარეს წმიდათა და წინასწარმეტყველთა სისხლი, და შენ მიეცი მათ სასმელად სისხლი, ვინაიდან დაიმსახურეს“. ეს.49,26. მათ.23,34.

7 გავიგონე სამსხვერპლო რომ ამბობდა: „დიახ, უფალო ღმერთო ყოვლისმპყრობელო, ჭეშმარიტი და სამართლიანია შენი განკითხვანი“.

8 გადმოღვარა მეოთხემ თავისი თასი მზეზე და მიეცა მას, რომ ცეცხლით დაეწვა ადამიანები.

9 იწვოდნენ ადამიანები დიდი სიცხით და გმობდნენ ღვთის სახელს, რომელსაც ხელმწიფება აქვს ამ წყლულებზე, და არ მოინანიეს, რომ დიდება მიეგოთ მისთვის.

10 გადმოღვარა მეხუთემ თავისი თასი მხეცის ტახტზე და დაბნელდა მისი სამეფო და ტკივილისაგან ენებს იკვნეტდნენ.

11 გმობდნენ ზეციერ ღმერთს თავიანთი ტკივილებისა და ჭრილობების გამო და არ მოინანიეს თავიანთი საქმეები.

12 გადმოღვარა მეექვსემ თავისი თასი დიდ მდინარეზე –

ევფრატზე და დაშრა მისი წყალი, რათა გამზადებული ყოფილიყო გზა იმ მეფეთათვის, მზის აღმოსავლიდან რომ მოდიან.

იერ.50,38.

13 ვიხილე როგორც გველეშაპისა და მხეცის, ისე ცრუ-წინასწარმეტყველის პირიდან გამოსული სამი უწმიდური სული, როგორც ბაყაყები.

გამოცხ.12,9;19,20;20,10.

14 ესენი ეშმაკის სულები არიან. ისინი ახდენენ სასწაულებს, გამოდიან მთელი მსოფლიოს მეფეებთან, რათა შეკრიბონ ისინი საომრად ყოვლისმპყრობელი ღვთის დიდი დღისათვის.

მათ.24,24.

15 აჰა, მოვდივარ, როგორც ქურდი. ნეტარია, ვინც ფხიზლობს და იცავს თავის სამოსელს, რათა შიშველმა არ იაროს და არ დაინახონ მისი სირცხვილი.

მათ.24,46. ლუკ.12,39. 2კორ.5,3. 1თეს.5,2. გამოცხ.3,3.

16 შეკრიბა ისინი ადგილზე, რომელსაც ებრაულად არმაგედონი ეწოდება.

17 გადმოღვარა მეშვიდემ თავისი თასი ჰაერში და ტახტიდან გამოვიდა დიდი ხმა, რომელიც ამბობდა: „აღსრულდა“.

18 იქმნა ელვანი და ხმანი და ქუხილნი და მოხდა დიდი მიწისძვრა, როგორიც არ მომხდარა მას შემდეგ, რაც ადამიანი გაჩნდა დედამიწაზე. ასეთი დიდი იყო ის მიწისძვრა!

გამცხ.4,5;8,5;11,13.

19 დიდი ქალაქი დაიყო სამ ნაწილად და წარმართთა ქალაქები დაემხო და მოხსენებულ იქნა დიდი ბაბილონი ღვთის წინაშე, რომ მისცემოდა მას მისი რისხვის მძვინვარების ღვინის თასი.

გამოცხ.14,8.

20 ყოველი კუნძული გაიქცა და მთები აღარ იპოვებოდა.

21 ტალანტის სიდიდის სეტყვა წამოვიდა ციდან ადამიანებზე. გმობდნენ ადამიანები ღმერთს სეტყვის წყლულის გამო, ვინაიდან ძალიან დიდი იყო მისი წყლული.

თ ა ვ ი 17

ხილვა ბაბილონისა და შავწითელ მხეცზე მჯდომი დედაკაცისა

1 მოვიდა ერთი იმ შვიდ ანგელოზთაგანი, რომელთაც ჰქონდათ შვიდი თასი, დამელაპარაკა და მითხრა: „მოდი და გირვენებ სამსჯავროს მრავალ წყალზე მჯდომი დიდი მეძავისა.

ნაუმ.3,4.

2 რომელთანაც მეძაობდნენ დედამიწის მეფეები და მისი სიძვის ღვინით თვრებოდნენ დედამიწის მკვიდრნი“.

იერ.51,7. გამოცხ.14,18;18,3.

3 მან სულით გადამიყვანა უდაბნოში და ვიხილე დედაკაცი, მჯდარი ღვთისსაგმობი სახელებით სავსე, შვიდთავიან და ათრქიან შავწითელ მხეცზე.

2თეს.2,3-4,7. გამოცხ.13,1.

4 დიაცი შემოსილი იყო პორფირით და ძოწეულით, მორთული იყო ოქროთი, პატოსანი ქვებით და მარგალიტებით. ხელთ ჰქონდა ოქროს სასმისი, მისი სიძვის სიბილწით და უწმიდურებით სავსე.

5 მის შუბლზე ეწერა საიდუმლო სახელი: „დიდი ბაბილონი, მეძავთა და დედამიწის სიბილწეთა დედა“. გამოცხ.16,19;18,2.

6 დავინახე, რომ დამთვრალი იყო წმიდათა და იესოს მოწამეთა სისხლით, და რომ ვუყურებდი, მიკვირდა დიდად.

შვილთავიანი და ათრქიანი მხეცი

7 მითხრა ანგელოზმა: „რატომ გიკვირს? მე გეტყვი საიდუმლოს ამ დედაკაცისა და შვილთავიანი და ათრქიანი მხეცისა, რომელიც მას ატარებს.

8 მხეცი, რომელიც შენ იხილე, იყო და არ არის, და ამოვა უფსკრულიდან და დასაღუბად წავა. დედამიწის მკვიდრთ, რომელთა სახელებიც წუთისოფლის შექმნიდან ჩაწერილია სიცოცხლის წიგნში, გაუკვირდებათ, როცა დაინახავენ მხეცს, რომელიც იყო და არ არის, და მოვა.

დან.12,1. გამოცხ.11,7;13,1.

9 აქ საჭიროა გონება, რომელსაც სიბრძნე აქვს: შვილი თავი შვილი მთაა, რომელზეც ეს დედაკაცი ზის.

10 მეფენიც შვილნი არიან: ხუთი დაეცა, ერთი არის, მეორე კი ჯერ არ მოსულა და, როცა მოვა, მცირე ხანს დარჩება.

11 მხეცი, რომელიც იყო და არ არის, მერვეა, შვილთა რიცხვიდან, და დასაღუბად მიდის.

12 ათი რქა, რომლებიც შენ იხილე, ათი მეფეა, რომელთაც ჯერ არ მიუღიათ მეფობა, მაგრამ მხეცთან ერთად მიიღებენ ხელმწიფებას, როგორც მეფეები ერთი საათით.

დან.7,20. გამოცხ.13,1.

13 მათ აქვთ ერთი აზრი და თავიანთ ძალასა და ხელმწიფებას მხეცს გადასცემენ.

14 ისინი შეებრძოლებიან კრავს და კრავი გაიმარჯვებს მათზე, ვინაიდან ის არის უფალთ უფალი და მეფეთ მეფე, და მასთან მყოფნი მოწოდებულნი, რჩეულნი და სარწმუნონი არიან“.

დან.7,27. მათ.28,18. 1ტიმ.6,15. გამოცხ.18,8.

15 მითხრა მე: „ეს წყლები, რომლებიც შენ იხილე, სადაც მეძავი ზის, არის ხალხები და ბრბოები, და ერები და ენები.

ეფეს.8,7.

16 ათი რქა, შენ რომ იხილე, და მხეცი, შეიძულებენ მეძავს, დაარბევენ მას და გააშიშვლებენ, მის ხორცს შეჭამენ და მას ცეცხლში დაწვავენ.

გამოცხ.18,8.

17 ვინაიდან ღმერთმა გულებში ჩაუდო, რომ შეასრულონ მისი ნება, შეასრულონ ერთი ნება და მისცენ მათი მეფობა მხეცს, ვიდრე არ აღსრულდება ღვთის სიტყვები.

18 ხოლო დედაკაცი, რომელიც შენ იხილე, დიდი ქალაქია, რომელსაც აქვს მეფობა დედამიწის მეფეებზე. გამოცხ.16,19.

თ ა ვ ი 18

ანგელოზი იუწყება ბაბილონის დაცემას

1 ამის შემდეგ ვიხილე სხვა ანგელოზი, რომელიც ციდან ჩამოდიოდა და დიდი ხელმწიფება ჰქონდა. დედამიწა განათდა მისი დიდებით. ეზეკ.43,2.

2 დაიძახა ძლიერი ხმით და თქვა: „დაემხო, დაემხო დიდი ბაბილონი, გახდა ეშმაკთა სამკვიდროდ და ყოველი არაწმიდა სულის თავშესაფრად, და ყოველი არაწმიდა და ბილწი ფრინველის თავშესაფრად. ეს.13,19;21,9. იერ.50,1;51,18.

3 ვინაიდან მისი გარყვნილების მძვინვარე ღვინისაგან სვა ყველა ერმა. დედამიწის მეფეები მეძაობდნენ მასთან და დედამიწის ვაჭრები მისი ფუფუნების ძალისაგან გამდიდრდნენ“.

გამოცხ.17,2.

ბრძანება ღვთის ხალხს

4 გავიგონე სხვა ხმა ციდან, რომელიც ამბობდა: „გამოერიდე მას, ჩემო ხალხო, რათა არ ეზიარო მის ცოდვებს და არ მიიღო მისი წყლულებისაგან. ეს.48,20;52,11. ზაქ.2,7.

5 ვინაიდან მისმა ცოდვებმა ცას უწია და გაიხსენა ღმერთმა მისი უსამართლობანი. იერ.51,49.

6 მიუზღეთ მას, როგორც მან მოგიზლოთ და ორმაგად მიაგეთ მისი საქმეების მიხედვით. სასმისში, რომელშიც აზავებდა ღვინოს, ორმაგად შეუზავეთ მას.

7 რამდენადაც განდიდდებოდა და ნებივრობდა, იმდენად მიაგეთ ტანჯვა და გლოვა. ვინაიდან ამბობდა თავის გულში: დედოფლად ვზივარ, ქვრივი არა ვარ და გლოვას არ ვიხილავო.

სოფ.2,15.

8 ამიტომ ერთ დღეს მოვა მისი წყლულები და სიკვდილი, გლოვა და შიმშილი, და დაიწვება ცეცხლში, რადგან ძლიერია უფალი ღმერთი, რომელიც განიკითხავს მას.

გოდება უწმიდურთა

9 „იტირებენ და იგლოვებენ მას დედამიწის მეფეები, რომლებიც მეძაობდნენ და ნებივრობდნენ მასთან, როცა დაინახავენ მისი ხანძრის კვამლს.

10 მისი ტანჯვის შიშის გამო შორს მდგომარენი იტყვიან: ‘ვაი, ვაი, დიდო ქალაქო ბაბილონო, ძლიერო ქალაქო, რადგან ერთ საათში მოვიდა შენი განკითხვა’. ეზეკ.27,27,30. გამოცხ.14,8.

11 დედამიწის ვაჭრები იტირებენ და იგლოვებენ მას, ვინაიდან აღარავინ იყიდის მათ საქონელს,

12 ოქროსა და ვერცხლის საქონელს, პატიოსან თვლებსა და მარგალიტებს, ბისონსა და პორფირს, აბრეშუმსა და ძოწეულს, ყოველგვარ სურნელოვან ხეს და სპილოსძვლის ყოველგვარ ჭურჭელს, ასევე ძვირფასი ხის, სპილენძის, რკინისა და მარმარილოს ყოველგვარ ჭურჭელს,

13 დარიჩინსა და სურნელს, საკმეველს და ნელსაცხებელს, გუნდრუკს, ღვინოსა და ზეთს, ფქვილსა და ხორბალს, ნახირსა და ცხვრებს, ცხენებსა და ეტლებს, ადამიანთა სხეულებსა და სულებს.

14 შენი სულის სასურველი ხილის ნაყოფი წავიდა შენგან, ყოველი პოხიერი და ბრწყინვალე გაქრა შენგან და ველარავინ იპოვნის მათ.

15 ყოველივე ამით მოვაჭრენი, რომლებიც მისგან გამდიდრდნენ, შორს დადგებიან მისი ტანჯვის შიშით, იტირებენ და იგლოვებენ.

16 იტყვიან: 'ვაი, ვაი, დიდო ქალაქო, ბისონით, პორფირით და ძოწეულით შემოსილო, ოქროთი, პატიოსანი თვლებითა და მარგალიტით შემკულო,

17 რადგან ერთ საათში დაიღუპა ესოდენ დიდი სიმდიდრე'. და ყოველი მესაჭე, და ყველანი, ვინც ცურავს, და მეზღვაურები, ყოველი ზღვაზე მოსაქმე, შორს დადგა. იერ.50,23;51,13.

18 რომ დაინახეს მისი ხანძრის კვამლი, შეჰყვირეს და თქვეს: 'რომელი ქალაქი ჰგავსო ამ დიდ ქალაქს?'

19 დაიყარეს მტვერი თავზე და გაჰკიოდნენ ტირილით და მოთქმით: 'ვაი, ვაი, დიდო ქალაქო, რომლის ძვირფასეულობებით გამდიდრდა ყველა, ვისაც ხომალდი ჰქონდა ზღვაზე! რადგან ერთ საათში გაპარტახდა.

20 გაიხარეთ მასზე, ცაო და წმიდანო, მოციქულნო და წინასწარმეტყველნო, რადგან თქვენი სამართალი მოჰკითხა მათ ღმერთმა. ეს.44,23;49,13. იერ.51,48.

დამხობა ბაბილონისა

21 ასწია ერთმა ძლიერმა ანგელოზმა დიდი დოლაბის მსგავსი ქვა და გადაადგო ზღვაში და თქვა: „ასეთი დაცემით დაემხოვა დიდი ქალაქი ბაბილონი და აღარ იქნება. იერ.51,63-64.

22 ქნარზე დამკვრელთა და მომღერალთა, მესალამურეთა და მესაყვირეთა ხმა აღარ გაისმება შენში. აღარ იქნება შენში არავითარი ხელოსანი და ხელოსნობა, და დოლაბის ხმა აღარ გაისმება შენში. ეზეკ.26,13.

23 სასანთლის ნათელი აღარ გაგინათებს. აღარ გაისმება შენში მეფე-დედოფლის ხმა, რადგან შენი ვაჭრები იყვნენ დედამიწის დიდებულები და შენი გრძნეულება აცდუნებდა ხალხს.

იერ.7,34. გამოცხ.17,2.

24 მასშია ნაპოვნი წინასწარმეტყველთა, წმიდათა და დედამიწაზე ყველა მოკლულის სისხლი“. გამოცხ.17,6.

თ ა ვ ი 19

სიხარული ზეცაში ბაბილონის დაცემის გამო

1 ამის შემდეგ გავიგონე ცაში დიდი ხმა, როგორც დიდძალი ხალხის ხმა, რომელიც ამბობდა: „აღილუია! ხსნა, დიდება და ძალა, ჩვენი ღვთისაა! 2შჯ.32,43. გამოცხ.7,10;12,10.

2 რადგან ჭეშმარიტი და სამართლიანია მისი განკითხვანი, რადგან მან განიკითხა დიდი მეძავი, რომელმაც წარყვანა დედამიწა თავისი მეძავობით, და იძია თავისი მონების სისხლი მისი ხელიდან“.

3 განმეორებით თქვეს: „აღილუია! და მისი კვამლი აღის უკუნითი უკუნისამდე“. ეს.34,10. გამოცხ.14,11.

4 ოცდაოთხი უხუცესი და ოთხი ცხოველი დაემხნენ და თაყვანი სცეს ტახტზე მჯდომარე ღმერთს და ამბობდნენ: „ამინ! აღილუია!“ გამოცხ.4,4.9-10..

5 ტახტიდან გამოვიდა ხმა, რომელიც ამბობდა: „აქებდეთ ჩვენ ღმერთს ყოველნი მისი მსახურნი, მისი მოშიშნი, პატარები თუ დიდები“.

6 გავიგონე ხმა, როგორც დიდძალი ხალხის ხმა და როგორც მრავალი წყლის ხმა, როგორც ძლიერ ქუხილთა ხმა, რომელიც ამბობდა: „აღილუია! რადგან გამეფდა ჩვენი უფალი, ღმერთი ყოვლისმპყრობელი. ეზეკ.1,24;43,2. გამოცხ.11,15.

7 გავიხაროთ და ვიმხიარულოთ და დიდება მივაგოთ, ვინაიდან მოვიდა კრავის ქორწილი, და მისმა სასძლომ თავი გაიმზადა. ფსალ.44,14. იგ.9,1. მათ.22,2. ლუკ.14,16. 2კორ.11,2. გამოცხ.21,2.

8 მიეცა მას, რომ ჩაეცვა ნათელი და წმიდა ბისონი, ვინაიდან წმიდა ბისონი წმიდანთა სამართლიანობაა“.

9 მითხრა მე: „დაწერე: ნეტარნი არიან კრავის საქორწინო სერობაზე მიწვეულნი“. მითხრა: „ეს ჭეშმარიტი სიტყვებია ღვთისა“. გამოცხ.3,18.

10 დავემხე მის ფერხთით, რომ თაყვანი მეცა მისთვის, მაგრამ მან მითხრა: „ამას ნუ იზამ. შენი და შენი ძმების თანამსახური ვარ, რომელთაც იესოს მოწმობა აქვთ. თაყვანი ეცი ღმერთს, ვინაიდან იესოს მოწმობა წინასწარმეტყველობის სულია“.

თეთრცხენოსანი მხედარი, მეფეთა მეფე და უფალთა უფალი

11 ვიხილე ცა გახსნილი, და თეთრი ცხენი და მისი მხედარი იწოდება სარწმუნოდ და ჭეშმარიტად, და სიმართლით განიკითხავს და იბრძვის. გამოცხ.6,2.

12 მისი თვალები ცეცხლის ალსა ჰგავდა, თავზე მრავალი ჯილა ედგა და ზედ ეწერა სახელი, რომელიც მის მეტმა არავინ იცის.

გამოცხ.1,14;2,18.

13 ემოსა სისხლში ამოვლებული სამოსელი. მისი სახელია: „ღვთის სიტყვა“.

ეს.63,2. იოან.1,1.

14 ციური ლაშქარი მისდევდა მას თეთრ ცხენებზე, თეთრი და წმიდა ბისონით შემოსილი.

გამოცხ.7,9.

15 მისი პირიდან გამოდიოდა ბასრი მახვილი, რომელიც შემუსრავს ერებს, და იგი დამწყემსავს მათ რკინის კვერთხით. იგი წურავს ყოვლისმპყრობელი ღვთის რისხვის მძვინვარების ღვინის საწნახელს.

ფსალ.2,9. ეს.11,4;63,3.

16 მის სამოსელზე და მის თეძოზე აწერია სახელი: „მეფეთ მეფე და უფალთ უფალი“.

გამოცხ.17,14;19,12.

მხეცი ჩაგდებულია ცეცხლის ტბაში

17 ვიხილე მზეზე მდგარი ერთი ანგელოზი. დაიყვირა მან დიდი ხმით და უთხრა ყოველ ფრინველს, რომლებიც დაფრინავდნენ ზეცის შუა: „მოდიოთ, შემოკრბით ღვთის დიდ სერობაზე,

იერ.12,9. ეზეკ.39,17.

18 რომ ჭამოთ მეფეთა ხორცი, ათასისთავთა ხორცი, ძლიერთა ხორცი, ცხენტა და მხედართა ხორცი, ყველა თავისუფლისა და მონის, მცირისა და დიდის ხორცი“.

19 ვიხილე მხეცი და დედამიწის მეფენი და მათი ლაშქარნი შეკრებილნი, რათა შებმოდნენ მხედარსა და მის ლაშქარს.

20 შეპყრობილ იქნა მხეცი და მასთან ერთად ცრუწინასწარმეტყველი, რომელიც სასწაულებს ახდენდა მის წინაშე, რომლითაც აცდუნა მხეცის ნიშნის მიმღებნი და მისი ხატის მოთაყვანენი, და ორივენი ცოცხლად იქნენ ჩაყრილნი ცეცხლის ტბაში, რომელიც გოგირდით იწვოდა.

გამოცხ.20,10.

21 დანარჩენები დაიხოცნენ მახვილით, რომელიც ცხენზე მჯდომარის პირიდან გამოდიოდა, და ყველა ფრინველი გაძლა მათი ხორცით.

თ ა ვ ი 20

სატანას შებორკვა

1 ვიხილე ზეციდან ჩამომავალი ანგელოზი, რომელსაც ხელში ჰქონდა უფსკრულის გასაღები და დიდი ჯაჭვი. ლუკ.8,31. გამოცხ.1,18.

2 შეიპყრო გველეშაპი, ძველი გველი, რომელიც არის ეშმაკი და სატანა, და შებორკა ათასი წლით. 2პეტ.2,4. იუდ.1,6. გამოცხ.12,9.

3 ჩააგდო იგი უფსკრულში, ჩაკეტა და დაადო ბეჭედი, რათა აღარ აცდუნოს ერები, ვიდრე ათასი წელი არ შესრულდება. ამის შემდეგ კი უნდა გათავისუფლდეს მცირე ხნით.

4 ვიხილე ტახტები და მათზე მსხდომარენი, და მათ მიეცათ სამსჯავრო და იესოს მოწმობისა და ღვთის სიტყვისათვის თავმოკვეთილთა სულები, რომლებმაც თაყვანი არ სცეს მხეცს, არც მის ხატებას და არ მიიღეს მისი ნიშანი თავიანთ შუბლსა და ხელზე. ისინი გაცოცხლდნენ და მეფობდნენ ქრისტესთან ერთად ათას წელს.

დან.7,9,22;8,17. მათ.19,28. 1კორ.6,2. 2ტიმ.2,12. გამოცხ.6,1.

5 სხვა მკვდრები კი არ გაცოცხლდნენ, ვიდრე არ შესრულდა ათასი წელი. ეს არის პირველი აღდგომა.

6 ნეტარი და წმიდაა ის, ვისაც აქვს წილი პირველ აღდგომაში. მასზე ხელმწიფება არ აქვს მეორე სიკვდილს, არამედ ისინი იქნებიან მღვდლები ღვთისა და ქრისტესი და იმეფებენ მასთან ერთად ათას წელს.

ეს.61,6. გამოცხ.1,6;21,7.

სატანის გათავისუფლება

7 როცა ათასი წელი შესრულდება, გათავისუფლდება სატანა თავისი საპყრობილიდან

ეზეკ.38,2;39,1. გამოცხ.16,14.

8 და გამოვა დედამიწის ოთხივე კუთხეში, რათა შეაცდინოს ერები, გოგი და მაგოგი, შეკრიბოს ისინი საბრძოლველად, რომელთა რიცხვი ზღვის ქვიშასავითაა.

9 გამოვიდნენ დედამიწის სივრცეზე, გარს შემოერთყნენ წმიდათა ბანაკს და საყვარელ ქალაქს. ჩამოვიდა ცეცხლი ზეციდან და შთანთქა ისინი.

ეს.66,24. დან.7,11. გამოცხ.14,10;19,20.

10 ხოლო ეშმაკი, რომელმაც აცდუნა ისინი, ჩაგდებულ იქნა ცეცხლისა და გოგირდის ტბაში, სადაც მხეცი და ცრუწინა-სწარმეტყველი იმყოფებთან, და დაიტანჯებიან დღე და ღამე, უკუნითი უკუნიმადე.

პატარები და დიდები ღვანან დიდი თეთრი ტახტის წინაშე

11 ვიხილე დიდი თეთრი ტახტი და ზედ მჯდომარე, რომლის-სგანაც გარბოდა ცა და მიწა, და არ იპოვებოდა მათთვის ადგილი.

2პეტ.3,10.

12 ვიხილე მკვდრები, დიდები და პატარები, რომლებიც ტახტის წინ იდგნენ, და გადაშლილი იყო წიგნები. გადაშლილი იყო სხვა წიგნიც, რომელიც სიცოცხლის წიგნია, და განკითხულ იქნენ მკვდრები წიგნებში ნაწერიდან, მათი საქმეებისამებრ.

გამოცხ.2,23;3,5;13,8;21,27.

13 მისცა ზღვამ მასში მყოფი მკვდრები და თითოეული განკითხულ იქნა თავისი საქმეებისამებრ.

14 სიკვდილი და ჯოჯოხეთი ჩაყრილ იქნენ ცეცხლის ტბაში. ეს არის მეორე სიკვდილი, ცეცხლის ტბა.

15 ვინც არ იყო ჩაწერილი სიცოცხლის წიგნში, ცეცხლის ტბაში იქნა ჩაგდებული.

1კორ.15,26. გამოცხ.2,11.

თ ა ვ ი 21

ვიხილე ახალი ცა და ახალი მიწა

1 ვიხილე ახალი ცა და ახალი მიწა, ვინაიდან პირველი ცა და პირველი მიწა გარდახდა, და ზღვა აღარ იყო.

ეს.65,17. 2პეტ.3,13.

2 ვიხილე წმიდა ქალაქი ახალი იერუსალიმი, რომელიც ღვთისაგან ეშვებოდა ციდან გამზადებული, როგორც თავისი ქმრისათვის მორთული სასძლო.

ეს.52,1;54,5. 2კორ.11,2. გალ.4,26. ებრ.12,22. გამოცხ.3,12.

3 გავიგონე ტახტიდან დიდი ხმა, რომელიც ამბობდა: „აჰა, კარავი ღვთისა კაცთა შორის! და ის დამკვიდრდება მათ შორის, ისინი იქნებიან მისი ერი და თვით ღმერთი იქნება მათთან.

ლევ.26,12. ეზეკ.43,7.

4 მოსწმედს ყველა ცრემლს მათი თვალებიდან და აღარ იქნება სიკვდილი. გლოვა, გოდება და ტკივილიც აღარ იქნება, რადგან წინანდელნი გარდახდნენ“.

ეს.25,8;35,10. გამოცხ.7,17.

5 თქვა ტახტზე მჯდომარემ: „აჰა, ვქმნი ყოველივეს ახალს“. და მითხრა მე: „დაწერე, რადგან ეს სიტყვები სარწმუნო და ჭეშმარიტია“.

ეს.43,18-19. 2კორ.5,17.

6 მითხრა: „აღსრულდა! მე ვარ ანი და ჰაე, დასაბამი და დასასრული. მე მივცემ მწყურვალს უსასყიდლოდ სიცოცხლის წყლის წყაროდან.

გამოცხ.1,8.10;22,13.

7 გამარჯვებული დაიმკვიდრებს ამას, მე მისთვის ღმერთი ვიქნები და ის ჩემთვის – ძე.

ებრ.8,10.

8 ხოლო მხდალთა და ურწმუნოთა, შებილწულთა და მკვლელთა, მეძავთა და გრძნეულთა, კერპთაყვანისმცემელთა და ყველა ცრუთა ხვედრი ტბაშია, რომელიც იწვის ცეცხლითა და გოგირდით, რომელიც მეორე სიკვდილია“.

1კორ.6,9. გალ.5,19-20.

ახალი იერუსალიმი, მისი კარიბჭე, გალავანი და სასანთლე

9 მოვიდა ერთი იმ შვიდ ანგელოზთაგანი, რომელთაც შვიდი უკანასკნელი წყლულებით სავსე შვიდი თასი ჰქონდათ, და მითხრა: „მოდი და გიჩვენებ სასძლოს, კრავის ცოლს“.

გამოცხ.15,1;19,7.

10 წამიყვანა სულით დიდსა და მაღალ მთაზე. მიჩვენა წმიდა ქალაქი იერუსალიმი, რომელიც ციდან ეშვებოდა ღვთისაგან,

11 მქონე ღვთის დიდებისა. მისი შუქი მსგავსი იყო პატიოსანი თვლისა, როგორც იასპის ქვისა, ბროლივით გამჭვირვალესი.

12 მას ჰქონდა დიდი და მაღალი გალავანი, თორმეტი კარიბჭე და კარიბჭეებზე თორმეტი ანგელოზი, და ზედ ეწერა სახელები ისრაელიანთა თორმეტი ტომისა.

ეზეკ.48,31.

13 სამი კარიბჭე აღმოსავლეთიდან, სამი კარიბჭე – ჩრდილოეთიდან, სამი – სამხრეთიდან და სამი – დასავლეთიდან.

14 ქალაქის გალავანს ჰქონდა თორმეტი საძირკველი და მათზე იყო კრავის თორმეტი მოციქულის სახელები.

მათ.16,18. გალ.2,9. ეფეს.2,20.

15 ჩემთან მოლაპარაკეს საზომად ოქროს ლერწამი ჰქონდა ქალაქის, მისი კარიბჭეებისა და მისი გალავნის გადასაზომად.

ეზკ.40,3.

16 ქალაქი ოთხკუთხედად იყო მდებარე და მისი სიგრძე იგივე იყო, რაც სიგანე. გაზომა მან ქალაქი ლერწმით თორმეტი ათას სტადიონზე. მისი სიგრძე, სიგანე და სიმაღლე თანაბარი იყო.

17 გაზომა მისი გალავანი და გამოვიდა ას ორმოცდაოთხი წყრთა, კაცის საზომით, რომელიც ანგელოზისაა.

18 მისი გალავანი იასპით იყო ნაგები, ხოლო ქალაქი იყო წმიდა ოქრო, მსგავსი წმიდა მინისა.

19 ქალაქის გალავნის საძირკვლები მოპირკეთებული იყო ყოველნაირი ძვირფასი ქვებით. პირველი საძირკველი იყო იასპი, მეორე – საფირონი, მესამე – ქალკედონი, მეოთხე – ზურმუხტი,

გამოს.28,17. ეს.54,11.

20 მეხუთე – სარდონიქსი, მეექვსე – სარდიონი, მეშვიდე – ქრიზოლითი, მერვე – ბივრილი, მეცხრე – ტოპაზი, მეათე – ქრისოპრასი, მეთერთმეტე – იაკინთი, მეთორმეტე – ამეთვისტო.

21 თორმეტი კარიბჭე თორმეტი მარგალიტი იყო. ყოველი კარიბჭე თითო მარგალიტი, ხოლო ქალაქის ქუჩა სუფთა ოქრო იყო, როგორც გამჭვირვალე მინა.

22 ტაძარი კი ვერ ვიხილე მასში, რადგან მისი ტაძარი ყოვლისმპყრობელი უფალი ღმერთია და კრავი.

23 ქალაქს არ სჭირდება არც მზე, არც მთვარე, გასანათლებლად, რადგან ღვთის დიდებამ გაანათა იგი და კრავია მისი სასანთლე.

ეს.60,19. გამოცხ.22,5.

24 ერები ივლიან მის ნათელზე, მიწიერი მეფეები მიიტანენ იქ თავიანთ დიდებასა და პატივს.

ეს.60,11.20. გამოცხ.22,5.

25 მისი კარიბჭენი ღღისით არ დაიკეტება, რადგან ღამე არ იქნება იქ.

ეს.60,3.5. გამოცხ.22,5.

26 მიიტანენ იქ ერების დიდებასა და პატივს.

27 ვერ შევა მასში ვერაფერი უწმიდური და ვერც ერთი სიბილწისა და სიცრუის ჩამდენი, არამედ მხოლოდ ისინი, ვინც კრავის სიცოცხლის წიგნში არიან ჩაწერილი. ეს.35,8. გამოცხ.20,12.

თ ა ვ ი 22

სიცოცხლის წყლის მდინარე

1 მიჩვენა სიცოცხლის წყლის მდინარე, ბროლივით ჭვირვალს, რომელიც ღვთისა და კრავის ტახტიდან მოედინებოდა.

ეზეკ.47,1. ზაქ.14,8. გამოცხ.4,6.

2 მისი ქუჩის შუაგულში, მდინარის გაღმა-გამოღმა, სიცოცხლის ხეა, რომელიც ისხამს თორმეტ ნაყოფს, ყოველ თვეში იძლევა თავის ნაყოფს. ხოლო ხის ფოთლები ხალხთა განსაკურნავადაა. ეზკ.47,12. გამოცხ.2,7.

3 დაწყევლილი არაფერი აღარ იქნება, ღვთისა და კრავის ტახტი იქნება მასში და მისი მსახურები მოემსახურებიან მას.

4 იხილავენ მის სახეს და მისი სახელი შუბლზე ეწერებათ.

მათ.5,8. 1იოან.3,2. 1კორ.13,12.

5 ღამე აღარ იქნება და აღარ დასჭირდებათ არც სასანთლის შუქი და არც მზის ნათელი, გინაიდან უფალი ღმერთი გაუნათებს მათ და იმეფებენ უკუნითი უკუნისამდე.

ეს.60,19. გამოცხ.21,23.

ეს სიტყვები სარწმუნო და ჭეშმარიტია

6 მითხრა მე: „ეს სიტყვები სარწმუნო და ჭეშმარიტია. და წინასწარმეტყველთა სულების უფალმა ღმერთმა მოავლინა თავისი ანგელოზი, რათა ეჩვენებინა თავის მსახურთათვის, რაც უნდა მოხდეს მალე. გამოცხ.1,1;19,9;21,5.

7 აჰა, მე მოვალ მალე. ნეტარია, ვინც დაიცავს ამ წიგნის წინასწარმეტყველების სიტყვებს“. გამოცხ.1,3;3,11.

8 მე, იოანემ, მოვისმინე და ვიხილე ეს. როცა მოვისმინე და ვიხილე, დავემხე იმ ანგელოზის ფერხთით, რომელმაც მაჩვენა ყოველივე ეს, რათა თაყვანი მეცა.

9 მითხრა: „ნუ იზამ ამას, გინაიდან მე თანამსახური ვარ შენი და შენი წინასწარმეტყველი ძმებისა და იმათი, ვინც იცავს ამ წიგნის სიტყვებს. ღმერთს ეცი თაყვანი“. გამოცხ.19,10.

აჰა, მოვალ მალე

10 მითხრა: „ნუ დაბეჭდავ ამ წიგნის წინასწარმეტყველების სიტყვებს, რადგან ახლოა უამი. გამოცხ.1,3.

11 უსამართლო კვლავ უსამართლობდეს და უწმიდური კვლავ უწმიდურობდეს, მართალი კვლავ მართლობდეს და წმიდა კვლავ წმიდობდეს. ეზკ.3,27. დან.12,10. 2ტიმ.3,13.

12 აჰა, მოვალ მალე და ჩემი საზღაური ჩემთან არის, რათა თითოეულს მისი საქმეებისაებრ მივუზღა. გამოცხ.20,12.

13 მე ვარ ანი და ჰაე, პირველი და უკანასკნელი, დასაბამი და დასასრული. გამოცხ.1,8.

საბოლოო გაფრთხილება და კურთხევა

14 ნეტარნი არიან, რომლებიც რეცხავენ თავიანთ სამოსელს, რომ ჰქონდეთ უფლება სიცოცხლის ხეზე და კარიბჭეთი შევიდნენ ქალაქში. გამოცხ.2,7.

15 მის მიღმა არიან ძაღლები და გრძნეულები, მეძავნი და კაცისმკვლელები, კერპთაყვანისმცემლები და ყოველი მოყვარული და ჩამდენი სიცრუისა. ეფეს.5,5. ფილ.3,2. გამოცხ.21,8.

16 მე, იესომ, მოვაგლინე ჩემი ანგელოზი, რათა დაგიმოწმოთ ეს ეკლესიებში. მე ვარ დავითის ფესვი და შთამომავალი, ცისკრის კაშკაშა ვარსკვლავი“. რიცხ.24,17. 2პეტ.1,19. რომ.15,12. გამოცხ.2,28.

17 სული და სასძლო ამბობენ: „მოდით!“ გამგონებამაც თქვას: „მოდით!“ მწყურვალნი მოვიდეს და მსურველმა უსასყიდლოდ აიღოს სიცოცხლის წყალი. ეს.55,1. იოან.7,37. გამოცხ.21,6.

18 მე გამოწმებ ყველასთვის, ვისაც ესმის ამ წიგნის წინასწარმეტყველების სიტყვები: თუ ვინმე რამეს დაუმატებს ამას, ღმერთი გაუმრავლებს მას ამ წიგნში ჩაწერილ წყლულებს. 2შჯ.4,2;12,32. იგ.30,6.

19 თუ ვინმე რამეს მოაკლებს ამ წინასწარმეტყველების წიგნის სიტყვებს, ღმერთი წაართმევს მას წილს სიცოცხლის ხიდან, წმიდა ქალაქიდან და იქიდან, რაც ამ წიგნშია ჩაწერილი.

20 ამის დამმოწმებელი ამბობს: „ჰე, მალე მოვალ!“ ამინ. ჰე, მოდით, უფალო იესო.

21 ჩვენი უფლის იესო ქრისტეს მადლი ყველა წმიდასთან. ამინ.